

四庫未收書輯刊編纂委員會編

四庫未收書輯刊

北京出版社

拾輯·貳拾伍冊

四庫未收書輯刊

四庫未收書輯刊編纂委員會編

北京出版社



拾輯·貳拾伍冊目錄

傳經堂詩鈔十二卷 [清] 韋謙恆撰

一

虛白齋存藁十四卷 [清] 吳壽昌撰

一二一

述職吟二卷公餘集十卷竹軒詩藁四卷 [清] 劉秉恬撰

三五九

荷塘詩集十六卷 [清] 張五典撰

五五九

〔清〕韋謙恒撰

傳經堂詩鈔十二卷

清乾隆刻本

傳經堂詩鈔

鈔已酉以往所作得古今體詩一千有奇凡十二卷蓋
余年已七十矣憶四歲時 先母教識字即日授唐詩
一兩首洎六歲就外傳以方受經弗暇也十一歲侍

先君子歸自泗州舟中無事適行笈有右丞集俾余讀
之乃稍知所謂詩者至十三四見諸執友分題刻燭余
亦間有吟咏謬邀許可然此中實無所得也稍長始博
觀漢魏以洎三唐并旁涉宋金元明諸大家覺胸臆間
有流露於不自知者故存詩自壬戌始伏念自少孤露
不得已餬口四方歌食歌事期於自適通籍後雖簪筆
從容宜得盡心於文字而軟塵僕僕求如曩時之低首

傳經堂詩鈔序

牖下含毫吮墨殊不易得及出而之海岱之濱之黔則
案牘填委川涂阻長凡有所作多在馬上枕上亦不復
能自收拾迨重入玉堂而白駒過隙鬢鬢幡然壯盛不
來吟興漸減唯己亥典試雲南重尋陳跡時越半年得
詩較夥丙午奉使入秦新作亦復無幾至徧叨館職書
局恩恩再領成均則以講習爲職輒復累月經旬不成
一句四十餘年蒼萃篇什離爲三十四卷聊紀歲時所
謂千金敝帚擁以自私真不堪一噓也新春稍暇徧檢
諸集鈔什之三四未知於古作者何如或不至以浮華
浪蕩翳竅蠅鳴見擯於大雅則幸矣乾隆庚戌正月

憲大夫國子監祭酒仍兼教習庶吉士木翁章謙恒書
於京師宣武門外之長生瓦研齋

傳經堂詩鈔序

傳經堂詩鈔卷一 壬戌至辛未

牛渚懷古

大江乘月泛涼月浸江心一曲高歌罷千秋知已深由
來重意氣此地復登臨袁虎風流在何人是賞音

雜詩

秋風一何勁萬卉忽以空零落固有時豈必在秋風巖
巖千仞山亭亭百尺松霜雪既已降顏色轉青蔥無此
歲寒姿節操安可同

傳經堂詩鈔卷一

一

涼月在高樹朔風入我帷整襟獨起立感時令心悲志

士苦日短發憤亦云遲乘時以努力古人猶可追良璧
或見點素衣乃為緇自立良獨難胡不蚤夜思以此審
所尚貞白相與期千秋萬歲名此身安所施

嗟彼桃李花春風逞纖穠紛紛開且落何況霜雪重人
生豈金石世事任磨礱所恃金石心獨立貫蒼穹浮雲
倏忽變浩然盪心胸

惡木不可息盜泉不可飲古昔聖賢人耿介毋乃甚詎
曰惡其名自處良已審近火畏炎炎近水生凜凜君子
慎所往庶幾存真品

王昭君

不恨丹青誤惟期報國恩邊塵如可靖妾命不須論月
送關中騎春歸塞上魂紅顏安社稷青史至今存

清涼山

清涼山上楓葉紅寒蟄夜鳴秋風清涼山下烟草綠
孤鷹年年沙際宿玉兒轉眼化塵埃金蓮誰更踏歌臺
祇餘天水如雲碧會染凌波舞袖來

對月

不見故鄉人唯見故鄉月何處子規聲聲啼不歇

送僕歸

杜鵑鳴空林淒淒愁人心春風苦相逼遊子淚滿襟去

傳經堂詩鈔卷一

年花黃後扁舟渡江走陶潛飢來驅乞食亦云偶今年
芳草肥滯滯猶未歸鷓鴣向南鳥時與心事違白衣與
蒼狗世事如翻手人生不得意胡爲別離久豈憚離別
難但恐親心酸鬢髮漸已白有子聊爲歡家貧無所有
天性頗耽酒愛子賦遠遊爲問開尊否堂上燕子來堂
下碧桃開遙知空庭裏獨立重徘徊念此肝腸拆自願
無羽翮藉爾寄一言莫憶遠行客

憶弟

葉落空階冷秋風入鬢絲不聞鴻鴈至虛誦存令詩年
少風塵怯家貧骨肉危寒衣應未製遙念五更時

寄朱道士用左司寄全椒山中道士韻

金壇朱道士逍遙洞天客縱意寫烟霞一水復一石采
藥入深林無由接晨夕山中松子墮往來唯鹿跡

清明敬展 先母孺人厝室

年年此地酌清尊隱痛繁冤恐細論受杖早憂無腕力
縫衣常念有鍼痕萱花何處堪重樹芳草無心又到門
有子不才空長大每思捧檄一招魂

出世菴訪施淡吟秀才不值

故人讀書處曲徑傍山開雨歇青生樹春深綠滿苔老
僧唯習靜野鳥亦無猜正欲參元理子雲期不來

傳經堂詩鈔卷一

金陵送七弟崑泉 震蒙 歸里

弟兄同作客送爾獨還家別淚千行下孤帆一片斜羊
腸悲世路虎尾寄生涯努力承先業休教負歲華

焦山僧貽翠雲草

雙峯頂上產小草重重碎蹙雲爛熳直疑天女翠翹墮
幻作人間烟霧鬢誰從焦巖遠相遺老僧清晨來叩關
龍蔥滿眼翠欲滴可憐託根生深山野性由來愛孤冷
位置宜在陰崖間我憐此草手自植堪與蘭茝同幽閒
莫使炎煇太相逼庶幾長保山中顏

聽琵琶

十五盈盈倚畫屏四絃輕撥酒杯停分明秋在龍香上
那許天涯客不聽

九日有懷諸兄弟時七弟在淮陰八弟在全椒
大二四兄九弟在家

白雲黃葉滿山村嬾去登臨自杜門佳節陟驚霜入鬢
鄉心偏覺鴈銷魂七人三地分千里九日雙螯對一尊
遙想故園殘夢裏也應含淚憶同根

過清流關

東南半壁勢全收奕奕雄關據上游五代烽烟餘故壘
一天風雨入殘秋亂山自向孤城遶野水還歸別澗流

傳經堂詩鈔卷一

四

忽憶醉翁呼不起獨攜尊酒倚高樓

題友人山莊圖

獨有田園樂從容話老農桃花經雨淡麥浪帶雲濃野
水橫孤艇斜陽度遠鐘倦源如可接荷笠便相從

昭關

古路崎嶇不可馳况當烟草織愁時一鞭斜指昭關道
下馬先尋伍相祠

昭關往事最堪悲仗劍孤征正此時亂石四圍殘照裏
幾人能不鬢如絲

聽琴

何處生秋聲冷冷在十指洞庭木葉下湘水幽人起始

知靜者妙此中有至理古音既微茫箏瑟塞滿耳安得
和且平物情盡如此舉頭看山月碧天淨於水

題華秋岳豆棚閒話圖秋岳名岳別字新羅山人錢塘高士也以畫名

與余交最善

棚陰招得十分涼野老論心話正長坐久不知殘照落
晚風吹出豆花香

登彈指閣作示聞長老謝太傅讀書處

古木斜陽外東山跡未沉松風應不改落葉一何深世
事空彈指誰人知此心幾時破塵網同證去來今

傳經堂詩鈔卷一

五

隋隄

十里繁華路笙歌動酒樓可憐隄上柳底事不勝秋

題江松泉秀才梅鶴詞卷松泉名昱字賓谷揚州人

南宋風流繼者誰松泉高與玉田追月生村路疎鐘動

畫出平山返櫂時幾村疎鐘月生村路口集中平山堂句也

出門

拂衣將出門稚子牽我衣牽衣良可憐使我車馬遲病
妻遽投杼慷慨前致詞鴻鵠舉千里鷓鴣巢一枝丈夫
志孤矢安能依故帷并曰我操作兒女我扶持努力事
行役毋為居者悲所憂在遠道人情日以非舉世好和

光君獨鄙詭隨嶽嶽懷其方將母與時違處世有工拙
聖人猶委蛇獨醒物所忌太剛易以虧百鍊化繞指願
君慎所之聞此重徘徊刺刺亦何爲男兒貴壁立千仞
以爲期稟氣既孤直飢寒固所宜赤手障狂瀾肯爲習
俗移登車不復顧去去天之涯

吳公臺

吳公臺上白雲堆大業曾經駐輦來瑩苑秋生荒徑草
雷塘春覆墓門苔歌殘玉樹真如夢曲度楊花事已灰
彈指陳隋盡塵土相逢底用更相猜

平山堂

不見六一翁寒梅自開落唯有江南山羅列猶如昨

送方柱川明經入都兼寄秦劔泉序堂兩孝廉

二首

人生如飛蓬飄泊無定所落落各西東風流別如雨相
逢無意間縱談忘爾汝世事升與沉卽此理可睹悲君
久顛顛金石出蓬戶知音寧無人造物難爲主浮雲變
衣狗榮華委塵土鷓鴣翔南海志豈在腐鼠所貴惟立
名飢寒非所苦慷慨發狂言頓足更起舞出當共馳驅
處當共千古

千古亦何爲聊以自怡悅狂言未及終聞君將遠發仗

劍向北征懷書獻

帝闕重茲棟梁材礪何故多節况當邳隆時

天子求賢切蛟龍不久藏奈何守其窟翹首望京華兩
秦氣超越去年登賢書今年復小蹶得失亦偶然詎肯
事干謁平生抱負奇與君堪比絮勸君酒一瓢送君歌
一闋行行天之涯蘭蕙任攬結故人如問訊此心抱冰
雪

揚州懷古

邗溝廟祀吳王夫差

歌舞吳宮事已休千秋猶祀古邗溝怪他夾岸栽楊柳
只占雷塘土一邱

隋隄

錦纜沿隄十里斜垂楊縷縷自栖鴉傷心一曲安公子
斷送蕪城好帝家

玉鈎斜

玉樹花纔送落暉玉鈎斜已喚春歸無人爲築鴛鴦冢
化作雙雙雙蝶飛

鷄臺

春蘭秋鞠不須哀一樣埋香付劫灰獨有依依江上柳
嫩黃如舊照鷄臺

木蘭院

壁上籠紗舊蹟存
王郎詩句不堪論
儒冠寒餓尋常事
肯受闍黎一飯恩

竹西亭

揚州歌吹路全迷
空說繁華舊竹西
賸有襄陽估人女
舵樓猶唱白銅鞮

題葯上人東軒

闔闔元不遠
茆屋結三間
野鳥自來去
孤雲任往還
此心真出世
何處不深山
莫怪陶彭澤
時時一啟關

題程上舍蕪湖懷古詩後

見說鳩茲一舸去
輕舵樓得句氣縱橫
靈風暮捲夫人廟
殘照秋連阿黑營
壁壘半荒餘畫角
江流如舊繞孤城
無端又觸羈人夢
不盡懷鄉望古情

訪葯上人不值

空庭堆落葉

新月接殘暉
何處尋詩好
鐘鳴尚未歸
追和亡友施淡吟
秀才池陽使院見懷作
秀才名長

春別字曼郎

故人江上幾行書
珍重三年錦不如
宿草漫悲螢照處
新詩空記雁傳餘
半生心力今仍在
終古交情死未踈

莫道九原呼不起
夢中猶復出同與

清明後三日集程泚江太史篠園得塘字

泉火初新後園林
日正長春熏花氣
暖風入草痕香酒
興緣啼鳥詩情在
夕陽未嫌歸去晚
明月滿山塘

小漪南修禊用蘭亭序集字

暢遊及禊日
觴詠信足娛
相坐引春風
寄懷在古初
竹所既幽靜
水亭亦清虛
昔賢若可作
斯樂將無殊

平山堂下作

平山堂下路
多少遊人去
春風著楊柳
依舊吹成絮
欲訪大雷官
烟寒不知處

懷程泚江太史客淮陰同黃北垞江蔗畦作

共有索居歎
偏余思更深
平生知己感
風雨故人心
古渡連芳草
高臺帶夕陰
月明聞笛夜
誰伴倚闌吟

六月十六夜自篠園放舟至平山堂聽徐生彈

琴

一棹隨明月
山堂已四更
人依松影靜
風逼露華清
秋思琴中得
詩情雲外生
殘星疎欲墮
遙聽曉鐘聲

新秋雨中集莎圃

好雨帶秋至
濃雲羈高柳
浙浙清風生
相逢如故友
園亭有餘涼
水木淨無垢
羣芳漸已歇
荷花紅獨守
愜此尋幽情
婆娑不知久
坐見晚烟籠
商意滿林廡

七月廿四日登彈指閣三首

追涼此地慣盤桓
彈指聲中月又殘
知道木樨風漸近
登樓先已怯秋寒

定慧會同勸上根
蒼茫何處更招魂
謂問長老文殊尙有傳

衣在謂卓上人便欲重參不二門

秋風幾日客中聞
早見蕭蕭落葉紛
獨有餘曠籠老樹

空庭猶帶六朝雲

城南秋望

疎雨洗林木
卽目皆可戀
出郭不數武
悠然與秋見
微雲翳碧空
山氣儻忽變
漠漠含輕烟
飛鳥意已倦
涼風

傳經堂詩鈔 卷一

十

生嘉禾穎粟良足羨
安得歸蓬蒿力耕守貧賤

行菴秋集

涼颼逼襟裾
秋光忽云暮
感時萃良朋
努力愛幽趣
境寂心益遠
長吟倚高樹
樹本六代餘
藤蘿相交互
羣屐已非昔
雲烟尙如故
緬懷謝東山
落葉滿庭布

古渡橋秋汎

簫聲何處入雲間
思在斜橋第幾彎
夜靜更無人喚渡
月明空照水潺湲

姑蘇

姑蘇城外烟草黃
金鷄亂捲生秋霜
欲問吳王歌舞處

可憐宮殿都茫茫
茫茫不見傾城色
鹿走烏棲空太息
豈知當日卧薪人
一樣成塵留不得
人生常懷百歲憂
爭城割地將何求
孰若生前且行樂
勸君莫唱梧宮秋

可中亭

生公開講堂
能令石亦悟
不知生公骨
今已歸何處
何如彼頑石
千載猶如故

橫塘曲

橫塘水冷冷
清光照人面
所恨隔一膜
妾心無由見
澣衣來橫塘
棄衣在道旁
含愁無可說
獨對兩鴛鴦
儂住橫塘西
郎住橫塘東
相看不相識
郎心可似儂

傳經堂詩鈔 卷一

十一

錢唐詠古

於越行成伍
相愁屬鏤終
墮秦吳謀
那知狡獪南陽宰
同作寒潮上下浮
三千犀弩鉅功存
販豎親沾賜
券恩未免被他羅
隱笑可憐低首事朱温
冷山萬里贖忠魂
歸後翻教死
竄奔麟閣曾標蘇
屬國不應仍說漢孤思
白鴈南飛感廢興
內人斜畔晚烟凝
摸金校尉來西域
千古傷心更六陵

西泠橋步月

寒烟一帶晚山遮湖上秋光夜更賒獨向西泠橋畔立
月明吹透是誰家

西湖雜咏

十里西湖映碧天秋風齊上缺瓜船欲尋廢殿無人識
牧馬隄邊拾斷鈿

倚杖閒行覓上方舊時歌舞盡荒涼偶從教伎樓頭過
一片蟬聲噪夕陽

家家畫舫趁新晴板拍紅牙最有情莫向尊前歌小海
人間此是斷腸聲

悞國平章委逝波半閒堂外更如何祇今衰草埋荒徑

傳經堂詩鈔 卷一

五

惟有秋風蟋蟀多

桐江夜泊

桐江清見底一櫂野雲殘橘柚紛秋色孤蘆起暮寒人
烟依水碓漁火落沙灘却憶披裘客生平足釣竿

滕王閣

巍然高閣枕江鄉帝子風流竟渺茫祇有翩躚雙蛺蝶
春來依舊覓滕王

西山南浦檻前收容我低吟鎮日留一事勝他韓吏部
當年曾未得登樓

徐孺子墓

南州高士此中居千載清風竟孰如太守猶能留卧榻

朝廷無術下徵車空懷古道曾磨鏡何處幽樓舊荷鋤

一東生芻君不媿臨風相弔獨秋歎

百花洲

只此一湖水令人骨亦清亭虛收野色橋古得詩情落
木空階滿輕烟薄暮生絕憐新月照漁艇澗邊橫

讀史

平原喜賓客客亦趨平原豈知僅豪舉相士乃徒然毛

遂不自贊鬱鬱居三年備員適楚國大呂在片言錄錄

十九人誰能按劍前博徒賣漿者伏處巖穴間信陵一

傳經堂詩鈔 卷一

五

留趙問步相與權遂趣救魏駕卒使威聲宣不識趙勝

客何如兩人賢葉公好畫龍真龍翻棄捐以此稱好士

虛名何足傳

猗頓起鹽鹽程鄭用冶鑄遂令侯王傾兼使仁義附丈

夫守一經何如千釀酷男兒家四壁何如千鈞布所以

貨殖傳嬉笑有餘怒我師漆園吏齊物理能悟連騎非

所希蓬累安足慮灑削與胃脯鼎食名亦污羸絀皆適

然肯爲郅濁誤

魏其既封侯勛名冠同列田蚡侍歡宴跪起如子姪一

朝賓氏哀賓客遽中絕武安日驕橫權與人主埒鐘鼓

前堂喧婦女後房溢遂請城南田公然以勢奪寶嬰有
故人酒酣氣益烈怒罵驚四筵睥睨空一切赫赫丞相
威竟爲仲孺折嗟彼市道交何堪與比絮

羸秦任刀筆明察見淵魚上既好捷給下亦相矯誣土
崩勢遂成既蹟誰能扶聖人惡利口至理良非迂奈何
漢文帝竟欲拜畜夫舉措一以乖四方乃爭趨亡可翹
足待何弗鑿前車釋之本貨郎從容竭區區誦說東陽
侯願敦長者愚訥訥是所尙喋喋何所需一言悟明主
守正無阿諛庶幾大臣風千古垂嘉謨

題畫牛

傳經堂詩鈔 卷一

十四

社公雨過春蕪綠聲聲牧笛穿林曲倍怙意態各幽閒
一齣一眠兼一浴誰人巧繪農家情似勸扶犁計早成
何時歸取牛經讀夕陽村落事春耕

南州除夕

又見辛盤次第陳韶華可惜老風塵燈花影裏難成夢
爆竹聲中獨愴神出郭縱呼明日權到家已是隔年人
聊將醪酌消離緒一任梅開報早春

豫章客舍寄白下故人

楊柳真多事青青到處生春歸秣陵樹愁滿豫章城文
酒人千里江湖馬一聲可憐今夜月偏是故鄉明

別滕王閣

詞客風流自昔聞開筵無復舊將軍張帆欲去仍回首
祇爲西山一片雲

彭蠡

彭蠡渺無際蒼茫一氣浮孤山峯突起九派水爭流雪
浪連吳楚烟波接斗牛垂綸空有志風急下扁舟

彭澤縣

朝發大孤山暮宿彭澤口青青山上松鬱鬱隄邊柳景
物尚依稀昔時人在否先生不羈才軒農胸次有所遇
非三代焉能事五斗歸來樂天命田園乃獨守千載揖

傳經堂詩鈔 卷一

十五

清輝空持一尊酒

荻港

荻港停孤櫂霏霏入暮寒不知春雪到猶作荻花看

魯明江夜泊

魯明江上春水生朝朝桴鼓無停聲我來艤舟日向晚
持杯獨坐空月明忽聽鄉音愁脉脉到家已近心彌迫
故園十里不能歸今宵猶是天涯客

抵家

棖觸鄉心日幾回今朝得見故園梅人隨鴻雁聲中返
舟自竈鼃窟裏來風雪漫嗟曾破浪鶯花且喜共銜杯

試看兒女牽衣舞那不燈前笑口開

養蠶詞

采桑復采桑朝朝過南陌曉風人面吹清露枝頭滴唯
恐飢我蠶妾行心更迫采葉盈頃筐歸來看蠶食我蠶
眠已起妾身猶未息蠶熟纈新絲寒杼燈前織積此終
歲勞幸得成匹帛執袴誰家兒綺羅不足惜一曲聽未
終纏頭錦千百

鮭魚

江南四月瓜蔓水銀鱗潑刺隨風起千絲細網橫江張
鮭魚恰上櫻桃市我愛嘉魚味獨殊烹鮮酌酒頻歡呼

傳經堂詩鈔

卷一

玉贈金齋何足數季鷹空說松江鱸忽憶炎天曾入貢
迢迢驛騎相飛送

先皇舉著念民勞

特詔署師停採供至今歌頌幾會忘草野猶餘淚數行
薦熟無由升

寢廟斫鱸登盤不敢嘗

采菱曲

一片波光見底清菱花七出晚風生江南女兒盪輕槳
人在新磨鏡裏行

菱葉參差弄早秋瓜皮艇子話新愁歡心願得深于水

莫似菱根水面浮

湖上風光倒好過蓮歌才罷又菱歌儂如蓮子心偏苦
即似紅菱刺太多

題畫

幾點青山遠近一灣流水橫斜何事却無漁艇月明隱
入蘆花

團扇歌

團扇當秋風與君忽斷絕莫向篋中藏復恐秋來熱

題畫梅

曾為寒香載酒瓢孤山烟月夢迢迢橫斜忽向生綃見

傳經堂詩鈔

卷一

又到西湖第六橋

太白樓

屈指開元日誰扶大雅輪先生揮手去千載失詩人寧
使蛟龍得羞教魑魅親吟魂差足慰山與謝公隣

望夫石

朝朝相望淚痕濕妾身化石嗟何及願郎化作飛來峯
與儂並向江頭立

寄徐孝廉位山先生

先生名文靖當塗人三十
年所著有竹書紀年統箋管城碩記兩戒山河
考禹貢證發等書雍正癸卯舉于鄉屢躋公車
年已八十餘矣

此日談經客先生尙典型

三朝頭已白八十眼猶青人列儒林傳天留處士星何時載尊酒一訪子雲亭

太白樓對月

月到三更後依然獨倚樓山光還似畫水氣忽成秋隣寺梵鐘歇遠灘漁火收却疑宮錦客此際或來遊

即事

翠螺峯頂高卧百慮到此俱無惟有松風入夢直將山月爲徒白雲自來自往黃鳥相對相呼便是人間仙境不知何處蓬壺

傳經堂詩鈔

賞詠亭

紛紛落葉滿江邊謝尙風流尙宛然明月有誰能詠史秋來無限運租船

登翠螺山頂三台閣

并序

閣在山巔僅三里許山徑陡而狹故屐齒罕到余來書院春雨夏暘願莫能遂七月六日稍有秋意從萬松中攀援而上登高俯視百仞一拳盡在目睫波濤上下曠息萬狀翠螺全勝竟爲我有爰作長歌以貽來者

翠螺高踞江之滸東南半壁爲門戶中流鼓櫂幾經過

仰望層巒若眉嫵停舟每願陟其巔無如觸境煩流連

犀然秋渚思温嶠月照高樓弔謫仙今年我來可講席晤對此山終日夕捫蘿直上何能遲呼童速蠟登山屐

山中忽見好風吹瑟瑟秋聲入我帷芒鞋竹杖從今始茗碗詩瓢相與隨蜿蜒直入萬松裏馬鬣龍鱗向人起

此時衆慮已全捐但聽松濤汨兩耳漸高漸覺路崎嶇延緣仄徑總榛蕪亂石如鈞復如戟措筇緩步難爲趨

徐行未及三里許忽見平岡足延芳始知身已在峯尖高閣巍然更無侶道士邀余閣上看俯臨下界青巒岫

傳經堂詩鈔

九

斗削巉巖森萬狀對茲亦覺難爭雄偃僂羣峯詎敢抗

迴頭却望姑孰溪東來一片秋雲低青山日射峯偏出白紵烟籠路不迷獨有厯陽隔水面隱隱浮屠猶可見

估航絡繹翦江行微波不與銷素練颯颯耳後生飄風怒濤突出鯨鼉宮山光雲影不能辨蒼茫一氣浮長空

滿江帆影疑張翼奔騰出沒浪花黑安得人問此壯觀萬里長風入霄臆平生肺腑無塵囂山程水驛任逍遙

每逢巖壑縱幽賞置身直欲凌雲霄况此峯頭素心在

恣如調飢幾十載譬借幽客定神交忽然得之歡自倍

裹糧便欲小勾留洗盡茫茫萬古愁天外更呼李十二

御杯與爾聽江流

傳經堂詩鈔 卷一

干

傳經堂詩鈔卷一終

傳經堂詩鈔卷一 壬申至乙亥夏

蕪湖韋謙恒慎旃

歷陽絕句

司業風流不可親元和詩格想斯人春來祇有桃花塢
依舊紅霞覆綠津

寄周學博

勿謂校官冷所志非温飽勿謂校官卑所重在吾道吾
道本聖賢明德以爲寶文章乃緒餘寧計醜與好豈知
關心聲柰何廢探討太元好難深晚節不自保六代獵
浮華末俗趨儂巧人心既如斯氣運亦可曉方今文教
隆邇邇多皎皎一二爭新奇流弊或未矯先正明且清
胡爲弗遠紹唯賴秉道人無使狂瀾倒

傳經堂詩鈔 卷一

五日太白祠

此地非湘水先生是屈原江干逢五日杯酒一招魂詩
與離騷接心同漁父論祠前休競渡愁聽楚歌喧

題史梧岡郡博畫竹三首

避暑真無地何來竹數竿山中秋忽至颯颯晚風寒
淺碧似垂曲徑濃陰疑拂虛堂引起一簾幽夢月明直
到瀟湘

幾箇遙從冷暑分閉門先已却塵氛向來莫怪心情俗

半載何曾見此君

題三元洞妙遠閣

何年孽石洞絕壁構危樓龍象空中現鯨鼈足底浮開
總延落日倚檻送歸舟小憩渾忘暑風生五月秋

蕭尺木畫壁歌

壁在太白樓下靈泰寺華嶽峩眉匡廬四山皆謫仙生平所遊

愿漁洋山人說華爲衡蓋鍾曠園雜志之誤也

平生愛山水思爲五嶽遊無如向平之願不得了兀坐
一室徒啁啾邇來挂席向采石攝衣直登太白樓太白
樓下何所有但見丹崖翠嶂空中浮頓使白晝雲烟生
滿屋對此恐有長蛟出沒哀猿愁近看却是壁上畫老

傳經堂詩鈔 卷二

筆幻出人間秋日觀縹緲插天際秦松漢柏紛龍蚪玉
女洗頭盆宛在巨靈仙掌痕猶留匡廬奇秀甲天下石
門瀑布爭飛流大峨小峨兩山峙積雪倒映瞿唐舟麻
皮斧劈破法異荆鬪巨手誰能儔謫仙平生拄杖處一
一都向四壁收錦袍烏帽騎鯨客夜深放悲來吟謳若
非畫師腕底有邱壑青山白紵安足供優游我來坐臥
已一載宵襟披豁開雙眸東西二嶽在懷袖暮登香爐
朝眉州譬如列子御風去一日能使萬里周嗚呼人生
遊踪不能徧江海也須向此棲息數寒暑聊以消胷中
之煩憂

觀音閣納涼

愛此一林月鐘殘到上方松杉饒古意蒼荀得清香地
迴心無暑雲深夢亦涼始知物外妙便欲事空王

夜坐

夜坐寂無語微聞絡緯鳴山中猶六月何事已秋聲

月下讀書示二三子

年來二毛生兩眼漸昏眩月下披殘編焉馬幾莫判迴
思十年前燈殘意未倦把卷當蟾蜍蠅頭字可見奈何
久行役精銷形亦變流光無停車轉瞬去如箭所以古
志士日夕不遑宴願亟乘餘明努力事書卷後生其鑒

傳經堂詩鈔 卷二

余慎勿恃婉變

秋夜

羣動忽然息涼風吹樹顛秋懷生永夜吟思入遙天看
月頻移坐聽松竟失眠人間清曠所此妙共誰傳

故鄉雜詠 并序

余自幼隨冷宦依依首菑之盤長踏芳洲采采蕙
蘭之草以故半生踪跡多在他邦遂令十畝田園
翻成傳舍雖燕歸堂上或爲累月淹留而鶯老花
間未得三年久住偶因秋氣倍觸鄉心憶往日之
登臨山川宛在想曩時之觴詠烟景寧非爰成小

律以抒懷用託五言而寄意

赤鑄山

千將鑄劍處山氣尙氤氳
峯堵凌霄見蒲牢帶月聞
搗筇曾極目看盡楚天雲

范蘿山

出郊頻載酒多在范蘿陰
帆影夕陽淡人烟秋樹深
無窮詩思在月上更幽尋

蠓磯

靈祠依片石不盡水迢迢
環珮聲何在魚龍氣獨驕
憶從風雨夜一枕聽寒潮

傳經堂詩鈔卷二

四

滴翠軒

浩翁不可見猶有讀書堂
碧樹留餘蔭蒼苔得古香
徘徊每終日山翠濕衣裳

出世菴

蒲菴剛十笏鐘磬有清音
忽到無人境真生出世心
舊時幽夢在殘臘記微吟

辛酉除日同亡友施淡吟文學于此賦詩

崇仙院

探梅何處好第一是崇仙
深院銷殘雪寒香暮晚烟
不知湖水畔誰醉早春天

宜園

湖上堪吟眺宜園景最寬
山爲屏障列人作畫圖看
記得春愁滿風前一倚闌

吸川閣

最憶嬉春日前村覓酒家
雲開孤閣出風濤一帘斜
好景憑誰畫妖嬈有杏花

虞雍公祠

南宋遺祠荻葦秋稿師曾
此扼咽喉奇勳竟使書生
立遠略難從肉食謀祖逖
有心扶帝室晉元無詔復
神州祇今采石磯邊水一
片濤聲恨未休

歸里

傳經堂詩鈔卷二

五

嗟我乃旅人東西事行役
經年不遑歸鄉心日夜積
幸得解轡銜重遊舊井陌
弟兄共存問執手訊踪跡
瑣語豈厭詳煩憂忽已釋
始知天倫樂千金未能易
憶昔趨庭闈長枕夢酣適
奈何喬木凋治生竟無策
飢驅向四方飄零詎足惜
所悲同氣人形骸每相隔
行者誠勞勞居者亦脉脉
安得二頃田兼之五畝宅
出入長與借耕讀任所擇

長門曲

月華偏爲照長門舊日霓
裳盡淚痕不惜朱顏漸
憔悴可憐無路報君恩

識舟亭晚眺

危亭突兀枕寒流，鄉國登臨落木秋。城郭參差烟樹接，江山平遠畫欄收。一聲風笛聞新曲，幾處霜砧起暮愁。翻憶頻年作遊子，有人長此盼歸舟。

靈澤夫人祠二首

東吳霸業竟全荒，贏得紅顏有瓣香。歸妹當年真下策，寒潮終古恨周郎。

永安宮闕草萋萋，蜀道魂歸路已迷。最是春風聽不得，年年猶有杜鵑啼。

春日同人徧遊翠螺諸名勝至觀音閣分得萍

傳經堂詩鈔

卷二

六

字

翠螺山色向人青，到處松風倚杖聽。苔蘚三春埋故壘，波濤終古撼空亭。襟懷畧似沙邊鳥，踪跡真如水上萍。最愛已公茅屋下一竿斜日透疎櫺。

絕句

長晝卧空山，興來時獸醉櫻桃。紅漸稀，猶有幽禽至。

述懷四首

殃慶唯所名坤輿，本無權咄哉青烏子。形勝生拘牽覆舟，與運繳紛紛胡為傳。靈鐘應銅山，此喻恐不然。高堂厭塵世，全歸已有年。忍以先人軀，邀福求牛眠。所苦在

貧乏買山無其錢，何時卜兆域躬耕依墓田。私願不能遂，煩憂中心煎。臯魚有餘恨，此恨尤絲絲。

我聞桓山鳥，啾啾相與依。一旦羽翼成，四海將分飛。哀鳴不能已，聽者皆歔歔。以彼無知物，尚悲生別離。而我得靈秀，忍與骨肉違。蓼蟲心獨苦，相知復為誰。嗟余方舞象，萱花儻以萎。彈指剛十年，更遭風木悲。焚爇日在疚，同氣相肩隨。既無田可耕，辟穀何能為。駕言遠遊遨，聊取八口資。年來竭心力，門戶空支持。婚嫁為弟妹，兩鬢新霜垂。詎云篤手足，唯恐乖天彝。異鄉各龜勉，欣聚當有時。聖經著明訓，雍睦家之肥。

傳經堂詩鈔

卷二

七

吾家雖世宦，皆以廉潔聞。至今鄉里間，往往稱清芬。坐此守貧賤，一介猶斤斤。唯恐稍失足，遂至先德泯。頻年入講席，觚翰為耕耘。當路謬折節，車馬來紛紜。胡為寡識者，暮夜通殷勤。平生恥私謁，閉關辭故人。明珠豈不好，苟得非所欣。

春風拂庭戶，草木皆欣榮。景物良亦佳，感時獨心驚。回首憶曩昔，意氣何崢嶸。碌碌復碌碌，坐令節序更。少壯不再得，安能崇令名。惟有望來者，庶幾振家聲。有兒當齡，訖炯炯雙青睛。讀書僅三載，知識畧已萌。推尊非所慮，驕情恐易生。譬彼璠璣珉，不雕胡能成。何當早還鄉。

遂此傳經情

江上

江上逢初夏炎氣已隨忽然襟抱冷高詠左司詩

秋夜對月

涼風生秋樹清露沾衣襟僧樓鐘已歇倚檻猶高吟

天看山月何人知此心

喜金棕亭孝廉至

屏跡遠關闔譚經依高岑日夕手一卷危坐獨整襟生

徒豈不樂無如少規箴中夜睠良友暮雲深復深空谷

忽茫然歡笑何能禁執手無別語索我山中吟疑義析

傳經堂詩鈔 卷二

八

微渺相期追古音吾儕非道義胡為稱同心故人心乃

爾直諒誠所欽我有一尊酒與君共酌斟皎皎明月影

鬱鬱夏木陰涼風生衣袂悠然彈素琴此中有詩意可

以供幽尋

久雨

漲已添三尺傾盆竟不休山風張雨勢湖水奪江流橋

斷舟相接村深浪欲浮憑誰呼日馭一起救田疇

讀史

兄弟翩翩武帝兒傷心終古是陳思如何八斗才名擅

殿上徒吟七步詩

三台閣卽事二首

蠟屐來峯頂丹房正下簾樓閣花滿地虛橋實並檐劫

火留殘燭閣會殿于火石理為烟雲人素練壁懸蕭尺木畫凭

關動詩思埕影露雙尖

斜陽會極日蘸筆趁微醺山古仍秋氣天空忽夏雲帆

檣烟際出樓閣樹中分清夢誰能共松風祇獨聞

古柏行

翠螺山上古柏多長風颯颯生巖阿太白樓前更奇絕

不知幾經冒霜雪千尋獨立參青霄森森可憐含孤標

紅羊灰劫闕今古青銅顏色尙如許我愛此樹來高吟

傳經堂詩鈔 卷二

九

六月寒氣何陰森淒淒不覺忘日夕豈為茯苓與琥珀

會聞大木靈氣鍾安能空老深山中輪囷古幹不易得

此材奈何終默默作詩聊語般與輸采為宮殿梁何如

次答吳杉亭舍人過翠螺見訪

官橋折柳思茫茫何意重攜畫省郎一榻松聲醒午夢

半江帆影落斜陽登樓把酒神俱王對月哦詩骨亦涼

但使故人能握手未妨長寄水雲鄉

登姑孰城樓

丹陽城接大江流雉堞猶餘六代秋白紵歌隨元子去

青山名爲謝公留樓臺迤邐輕烟合吳楚微茫落照浮

最喜女牆吟眺處鳴榔聲動見漁舟

山行絕句

重重山樹染霜紅小李將軍著色同却笑指頰貪覓句
渾忘身在畫屏中

對雪

一夜松風謾吹曉來忽見雪霏微叩門有吏驚猶卧
問字何人尙未歸已約梅花同耐冷更邀鷗鳥共忘機
苦吟莫憶年時事彈指梁園跡已非

書懷

頻年踪跡滯風塵且傍閒鷗息此身壯志肯從泉石老

傳經堂詩鈔卷二

十一

疎懷合共水雲親浸兼難助真無味猶恐猪肝或累人
閉戶著書差不負茫茫底用計亨屯

題司馬相如長門賦後

一入長門萬里深能將詞賦感君心可憐千古凌雲氣
只博文君取酒金

漂母祠二首

靈祠落日薦清尊千古難忘一飯恩太息南昌亭長媿
當年應悔失王孫

千金猶見古人風施者雖忘報已豐却問誰人釋壯士
九原能不負滕公

淮安夜泊懷周白民明經

蕭蕭城中雲湯湯城外水雲水兩相涵幽人阻尺咫夜
靜羣動息灑然絕塵滓安得素心偕與之談妙理

嶧山

落日散平野孤峯分外明秦碑何處覓唯有白雲橫

陳思王墓下作

細草蕭蕭古墓春君王詞賦未成塵靈均哀怨無人識
只道微波感洛神

留侯祠

留侯狀貌如女子報讐乃欲為韓死崎嶇獨求倉海君

傳經堂詩鈔卷二

十二

三百家僮如脫躡奮身一擊博浪沙大索不得偶然耳
卒出奇計除嬴秦助名直與蕭韓比遂從赤松棄人間
功成拂衣可去矣祇今祠宇猶巍巍穀城黃石共終始
男兒不負故主恩成固欣然敗非恥不見橋邊吞炭人
拔劍擊衣重青史

趙北口

泠泠淀尾水燕趙此中分終古餘垂柳長隄帶夕曛市
烟迎馬見漁唱隔橋聞風景江南似迷漫暮片雲

獻縣

縣真如斗大猶爲獻王名劫火遺經在寒烟古墓平樓

鴉生暝色歸鴈帶秋聲只有滹沱水年年抱故城

送蕭孝廉歸楚二首

酒鱗相對落花天類士才名正綺年三月羈愁濃似水
春潮又送孝廉船

陶陶真樂在庭除粉署蘭臺或不如飲水幾時歸建業
妬他先食武昌魚

雜憶四首

菽水歡殘又十春遺書幾卷澤猶新年華鼎鼎成逋客
天地茫茫一鮮民羞說鳳毛空落魄每思馬鬣倍傷神
他鄉寒食忽忽過濁酒難澆淚滿巾

傳經堂詩鈔

卷二

七

荆樹花開滿地垂同株何事隔天涯生當有道偏貧賤
歸豈無家竟別離風雨夢憐池草合稻梁心祇塞鴻知
近來第一關心甚弱弟無裳歎在淇時九弟向未娶

一鈞新月影纖纖遙憶深閨正下簾魚素恰從天外寄
刀環虛向夢中占漸拋書史因兒女內子書至云久不展卷矣盡典
釵帚為米鹽蔗境倒餐真注汝半生辛苦幾時甜

中年身世易秋歎賴有佳兒足慰予千里湖山行役久
一庭燈火義方疎塗鴉且學官奴帖刻鵠應思馬援書
時命受經于九弟寄語乘時須努力阿翁堪取作前車

潞河城樓送江孝廉南歸

君家西子湖湖光如澹粧中有冷泉冷一飲心骨涼胡
為踏軟紅入此熏灼場變無欲清人內熱不可當素衣

有化緇飄然治歸裝庶幾抱本性吾生聊相羊我本非

熱客栖栖謀稻梁冰雪雖未改塵埃避無方安得脫羈

縶天宇隨翎翔送君城上樓白水何茫茫糧艘東南來

雁齒排牙橋越此挂帆去離別非所傷他時定買權放

鶴來君鄉

同丁編修李進士王孝廉坐月用東坡定惠院

寓居月夜偶出韻

棗花滿院飄清香涼月娟娟孤夜今雨舊雨翩然來

傳經堂詩鈔

卷二

七

脫帽露頂在花下千頃烟波迎面生九天珠玉向懷瀉

石邊蒼蘚殊爛熳牆畔紫藤正低亞風光如此不作達

良宵更從何處借歎我年時太鹿鹿川涂坐使韶華謝

結交空欲攀雲霞對客豈知問田舍只有浮名似畫餅

曾無佳境同食蔗異越王孫劇可憎假威狐魅良堪怕

何如相與文字飲高歌一任羣兒碼

戊午春與虞錦亭吏部遊靈巖穹窿鄗尉諸山

比於都門話及舊遊宛如昨日彈指已十有七

年矣燈下作詩三十四韻

平生重意氣傾蓋金可斷况復故心人詎以車笠判酒

冷歡未竭燭跋語豈調離縷溯昔遊歷歷僅昏且憶初
識虞卿小子方弱冠論文獨心許綢繆每日盱山水有
夙緣登臨情汗漫並坐鴨背船直指吳宮畔靈巖如美
人烟雲作帷帳朝來倍明媚嚙嚙盡雅樂歌舞塵雖空
綺羅香未散洞口流清泉微噤不忍盟明發移小艇冒
雨陟高岸林宗巾已墊阮孚屐屢換遂造穹窿顛飄然
在霄漢太湖水茫茫波濤喧几案迴首姑蘇城隱隱大
於彈更聞仙靈窟鄱尉冰乍泮石徑縱盤紆竹杖詎慵
悞春風吹四野寒香開已半疎影橫前谿繁枝插遠厂
拈花得妙理微笑不能贊雲深見僧歸日斜聞鳥喚管
遊武陵源來路已迷亂是夕賴有月到林忽得舟在泚
佳境入肺腑儼若圖可按轉瞬十七年相顧各悽惋君
蚤騰天衢立朝能侃侃而我尙伏櫪兼之受羈絆青春
去堂堂安足供把玩無如烟霞癖興來時獨粲相隨在
帝鄉雲龍倘爲伴西山正奇絕拄笏便同看何必懷吳
山臨鵬更興歎

傳經堂詩鈔 卷二

去年冬郭奉墀侍講卒于道欲作詩弔之輒鳴
咽不成聲頃客潞河與雙彭兩侍郎共話亦有
逝者之歎爰成斷句八章雖墓草將宿而淚泫
泫不能止也

驪歌猶記趵斜暉一食飛魚竟不歸縱道甯封聊暫死
再來人事已全非
旅櫬迢迢返故鄉人間轉眼卽滄桑西州門外歌華屋
不獨羊曇爲斷腸
赤子依依戀墓門哀猿聲斷欲黃昏祇今翁仲埋秋草
尙有臯魚舊淚痕將北行于其先人墓處泣數日
馬援家風差足比教兄子鄂攸天道更難論九原知不
憂身後詩卷還堪作子孫
白首青山句苦吟鸞膠那肯負初心傷神奉倩應無憾
此日同歸到故林青山定有同歸日白首難忘後死期其悼亡句也
廿載西清侍從臣朝衫猶有
帝京塵譚經嶽嶽真儒者不信前身是化人未卒先三
夢一屬事上坐如王者狀侍講衣朝衫來滿尋易僧衣躡空去
桑下元無三宿戀山中舊有百年盟刻舟求劍非癡絕
知已茫茫感易生
聲華奕奕在詞場說到風流盡惋傷有道裨真無規色
莫將諛墓訝中郎
種竹次有亭先生韻
秋至生涼廳庭砌收殘葍几卉忽已空菀枯胡太促簪
與君子聯勁節誰爲最森森何處來空翠竟吾屬寧辭

傳經堂詩鈔 卷二

荷鋤勞幸免無竹俗清泉灌其根生意良可贖從此白石關頓添筍如玉千畝富何爲兩叢趣已足披拂虛亭間微雲映新綠吟罷夢亦幽迢迢湘江曲

秋曉

蕭疎林圃占清秋曉月初沉露未收却訝紅閨貪睡美短籬花態負牽牛

種竹後連得雷雨生意勃然喜而有作

寒光煜煜飛金地阿香睡醒推輕車白雨跳珠亂入戶籜龍坼地爭抽芽此君孤直處空谷結交青松奴羣葩誰爲驅之至關關頽頽獨立蘼塵沙幽人相見忽相賞

傳經堂詩鈔 卷二

三薰三沐移來家朝朝抱甕勤灌溉枝葉未茂頻咨嗟天公憐爾久沉鬱欲催高節凌烟霞故挹銀河相傾注使之滋潤生光華結實行看集鸞鳳蓬山浮筠安足誇物理榮悴固乃爾待時既至誰能遮

懷翠螺書院諸弟子

十丈塵中寄此身靈犀差喜不沾塵跡如鴈行來燕市心似廉頗憶趙人高詠尙疑聞月夜秋懷先已落江濱應知載酒元關外也爲離羣悵望頻

送人之紹興

楊柳蕭蕭不忍攀片帆催爾去江關郵籤細數真佳絕

卧看吳山又越山

湖南暮北風初試高士遺蹤問若耶一抹青山斜照裏烟寒何處謝敷家

三河驛題壁

土銜殘燈在蝸廬膝可容故園初到枕違寺又聞鐘霜重明荒驛烟寒入亂峯勞薪吾已慣酷酒一開胃

剡州

北平城外月痕新聞道將軍射入神亂石祇今如虎踞短衣夜獵更何人

別山晚行

傳經堂詩鈔 卷二

策馬問前路蕭蕭入翠微風燈殘驛館霜月冷征衣野犬當村吠棲鷄見客飛勞勞思息駕聊此叩禪扉

戲詠椰木牙杖

一點迷藏入左車楊枝解與爲搜除憑將牙後遺芬拾要使願中宿物虛觸手慣尋殘缺處攢眉因識動搖初東方老去應相賴編只偏宜割肉餘

懷江蔗畦通判長沙二首

醴陵別後酒懷孤聞道湘江正佩符三十六灣秋水碧不知清似使君無

爾汝交情記昔時印牀收處定相思平生不欲當人惠

片紙惟求嶽麓碑

看奕

一局圍碁日已殘紛紛得失總無端
笑僕太不關情甚袖手唯從壁上觀

夏日靜坐

夏木日以茂蔭此讀書盛好風時一吹
習習生衣裾寂坐聞槐香鼻觀何清虛
偃仰任所適天地皆有餘靜中得真趣
何時非古初睽彼勞勞客日暮無停車

潞陽五日

一杯蒲酒竟陶然竹簟涼風許晝眠
鄉夢已歸千里外

傳經堂詩鈔

卷二

六

水嬉空憶十年前靈符只乞安心法
慧劍唯參自在禪最是晚來幽趣足
古槐疎柳聽新蟬

次姚念慈徵君韻論詩

醉後論詩興若何一杯新茗試松蘿
任推綺麗齊梁好終愛光芒李杜多
壁壘如山真上將肌膚似雪即仙娥
廿年悔託雕蟲技落筆無由脫日窠

謁文信國祠二首

終古猶存鐵石肝孤臣謀國太艱難
手提一旅思興夏家散千金爲報韓
破碎山河留碧血荆榛天地獨黃冠
朝周玉馬吳興老應到祠邊忍淚看

許國何曾更有身雪霜歷盡後凋真
浙潮早識天心去燕市終將正氣伸
俎豆祇今成風志公少入鄉先生祠
見皆謫忠節欣然
日沒不俎豆其間非夫也科名一代得斯人公對策第一試官謂其
忠肝如鐵石以得人賞
冬青樹下忠魂在賜斷年年杜宇春

傳經堂詩鈔

卷二

十九

傳經堂詩鈔卷二終

傳經堂詩鈔卷三 乙亥秋至丁丑八月

蕪湖韋謙恒旗旆

出都

京國馳驅忽二年滯淫今始著歸鞭馬嘶冀北當秋後
雁到江南在客先日落喚船村渡口月明吹笛戍樓邊
從今換却懷鄉夢回首燕山一點然

南皮道中

秋氣蕭蕭入敗荷南皮指點在煙蘿荒臺不見中郎將
古渡猶傳太史河紫蠟白蝦鄉味似綠瓜朱李晚涼多
一杯恰盡滄州酒何處鐘聲到碧波

傳經堂詩鈔卷三

德州

平原嶺下水瀟瀟城外人家半酒旗秋雨挂帆當晚渡
春寒騎馬憶前期煙籠東海名王墓蘇羅國王於承樂
時入貢歸次德州
禮葬之草歿西京故相祠不用臨風太惆悵雲山過眼
即迷離

故城舟中對月

滹沱一片水袞袞接荒城澤國秋先冷孤舟月更明微
聞木葉下漸覺晚潮生把酒忽長嘯誰知此際情

雙閣

我家臨大江風濤詎所怯連蟻賦遠游輕舸每利涉何

處無鼉鼉茂視等鴟鳴去年渡黃河百里剛一雲振柁

溯逆流屹然見雙閣是時月河閉眾流若赴峽奔騰十

丈高邪許百夫脅牽纜不得行閘口恣呀呷篙師力已

疲陽侯氣未乏掀蕩觸閘門帆檣遽摧塌童僕爭號咷

天地為持挾虎尾象縱離羝藩占乃協今年復揚舲波

平逞一葉蘆葦生秋聲儼如泛若雲往事忽填膺痛定

心轉攝人非蛟龍疇胡與波瀾狎臨深經所訶聖言良

足法

渡黃河

濁浪排空下孤舟一放歌秋高逢白雁日落渡黃河煙

傳經堂詩鈔卷三

樹鄉關近風塵客思多京華重回首吾道太蹉跎

弔淮陰侯

躡足猜殊甚謀身道詎臧如何真國士願作假齊王主
以功高震弓因鳥盡藏相從赤松子高蹈獨張良

秦郵

帆細雨掠秦郵楓葉蘆花水國秋不識風流淮海逝
何人更解賦黃樓

覽社湖邊老蚌生龍圖學士氣縱橫卽今三十六陂水
猶有珠光徹夜明

題郭明經步岫圖

秋風吹我思菰蒲鳥篷七尺歸吾廬到家未及拂塵土
先覓故人來城隅故人訝我顏色悴爲我行役增長吁
急持斗酒相勞苦開篋更展陟蛄圖我見此圖淚如霰
十載踪跡浮江湖每向他鄉望先龍寒食麥飯澆曾無
羨君昔年愛負米堂上定省晨昏趨束皙能補筮詩缺
老萊唯與斑衣俱一朝風木縱哀毀平生菽水良歡娛
羊腸九折未經歷瞻望猶爾慎其軀而我小小失怙恃
伶仃遂遭飢來驅空憶當年錫名意先君字
余曰慎旃兢兢夙
夜行川涂此詩已並蓼我廢此圖安忍重觀摩從今願
守墓田側明發不寐懷區區

傳經堂詩鈔 卷三

過吳杉亭舍人新居讀和陶移居二章率爾次

韻

藹藹鍾山雲下有幽人宅我友此卜居逍遙永斯夕時
讀牀上書暫息塵中役庭樹含古意落葉紛几席洗心
游太初安知今與昔笑彼苦形人斯理殊未析
我來訪儔侶素壁見新詩把酒共歌嘯酣適忘所之夙
昔愛此土山川生遠思習隱雖有志結廬知何時倘許
對衡宇田園長在茲便當屏人事吾言良非欺

與秦澗泉修撰語舊

白下城邊繫短檣故人重此對吟瓢半簾晴雪圍爐坐

拾得松枝話六朝

山色都將積雪封煙寒何處覓遊踪十年舊事從頭說
一榻長干共暮鐘丁卯秋同澗泉西巖
葑根宿長干寺累日

煮石齋對雪用東坡聚星堂韻

天女娉娉瑤殘葉歷亂天花見初雪開門忽訝山色無
隔巷還疑故人絕聳肩獨坐披吟箋十指懸槌凍欲折
此時萬象皆空明何處纖塵更生滅茶竈好將活火煎
紙牕一任寒風掣獨憐斗米如珍珠况聞尺布勝羅纈
窮櫓未必無飢寒吾儕安能免騷屑松頂回旋忍細看
竹間飄灑怕重瞥獨絃哀歌孰爲聽舉杯痛飲復何說

傳經堂詩鈔 卷三

四

唯有殘燈伴僵卧布被稜稜冷如鐵

題俞青琅茂才畫牡丹

誰從斑管鬥繁華歲晚還開第一葩絕似燕臺風雪夜
地爐氈幕見唐花
曾訪名花載酒尊幾家池館變朝昏何如沒骨黃荃畫
直許相看到子孫

翠螺讀書圖 并序

余授經翠螺三歷寒暑每與二三學侶長吟雜誦
於松風江月間致足樂也去年北去殊爲惘然頃
屬青琅爲作此圖并題詩於左

翠螺山如蓋亭亭排青松大江作門戶白日紛蛟龍松
濤答江水鉉銘諸鐘鏞何年開講堂習禮諸生從我來
擁鼻比端坐慚迂庸庶幾江山助增我磊落宵平生志
墳典苦爲塵土封屏跡既清曠足用皆三冬六經縱冥
搜始知書味濃人世少佳境得此聊足容一朝向京雜
揮手辭雲峰小別忽經歲不殖成情農故人知我意潑
墨煙蠻重倚闌手一卷得意忘高春往事已如夢乃於
緜素逢徑欲招李白高詠追前蹤

懷金茂才蜀中二首

三載無書劄傳聞萬里行題詩尋杜甫問卜訪君平白

傳經堂詩鈔 卷三

五

日猿聲起青天鳥道橫不知臨遠塞可有鬢絲生

失意俱爲客他鄉閱歲華風霜吾已倦道路爾尤賒雪
嶺無春草蠶叢有暮笳子規應聽徹早晚下三巴

丙子元日

殘雪初融歲正新鄉園暫許息勞薪戲拈棗栗分兒女
略整雞豚約比鄰簫鼓幾家爭令節煙花滿眼著閒身
却思鴻爪留燕市曾簇辛盤學咬春

桃符葦索一時新暖熱盆餘昨夜薪物態屢驚田易主
生涯長與研爲鄰論文怕落青松色處世期完白壁身
唯有閉門堪用拙羨皇高話不知春

再題翠螺讀書圖兼憶從學諸子三首

一片譚經地寬閒我獨誦輕帆落渡口傑閣峙江南雲
影侵書籠松聲到枕函曾拈爻象理終夜抵禪參
山色真如翠青山相對青鐘魚降佛地燈火近漁汀挾
笑多秋樹行吟足草亭幾時重躡屐一榻掩巖局
不到然犀渚春風已再過升堂三五輩著述近如何遶
檻空涼月當門自淥波人間清曠所誰與共婆娑

次和胡孝廉遺興四首

春來無箇事俛仰得幽懷入市晴猶嬾看山雨亦佳草
痕生遠岸梅影落空階吟嘯從吾好安知性寡諧

傳經堂詩鈔 卷三

六

蒼蒼浮眼色風際一憑闌湖海志應倦乾坤身獨寬鄒
裾元未曳馮鈇更羞彈爛漫惟尊酒相期結古懽

幸無車馬辱差稱野人家屋破蘿能補臆虛竹解遮看
書常就月荷鋪慣移花不識愁何物閒中趣本賒

殘雪四山盡端居竟若何交憐今雨合詩愛古風多事
業驅黃犢生涯換白鷺倘能頻請我三徑足婆娑

戲詠不倒翁四首

蒙城縣齋席上作

獨立羞誇面目工昂昂終日對春風周旋與我呈圓相
牽率由人見直躬略有衣冠存世外更無城府到胷中
當筵莫並泥車弄泥車瓦狗見濟夫論歷落嶽岵讓此翁

舞態婆娑亦有神須知你強本天真隨身且戲三千界
傳燈錄竿木隨身逢場作戲 空腹還容數百人元亮獨存腰未折稻

康終覺性難馴千秋冷笑河陽令官共齊奴拜路塵
生活原從故紙堆獨留風骨占蓬萊顛時石亦難邀拜
醉後山猶未肯頽貼地怕同柔媚舞仰天應許滑稽才

男兒不屈唯南八誰與傳神寫照來

磨折無心與俗謀顛危幸免復何求神全本不須蛇足
項短居然是虎頭借面未妨儕儷低眉差喜異併優
世間豪傑誰推倒位置高應百尺樓

奉懷彭侍郎觀之先生

傳經堂詩鈔 卷三

七

前門霜月晚行時一見欣然說左司
侍郎見贈有蘇州詩句想當年之句

最憶長簷車共坐隱囊方褥笑論詩

滁州

滁州城外水彎環小立危橋暮靄間合有詩人此棲息

戶櫺強半對青山

西南林壑真奇絕指點煙霞入望中不到醉翁亭下醉

梅花孤負又春風

野渡舟橫細雨時詩中粉本幾人知我來恰值春潮晚

隻字何能替左司

清流關

清流關乃在巉巖亂石崎嶇詰屈之中間山為帶水為
環更有大塊噫氣為之呼吸鼓盪以怒嗚乎塵寰東南
險隘稱第一一夫可却千軍還竊疑暉鳳就擒當在此
五代用兵遺跡至今猶班班獨有行役苦往往嗟阻躄
我來日卓午我過已見夕陽之在山陰風颭颭清泉潺
潺車中之人嫌春寒可憐車子贏且瘵汗流至踵喘不
息枕石獨臥無生顏

磨盤山

朝行清流關暮行磨盤山身如轆轤轉上下不得閒

荆山

傳經堂詩抄 卷三

八

荆山片壁苦難掇三獻空增抱璞愁只要楚王知是玉
卞和元不為封侯

蒙城

小縣連清潁風淳信可誇衣冠崇古樸墟市賤魚蠹麥
熟爭輸稅花明早放衙從來容傲吏我徑欲移家

逍遙堂

兒時讀南華驚怖若河漢寓言縱十九母乃太汗漫論
世斯知人掩卷忽長嘆戰國重腐鼠印綬嚇里開朝縱
暮復橫黔黎苦塗炭莊生獨遺榮齊物理能貫犧牛與
神龜得失已早斷一笑謝楚王安肯受羈絆鴻蒙任逍

遙死生若昏且庶幾接輿儔將毋許由伴我今登其堂
遺書積几案不見傲吏來裴裏至日肝栩栩蝴蝶飛清
風動帷幔

稽山

中散餐霞人抗懷與時異好鍛亦偶然聊以適已事傳
聞茲山中遺跡猶可識唯許向秀偕寧顧鍾會至相隔
千餘年流風起遐思揮絃送歸鴻誰與共高寄獨有山
上柳青青尚垂地

白牡丹

冰雪偏憐絕世姿春風獨立晚妝時霓裳舞罷全消酒

傳經堂詩鈔

卷三

九

紈扇裁成嬾賦詩只恐獺痕汚玉貌何矜螺黛譜宮眉
平生承寵非顏色笑煞黃金買畫師

偶檢篋笥見程太史泚江先生贈答諸篇茶臼
筆牀風流如昨而先生下世忽已經年愴然賦

詩四首

十載論詩在竹西水村山郭夕陽低生天成佛知何處
忍淚挑燈讀舊題

平山堂下權歸遲老去詩情託酒卮最憶春寒添半臂

綠蕪紅蕖晚風時

千个檀欒映水隈篠園煙景未成灰廉纖細雨催行笈

更與誰參玉版來繆其別業也
前輩風流格自殊鍾期一去賞音孤那江鳴咽春湖滿
不忍重尋舊酒壚

書先孝廉兄遺集後 并序

仲兄萱望先生別字晚芳天揀其諱也績學三十
載始以丁卯舉於鄉兩赴春官試不第竟於去年
冬十二月三日以歐血終謙恒奔喪歸撫棺長號
不能有言也頃集遺文若干首俾其兩孤藏之冀
異時或鏤而傳焉於戲先生之不死其在斯矣

傳經堂詩鈔

卷三

十

揮手竟長往誰銘七尺旌百年湖海客千載孝廉名風
雨他生約松楸後死情殘燈拾遺藁空有淚縱橫

中山王墓

麟閣名猶在中山跡竟荒墓田秋草沒何況大功坊

與卉田兄夜話

一樹梧桐月迷藏記小時如何俱老大况復易分離馬
援空垂戒王哀正廢詩時居叔父憂相期守圭璧定有令名
遺

雨花臺秋望

歷歷秣陵樹江城秋色來諸天誰說偈落日又登臺絃
管千家沸鐘魚六代哀臨風獨沽酒倚杖一裴哀

自與諸弟湖口四方雖時一相見而四人合并
竟不可得適偕七弟震蒙至自金陵八弟熾泰
九弟鼎復亦歸因共坐桂花下劇譚達曙十年
來所未有也

孤矢射四方相期我生初詎能守孺孺寂寂房帷居所
嗟鴻雁翔行列忽以疎未見助業就但令歲月徂道旁
一牽袂東西仍岐途長枕與大被十載無由俱秋風被
空谷叢桂幽香舒弟兄有所營各各歸吾廬執手轉悽
惻顏色皆已殊布席在花下列坐滿四隅且飲玉色醪
把瓊同懽呼身世皆茫茫胡為增秋歎縱譚猶未關朝

傳經堂詩鈔 卷三

霞生秋裾

寄龔興平

西望秦川入夢遙一官休悵路迢迢祇緣鄭啓多詩思
風雪天教過灞橋

行部懸知勸客愁重重煙樹茂陵秋多情莫問相如宅
曾遣文君賦白頭

雨度關山

疋馬關山路山泉百道流煙雲工奪畫風雨力爭秋葉
落沾征袂鐘殘亂客愁石頭真太滑半偈試題留

紅心驛遇江秀才歸自塞上

夕陽沽酒聽秋笳酒伴驚逢驛路斜記唱渭城看出塞
馬頭飛雪正如花
一劍孤征路八千歸來鬢髮竟依然不知飲馬長城窟
樂府新題又幾篇

煙墩湖曉行

湖田三百頃空濶少人行月帶殘星動秋連遠樹平眠
沙鷗影定踏水馬蹄橫漸喜前村近微聞喔喔聲

食鷓鴣

霧滿張超市風翻顧愷簾晚寒方縮手孤酌遽掀髯入
網微禽得登盤野味添問名殊鷓鴣考德類鷓鴣爾雅

傳經堂詩鈔 卷三

霞會讀詩人與偶拈刺淫應共鵲託體本從蟾兩雅疏云蝦蟇

所鬪處雖餘勇烹來詎喪廉漬宜桑落酒雁藉水精鹽
骨脆投偏吝羹良嚙未嫌餐雖加鴨糲饌合配鷓纖黃
雀綿相似茅鴟炙略兼頓忘讓鼎戒一飽夜厭厭

許生乞書走筆示之

六書藝之一禮樂同其精真行體遞變皆自篆籀生俗
筆恒苦驕罔知關性情心正則筆正斯言良可銘鍾王
固圭臬褚顏亦典型始必宗專家久乃幾大成臨撫法
雖異兼之斯通靈僕本不學久謬竊能書名學古詎神
似譬論畫以形感爾請業意醉墨隨縱橫書罷復長嘯

仰看霜月明

冬日偶成三首

素心偏覺與時違落葉蕭蕭畫掩扉
彈罷甘蕉文半幻餐來苦李味全非
驚鴻悔不掄長袖射虎翻思著短衣
剩有豪情猶未減強持尊酒對斜暉

廿載編韋手自鈔夢中曾許食三爻
青州從事非吾好白蠟明經儘客朝
捷走漫思蚩負歷力田須為鼠迎貓
平生略辨淄澠水千頃汪汪未許淆

歷落嶽寄似往年官容愁思促華顛
五千白紵原無怨一片青山况有緣
心比靈珠能却病身如頑石許參禪

傳經堂詩鈔 卷三

三

拈頤獨向風前立絕愛空明雪後天

至日

敝裘今日曉寒侵何處梅開許獨尋
鄉國酒盃當短至天涯風雪一長吟
洗頭漫欲乘中夜測景端須惜寸陰
誰解下簾同布易好從爻象覓天心

雪後寄里中同調二十韻 時擬輯鳩 茲詩存

狂飈昨夜摧楓杉風定忽失青山巉
空明萬里盡冰雪唯有詩人工雕鐫
回首故園踞江上寒濤汨汨排征帆
袁安僵臥子陵釣何不歸去同吟詠
吾鄉風雅

國初最蕭沈氣象真巖巖 蕭尺木雲從小曼雲倚兩家 沈崑銅士柱五鹽士尊

兄弟總奇特力使大道榛蕪發騷人哀怨有遺則有如

梁燕徒呢喃繼者吾家老縣尹 先從高祖羽儀公一 鶴以進士知麗水縣事

著揚澹泊之味超酸鹹平生縱意在山水落筆往往鐫

誓岳儷蘅 施河采 柯月 施次驥 並溫麗孝廉 舒方夏 接

踵能發凡後來王 北疇 奚公石 頗拔俗每得佳句收錦

函白華先生 潘孝 瞻 姑 調獨古洞壑畢具兼空嵌我友曼郎

施淡吟 長春 用心苦三十早已春華銜可憐玉樹埋土中夜

或夢見猶誦誦一百餘年略可數雲煙過眼如奔颿落

落數子精氣在誰其守之藏深暑近時作者更林立屏

除鄭衛追雲咸走也有志任哀輯僭踰安敢辭譏讓願

傳經堂詩鈔 卷三

三

將棗木布海內俾知葭爾風風風炙研作歌指欲裂瓊

琳速藉飛奴緘

示協夢

三月不見汝書至吾已欣况復郵一卷操觚能為文佩
強頗自遂氣欲干青雲無如味繩墨若治絲而琴經義
本聖諦神理為之君剖析毫釐間非可鹵莽云脉絡一
以失瑕瑜安從分汝年雖十一略亦誦典墳先正有遺
矩玩索當益勤奈何逞私智乖整徒紛紛吾生飢來驅
譚藝泥水漬教汝苦不早恐汝終無聞農夫舍其田迺
為他人芸即此嘆貧賤中心憂如林

夢九弟吟軒鼎復

月催虬箭落風逼雁行低異客愁偏積同胞夢未迷牀
非分上下住豈隔東西竹外肩重倚籬邊手更攜茶經
依鼎鑿藥錄近刀圭憐爾衣裳薄驚余面目驚稻梁頻
遠適枳棘復甲棲抱璞空疑鼠觸藩詎類羝山中聊霧
隱天上有雲梯莫漫嗟芻狗還期養木雞燈殘情脈脈
香爇語淒淒覺後仍開卷何人為杖藜

定遠道中霧

曉霧迷行客孤征復此邦月斜疑積雪村遠欲連江人
語半空度鐘聲何處撞消寒思貫酒一為倒雞缸

傳經堂詩鈔 卷三

五

滁州晚行

遙指南滁近疎星引客行遠鐘千澗靜野燒四山明古
木凝寒色荒村帶雁聲停驂何處好隨意叩柴荆

甲戌首夏與吳猷芍明經同客京師猷芍先歸

欲賦詩送之未果頃於姑孰相遇出都門錄別

詩冊見眎漫成長句兼憶王禮堂編修

相見翻驚易別離星星添得鬢絲垂那堪翦燭西窓夜
重憶銷魂南浦時風雪一天春欲到雁鴻千里夢先知
多情苦愛維摩詰酒盡低吟畫裏詩禮堂送猷芍末章云我亦還山發興
新東華生怕軟紅塵金韋能約同來否北郭堪借十友論自注金謂襟亭津謂約軒予與同調六人結會吳門

合刻其詩為七
子詩選故云

與吳蘭穆猷芍兄弟夜話復成絕句三首

茶煙粥飯事依稀回首江天跡已非只有青山青未了
月明空憶謝元暉

老梅修竹伴清歡不道人間歲又殘忽見家家醉司命
也思沽酒試辛盤

清詞酷愛張三影志袁明經好句應推趙倚樓芝生况有君
家兄弟在未妨風雪一勾留

喜張碧漪明經至自都下兼得彭晉函孝廉方

芋川明經消息

傳經堂詩鈔 卷三

六

君向燕山我正歸參媒氏灼太相違縱饒霜雪沾青鬢
有遣風塵化素衣把袂恰當新歲入燒燈猶惜故人稀
彭宣好在方千健何日家園也息機

敬書 先考泗州丈量議後 并序

雍正五年泗州水患平勘淤涸里胥緣以為奸於
是有有田無賦者有有賦無田或一田兩賦者

世宗憲皇帝命大吏覆按之時 先考官訓導奉檄佐
其事徧歷鄉堡不憚勞勩利弊瞭然如掌上紋因
纂丈量議二千餘言密陳觀察何公宗韓以嚴欺
隱去重糧免賠納為大指又言潼安衛不便宜汰

觀察以爲然白之大府其釐剔法一如 先考言

秦既上

詔蠲歲賦七千兩有奇衛亦裁 先考此議未嘗取人

謙恒 謹錄其副并系以詩蓋以見

國恩之汪濊而當時撫此土者能采葑菲以惠百姓其

賢亦未可沒也

我聞徐子之國周遺封白浪翻作鮫人宮高城百雉田

萬頃茫茫一望迷西東帝憂蒼生爲魚龍特遣觀師出

穴盡捲波濤空漂搖鴈戶返廬舍恍疑雞犬遊新豐家

家呼牛種麩麥登差覺朝甕充忽見州帖至按籍編

傳經堂詩鈔 卷三

租庸吏人打門橫索錢索錢不飽無歡悵東家酒醞租

額免西家酒薄租額重淤者涸者送刀筆安有厥田厥

賦爲之一區上中

先皇哀茲窮檐窮大哉

王言生春風母使歲輸逾正供誰其綜覈唯臣工使者

道路日相望亂絲欲治將何從下符郡縣遣掾吏躬履

呻吟量橫縱是時儒官亦被檄日騎駑馬經春冬數與

父老問疾苦乃知從前簿籍非至公若者宜刪若宜補

儼如碁布星列紛心宵夜深避客建大議兔毫十丈垂

長虹豈必鄭俠圖監門始令觀者憂懍懍明晨袖之獻

幕府上官促席旋收容更乞聚米作阡陌指點形勢如

發蒙須與集守令衆謀僉曰同請竟用此議庶免噬臍

聾釐之剔之四五載需頭再拜干

宸聰十行

詔下甘雨濃

念爾小民離昏墊其減額七千以紓吾農從此五風十

雨和氣鍾積之粟粟崇如糖輸將天庾不敢慵都梁山

下十萬戶莫不含哺鼓腹稽首同呼嵩斯文久已埋篋

衍光氣時與雲霄冲想見當年用心苦立言兼之期立

功嗚呼人生服官遭

傳經堂詩鈔 卷三

盛世芻蕘之言誰能壅儒者一念存濟物何不誦此萬

過書萬通

和高青邱梅花九首 姑孰試院作

天涯誰築避風臺獨受東皇雨露栽一枕夢清人乍起

孤山詩冷鶴歸來蕭疎影送昏黃月掩映姿含嫩綠苔

自笑心腸如鐵石年年尊酒此時開

蓬萊何處訪臞仙籬落相看悟夙緣夜氣忽深唯積雪

春風欲到已含煙吟成肯落詩人後折去多居驛使前

合與長松修竹伴江南同耐歲寒天

幾枝斜映大江頭十里香清夜未收漠漠輕煙籠佛屋

騰騰新月上漁舟寒應徹骨遠成笑澹到無言祇獨愁
除是風流何水部揚州官閣許同遊

疑雨疑晴水一痕綺衣仙子共誰溫瑤臺風斷寧無路
瑤草春深別有村琴譜修成偏製恨笛聲吹徹欲銷魂
始知桃李無顏色獨對寒香晝閉門

遊戲仙家與梵宮雲階月地往來通乾坤清氣收應盡
今古繁華掃欲空影落半塘流水外夢隨千里夕陽中
騷人何事偏遺卻只愛幽芳九畹叢

不知欲界有埃塵冰雪爲心玉是人千載獨留秦嶺月
一枝高占漢宮春抱山有客尋詩慣近水誰家載酒頻

傳經堂詩鈔 卷三

九

半卷南華相對讀箇中參破在天真

冷蕊疎枝夢與依瑤華長許傍清輝相期每到三更斷
特立空愁一片飛歷盡冰霜唯爾獨踏殘風雪故人稀
平生澹蕩差堪近惹得幽香滿袖歸

春風管領先青陽絕代佳人自有鄉天外有容蜂蝶鬧
世間應失綺羅香水雲氣味山俱冷煙月襟懷跡未荒
幾度巡檐思索笑一聲畫角正飛霜

傲骨仙才忽不知盡情收拾在高枝尋春未晚元無恨
入夜頻看若有思疎影半橫風定處淡妝斜倚雪晴時
徐熙畫手應難遇閒擁紅爐自詠詩

宿棲霞山示方丈雅公

金陵山水佳茲山最靈妙夢想亦有年展齒今始造黃
緣升其顛杖策縱遐眺殘雪松頂明斜陽石間照一江
春水生帆橋若可到向晚投佛屋焚香對茶竈羣動皆
已息跌坐但微笑飛瀑忽奔騰野鳥恣吟嘯法鐘半山
鳴幽響互相報寂歷參栢禪冰雪入澄抱持謝世人
終當此高蹈他時叩聲聞結鄰訪僧紹

馬上

昨夜霏霏雪乍晴春寒陡覺客衣輕黃河又向雞邊渡
白髮新從馬上生古戍暗連殘笛遠亂山遙接野雲平

傳經堂詩鈔 卷三

三

東風著意吹芳草幾處長隄綠漸成

數子次韻

爲隱烏皮几拈來木柿輕一隅形旣定萬物體能平但
免微材棄寧愁世路傾從來支大厦心匠賴經營

詠箸次韻

玉箸當寒漏雙雙映蠟紅和羹欣有具食肉詎無功失
豈聞雷後投疑按劍中兩岐符瑞麥盈尺比春蔥奇耦
呈全體方圓總直躬妄思前席借一得獻愚衷

郊城

風捲寒沙撲面來平蕪落日重徘徊水曹一去風流歇

寂寞城根見野梅

句曲道中

一夜簾纖雨未休
白羊門外氣如秋
三峯隱隱層雲隔
何處重尋許遠遊

福地人間似此稀
華陽洞口是耶非
我來不見茅君現
唯有山前白鶴飛

秋江晚渡圖

一片秋風起白蘋
夕陽催客渡前津
茫茫煙水添愁思
廿載長爲畫裏人

磨鏡次劉學使石菴先生韻

傳經堂詩鈔 卷三

主

古鑑團團入座寒
微塵誰遣綴龍盤
開奩爲要空明現
負局寧嫌拂拭難
山月曉懸收宿霧
江潭秋皎失層瀾
從今世上妍媸色
好向深宵屢照看

小西湖尋秋至三昧菴題壁

岸草汀花劇可憐
一湖秋水碧於天
故鄉小別常千里
禪榻重過又十年
帆影暗移江渚外
鐘聲斜度夕陽邊
從今策馬東華去
回首煙波思渺然

傳經堂詩鈔卷三終



傳經堂詩鈔卷四

丁丑九月至

辛巳秋

徐州渡河有懷諸兄弟

葉落四山秋
長河萬里流
峭帆迎白浪
回首失黃樓
放鶴人何在
彈琴客未休
幾時尋舊約
風雨話離愁

彭城懷古

竟起亡秦族
阿房一炬空
英風存鉅鹿
遺恨失關中
叱咤千人廢
悲歌霸業終
不逢赤帝子
誰與別雌雄

高唐州道中遇姊夫沈孝廉下第南歸寄諸兄弟

傳經堂詩鈔 卷四

京華迢遞隔山河
觸忤鄉心可奈何
秋老漸疑賓雁少
日斜誰料故人過
劉賈下第文章在
謝傅中年哀樂多
年來仲姊作兄相繼下世
爲向脊令寄消息
高唐今夕共聞歌

戴桐峯國博余十齡時共學友也頃於都門相見撫今追昔不能無詩

憶侍安昌日
追隨有戴崇
後堂絃管罷
岐路別離中
跌宕若思前
事悲歌正朔
風相逢成一
笑共踏軟塵紅

索居三十載
消息竟茫茫
葳序如奔驥
風流擅瘦羊
講經推老宿
說酒更飛揚
羨爾霑微祿
猶能奉北堂

以宣德紙送梁山舟編修枉酬佳句兼贈文犀

赤刀筆賦此謝之

丑筆歸來日正斜
臨池知爾與猶賒
何期一幅雲藍紙
又累温岐手八叉

夢中空說陸倕過
持贈分明校若何
孤負人間青鏤管
少瑜才思本無多

送王東白之官蜀中

我愛維摩詰
翛然遠世情
一官聊吏隱
萬里竟孤征
月落秦關迴
雲開蜀道橫
登臨應極目
懷古氣崢嶸

好佐文翁化
無爲五斗羞
蠶叢春市早
鹽井暮煙稠
風俗還從古
蕭閑略似秋
哦詩松樹下
日對錦江浮

傳經堂詩鈔 卷四

二

除夕東吳杉亭舍人

騎馬城南退
直初門丞爭
換歲云除煙
花是處成新
態風雪何人寄
尺書鄉夢暫
拋千里外
吟情先到一
燈餘懸知簾閣
凝香細共簇
辛盤樂未疎

鐵畫歌 并序

湯鵬字天池
吾邑人少攻
鐵與畫室隣
日窺其潑墨
勢畫師叱之
鵬發憤因鍛
鐵爲山水障
寒汀孤嶼生
趣宛然傳至
日下可直數
十緡然性類
放不受促迫
故卒以技窮
云梁山舟爲
作長歌因與
錢蕡石謝金圃
吳杉亭陳寶
所和之

荆關一去倪黃死
無人能寫真
山水誰從鐵冶
施神工萬里居然
生尺咫匠心獨
出無古初揚鉅
柳下樂何如

肯作兩錢錐
補履直教六法
歸洪鑪想見解
衣任槃礴煙樹
天然謝雕鑿
百鍊化爲繞指
柔始信人間兔
毫弱

當年作貢來
梁州越人在
枉解求純鉤
詎識烏金寫
生態寒松怪石
皴清秋唐宋
畫手紛於葉
素絲轉眼飛
蝴蝶

蘇詩素絲斷
猶不忍何似
錚錚不壞身
安用金題與
玉看已作蝴蝶
飛聯翩

躑躅憐奇技
坐天窮江天
日暮酒錢空
不見程鄭與
曹

邴冷鑄竟至
千人僮胡爲
鼓鞀營邱空
聚六州鑄大
錯夜闌莫更
彈哀絃竊恐
蕤寶一片躍

傳經堂詩鈔 卷四

三

老樹軒燕巢二首以花朝爲韻

春風在何許
輕燕入簾斜
倦羽雲雙宿
鄉心水一涯
重來真得地
小住卽吾家
肯道啣泥苦
相依有杏花
年年趨社酒
簫鼓聽連朝
殘壘幸堪卽
故人猶可招
雨晴春正暖
風定夢偏饒
客緒憑商畧
無爲嘆寂寥

和杉亭四友詩

金圃

肌膚冰雪本
仙姿不向人
間學畫眉
擊石自能諧
律呂投壺詎
必算純奇
鄉心棖觸爲
吳語酒能淋
漓讀楚詞
擁鼻最憐吟
思苦夜闌
燒燭寫烏絲

山舟

十載聞聲有宿緣相逢真使幻塵捐頻仰身世唯三昧
脈望生涯只一編竹榻茶煙消永日紙牕燈火逼殘年
風懷磊落從來少耳語方知不直錢

寶所

蕭疎意氣未相違豹直連宵幸與依三十年華潘岳鬢
一天風雪謝莊衣偶尋斷碣還臨古閒共幽人暫息機
拄笏西山正奇絕夕陽看盡每忘歸

杉亭

身外浮雲片片輕肯將文字競時名次公酒醒狂仍在

傳經堂詩鈔

卷四

四

中散眠多嬾易成一局棋聲當漏靜半簾香氣襲人清
衝泥不厭頻相詣况是春融雨乍晴

題畫

層層烟樹枕寒流烟際招提樹杪樓最是年時泊沙觜
一聲鐘到滿船秋

三月三日喜晴以天朗氣清惠風和暢分韻得

氣惠二字

春暮節物佳茲辰尤足貴昨宵陰雨來矍矍心所畏造
物憐吾儕晴光煦百卉微風吹襟裾清和入腸胃相與
賦新詩安用絲竹沸唯有一尊酒可以養真氣

曉起見朝陽瞳瞳出新霽春華承豐施顏色益以麗坐
此愛景光年芳忍虛逝山陰雖云遙高會良可繼菽濯
來水濱遊魚有心契斯樂物我均紛紛笑莊惠

梁元穎侍講招集清勤堂紫藤花下賦詩八章

卽呈吾師薌林先生

古藤花發紫雲低下直剛逢酒伴攜看到中央周四角
者回拚得醉如泥

相國堂前雨露殊獨將高格占

皇都一般分得袍邊色不向春風憶昆姑

滿架花枝覆碧苔楸枰一局傍花開紫羅囊許誰贏得

傳經堂詩鈔

卷四

五

可要宣城太守來

高綴玲瓏玉萬枝來看須及半合時莫教易逐榆錢落
說與封家十八姨

雨過風含細細香不隨桃李鬥春光人間自有蓬萊紫

底事廬山乞廚囊

棚格濃陰歷畫欄仙人風骨太姍姍寫生錢選真能事

猶恐花光貌得難

錢擇石編
修作圖

櫻絡垂垂劇有情捲簾人對晚風清千重步障天成就

應笑齊奴太俗生

翠幄張來不受塵年年花下酒尊頻欲煩公子相料理

肯把繁英讓別人 時侍講將
移居故云

題吳侍讀小照

天風萬里吹長江波濤出沒何淙淙
鯨吐鼉擲怒未已
聲如萬石洪鐘攔對此茫茫百端集
安得不令心神懣
何人揚帆高百尺恍似茗霄乘吳艦
坐卧直與龍鼉狎
談笑兼使魚龍降胃中雲夢吞八九
此老神完誰與雙
不見中流恣澎湃石柱突兀疑長幢
狂瀾至此忽瑟縮
百川不敢相春撞人生涉世隨所遇
龍門積石皆吾邦
願以赤手障巨浪誰能刺促依書牕
夜深放歌若泉湧
一醉欲傾千雞缸

傳經室詩鈔 卷四

六

青蘆二首

幾日荻芽長陂塘景頓殊似爭堤上柳
恰暎水中蒲吟
思生孤艇鄉心託五湖此間無熱客
鷗鷺好為徒
瑟瑟聲初起青青葉漸抽不須花似雪
已覺水先秋
放鴨人何在撈蝦願未酬最憐初月照
清露滴漁舟

紅橋泛宅圖為傅上舍作

顛顛京華竟一年浮家又趁廣陵船
十三樓外春如許
莫向風前聽杜鵑
簇簇穠華拂畫橈一湖春水漸平橋
多情應為隋隄柳
吟徧長條復短條

平山堂下月痕新一真堪結比隣等是飛鴻留指爪

不須苦憶秣陵春 上舍湖州人向
管僑居江寧

十載浮踪類轉蓬酒人強半別離中
煩君一問春消息
紅藥今開第幾叢

余以病斷酒幾十年矣然喜與酒人偕自謂得

此中趣者莫余若也戲成一絕

痛飲真堪作我師酒杯雖淺趣偏知
請看坡老三蕉葉
却和淵明飲酒詩

姚孝廉客聽聽雨圖

荷池風動晚涼生無數珠貝落有聲
為問長安今夕裏

粵煙堂詩鈔 卷四

七

幾人聽得最分明

燈前爛漫情難盡
聽外廉纖滴未休
不待井梧吹葉落
瀟瀟庭院已先秋
今年暑雨太連綿
欵枕聽來倍黯然
輸與江南賀梅子
新詞題徧衍波牋

野寺聞鐘圖

微雲澹遙岑山家日已暮
行藥穿前村秋光落
芒屨無言倚枯籬
悠然有真趣
梵鐘何處來
隱隱出煙樹

寄藥公三首

牛首山前雪亂飛
團蒲終日掩禪扉
受渠只者離塵服

不向人間羨紫衣

傳衣夜半佛香清大事因緣在此行至竟從何出江口

江頭把觴定分明用五社渡能行者事

慮外蕭蕭落葉空松巖雲月妙明同村山好句今多少

欲倩紅鱗問皎公

李茂才觀潮圖

浪花千尺接雲端天地無如此壯觀誰向清秋倚枯杖

夜深真向月中看

水經終古笑吾曹箋注紛拏識未高畢竟曲江何處是

煩君一證廣陵濤

傳經堂詩鈔 卷四

一江中劃浙東西十載錢塘憶舊題安得更攜枚叔去

看潮同到夕陽低

秦澗泉學士柴門稻香圖

平生但願有田二頃宅一屨腰橫短笛驅烏犍齊民要

術挂牛角世間萬事過眼隨雲煙金坡學士志不在溫

飽撐腸拄腹經筵何便便五更上馬入內直進講朗誦

幽風篇金盤日飲大官饈不周之粟來自環邱巔寧同

東方曼倩飢索米又豈伐檀詩人但咏河水清且漣胡

為幽夢夜夜向江國散髮獨立南山前八月稻晚正賓

雁七月稻早猶鳴蟬忽聞香風送五里不覺兩袖複複

心欣然乃知人生至樂在唵噉萬鐘於我何加焉公今

甫逾四十強安得掉頭不顧歸去企脚當應眠且更月

支太倉粟左揖稷尚右拍夔龍肩禮經七十乃致仕爾

時庶可接輿箬帽徒倚柴門邊我若買田亦負耒耨耕

肯輸沮溺賢西風吹熟紅穰穰滿篝滿車相與歌豐年

便當拄杖過我飽餐脫粟飯何必青精玉屑求神僊

卧病經旬聞法源寺海棠盛開東謝金圃編修

花信今年太覺遲討春頻向寺門窺如何等到天花現

恰是維摩示疾時

藥錄茶經伴日長心情未減少年狂前身莫是杜陵老

傳經堂詩鈔 卷四

不肯題詩到海棠

一笑因緣悟未深古先生為阻追尋輸他卜宅連香界

日日花前許獨吟

和申笏山少京兆移居海澱詩四首

六枳芭籬曲曲遮杉皮屋子傍村斜但攜茶具堪供客

好著經函即是家風簞乍鋪時看奕山泉新汲慣澆花

從今休澣無他事笑語都緣得句譚

草堂何用畫屏遮長對西山一角斜煙月儘教為地主

樵漁也許作隣家鄉心漫憶頭番筍詩思先開頃刻花

合向此間謀小醉提壺休訝鳥聲譚

幾處茸茸碧草遮風前隨意緯冠斜題將粉壁邀吟伴
寫作山莊倩畫家舊摘蕙蘭應可佩新栽桃李又成花
聯校士 獨愁好事人來數門外翻添剝啄譁

散直歸來暮色遮攤書我獨掩扉斜心情似鶴兼多病
興味如僧只在家行藥已儲方竹杖下簾空對折枝花
抱琴擬共彈清夜一任重城漏點譁

題王禮堂學士西莊課耕圖

楊柳絲絲拂短隄秧鍼出水綠初齊就中合有詩人在
獨倚斜陽看踏犁

一髮家山是也非陰陰桑柘漸成圍鱸鄉蟹舍何時到
寫出西莊抵暫歸

傳經堂詩鈔 卷四

十

曉樹驚聞鳴布穀農家月令夢先知社公雨過新泥滑
正是沿村浸種時

水田一帶枕吳塘每到春來興未忘添種篋管三萬个
他年便是午橋莊

經訓菑畬日掩關蟲魚箋注已全刪定知進講趨

三殿無逸先陳稼穡艱 學士近注
今文尙書

也辦腰鎌寄此身買田無策苦遠巡綠箋青箬非卿事

二頃閒田合讓入

夢遊棲霞山

小別空教猿鳥猜夢中猶向攝山來一條柳栗他年約
長嘯先登渺若臺 山中
院名

憶樂素軒梧桐 并序

桐爲 先大夫廣庵公手植近百年矣長夏每與
諸兄弟坐樹下綠陰滿地清風自來洵可樂也暑
夜納涼偶憶此景率爾成詠情見乎辭

忽憶空庭繞薜蘿桐陰幾畝足婆娑百年碧樹長如此
萬里丹山竟若何花發每思先澤在風來倍覺晚涼多
京華薄宦虛惆悵惟有秋宵夢裏過

游貞文詩

傳經堂詩鈔 卷四

十一

桃李好顏色當春華正穠不若女貞木勁節凌三冬鴛
鴦有文彩遊戲紅芙蓉不若孤飛雁既隻寧肯雙妾身
雖未嫁垂髮名已通豈必墨車迎兩兩心始同生不見
郎面死當與郎逢哀號別父母再拜姥與翁願爲代子
職敢言黃泉從知苦不知甘賦命本蓼蟲但求奉色笑
藜藿何必充棄我奩中鏡閉我樓上牕獨居五十載妾
心無始終安得寡女絲絃彼孤生桐爰來時一弄庶寫
我心忡

輓楊宗丞星亭先生

卅載彤廷待漏身俄驚大鳥下秋旻譚經久已推前輩

抗疏于今更幾人四壁最憐無長物一年猶喜結比鄰
茫茫天道憑誰問不忍重看砌草春

寄梁山舟侍講二首

之子娟幽獨翩然返故廬尊絲三月暮貝葉一燈餘但
遣黃塵遠寧教白社虛春愁滿湖上吟興復何如

憶昔持尊酒時時共短吟月明秋水淨花落夕陽深舊

夢中宵覺離懷隔歲侵空餘掌窠字遙見故人心頭書瓦卮

山房額見奇

程太守索題西山挹翠圖卽送其之官南安

西山倒映天蔚藍羅列碧筍排瑤蓼我住京華已三載

傳經堂詩鈔 卷四

三

欲遊不遊心懷漸退直掩關獨坐捲簾每卽招煙嵐

譬如故人來不速舉觴相對添清酣時有蒼翠落襟袖

愛翫詎異貪夫貪幽夢往往過潭柘暗香浮動疑江南

太守與我敦夙好攀蘿捫葛性所耽捧檄色喜爲親在

謁選偶爾停征驂看山日夕竟不厭詩境可作枯禪參

昨奉

命往領大郡治行將與龔黃三拄笏指顧不忍去爲收

遠岫歸經函鼠尾被倚龍眠筆圖爲李秀才作層巒疊嶂藏茆

庵臨行牽衣向余說此間佳趣君能諳掩圖一笑太好

事溪山到處清暉含况聞南安接庚嶺繁英亂插香菴

禪行部山光定滿眼便攜蠻榼兼都籃胡爲戀戀此巖
壑三宿桑下寧非慈所嗟同心易分手離亭官柳空甍
甍待爾政成報

天子濟勝之具吾猶堪裏糧便乞十日假櫻鞅若明同
幽探

題蔣漁村舍人照二首

漁村垂釣圖

十年前憶坐漁磯回首煙波跡已非怪道春來鄉夢遠

河豚初上鯊魚肥

塞垣扈蹕圖

傳經堂詩鈔 卷四

三

暫拋蓑笠騎龍媒短後衣先稱體裁柵葉半黃楓葉墮

秋風吟徧勒蘇臺

范荔江學博以吟卷見寄漫題四絕其二子嘗

執經於余故及之

不見詩人范成大年年幽夢繞菰蘆行吟想到清秋好

便把于湖當石湖

別後詩篇到眼明彈丸脫手水翻成居然二月深山曉

卧聽流鶯百轉聲

宣城風格出塵寰優孟衣冠只厚顏似爾心清參妙諦

他年真欲替愚山

因朝吾鄉詩人以施愚山爲最王禮堂光祿普舉似余殊自媿也

首荷堆盤酒不辭迢迢臺畔夜論詩近來雛鳳聲何似
空憶離堂剪燭時

歎粥操 并序

爲廬孝子作也孝子名沅江西寧都州人庶子端
臣先生之季子幼失明善鼓琴年二十三歸娶聞
母卒於京邸擗踊號痛勺水不入口三日強之始
食粥又非自炊不食號泣九十五日而死

天乎嗟我目唯母是依嗟余將昏兮母促我歸我衣母
縫我行母持白雲逢逢在北兮胡爲乎久離不聞母聲
我心徬徨我母忽喪安知水漿易之水兮蕭蕭燕之臺

傳經堂詩鈔 卷四

十四

兮鬱鬱逝從母於地下兮奚我生之足恤強我食兮何
語居聖廬兮心獨苦我日食兮一盞米聊和淚兮自煮

種樹圖爲秦澗泉學士作

長安富兒好花事一本不惜千錢致花兒匠乃奪天巧
簞底爐烘作春氣冰堅雪厚花忽濃細蕊繁英鬪纖麗
頃刻二十四番風般七韓湘詎絕技誰知開時方妖嬈
未謝卽已無生意阿奴火攻真下策速成從來造物忌
何人樹木計十年手植嘉樹向庭際朝夕灌溉雖苦辛
其時若子置若弃枝枝葉葉次第繁春華秋實待時至
纔見拱把俄成陰栽者培之本聖諦請看玉樹生階前

森森早合百尺勢從今便儲梁棟材豈徒凌風誇嫵媚
迴頭一笑唐花開粉紅駭綠只兒戲

法源寺看海棠

三載海棠虛有約今年真不負東風踏殘古寺莎痕碧
吟斷斜陽樹影紅一笑最憐新雨後半開翻憶故園中
家從父直園不知人海勞勞者尊酒花前更孰同
海棠極盛

黃牡丹

簾外官袍舞柘枝半開猶似蠟封時夕陽無限妝成額
佳氣先占喜上眉金屋春濃鶯欲妬銅鋪香暖蝶應知
不須更醉鶯兒酒仙掌親承露一卮

傳經堂詩鈔 卷四

五

題錢揮石中允畫竹二首

下簾無計辟氛埃忽展生綃眼頓開不獨掃塵兼却暑
蕭齋直帶晚風來

著手還如解籜新空腸得酒倍通神倘充石室先生筆
廟市誰能別贗真

壁間會寫橫斜影去年會
爲畫梅又見鴛鴦个个圓夢到孤山

與湘水此身真是小遊仙

晚過法源寺與葯上人話舊

十載因緣在文字佛燈今日更同論開來幸免黃塵汚
老去方知白足尊天際浮雲都是幻世間春夢本無痕

山陽舊侶休重憶逝者紛紛易愴魂謂程洪江諸老輩

曉進西華門獨坐館中得四絕句呈楊企山諸

桐嶼趙雲松三編修王蘭泉比部

乍晴偏覺好風俱玉竦橋邊景頓殊朶朶芙蓉映初日

人間真箇有蓬壺

書局宏開近浴堂阜羅嚼畔恰新涼鴉山小餅剛攜得

雨水煎來許細嘗

睿論篇篇星日如丹毫每趁

萬幾餘時集通鑑輯覽次第進呈恭一函裁向御批皆發前人所未發

天邊下中使傳宣更進書

傳經堂詩鈔 卷四

吏傳紛綸萬軸堆校讐敢憚卷頻開四羊三豕愁仍羨

更遲羣公橐筆來

六月晦喜晴

伏雨全將暑氣收一痕晴日射簾鈎豆花欲綻槐花落

已有涼蟬報早秋

王西莊光祿過瓦卮山房清談竟日兼申文酒

之約得詩四章卽呈諸同訓并柬葯菴上人

閉門枯坐癡羊僧忽聽梵然喜不勝便遣騰騰殘夢去

儘容啞啞笑聲增留賓自恨無中饋選佛還期得上乘

爾我襟懷誰可似一泓秋水一壺冰

濯枝雨過晚涼侵促坐隣家古樹陰四海交遊堪屈指

卅年踪跡是同心辛酉秋余與光祿訂交白下今二十一年矣誠語有意爲

吳語棖觸無端動越吟安得春江花月夜青簾白舫並

題襟

格調爾應邁初白風神我敢替宣城光祿嗜初白而但屢以愚山見况

求言語無枝葉畧識文章本性情較室偶然留咳唾屢

樓原不費經營亂蛙兩部緣何事池畔頻聞鼓吹聲

憶昨論文結古歡詞人幾輩共盤桓紛紛故侶晨星散

謂山舟竹嶼諸君皆歸漠漠空堂夜雨寒擬趁早秋開酒戒準從

清暇續吟壇坐中合有詩僧在添箇彌天釋道安

傳經堂詩鈔 卷四

七月十一日夢與八弟定旃痛飲劇談先三日

適得淮上書因作此却寄時七弟崑泉方在揚

州幕故篇末及之

分攜竟五載嘆息在岐途書已隨秋到人剛與夢俱風

塵知未慣登眺計寧迂漂母祠荒否枚臯宅有無世情

尊冶鑄生計讓屠沽中澤多鴻雁南飛憶鷓鴣郵籤三

百近羽檄一燈孤餬口同淮水臨風獨媿吾

八月六日亡妻生日也

去年兒女稱觸處力疾猶看一笑同何事哀猿聽巫峽

那堪孤鴈又秋風成仙成佛蹤難定營莫營齋事總空

辛苦半生真負汝月明淒絕是枯桐

九日悼亡作內子嗜菊故有落句

又向天涯逢九日百年身世付悲歌縱無風雨秋如此
才欲登臨感易多地下未應詩興滅燈前空憶醉顏酡
平生嗜好猶能說一朶黃花奈爾何

傳經堂詩鈔卷四

六

傳經堂詩鈔卷四終

傳經堂詩鈔卷五 辛巳冬至己丑

蕪湖韋謙恒慎旃

送高舍人出佐吾郡二十二韻

菊磻詩名著薇垣地望清夜吟深院鶴曉聽

禁林鶯久共簪毫入俄聞擁傳行分符隣白下置郡接
宣城桑梓吾能說山川夙有名鳩磯秋練淨牛渚浪花
平月照青蓮宅烟籠處仲營從來堪眺覽自昔數上豐
盈比戶安絃誦沿村事鑿耕輪將紛紛米報賽慶坻京
所歎烏衣落翻令鴈戶并胥徒逞刀筆賈販握奇贏風
漸殊唐魏人多艷卓程年時空杼柚江上競琴箏誰識
奢寧儉安知讓勝爭使君承
德意此去著循聲但使桑麻沃休教稂莠萌鼠狐應早
匿雞犬更無驚定有新謠起偏教別緒縈郵亭方出祖
廐吏已先迎霜白隨征騎楓紅送去旌他時看報最官
酒遲去同傾

傳經堂詩鈔卷五

一

夢遊九華山一首寄山下故人吳孝廉

我家去九華乃在百里間蠟屐興屢阻寧非山靈怪昨
夜忽夢到努力尋烟鬢身輕如猓孫安用藤蘿攀徐徐
陟天柱白雲封禪關老僧爲指點九十九峯環橫側各
有態蒼翠生客顏芙蓉排空立根蒂非塵寰松風萬壑

動江濤爭淙潺從來選佛處能化頑石頑斯遊洵奇絕
既覺翻難拔久欲脫塵鞅結苾芻名山故人况有約茲
山堪往還何不拖竹杖去作孤雲閒

題柴門聽蟬圖

襟抱忽然冷蟬鳴三兩聲晚風吹不斷落日響逾清人
向柴門靜秋從遠樹生幾時拖柳栗相與話幽情

清泉江蒨畦明府以宋劉忠肅衡州石鼓山題

名拓本見寄因題其後

劉攀幸老來遊跋臨侍九字刻于山之西谿石

壁傍有題云後百八十三年六世孫震孫蒙恩來持使節拂拭舊題不任感愴實祐二年秋九

旦月

傳經堂詩鈔 卷五

二

沅湘自古多忠魂殘碑斷碣埋苔痕石鼓山前發光怪
中有黨籍名字存莘老來遊跋臨侍明珠九顆輝朝暉
更越百八十三載持節迺有六世孫拂拭舊題動感愴
想見谿壁手頻捫揮涕定應述祖德強項詎忍頽家門
熙寧天下正清晏新法一變徒紛繁臨川相公福建子
如蛩負厯如弟景何人慷慨陳十害忠肅一疏千秋尊
衡州監鹽固不惡山川亦復清且敦朝遊雲霄暮江湖
寧令慍色形竄奔偶然登眺足高曠雙雛况更承笑言
始知心事光日月一官遷謫皆君恩後來再投新州去
有效澤畔行吟原不怒百姓責吾輩

忠肅語一死安敢啣

煩冤直臣萬載不磨滅懸崖片石難扳援清泉使君特
好事響揚遠寄踰瑤琨夜深摩挲動三歎善人有後理
足論豈無處者劉尚在醴泉有源芝有根

按攀有孫孝昌貧不自立

劉清之知衡州買田以給見清之本傳則攀必有後在衡無疑矣煩君速為訪巖壑貯
看鸞鳳來高窳

題畫

暮靄千重古樹間階前流水自潺湲道書讀罷渾無事
看徧青青雨後山

插秧圖

一犁新雨晚風寒翠浪橫鋪帶笑看聞道兒童爭拍手

傳經堂詩鈔 卷五

三

今年秋水十分寬

齊民要術吾曾讀五載江鄉苦夢思忽見紛紛跨秧馬

又煩坡老賦新詩

題吳比部小像即送歸新安

我家赤鑄君黃山聞聲十載難躋攀竭來京國結隣里
尺咫可以煩往還君方燒燭披訟牒朱出墨入無餘閒
引經折獄在吾黨矜全善類鋤羣姦獄成能令萬口服
心苦那免雙鬢斑一朝拂衣動鄉思遂求長假歸柴關
清晨打門送急遞畫圖身髯春風顏梧桐葉大松子落
手攜一卷聽瑯璈蟹眼湯沸午烟直釭面酒熟新月彎

但期勿招損鶴怨何必長居鷓鴣班買山而隱縱諧諛
有田不歸真堅頑潞秋水疾于箭扁舟從此尋烟鬟
直凌三十六峯頂排空石筍寧阻艱白雲滿袖氣紛郁
黃鳥入耳聲縉蠻他時我亦掉頭去清福未必山靈慳
拄杖徑訪容成子與君同住茆三間

彭少宗伯觀之先生曾撫楚中令子六一編修
典試其地因爲詩贈行兼呈少宗伯

鸚鵡洲前開幕府趨庭剛是受經初南樓幾共陪清嘯
公子旋看擁傳車采得蕙蘭雙袖底養成杞梓十年餘
襄陽耆舊如相見應爲羊公問起居

傳經堂詩鈔 卷五

四

七夕有感

又見明河照鬢絲人間無處寄相思空餘一片支機石
會伴秋宵織錦時

雪後獨坐有懷約庵上人

昨夜灑微雪曉來見晴旭殘雪射朝陽光明忽滿屋敷
坐息衆慮益花媚幽獨泠泠方寸間不二門已足不識
面壁人何如彼枯木莫將文字禪風旛義重續

聞七弟崑泉有江右之役口占寄之

千里依人事可吁漫天風雪片帆孤不知鼓櫂潯陽去
識得廬山真面無

七月二日同人譙集分得物字卽送鶴侶二絕

兩舍人歸觀同集者錢辛楣學士蔣漁村曹晉庵沈雲椒三編修諸筠心吳白華

兩庶常褚鶴侶吳二抱孫補山汪厚石陸耳山

郭塘湖程蕺園趙璞而嚴東有徐縣園十舍人

及謙恒共十七人皆以

南巡召試蒙 特恩通籍

涼風被庭除炎威勢漸屈趁此秋光明招要集簪級地

僻容閑鷗林古見卧佛談鋒紛戈鋌詩癖互攻熨酒酣

擊長棧狂言其無拂憶昔遊

異數俄頃變枯茆

九重舉時巡萬類達幽鬱爭獻少陵賦詎嫌馬卿吃聯

袂趨鳳池吳會盛文物下走媿非才亦復入羅罽彈指

十三年三見下

綸綍羣公袞袞來雲興復霞蔚休明賴鼓次風雅藉揚

屹文章雖區區繁蕪願芟芟吾黨自不凡前修未易訖

景運幸躬逢何以贊密勿高會樂事新離亭歌聲歎言

歸咏白華至性安可拂聚散疑萍浮樹立期山屹目送

南飛鴻翩翩謝塵埃

奉題座師秦大司寇樹峯先生味經窩第五圖

四首

我聞陸龜蒙六籍聖人海萬象森其中有核唯所采奈

何僅耳食欲爲天下宰誰歎飽商推既飢猶恐餒儼若

享太牢羣言盡菹醢精華本無窮含咀味斯在處則爲
經厨出則調鼎竊笑彼無舌人安能求甚解

禮經久聚訟師傳異茅茷株守一家言糟粕安可歆卓

哉先後鄭天人義穿穴小儒驚魚龍廢食或因噎辟穀

求長生微言恐中絕夫子觀會通淄澠味能別五齊各

有宜方寸爲麩蘖沾丐及來者賴此廣長舌先生著五禮通考三

百六十
二卷

載籍膏腴區吾徒任耕稼初或似嚼蠟久乃如啖蔗經

義灌胸中肺腑與之化所以窮經人皓首不能罷伏勝

暨轅固上壽無足詫茲圖三十年春秋幾更謝講學猶

傳經堂詩鈔 卷五

津津探討趁休暇粟延遐齡何必談膾炙

吾家傳一經玩索在父象先春麓公九十餘猶手著周易解義以下海易者七世

夙昔趨庭除授受若函丈至今畫幃存先君子有抱授經遺照

經慙鹵莽三復 先人訓道腴結遐想幸獲依門墻喟

然動鑽仰願分六藝甘爲我饔飧享優柔而厭飲吾生

得所養雕蟲非丈夫舍魚取熊掌

送秦澗泉學士暨令子芝軒編修歸觀

片雲隱隱望庭闈好把朝衫作綵衣伏

闕唯欣烏鳥哺還鄉詎羨白鷗飛玉堂兩世聯輿入畫

艇三秋接棹歸料得老人星一笑圖成家慶近來稀

題明宣宗畫二首

楊梅

幽風圖向殿廷開剝東京葵念幾回却憶江南好風景
胭脂新染到楊梅

鼠

禁林初闕內書堂鼠輩紛紛蹟已彰何事眼中餘五伎
寫生偏爲賜中璫宣宗自題云宣德三年戊申武英殿御製賜太監郭弼

趙甌北編修新居即海寧陳文勤故第也次諸

桐嶼編修詩韻二首

莫憶家隣第二泉紙牕燈火歲寒天抽身未便容高隱

傳經堂詩鈔 卷五

買宅何妨竟屢遷合藉門生攜斗酒免因問架出緡錢

一簾風月真吾土送與詞人王仲宣

堂開綠野記前因重到會無舊日隣琴笛儘堪隨處設

杯梓先已雜然陳眼看庭竹紛殘雪手植益梅報早春

獨占中央爲地主文勤第甚廣南北皆屬他 可容頻有

借書人

題畫三絕句

老樹如人立孤亭似笠圓夜來風太急葉落捲秋烟

一片雲橫遠浦數聲鶴暖晴空只合吹笙閒坐消他滿

澗松風

涼颯颯入庭柯倚樹微吟思若何忽憶蛾眉亭外月
別離已是十年多

瘞馬

骨相非千里馳驅已十年肯因筋力盡忍使道途捐款
段元相得皮囊亦可憐敝帷遵古訓唯願爾歸全

題陶吾廬先生歸去來館圖 并序

先生為靖節三十八世孫以翰林乞養歸得靖節
故居於廬山下因名曰歸去來館且為之圖余從
先生孫簡夫太守所見之敬題五言二章即用靖
節移居詩韻

傳經堂詩鈔 卷五

八

柴桑不可見誰知有遺宅衡宇故依然古今若朝夕達
人聊寓形詎肯為形役堂構重世守于焉布几席守道
寡所營讀書慕疇昔茫茫先聖緒與義賴昭析 先生著
有講習

采蘭循南陔束皙歌笙詩庭闈具真樂皇皇將何之慷
慨述祖德千秋有餘思迹同週則異幸遭義農時惟願
來者賢松菊長在茲力田不逢年斯言將誰欺

漫興

一卷黃庭到眼前紅塵元自有真仙丹砂苦為求勾漏
冷笑人間葛稚川

奉題彭大司馬芝庭先生蘭陔永慕圖二首

風木有餘痛回首瞻南陔采蘭情未已獨立空徘徊孺
慕本天性詎許小雅材笙詩無其辭妙義誰能猜

昨夜夢北堂奉觴上母壽依依絮白養油油生戶牖陳
情會幾時茲樂不易有唯有孝子心蘭香猶在手

題畫二首次陳句山銀臺韻

蘆葦叢中繫板頭縱無風雨也生愁孤蓬獨立憑誰語
只有飛鴻送遠秋

斷炬疎烟入暮愁荻聲吹作滿湖秋無端棖觸年時事
一夜曾經已白頭

傳經堂詩鈔 卷五

九

曹容圃庶常索東南書屋詩因循未就頃招同
商寶意太守程蕺園陸耳山兩舍人小集聊成

近體一章報之

三間新拓屋如船分得隣家樹影圓牆外儘容歌纂纂
燈前休訝舞僊僊酒濃為戀將離客 時寶意太守
將之官雲南詩冷
粗償未了緣棗葉鍼鋒真妙諦更期參破口頭禪 維摩
經如
持一鍼鋒舉一
棗葉而無所撓

題顧晴沙侍御試泉圖

臺省何人似虎頭年年夢繞故山秋不須定博頭網罟
只憶清泉一綫流

九龍山色暮烟橫山上泉流映月明送與江南老桑苧
僧樓卧聽轆轤聲

千斛糧艘泊潞河攜來佳味故鄉多誰知使者心如水

一勺清甘奈遠何時方拜坐糧廳之命

第二泉邊倚釣艫廿年前試紫琳腴戊午春與王虛舟先生試泉聽松精舍今廿七年矣

鬢絲禪榻何時共滿院松風對竹爐

過蒲褐山房訪王蘭泉比部不值

欲問維摩詰驅車入朝川故人不相見獨立空茫然落

日動殘磬秋風催亂蟬蕭蕭修竹外誰與話枯禪

同丁芷谿侍御畢秋帆修撰曹竹虛編修集王

傳經堂詩鈔卷五

詒堂編修寶齋堂飲新釀補天露

我昔頗作達麴藥心所受賢聖吾能分往往傲儕輩次

公醒而狂何况得酒態止酒二十年遂出酒人外凌晨

動食指招要入高會雉膏與鹿麪珍蔬雜鮭菜食單難

具陳雙筋恣飽啜杯中物雖良吾意固不在少頃出新

醞雞缸手親漑主人前致詞釀法自仙界方為婁黃稊人所授

稻爲之君參苓迺其配甘露應弗如不飲良足怪諾諾

復爾爾堅壁未肯懈忽聞醜醜香先入鼻觀內雖欲恐

須臾其防竟立潰一酌神色清再酌精力倍酌以無算

爵自詫飲戶大時醉復時醒超然得三昧元氣盈肝脾

眼底脫拘礙聳身向鴻蒙俯笑宇宙隘是日寒氣凝刁

蕭大塊噫豐貂圍紅爐層冰猶在背胡爲玉船動稍欲

解襟帶温風生重簾春和息衆竊始知酒力到恍若餐

沆漚既無狂藥嫌安有腐腸害手持金叵羅延年茲爲

最人世那易得痛飲惟下拜青州從事佳皆當等自郇

便擬乞方法糟邱老可耐天地爲席幕萬事眼不挂非

此寧病渴終當守吾戒

題周東阜編修遺像編修乞假南歸舟過金山

方共客飲一笑而逝或疑其前身爲金山僧云

彩筆曾探上苑春慧根知是再來人當年悔不陪羣屐

傳經堂詩鈔卷五

親見如來現後身

優曇一現便成空瘦鶴分明到眼中爲問吟魂更何處

妙高臺上月朦朧

阮唐山舍人秋雨停樽圖

臆外廉纖送雨聲望廬贏得鬢絲生傷情拚斷杯中物

愁絕江東阮步兵

涼風凜凜轉空階薄俸聊營奠與齋祇恐忘憂更無術

翻憑尊酒遣悲懷

孤負秋花別樣妍玉船誰共晚風前可知更有鱖魚在

晨雷聽殘忽五年

哭九弟吟軒二首

昨夜依然話漏殘天公何事忽摧蘭苦心直欲眩三折

弟以醫活人甚夥回首真成緒萬端詩已能工窮校甚所著有門端雨吟

疾雖无妄藥偏難弟自袁舍人寓齋中著及抵家而藥已不能下咽

傷情永訣會無語唯向雙雛一再看弟有子三歲女五歲

憶昔萱堂二豎攻爾方絕孔我成童先母見昔時余年十五弟才五歲

七弟十一八弟七歲四空廊暗灑千行淚長枕同禁五

夜風憂患半生占履虎辛勤九載伴雕虛弟於戊寅北來余為娶婦

任以家事無端舊恨新愁滿都在憑棺一慟中

袁舍人我我周旋圖四首

傳經堂詩鈔 卷五

苦石相依有夙緣形骸之外得真詮就中賓主知誰是

示現聊傳一指禪

無端指點靜中因身外何妨更有身須識本來無我相

喀然相對自相親

今我依然故我時端詳真不異鬢眉笑他鈍漢陶彭澤

形影紛紛摠費詞

妙諦般侯只獨語拈來宗旨卽瞿曇欲煩化作身千億

解脫人間自裏蠶

全椒王邑侯 并序

侯名齊英雲南蒙自縣舉人初之官擔簦躡屨至

江寧承恩寺僧弗納以縣宰告不信出文憑示之

始卽次及下車以廉靜爲治愛民出天性時久旱

夜則私禱於內署至泣下旋大雨有秋判事如流

水不輕遣一吏至鄉里故胥徒多散去以病歸遮

路岐哭者踵相接行囊蕭然襟被外惟書數百卷

抵家逾年而歿余曾識侯面顧知之未深其部民

縷述之謂數十年來長吏中無此人也頃讀白太

傅立碑篇不禁三歎遂爲詩以誌後之傳循吏者

婢膝奴顏摠不能使君風骨獨棱棱帶牛佩犢看先卻

蘇詩此去還須御佩牛社鼠城狐敢更憑墓碣有誰和淚立縣樓

傳經堂詩鈔 卷五

曾共破愁登不知他日標循吏可數貞元勳信陵

絢春園雜詠奉和館師尹望山先生用杜工部

遊何將軍山林韻十首

福地從

天賜山莊勝午橋亭臺多亞水竹樹摠千霄東閣應頻

啟西山底用招

蓬萊端在望尺五詎迢遙

門館無私謁泠泠一水清松風招野鶴柑酒遲新鶯讀

畫除寒具譚詩得太羹祇應人問字或許傍階行

不朽三兼備何須問辟支微雲收遠岸殘雪聚方池鷗

驚心相印鳶魚趣獨知未能忘結習一卷手常披

謝公庭樹下幾度對鶯花忽似歸巢燕翻隣赴壑地本

郭文忠別業先生其婿也故元唱有感舊句經綸才可替泉石興逾餘合誦

香山句春深執政家

頻年居重鎮幕府傍江開聽漏千村雨吟殘幾樹梅蒼

生方有賴青瑣又重來下直從容甚幽情到碧苔

屈指春將及旗槍試玉泉捲簾花姬妬拂砌草芊綿那

用登山屐無勞買宅錢高歌隨地好風景滿晴川

退 朝聊習靜小閣坐焚香石磴寒烟細沙隄夜月涼

四山供眺覽一室話行藏白傅誰能畫閒吟古樹蒼

傳經堂詩鈔 卷五

十四

秋花斜拂徑春水暗通池儘足支筇杖何妨岸接籬鹽

梅承舊業詩禮付佳兒請看階前鳳

綸屏跡又隨謂令子樹齋閣學

冊載詞臣重台階近五雲人知推大老

天遣寄斯文時奉命教習庶吉士跡與龍門異源從鹿洞分頭

願開講席瑞葉正續紛

清班歸管領玉樹慶如何况列門牆久彌叨砥礪多抗

懷唯古昔努力在絃歌可許傳衣鉢春風好數過

方宜田制府以書問疾湯成二十字奉答

示疾元非疾會無藥物須如何真是病穢欲叩文殊

送儲梅夫宗丞歸宜興省墓四首

班聯六卿亞出入五雲深但覺

恩波潤寧知鬢雪侵螭頭方待漏馬鬣忽驚心一疏陳

情切非關動越吟

屈指登臺省駸駸已卅年冰霜存白簡弓冶在青編雅

化歌行葦歸心託杜鵑金坡多盛事應向故鄉傳

潞河新漲瀾畫舫帶烟寒却去攜家便休言卜宅難濤

聲聽鐵甕山色指銅官好及粉榆社親朋笑語歡

雲霞初結契憶在子雲亭

已卯冬始識先生于揚星亭宗丞所

昔論文重典型風帆聊小別月俸只姑停莫作閑居賦

傳經堂詩鈔 卷五

五

蓬蒿便掩扇

消夏雜詠八首

梔子花

託根昆舍園合與梅檀傍唯聞林間香何處尋色相

玉簪花

織女夜渡河遺簪在幽砌與誰助晚妝好縮拋家髻

晚香玉

無瑕真白壁到晚益芬芳插向玉人鬢應疑體自香

牽牛花

迢迢天上星游戲在籬落微吟趁朝雲秋懷信有託

夜來香

香遠偏宜夜靈芒幻此身不須焚石葉真有魏官春

雞冠花

羨爾昂昂姿中庭時顧影胡為不能鳴毋乃師紀渚

茉莉

移從炎州來獨有涼風送最憶酒醒時冷香透殘夢

蓼花

搖曳多依水低垂每向風為含秋意到分得夕陽紅

秋思

烟冷雁投遠浦月明人倚高樓何處一聲長笛吹來無

傳經堂詩鈔 卷五

十六

數新愁

應

制賦得紫禁朱櫻出上闌

五雲深護

禁林邊的的朱櫻萬顆圓聞道

寢園初薦熟俄驚中使為傳旨盤堆赤玉承

恩早帕裏紅羅拜

賜先細寫正當花落後嘗新剛值黍登前傾來瑪瑙含

風暖捧出玫瑰帶日妍荀脯最宜同入饌蔗漿還許共

升筵甘瓜朱李應徐及雪藕冰桃取次傳何幸簪毫露

湛露每攜珍果繫歸鞵

秋日雨後同朱笥河學士宋小巖洗馬曹竹虛

中允褚筠心侍讀集汪持齋閣學邸舍時談及

鄧尉山桂華之盛故有落句

書局念念策馬回招要重到小蓬萊半天雨勢龍銜去

一片秋聲鴈帶來桑落肯辭今日醉桂華應傍故園開

吳中風景資談柄促坐渾忘漏點催

趙北口曉行寄都門故人

星軺遙指向齊州趙北燕南一縱眸楊柳曉風催驛騎

菰蘆秋水見漁舟雞聲喔喔思前夢鴈影翩翩憶舊遊

傳經堂詩鈔 卷五

十七

回首春明朋侶在銷魂橋畔獨夷猶

玉瓊瓏館 并序

牕外巨石名玉瓊瓏極透漏之妙前人有詩題其

上旣顏吾館兼系以詩

結茆臨清流十笏頗卑隘四面開軒牕須彌乃納芥愛

此玉瓊瓏應下米顛拜

石芝書屋 并序

石芝在書屋之東把卷相對用以自怡率爾成詠

神仙安可求道妙在無欲笑彼束園公長歌商山曲不

如對石芝讀書吾意足

登岱

聳身凌岱頂俯首覺雲低日近真堪捧天高竟有梯仙蹤尋石髓往事憶金泥一望迷烟霧何從辨魯齊

淄河口號

濺濺來何急臨流感忽興不知水投水誰解別淄渾

萊州道中曉行

殘星點點促晨裝海國風來曉更涼見說不其山在望逢人先問鄭公鄉

登州校射見海市用東坡韻

烟雲縹渺生晴空長隄忽現層濤中寸馬豆人畧可數

傳經堂詩鈔卷五

六

須臾幻作神仙宮大竹小竹名二島樓閣眩其鱗之而皆

天工始笑般僮非大巧游戲終古輪癡龍眼中突兀乍

相遇長歌忽憶玉局翁浩氣直欲迴造化勁筆豈祇一

世雄我來校藝正初夏鯨鼉吐擲勢未窮敢以神力自

誇謝一見亦覺心神融回頭一笑語多士蓬萊自昔靈

氣鍾世間萬事摠幻影詎必人嗇我獨豐白衣蒼狗任

變滅勳名當勒銅柱銅倚闌試看蜃氣散波平如掌來

清風

蓬萊閣

東海洋洋此壯觀峻嶒高閣獨憑欄一帆雲滿飛何疾

五月風微骨亦寒島嶼半從烟際出樓臺都向幻中看是日復見海市平生誦法東坡老再拜荒祠一整冠閣下有東坡祠

雨過鄒平

鶉鴉聲裏雨如絲正是農家望澤時太息傳經人不見空濛何處伏生祠

坳芥亭卽事

深巖地比僧寮閉軒窗聽如畫舫停幾葉寒蘆依柳岸一彎流水接沙汀機心不耐窺碁局兒輩嗜奕戒之老眼猶貪

校石經適校元板故氏儀禮集說只有鵲山爲故侶粉牆遙見佛頭青

傳經堂詩鈔卷五

九

歷下亭早秋

一葉點秋波秋風歷下多空亭餘古意落日動高歌漁艇依蘆葦人家枕薜蘿白蓮開未已幽思更如何

大明湖秋泛

誰將七十二泉流匯作明湖十頃浮天與詩人添逸興我來烟艇恰新秋遠山倒映成雙鬢初月斜穿又一鉤

無限濟南好風景畫圖都向鏡中收

水西橋絕句

嫩涼天氣好風吹湖上風光晚更宜一帶藕花吟不盡

水西橋畔立經時

水西橋畔立經時

雨後大明湖

頓覺歛蒸退湖光弄晚晴七橋新溜急一棹夕陽明言
采芰荷去因隨鷗鷺行田歌聞隔岸相對不勝情

九日登華不注

蕭蕭風物逼高秋孤嶂屢屨一縱眸山氣直應連泰岱
地形終古鎮齊州一聲白雁寒雲靜九日黃花古寺幽
可惜謫仙人已去虎牙千仞不同遊

金絲堂聽樂 并序

樂舞童應試者先考音律後校文藝例取四人充

曲阜學附生己丑九月恭謁

傳經堂詩鈔 卷五

文廟即同行聖公誦金絲堂演樂登

闕里之堂聆大成之奏更不僅低徊於車服禮器也榮

幸無極輒見於篇

數仞牆如此元音乍過雲似從天上奏詎向壁中聞笙

磬聲初合官商節自分平生思雅樂側耳倍欣欣

泉林印目

尋源至陪尾見此清波流石畔泉初響階前浪欲浮孤
亭探妙理羣動一何幽終古有如是涓涓殊未休

羊流懷古

太傅風流信可師征南遺烈至今垂在拋木柿心何苦

終恨樓船績已遲諧語漫論銅雀伎淚痕空灑峴山碑
千秋故里留祠宇猶想輕裘緩帶時

傳經堂詩鈔 卷五

傳經堂詩鈔卷五終

傳經堂詩鈔卷六 庚寅至壬辰四月

蕪湖韋謙恒慎旃

四照樓下多隙地種樹十餘本連日得雨生意

可觀漫成二絕句

十年樹木計成難澆溉辛勤我獨殫但使成陰能似幄

儘教留與別人看

費煞天公雨露滋眼前生意竟如斯待他李實桃實後

應記先生手種時

惠民道中

按部初經古棣州漢家循吏蹟猶留千村細雨收魚蛤

傳經堂詩鈔卷六

一 逕斜陽見犢牛澤國生涯需擘畫海邦風景費咨諏

從來瘠土能思善却喜彬彬媿魯鄒

三月十日聊城清明

三月十日好天氣欲雨不雨桃未開彈指便過寒食節

放懷何處魯連臺老顛畢竟因春甚鄉思無端逐酒來

遙憶鹿門方上冢松楸鬱鬱覆蒼苔 時八弟方歸省墓

東昌邵博董曲江 元度 以庶常出宰安遠旋改

校官聞其造士有法賦詩贈之

校書天祿力曾殫老去重看苜蓿關好繼河汾為教授

敢呼屈宋作衙官論文却喜三春承味道寧嫌一飽難

莫訝先生偏口吃譚經滾滾正翻瀾

謁曾子祠

洙泗淵源一脈真遺祠肅拜仰傳薪夢狸早信能為子

投杆元知不殺人金石祇今疑奏雅水淵終古悟持身

豆籩未敢陳羊棗猶想依依孺慕新

太白酒樓

唐代斯人少千秋氣未頽試看天寶末誰薦令公才護

落同狂客哀歌獨酒杯登樓空悵望不見錦袍來

寧陽道中望嶽

我登泰山巔去年春之半詰曲十八盤人影白雲亂岩

傳經堂詩鈔卷六

巖入天門徘徊在日觀邈焉隔塵凡形超骨亦換仙境

難久留小別竟如幻惟有清夢問往往到霄漢燭來渡

汶水忽與岱嶽見依稀丈人峯清光落人面畿輔方望

澤

宮中廛宵旰鄒魯膏春膏已足飽麥飣不雨幾一月大

田亦小早稽首呼山靈黔首良足眷安得膚寸雲為雨

天下徧

四照樓雨中望歷山

極目何空濛依稀歷山下遙知風雨聲中有荷鋤者

庚寅初度述懷

大衍才過頭漸白老夫筋力覺龍鍾十年誰共牛衣臥
喪偶以後獨居十載矣百計猶虛馬鬣封時營夫窀穸未就稍喜譚經
宗伏鄭敢誇學道接喬松道氣接松喬富仁軒中丞見贈句也諸生莫浪
陳歌頌終媿人師爾未逢

自題秋林講易圖 并序

濟南使院在大明湖東水石清幽致有佳趣新秋
雨霽校士餘閒借兒子 協夢協中學易於坳芥亭
因為秋林講易圖并題五言二首

平生嗜墳典一編每獨把矧以退食餘坐我秋樹下清
光盈胸懷水木自瀟灑蓬髮有二子詩書為陶冶易學

傳經堂詩鈔 卷六

傳九世 自治易今九世矣詎敢頓喑啞程邵吾兼師焦京
汝姑舍居則玩其辭鳴鶴象可假惟期樞機慎庶幾悔
吝寡安能病包犧效彼負荅者

善易不論易斯言古亦有吾惟未善易斯斷乃在口錫
名憶先人俾我終身守拳拳五十年頃步無敢苟小
子躁未釋道蘊詎能剖卦以未濟終於義何所取三陽
皆失位微言倡筏叟小狐濡其尾戰兢斯无咎以茲持
爾身或可昌我後他時當致亨有孚于飲酒

鈞突泉卽事二首次劉青垣編修韻

威沸寒泉湧跳珠濺曉嵐誰知秋月九忽共容星三 劉時

徐兩公同典試事翠嶂真堪挹黃花况可簪劇憐清似鑑頽影
向深潭

深源從此導小佳亦因緣秋喜流觴好人欣出郭便仙
蹤聊細數活木試親煎歸路迎新月何妨緩緩還

九日同劉青垣徐杏池兩編修登歷山次壁間
韻

登樓每為對山光 著中四照樓與歷山對九日欣然此命觴洞古
暗添風獵獵秋深猶見物昌昌清泉歎薄圃荒寺短堞
參差送夕陽龍象漫嫌冠蓋俗杖藜吟斷晚煙蒼

徂徠山下作

傳經堂詩鈔 卷六

我行徂徠下望見徂徠巔微雲暮孤岫遙與泰岱聯何
人此譚道結茅心悠然巖巖凜勁節詎僅枕林泉平生
慕高蹈日暮空流連唯聞松濤響謾謾穿寒煙

平易集 在費縣

連朝行鞞確此地忽平沙歸樹鳥聲急趁墟人影斜村
烟新月抱山色暮雲遮欲檢輿圖問顛史或是耶

少陵臺

豪華轉眼卽塵埃千古詩名未易灰為問靈光殿安在
巋然獨見少陵臺

曹州咏瓶中蠟梅天竹

南華景物逼人清斜倚瓶花酒細傾已見黃梅第五祀
更參天竺古先生冷香忽向春前動赤玉偏從雪後明
却想妖嬈三月暮綠遮紅襯太風情

謁卜子墓

夙稟西河教茫茫緒可尋流風終古在落葉墓門深後
素窺宗旨先傳見苦心倘容供灑掃六義試微吟

湛然齋四詩

木瓜

幽香壓秋林遙從西徂送瓊瑤報未能風詩但微誦

佛手柑

傳經堂詩鈔

卷六

五

爰此梵羅棉逆風香不已香從何處來妙悟在一指

水仙

翩翩遺世姿洛靈之所化欲倩八斗才更寫花光姹

素心蠟梅

虛白在中含黃冠乃其貌惟有素心人堪與相視笑

應

制賦得泰山不讓土壤

巖峩瞻泰岱峻極冠羣峯須識高無際都緣量有容纖
琤端不讓片壤亦堪封捧土心徒切包荒德獨鍾幾曾
辭一撮更覺聳千重嵩華難爭長云亭許附庸九泥虛

可受觸石雨先從

聖主符元化巍巍萬國宗

應

制賦得大禹泣辜

夏后崇明德醇風被朔南懸鞞情正切繁枯見何堪偶
爾逢衣赭愀然爲駐驂一夫如已溺雙泪獨心慙詎曰
無辜累惟希有道含欽哉刑恤五繼者網開三須識生
爲德還期樂共耽

聖朝聲教廣萬類荷

恩覃

傳經堂詩鈔

卷六

六

蔡松霞糧使署齋席上有作時蔡遷照泉尙未

得代也

暫停征騎共嬾娑芍藥香濃細細過明月始知今夜好
春風偏向客中多黃鸝紫燕關情甚碧酒紅燈奈別何
他日并柯江畔路雙魚應爲託微波

棣州絕句二首

一犁新雨送征輪問俗重過渤海濱却喜沿村臺笠聚
更無佩犢帶牛人
吟興頻從馬上生羊蘭城外不勝情高三十五今誰似
五十論詩得正聲

夢愚堂懷愚山先生 并序

堂在青州使院施愚山先生提學時所題額庭前
二楸樹亦其手植也去年秋既從都人士之請祀
先生於大明湖茲駐斯堂乃為詩弔之

宣城丰骨玉嶙峋講學流風跡未湮雙樹獨聽深院雨
百年猶見後堂塵空將俎豆酬遺澤媿少文章作替人
惟有平生慕高節寸心秋水共清淪

黃縣道中

漢縣名猶在東臯雨霽初嵐光侵客騎海氣接征裾土
沃安耕織村深富蛤魚甍厓何處是更欲證方輿

傳經堂詩鈔 卷六

七

題登州使院道東齋

古郡依東海高齋署道東人知尙經術吾獨媿宗風霜
雪鬢空點 余於前歲試登州鬢髮未華今則鬢已全白矣 丹鉛意未窮相期歸

大雅通德里應同

勞山篇 并序

勞山三面跨海巖壑幽峻不可名狀自青蓮賦詩
後探奇者鮮不目為神仙與區焉余以辰前未到
為憾頃得勞山圖一幅卧遊竟夕覺層巒疊嶂了
了目睫此心超然在大勞小勞間矣爰作長歌繫
於圖後

我聞勞山崩男削天半橫跨東瀛作几案深巖絕壑難

悉名毋乃蛟蜃精所幻使者兩度來東萊矯首但見層
雲堆惜哉相距二百有餘里欲往從之空徘徊夜闌忽
展勞山圖峯巒歷歷皆仙都獅子巖前飛鳥絕玉皇洞

口松風俱想見山中紫霞徧山麓時有仙人騎白鹿安
期之棗大如瓜一聲長嘯滿陵谷不知何物妄男子無
端欲附長生錄連弩親齋漁具來虛教擁篲山靈辱講

經翻憶鄭康成當年高卧不其城挾策遙知此臨眺飛
仙橋畔獨有千秋萬古情何時直造巨峯上俛瞰鯨鼈
生萬狀紅雲一片擁朝暎海水茫茫恣浣瀆學仙終古

傳經堂詩鈔 卷六

八

成癡頑詎必服食求朱顏惟有登高望遠興不淺願將

洪濤萬頃收入胸懷間嗚呼安得天上謫仙人尙在相
與幕天席地日夕卧對海上三神山

試濰縣童子得孫生斐年已八十有五矣而視

聽不衰筋力亦健殆有所以養之者

瘦削秋山老筆成白頭才得附諸生漫言古貨今難售

古貨今難賣歐陽文忠句也 人瑞真堪獻

聖明

論年我合以兄事問字翻充弟子行一笑相攜為老友
從容更乞養生方

萊州海神廟按齊乘東海瀕聖廣德王廟在萊州西北二十里宋開寶六年重建

今正其地也

洋洋碧澗靜無波海上靈祠鎖薜蘿九派澄清歸壑易

三山縹緲隔雲多高樓日暖長鯨偃古殿煙寒乳燕過

見說居人勤報賽更塗丹雘意如何時與守令議新之

望海樓

極目滄溟遠樓隄四面開潮聲催日上水氣雜雲來島

嶼檐前列桑麻檻外栽海隅皆樂土底事訪蓬萊

淄河行

自東徂西千里餘日行犖确穿崎嶇其中有水七十二

傳經堂詩鈔

卷六

九

淺深各異涉亦殊或駕長杠杭一葦或以馬躍或車驅

唯有淄河太奇特涸時清淺如蓬壺觸石膚寸崇朝雨

巨川驟若萬馬趨縱橫曲直唯所向俄頃忽成江淮湖

茫乎不知其畔岸洪濤兼挾砂石俱剝木為舟技安用

駕鼉為梁術更無居人但歌公無渡行者四顧徒睚眦

誰知乍盈亦乍涸電光石火才須臾奔騰汎濫不三日

微波一勺玻璃鋪昨聞急遞凶滅頂褰裳欲往心趨趨

我來水已歸大壑中流蕩漾同康衢深者纔能及馬腹

翻疑傳聞皆失誣時止時行適然耳至人相與委蛇虛

吾生敢冀占利涉終身寶之唯中乎

余於己丑春往來章邱鬢鬢如漆在再二載遂

至霜雪盈盈今重經其地見者無不驚訝口占

二十八字

三載觀風過此邦女郎山外擁旌幢獨憐鬢鬢今如雪

無復青青照繡江

余以先人未葬不忍有室故喪偶後誓不再

娶顏所居曰法喜今忽忽十二年矣漫成五言

十四韻題法喜庵壁

我豈元德秀亦非陽行先絃斷不復續茲事有由然

先人厝淺土彈指三十年安忍問鏡臺誓將營墓田老

傳經堂詩鈔

卷六

十

鯨逾一紀霜雪盈華顛無端致客難欲語空涕漣琴瑟

詎不好松楸尤所牽倘能卜吉兆俾我依牛眠擁書數

千卷架屋三兩椽晨夕捧麥飯鞠脰如糜前此生願已

足周妻何有焉天女散空花鈍根寧能宣虛室名法喜

妙諦難言詮一絲本不挂聊為口頭禪

辛卯鹿鳴宴用山谷觀伯時畫馬韻

頻年

國慶大典行工歌鹿鳴非新聲階前雜拜玉符橫水沉

細炷香欲透中有儒官苦吟瘦是科校官獲傷者五人割肉好歸

薦登豆中丞門前鳴花驄休將得意誇鄰翁明年看取

宮袍紅

贈梁生瀛嘉 井序

梁生字志南德州人貧而好學所著有周易觀運
及易書詩春秋儀禮周禮禮記條辨等書百餘卷
年逾五十足不越庭戶州人罕見其面庶幾經明
行修者學使例升優生於成均余以生為舉首并

贈以詩

兩漢重經術儒風盛齊魯卓哉鄭康成心苦為訓詁六
籍賴以昌儼如日亭午奈何弃漢學讀書太莽鹵使者
來采風浮夸屏弗取篤行推梁生廣川有遺矩下惟不

傳經堂詩鈔

卷六

十一

窺園鑽研力獨努不知厨無煙但期腹可拄接討及箋
疏辨證窮帝虎輩作相勸帥歌聲出蓬戶後生好捷走
斯人足砥柱

當今經學明珪璋羅天府敢以獻

形廷俾之摩石鼓鴻漸占上九行當用其羽

九日酌笑泉忽憶去年今日與諸公登歷山賦

詩今皆別去不勝聚散之感因用東坡九日至

勤師院二首韻題壁

莫訝秋霜兩鬢侵品泉聊復汲清深曲池浪湧還如舊
斷碣苔封好細尋水樂詎關絲與竹道緣休問石耶金

林

關中祀呂祖有談點
金術者故戲及之 故人幾處分南北把臂曾同笑入

去年並馬白雲堆九日登臨亦快哉北海衙樽唯我在
東籬嗅菊更誰來也知松柏心長共且對茱萸眼乍開
何日風前更高會天涯搔首一衷回

九月三十日周燮堂中丞署中泛舟至珍珠泉

試茗用東坡泛潁韻

幕府遊已熟斯遊乃逾奇後堂置小艇缺瓜橫水湄知
我煙水癖一笑療我癡秋風送微涼澄波弄仙姿輕槳
任所適得意偏遲遲宛如對明鏡詎僅歌連漪蓬萊在

傳經堂詩鈔

卷六

十三

人世舍此復問誰儵忽見水底跳珠濺須眉敵人不受
惜弃置乃在茲錯落千萬琲遊魚銜之嬉又豈麻姑擲
效彼狡獪兒清光觸人來擾之何能縉要令人肺腑玉
川真我師七椀意未足聊吟餞秋詩

山東鄉試諸生汶上郭毓麟年九十一壽光重

書宗年九十濰縣孫斐年八十五皆蒙

恩賜舉人

慈闈集慶皓叟彈冠從來未有之

殊恩也賦七言一章恭紀

洛中耆英十三人皆逾七十無八旬

耆英會中唯富鄭
公最長纔七十九

耳誰知山東大選士耄耄聯袂來彬彬人三爲衆若鼎足共年二百六十六少壯頻瞻

聖祖顏三生自言聖雨露祖南巡時屢曾瞻就

三朝蒙樂育

恩綸特育登賢書方瞳皓首樂何如願上

慈寧億萬壽含哺相與歌康衢

十月二十四日余去濟南諸生餞送者絡繹數

十里禁之不能迨至齊河乃堅止諸生毋更前

兼示以詩

平生抱孤介面目冷如鐵不欲苟悅人敢冀人盡悅矧

傳經堂詩鈔卷六

三

承

天子命海岱汝持節董勸苟弗明佻達安可絕遂將勤

懇心化爲廣長舌閑檢用或踰衣冠其毋裂經籍窮根

源文章戒疲茶多士敬而聽凜凜未敢褻乍覺束縛苦

久乃趨嚮切搗染及三年服習泯言說城郭多絃歌鄉

曲徧茅蕪蕭艾既不萌蘭蕙日以茁網羅得英俊騰蹕

有耄耄初彭齡實汝翼以名試賜舉皆未有之

殊數私喜

聖澤宏宣揚免叨竊今我將還

朝依依惜離別追送若恐遲夾道子衿列回頭語諸生

吾道有圭臬樹立期不凡功利非所屑試看杜陵翁許身唯稷卨子歸有餘師我車胡能繼會晤良不難舊翁幸勿輟

十一月十五日夜寶善亭齋次卽事

三載重來卧玉堂沉沉清漏近官牆青藜幸許依劉向

白髮翻勞感遂良諸城院長齋宿見余黃髮皆白怪而問之預識南郊儀具

舉更欣北陸日將長眼前上瑞先須紀六出霏霏夜滿

廟

官傳香樹先生爲題 先子授經圖依韻奉謝

世無蔡中郎誰銘郭有道幽光闕泉臺理窟本深造所

傳經堂詩鈔卷六

十四

期無媿辭詎徒耀文藻吾師筆千鈞能迴狂瀾倒闡揚

我 先子真意出詞表舊德在一經安知計温飽儒官

雖云早志行畧可考憶昔循南陔挾筴年正小俄頃悲

枯魚儀容隔仙島萬畝猶未能鬢髮忽已老夢想三春

暉脈脈惟寸草一言等華袞子孫幸永寶

十二月二十八日同鄒念喬侍講致齋清秘堂

作二首

歲晚相依向木天公方強盛我華顛見恒河性還如昨

蘇詩見恒河 忽忽東華十五年侍講丁丑入詞垣余性故依然亦於是年奉職薇省

先後臚傳傍玉墀北扉齋宿許追隨燈前細數

恩光重話到天街走馬時子於侍講為後進皆以第三人及第

送沈椒園廉使之皖江講席

我昔誦公詩恨不見公面昨聞齊魯問歌頌在郡縣斷

獄多平反糾吏除鍛鍊迺知經術深非僅春華綸塌來

趨 彤墀朝衣點微霰

慈寧介曼壽舞蹈羅碩彥瘦鶴何矯矯握手倍繼絕神

交已卅載風采今始見公年政七十炯炯眸似電坐卧

擁書城苦吟夜忘倦令子退直餘謂南雷儀部晨昏奉珍膳

庭前茁靈芝時產雙芝上瑞眾爭羨鬱鬱書帶草今古共葱

蒨潞河生潒波歸心逐帆片遙指皖公山講堂列狂狷

傳經堂詩鈔 卷六 十五

桃李花正繁春風拂滿院安得依臯比譚詩別正變

余因僦屋未得暫假陳文恭公故第與蔣編修

朱庶常同居忽忽兩月將以明日移至城西上

元酒罷走筆識別兼寄公孫松山比部

三人共占平津第南北中央總不殊祭竈迭更為主客

趨 朝爾我互催呼地鄰燈市春風簇第去燈市人對

星橋別思俱更憶閉門陳正字低徊祖德撚吟鬚

花朝獨遊永樂庵戊子春日曾與周黃李三同年讀書於此

宣武門南芳草綠翦翦春風吟不足永樂庵中花可人

都籃蠻榼爭討春當年禪榻聯厨顧高歌那管旁人怖

今日花朝只獨來蒼苔空見題詩處

題李義山詩集後

一首南山老筆成爭如杜老淚縱橫千秋若欲求詩史

合把西郊配北征

三月七日出都示協中兼寄協夢

我鬚雖云自我力猶未衰馳驅固吾分况蒙

特達知明刑膺重任褒子荷

聖慈

顧問我先世下乃及妻兒

恩眷有如此感激唯涕垂誓將身許

傳經堂詩鈔 卷六 十六

國何能顧其私念爾來遠送欲別不忍辭一言用相勗

小子敬聽之吾家有世德俎豆入鄉祠先深道公

公廣庵公建我 祖我 父先大父宰鄉鄉士民

皆祀鄉賢分教泗州金壇溧陽所清芬眾所推孝友作模範典籍

至有聲均詳郡邑志為表箕自媿才力薄仰承堂構基少小失怙恃儻粥安

所資支子本孱弱諸兄皆嫡子自余以舉足皆艱危唾

面不敢拭出勝空含悲倉黃渡江水落拓行天涯始丑

全耿介有本性顛沛未或違青瑣幸通籍丁丑

椒中書白璧益自持拜塵畏如火飲水甘若飴但恐夙

夜解或致羞辱胎年來祿逾厚瀟灑滿則敬滇南去鄉

井萬里山崖屐方以孤直矢寧容家累隨爾年甫弱冠
宛轉趨庭聞爾兄續鸞膠暫寄淮水湄夢兒齋吳濬
軒河帥署中夙
昔共枕被伯仲吹塲笮惹思非所慮樹立貴及時青瑣
有故物經術堪奮奮扁舟且歸去敝廬聊相依程卓詎
足羨軾轍真我師守身斯為大樹德莫如滋車澤人必
瘁戰勝身乃肥惡木慎勿息素絲其毋縉刻鵠尙類鷺
養雞當守雌三緘銘不忘萬石風可追人生非鹿豕胡
為歎別離努力寶明訓歡聚良有期揮手去天末吾馬
不可羈

過慈航寺弔方恪敏公寺在安肅道中為恪敏

傳經堂詩鈔

卷六

十七

所葺部民卽其地為祠以祀公

當年叅慧業十笏偶經營猶有春風滿時聞梵唄清平
生空結契迴首不勝情見說祠堂畔居民涕淚橫

行至榮澤聞河帥姚公小坡方在南岸急乘舟

濟河而公已北渡晤楊邑侯迺知公遲余良久

既感其意益用悵然賦詩奉寄

桃華春到水無波廣武山前使節過春錦千村開荻葦
旌旗一帶靜鼉鼉良緣竟向中流阻此別真成萬里多
孤負故人相遲久一尊何日共高歌

新鄭縣作 并序

新鄭居鄭許禹三州間地衝而瘠 先大父以康

熙乙亥來宰是邦竭力撫綏民樂其業旋復奉檄

轉饒晝夜持籌晚輸及時弗以秋毫累百姓鄭人

德之為建祠立碑謙恒赴滇取道茲土有老人年

九十餘曾侍 先大父問余之來歡然相告且言

鄭人呼生祠曰于公祠蓋以韋為于其土音也敬

成小詩題於碑側時乾隆壬辰三月二十三日

漆冢橋邊暫解鞍 先人餘澤未銷殘空聞故老掀髯

話獨對遺碑忍淚看椒醕到今爭拜舞羽書當日正難

難音容邈矣貽謀在七十年來指一彈

傳經堂詩鈔

卷六

六

頽橋懷古

驅車過頽橋臨風懷考叔考叔末吏耳千載慕高躅鄭
莊寘母非人情微詞能使感悔生迺知至性堪寤王此

事豈可口舌爭人生奉檄為親喜願請君羹作滌髓不

然終日對鼎烹何如一杯承菽水世間肉食徒紛紛倚

間空使親心勤惜哉頽谷封人語不遺西河郡守聞

襄陽樂

峴首山前漢川滄重鎮當年說羊杜為釣槎頭縮項鱸
漢上新添六檣船天寒水冷編難捕漁女含酸向誰訴
口腹之累今已除襄陽太守食無魚太守無魚亦不惡

沿村但道襄陽樂襄陽樂事難具陳月明先聽漁歌新

峴山亭

漢水滔滔抱郭門襄陽耆舊更無存賢愚漫道同銷滅
只有羊碑帶淚痕

王粲井

聞說誅茆枕碧流仲宣身世不勝愁空餘石井欄猶在

苔蘚曾經六代秋

荆門州欲訪蒙惠二泉不果

夙聞荆門西蒙惠二泉別一寒而一温終古共澄冽不
受萬物滓乃照衆形澈泉源何處來涓涓流不竭下馬

傳經堂詩鈔

卷六

十九

欲訪之好雨未肯輟江漲正洶洶幾與渾河埒泥沙入

茗椀欲飲復卷舌誰能致清泉使我對冰雪

江陵道中書所見

荆人事游惰我聞東坡言種麥不種稻子由亦云然誰
料今作苦迺欲勝越人茲來值初夏時雨灑浹甸東阡
與西陌臺笠何紛紛婦子各努力相與耕且耘不憚泥
沒踝但期稼如雲江水滿大澤微風吹碧鱗將以灌南
畝詎敢辭艱辛柳陰踏龍骨咿啞聲遠聞攬金更伐鼓
田歌喧四鄰手足縱勞瘁笑語彌歡欣力田既如此降
康奚疑焉遂令天下足翻賴楚有年諺云湖廣熟天下足沃野數

千里食飲安愚屯固由俗務本要在勸董勤北條水既

治利與東南均節宣得其道浸灌良甚便齊魯與鄭衛
何不興稻田憶昔南陽守疏鑿勤吾民課耕每露宿爲

堰有六門至今猶蒙休陂塘澤未涸不知牧民者孰如
召信臣腐儒不曉事故將蒼生論殷阜羨荆楚聊備風

詩陳

澧州訪梁冲泉觀察不值乃於武陵相遇

五載分襟類轉蓬澧蘭空爲訪幽叢何期問渡來溪畔

聊復搏沙向雨中執手漸看成老大持身相與勵公忠

上堂慙媿傳衣鉢憶癸未臚唱後吾師文莊公笑謂余曰吾與汝皆以第三人及第當以衣

傳經堂詩鈔

卷六

二十

鉢付端的郎君有父風

桃源道中水車行

并序

狀如風輪編篋爲扇繫竹筒於扇旁置之急流使

水激之自轉竹中皆筒水倒注又破大竹之半爲

丁字橫堤上若承雷然瀉入田間不用人力蓋巧

之至者賦水車行一篇

風輪忽置灘河衝湍流激轉疑飛蓬咿啞亂捲翠浪空

抱節君以虛能容倒挽溪水入碧筒宛若餽甌檐牙崇

銀瓶迸落流淙淙斷竹續竹呼噏通如屋有雷歸田中

高原竟與下隰同秧鍼一望彌青葱以水劑水人無庸

馬均枉費翻車童馬均始作翻車令童轉之而灌木自覆見太平御覽却笑物

古未工我聞桃源桃華紅漁郎曾此尋仙蹤灌田之術

何其備太巧毋乃惱天公詎知澤以說為功因勢利藁

斯善農人問水利真無窮前村又見木自春白香山詩雲確無人

春

將之沅州以雨大不能行遂宿羅舊驛先寄鞋

翹林太守

咫尺沅江未許過暫從驛館息鈴驟乍看槐綠綠

未到梅黃雨已多斑竹叢中留客夢亂山深處

故人顏色今猶隔先問吟情近若何

傳經堂詩鈔

卷六

三

傳經堂詩鈔卷六終

傳經堂詩鈔卷七壬辰五月至

玉屏縣二首入樂第一程也

荆楚山容次第看玉屏又為聳烟綺詩人結習真難盡

逢著青山便倚闌

鬢髮蕭蕭雪漸添晚來頻噓不須占鼻噓耳鳴惟占十

祇應兒女燈前話算到今朝正入黔六卷見漢書藝文

陸絳歌并序

黔山陡削肩輿不能上乃繫二繩於輿之左右使

人分曳之以佐輿人名曰絳夫余憫其勞因為之

傳經堂詩鈔

卷七

歌

牽犖確確穿山坳居人騰越如飛猿肩輿送我巖邊宿

若遵大路忘其勞忽見懸崖插千仞輿臺趨起不得進

短纜聊同上瀨船長繩畧似服箱制一夫邪許眾雷同

牽挽直到層霄中蝸角雙雙向人面蝦鬚裊裊當晴空

行步雖工力已竭白汗翻漿僅免蹶枉希代馬強追風

翻類吳牛驚見月峯頭已過喘未停息肩相與趨郵亭

得錢幸足供醉飽小人勞力古有經乘馬用人我心忤

肯惜傾囊為軟腳安得更籌衣食源俾爾長享田家樂

相見坡

一坡又一坡亂石何齒齒下下復上上僕夫汗不已回頭顧我徒徐行恐錯趾了了見其面相隔已十里

題飛雲洞四絕

誰將泰山雲幻作洞石古夜深應更飛去為天下雨本以石為身翻若雲之狀雲耶與石耶孰是真實相頑石與慈雲佛性本相等說法逢生公石亦當自肯巨石何玲瓏巖壑中畢具送與米襄陽此間作常住

阿都田見月

坡陀五十里馬瘡僕亦憊荒村不數家隱隱接苗砦望門即投止那復計卑隘回首望鐵關崩男插雲外不信

傳經堂詩鈔 卷七

從此來放眼窮兩戒呼吸通天閭險中得一快姪娥知客眠夜半撥鬢鬚皓魄穿疏櫺送入我懷內自從到黔中十日九陰晦誰知深巖間忽與蟾蜍對月光得山氣皎潔乃逾倍攬衣獨徘徊終宵不能寐

諸葛武侯祠 在尋甸州關嶺

草廬曾問古南陽遺像今瞻峻嶺旁早識金刀終蜀道獨留銅鼓震蠻方綸巾羽扇風流在黛色霜皮手澤長祠外有古柏輪囷 聞道南人心膽懾年年猶為奠椒漿 相傳為侯手植

嵩明道中題毒泉碑後

碑云此係毒水飲者傷生或言今已無毒故書

泉水流山根望之清且澄云何能殺人一酌遂滅性將毋百怪宅誰為照犀鏡老婆心獨切題碑警眾聽僧難不曉事訛言毒已淨地蠍不螫人此論恐未定何如絕勿飲毋戕我民命

海潮寺坐雨

招提橫古道冒雨一登臺泉作潮聲湧雲疑海氣來毒龍應早制王摩詰詩安禪制毒龍寺旁有毒泉故云怖鶴不須猜誰解真如妙吾當問大梅

余素有吟癖戒不數月輒復如故或以苦吟進規作此示之

傳經堂詩鈔 卷七

平生寡嗜好寂坐逃枯禪文字作遊戲安計醜與妍屢戒不能止時還聳吟肩譬彼嗜酒者醉輒抱甕眠不知飲何好浩浩全其天塌來事行役山水供流連不許萬緣觸得句心悠然下筆挾風雨過眼隨雲煙性靈賴陶寫道路忘阻艱僮僕強解事請勿疲心神少陵作詩瘦聞諸李青蓮爾特知其一試更聆我言人生各有寄外物不能遷所喜好吟弄差校博奕賢縱類阮字屐何如和嶠錢若欲併此已移情聲色間斧斤伐我性得失恐相懸高咏復長嘯皓月生前川

寶雲亭對荷

萬里客初到一池花暗香向人真欲語憐爾獨含芳天
遠元無暑亭虛覺更涼莫歌采蓮曲鄉慰正茫茫

五華山晚眺

雉堞參差鎖碧苔五華峯頂獨徘徊一城花滿香風透
六月山深瘴霧開蠻女半因輸布到邕人爭爲採金來
武侯廟食留千古獨向天涯酌酒杯山上有諸
葛武侯祠

六月二十八日重過海潮寺桂華盛開

葛勒山前古佛樓月餘重向此勾留兩行竹淨仍禁暑
一樹花濃已占秋香氣渾疑天外遠梵聲偏覺雨中幽
此間妙諦吾無隱爲問沙彌會得不

傳經堂詩鈔 卷七

四

余到滇南而郭晴湖學使已按迤東諸郡頃後
黔中始於曲靖道上相見賦詩志別學使與余
爲友婿余喪偶十三年而學使今年亦賦悼亡
故次章及之

萬里天涯宦轍隨攬裾誰料竟無期三叉路口纔相見
又是搏沙放手時

謝家庭畔門吟屐裙屐風流記往年今日停尊聽秋雷
鰥魚一樣不成眠

老鷹巖

巖岩翠嶽鎖前甌萬疊黔山此最奇石峭尙疑鷹爪利

雲深翻訝馬蹄遲千盤鳥道行難盡一綫天梯到始知
指點京華頻北望獨登峯頂立移時

鎮寧州道中觀白水巖瀑布

晴光皎皎雲不生兩耳忽聽千雷鳴仰看始知挂飛瀑
山泉併作聲鏗錚白龍蜿蜒鬥神力其鱗之而爭晶瑩
銀山萬疊自天降珠簾百尺當空橫浪花亂濺衣袖濕
怒濤欲填谿壑平憶昔錢塘值秋暮孤舟恰與潮頭迎
崩崖裂石恣澎湃至今使我心神驚何意此間更奇特
懸流倒注無停聲得毋天孫掣淨練滔滔汨汨銀河傾
不知開先青玉峽東坡有開先
漱玉亭詩波涌雲亂誰輸贏惜哉

傳經堂詩鈔 卷七

五

不遇蘇玉局無人爲我留公評

夢草亭獨坐適八弟定旃洛中書至

碧梧深柳宛吾廬短笈迴廊任所如孤艇泛在殘雨後
好山看到夕陽初池塘春草連宵夢宛洛秋風尺素書
莫向南天頻悵望畫圖終日正相於

哭蔡嶽霞方伯

故人重對蒲花風宦轍真如雪裏鴻豈料蛙聲喧井底
竟令蛇影動杯中嶽霞以脾疾不起或云
修龍井犯歲星所致千秋自有文
章在淡月還欣笑語同爲問虎賁能似否獨餘哀怨託

枯桐

九日東山寺

東山翠嶽送秋光出郭欣然見夕陽佳節可輸陶令酒
好詩偏在贊公房風前烏帽寧嫌俗巖畔黃花也白香
却笑年年逢此日一雙遊屐未能忘

貴陽董龍寨民金昆以孝聞親歿廬墓數十載
未嘗入城市今年九十有四矣

貴陽古荒服蠢愚安其天中有獨行士終身依墓田寧
知烏鳥情乃享龜鶴年駐景良有方要在至性全笑彼
李八百妄詡為神仙

除夕

傳經堂詩鈔卷七

六

家家也復換桃符忽見繽紛瑞雪鋪昨夜恰逢鄉信到
一尊况有故人俱謂徐栗園觀察金坡春早心頻往銅鼓山寒
興未孤聞說佳兒來定省客程何處飲屠蘇仲兒來省尙在途次

迎春曲八首

蠻鄉也解學畝幽處處雞豚報賽頻忽聽滿城簫鼓沸
竹王祠畔又班春

土牛禿速出城東綵燕翩翩到眼中漫說夜郎風太儉
一時村巷徧青紅

紅嫣紫姹擁春來誰為天公費剪裁二十四番風信起
萬花都向者邊開

賣劍人人買犢耕八番九股慶昇平蘆笙一曲翻新調
便是烏蠻擊壤聲

笑騎白鹿與青鸞雪藕水桃簇玉盤立部堂堂爭獻壽
春風贏得萬人看點俗週春則備陳百戲使者坐堂皇守令捧觴為壽以兆豐年觀者如堵

三郎坡下粲成行六洞橋邊走若狂
今年春比去年強

貌貅列隊喜春還銅鼓山高震百蠻聞道官軍如破竹
鏡歌先奏喬雲間時聞大兵進剿金川魁日功成

雪花昨夜大於拳晴旭今朝分外妍萬里風和消瘴霧

傳經堂詩鈔卷七

七

聲聲歌出是豐年

桐華書屋絕句

印牀如水畫簾垂又是深春淺夏時莫訝麗官才思減
桐華香裏正題詩

謁諸葛武侯祠祠在南明河北岸田山薑先生題額曰丞相祠堂
木瓜金筑二地名瘴烟開丞相祠堂鎖碧苔岩洞至今銅

鼓在風雲當日鐵衣來要扶六尺安磐石先向諸蠻闢
草萊負弩何人知大義千秋侍立亦雄哉發帥濟火積糧通率諸

羅為諸葛前驅以功封羅甸國王土人塑其像侍侯
側山麓先生為之贊按史作火濟苗語則濟火也
聽雨軒并序

黔故漏天然依山爲田其土恒燥且灌漑無所資
五日不雨則以早告使者獨坐西軒適當好雨知
時輒爲吾氓以手加額故以聽雨顏之

黔靈山下曉烟深春雨連宵送好音浙浙暗添叢竹外
蕭蕭先到井梧陰對牀大有懷人夢捲幕差酬望歲心
獨繞長廊聽未足興來時復理瑤琴

題館師劉文定公手書後

太歲在執徐

特科網才俊夫子衰然舉金石聲早振出入

龍禁中夙夜矢敬慎頭黑已三公壁立獨千仞憶昔依

傳經堂詩鈔 卷七

八

臯比請業時旅進清芬念 先人親纓頻問訊誌墓力

闡揚銘座右 忠信

公未遇時聞先府君宦蹟甚詳故
爲撰墓誌又嘗謂謙恒樸誠且曰忠

終身守之

未到鬢調當藉鍼石終身免疾疢胡爲大鳥翔四海失

楊震西風淚滂沱燭花墮餘燼三復尺素書寶之逾瑤

瑾

玉帶橋在龍井旁汲者踵接雖晴日猶苦淖竟

有墮者乃爲石闌衛之

玉帶橋邊泉水流輶轡聲動路如油往來井井人爭捷

行步就就馬亦愁添得闌干三尺穩便成圖畫一奩秋

詩人倘欲看明月路滑無須慮石頭

題國時齋廉使吟卷四首

宰官偏結靜中因句好能傳景逼真合受烟雲爲供養

維摩詰本是前身

卷中如日落山氣高秋風吹地白柳
對一溪烟村晚受烟多皆可入摘句

圖真詩中
有畫也

烟月襟懷小吏知印牀收去便題詩無邊秋思蕭蕭夜

想見巴山細雨時

巴山一雨秋
集中句也

鴻爪曾留翠靄間玻璃泉畔水潺潺吟來爨火寒烟句

秀髯重登第一山

余兒時隨先子官泗州今忽將五
十年矣見集中人家依翠岫爨火雜

寒烟之句覺肝胎
風景宛然在目

傳經堂詩鈔 卷七

九

語言文字共誰傳獨對空明雪後天更欲相從攜智杖

一燈叅破祖師禪

種樹篇 并序

余所至必多植嘉木行吟其間以爲樂貴陽學官

貴山書院皆育材地也旣捐貲修葺因屬宋太守

各種樹百餘本今年生意盎然爲之喜動眉睫

培其根而埃是在守者

平生愛樹若性命日抱甕盎荷鋤柄柔條老幹皆所欣

灌溉栽培不知病榻來黔中多童山荒榛野葛我心恻

課吏時舉齊民術勸農兼數花月令適歲種植亦勤劬

沿村往往紅紫映睽彼泮林在城闕况有講堂踞山巖
儲材已將大厦扶樹木先思十年盛貴陽太守能知余
妙選嘉樹黍物性加之膏土葆溫和沃以寒泉得清淨
春到始知生意全兩足恰喜天工併預想天天桃實黃
更期謾謾松風勁妙訣唯師郭橐駝笑談漫續李文正
李公擇種竹館中戲語同舍後人指此竹必云李文正手植見東坡詩自注苟得其養無不
長誰歟守者敬而聽檉樞有遺灌樹同梧檟休教撼棘
並緣陰他日倘如蓋拄杖吾當作歌詠

黑神廟

土人呼南將軍爲黑神報賽者無虛日

巫覡紛紛歌舞頻到羊醜酒爲何人也知南八真男子

傳經堂詩鈔 卷七

十

簫鼓叢祠賽黑神

貴山書院左有陽明先生祠歲久不治余以奉

錢新之廼帥諸生行灌獻禮

天地苦榛狇無由開屯蒙往往賴賢喆聲教遂以通夜
郎古絕域道學誰爲宗豈知龍場丞迺暢鵝湖風苗犂
雖錯處性命理則同良知本孟氏諄諄提瞶聾石洞玩
交象草庵殊從容先生結草廬於龍場又有玩易窩在陽明小洞天但借鹿豕
遊寧許翹魁逢一時講學者沂源流未窮如彼潮陽人
至今師韓公頑廉懦夫立冠服何雍雍我來瞻祠宇亟
爲勤垣墉落成薦俎豆縫掖諸生從升堂尋微言吾道

非虛空致知與力行相與爲始終請看新建伯磨崖紀
豐功表徇竟日夕皓月生遠峯

題衆香室 并序

默撫署西有園一畝羣芳競秀香氣襲人余以丈
室爲供佛處因顏之曰衆香

鈍漢領吏局萬事都不曉唯恐大千界凍餒生煩惱夏
屋吾已慙安用卉木繞西園繁葩東風動芳草小齋
十笏餘醜醜氣環抱熙熙如春臺何妨雜蠻獠忽憶香
積佛香鉢眞法寶但分所食餘便將佛事了室以衆香
名晨夕供祀埽譬入梅檀林聊爲迦陵鳥稽首天人師

傳經堂詩鈔 卷七

十一

吾願良亦小可能乞殘飯使我衆生飽

九日雪崖洞

巖壑不在遠郊坳良可尋平生耽水石九日一登臨古
洞白雲靜僧樓黃葉深菊花摘盈把聊以滌塵襟

除夕守歲適制府以滇中瓜茄見餉賦之

瓜

滇南風物太鮮新遙識園丁摘取頻臘鼓鳴時催草長
春盤簇處見瓜陳分甘似得清涼散守歲何勞煖熱薪
願把綿綿書吉語也應強似頌椒人

茄

封題親向歲筵開照胆瓊瑛又一堆翠柏已禁寒雪盡
紫茄先帶夏雲來製成魚脯堪傳座拾遺記洪濤之配
鯉脯以青茄
入芹菹合引杯從此咬春添味別鄭州蘆服好同載

示屬吏 并序

凡應發新疆改遣內地者皆罪惡貫盈去死一間
故配所脫逃捕得卽斬例也然犯者時有遁飭所
司俾治本業爲衣食資并申明律令各懸銅牌鑄
逃者立斬四字庶觸目警心焉

去惡法必嚴矜全意逾至一縷苟可生邊隅俾安置
蚩真愚氓稍縱迺卽逝火急追逋亡旣得那可賞辟若

傳經堂詩鈔 卷七

十一

池中魚苻藻足遊戲一躍思江湖翻入枯魚肆嘉彼良
有司頗爲齷齪計作息安其天狡脫更何爲奈無廣長
舌時時警聳躡不如藉頑金鑄以律令字使之佩終身
優游於

盛世

衆香園洗石作

山石來何自居然磊落姿一塵元不染三沐復何辭幸
謝泥塗辱唯期雨露滋搜羅心太苦拂拭計非癡結契
知誰可呼兄獨爾宜玲瓏分遠岫瀟灑曠方池本以堅
難轉寧容素化緇臨流多逸興涼月照題詩

修武侯祠竣乃於其西隙地構軒三楹爲眺覽
所列岫參差雙橋環抱黔中山水之秀無踰此
者題曰振秀且繫以詩

佳境元知造物慳秀靈從此出塵寰竭來紅稗烏菽地
忽到天桃穉柳間歷歷遠山真欲笑娟娟新月獨開顏
憑欄更愛雙虹鎖一片霞明碧水灣

衆香室坐雨

放衙聊却掃晏坐獨心清山外白雲合堂前春水生禽
魚都自得竹樹總含情忽憶東苗笠來朝好勸耕

乙未三月奉

傳經堂詩鈔 卷七

十三

命調黔兵二千進勦金川余親爲督送夜至黔西大雨
及晨而日出矣兵農無不歡慶

水西三月乍聞雷時雨時晴亦快哉襍俚人歌春澤透
旌旗隊舞曉烟開執爨倍覺追風易負耒無煩布穀催
使者此行真得計犒師兼抵勸農來

大定道中

舊是烏蒙地今爲列郡雄人烟密箐外城郭亂山中日
上寒威却大定介黔西畢節間而地
氣獨寒見日乃稍有春意春來瘴霧空渥洼
定何處可有駿追風大定威寧
向產名馬

畢節口號

峯攢嶺簇忽康莊一片明霞照畢陽誰作五丁通蜀道

居人猶為說奢香明洪武間女官奢香始于此開道置驛

送兵至赤水見士卒皆踴躍渡河喜而有作

熊羆列隊耀關河遙指蠶叢喜氣多汗馬定能邀上賞

繡衣先已沐

恩波時給軍士棉衣烏蠻夜送銅鉦去赤水春催鐵騎過計日

犁庭飛露布懽呼聲早到牂柯

衆綠亭

芳草如茵拂水隈陰陰桃柳覆新苔眼前生意看無盡

又見紛紛夏雨來

傳經堂詩鈔 卷七

十四

雨後出郊循行阡陌見田禾滋長可冀有秋遂

至振秀軒小憩

出郭見南畝欣然獲我心芄芃含雨足漠漠帶烟深偶

兩造幽徑因之暢遠襟步欄聊縱目拄頰發微吟

上以征勦金川黔兵最為奮勇此次抵川尤速

詔將前後征兵家屬各賞月糧以下優恤恭紀

頻聞敵愾被

恩賒爭願前驅効爪牙兒女共期申大義

君王翻為恤其家宣來

黃紙通都樂捧出朱提舉室譁遙想軍中驍勇倍捷書

早晚報京華

黔靈寺

石磴秋雲接招提宿霧開入門唯翠竹大事訪黃梅法

界天花現空山落葉堆誰叅無上呪密諦證如來時奉

欽定滿漢蒙古西番合璧大藏全咒恭貯於此

食桃并序

衆香園中有桃二十餘樹結實大而甘採之得數

石既啖賓僚遂速吏卒僉曰嚮無此味余以先時

而採故不知其美耳戲作小詩

種桃始何年花發紅滿屋春風苦愛護花落子成族未

傳經堂詩鈔 卷七

十五

許曼倩偷肩縱猿公撲秋至實如蜜雲漿灌我腹嘗新

聊賓朋分甘速僮僕詫自緩山來一飽快所欲嘉果得

未曾懷核種之速豈知至味全多為踈者辱採之非其

時醞釀故未足欲識中邊甜請待桃實熟

別黔中故人二首

春風著意送新晴忽聽陽關意外聲龍眠獨識殷勤處畫出陽關意外聲

東坡句也可惜廿年前斷酒一杯孤負故人情余自庚午止酒已二十七年矣

驛路寒梅動暗香壯懷忘却鬢毛蒼何時促坐思前夢

銅鼓蘆笙說夜郎

楊老驛

一路春風古播州梅花初綻柳芽抽居然有市喧雞犬
更復何人佩犢牛山氣暗催殘雪盡晴光先送曉烟收
試看九股苗皆樂始識年豐受澤優

清平縣作

笑兀山城枕水湄此間合有士嶽嵴不知誰似孫淮海
譚易猶能替九師郭青螺謂黔中學者有孫淮海李同
野馬心庵按孫公應鼇字山甫清平
衛人嘉靖癸丑進士官至南工部尚書諡文恭所
著有易談四書近語律呂分解教秦緒言等書

飛雲洞

巖巖千仞曉烟侵巖巖長留古洞陰不比浮雲能蔽日
須知觸石便為霖梵宮花發占春意佛閣燈明見客心

傳經堂詩鈔 卷七

七

忽憶年時題半偈箇中消息共誰尋

偏橋燈夕

黔中至此
始通舟楫

巖壘越三載今夕見恒河燈火春如此津梁與若何遠
峯看野燒隔浦聽蠻歌回首貴山下離心滿漾波

相見坡戲擬子夜讀曲歌四首

兩坡十里餘團團牛磨旋不能就郎懷猶喜見郎面
河梁一分手見面亦何為不若坡上草步步能相隨
兩心如一心相視本無語倘能長相望願為牛與女
下坡復上坡迴環看不已獨有我所思一別竟千里

鎮遠口號三首

澗陽城外好風來烟景全憑旭日催比似江南春更早
試燈時節碧桃開

邊隅慚媿說來宣僕指風塵忽四年却喜歸裝無長物
只須兩隻缺瓜船

萬山深處土田稀種樹頻年計豈非贏得今朝春水滌
一隄新柳盡依依黔中皆山可耕之土不什一余每勸
民種樹今柔條弱幹皆已成林矣

中元洞

并序

洞在鎮遠城外懸崖千仞下臨澗水雲海倒垂深
廣可容數百人黔中第一奧區也在黔四載未及

傳經堂詩鈔 卷七

七

一遊茲適繫纜其下迺帥仲兒協中直造洞天登
高眺遠覺耳目為之清曠因同賦五言十韻

輕舸將鼓櫂峭壁復支筇暫與白鷗即依然黃鶴逢雲
深誰面壁洞古忽聞鐘廣足千人庇虛堪萬物容空中
開澗界巖際識禪宗席地唯芳草參天見古松山風何
謾謾泉水自淙淙蒼蘚留雙屐丹崖又幾重牛車參妙
諦鴻爪記塵蹤明日抽帆去迴看但遠峯

過辰州胡太守承聖署齋胡為吾鄉涇縣人丁

已進士

天西山圍月似銀五年前記踏輕塵那知蘭茝江邊權

重對粉榆社裏人，鰕菜且傾今夕酒。鶯花休憶故園春，
獨憐逝者風流盡。題額空留墨，潘新郡署采蘭書屋乃
亡友諸桐嶼守辰時所
題也

桃源舟中

灘行十餘日，輕艇穿石縫。十里五盤渦，水溜不敢縱。舵
師捷有神，篙漿隨所用。使船若使馬，懸崖施磬控。老來
怯風濤，舉足愁破甕。况當水石關，目賊心益恐。端坐細
殘書，聊以靜宰動。今晨過桃源，波濶清可弄。巉巖忽平
遠，始覺天宇空。紅霞鋪綠津，鞞紋但微綜。一雙白鶴來，
篷聽得清夢。唯乞南風吹，飄然五兩送。

傳經堂詩鈔 卷七

六

武陵寒食

春色怱怱忽禁烟，武陵溪畔草芊芊。問塗正買山中楫，
上冢誰呼雨後船。杜宇漫勞催客去，桃花何事向人妍。
今宵對月渾無賴，不見松楸二十年。

荆江懷古

江山萬里水連空，荆楚當年割據雄。落落衣冠孤艇外，
茫茫烟樹夕陽中。漫憐八俊英名盡，誰遣三分霸業終。
一樣生兒是豚犬，仲謀泉下恨無窮。

南陽道中遇學使莊方畊少宗伯

博望城邊倦鳥還，雲中仙鶴許重攀。謾憐病後心猶壯，

獨羨燈前鬢未斑。講學恰當伊洛際，論交合在紀羣間。
時命其季子出見，蓋與夢兒同舉于鄉者。冒懷磊落今如昔，倚劍同看月一彎。

汴梁春望

兩戒河山自此分，汴流終古接河濱。繁臺春暖唯黃鳥，
蓬澤烟寒祇白雲。至竟鼓刀餘意氣，漫從執轡見殷勤。
青青草色夷門外，付與詞人弔夕曛。

信陵公子行

信陵不學乃下士，諸侯徒聞有公子。大梁安危繫一身，
車騎勞勞駭市人。不想助名震人主，但以恩讐相爾汝。
鐵椎枉殺魏將軍，趣兵爲救平原君。存趙却秦說猶可，
十年不歸計真左。歸後危疑竟奈何，門外青蠅賀者多。
英雄末路空醇酒，豈惟鏖金由衆口。趙王田獵何以知，
應悔當年共博時。

傳經堂詩鈔 卷七

十五

德州趙氏園中見芍藥憶辛卯初夏蔡松霞爲

糧使讌客於紅藥闌前，極觴詠之樂。今崧霞已歸道山，而曹咨圃觀察又督漕北去，不得爲花主人感舊摠懷得詩一首，卽留寄咨圃索和。

婪尾花枝照眼紅，華堂曾許對春風。已知舊夢浮雲外，忽觸新愁細雨中。艷影有情來廢圃，酒痕無分近深鼓。

何時飛蓋西園裏吟斷彎彎月一弓

河問道中作

經術多由漢代昌日華宮外送斜陽不知尊福鄉何在
誰爲毛公一瓣香

與河間太守陳履齋話舊時禱雨立應民皆頌
之

十年不見陳師道瀛海相看一笑同望歲已拚頭似雪
當官猶覺氣如虹但知疾苦爲吾事肯說甘膏是我功
漢室循良端賴爾風光休憶故園中

琉璃河對月

傳經堂詩鈔 卷七

三

春光冉冉送行旌風雨無端似不情只有琉璃河畔月
照人今夕最分明

傳經堂詩鈔卷七終

傳經堂詩鈔卷八 丙申五月至己亥四月

蕪湖韋謙恒慎旃

五日對酒

頻年遠行役親朋隔萬里今年來京華追隨有二子
協中 佳節羅杯杵欣欣奉杖履紅榴對白髮景物良足
喜譚經正嶽嶽論史亦靡靡嬉戲若小兒百草園未已
胸懷本陶然所得非綠螿迴首望故鄉競渡歌四起遺
俗自荆楚雙雙迅如駛簫管喧燈船綺羅照江水何時
賦歸歎芳洲采蘭萼闌入少年場高吟倚舵尾

題六叔父具山先生手書後 并序

傳經堂詩鈔 卷八

一

先生諱新謨少有文譽顧終不得當於有司僅以
歲貢生老貧而好學年八十猶能作蠅頭字甲午
春手書見寄且貽以 春麓公周易解義卽以是
秋捐資客嗚呼先生之爲人可知矣因涕泣識其
後

吾家有各士臣叔殊不癡獨抱遺經老羞邀俗吏知共
球先澤重松栢後彫宜尺素心猶在西風淚忽垂

七夕有感

泉下無消息茫茫十七秋那堪逢斷鴈更復見牽牛滄
海思前夢銀河起暮愁幾時呼妙子荒驛暫綉繆

弁田兄以詩見懷用韻却寄

廿年兄弟隔雲端尺素殷勤為勸餐江上獨憐鷗夢穩
天邊應識雁聲寒彈蕉護竹心元苦種柳栽松計亦難
安得角巾趁歸櫂一牀風雨共盤桓

中秋對月寄兩弟

秋氣澄如此長安落木紛九衢懸皓魄萬里淨浮雲
桂香何處庭槐影獨分江南今夜月賓雁定先聞

九日讀法華經寄江上故人

登臨何處故山園九日依然晝掩扉白首倍思尋舊雨
黃花差解伴晴暉粗窺佛海元非佞未報

傳經堂詩鈔 卷八

二

君恩敢說歸陽羨買田堅後約他年遲我釣苔磯

蒙

恩復入詞館恭紀

聖主恩波海樣寬

詔書忽下五雲端自慙舊業荒蕪甚彌歎前愆補採難
芸館從教添故事京官鑄級例不得補翰林外吏花廳
削職復入詞垣尤異數也
更許結新歡蓬萊再到真如夢感激唯餘淚獨彈

題周少隱太倉稊米集二首 并序

少隱名紫芝號竹坡宣城人官晚而名不達自興
國守罷居九江貧不能歸遂家焉乾道丁亥陳天

麟帥襄陽始序其集錄諸本淳熙癸卯陳公紹復

刻之今僅存鈔本

樂府篇篇絕妙詞新聲古意有誰知銅仙一曲傳哀怨

腸斷千秋杜牧之

李長吉金銅仙人辭漢歌為杜樊
川所激賞竹坡此篇殆欲過之

詩律精嚴好細論紹興時迺見斯人平生低首姑溪老

合與眉山躡後塵

竹坡見李端叔至自北於蘇源明之
識元魯山可以不恨李故東坡門下

也

至日寶善亭

紅日欣添一綫餘孤亭真覺是吾廬乍醒萬里歸來夢
更讀平生未見書石室可能探奧突金根只恐笑空踈

傳經堂詩鈔 卷八

三

太倉竊祿知何補珍重分陰未敢虛

題申笏山副憲三分水二分竹書屋圖

下直悠然便拚關獨餘清夢到家山數椽縹緲雲烟外

只在空潭翠篠間

胸際汪汪萬頃寬不知何處有波瀾漁郎若解隨明月

儘許相從乞釣竿

千个森森漸拂雲溪塘十畝竟平分緣何苦愛檀欒影

勁節森森獨此君

六一堂前與不孤竹西真箇買山無欲依幾曲寒流碧

添種梅花三兩株

困學齋坐月

乍從玉署策歸鞍暫脫朝鞞一倚闌今月忽如今雨至
異書渾作異人觀戶庭以外非吾事余影之間許共看
只恐下民猶未免老來彌覺著鞭難

寄張惕庵先生兼示尹秀才并序

先生名甄陶字希周福清人乙丑翰林為劉制府

蘇村先生延主貴山書院能以經術造士足跡不

肯入官府屢稱老病余固留之諸生幸得人師無

不以學行相鏃礪甲午獲雋者遂至十八人及余

去黔矜佩依依餞送數十里外先生亦執手官亭

不忍言別余到京師猶得其手書頃晤獨山周牧

始知其以疾歸矣尹生耕莘其高第弟子也年三

十餘猶困於諸生忍飢誦經未嘗少懈事先生如

父日侍藥盥且親送至闔蓋尤人所難者迺賦詩

五百字問先生疾兼使尹生寓目焉

國家廣聲教儲英在膠庠書院設都會甄拔尤秀良臯

比非其人大義無由昌浮華僅糟粕庸學徒糝糠遂令

絃歌區或為遊冶場我來貴山下君方開講堂五經辨

同異先生著正學堂五經通解一百三十四卷四書翼注論文四卷二氏嚴隄防所

重在吾道豈徒許詞章多士從之遊藝圃時翺翔衣冠

傳經堂詩鈔卷八 四

黜奇衰步履遵康莊實至名亦隨鹿鳴吹笙簧濟濟十

八人從茲升天閭何為動越吟遽欲還其鄉披帷再三

讀一諾甫慨慷號舍恐或傾我為勤垣牆僮粥恐未飽

我為增糗糧余捐貲葺書院復棹甲午榜後余親閱落卷擇其類相期更滋植使之成

棟采列名奏

天子具言教法臧

聖心獨嘉子特達真圭璋奉命訪學行兼優者俾

院長學優課嚴且品行端方與臣相處數年從無私語

或臣至書院與之講學論文亦無一語涉他事故再四

勸留以為多士矜上所嘉之所惜居邊陲教澤僅一方安得君百

人落落為宣揚鵝湖與鹿洞流風殊未央昨歲日在尾

鄙人千咎殃解龜返初服秣馬治輕裝子矜競追餞不

憚衝雪霜君亦臨官橋折柳彌徬徨道德相切劘佩服

安敢忘迴首初結交忽忽三載強折疑賞奇文時時踞

君牀我往君不來殊非報施常紛紛欺陽鱗誰能整頰

綱斯人信砥柱堪迴狂瀾狂一朝惜遠別鄭重擊離觴

始知譚道人千尺情汪洋經年不可見尺素申衷腸出

入我懷袖望遠空茫茫忽聞遶風疾秋風羸且疋良醫

不易得星言促歸航迢迢指海嶠道路何阻長尹生本

佳士日夕刀圭旁服勞弟子職負笈去闔疆古義有如

傳經堂詩鈔卷八 五

此相得乃益彰吾聞窮經者罔不壽而康伏勝及轅固
史冊非荒唐天君本寧謐外物何能戕无妄占可決矣
必求藥囊惟有隔顏色夢寐時相望作詩聊問訊亂縷
不厭詳遙知霍然起皎月延清光

儻居宣武門外書屋前有大栲樹一株余惜其
不材而可蔭吾廬也因名曰栲北精舍

寬綽無如此地宜空庭况有樹嶽寄儘容借蔭蟬先到
只許安巢鵲獨知好雨恰當三月暮清風不待十年遲
輪囷笑爾真何用合伴逍遙夜賦詩

東坡次韻伯固遊蜀岡送叔師奉使嶺表詩刻

傳經堂詩鈔

卷八

六

石禪智寺王文簡司理時和其韻合一時賓從

餞送之作爲禪智倡和集謝蘊山守揚州翁學

士覃溪先生屬訪之蘊山拓原刻并賦詩以寄

覃溪答詩兼屬同人繼聲余得二章一呈學士

一寄太守

坡公一搗手竹西空鳴蟬殘詩留古剎斷碣埋荒烟新
城獨好事言尋蜀岡顛觴詠雜賓佐皎皎星河懸騎鶴
忽歸去悵望雲中仙夫子踞玉堂高唱追昔賢贈答煩
驛使湧若萬斛泉織埃不敢到修竹何娟娟詞翰况雙
絕筆勢驚鴻翩迢迢六百載一笑應迢然

憶昔訪隋寺咿咿聞新蟬漁洋不可見寂寞含雲烟宦
遊儻萬里霜雪盈鬢顛惟有禪智碑使我夢寐懸時時
展響揚晤對玉局仙豈期卅載後復見謝朓賢欲攜一
尊酒更汲第五泉月明卧禪榻相對吟嬋娟蠟屐興不
淺南望情翩翩腰腳吾猶輕來及紅藥然

寶善亭校書呈同館諸公

熙朝右文古未有四庫卷軸連雲霞邇年遺書蒐海內
更如河海無津涯蒼萃全書寫善本 文淵高閣新簷

牙設官分職鉅典備文學侍從頭銜加 特建 文淵閣
貯四庫全書鈔

本設領閣直閣校理
等官爲儒臣兼銜 蓬萊小別四五載顧瞻玉堂頻嗟

傳經堂詩鈔

卷八

七

呀何意重來校中秘却將菅蒯儻絲麻感

恩唯有指兩眼別風淮雨勤撥爬淨埽仍恐木葉落細

披敢憚恒河沙從來讀書期識字旨以譌舛留疵瑕所

歎胷中塞塵埃便便腹笥休虛誇偏傍點畫湯塗竄毫

釐得毋千里差君不見前有韓翃金銀車後有田敏白

及花 田敏不知日及改
爲白及見宋史

陶然亭秋眺

突兀空亭倚鳳城十年重見舊題名乍看野水心俱遠
忽對黃花眼倍明送客正隨鴻雁去餞秋聊與鷺鷥盟
偷閒更擬春來後斗酒雙柑此聽鶯

得雲南孫補山方伯書却寄

六詔蠻烟萬里開，迢迢天末尺書來。茯苓幾處和雲刷，

蒼苟何人帶雨栽。真遺瘡痍成樂土，貴筑莊明府為制府奏調滇中補

山時為學使贈詩云莫將恩怨酬知已須遺瘡痍化樂郊最得風人之旨故以此語頌之蚤知康濟

賴殊才，湯勞紅鯉投膠漆，甚日京華共酒杯。

恩賜哈密瓜恭紀

促坐頭廳檢秘書，甘瓜

頌賜重璠璣，一盤虎掌分嘗後，萬里龍沙入貢初。舌本

醍醐應不減，胷中冰雪更何如。右文

聖主恩波潤異數，端宜紀石渠。向惟王公大臣始拜哈密瓜之賜今編及

傳經堂詩鈔

卷八 館臣蓋從來未有特恩也

真定王孝廉發傳以學行稱，余戊子分校順天

所得士也，其孫定柱年十七舉於鄉，捧乃祖手

書來謁二首

十載不相見，尺書天外來。談經知健在，述舊獨裴回。忽

憶秋風裏，頻聞落葉催。榮官燭照三豕費，疑猜王生卷勝

錄草率幾不能讀余閱至三鼓始辨其詞賦百餘字幸不失此佳士來書猶妮妮述之

卯兮何婉變，轉眼便成童。世舊孔文舉，家傳鄭小同。相

期式古訓，端不媿宗風。萬里丹山路，啣啣曲乍終。

重過法源寺

人海太茫茫，重來問法王。十年頭已白，雙樹葉初黃。舊

識僧誰在，前生夢未忘。徘徊鐘磬裏，不覺又斜陽。

山東曹容圃糧使聽泉圖三首

陶寫無勞竹，與絲浪翁水。樂最相宜雲，山韶濩餘音在。

彷彿明湖月上時

石畔濺濺初沸鼎，山頭汨汨又鳴雷。須知水性本來靜，

畢竟聲從何處來

曾訪泉源倚瘳藤，筆床茶竈晚烟凝。何時陪尾山前去，

同向聲聞悟上乘

八日寄家書

傳經堂詩鈔

卷八 春風動鄉思，人日忽題詩。試問南榮下，梅開第幾枝。

送吳澹軒少宰歸老少宰會官南河總督今以

嗽疾乞歸

敬愿兼中外，聲名五十秋。白頭懸藻鑑，赤手障狂流。病

肺偶然耳，歸心留得不。昨宵春水長，好為送扁舟。

秋林講易圖，余督學濟南時作也。錢棹石閣學

為題二詩并述湖山樓館之勝，吟諷不置。次韻

答之

講易誰能替九師，風光聊記嫩涼時。半庭烟水雙雛共，

時協奏一卷湖山萬里隨。會攜此我輩生涯空復爾，中

年結習究何為無端指點高談處賺得先生又賦詩

濯纓橋畔未同遊可惜相睽竟五秋余於辛卯冬去濟南開學於丙申秋

始山好最宜傾淺淺波明誰與弄輕舟已忘桑下人三

宿忽記花前雨一樓問事不休公不媿諸生應憶賈長

頭

移居橫街宛平相國怡園舊址也漫成長句并

邀馮魚山寶芝軒兩庶常同作

半畝荒園枕碧苔小亭容我日徘徊斷無熱客侵書幌

合有門生共酒杯松石尙能邀月到鶯花偏為逐春來

平津車庫尋常事湯說當年蠟淚堆

傳經堂詩鈔 卷八

十

聞湯辛齋學使歿於粵東舟次 并序

辛齋諱先甲字萼南宜與人辛未進士由翰林改

御史升內閣侍讀學士以事被謫尋蒙

恩復授編修督學廣東余與辛齋同年貢太學相知最

深聞其效也不能無詩

四海論交久錚錚見此人相期唯道義所得在清貧歸

夢孤舟斷吟魂萬里親西風吹老淚中夜獨霑巾

同王詒堂中允怡園晚坐

夙昔耽寂寞隨地可常住茲園雖荒蕪松石苦愛護朝

來見西山恍與素心遇閒雲任來往安問新與故是然

聞足音故人忽我顧笑言脫形骸歌歡忘世務譬彼林

中鶯飛鳴得天趣坐久不覺疲涼月墮庭樹

送蔣時庵少司馬歸吳門兼呈彭尚書芝庭先生

聖心偏為老臣憐去國剛過杖國年鄉夢已飛吳苑月

風帆先送潞河船草堂猿鶴應無恙故侶鷓鴣況有緣

誰向屏風能畫取姑蘇臺畔兩神仙

郭司業 毓麟 見過 并序

辛卯山東鄉試以耄臺蒙

賜舉者三人郭其一也今年九十有八矣赴春官試不

傳經堂詩鈔 卷八

十一

第復荷

殊恩拜官司業雨中見過執弟子禮甚恭余親為撰杖

賦詩一篇贈之

眼中突兀見方瞳爭訝神僊下紫穹臺閣乍宣

黃紙詔師儒端賴白頭翁談經卽是延齡術受福都緣

樹德功司業始首窮經與物無忤太息董孫偏老去不

教同拜

帝恩隆壽光董書宗濼縣孫斐與司業同賜舉今董孫皆下世

六月五日為 先考溧陽公生辰

萊採拋來卅載餘忽逢今日倍欷歔百年鼎鼎顏難駐

先考生於康熙萬古茫茫夢亦虛頭白尚能思所嗜
已未今百年矣
燈紅空解讀遺書若堂若斧何時就風雨寒江守敝廬
念及不禁淚下如雨也

先人至今未葬每一念及不禁淚下如雨也
次答馮魚山庶常見和移居之作時魚山尚寄
僧寮頗切歸思故及之

一痕疎雨送秋苔忽見新詩讀幾回龍象座邊堪拄笏
雁鴻聲裏湯停杯
暇日倘能頻詣我不妨長對亂書堆

四松亭

秋風催落葉斜日照高松謾謾聲何勁青色倍濃亭

傳經堂詩鈔卷八

三

邊餘石磴戶外即雲峯頓覺著書癩張琴答遠鐘

恩賜鮮荔支恭紀

玉堂鈴索動秋風荔子新頒出禁中洗盞正思浮淺

碧登盤忽訝擘輕紅乍來海嶠香仍在試比天漿味畧

同慚媿頭銜稱著作賦才誰似曲江工

接葉亭看秋海棠作

獨抱柔情向明月白石階前太愁絕西風吹作滿庭秋
不教人憶臙脂雪銀河耿耿照孤根相期何處爲銷魂
却疑雲錦裳初就婀娜忽化此花身無言有恨君知否
一叢相對低吟久好憑天女試參禪願把金尊長在手

七月二十五日夜坐忽憶去年今日與洪東平
輅門情話而洪弄人間世已二百餘日矣

長安葉落夜沉沉何處雙鳧許重尋殘臙尚餘書札在
隔秋會共酒杯深野無佩犢真循吏壁有懸魚見苦心
問道東平諸父老至今哀痛有遺音

送邵明經南歸

長安居不易况已十年逾吾道空雙鬢鄉心忽五湖秋
燈尊酒盡暮雨片帆孤屈指還家日團團月正俱

程何兩生至言貴山書院所種樹已成林

貴山山上講堂開弱翰柔條手自栽別後不知春尚在

傳經堂詩鈔卷八

三

滿庭招得好風來

重過尹文端宅與諸郎君話舊即送雨林都統

之官黑龍江

樞衣重躡後堂塵元老經營澤未涸南國祇今歌蔽芾
西園猶記藝勞薪平泉草木人爭敬謝墅芝蘭我最親
此去建牙應努力傳家節操是清貧

中秋待月二首

桂子香從何處飄瓊樓玉宇望迢迢憑誰盡掃浮雲去
明鏡團團出九霄

絃管聲中夜半時廣寒仙子故遲遲人間大有凭闌者

說與秋風總不知

九日四松亭同孫寄圃檢討作

萬里風都靜重陽景倍清秋光有如此虛室復何營相
與坐深樹悠然生遠情黃花看不厭遙共夕陽明

武進程冢宰慎餘堂落成招同錢穉石閣學陳

楓崖光祿王惺園少宰稽筠心學士吳香亭太

常董蔗林少司農看菊

一簾晴日帶烟斜秋色先看撲絳紗正喜華堂開綠野

官令佳節負黃花魚蝦入饌沾鄉味鴻雁橫空憶水涯

聞說河流到江北每停尊酒一咨嗟

中州黃水湯盜直注毫州蒙城一帶

傳經堂詩鈔 卷八

十四

特論大吏加意撫卹

曹習庵官允至自畢秋帆撫軍署中

點點秦雲照眼來三年幕府壯遊回明珠翠羽能多少

費盡人間八斗才

繡嶺東西枕夕陽朝元高閣太荒涼不知三月春寒裏

曾試華清第幾湯

六秩行當啟一篇東坡五十九歲作也余明年

亦六十矣因和其韻并用起句

六秩行當啟蕭蕭鬢髮疎每袖前代史

時借王芥子李文閣吳稷堂諸

君子分纂時聽故人車萬里都陳跡三廳是我慮江豪

明史本紀

仍未禿或免不中書

六秩行當啟方知學道疎立身防履鼎握管歎虛車行

藥頻依檻焚香每閉廬祇應戴安道好伴我鈔書

謂及子三

六秩行當啟生涯計太疎少貪青李帖老愛白牛車霜

雪尊吾道鶯花憶故廬紙燈火夜誰寄數行書

六秩行當啟冰淵志敢疎識塗慚老馬守轍戒賁車兄

弟憐餬口兒孫幸繞廬前身疑脈望坐卧一牀書

送陸朗夫方伯歸養

海內真方伯如公有幾人委蛇憐部屋懇惻動

傳經堂詩鈔 卷八

五

楓宸郁黍留餘澤萊衣及好春三高祠不遠可許結比

鄰巽有卜居吳下之約

哭申拂珊副憲

夜雨論詩記眼前丈人何意竟生天愁看白髮三千丈

獨抱寒水四十年

副憲官中書卽入內直贊機務垂四十年矣

室樹低頭空憶蜀岡泉撫棺此日增長慟典到朝衣劇

可憐

稽筠心學士齋中盆梅初放同陸耳山學士張

涵齋侍講曹習庵中允賦絕句三首

錦幕重重護雲屏曲曲探一枝香忽動飛夢到江南

將開未開花意欲笑不笑天真莫認徐妃半面好參迦
葉全身
標格居然秀可餐地爐深處不知寒無人說與林君復
莫待籬邊水際看

臘八日馬上作

騎馬方知節候和閏年春喜兩頭過諺以兩春夾一冬
為天氣和煦之驗
纔看鴈到分僧粥早遣冰開見禁河東郭漸來風習習
西山無復雪栽栽風城淑氣應先到轉緣迴黃景正多

除夕前三日筠心復招飲盆梅花下賦詩見示
次韻答之

傳經堂詩鈔 卷八

七

恩恩又是歲闌時索笑尊前手共持消受春風無限好
燈紅酒綠髮如絲

定瓷珍重護新芽那許繁葩鬥物華爐火不勞相煖熱
十分春已到君家

兩兩同心耐歲寒藏鈞深夜酒杯乾道場合有天花現
湧作尋常瘦影看

除夕

羲和袞袞不停驂白髮偏將絲勝簪略舉鄉風唯守歲
好圖家慶是分甘占年預想兩岐麥拜

賜先邀三寸柑是日蒙
賜柑橋諸果遙望

九閭頻蹈舞絲毫無補獨懷慙

上元後二日同人小集四松亭賦詩見贈次韻

答之

答耳山

當年絃管地寥落剩蕭齋車庫休增感鶯花也自佳春
風吹短髮幽興落青鞵况有詩人在相於共一街
何處吾廬是浮生託旅亭雲深容小住松古為誰青遠
岫頻揩眼空林但守形表徂過日夕商略抱遺經

答筠心

天留半畝著吟身開徑還邀客到頻四面闌干先得月

傳經堂詩鈔 卷八

七

六街燈火尚爭春燕巢自喜泥猶濕牛磨何妨跡已陳
試向松根聊縱目西山隱隱見嶙峋

平泉草木未全空謾謾松濤入晚風得地恰宜梅竹伴

昂霄方識雪霜功尋聲何處來歌板是日聞鄰
家度曲覓句無

心問漏銅莫訝孤亭太岑寂此間烟景正無窮

答習庵

童叟松影現全身樹老欣無翦拜頰已閱冰霜成本性
便偕花柳作陽春月明好抱孤琴至亭小堪容片席陳
况有瓊瓏山石在眼前誰與並嶙峋

自喜樽中酒不空故人相與對春風苔岑甘載緣投契

墳典千秋且策功
牆脚漸看抽碧樹
杖頭底用挂青銅
時有醪飲之約故戲及之
不嫌蔬筍邀同調
排日凭闌興未窮

四松亭前桃杏盛
開皆余手植也欣然成詠

松石雖云古空亭亦寂寞
花樹乞園官移根自西郭
詎為十年計聊取三春樂
細雨抽新條生意透紅莖
牆角殊盈盈階畔何灼灼
徜徉在花下吟思欣有託
誰能載尊酒相與共斟酌

同筠心白華耳山習庵集涵虛嘉樹屋作

長安今年春氣早二月花繁開
未了忽看新綠漸成陰
嘉樹扶疎插雲表張侯為我傾
金尊三五同調如弟第

傳經堂詩鈔卷八

六

我雖止酒興不淺幕天席地誰能
噴憶昔吳郎住此屋
翩翩厨顧相徵逐烏絲著句日偏
長紅燭看花夜未足
一彈指已廿年強雲龍誰與借迴
翔晨星落落趨朝請
安得風前頻舉觴唯有空庭餘老樹
曾見當年歌嘯處
今宵不樂將奈何劇飲無須視盃
暮丁丑戌寅間吳杉亭居此嘗與祝豫堂錢彝石謝金圃王禮堂梁山舟陳寶所王述庵蔣心餘吳二貌錢辛樹諸公文酒唱酬及重來京邸而豫堂二貌已成逝者杉亭禮堂山舟辛樹相繼歸去同官日下者又以職牽不得時相聚處無復曩時應詠之樂矣

同曹習庵中允法源寺看海棠

聞說天花作道場
獨將幽艷占韶光
不妨一笑來初地
况有同心對夕陽
樹老幾經滋碧蘚
春深依舊試紅妝

東皇雨露元無盡
穉柳天桃未許狂

宿謝東墅少宗伯 西苑寓園作

又是西牕翦燭時
畫簾深處雨如絲
五更車馬聽來熟

萬里山川話到遲
時談及滇黔山川之勝
獨抱殘經仍說禮
東聖方箋

儀未除豪氣更論詩
一牀况有難兄共
謂令兄東君此部
此樂

頻年詎易期

四月朔日筠心白華習庵涵虛耳山小集有椒

書屋分體得五言長律

小圃春無盡薰風倏已過
物情欣長養烟景自清和
牆外椒花發階前樹影多
偶然開別徑宛爾得新窩
臭味

傳經堂詩鈔卷八

九

應相合詩篇好共哦
微香心早沁嫩葉手頻撻
椒葉獨香試之
然遠興生紅藥幽懷到綠莎
亭虛供徒倚石古任摩挲
讀畫防蠅污緡書識豕
譌千秋名底用三益樂如何
但遣琴尊足安知鬢髮皤
故人堅後約明月更婆娑
是日遲蔭
清容秦晉固不至疑於月夕更暢聚也

傳經堂詩鈔卷八終

傳經堂詩鈔卷九 己亥五月至十二月

燕湖韋謙恒慎旃

奉使滇南州京華諸同志

七年前記留鴻爪萬里重看試馬蹄舊跡已拋春夢外
新恩又過夜郎西關河歷歷猶能說父老依依好更攜
獨悵故人成小別秋來孤負月如圭

行次保陽夢方恪敬覺而有作

萬里路伊始行行來保陽中夜憶疇昔信宿在節堂慷
慨論世事豁達申衷腸知已不易得九原空茫茫歌枕
忽成寐有客立我傍平生師友間望之頎然長相見無

傳經堂詩鈔卷九

一

俗情怪我鬢髮蒼謂我顏色好意氣逾激昂問公今安
在一別十載強公言我差樂山水聊徜徉歡笑如曩時
瑣語難具詳忽聞晨雞唱夢覺增徬徨我思公為政不
柔亦不剛指揮何從容綱舉目則張上於
國無負下於民無傷至今畿輔氓戶祝猶未忘公魂雖
已歸時或顧此鄉臨風獨灑涕為公酌椒漿

趙州茶亭

炎官火傘覆征車亭午聊憑樹影遮忽覺胸中滿冰雪

清涼一盞趙州茶

彰德道中遇浦觀察蘇亭同年自蜀入覲

頻年銜

帝命軍實賴持籌誰料西川使重逢古相州蘇亭以河南觀察奉

命之蜀中漳河千里急燕樹五雲浮此去

天顏近懸知告遠猷

湯陰岳忠武廟

將畧千秋未易期湯陰城畔鎖遺祠十年功敗垂成日
三字冤沈具獄時父老中原空涕淚君臣南渡正恬嬉
漳河流流水聲嗚咽應為忠魂萬古悲

自汲縣至新鄉水漫失路乃舍車登舟二首

驛路俄成上水灘衛州今日太艱難秫苗搖曳青如許

傳經堂詩鈔卷九

二

却作蕭蕭荻葦看秫苗高者六七尺土人云水退尚可有收也豆穀則別須降種矣

土銼荊櫓已半傾哀鴻無數可憐生一聲欸乃穿林出
人在垂楊樹頂行

鄭州

一鞭遙指鄭州南六月行人渴不堪底用更參蘿藦大

井華新汲正清甘

新鄭縣

邑小民偏古熙熙百里間風迴溱洧水雲滿具茨山犬
臥深村靜鷗眠淺洛開遺碑重拂拭猶有淚痕斑先

新鄭多忠政鄭人德之建祠立碑壬辰過此曾題詩碑側

晚次樊城二首

朝發黃郵聚新野地名見續漢書暮宿漢泉曲不見縮頭鰻但見

鴨頭綠

行盡中州道平原任馬蹄言過漢川上遙見夕陽低喬

木思南國新聲問大隄從茲無軌轍犖牛山蹶過樊城則

多山路不能車行也

襄陽懷古

暫解征鞍試酒卮滔滔襄水暮雲垂月明何處銅鞮曲

山好空留峴首碑至竟東南歸鎖鑰更誰江漢采風詩

仲宣才調堪千古獨向荒烟問井眉

傳經堂詩鈔卷九

宿宜城同孟侍御蘭舟同年作

到處行窩似舊巢年來三宿此堂坳夜涼忽送荷香到

風細時看竹影交把臂宛同冰映雪論心真比漆投膠

一尊孤負宜城酒惟有詩情未肯拋宜城謬見周官酒正注余久斷酒故

荆門道中作

峴首山前水乍平幾家婦子怨咨生今日虎牙關外過

柳陰偏有桔槔聲襄陽水漲初退荆門則有對水灌田者蓋其地獨高也

澧州即目

烏柏樹多臨淺水紫荊花半帶斜陽風光觸處堪遊目

不耐重尋九畹香

六月二十二日武陵卽事是日爲余六十一初度

問津重向武陵來曾見紅霞覆綠苔驛館輿臺多面熟

京華兒女正顏開纔周花甲敢言老空夢長庚愧不才

余始生之夕先考得吉夢嘗以告余故借用李太白事多謝故人情意厚冰桃雪藕映瓊杯質文贈陳府堅欲爲余開壽固辭乃止仍以珍果見贈

桃源洞

不待桃花水仙源路已通黃雲千頃外洞前皆水田一望黃雲可期大

有翠竹萬山中洞古門常閉僧閒夢亦空片時茶話好

轉惜去恩慇

傳經堂詩鈔卷九

桃源道中即目

一入桃源便欲仙聳身終日在雲烟團團山徑如螺旋

曲曲行人似蟻穿萬疊松濤臨絕壁幾家茆屋傍流泉

天然粉本誰收得合藉荆關妙手傳

界亭驛雨

山深成雨易今夕又滂沱六詔路猶遠五溪雲奈何似

驅煩暑退翻帶濕烟拖來日秋風起應知爽氣多明日立秋

沅陵道中

獅子坡前路更西誰家雞犬隔前溪四圍山色迎人面

百道泉聲送馬蹄穉穉亂堆秋雨暮松杉斜插晚烟低

最憐嶺斷峯連處一綫羊腸望欲迷

謝馬忠成侯廟

蠻烟瘴雨獨含愁
銅柱功名竟已休
上馬猶聞誇矍鑠
何人偏為賈淹留
明珠意苒空疑謗
秋水芙蓉好薦羞
試問毒淫五溪上
更誰廟食占千秋

辰州二首

辰州南去接諸蠻
踏徧丹崖翠巘間
風景黔中堪舉似
一分田外一分山

三萬牙籤秘閣懸
幸從天上識嫫媧
山深尚有遺書否
更欲重探二酉巔

傳經堂詩鈔 卷九

題懷化驛壁

窗外蛛成網
階前草作茵
山深行客少
閒煞抱關人

奉寄李又川中丞

星軺西指太恩恩
行盡荆南四郡雄
送客晚風初颯爽
迎秋新雨正迷濛
五溪香草芬芳徧
千里嘉禾穎粟同
知道痾瘵念民切
好將消息報年豐

辰沅之間早稻初登
米價大減欣然成詠并寄

黔中諸故人三首

看徧黃雲萬頃連
楚山鬢鬢水濺濺
白頭父老掀髯話
斗米今纔直百錢

新穀炊來晚飯香
辰沅一帶滿倉箱
憑誰細向飛鴻說
此地今年足稻粱

荆南接壤是黔中
豐歉從來約畧同
一例可能書大有
先憑紅鯉問文翁

雨宿便水驛

紛紛蘭芷動秋風
咫尺黔山入望中
涼意漸看生蟋蟀
雨聲先到梧桐不
嫌草具緣村僻
獨喜綸檐為茂豐
夜半荒雞催客起
高吟誰識氣如虹

青谿縣

一片青谿水
波紋似穀鋪
風帆來渡口
山翠落城隅
幾

傳經堂詩鈔 卷九

處新禾熟三年舊
夢俱此間有廉吏
重憶范萊蕪
向開青谿

命馮高秀以廉靜稱將為量移不料其遽卒於官至今念之猶忤忤也

鎮遠絕句

澗溪溪外自澄清
水石無端相激鳴
若得五丁去巉石
人間應已怒濤平

相見坡遇故吏北上

憶昔離亭酒一鍾
攀轅何事淚千重
那知小別才三載
相見坡前又見儂

飛雲洞坐雨

七年三過此古洞
覆蒼苔靄靄常
帝在霏霏雨又來
僧

難看漸長山徑恰新開時方鳩工重葺暫憇征人足憑闌亦快哉

都勻張太守遠至清平話舊

問說公為政兩歧麥共歌誰知隔雲樹復此對星河許國心元切承歡樂正多風塵期努力辛苦撫諸羅

兩趨酉陽驛

又騎官馬播州過竟日瀟瀟雨奈何路滑倍知山徑險秋寒偏覺野雲多溪邊已作銀濤湧峯頂猶看雪練拖

却喜層巒徧霑足好收紅稗飽烏羅黔中稻田無幾苗人多于山巔種菽稗以資糴發雨澤未盈則高阜皆可豐收大有之象也

傳經堂詩鈔 卷九

貴陽喜晴

擁傳重看貴嶺雲晴光今日倍堪欣樓臺好向烟中認

城郭遙從樹裏分故吏定能追召杜諸生誰不媿河汾

余昔延福建張惕庵先生為貴山書院長能以學行造士故以河汾比之最憐夾道多耆宿

叩杖爭迎舊使君

七月十五日謁諸葛武侯祠

巍巍祠宇枕苔磯銅鼓山前鳥不飛遷客三年重汎掃

名臣幾輩許歸依翼在黔時修祠既竣因以焚香終古九名宦附并定春秋祭儀

銷殘瘴檜柏清秋帶落暉底事中元紛賽社至今羅鬼

儼餘威苗人無不敬侯者故于祠前為中元會今猶未輟也

振秀軒

欲攬黔中秀征人此暫停經營懷故侶伯與國時齋方伯諸公重葺武構此軒侯祠因位置喜疎櫺潭影仍涵碧涵碧潭在軒前山光忽送青當年頻憇息翻似夢重經

習安絕句

拳確連朝陟彼祖習安城外忽平蕪黔中多山惟安順獨平坦不知

何處胭脂井欲試東坡調水符習安有胭脂井炊飯成桃花色鮮妍可愛見田

山藍黔書余欲取其水試之未果

題白水巖觀水亭

黔中神仙區有山乃無水山泉匯溪河僅足成沼沚誰

傳經堂詩鈔 卷九

料白水巖懸流迅如駛珍珠跳空中飛灑及數里水精

簾橫鋪難以尋丈紀靈犀吼天外白虹飲澗底不識幾

千折來自萬山裏昔年頻往還茲亭未及倚駐馬發長

吟操觚殊率爾壬辰夏曾賦七言古詩見大水必觀凭闌益心喜

升高以望遠奔濤震兩耳始知地脈靈其水又如此

積雨初霽遂自阿都田老鷹巖至白沙驛

踏徧羊腸路重過馬乃營地形從古險天氣偶然晴佩

續風全改呼稀調自成開苗歌都不可曉大抵如古新樂府之如呼稀自成節族耳

禾看漸熟百室定能盈

庚戌橋橋為鄂文忠制軍時建以雍正庚戌年成故名

懸崖千仞水湯湯庚戌橋留惠澤長可惜緋衣誇相業
經營只在午橋莊

密益州早行

交水城邊路居然似掌平山隨烟樹遠泉抱郭門清時
有笞箠過頻聞輕轆聲如雲秋稼滿攬轡不勝情

馬龍州象塚 并序

天啟乙丑水西安邦彥蘭州奢崇明糾密益烏蒙
犯滇人無鬪志至馬龍州一象卧深塹突出噴泥
水作雲霧賊勢披靡將士乘機破之象中毒矢出
鐵餘三升死滇人為之立塚

傳經堂詩鈔 卷九

九

何處得神象噴來水氣昏霧騰非豹隱雲卷欲鯨吞猛
力思擒獲孤忠直過賁誰能知翦逆爾獨解酬恩萬鐵
身先冒三軍舌盡捫肯隨獵虎列羞與鶴鶴論勇烈諸
羅却英風亘古存裁裁見高塚我亦薦芳蓀

重過海潮寺老僧猶相識

佛樓曾記倚闌頻別久方知夢裏身不料木樨香又動
老僧偏識舊詩人

七載陳人此再過風峇色澤近如何禪心詩思還依舊
只有飄蕭白髮多

衡鑒堂示諸同事

五華山頂暮雲深怕見秋林葉易沉敢以蒐羅誇老眼
祇愁莽鹵負初心別風淮雨瀉應辨月窟天根義可尋
漫道遐陬才士少從來砂磧有精金

寶雲亭卽事

昨宵風雨催重陽秋山一夜黃花黃今日晴雲向人媚
重到昔年鷓詠地方池幾曲環孤亭檻邊荷葉猶青青
碧水紅蓮憶往日寥寥故侶如晨星萬里無端來復去
雪裏飛鴻不知處升沉聚散總如斯此理年來已深悟
尊中酒滿我不辭止酒無如戒獨持唯有高歌永今夕
月光燈影籠花枝恩恩可惜將離別故人為我愁風雪

傳經堂詩鈔 卷九

十

碧鷄山色何能留板橋 地名滇南第一程也 明日秋蛩切

普安州道中作

上寨雲連下寨浮 上寨下寨二地名 亂山圍處見雄州絕憐竹
翠松蒼裏一樹深黃柿葉秋

老鷹巖

何年脫鞵去獅舉入晴空爪距皆成石盤旋不藉風五
丁開鳥道萬古闢鴻濛直上層巔望巖疆信足雄

毛口渡河

忽湧雙峯峙聊憑一葦航林苗分黑白 永寧州以下有白苗黑苗二種
木葉半青黃溪廣流偏急秋深氣漸涼 毛口獨熱五六

秋深則平生筮貞吉何處不康莊
涼爽矣

往來阿都田戴春塘太守皆自郎岱以清泉見
餉

盜泉不可飲惡泉安可嘗茲鄉水土劣氣候乖陰陽近
雖瘴癘盡餘毒猶必防焚僮汲枉渚欲飲增徬徨太守
能愛客一斛儲天漿去時勞遠致來復相貽將篋中有
龍團淪以蟹眼湯清甘到舌本灌我冰雪腸縱無瓊瑤
報厚意何能忘

鎮寧州道中即目

安莊坡已過一笑對斜暉安莊去鎮寧十餘里上游至此則坡陀漸少故有過了安

傳經堂詩鈔

卷九

十一

莊坡入馬笑柿葉紅成隊松林碧更圍牛羊訛寢適鴻

雁稻梁肥試看豐年樂家家正授衣

清鎮縣晴

送盡秋風陣陣鷓鴣忽看晴色透窗紗年時記聽三春雨

乙未三月督兵赴川階畔猶餘九日花不用戍樓添畫

角却欣村舍有連枷來朝便到黔山下父老無勞望眼
餘

啞酒歌

并序

苗俗以秫米釀而不用水封甕口埋窖中越數月
始開注以清泉親朋席地插蘆管啞飲故名啞酒

懸竿於上綴小旗酒滿則旗倒矣必吸盡而竿始
直既盡又以水注飲者自豪往往易醉覓見賓客
共飲今乃補爲此歌

儀狄云亡杜康死麴蘖誰堪作知已如何猗猗狉狉儔
新意獨出清且旨秫田逢年幸滿篝閉門思爲良撈苗
飲酒謀釀成不用糟牀壓但將丸泥封瓮頭歲晚從容
翦新韭願上阿包阿蒙苗語父壽賓朋雜選瓮初開清
泉注處皆醇酒一竿斜插颺春旗啞來蘆管醉何辭酒
旗纒蠹樹仍滿春風不許更低垂柴桑枉解將巾漉啞
飲寧知歡趣足爲語蠻方有醉鄉敢以新語紀風俗

傳經堂詩鈔

卷九

十二

雪厓洞

黔中洞壑時時見隱秀吾尤愛雪厓丹竈何從乞靈藥
洞前呂祖閣相傳會煉丹于此黃花偏解媚秋懷重探曲徑途猶熟斜
倚雕闌景倍佳故吏已知動吟興亭前筆研早安排

龍里道中二首

又從谷脚地名別離新絡繹官橋執手頻回首雪厓雲一

片昨宵燈火已前塵

十月山容似似秋丹黃染就葉仍稠分明小李將軍畫

送與歸人陸賈收

天生果

并序

葉如石榴果如天竹叢生田野經霜乃甘相傳諸
葛軍士至黔乏食賴以療飢故稱救軍糧黔中所
在多有餘惜其名不雅馴乃以天生果易之
火齊忽成叢霜寒處處紅種寧天竺至葉訝石榴同聞
說供軍食須知本化工嘉名應可錫採向夕陽中

牟珠洞 并序

洞在貴定縣西十五里縱橫可丈餘自西北隅入
深黑不可見籠燭然炬乃知窈窕幽邃觸目靈異
石壁皆五色隱隱有仙佛形大小塔無算石鼓石
鐘石木魚扣之各如其聲悉山泉滴漉而成行二
里許則水氣噴涌燭炬盡滅不可復進矣向未及
遊茲乃見所未見益歎黔中幽勝探之不盡也

傳經堂詩鈔 卷九

七

造化憐遐荒山川特奇妙乃於石腹中豁然開與突望
之儼方壺十笏本天造一轉入幽深羲娥所不照幸藉
佛火明列炬始可到細溜滴巖巖化作眾靈貌面壁何
清癯倚杖或微笑不知幾萬劫示現來絕微空中蠱浮
屠可以供祀掃大鼓小鼓懸逢逢出微窾更有鐘魚形
扣之聲畢尙曲曲如蝸廬凜凜似雪窖一串牟尼珠竟
爲我所盜未能躡天根庶幾扶地與水湧風忽來俄頃
息衆燭入坎旋出坎仰天獨長嘯笑對人天師稽首宣

佛號誰能此結夏願爲來者告

黃平州道中

忽覺晴光到眼中一鞭遙指播州東天公爲我添詩料
看徧霜林十月紅

重題飛雲洞六言四首

春絮離離欲去秋雲靄靄仍留可惜羣仙宅裏不教坡
老同遊

山後練懸千尺巖前翠湧三峯拄杖不嫌獨往倚闌合
到高春

蛟螭欲動鱗甲師象直見鬚眉如此神工鬼斧書生刻

畫何爲

傳經堂詩鈔 卷九

十四

天上濯來銀漢人間幻出蓬壺直欲衆生無垢肯教片
石含污開巖性好潔有不潔者
宿此必以瀑水洗之

玉屏舟中竹枝詞四首

迴首黔山萬疊青飛鴻無數送歸舫灘河却怪忙子箭
一夜人先到玉屏

雙槳搖來一葉輕一灘才過一灘迎山頭底事頻瞻望
知道儂船是倒行麻陽船下水
皆逆行故云

山程竿碯苦攀躋片艇無庸費馬蹄兩岸畫眉聲不斷
不曾聞道鷓鴣啼

山容如睡晚烟籠一帶楓林分外紅買得玉簫空在手
教誰吹向月明中

玉屏竹製簫最
佳故亦名玉簫

沅州灘行卽事

何年星忽隕終古石難平

灘名滿天星蓋
溪中皆亂石也

如此灘聲急

飄然畫艇輕雲連三楚遠山入五溪明我欲尋沅芷誰

知今夕情

洪江夜泊

闌闌紛紛亞碧溪三層樓上晚烟迷一聲絃管穿雲出

歌吹分明似竹西

上水船皆張帆舟子頗有羨意書數語示之

傳經堂詩鈔

卷九

五

我從西南來風自東北至石尤何事欲相阻得毋妬我
涉川利舟人唯覺蕩漿勞却羨來船太快意豈知風師
本無心順逆安能爲人計上水順風下水逆卽是天工
苦調劑只恐揚帆上灘難不如順流登岸易人情恒苦
不知足迷者可以參妙諦

青狼灘禱神詞

灘幾五十里最爲險惡
山上有馬忠成侯廟

自從灘溪放船下篙槳恩恩穿石罅大灘小灘不知名
峭壁懸厓盡可怕昨夜辰州對月華波平如掌浸寒沙
今朝忽見峯巒簇江心亂石張狼牙長年爲道此灘惡
波濤滾滾向空落浪花三尺打船頭往來軀命唯神託

刑牲醴酒不敢遲我侯忠勇千秋知梁松小兒詎足道

子胥震怒夫何爲方今五溪息殘瘴估船絡繹乞靈覓

不願朝南暮北風願偃靈旗收巨浪燭花未炷香霧開

白雲一片神鴉來請保行人皆利涉莫訝山風聲獵獵

舟過桃源洞

洞口重來見碧瀾昨宵霜重不勝寒楓林染得紅如此
直作桃花爛漫看

十月二十四日題大龍驛芭蕉

十月霜林葉未凋荆南風景正天饒誰知著色山看徧
又見王維雪裏蕉

傳經堂詩鈔

卷九

六

重過江陵

從古衣冠數重來鼓櫂過江山似相識閩井近如何日
暮魚蝦賤霜寒橘柚多迴思瓜蔓水滿地正烟波

六月
過此

山水驟至直逼城下驛路皆以舟
行田廬無不在水中者今已涸矣

建陽驛夜發

荆門
州地

言旋忽逾月山程僅過半薄暮向荒驛霜風撲人面孤
燭照破壁中夜發長歎忽憶出國門榴火正爛漫往來
萬餘里蟋蟀入牀畔轉曠日長至凜凜歲將晏矯首望
觚稜道遠那可見安得假雙翼一蜚凌霄漢僕夫戒前
路何能更待旦

荆門州懷古二首

躬耕象山陽斑衣能養志何處老萊莊蓬蒿空滿地
長官登講堂象山何嶄嶄今日黥壇開誰為闡洪範

蒙惠二泉詩

象山何蜿蜒彎彎似初月獨舍天一精清泉向空發其
源靜且深涓涓流不竭豈惟絕埃塵兼能鑿豪髮筮易
取諸蒙妙旨實超越緬惟陸子靜微言尙未沒陸子靜
知荆門
軍管於此講經學
者稱為象山先生本之以養正有始斯有卒吾道多橫
流愛此波滑芴落日照空潭可以清人骨

惠泉與蒙泉其源豈有二誰為強分別吾竊取其義譬

傳經堂詩鈔 卷九

十七

諸為學者淺深分次第始則源必澄繼思物有濟請看
茲泉清萬物不能累滔滔晝夜來噴涌寧擇地禾黍正
芄芄均霑灌溉利有孚惠我德嘉名庶勿替

新野縣作

六月中州來狂流正轟掣荆江尤洶洶觸目為嗚咽頃
自楚澤歸懸知

帝心結沿村問米價詎敢憚瑣屑撫郵荷

聖慈閭里共和悅今日次白水且喜見車轍長安日以
近諮諏意逾切老農聞使星津津向我說水涸種晚菽
糞餘幸無缺况今播來牟其苗已漸茁聆之心欣然康

年自可決唯望大造仁更降一尺雪

晚次葉縣

何處王喬鳥飛來一望空村墟寒水外城郭夕陽中烟
暝留行客雲遲送遠鴻從來棲遁地雞黍有遺風

榮澤渡河至亢村驛

廣武山前濁浪浮一帆晴日送扁舟朔風凜凜催冰合
大水茫茫入海流鷹隼獨知原野樂時見臂鷹
出獵者雁鴻偏
為稻梁謀最欣麥隴新苗苗好把豚蹄祝滿篝

新鄉道中曉雪

昨日渡大河朔風何太猛我知天欲雪先以寒威警入

傳經堂詩鈔 卷九

十六

夜風頓息支枕聽漏永開門忽心喜積雪沒古井客行
尙霏霏飛舞意逾遲四山皆空明塵氛悉已屏夜氣生
澄懷曉光眩清影惜彼高眠人安知此佳境憶我衛州
來其占凶滅頂星輅不能行城根上輕艇打槳至新鄉
田廬雜鼃龜觸目多流離至今我心恚

堯舜已博施猶恐困未拯惟期天降康兩岐徧萬頃我
雖賦行役願為民命請三白自茲始道路頻引領迴頭
語僕夫莫憚風雪冷明年麥秋至好喫大炊餅

鄴下至日

去時夏半來冬半萬里郵籤敢暫休却向中原逢日至

聊從鄴下朔風流建安才子真無敵天下英雄太可羞
不耐更尋銅雀瓦獨吟殘雪對荒邱

邯鄲絕句三首

又向邯鄲道上過兩行衰柳任漣淩月明何處人憐瑟
愁絕新聲奈爾何

趙家當日綺羅堆年少何人走馬來獨倚寒烟尋廢館

一痕殘雪見叢臺

一映繁華枕上成百年身世付浮名夢中占夢真堪笑

遮莫曹騰過此生

傳經堂詩鈔 卷九

十九

傳經堂詩鈔卷九終



傳經堂詩鈔卷十 庚子至癸卯

蕪湖韋謙慎

余以怡園廢址有松四株適構小亭
側顏曰四松并栽花樹二十餘本與友朋賦詩

其間尋為他人所得賦詩一篇示諸同調

廢圃積瓦礫園門無人開我來見長松蒼翠埋蒿萊昂

昂四君子可以寄我懷相依有介石磊磊亦吾儕呼童

亟埽除灑然風口佳孤亭尚樸素昕夕聊裊回種樹師

橐駝紅紫微妙材觴詠得數子脫畧忘形骸誰歎竟耳

食鵲巢鳩欲來人生大千界行止與時偕食息隨所遭

傳經堂詩鈔 卷十

一

何能巧安排浮屠不三宿至理堪微猜請看丞相府曲

水依樓臺寧知一再傳質劑已屢裁此屋三易主而至

唯余僅居我居况年餘何妨任遷推所歎十八公勁節

年餘耳難追陪吹笙夢松風自晒非仙才人失復人得於我何

有哉

徙宅有日矣而四松亭前手栽桃杏驟開湯成

二絕

紅紅白白門芳叢一夜爭開細雨中知道主人將去汝

故將顏色媚春風

開徑閒傾酒一杯四松亭外暫徘徊不知接葉成陰後

誰記山翁手自栽

移居聽雨樓施耦堂侍御以詩見東次答一首

人間最好德為鄰，休訝年來徙宅頻。桐葉湯聽三伏雨，

杏花先得一樓春。幸連席可無殘客况，對門猶有故人

十五年。前來往熟摩挲，庭樹即前因。畢秋帆中丞居此時每流連日久思

之真前因也

層梯相與共躋攀，插柳栽桃且趁閒。半舫居然依罨畫，

一拳何異對崇山。論詩爾合凌顏謝，載筆吾真媿馬班。

唯有襟期同似雪，劇談須到夜分還。

耦堂復疊前韻陸耳山學士陳寶所給諫謝東

傳經堂詩鈔 卷十

君比部金棕亭國博均為屬和再答二首

何必笙簫動四鄰，往來唯有壁牋頻。百年雞黍思前約，

三月鶯花正好春。埽徑最宜文字飲，捲簾長對嘯歌人。

澆言舊侶晨星少，小聚燈前也夙因。

稀呂紛紛好共攀，半庭風月正寬閒。高樓且喜延新綠，

幽夢猶應落故山。黃卷堆堪娛老眼，白頭人敢說清班。

一紙自笑真癡絕，每有奇書借復還。

褚筠心吳白華陸耳山三學士張涵齋侍講曹

習庵中允秦漪園端崖兩編修陳寶所給諫施

耦堂侍御沈南雷儀部謝東君比部金棕亭國

博同集聽雨樓疊韻一首

同心何處不比鄰，况復京華載酒頻。祗有芝蘭堪入室，

任教桃李自爭春。當頭忽共三更月，執手多為廿載人。

記否鐘聲來隔院，聞思早悟靜中因。東君借令弟東壁曩居法源寺傍聽

鐘山房余與筠心白華諸君子嘗觴詠其間

壓架藤花正好攀，天公為我媚清閒。半簾且讀無聲書，

文文山詩閒雲。滇中山多五色聚散從來同

幻影聲名何必論，官班預期階畔翻紅藥。一石留髡醉

不還。

新居八詠

傳經堂詩鈔 卷十

聽雨樓

我昔在黔中，為民乞一飽。其田多在山，灌溉術絕少。時

望甘澤垂，庶可登萬寶。聽雨顏吾軒，聊以攄懷抱。黔藩有軒余以聽雨名之并紀以詩

玉堂喜重來，卜宅頻擾擾。不知日南坊，廢圃孰締造。

傳聞明中葉，甲第插雲表。雷火三百年，古木雜叢篠。

唯有斯樓存，巋然尚完好。榜題曰聽雨，誰將巨筆埽。

地異名則同一，笑堪絕倒造化偶。游戲位置亦太巧，窗櫺面

面開萬卷縱。搜討今雨兼舊雨，相與証吾道。亦知非做廬，

雪泥留鴻爪。既已為地主，琴樽肯草草。瞻彼同氣人，乃為分飛鳥。

一別十餘載，壯者今漸老。長

枕有夙期此願終未了安能長與偕白頭共登眺蕭蕭
風雨聲一牀聽到曉

醉經堂

經是吾家事殘編未敢忘平生何所學老去媿斯堂聚
訟除綿蕘含華黜牝糠西京遺矩在曾訪鄭公鄉

古藤書屋

不識何年神物望來無數龍蛇誰料春深如此蒸成天
半朱霞

一架紫瓊高綴千條翠羽低垂祇合花間敷坐不須辛
苦吟詩

傳經堂詩鈔卷十

四

得石軒

人生嗜好各有癖王武子馬阮孛屐唯有海嶽癖更奇
千金未肯易一石何人性癖如米顛忽得怪石心欣然
一時歌詠盡厨顧軒乃與石俱流傳誰知園林屢易主
璣瓏之玉衆爭取假山竟爲愚叟移石去空留軒獨古
我來面壁揜重關一拳隱秀無緣攀石如能言應笑我
刻舟求劍真癡頑

松石間精舍

松小已含千尺勢石低也抵一拳山不知誰解琴中趣
徑合揮絃向此間

萬里松風馬上聞歸來十笏謝塵氛平生夢想陶貞白
丹竈何時對白雲

棧蔭館

碧樹濃陰合蟬聲抑更揚只緣貪蔭美不覺沸斜陽
滿地槐花落披襟體最便南窗聊企腳一枕獨悠然

綠天小舫

樓東餘隙地更有屋如舫四面窗先啟三間舫暫停檻
邊峯疊疊胸際水泠泠爲種芭蕉葉斜連蔭荔庭淡分
雙樹碧濃入一簾青好遺煩歎却偏宜細雨聽縱欄堪
比韻蒼荀許同馨靜識心頻展開看露乍零已醒藏鹿

傳經堂詩鈔卷十

五

夢聊寫換鶯經好事誰攜酒時過問字亭

桐華書塾

新桐初引拂南榮一樹亭亭分外清倚檻便生題句想
繞廬時聽讀書聲花開倍覺香能遠雨過方知碧有情
忽憶故園高百尺叟婆每爲到參橫

九月十日沈雲椒少司馬陸耳山光祿張涵齋

侍講曹習庵中允祝芷塘吳稷堂兩編修集聽

雨樓送吳白華學士督學楚北分得五律二首

已過重陽後茱萸酒尙留故人一攜手落日又登樓白

髮添狂興黃花耐晚秋搏沙容易散相顧不勝愁

江漢茫茫遠東南萬里通衣冠真巨藪詞賦獨雄風此
去接荆壁還期問渚官盈寧應共樂好寄鯉魚紅去年奉

使滇南路出荆州江漢驛漢田廬多在水中央
聖主撫養民咸得所今聞夏秋之間皆以豐稔告矣

綠天小舫南窗外有巨石五高者六七尺許透
漏破瘦真尤物也或謂卽從得石軒移此爲題

七言古詩一篇

窗外環立五丈夫昂藏居然七尺軀嵌空瓊瓏得未有
數百年來此石無初疑得石軒中物已爲大力負之趨
何期突兀忽到眼自西徂東或不誣平生夙有愛山癖
方寸橫互五嶽圖石乎石乎太奇特得母川嶽精靈俱

傳經堂詩鈔 卷十

六

奈何頻年竟韜匿孰爲膜拜以丈呼亟取井華水千斛
百孔千竅相灌輸不使空罅有塵垢唯餘苔錢如雲鋪
萬物顯晦固有時誰其尸之歸洪鑪前詩孟浪何乃爾
至寶未失徒嗟吁前賦得石軒詩歎其石爲人攫
去蓋不知此石卽軒中物也安得
襄陽今尙存相與痛飲傾百壺

丁丑江南

召試蒙

特恩官中書者七人吳二匏徐勇庭皆逝唯余與王述
庵副憲稽筠心吳白華兩學士曹習庵中允五
人在耳而述庵陳臬江石白華督學楚中秋燈

獨坐偶吟東坡歲寒猶喜五人同之句不禁中

夜搔首因用蘇句發端賦詩奉寄并邀筠心習

庵同作

歲寒猶喜五人同宦轍無端離別中覽鏡自慚雙鬢白
倚樓唯對一燈紅星河耿耿秋生袂江漢茫茫水拍空
何日尊前懷抱盡劇譚相與吐長虹

桐華書塾曉坐

聞雞常蚤起好景况清秋幸與晨光接還欣夜氣留盡
聲餘促織花態得牽牛小立梧桐下娟娟露尙流

歸自香山同彭石芝檢討吳漪園編修宿王芥

傳經堂詩鈔 卷十

七

子方伯山莊

香山山畔晚雲鋪歸騎恩道正紆迴首却瞻蓬島氣
拍肩忽見輞川圖頭廳風月談來久萬里關河記得無
獨媿故人情太重更煩奴飯馬青芻

重過四松亭故址

我愛四松古况與衆石耦亭亭真殊姿極極更良友頽
垣著弗亭庶幾結交久相於僅二載乃爲他人有得失
真無端欲別屢迴首高臺曲池平條焉見空藪松旣摧
爲薪石亦鞭之走憶昔開平津華堂列簪綬歌管沸夕
陽鶯花泥春酒如何一彈指其門竟生秀羅綺早成灰

樓館復失守唯有喬木存名園記誰某一朝盡斬伐削
迹若恐後浮雲本萬變安知判衣狗世事皆夢幻妙諦
能悟否桑下胡戀戀蠶絲自纏糾請破煩惱城慧劍在
吾手

十二月十一日大雪 武英殿退直失足猥蒙

羣公枉問賦詩為謝

見說石頭真路滑無端失足笑聲騰縱緣冰雪嚴如此
終媿筋骸老不勝欹枕宛同傷脛鶴倚筇差比放包僧
平生畧識安心法方外文殊信未曾

病中對花

傳經室詩鈔

卷十

九

不知傾跌有何因高卧居然已浹旬觀象幸惟夷左股
看花且喜見全身未妨細索檐前笑底用重探戶外春
埽地焚香聊復爾眼中無處著纖塵

歷城金主簿貴州畢節人為其母韓孺人求節

孝詩

熙朝大化周寰區蒸蒸禮教歸涵濡迺至閭閻多丈夫
松筠之操何地無憶昔銜

命巡邊隅黔中三載登使車民間幽隱頻諮諏唯恐潛
德溷茆蘆芳徽每以彤管書歷城主簿忽詣余仁山苗
裔其真儒自言家在烏蒙居髻亂遂已遭羈孤北堂丸

熊甘茹茶忽逢鄰火殃池魚亟以身殉負阿姑厝火竟
保無憂虞格天從來唯中孚青裙白髮七十餘幸蒙
聖主旌門閭願乞巨筆追韓蘇勒諸貞珉永不渝我欲
作歌懸通都繭紙更寫負姑圖豈獨水西彰令譽女宗
千古垂範模

清明寄諸兄弟

一百六日春過半二十五年人未歸楊柳忽驚風習習
松楸空有夢依依獨聽 紫禁鶯頻囀遙憶烏衣燕正

飛出郭定知拜先塋酒漿新薦蕉魚肥 吾邑二月燕魚
初上故墓祭必

用以
薦新

傳經詩鈔

卷十

九

題文衡山鴛湖放鴨圖贈謝東墅少宰

瀲灩清流夜有聲鴛鴦湖畔晚風輕何人手割鷺溪絹
寫出波光萬頃明

水鳥呼名到處多一羣啜啜蹴輕波不知打樂穿萍葉
誰繼當年阿子歌 樂府阿子歌注嘉興
人養鴨兒作此歌

憶昔輕舸入秀州圖中烟景宛前遊曾聽一夜桃花雨
春水分明似鴨頭

聞道鄉心感物華金陀坊外夢偏賒苦吟欲到南湖去
祇合頻頻展畫叉

再題醉經堂

夙昔抱殘經苦為求聖諦不憚箋疏煩醞釀入胸次自
從乘輶軒職業各有奇安敢守齋簡藉口不事事重來
到木天下惟理經竒欣逢

文教隆鄭孀積中秘遺編東海東皆已不脛至時以搜求遺書

遂從日本國海船購得七經孟子考文補遺孔安國孝經傳皇侃論語義疏等書四庫蕩蕩開

劉畧兼班藝編校資羣才庸末名亦厠抉別在微言穿

鑿戒私智宋儒誠大醇漢學那可廢太息唯白頭炳燭

光足繼茲堂誰所名因之增媿屬但願精華含庶使糟

粕棄元酒雖淡泊飲啜有餘味沉酣六籍中寧知醒與

醉

傳經堂詩鈔 卷十

南海子歸至崇效寺

住持以其師青松紅杏圖見示圖為諸名流所題詠

鳳城南去草芊芊不許纖埃到鬢顛策馬纔過飛放泊

南海子元時名飛放泊扣門聊問辟支禪黃花翠竹誰能悟紅杏

青松莫浪傳堪笑鈍根階下漢只將文字作因緣

哭八弟定旃八首

安訊頻聞逸興多忽傳凶耗奈愁何可憐半世同憂患

零落先看委逝波

長枕相依對紫荆呻吟猶記一燈清蕭蕭暮雨摩挲處

寒漏聽殘夢未成弟七歲時多疾苦余與共宿輒撫摩終夜

七尺孤蓬夜入吳為求靈液訪扁盧姑蘇城外春如許

獨棟松枝守藥籠弟十三歲時耳鼻俱閉先考命余攜至吳門就醫兩月始愈

少小辭家賦別離雁鴻聲裏不勝悲紛紛葉落空山外

茆屋秋風我共伊余少遭多難幾不能存活乃借弟波江橋全椒

昏娶貧家百計難幸來健婦耐清寒祇今空實兒孫淚

三十餘年指一彈弟廿四歲始娶今已抱孫矣

十載前猶畫舫同離山湖畔晚烟籠如何一別成千古

不見豪吟吸碧筒山東使院相依兩年辛卯秋饒之大明湖上

平生嗜酒見天真老去尤於麴蘖親為問九原差樂否

可能劉阮作比鄰

高樓聽雨夢頻牽每為凭闌一黯然願汝為兄我為弟

傳經堂詩鈔 卷十

他生重與對牀眠

向聞于文襄雨栢書屋藤花極盛茲為蔡小霞

編修僦居招同羣公小飲花下湯成長句

紫瓊壘架覆蒼苔東閣潭潭傍日開春晚最憐同逝水

花濃何意共銜杯一林忽與雲霞接廿載曾經雨露培

書屋構於壬午今二十年矣為問年時頻爛湯幾人能到後堂來

書宋人與 先深道先生倡和詩冊後 并序

先生諱許字深道宋時自江西遷蕪湖顏所居曰

寄傲軒曰獨樂堂隱居不仕與一時賢士大夫遊

題詠贈答往往散見他集惜屢經兵燹先生遺文

竟不復存茲從宋人集中錄其酬贈諸作彙爲一冊貽之來者庶先生之高風亮節可以想見一斑
卽次東坡題寄傲軒韻敬書其後

栖遁聞我祖秋風鬢未禿避難來江干逃名寄茆屋結
交多賢豪閉門謝流俗非惠亦非夷何榮更何辱彈指
數百年義馭不停轂每見贈蒼篇清芬映川瀆鈔入巾
箱中遷尾想初六遺書歎無存高風夢已足庶幾什襲
藏聊爲子孫蓄古墓猶巋然年年奠醑醉憶昔吏部公

親手植林木何日歸上塚櫻桃正新熟披一統志稱葦
某宅注云墓久
溼至康熙年間縣署南半里餘有隙地或欲營造往往
有異遂寢先會祖吏部公得之亦將構別業及掘地

傳經堂詩鈔 卷十

數尺得古碑題曰朱獨樂居士深道先生
墓乃就其處培高塚且建獨樂祠爲餐祀所

大雨入直三首

一夜傾盆曉未闌六街流水濺雕鞍金鼇橋上如油滑
獨爲芙蓉勒馬看

急雨聲中萬柄荷大珠迸落小珠多唯餘鷗鷺亭亭立
翠蓋遮將弄白波

直廬門外水潺潺攜得龍團手自煎他日應諄向鄉里
會從天上試天泉

八月十六夜聽雨樓對月
樓上亦何有萬卷塞其內遙遙數千年幸與古人對小

暇輒登眺那復計晴晦今夕秋氣佳浮雲豁髮鬢修書
難紅燭心知月可待開牕見蟾蜍澄澈竟無外頓令大
地中忽現光明界朗朗生宵懷燭火應已廢憶昔讀南
華句奇語頗怪月固不勝火郭象詎能解東坡探天根
妙悟振聾聵火勝耶月勝斯理堪默會東坡詩自注莊
子曰月固不勝
火郭象曰大而闇不若小而明陋哉斯言也予爲更之
日明於大者必晦於小月能燭天下而不能燭豪釐此
所以不勝火也然卒奈何尙友者辨哲窮細碎一隙矜
微明眼底苦卑隘大義無由昭相與卽盲昧胡弗窺太
清容光了不礙倚闌忽低吟夜半息衆竊何處洪鐘撞
敢遲三尺喙

傳經堂詩鈔 卷十

得石軒丁香花下作

花信本不爽欣與時偕舍苞久欲吐况復春風催我
來長廊下三見餘英開抱此冰雪姿不許紅紫猜似知
白頭翁寂寞寡所諧故爲媚幽獨超然絕氛埃麴蘖戒
雖嚴露坐持空杯聊與相晤語亦足舒襟懷

賣屋行

先生家無二頃田長安幸有宅一廛于時處處庇風雨
兒孫相與依膝前亦知軒窗非吾土差免閒架輪月錢
白雲忽念故山側窳窳未就空涕漣麥舟安敢望將伯
茆屋尙可營新阡身外之物本無有何如併此都棄捐

人生天地皆逆旅，詎肯觸境增流連。惟有簷前五巨石，瓊瓏萬竅含風烟。五嶽真形在襟袖，不知採自何山巔。每見低頭欲下拜，任人呼作襄陽顛。徑欲攜之隨我往，庶我與石終爲緣。迴思我身尙無著，僦居何處容石眠。楚弓豈必論誰得，趙璧唯期長見全。願留至寶鎮茲宅，質劑佳話他年傳。春秋佳日頻速我，好與故侶時周旋。日暮退直不能出，城乃於靜默寺借宿留贈住持。

傳經堂詩鈔 卷十

十四

偶讀東坡集中子由生日詩，忽念七弟崑泉明年亦六十矣。時方館於淮上，因次東坡韻寄之。子弟有三人存者，僅汝一。努力守貧賤，幸賴上蒼隲火滅。能修容壽考，理可必明年。花甲周傳聞，益顛實平生。事機學浮華，已早熟五嶽。抱夙願，昏嫁近粗畢。有子頗能教，自協克家吉。老兄趨，禁廷散直閉一室。忽憶淮海間，手握斯籀筆。弟工大小篆，兼善鐵筆。可能來相從，把詩同過日。

重陽前一日同梁鐵幢副憲曹習庵侍講集褚筠心學士茶墨間精舍得筆字副憲爲文莊仲

子吾三人皆文莊所取士也

東籬華欲黃，條已將九日。幸無風雨來，佳節那肯失。故人還棄論，心在丈室賓。主知孰是意，氣堪共質世。舊本情殷師，門爲縷述停。尊憶曩夫子，方扈

躡辨材資鉅，工次第判甲乙。老眼真無花，家書我夙恣。

丁丑南巡召試文莊奉命閱卷一時以爲得人故文莊家書有自幸老眼無花之語山舟侍講嘗以

示余維時荷

殊數拜官者，有七彈指廿餘載。歡聚竟難必，京華僅三人。時時猶促膝，每懷知己恩。百分未酬一，所欣郎君貴。才大氣逾逸，頻年賦來句。三楚頌聲溢，邇更愬風紀。百

傳經堂詩鈔 卷十

十五

僚爲震慄，退直何所好。愛石故無匹，嘗於几上觀。或從袖中出，酒酣揮長歌。光怪發紙筆，邸第近尺咫。相與若膠漆，脫畧忘形骸。談諧任坦率，况以文字交。未妨蹤跡密，轉眼朔風勁。牀下聽蟋蟀，瓊幕圍唐花。地爐試煨栗，此景良亦佳。可以鼓瑤瑟，銷寒訂九九。雄譚更捫蝨。

九日 文淵閣曝書

平生枉說登高會，誰向蓬萊頂上登。趨直渾忘逢九日，攝衣忽已到三層。菊花香遠知何處，芸閣書多見未曾。他日茱萸詩盛事，好同野老話秋勝。

正月十三日松石間精舍坐雨

去年見三白栗烈到肺腑自從改歲來氣候漸和煦惠風習習吹良辰足容與立春僅十日正月三日立春不雪竟已雨細絲散空中飄蕭拂庭戶以彼松栢姿貌澤心益古百卉承豐施生意更可睹曉言在郊原麥苗透疎土忽得陰雨膏青青若何許明當攜都籃沿村聽鶯語

移居永光寺街僅有屋三楹爲攤書所顏曰春

草山房並東同巷季綱齋中允李春麓侍御

七年三度賦移居但乞安身任所如半榻好風供學道一庭春草伴修書籠街舊夢誰能憶作室良謀我自疎賴有故人皆咫尺劇談雄辨許相於

傳經堂詩鈔卷十

六

四月二日吳百藥侍讀接葉亭看牡丹三首

一片殷紅映夕曛半庭香氣太氤氳不知雨露經多少才得花穠到十分

年年三月易離家孤負天香門物華今日東皇真解事待伊歸後始開花

紅嫣紫姹竟如何廿四番風一霎過簾外忽驚春似海好將老眼細摩抄

初七日雨後百藥令子滿園徧修復飲余牡丹花下今年花開較晚故有第六句

陰陰夏木暑清池檻外春風又一時髮白偏於花有分

燈紅唯覺酒相宜最憐雨細合情重却喜香濃得氣遲金帶圍應開轉眼翻階可許更頻窺

薄暮獨遊法源寺

落日動清興招提竟獨遊空堂人影靜曲徑鳥聲幽檜栢千年翠茶瓜六月秋憑誰叅妙偈階下一勾留

客至

客自故鄉來燈前作鄉語但言秋水寬一夜神山雨

九月朔見菊憶五年前同耳山廷尉小巖旣成

於詒堂官允齋中對菊耳山大醉今小巖旣成

逝者詒堂又以憂去不勝聚散之感輒書此篇

傳經堂詩鈔卷十

七

寄詒堂兼索耳山同作

又見黃花照眼新一枝瀟灑出風塵縱無細雨沾衣袂已有幽香撲酒鱗瘳影祇今成獨賞秋懷誰與更同論士龍笑疾知何似可憶當年浣錦茵

恩賜哈密瓜恭紀

瓜真如枕大香味色都存萬里陳方物頻年拜

主恩包猶從紫塞種豈是青門兒女分甘徧燈前笑語

喧

寄秦修撰簪園同年四首簪園大魁後卽乞養歸終喪復來京師戊

戊與余分校禮闈旋以疾去今爲鍾山書院山長

之子非高蹈拂衣歸故鄉抽簪身未老學道日方長至
性師會閱幽懷託老莊遙知參易象意得已言忘

千載京華住簞瓢迺晏如未妨空范甌詎肯曳鄒裾座
有春風侶門無焚客車從來同臭味談笑幾會虛

壁立真千仞巖巖是我師龍頭名不媿虎尾意誰知鑑
以空能朗山緣靜不移論文記疇昔匝月竟忘疲

見說鍾山下經神作楷模浮華社六代佳士萃三吳幾
輩堪攻錯何人識步趨題詩聊問訊南望獨踟蹰

吾邑崇仙院在小西湖上有綠萼梅一株高十

餘丈花時極盛城西觴詠地也聞道士以遊人

傳經堂詩鈔 卷十

六

雜沓伐之感而有作

看徧長安錦樣花高枝不見影橫斜每思貞白先生宅

便是孤山處士家春夢已隨塵劫化寒香翻爲故園嗟

低徊三十年前事猶喜曾逢萼綠華

奉和石庵先生梅花舊作二首

一肩霜重儘難支消息茫茫悟豈遲唯許山頭殘雪暎

任教天外好風吹酒闌苦憶移根日夢覺猶思索笑時

幸倚長松同耐冷心如鐵石幾人知

清姿長抱一條冰雲母屏風隔幾層祇覺聲聞非妙果

肯從色相覓慈燈香浮雪窟堪尋句月轉山坳合訪僧

漫把人間絲髮比梭梭仙骨晝誰能

傳經堂詩鈔

卷十

十九

傳經堂詩鈔卷十終

傳經堂詩鈔卷十一 甲辰至丙午

蕪湖韋謙恒慎旃

寒食郊行

頻年歸計竟蹉跎又見恩恩冷節過三月風光行處足
六朝山色夢中多試看桃柳春無盡為問松楸近若何
甚日躬畊傍先塋鴉鵲聲裏任婆娑

示協夢協中

一庭春暖日遲遲忽憶清芬向酒卮藥到膏肓焚券日
先會祖吏部公病劇命取一篋視之口此皆債券
幾數千兩多不能償者恐子孫追索失吾意乃盡焚之
忽有警者詣門投藥一丸遂安寢 花迎戎馬庠糧時
諸朝霍然延十餘年始捐館舍

傳經堂詩鈔 卷十一

十一

一

一

先

祖宰新鄭時 大兵征噶爾丹奉檄治饑晝夜持籌
儲侍不置然弗以絲毫累百姓鄭人德之為建祠立碑
澤農成賦區三壤 泗州水患退報於泗升科胥吏因緣
先考以訓導佐其役洞悉利弊乃議請分三等為增減
大吏納之如法履勘逾年奏入得減歲賦七千兩有奇
深夜投金凜四知 先考分教金壇有溧陽馬氏與金
先考屬色曰丁無罪吾肯 先德祇今猶未泯他年能
以金削之耶其人大慙去

哭吳百藥侍讀

獨將肝膽照風塵月旦羣推顧及倫為問他年數上者

舊英雄誰識家中人

紫薇花下雨如絲握手翻嫌見面遲苦憶曩時知已語

白頭終夜涕交頤

石庵先生以天香深處自製筆見贈

先生運筆如雨風驅使義獻來腕中心手之間叅造化
中山毛穎元無功鈍根欲學不可得齷齪鼠鬚具神力
要把金鍼盡度人傾囊持贈無難色仲將鐵梳製作精
繞指柔疑百鍊成巫磨松烟試繭紙纖穠亦覺姿態生
柰少金丹換凡骨春蚓秋蛇空髣髴安能搦管成游龍
萬里滄溟恣出沒始知用意居筆先神妙豈在秋毫顛
褚期筆精虞不擇同此三昧難言詮先生妙手超諸有
千朵蓮華長在口如何化為千億身人人都得先生手

傳經堂詩鈔 卷十一

十一

二

洗研次韻

興來親試定瓷盆石友臨風向北軒拂拭半從
天府賜摩挲堪堪與故人論井華沃處光芒發墨瀋流時
臭味存第一人間消暑法煩囂休聽鵲聲喧

久雨乍晴仍用前韻

連宵頻聽雨翻盆忽見晴光入我軒四海交遊曾幾在
一生肝膽共誰論杜門漸有秋花發面壁差留夜氣存
最是挽鬢索梨棗諸孫歡笑任紛喧

移居篇 并序

宣武門外西南隅故為冠蓋藪 國初王漁洋朱

竹垞諸名公多僑寓焉自雍正年間地震遂漸傾

圯我

皇上特用內帑構屋數百所俾京朝官賃居其月緡視

市價不及半且於俸錢坐扣以省輸納之煩余既

移居於此感

恩述事輒見於篇

我屋既已棄藏身遂無所僦居向深巷未足庇風雨月

租况日昂時覺追呼苦

九重厘清宦卜吉營棟宇蕩蕩城以西從來盛替組

申命大興作金錢出內府廣廈逾萬間不日己具舉屋

傳經堂詩鈔

卷十一

三

瓦如魚鱗間架縉薄取幸許受一屋于時聊處處擁書

既有地菑花亦有圃觴詠招友朋歡笑對兒女即茲感

併蒙徘徊在廊廡唯有庭前葵此心堪共語

雨後對月東初願園編脩

雨足晴偏好欣然見遠峯已知秋欲到忽與月相從潤

入當窻竹涼生隔院鐘來朝動幽興應去采芙蓉

九月十二日集梁鐵幢中丞澹足軒看菊同用

看字中丞詩先就走筆次韻

九日倏已過流光枉把翫曉起有寒色吳綿衣早換閉

戶誦法華盥手取諸觀何從乞醮酬鈍漢頂中灌面壁

同枯僧跣趺肯披慢忽憶華正黃掀髯顏一粲安得餐

落英悠然向籬畔過午動食指故人忽我喚入座皆素

心花光似雲爛惜哉酒戒嚴杯僅大于彈強欲效坡翁

不及蕉葉半次公醒而狂差免三爵亂主人澹如菊新

篇太瑋璨良會誠不孤使我反覆看自歎老而禿脫帽

髮如蒜戀戀秋光旁豈惟日至盱涼月照屋檐酒人尙

未散振筆和此詩幽香入豪翰

寄山東學使趙鹿泉太常

苦憶詩人趙倚樓三年不見我心愁誰山湖水清千尺

占斷人間萬斛秋

傳經堂詩鈔

卷十一

四

移花栽柳記閒吟壁上殘詩尙可尋不識濯纓橋畔樹

祇今留得幾多陰余在濟南曾於濯纓橋西種樹十餘本并有但使成陰能似榷儘教留與

別人看

宿朱石君閣學寓園即東墅少宰舊居所謂句

羽山房也二十年前往往信宿於此今少宰督

學吳中愛而不見因成長句奉東閣學兼寄少

宰

句羽山房鴻爪在門前喬木鎮如斯打包詎止會三宿

踏雪重來借一枝奴飯馬芻勞地主青松白石印心期

不知擁鼻高吟者記否春明聽雨時

謝人送橋

夢中苦憶洞庭春奉橋臨來小帖新忽訝堆盤三百顆
右軍風味見斯人

同曹容圃侍御過長椿寺

殘磬一聲動春風好共過堂前微雨歇階畔落花多佛

力竟如此禪心知若何魏我金墀在終古傍烟蘿寺勝於勝

國萬歷年間有滲金多寶佛塔乾隆二十一年重修塔在正殿高可接棟

牧牛圖

細草鋪平岡飼牛識牛性寢訛全其天庶免衆生病

年年服春犁掉尾不知苦欲參最上乘相期間白牯

傳經堂詩鈔 卷十一 五

乙巳初度作

行年六十重過六白髮蕭蕭對玉醪已分道傍成苦李

敢從海上乞仙桃雲龍伴侶多相失冰雪文章祇自豪

錫福幸蒙

天賜杖他時誇說向江阜正月六日恭與千叟恩宴蒙賜壽杖等物

題馮星寶方伯潞河督運圖蓋其奉使坐糧時

作也

歲漕東南粟排綱到直沽千艘陳玉粒五日報

金鋪囊余爲倉場掌書奏凡糧船抵通及交納通倉轉運五開人京倉實數例以五日入告囊負

如屯蟻車裝儼聚鳧誰憐轉般急辛苦爲成圖

神倉十有五通州僅二倉其十倉皆在京師使者費持籌古坻連通

惠高城接鮑邱清船及潞河即兌米入布袋袋容一石日役數千人肩負過石壩卸通惠河舟

次由五關運至大通橋始以車送京倉共納通倉者

則負袋越土壩入城河舟運至舊南門者貯中倉至新

南門者貯西倉城輓輸愁後至收納肯稽留積貯難如

此寧容鼠雀偷

平生論康濟心折小馮君所至能蘇困當官屢奏勳才

堪寄舟楫力獨任紛紜旁午思疇昔喧闐尙若聞

憶昨登樓望帆檣檻外過已知去狐鼠翫忘踏鼃置饋

輝三秋速歲漕米粟自三月至八月宣防萬雷多天津易月必須兌發令回水次致涉塵故設淺夫利沙其甚淺者又有標夫至今潞河插柳枝識之俾無壅滯皆坐糧使者督其役

傳經堂詩鈔 卷十一 六

呼鼓權更興歌

祝芷塘同年見題拙集推許太過漫成七言十

六韻報之

平生不敢談文字每對寒潭晝閉門廿載同年耐幽獨

一編秋日藉評論誰知放眼從書榻頓爾揚眉向酒樽

腕底蛟螭驚浪湧行間鸞鶴訝雲翻賞奇倍覺中心洽

匡繆能將古義敦忽枉新詩增媿色更因宿好發狂言

趨庭憶昔曾窺管擊鉢當年略滌源渴慙力求袂鄭衛

和平方可叶篋壘五常百行皆根柢八索三墳是本元

直以至情留齒頰但期清氣得乾坤鉛華洗盡梅同淡

毛羽修成鶴共鷺曼衍支離休逞幻鈎柵格磔漫爭喧
黃初風骨吾何敢斯人風骨類黃初正唐句也白傅襟期夙所尊正
又謂余詩在香港放翁問殊為怒然磨鏡要須如月朗安絃端合似春溫
斯文萬派從真出吾道千秋以拙存何日歸田結鄰里
倡酬相與負晴暉

宿吳漪園編修密雲別業其尊人百藥侍讀與

余為耐久朋今墓草已宿矣

白檀山外路策馬到城隈庭畔槐如許籬邊菊又開九

原誰共語十載客重來環重遺詩在臨風讀幾回

讀晏子春秋

傳經堂詩鈔 卷十一 七

獨抱孤忠為國謀一編論諫至今留從容宴飲和羹日

辛苦罽塵鬻踊秋萬古誰知千駟馬卅年空擁一狐裘

尼谿何事偏相沮史冊傳聞或異不

效香山體二十四首

致用在六籍非徒摘章句不能為經神曷不為武庫

論篤恐色莊心正見眸子微言尙可尋蓋以之相士

乞醢取諸鄰擾羊證其父以此沽直聲不足污吾斧

雍也賤人子見史記王符無外家古來重門第賢詰空嗟

呀

色美即斧斤味甘實醜毒吾宗子興氏養心唯寡欲

伯玉行不縻平仲心有三見孔叢子雖為潛聖友妙指當微

泰音尼山以君子許伯玉而平仲僅稱其善交有微指也

天高鶴可聞水清魚始見俗眼徒紛紛賢愚安足辨

藥羊食其子西巴翻舍麀不忍斯可信忍者終見疑

少年意氣盛老成更事久卓哉齊子奇同載皆白首

進言良獨難時唯當其可舉燭誤亦佳徒薪計乃左

不疑乃盜嫂曾參竟殺人悠悠何足道萬古含酸辛

涇渭流雖同淄澠味自別一任揚其波誰能消吾舌

萬錢一朝餐百金十家產漢文思何深何曾色亦赧

溫公大布被儉德資雅化何以牧豕翁人或謂之詐

傳經堂詩鈔 卷十一 八

蟻蝨畏湯沐狐鼠避熏灌去惡莫如盡不斷受其亂

十羊忌九牧兩虎必一傷從來易相厄豈獨陳與張

眉山失方叔廬陵刷劉幾公明本相生歐蘇真吾師

寶劍挂宰樹葛屨念風雪古人死生交奈何今斷絕

遺簪不忍弃破鏡猶欲圓白頭吟一曲雙淚如流泉

摘瓜抱瓜蔓煮豆燃豆其何不為棠棣鄂不相與依

退之好奇藥東坡信道篤試問服硫黃何如食杞菊

琴鶴何必隨牛犢應速買人羨趙益州吾欽龔勃海

簪林戴片石劉寵選一錢漢廷多循吏清節誰能先

欲贏寧惡鷲徒鷲奈無贏不如保清靜庶遊神之庭

雪後過壑士少宗伯職思書屋在詩見貽次答
排閭剛逢退食餘半簾晴雪晚風初劇談便抵中山酒
熟計唯宜下澤車知有歸心頻欲動可能豪氣竟全除
相看一笑真癡絕好事時時覓異書

題沈石田古木慈烏圖

老樹何森森輪囷處深谷幾經蝕風雨濃陰蔽山麓羣
鳥啞啞來飛鳴繞其族祝嘏聲獨悲反哺報殊速物類
有至性孝慈孰爲督人生歎貧賤雞豚苦不足捧檄爲
親喜滌髓藉微祿奈何鼎食人白雲但遙矚溫清勞夢
寐安否憑筮卜縫衣淚未乾倚閭頻頻感縱復遺旨甘

傳經堂詩鈔

卷十一

九

其如逼風燭生別死乃歸往歌來已哭愁聽樹不寧忍
見烏在屋誰能摹此圖用以勵顏俗

送虞錦亭京兆歸老金壇

掉頭忽憶舊烟蘿八十依然鬢未皤傾盞尙愁酒泉竭
問年應比數珠多見傳燈錄金門一任兒孫踏福地從教杖
履過我是人間擔板漢恩恩授授更如何

憶昔趨庭初識面碧梧深柳共長吟

先君訓導金壇時卽相識錦亭年

二十九余甫十七今五十年矣千秋故紙我無分四海相知公獨深猶
有冰霜留訟閣詎期風雨逼離襟不知五十年同調何
日華陽洞口尋

止酒幾四十年頃與劉雲房中丞吳白華京兆
蔣霽園少京兆祝正塘侍御集曹習庵學士綵
卿書屋以茗飲與諸公決勝覺浩浩落落真能
得孟中趣也戲成小詩兼請諸公下一轉語

少小有酒癖舉盃輒自豪一飲能數升中夜歌離騷幕
天更席地那顧俗子嘲嚴君限三爵戒勿號且叟使
我中心痒無術爲抑搔唯恐或逾度腸胃空嗷嗷不如
藉智刃永絕翹生交剛制卅餘羣羣已漸消久之近
自然壺樽皆可拋陽和生滿腹香山詩飲似洪濛恣造
遙今夕是何夕忽與酒人遭羣公正拊戰角勝分朋曹
我亦持茗椀不憚攻擊勞日落興未已仰看星月高一
觴雖不進胃中已陶陶無爭得三昧山谷詩酒中何必
歡醕糟

傳經堂詩鈔

卷十一

十

同曹容圃侍御遊慈仁寺

不二門元大指提尙可尋春雲何晚暖古木自陰森寶
相蔭人海寺有定瓷觀音相傳得之窰鐘聲清客心不
知叅妙果誰悟去來今

慈仁寺窰變觀音像

天人妙相從何來莊嚴兼具慈愍意埽埴之工那有此
造化無端逞遊戲烈火焰中湧金蓮寶冠綠帔現靈異

似憐軟紅太恩恩要人盡登歡喜地我來瞻禮日卓午
非色非空絕思議平生未解恭貝葉述津往往墮涕淚
安得到處依慈雲八萬四千得了義黃花翠竹本無象
莫尋般若向文字

楊枝曲三首

三月春愁碧水灣垂楊嫵嫵暮雲間風流合伴香山老
一搦腰支是小蠻

肯同桃李鬥繁華合向靈和殿裏誇一片柔情天付與
春深猶恐未勝鴉

銷魂橋畔頻相送隔別依依更幾回若把折腰孫壽比

傳經堂詩鈔 卷十一

十一

風前祇好作興僮

欲往崇效寺看海棠不果

一株幽艷贊公房春興頻飛白紙坊聞道猩紅經細雨
便思蠟絲對斜陽鬢絲禪榻情猶在竹杖芒屨嬾未妨
莫笑於花太無分白髭元不稱風光

春草山房燕巢

獨坐空庭雨後天何來雙燕太踟躕詎尋舊侶穿簾慣
忽定新巢得地偏軟語似憐花壓帽端詳應訝雪盈顛
相逢且復依人海莫憶家山到水邊

為阮吾山少司寇題尊甫裴園先生勺湖草堂

圖四首 先生官翰林以進經史擢子受
特達知典山西鄉試稱得人督學湖南
造士尤有法旋乞養歸講學勺湖嘗著治經日
程教學遺規四禮翼注及學約為一時學者所
宗捐館舍後堂毀
於木其門人新之

一片泠泠水鬱環抱草堂地疑枚叔宅人說鄭公鄉守
道心彌遠譚經味正長至今遺矩在來者足津梁

自昔稱賢達都從至性來名方尊北斗夢獨戀南陔桃

李三春發松楸五夜哀何人更絃誦庭畔一裴回

江東數上者舊風骨最峻嶒鹿洞當年約龍門幾輩登

吟廊看曲曲講席認層層我欲羞蘋藻人師得未曾

弟子悲喬木三年禮數真園林雖漸圯堂構竟重新行

傳經堂詩鈔 卷十一

十一

馬門今大椎牛淚更頻相期護松菊終古枕淮濱

偶植秋花以連得時雨為積水所傷

庭前芳草滋生意略可尋忽憶秋花妍將以託微吟移
根自園官栽培意殊深霖霖灑微潤葉葉依牆陰未秋
花已開紅紫亦成林六月時雨降連宵傾甘霖大田卜
多稼歌舞徧黎黔我室苦窪下積水何潯潯回頭見秋
花離披已不禁始知雨露渥弱質安能任仰看松柏姿
霜雪猶森森况復沐膏澤蒼翠來衣襟因材理必然誰
其窺天心

淳水三日始清溝道水退而花復甦

土潤大雨行先時已可測未雨爲綢繆通利賴溝洫管
被血脈流奈何使淤塞水瀦與階平浸溺及羣植三日
消未能生者倏將息呼奴爲疏淪積水去頃刻秋花雖
倒垂竹葦掖之直幸逢風日佳依然弄顏色物理有榮
悴扶持藉人力時虧亦時盈調劑乃吾職宣洩計不早
作歌用自効

聯林對雨圖爲冷亭園峯兩學士作

翰林學士得雙璧干古人誇大小蘇東坡以元祐元年

出知杭州子由代之兩公爭似君家郭不好不教秋夕

先後爲學士非同時也雨風孤傳宣定許聯鑣去將以直省鄉試

傳經堂詩鈔 卷十一 十三

被俱祇恐新詩互商略瀟瀟終夜撚吟鬢

妙手誰將骨相傳風流文采兩神仙弟兄直合相師友

行輩無須論後前詞館例有前後桐葉正搖簾額外雁

聲剛到枕函邊玉堂又是齋期近可許論文更拍肩清

堂爲吾輩齋所每致齋輒對牀眠也

奉

使秦中道出安肅示協夢

送爾作吏未半載獨立每爲增脚躡相距雖僅三百里

定省安能晨昏趨忽乘輶軒經所治一笑見爾來前驅

道旁嘖嘖說家慶我念民瘼獨心瞿親民之官良不易

况當孔道頻追呼父老爲言請雨應上蒼降茲黃雲鋪

唯願穰穰能滿家窮檐幸免公私逋我思漢廷重悃悞

月計不足歲有餘刀劍何如買牛犢城社那許憑鼠狐

早夜唯當屋黎庶饑使餽粥寒使禱平生康濟術未裕

一燈相對無良圖不能有益願無損斯言庶幾書座隅

曩嘗示屬吏謂設官皆以爲民必事事有益於百姓乃非素餐次亦於民無損斯免慙色故印以此册之

王廓亭孝廉發傳爲余戊子分校北闈所得士

行至正定始知其已下世爲之悽然賦詩四章

兼示其孫亦軒孝廉定柱

聲聲談經口平生歎此才如何失老友只見小同來

傳經堂詩鈔 卷十一 十四

憶昔迎星輅燈前紛笑語誰知不相待修文向何許己亥

五月重之漢南尙於此相見

白首研六籍七十壯心存環重名由業聊以慰九原

杵枯非凡材淩霄氣已動願益培其根待爾作梁棟

井陘縣

迴星城畔路犖确不容車雲向天邊插入依井底居雄

關何突兀古道獨趨趨指點談兵處奇謀竟孰如

潼關

四扇潼關啟白雲高與齊人來斗極北秋入大河西一

路鳥聲靜千山樹影低平生殊局趣放眼吐虹霓

華陰夢七弟崑泉次東坡華陰寄子由韻

落日蒼茫雁影歸三峯指點是耶非
河聲隱隱隨征旆山翠紛紛上客衣
聽雨忽同長枕夢看雲何處故園扉
遙知搔首頻西向細數王程四牡駢

謁寇忠愍祠在華州西門外有石刻遺像

澶淵一戰奏膚功北使猶知問相公
漫道樓臺無地起千秋遺像見英風

相知誰料竟相殘猶饋蒸羊為勸餐
若憶聖人李文靖

王子明語知人應信古來難

畢竟雷州死竄奔春風迴首不堪論
柘枝舞罷綾千束

傳經堂詩鈔 卷十一 七

何似深衣獨樂園

邵平里

青門何處故侯家隱隱秋烟帶日斜
一代金張銷滅盡

居人猶說邵平瓜

祭先河而後海 陝西關中擬作

望秩分先後沿流必討源百川歸溟渤
萬里滙崑崙典獨崇河伯儀方及海門
負圖休氣滿沈璧鉅功存禮祀三王重
懷柔四瀆尊金隄維地軸銀漢躡天根
牛斗樞應到蓬萊島漫論更期知務者
吾道識宗元

中秋對月

一片香浮桂影中團團明月正當空
夢來誰聽鈞天奏吟罷應呼帝座通
不用管絃開宿霧略將瓜果作鄉風
京華料得清輝遠聞說陰晴萬里同

衡鑒堂卽事

官燭燒殘接曉暎唯愁字細眼先昏
知誰將相科無媿王沂公言行錄公為參政或議以進士登科擇堂吏公曰我朝設此科謂之將相科豈當屈以趨走吏耶眾皆歎服好共文章事細論風潮周泰有遺格道宗濂洛本同源謂橫渠先生豪釐莫訝頻量較只此區區報國恩

灞橋

傳經堂詩鈔 卷十一 七

一片寒潮勢漸消無邊秋色望中遙
不知身是詩人否

秋柳蕭蕭過灞橋

過華州作

已過重陽後秋光更若何白雲千里合
紅葉四山多嶽色留終古年華委逝波
無因逢李白把酒一高歌

晚次蒲州

又向河東路關山兩戒分杯中汾水酒
襟上華峯雲獵騎當秋見歸鴻入夜聞
西風生樹杪葉落漸紛紛

涑水弔司馬文正公

豐碑十丈表清忠宋哲宗題溫公碑首曰忠清粹德之碑宋室安危仗此

公精力一生盡書局白頭憂國更誰同

夜趨霍州

年來筋力衰據鞍不足用以此欺倭遲磨及每心恐屈
指將決句搗手別岐雍歸途尚未半兼程倍倍日日落
風漸厲霜壓地始凍翹首望太岳亂山霧雲霧衝寒陟
山徑警馳入深弄兩峯向雲插一綫見星送或挽或推
之前後羣力共我僕亦既痛我馬詎敢縱即次忽四更
歌枕弗成夢坐待朝霞升車塵又已動

重過正定作并序

已亥仲冬歸自滇南適周燮堂大司馬以副憲奉

傳經堂詩鈔

卷十一

十七

命督修大佛寺駐節正定遣人遠迎余疾馳相就驩然

道故今燮堂已歸道山重經斯地思之惘然賦詩

二首

團團陳跡近如何七載前曾側帽過記得雪晴風似吼

一鞭飛騎渡渟沱

關河萬里一歸人舊雨相逢意倍親紅杏尙書今宿草

燈殘誰與訴塵因

安肅道中慈航寺示主僧

招提臨古道下馬問山僧欲納三千界須然百億燈慈

航隨處有明鏡幾人能空際天花落是日微雪恩恩悟未曾

鈔秦中近詩寄七弟昆泉并題二絕句

老去方知無一可獨餘文字性猶存幾時夜雨聽蕭瑟
一榻秋燈共細論

做帚千金會得不飛鴻指爪偶然留繩樞草舍荒寒甚
漫說能修五鳳樓

傳經堂詩鈔

卷十一

十六

傳經堂詩鈔卷十一終

傳經堂詩鈔卷十二 丁未至己酉

蕪湖韋謙恒慎旃

劉少司馬以人日與曹大司農倡酬詩索和奉

爾次韻

人日題詩兩故人土牛鞭罷忽兼旬十二月十七日情立春已廿日矣

深頓覺春無際興到方知筆有神幾番去暗催花信換

一竝驚見月華新東風處處堅冰解吟斷斜陽碧水淪

懷國時齋方伯

平生辛苦學陰何月斧雲斤費琢磨一自龍沙入萬里

誰吟村晚受烟多余最愛時齋村晚受烟多之句為得象外趣

傳經堂詩鈔 卷十二

二月十二日庭前桃花盛開

今年烟景倍天饒閏後春先到柳條多謝東風能着力

小桃爭放向花朝

清明寄諸兄弟

辭家三十載今日又清明碧草向人長白雲何處橫鳴

鳩添曉思歸雁作春聲遙識登先壟含愁憶鳳城

吾邑東門外大悲庵比丘尼照愚嘗為人講金

剛經且詭言辟穀于是傾動頑艷布施委積迺

大闢廊宇壯麗日增年八十餘而寂項聞其庵

不戒於火已化為瓦礫場矣

辟穀談經記往年一時羅綺太喧闐雲廳霧閣今焦土
何處重尋謝自然

聞錢擇石少宗伯懸車後唯以山水自娛手種

梅花數百株興至時携斗酒出遊今年已八旬

而步履如故見者無不以為神仙中人也漫成

一律奉寄

五年前已賦歸田八十依然杖履便合受烟雲為供養

況於水石得因緣携將竹葉探春慣種就梅花索笑偏

為問大王公識否鴛鴦湖畔歲星懸

金陀園圖二首園在嘉禾郡城西南隅與金陀坊近岳忠武之孫珂為勸農使

傳經堂詩鈔 卷十二

嘗著書於此鳴

竹徑松亭落眼前谿山真意共誰傳一株鴨脚圓如蓋

猶說王孫手植年

水木清華占越中金陀坊畔又春風不知忠孝兼文采

千載誰如岳倦翁

題趙夢白鐵如意

一雙如意想堅剛鐵漢錚錚孰敢當莫是前身張惡子

不教容易與姚萇義山題張惡子廟詩如何姚如意獨自與姚萇

太學古槐樹下作

鬱鬱古槐樹曾齋所手植不知何年枯偃立講堂側雨

露露鴻施生意忽復得一朝見葉芽榮滋非人力憶昔
方樂羣誇說向鄉國彈指卅載餘陰濃有佳色惡馬擁
臯比花黃更相卽亭亭似車蓋徒倚至日景迴首青燈
倚升沉理莫測凋零倏過半對此三歎息緬懷談道人
餘陰尙無極

寄居謝東墅少宰海淀別業

多謝園公爲啟扉筆牀茶竈麈相依入門且喜雙槐蔭
繞屋還欣百草圍對月好同僧結夏看山合共鳥忘機
華林七錄都看到清福人生似此稀時覆校文源閣四庫全書

雨中退直

傳經堂詩鈔 卷十二 三

火雲方在天忽聞山風至打聽更入戶跳珠濺玉砌疾
起護秘書唯虞縹緗薄暮勢未休紛紛策歸騎中途
值田父前村博微醉望雨雨卽來那能不快意翹首向
西山迷濛暮烟際聊以滌煩暑清颺入衫袂

六月二十五日立秋

一葉當階落空庭夜氣清誰知蟋蟀動先已作秋聲

秋曉入直

好鳥催人起簪毫入

禁廷芙蓉花半斂楊柳露猶零山氣當牕入泉聲倚檻
聽蓬萊終日對相與訂遺經

國子監齋次韻書示諸生

又乘炳燭得微明惟有殘編伴此生千古誰知周茂叔
幾人能到鄭康成階前草長秋仍碧池畔荷香夜倍清
倘肯執經相問難不妨時復效鐘鳴古人未有言學不
言問者蓋字數凡
不問下問乃於落句發之誘
人苦心不自知其言之夸也

丁丑八月小西湖尋秋至三昧庵題壁忽已三

十一年矣昨夜夢至其處壁詩宛然住持出青
精飯餉客復成小詩醒而僅記其半遂續成之
書寄羣從使知余魂夢無日不在湖畔也

分明指點江南路一片波光動烟樹鴻泥指爪是耶非

傳經堂詩鈔 卷十二 四

却到當年題字處夢中惘惘太無憑說法誰然百億燈
何時好飽青精飯拄杖重尋白足僧

八月十四日散直後步月至澄懷園有懷浙江
學使朱石君少宗伯

一丸涼月影層層退直依然興可乘隔岸便思招野鶴
過橋直抵訪山僧風生竹樹秋逾淨水接樓臺夜倍澄
不識西湖懸皎鏡尋詩誰共倚枯藤

夜起對月

衆籟忽以寂山月夜更皎攬衣獨徘徊秋氣入懷抱纖
塵無自來獨立萬物表惻然念羣動何爲太擾擾

憶桂

忽憶當庭桂紛紛樹影多年來花幾許樓畔月如何秋
向懷中得香從袖底過可能借故侶半畝一婆娑

九月二日雨中獨遊長椿寺忽憶汪雲壑修撰
寓與寺鄰今方督學滇中走筆寄之

得聞那肯負年華老去吟詩興轉賒且就鐘魚叅白菜
不辭風雨問黃花百千幸接慈燈界咫尺應窺佛海涯
談道故人今萬里幾時親舊更搏沙

睡

少壯好讀書終宵與未已雙睛常炯炯安識睡鄉美儵

傳經堂詩鈔 卷十二 五

忽將七十嚮晦欲卧矣始知佚我夜黑甜有妙理夢所
見者真外此皆妄耳

或餉烏鬚藥口占謝之

霜雪盈盈領下垂幡然甘載已如斯平生不作瞞人語

更染鬚髮欲誰

自題長生瓦研齋 并序

丙午秋使秦將歸而馮魚山戶部適至且遺瓦當
一片有篆文曰長生無極謂此甘泉宮故址所得
因沃以清泉磨墨其背潤澤密粟視澄泥有過之
歸而置之讀書處且顏額曰長生瓦研齋并成此

詩寄魚山屬和焉

去年我作關中行好古往往披榛荆先秦古器不可得
等而下之及漢京漢京越今幾千載東西繡嶺烟雲橫
一百四十五官館化爲塵土耕夫耕當時法物久灰滅
上下求索嗟吳儉故人貽我一片瓦製以古錦疑瓊瑛
云是甘泉宮所遺巋然完好聲錚錚長生無極篆法古
團團如鏡懸秋清弟子敢爲先生壽香姜銅雀難抗衡
歸來誇說向同好傳觀價欲儕連城研材得此足珍敬
伴我著書依月明不知舊雨幾時至譚經滾滾傾瑤觥
摩抄終日足娛老敢希轅固與伏生

傳經堂詩鈔 卷十二 六

爲鄉曉屏司成題所藏唐六如畫滿城風雨近
重陽卷子

滿城風雨近重陽獨掩柴扉對筆牀合引故人傾酒碧
肯令佳節負花黃吟成一語秋聲冷寫出千林樹影蒼
畫裏有詩詩有畫箇中消息共參詳

去年秋于役秦中曹習庵學士送余登車若依
依不忍別及余歸而習庵已督學粵東逾半載
卽遭母喪旋復以毀滅性始知臨岐執手遂成
永訣念吾兩人自辛未訂交幾四十載同聲同
氣相交之深未有倫比春夏間猶屢通音問迺

未周花甲而玉樹長埋安得不淚下如雨耶因
成二詩哭之兼寄王禮堂光祿錢辛楣詹事

肝膽平生共垂垂四十春九原戀慈母三館尖詩人送
別襟猶濕題牋墨尙新西窓同笑語唯有夢中頻
等身留著述鬢髮尙青青雲菴招魂處秋籠問字亭不
知前輩謝誰作後生型粉社雙同調能無涕泪零

從子帶湘茂才會隨余滇黔之行比年輾轉依
人備嘗艱苦今春復來相就余諄勸其歸又言
有必不能歸之故忽以痰疾長逝年五十七撫
棺哀號不能無詩時丁未十一月二十二日

傳經堂詩鈔 卷十二 七

策馬會看萬里雲年來鬢雪亦紛紛入林正喜心重印
隔夜何期手忽分半世鞿愁憐爾甚一腔幽憤向誰云
平生獨有家難愛忍泪聊書祭姪文 茂才喜臨池而
酷愛余書故云

春淨精舍習庵故居也過之有感

春淨人去葉紛紛花底會同醉夕暉猶有牙籤堆萬卷
朔風香冷舊時芸

張墨莊總憲輓詩 并序

戊子冬余督學山左與公爲代及由滇黔歸而公
卽退老乙巳春蒙

恩同入千叟宴猶執手道故公年已八十三矣今聞其

歸道山詩以輓之

誰山湖畔水如天曾送翩翩使節旋萬里我行過馬乃
十年公去對龍眠升沈聚散真前定生死交游結後緣
猶喜者筵陪杖履露華濃處見真仙

春寒

二月中和氣漸嘉東風著意闔年華天公要遣春光滿
故以微寒勒杏花

早春獨遊法源寺

習習春風古刹多欣然執手老維那恰當示疾聊相問
時主僧
臥病不待看花竟獨過電露此生容放浪烟雲隨地

傳經堂詩鈔 卷十二 八

足婆娑本來面目知何似言下而今會得麼

憶鯊魚

老戀京華卅載餘江鄉烟雨更何如春來第一難忘處
上塚家家薦鯊魚

種榆篇寄江上故人

我從天上乞白榆種向庭前伴日永連宵好雨聽無聲
忽發柔條弄碧影書生說食常津津預想榆錢似鄉井
誰能來此對牀眠爛醉春風同說餅

三月五日釣魚臺卽事

昨夜桃花雨桃花水正生偶然尋勝地聊以暢幽情觴

詠風猶古登臨夢亦清投綸隨處好歸及夕陽明

恩補右中允恭紀

改官猶傍 御河東思曼瑞慙正始風廿載五來芝苑

裏春坊官有六余自戊子升左庶子壬寅以後一身三
官左右費善左中允今復補右已五在矣

到玉堂中 余以權貴州巡撫創職重玷詞垣今以祭酒
銜級復貳春坊仍兼館職皆殊數也

敢將豔體誇文藻唯以頽齡勵樸忠浩瀚

恩波無可報冰淵終日倍忡忡

重過兩梧書屋見藤花有感

東閣當年未敢窺年來頻見紫雲垂不知醉漉車茵者

誰向花前酌一卮

傳經堂詩鈔卷十二

九

常君殉節詩并序

君諱紀字銘勳號理齋奉天進士知西充縣有聲

遷知崇慶州金川之役隸定邊將軍溫公幕理餉

癸巳六月逆蠻叛轉掠及木果木君手刃數人猶

罵不絕口被十餘創死於昔嶺

贈中憲大夫祀昭忠祠子承武廕知唐縣

竟以書生能罵賊當年英烈試重論三刀詎足旌儒吏

一劍聊憑答

聖恩空祀桐鄉頻灑淚誰招遼海未歸魂祇今稟稟餘

生氣昔嶺千秋有血痕

鄭秋浦侍御撚鬚獨立圖

半畝桑田屋數楹一池秋水夕陽明不知獨立蒼茫處

撚斷吟髭有幾莖

歸去唯於泉石宜襟懷冰雪許誰知白蓮花畔香偏遠

正是懷人得句時

午憩坐睡次東坡韻

踟躕坐睡牀雙膝懸兩肘此心已寂然此身詎我有不

夢亦不醒非斲亦非久但以神守氣寧勞口與手入定

疑參禪忘形類中酒俯仰天地間幾人臻上壽賴此葆

清淨津液潤衰朽妙訣從何來希夷遞授受一日當去

傳經堂詩鈔卷十二

十

兩日身心總無垢聊將一瓣香敬為東坡叟

瓶中芍藥二首

老來偏覺戀春風要遣花光到眼中買得豐臺三百朶

不知高興與誰同

荷山猶記講堂開一片濃香入酒杯堪笑當年殺風景

不教日日送春來 莫在山東按試曹州芍藥極盛太守
口送數百枝幕客競相咨賞偶讀東

坡答林子中詩為報年來殺風景連江夢雨不知春其
自注云來詩有芍藥春之句揚州近歲幸為此會用花
十萬餘枝吏緣為如民極病之故罷此會
因屬太守幸勿再送恐亦以此病民也

題孟通泰小照

秋風忽以至落葉一何深紛紛紅紫倚離披安能禁清

光懸層霄皎皎生胸襟斯人獨幽寄把卷秋樹陰但期
足水石詎必迤山林亭亭立物表萬慮不敢侵願彼傾
陽葵可以寫我心誰能壹者來相與彈素琴

鵲異 并序

春草山房西牆外有鵲巢鄰兒取其雛爲玩羽翼
未成也忽墮階畔因於檐前爲皮飼以粟越廿餘
日而飛繞堂上時余方坐長生瓦研齋尋復飛至
其處見余迺植植久之似相謝似相別遂翩然去
余歎其異紀以詩

先生危坐方讀書小鳥忽墮我庭隅欲飛不飛苦翼短
不知誰歟探鵲雛呼僮亟爲解其縛無使攫噬遭狸奴

傳經堂詩鈔 卷十二

十二

有粟可啄水可飲更於檐畔謀厥居嗅味唯恐德不卒
朝夕保護勤且劬何期羽毛竟豐滿上下求索來吾廬
相見欣然飛且舞感君爲我全微軀天不遣言仰天噪
元微之望雲雖歌色沮聲悲
仰天訴天不遣言君未識活我之恩敢忘諸從來一
飯不可忘人既有之物豈殊但願相與安食息報德豈
必環與珠平生濟物本素志救焚拯溺無時無施者無
心更責報受者百計翻相圖嗟彼紛紛下石輩得毋人
而鳥不如

浴

既無塵可洗亦無光可放何人悟水因試叅真實相

謝易堂助教爲作山水小幅且題句云南宗結
習最難忘日熱香光一瓣香試寫春山媚初祖
水深雲碧輞川莊旨遠情深吟諷不足輒次其
韻題於左方

平生邱壑夢難忘春到桃花水亦香他日扁舟徑歸去
憑誰乞得午橋莊

得七弟崑泉書却寄

人生花甲周百年已過半况我將七十夙昔處憂患齒
牙漸脫落筋骨亦慵憊爾年小我四圍頗能健飯顏色
今何如得毋亦小變昨夜見爾來執手倚燈畔令我酒
戒開淋漓滿几案但覺壯盛存那知歲華換夢覺復相
失嗷嗷雞聲亂曉起得尺書臨風再三看略言形容衰
何時一牀伴祇此春令情詎以鴝鵒怨莊鳥爲越吟歸
計吾早斷來秋定抽身峭帆到江岸速栽東籬菊花黃
好同翫

傳經堂詩鈔 卷十二

十二

題王石谷畫

一片松濤入夢中萬山深處野雲空人間只合陶貞白
盡日吹笙對晚風

十二月望後飲褚筠心學士茶墨問精舍忽憶

戊戌殘臘筠心齋中盆梅正開圍爐密坐曹習庵學士陸耳山中丞皆醉習庵墓草已宿而耳山督學閩中須明年得代始歸曩時文酒之樂不可復得漫呈筠心兼寄耳山

爾我休論孰主賓白頭相對意逾親祇應明月窺簾慣忽記梅花索笑頻四海更誰爲酒伴九原何處問才人放懷合待雲間陸沉醉春風不計巡

二月十八日雨趨西苑直廬時樹堂侍讀巖考功可齋杏江兩編修先至次杏江韻

獨乘驚馬踏山蹊滑滑泥中手共攜肩雨似尋春社燕衝筵忽鬪少年雞一條冰豈嫌官冷百尺虹寧許氣低堪笑衰翁更塗抹幾行秋蚓壁間題

法源寺海棠花下作

入門猶記登初地一笑春風見海棠何意去來三十載不知觴詠幾多場忽開忽謝誰爲宰非色非空已盡忘唯有看花情未減低徊依舊到斜陽

余三至詞館兩教庶常忽忽二十七年矣邇來人材輩出而今科尤盛因用東坡子由與孔常父倡和詩韻簡新先輩莫同聲相應爲一時盛事云

清美數木天官職亦已古雍雍大雅林詎容不材處憶昔擁青衿不憚苦吟苦小別三四年行歌聽杜宇重歸玉堂上舊雨雜今雨英才連襪來騰達如豹虎哀慵媿糝糠臭味實水乳老馬雖識塗敦學知何補明年慶典行抽帆逝將去引觴屬羣公文章作纂組行常用羽儀聲名煥策府擊轅歌太平盛事期共舉

七十生日示協夢協中

人生七十老而傳在再誰知及此年萬古綱維歸至性一家弓冶在殘編貽安每憶先民訓師儉還期後世賢先考以師儉名堂吾師王己山先生爲之記今日過庭親付與書紳銘座可忘旃

傳經堂詩鈔卷十二

十四

七夕有感

三十年離別韶華委逝波他生成夢幻今夕對星河漸見兒孫長空憐鬢髮蟠夜臺人憶否老泪尙滂沱

枕上作

我年四五十未識睡味好衆務紛然來竟夕期必了卽曰無事耳一覺殊草草六十頭小變偃息時較早寐寐亥子交沉沉直到卯或曰壽者相真氣當內葆今年忽七十餐飯尙能飽入夜登我牀不知孰爲擾旣無所思慮亦無可煩惱輾轉不成眠喔喔雞送曉欹枕吟此詩

始知吾已老

雨後過芷塘新居芷塘有詩次其韻

獨抱遺經靜拚屏肯因風雨便相違朱輪畫戟元非分
白石青松好共依吾道自來須冶鑄有生誰不受銜
養雞願爾真如木莫憶西湖竟欲歸

蒙

恩復除祭酒恭紀

三入詞垣遇已奇况邀重興玷臯比親承

天語

恩彌渥說到人師媿更滋豈有文章堪鼓吹唯將經術

傳經堂詩鈔 卷十二

五

作會箇平生報

國心如昔霜雪渾忘兩鬢垂

孫兒寶善自丙午春隨其父協夢宰安肅河間

轉眼三年今夏協夢量移漕運通判始令其來

侍頗好讀書兼有志於小學因為燒燭講經義

且諭以窮經自識字始雖吾年七十不憚諄諄

啟迪之廼寫為炳燭課孫圖併題七言古詩一

首

自忖本非楨幹材鄉里纔堪作教授忽領吏局百不能

講學時時勸耕耨歸來重入承明慮虎闌再至司教胄

日以說經為公事那知齒豁面生皺燈前書聲何琅琅

孫年十七明且秀幼小即耽許氏學偏勞點畫勤考究

讀書要當略識字昌黎此言良匪謬阿翁安能老復丁

石室金匱猶可紬願乘炳燭得餘明口講指畫伴宵漏

功名富貴非所期但求六經明句讀庶幾三年通一藝

禮堂寫定賴我後憶昔趨庭傍爨舍鐘鳴不嫌大小扣

先考為金壇學官曾寫授經圖迨我講易明湖濱二子傾耳侍左右

余於濟南有一時詞人競歌詠未知聞者然與不此圖

此詩勿浪傳子子孫孫其世守

題竹林研易圖三首

傳經堂詩鈔 卷十二

六

六畫啟苞符乾坤蘊已足一索得長男競競迺致福唯

能虛其心斯能實其腹妙悟在目前試觀蒼筤竹

理无往不復乃見天地心觀象玩其辭與義可直尋惕

若厲无咎微言貫古今善易者不占吾欲廢易林

程仰久不作道蘊誰能傳仁智隨所見紛紛落言詮六

爻本三才其為道屢遷知險與知阻何弗說且研

先人既歸窀穸擬構草舍數椽為他年守墓計

旋以貲罄而止昨夢上塚則誅莠已就待二人

歡笑如平生數十年來無此樂也覺而紀之以

詩兼寄七弟崑泉浙中

我欲結茆屋晨昏依墓田因循竟未就日歸知何年升
高望先壟泣涕空漣漣條焉夢飛去仰見神山巔豐碑
列宰樹麥飯澆新阡蕭蕭白楊下有屋三五椽宛轉承
色笑恍若在邨前我父頭似雪我母未華顛先考年六十六捐館舍 先母見背時僅四十三歲嬉戲如兒時相對花竹妍此樂詎有
極誓終吾身焉鄰鐘來縹緲一聲驚我眠逢逢雲何處
極目心茫然題詩寄同氣行役休流連速來成我志携
手柴門邊但求足容膝聊以共粥饌白頭兩兄弟一室
相周旋

同年高明府松泉圖

傳經堂詩鈔 卷十二

七

我愛山上松森森立不倚我愛山中泉涓涓流獨泚憶
昔萬里行觸目皆可喜場來軟紅塵時復入夢裏爾本
滇南人久已隔鄉里方當効馳驅安能戀戀此結習政
難忘遙想故園美畫師真解入雲烟落滿紙日歸何必
歸聊以寄興耳何地無松風何處無泉水所遇皆適然
相與參妙理

蔣霽園光祿年六十矣招同李笙山太僕王瑤
峯少京兆陳耕岩少廷尉孟鷺洲太常對菊皆
以齒序而不循節例偶憶東坡以鐵拄杖壽樂
全先生生日詩二首因次其韻奉壽並呈座中

諸公

漫從蓬島訪真仙華髮相攜競問年我輩三秋情正遠
先生六十道彌堅花黃祇覺風逾好酒碧何妨醉即眠
解得隨緣且常住一生低誦口頭禪

偶乘晴日得閒身益益胸懷別是春遠路定知頻振羽
熙朝無事更批鱗自慚漸作麤麤態猶喜常依澹蕩人
他日者英同與會不知誰爲轉鴻鈞

三藐庵住持聞長老年九十餘而神明不衰問
其所以養之者曰唯日坐暗室於蒲團上得大
自在耳今重過之而長老已寂漫題二十八字

傳經堂詩鈔 卷十二

七

絕無燈火伴黃昏九十餘年獨閉門何處高僧尋逸老
紅蕉翠竹已無存可久字逸老居西湖清約介靜晚年送客不踰閭窻外唯紅蕉翠竹及死蕉竹亦死見咸淳臨安志及武林梵志

七弟崑泉書至言欲北來相視旋以小疴而止
比來眠食如常但行必以杖且不能衝寒耳因
以敝裘一襲寄之

弟兄南北遙相望頭白無由共酒樽四海相知唯爾在
一生同患更誰論對牀安得長聽雨倚杖懸知欲杜門
卅載狐裘聊寄與祇愁敝矣不能温

題畫二首


滿眼秋雲帶晚風
嶺橫峯側萬松中
濤聲一片茶烟颺
送與江南桑苧翁

不到荆江又十年
重重烟樹畫中傳
誰從驢背尋詩去
莫是襄陽孟浩然

傳經堂詩鈔 卷十二

九

傳經堂詩鈔卷十二終



〔清〕吳壽昌撰

虛白齋存藁十四卷

清乾隆五十五年刻本

乾隆庚戌春鐫

山陰吳泰交

虛白齋存藁

操縵集
對薇集
冰銜集上下
直廬集
驛程雜咏
直廬續集
細吟集上下
細吟續集

憶余年十四五時讀文選及唐宋列朝諸詩集始知古今詩體之殊又從族人處鈔得趙飴山聲調譜始知古今詩體平仄之異顧質鈍性懶不耐多作亦率爾不耐含毫非徒以其時專攻舉業為塾師課所不及也名難實副會多適逢每學使按臨試古學輒列前茅繼且奏賦

行在備員詞館以此起家恐孰甚焉數十年來進

御應 教與夫縞紵唱酬皇華紀述積漸成卷錄存行

篋已酉夏校士既週瓜代未及日長多暇因取所存稿

悉授剞劂蓋藉校閱數過破除岑寂遂不復別擇點竄

虛白齋存藁

序

少陵所云蕭灑送日月者是也噫余生平於舉業曾三

折肱尚不敢信為可傳况詩乎惟竣兒子輩還越攜板

歸命藏於家山陰吳壽昌書於貴陽試署

虛白齋存藁詩集總目

操縵集第一

對薇集第二

冰銜集上第三

冰銜集下第四

直廬集第五

驛程雜詠第六

直廬續集第七

細吟集上第八

細吟集下第九

虛白齋存藁 目錄

細吟續集第十

館課詩

館課賦

虛白齋存藁

山陰

操縵集

陽明洞訪文成公築室處

羣山拱禹穴合沓出深翠石厂構嵌空天工剏奧祕陽

明洞天洞大賢此攸寄其人偉千載斯道覺衆寐撼樹

來蚍蜉翻疑真學偽吾越誰為傳龍谿暨石簣厥後首

陽殉念臺先生餘緒遂永墜俯仰喟遺烈景企激內媿竭來

屬春晚遊蹤躡幽邃襟袖披清風名山緬茲地遺築杳

難觀想像巖壑異洞口行復還非探金簡字

虛白齋存藁 操縵集

培風館紅梅盛開

東山別墅水云館係先少保深洲公別業斜見紅芳月漸昏破臘

欲分桃杏色忍寒終老雪霜魂緋衣著處人歸里絳帳

懸邊客在門慚媿未成嘉樹賦一枝籬落漫開樽

鷲峯寺

峯迴路轉洞門幽行傍寒溪曲曲流山徑有時穿犖确

野禽無數叫鈎輞三天香氣僧初定半夜經聲月自秋

擬向白雲深處宿浮生長為此勾留

題鷲峯寺壁山水

樹裏幾灣春水綠雲端一抹晚山青茆齋竹院無人到

鎮日名僧自寫經

清明即事

東風吹到一隄春
遍踏青青草趁人
寒食已過上巳未
等閒榆火賜來新

登吳山次高二靜谷明經韻

絕頂吳山秀行行上紫嵩
乍盤途詰曲屢憩石嶽嵌分
派江湖濶中衝闕市嚴城
闌縈島嶼樓閣間筠杉雷起
潮平渡天空雪積巖嵐光
遙欲滴海氣近生鹹子探
金笈昨昨啓玉絨梅低侵
蠟屐柳短拂青衫濟勝烟霞
癖流涎麴蘗饒共隨從事
飲不用大酋監縞紵聯僑札
虛白齋存藁

操後集

操後集

二

雪中過訪周八虎木孫二贊皇何大松軒三茂才

江雲漠漠峭生風
眼見三千色界空
就樹都開花綽約
侵簾小綴玉玲瓏
衝寒酒少嫌無力
禁體詩多媿未工
今夜剡溪歸棹晚
此身并在月明中

贈春卿金丈

風流真合作吾師
樽酒論文興倍之
逢眊曠時同露頂

聽伊唔處獨掀髯
夜寒不覺雪三尺
春暖先歸梅一枝
難得竹莊花院住
月明何以慰相思

題金丈春卿詩卷

卅年往跡自西東
去住那堪問雪鴻
賴有吟情隨處好
不吟明月即清風

雪鴻刺草

鏡裏星星感慨生
酒闌燈灺不勝情
祇今我原非故
惟有波瀾老更成

今我草

初夏階前榴花盛開感賦二首

歲歲榴花開五月
今年四月盛花開
不知多子尋常種
却為繁英特地栽

虛白齋存藁

操後集

三

絳蠟自隨仙褶遠
丹房不逐海槎空
開軒漫愛濃陰好
可與熊羆入夢同

時子尚未舉子

獅子林子參上人

南澗橋南澗水深
禪關此處見禪心
暫拋講座有花落
閒倚吟筇無客尋
孤石片雲殘子局
小樓明月未絃琴
問誰主者可人意
後有貫休前道林

西興渡

客袞宵傲忽侵晨
路指西陵松柏新
渡艇無逢剛過雨
漲沙有跡便行人
橫看海勢吞吳會
遠送潮聲上富春
十里往來纔隔岸
飽帆各各醉江神

西湖口占

天成佳麗本無雙，費却年來點綴忙。望去樓臺深著色，
踏歸塵土暗生香。尋橋訪寺新圖換，景白懷蘇舊興長。
不是

六飛頻賜幸，淡粧宜否又濃粧。

齋中洋菊係陳君紫佩課僮滋植於其花也賦

此誌贈

近日落籬種何如，海外奇別隨番舶。到非假上林移路

越風波險榮均，雨露滋珊柯苞的。櫟翠羽葉葳蕤洗却

尋常格標將豔異，姿月團圞面面星。朶綴離離魚鱗心

虛白齋存菘

標綴集

全簇鴉黃背半施

辨背俱黃色

對盤承瑪瑙，隔座散瑠璃。紫花

白二冷骨交加映，清芬次第披。濃應塗獺髓，淡欲掃蛾

眉競秀，猗蘭谷分香。優鉢池最宜栽，晚圃偏見傲新枝

深獲滋培厚，嚴防採摘私。山非女几下，國在背明時。拾見

遺地僻塵稀到霜寒力，自支照空訝榴火垂。檻陋棠絲

影瘦人爭把，粧嬌蝶湧窺。辨名增范譜，留植補陶籬。殊

域花如許前賢品，尚遺期君素絃管。多為泛金厄

庶訪懷清沈公林園十首

公以年邁乞身既卜築城之南隅，復購宅傍廢園

而疏剔之為遊覽爽塏之所。壽昌以戚屬時叨遊

謙承命賦詩敬成五言近體十首，粗紀林園諸勝

何處林園勝，芟鋤舊徑茅。負城塵迴隔，接宅樹相交。月

榭移荒圃，煙窗俯近郊。懸輿當此地，泉石可無嘲。

何處林園勝，名區占獨多。雙珪禹書穴，一鑑賀湖波。合

賜逍遙，榜真成安樂窩。二疏歸老日，盛事較如何。

何處林園勝，午橋莊始開。欄花廣陵發，公以觀察屏石

點蒼來。公舊提刑洪市堂殿晴宜樹，階新雨未苔。因高魏公節

多覓晚香栽。晚香堂名

何處林園勝，瓊瑤閣影重。檐垂依曲沼，檻繞列奇峰。園

園中建築，環閣面東，望背東。波穀生寒色，雲衣幻夕

容最宜登眺，候新綠雨餘濃。

何處林園勝，紅亭與碧池。勤催放鶴候，閒記種魚時。籬

眼藤斜，萼塘腰柳亞。枝更聞吟興，發醉白紀新詩。

何處林園勝，羣芳逐景新。長年香作谷，匝地錦成茵。霜

果紅苞綻，烟望翠粉勻。怡情隨所托，若個問朝紳。

何處林園勝，禽魚樂意關。烟霞尋舊約，雲水值新還。棄

鱸憐銀鯽開籠愛，白鵬滄洲歸後夢。世慮盡情刪

何處林園勝，春菘秋韭香。閒心儕抱甕，韻事屬還鄉。敢

忘葵傾日，真堪菊傲霜。身名兩無負，為圃老其將。公於

處頗其極，曰光園復題一聯云：採菊傍籬隱，若意藝菘向日小區心。

何處林園勝者英此盍簪公與庶子孫端人先生編修任處泉先生共結深老之會

同訝紫芝曲獨抱白雲心坐久花承葢杯闌鳥勸斟風

流來往地駟騎莫輕臨

何處林園勝芝蘭傍砌生閩名菜春風斑袖舞曉月讀

書聲杖履追仙契純鱸易宦情時因留履齒心跡驗雙

清閣下頰心跡雙清四字

何黍騰茂才哀詞

才壽得兼難先秋玉樹殘漫勞天上召真作地中官荒

土白楊暮浮雲黃鶴寒蘭亭舊游地嗚咽幾重灘

其二

虛白齋存藁標綴集

過從惟我輩繫念病加侵聞君病革時猶念及周題光高靜谷與余輩數人真可憐

也空有招魂曲能忘歎逝心離羣霜雁唳失侶月猿吟

不及金昆痛琴亡涕滿襟今兄松軒以哭其弟詩三首見示殊為沉痛

冬日偕陳艇湖童梧岡兩舍人高靜谷明經夜

宿南鎮

天南雄鎮會稽東巖壑青蒼夜眺同月影動搖秦望雪

江潮依約禹陵風行經虎跡松杉外夢斷雞聲襍被中

曉檢殘碑無數在千秋秩祀重三公

春初同人讌集邵氏山莊餞陳艇湖舍人就官

京師

春堤柳細野梅芳綠酒紅燈興倍長雪後窺總山面面

雨中送客樹蒼蒼能詩座盡顏光祿看竹園如顧辟疆

清絕玉壺冰共映不知身在故侯鄉堂名玉居

詠紅梅和盛擁史茂才韻限刀字

一聲檀板對松醪移賞芳姿風格高勾漏令回砂是骨

嶮山地遠雪為操拂來珊瑚樹疑經網雕出瓊英不費刀

舉似丰標渾未得苦吟終日媿詩豪

琥珀杯傾換骨醪枝頭點綴韻彌高非爭凡俗花中豔

自有冰霜物外操塗作脣朱和露液凍成肌粟試風刀

西園雅客增吟興不是詩豪定酒豪

虛白齋存藁標綴集

又詠雪限紅字

去年臘到雪先空今歲春歸雪未融竹牖宵明長帶月

棉裘午冷不關風呵痕凍硯琉璃碧撥點灰爐櫛袖紅

一語村農聞最喜麥滋蝗徙定占豐

已卯領鄉薦將北上應南宮試述懷二十韻

舊宅今猶住重將祖德陳勲名垂史策科第耀儒紳昌

自高祖以上累世顯人重江東族居安越水濱汜逢中

落後虛閱百餘春壽惜青衿早曾祖以一名嗟皓首連

場屋祖終老持門依寶笈延澤視貞珉曾祖母以守旌先子際

寥寂弱齡超等倫辭家拋翰墨參幕走風塵饘粥資粗

具田園願始伸閉門却徵聘置却課昏晨先君年未二

大僚華府四十却聘不出日深昌華兄弟請書駑質慚無似前途困致身即今

攀晚桂已痛隕靈椿去去驪駒唱冥冥鴻雁賓偶蒙鄉

曲譽敢詡廟廊珍家計籌升斗行程避棘榛初為千里

客已過卅年人歲月多淹滯風霜少苦辛傲衰付僮僕

錢別荷交親知已求奚益逢人熱豈因寸心難解處衣

上窳縫新家慈年逾六旬出門帳以此

揚州即事

十里春風郭繁華有夢傳樓臺成此地烟月照何年鶴

背慙初客梅枝笑別筵歐公堂在望一上蜀岡巔

虛白齋存畫樓

揚閣晚泊

維揚渡口權樓開萬舸千艘聚似雷爭倚春城綠岸宿

不知明月照誰來碇風安穩吳娘唱衣露淒清越客杯

一曲殘歌遙對酒畫橋廿四鎮徘徊

謁天妃廟

神爐烟裊棟雲收恍惚金支與翠旂天上遠來河九曲

殿前長擁水雙流波臣竹槌防淮海估客帆檣避石尤

忠信分宜占利涉不須重訪濟川舟

車中曲

砥平大道連青徐驛亭村店百里餘掀帷望遠塵撲面

何處柳絲春風初

尚隔京華一千里停車薄暮起平明只認舟行舊時路

馬蹄蹴踏作波聲

庚辰下第用周石帆學士賀家鑑南再叔新捷

南宮二首韻一自嘲一自慰也

不見扶搖直上時空傳寵鶴舞軒墀看花苦益他人興

畫餅難充我輩飢眊睜欲拚長夜醉蒼茫魚動故鄉思

流光冉冉真成惜隔歲先驚長數髭

關門

恩詔下經時終擬微軀到

虛白齋存畫樓

玉墀詩果能工寧少達字原堪羨不曾飢千山得得來

蓬梗一枕遽遂付夢思伏櫪壯心難自抑挑燈時復斷

吟髭

初晤邱二至山孝廉

漫將氣槩說交親自是緇塵拓落人燕市酒闌何處月

鳳城花發幾經春少年裘馬新無數著宿文章舊有神

強欲語君仍自語遂蒿吾輩未應真

五石帆學士寓齋招飲以詩見示次韻二首

瀛館風流控紫衝門懸艾虎泛香蒲驚人尚有迴波曲

照座曾無雲漢圖酒對銅盤和露瀉筵供玉鑑是冰鋪

可堪此日鄉心遠五月清涼賀監湖

異方風景欲銷魂佳節招邀一舉樽梅雨江南剛落子

桐雲日下已生孫香羅競羨新衣疊繡縷聊縈舊臂痕

好語殷勤都講在謂商堂初孝廉且隨騷客採芳蓀

古樹歌為邱二孝廉至山賦

邱君甬上之詩人與予把臂長安闈手持杲堂古樹記

索賦古樹詞斷斷自云樹在先世宅孤松雙柏森輪囷

竒勢夭矯互相攫之而裂作蒼虬鱗屋梁繪粉久蝕剝

歸然三樹巨哉鄰載祀六代四嬪距生初幹疑千春

國初諸老盛歌詠鴻章垂後鑄貞珉風流忍令忽中絕

虛白齋存藁撰後集

舊時往事茲重陳予聞君言起太息閱物增舊人增新

梓澤已墟平泉圯昔時苑園今荆榛當其搜剔磬巖谷

名材輦致充竒珍雲烟過眼石擊火或燬兵燹尋斧斤

茲樹遭際獨何幸歷劫不逢摧作薪况聞楚材實晉用

物好易主如環循朝伴清門守片石暮歸豪屋施華茵

倘非子孫護持力安得宅畔長嶙峋吁嗟邱氏寶遺植

如凜篳篥遵先民遂令喬木等故國衣冠奕葉澤未湮

豈非樹古宅亦古焉知漢魏薰羸秦道傍摩娑人愛惜

老屋往往來嘉賓杲堂先生棟塘李與邱世世朱陳姻

記中指叙悉顛末瓣香六一標手神令人見記恍見樹

神遊目想情同真今距作記又百載此宅此樹榮欣欣

婆娑生意那得盡有賦不勞殷仲文媿余才薄思更窘

得句未足揚清芬他年訪君粉榆社夕發會稽朝達鄞

拂拭蒼皮與黛色三宿準擬連昏晨

秦礪泉先生寓齋產瑞芝一本時令嗣君偕諸

都講應京兆試賦詩志喜次韻四首先生後為余發未薦

卷房

初日園林曉露籠鳳闈佳氣共慈矚白榆自繞三珠

樹紫茵新蒸一畝宮寶幹擎來猶帶露雲腴採出乍臨

風太平家國多符瑞玉殿銅池造化同

虛白齋存藁撰後集

貯向晶盤藉繡茵科名早見品題新無根瑞草寧論種

得氣靈姿最有神金榜分輝當旭日玉衡合度應秋旻

原片中有黃色萬盈尺云云六莖三秀休誇美近屬螭坳第一人

天香袍袖試先鞭記隔

恩科近十年樹有音聲占瑞應庭垂書帶為名賢生輝

絕勝藍田壁益壽兼滋華井泉為語桂林攀折手班如

筍處鎮相聯

紛敷五色比霞蒸聲價真堪益十朋夢裏花開雞距管

衣邊柳染鵲紋綾一樽留賞人俱韻合座聯吟意更勝

可但謝家饒玉樹台階老鳳慶先登

九日有感次友人韻二首

西來山翠疊千重枉擬登高興未濃客館不堪勤把盞
吟壇何處共攜筇佳辰九九催黃鞠幽徑三三付綠茸
遙憶茱萸剛遍插全家都上最高峯

不須風雨逼重陽入眼關山攪客腸紅葉紛時仍此地
白雲斷處又他鄉射鵰弓燥秋連塞落雁聲清夜隔墻
差喜衣塵緇未化莫歌彈缺學褰裳

應教八首

銀潢派迥接高霞流播賢聲最著聞四塞河山盟帶礪
千秋景慶睹星雲梓材誥是封時錫桐葉珪非戲後分
虛白齋存藁接續集
共說扶輪歸大雅不將叢桂羨繽紛
十二
棣萼樓成互映輝懿親詎篤自
彤闈聯賡

殿上晨先召侍讌

宮中晚始歸領袖龍墀介春酒森嚴虎旅

扈秋園獨承

渥寵諸王最湛露光濃日未晞
棟雲簾雨近蓬萊畧畫園林錦繡堆却愛清光依水石
儘教游客繞池臺步迴芳徑添深曲心對重門見洞開
試數當時陪賞地漪瀾堂畔一浮杯

鉛槧紛羅試彩毫楚詩沛易未辭勞酉陽購典多懸賞
午夜繙書自繼膏氣象渾忘龍種貴風流寧羨鶴笙高
從知雅望歸朱邱學業詞華當代豪

碧梧影接綠蘿陰唐律吟餘晉帖臨倚馬有才真八斗
籠鵝無字不千金錦心妙擅天孫織慧業從參內典尋
便恐西園都閣筆天教翰墨獨成林

行馬森嚴未易過王門初見禮為羅獨尊董師儒重
並進應劉賓客多花底追陪沾海潤樽前笑語釀春和
好將鼓吹休明意上答

虞廷喜起歌

虛白齋存藁接續集

下交難得是忘形特遣談心到後庭玉府圖書多付讀
瑤樓霓羽亦傳聽夢游彷彿神仙窟眼見分明奎壁星
何幸齊竿叨濫廁便居客右語丁寧
鑑曲明湖舊住村場來京輦走塵喧門高敢道登時易
座近全除禮數煩有句漫思傳鄴下無才何以賦梁園
一枝許與鷓鴣借最是難酬國士恩

春草四首依韻應教

芊絲試與望平原烟景風光取次繁謝客吟時曾入夢
江郎賦後最銷魂空庭綠滿迷蓬徑絕塞青留度玉門
惆悵天涯歸未得萋萋何處問王孫

和風駘宕雨蕪纖眼底平蕪翠欲添別浦多情勞盼睐
征袍無色笑遲淹尋芳得路爭盤馬入室窺人耐隔簾
野店村橋頻認取夕陽斜畔掛青帘

澧蘭沅芷劇關情總待東風吹始生可是托根欣有地
未妨分種媿無名迴承輦路沾新渥結佩騷壇集衆英
鷓鴣不鳴芳意在繡茵閒襯落紅輕

三月鶯花景物連江南回首思絲絲行人曉踏隄邊路
歸騎晴嘶陌上烟園柳相將添翠縷階苔好趁長青錢
平生不盡婆娑意肯共金城溯昔年

周石帆先生輓詩五十韻

虛白齋存藁

孫綬集

十四

奎壁韜芒夜芝蘭掩馥辰斯文誰大雅當代幾詞人公
也乾坤秀猗歟學業醇分惟董相宅藏庫杜侯身汲古
饒脩綆鎔經出大鈞蟲魚探至賾罔象索無垠思緒抽
成綺詞條蔚若春風騷壇是主屈賈壘非新在昔曲江
宴早於瀛島親三年勞著作百里走風塵文采留黃閣
聲名動

紫宸制科殊炳煥奏賦最珍璘淵海才無敵雷霆銳有
神鴻章唾剪刻飛管笑逡巡再領清華選重為侍從臣
榮逾唐陸贄寵繼宋劉筠鄧水膠增賜蓬山筆復振賡

廳慶嘉會

眷注沐深仁直日依磚少歸鞍微炬頻

經筵頻顧問

禁草視絲綸既挹朝華秀彌懷秋實珍講闈荷調護藩
邸並陶甄仰若河魚岱祥為鳳與麟使槎西蜀道文斗
大江濱元禮門常峻歐陽鑒獨真程材收杞梓講學闢
荆榛品藻辭干謁吹噓假笑嘖清聲孚物望古誼範人
倫能使文章正堪還風俗淳台階宜此踐要路詎難臻
遽爾桑榆晚依然薑桂辛同年多獨座門下亦通津無
職離詞翰何心逐搢紳宦情隨海燕鄉夢繞湖莖時公
頗切
豈意遂初賦翻為未了因歸田勞悵望戀闕尚因循

虛白齋存藁

孫綬集

十五

是月天開子流年歲在辰但聞呼起起無復過麟麟對
鵬終留楚驂鷺已去秦空留華表語遂結白雲鄰賤子
稽鄉薦前年滯

帝闈相逢欽矍鑠相顧慰沉湮朽質叨餘論微情寄末
姻逢人煩說項得御每留荀駒隙光難駐箕躔彩易淪
朝廷訪遺草弟子祕傳薪故事增臺閣新碑向空窻歌
同田島客情異翟門賓白馬他鄉會黃蕉半席陳不堪
酒壚畔嗚咽涕沾巾

叔母來太孺人節孝詩

吾家甚中葉門祚衰不昌吁嗟兩叔氏相繼早見喪季

叔尤可悲少年遊泉漳一朝歌薤露千里哀他鄉賢哉
叔母賢巾幗植綱常到暇療親疾孝行何芬芳于歸遇
逕還噩夢驚墮梁訃至氣欲絕大義全未亡上承姑髮
白下撫兒口黃完彼未完事此心日月光夙夜勤復勤
蠶績魚蟹筐奉姑既承歡撫兒惟義方苦心終不負斯
事信彼蒼吾弟家惠連英英等珪璋讀書報罔極砥行
規方將陳請達

帝關旌門荷

天章詠歌士大夫投贈紛琳琅椽杗允瓌璋貞珉復焜
煌庶幾垂志乘百世欽冰霜竊媿猶子誼彤管殷敷揚

虛白齋存藁

家內分貯先世所遺羊脂玉簪一宣德年製雨

雪爐一以詩紀之

本屬朝冠用先人舊德昭截肪珍淨質叱石稱清標華
髮年時見烏紗世代遙家聲倘吾繼取比漢金貂王符
合範諸珍備冬官冊舊存當日範銅之法曾有見工部
舊冊者足被俗傳宮燬雜容
之精多斑作點光煜潤無痕蠹簡薰時避朝衣藝處溫
傳家休易米手澤慎諸孫有從兄欲以百金
相易故云 宣德

時以先八世祖少保公大閱圖藏於伯兄圖為

仇實甫筆再紀一詩

名繪留遺澤經年三百餘立功其朽不少保公總督前
遊勳業詳明史

列寫照儼生如園中所貌神廟御容
及眾公卿皆係寫真過異雲烟錄傳均
金石儲披圖證青史述德重欽歎

虎邱

鶴市西行接虎邱闔廬舊跡我重游仍餘坐石千人滿
枉說金精一劍留向晚暮聲開士觀微明燈火酒家樓
相逢此地稀愁侶梧葉陰濃况未秋

渡楊子江

天南地北限何曾朝發蘭陵暮廣陵極浦青蒼山點點
無風鼓盪浪層層春潮鷓首江心鎖夜月懸梁塔上燈
我是錢塘東渡客祇將沙岸認西興

虛白齋存藁

天妃廟

浦口指清江河流益震盪迅勢瀆穴蟻馳波駛奔鞅是
堰尤險惡陟峻不可上長年促卸帆開頭疾運槳控引
役更番嗥呼及並榜百夫挽一絳進尺退逾丈舟客凜
難留騰身置高壤莫禁兩股栗安得雙眸朗黑窟遊蛟
鼉白毫閃罔兩迴視下瀨船一瀉飛電晃心訝須臾變
力笑推移枉失手觸石棱碎為霹靂響誰無鄉園好晴
川平如掌棄彼鹿羣遊試茲魚腹往下者既已然難為
上着想催纜過沉舟心悸成惆悵

癸未歲再下第留京呈劉幹齋夫子二首

昔年講席許陪游親睹人間第一流宦跡近儕何水部
循聲久重魯中牟松筠多節寒如暑桃李無花春易秋
慙媿廬陵門下士銜枚食葉 帝京留
重披絳帳對扶風題品仍將舊價同不學長鳴駒局促
任教善舞鶴毳毳去留已分隨行脚得失終當付塞翁
有地感恩何以報歸心望斷是南鴻

壽家芝田先生七十

舊聞循吏即醇儒珍重人倫藉楷模下筆早時經吐鳳
放衙垂老試飛鳧年來杖履誇常健歸去田園及未蕪
好在孫曾競羅列錦衣不用玉鳩扶

虛白齋存藁

操綬集

十八

送族祖庭寶孝廉南旋

北闕南山志未堅客衾乍暖又歸鞭夢留燕市三春雨
人在吳江六月船剝有青蘊誇舊物竟無畫戟繼當年
江東勳閥家聲在話別重繡祖德篇先大司馬環洲公與孝廉之祖大司馬留村公並以勳業著於史乘每蒙見賜故及之

呈王曉園侍御

行行馳馬客門緒最清華香葉傳驅盡危冠表觸邪器
增天廟重材自豫章誇公望端倪在青箱屬世家
舊秩合香侍新班執簡從風生仍蘊藉禮在自春容由公

儀曹改
侍御
入手官聲冷趨朝

御氣濃應知溫室樹定有後凋松

臺中想丰采依約十年前雅度陂千頃澄懷月萬川彈
蕉寧讓竹觀鳳肯為鷓幸際朝無事何心諫草傳

自笑菰蘆士經年踏軟塵未酬觀國願空對杖鄉人公今
春 過甲得句慙偷格銜孟荷飲醇甚知邀拂拭旅食又逢

以拙詩求正於諸峒嶼編修賦此致意

盛朝蔚文治和聲鳴九州金閨選清華石渠集炳彪著
作儷炎漢雅頌追成周休明疇鼓吹壇坫資名流緬惟
大雅材巖壑鍾清修舊德傳遺芬逸步凌滄洲軒軒長
虛白齋存藁

操綬集

十九

藻冊府揚
安衢者宿歡追遊證據足根柢風雲窮雕鏤藥階杼麗

皇猷想當染翰時華寶兼春秋泊乎奏御暇賓從相唱
酬清思削凡體驚彩空常儔吾鄙所宗師寸楮珍珠珍
矧負人倫鑒往往拔其尤燕駸市織驪越鏐收純鉤餘
論分齒牙獎成重山邱不才忝里梓匠石猥見收荒穢
感疇昔風騷疎尋蒐未敢規鮑謝安能撫韓歐蹇行困
踈踖嬰語慙呢嘔近窺作者林百家彌紛糅時賢競綺
靡正始忘溫柔搗畫優孟謗傷亦此蟬倘墮下劣魔
獲參上乘不運斤期引墨彎弧視張侯偽體經別裁茲

道庶有由竊以瓦釜鳴徑於黃鐘投聲價非所希講畫
心爰求推敲窘瘦島飛抹懷豪劉回聆岡鳳吟百鳥徒
啁啾

初夏逢雨

一聲雷送忽千峰首夏清和此日逢野樹全移陰羃歷
階流自響水琤琰定知折角歸應早不礙衝泥出漸慵
有客深宵愁寂寞燈前準備舊醅濃

次族祖鑑南農部冬日移居四律

舊遊老阮憶同林樽酒招邀話夜沉守歲未曾喧樞馬
買隣先已罄囊金勾留宦跡鷓鴣寄撥觸鄉心蟋蟀吟
虛白齋存藁

莫怪緇塵勞應接幾人巖壑住山陰

粉署合香拔俗姿依然落拓見襟期典衣差喜朝回早
掃徑翻嫌客到遲魯酒寒消須共醉唐花風怯倩誰司
但教簾幕重重護細譜梁州絕豔詞

筆牀茶竈鎮隨身靜裏觀空了宿因簷楠吐絲蛛欲墮
階除得食鳥知馴敷門座上無殘客步履離東有故人
比隣半秋 惆悵江鄉梅信早一枝應寄隴頭春
帆殿撰

潑水衾裯盡起稜忍寒肌粟夜頻增夢中得句輸生草
客裏閒歌憶采菱敢比烏衣誇子弟要從白社廁賓朋
聚書更有三冬課擬向西齋取次徵

唐吳兢聚書西齋

呈鄉闈座主湯辛齋夫子三十韻

夫子朝中傑名賢江左稱節多松礪何尊聳嶽峻嶒
玉陛今連步寒槐舊折肱經畬窮賈鄭文派衍歐曾紫
電劓先發青雲氣上凌果看錢萬選寧異幣三徵宴賜
蓬池繪光然太乙燈雞栖成避鶴驚笑詎知鵬石室窺
都遍瀛洲路任登演綸期補衮珥筆感從繩道合身名
泰階緣貞吉升西臺班乍轉左闈秩旋增鐵勁冠中柱
霜寒簡上凝特標風峻整一輓俗模稜抗疏由忠悃陳
詞異氣矜刑章寬玉律獄吏黜蒼鷹履尾亨原在櫻鱗
怒未曾直聲存

虛白齋存藁

灞座陰德及黎蒸允在

帝心簡真為輿望憑使星恒遠耀卿月正宵澄浙水濤
如雪秋闈鑑若水掄才搜瑰異索駿選趨騰器識嚴行
儉門牆峻李膺羣倫仰師表朽質忝賓與拂拭光仍祕
繼穗舞不勝頻年塵堀堞中歲髮鬢暫知已恩難負尤
人分豈應平心近棋局壯志攬銅凌瑤島三千里瓊樓
十二層此身如可到庶不媿師承

除夕次友人韻

駝裘茸帽 帝京塵驚看門符忽換新容裏那堪桃梗
泛來時早負杏花春終年眊眊憑誰打一夜屠蘇不記

巡休撥冷灰書悶字樽前盡是未歸人

元日疊前韻

六街侵曉淨無塵想見書雲景物新得意他鄉佳節酒
關心雞日鳳城春拈來粉荔迎年贈笑去檣梅隔歲巡
遙羨侍中重席坐候門待訪退朝人

市中見賣各種唐花

挽回元化事真能此地斯時得未曾開處煖添深窖火
賣時寒怯御河冰僦居端合依花市種法何緣問馬騰
回憶鄉園過三九玉梅消息亦堪憑

新歲偶成

虛白齋存藁

標綴集

二十三

雙扉空擬日常闕客裏何曾得暫閒花事先春開次第
酒人獻歲飲循環青袍自對池邊草白眼兼看雪後山
欲唱驪駒知未穩柳條初嫩不堪攀

諸桐嶼編修雪日招飲賦成二律

非絮非花委路塵堽扉祇合對湘醇但驚頃刻階三尺
不覺流連盞數巡滅燭輝生難辨夜圍爐寒退別成春
長安此會真堪幸拚作生涯爛醉人

侍臣朝罷愛沾衣折簡招呼與俗違火窖花開迎煖信
玉珂客散避寒威詩成禁體心精在悟徹浮生爪印非
且盡樽前休感慨由來郢曲和人稀

春日曹竹虛編修招同諸桐嶼王詒堂兩編修

王偉人殿撰阮唐山舍人城東泛舟至王氏園

分韻得盍字

出郭始通舟晴瀾岸環匝蘆芽柳復絲春老青陰合羣
公倦塵鞅乘興遠攜榼野航恰受人三五相紛選時傳
語笑詳響與湍流答烟墟卧古碣漫漶不堪搨逕穿松
林深涼翠互攀踏曲館歷逶迤殘山俯合沓試茗趁新
社沽醅餘舊臘有時藉草眠襟袖增爽颯年來二毛見
鬢絲傍禪榻惟將汗漫期風流媿衰履所幸人素心快
茲朋簪盍因之破寂寥並以謝冗雜薄暮起棹謳九閩
虛白齋存藁

標綴集

二十三

又傳蠟

竹虛編修復招諸同人集飲陶然亭賦詩二十
韻

霽日天氣新九衢競飛蓋欣逢校書暇飲招儕輩聯
轡城南隅即景殊疎快野塘碧沿綠林柯青蔚蒼戢戢
扶筍肥剡剡麥苗大舍策慕禪高亭空了無礙層巒勢
蛇蟠西爽襲襟帶雲梯復危踏目窮千里外黃瓦耀長
霄紫闥巨絕塞曠懷坐趨忽長嘯起慷慨座客促傳觴
興酣有餘態雄談雜詼朝幻伎微狡儉時有口技及始
舞杯盤之戲
知山林性亦在都市內鄙人家巖壑佳境誇吳會京雒

偶滯留緇衣成襪襪潭池負春光冥蒙落塵埽如蠶繭
自裹非鳳羽常鍛茲獲物外觀抽身入游隊何異竹林
杯恍續蘭渚會立馬誰能還夕霞散蒼靄

諸桐嶼編修寓齋同詠四首

梅花

急景寒將盡芳枝徧著花堂曾題白玉盆訝點丹砂梅盆
紅驛路逢春少鄉心入夢賒祇應動詩興吟閣對橫斜

水仙

劇愛瓊瓏玉檀心綴翠鈿生涯長傍水標格本如仙小
盞擎逾重微波步獨妍梅兄憐客雅一笑共嫣然

虛白齋存藁

香櫞

橘柚同包日稀聞貢枸櫞定嫌香冷淡差喜顆勻圓盤
月將堆後林霜未摘前寸心懷碩果留取伴殘年

佛手柑

一指禪如是誰為說賣柑金莖分露掌黃面禮瞿曇妙
共香名飲微將鼻觀參還思好春色再訪洞庭南

次傅巖溪大鴻臚移居詩韻四首

名卿退食愛焚香白首風流異作郎自昔聲華歸侍從
祇今庭院劇清涼樓高慣聽臨風笛客散還飛對月觴
無數朝端排鷺序和鳴端合讓鸞凰

涿涿紅塵走帝城蓬壺清境閉門成常思子美千間
庇不慕長源一品榮花院竹莊新得主玉杯珠柱舊留
名愛看石上藤蘿月近照瑤臺徹夜清

楊柳陰疎水拍隄移家喜傍御河西玉階官散先歸
馬銀箭聲高省聽雞有酒合供中聖樂無詩不在上頭
題魏公近得寒花句肯為秋容格稍低

西風襖被偶相於家本山陰道上居蟹舍漁莊空著我
蘆簾紙閣幸分子昌曾寓玉曉閣侍御宅甘成俗客居無竹稍減
歸心食有魚一讀公詩一惆悵二毛已見待何如

再次韻四首

虛白齋存藁

畫戟森嚴燕寢香槐柳詩格繼韋即化衣塵土重門隔
入室風颺徹院涼堂上圖書臺上客石邊棋局竹邊觴
高情不受樊籠寄棲作梧枝老鳳凰

底須上界住層城一枕遊仙夢已成望裏輕雲過北闕
閒中晴日坐南榮得隣王翰情相契宅與偉人曾臥表殿撰比隣
安舊有名詩齋都諫曾居是宅多少風流熱來往當筵長對玉壺

清

醉帽歸歌唱大隄吟鞭信指鳳城西多年官跡依金馬
萬里鄉心夢碧雞賴有松筠娛晚節肯將風月欠新題
殷勤聽屬門前柳莫弄柔枝向客低

福性幽棲得所於十弓也拓舊時居臨總點易思觀我
入座談詩謝起予良夜同傾伯倫酒西風獨羨季鷹魚
他年洛社瞻華髮得會耆英已皓如

次韻家鑑南農部秋雨排悶三首

生衣催換篋頻搜每聽瀟瀟攪客愁小院有聲涼葉夜
空階無賴候蟲秋漸侵書帙慵移案初施燈花急覆篝
獨對蒼茫懷舊侶故鄉烟水負盟鷗

渠溜新穿漲復加門稀剝啄巷迴車雲泥地望從教隔
冷暖心情肯使羨幕重尚留如客燕池荒難散為私蛙
閒身合傍籬東住不近重陽總未花

虛白齋存藁

操錄集

二十六

尚滯歸鴻報近安天涯蹤跡去留難波濤暗閱人中海
拓落慙逢要路官南望扁舟連水國西來爽氣待晴巒
祇應早赴茅齋約共買寒醪賞夜殘

素心蘭

九畹移根春未闌別留素質冠騷壇山林氣味寧嫌淡
雪月生涯耐耐寒粉室留光烟冉冉瑤臺散影夜漫漫
須知消得高人賞沅芷江離欲並難

祇將冰雪擬丰姿刺有心期未易知秋雨遲逢芳圃菊
春風先傍玉階芝得朋耐久香殊妙避俗翻新格更奇
珍重高齋好留伴一樽清影對參差

歸雁

蕪葭霜重見南征千里歸飛候已更未必稻梁真得計
何妨矰繳暫忘情雲深識路爭聯陣塞近驚寒忍斷聲
謝爾將書遙寄我昨宵鄉夢正分明

仲秋出都南返聊賦四律奉別羣公

歸鞭南指逐征鴻根觸羈懷節物中豈為田廬長戀戀
一辭京國便匆匆謀生不作涪魚計閱世誰如失馬翁
記否路傍搖落樹昔年攀折正春風

幾度星霜淹後多長安似弈飽經過澁囊正恐金都盡
溫券差看刺未磨市駿燕臺頻翫麟探奇周鼓一摩抄
虛白齋存藁

操錄集

二十七

極知不負南來意懷古踟躕且浩歌

果然黍谷變為溫吹律鄒陽舊管存枯菀茫茫難自料
去來得得與誰論碎琴人正麟臺字買賦金裁犢鼻禪
感謝天涯有知己將絲遍繡繡平原

不久巢痕揔寂寥安枝猥許借鷓鴣時寄竹虛
太史宅枯桑有
戀餘三宿陋巷難歸剩一瓢且脫征衫騎款段敢憑倦
翮上扶搖他時相憶勞馳訊家傍南塘第五橋里居近
南塘之

第五橋然非少
陵所詠處也

虛白齋存藁

山陰 吳壽昌 泰交

對薇集 起乙酉 訖戊子

嚴陵釣臺

嚴灘片石舊漁磯隱士曾經入帝畿應悔羊裘拾物色

釣師祇合著蓑衣

樟樹鎮經王文成公誓師處

將軍威武詔親征幕府先傳寇盪平九廟戎機等兒戲

千秋名世屬儒生河山枉靳疏封賞俎豆長留祀庶榮

慨息當年誓師地交流章貢萬灘聲

虛白齋存藁 對薇集

度大庾嶺

迢迢望大庾五嶺此初進勢與浮雲齊拔地數千仞天

遣界南喬連山俱陡峻巖扃閉蒙茸石劔礪芒刀磴滑

失天梯崖危驅鳥陣想當開鑿時鬼斧逞雄雋遂令一

線開千蹤日蹂躪我來值溽暑曉翠沾衣潤躡險足易

疲觸熱心瀰慎竹輿亦局趣小憩始能振嶺半樹雄關

碑字莓苔澹恐傷望遠懷拂拭誰為認絕頂凌蒼茫海

天同一瞬茲時無片雲雷雨下方震決昔瘴烟濃馳情

日駒迅何當宿山郵夜探南枝信

張文獻公祠

鑑自千秋在開元政已荒棄臣真蘊藉孤主竟郎當羽

扇恩猶感金丸懼豈忘江頭雙海燕飛繞舊祠傍

飛來寺

峽山當半宿有寺古飛來峰勢東西向雲關上下開殿

寒泉咽石僧定徑封苔洞口猿歸處陰森萬木栽

廣州雜詠八首

嶺南風景似江南荒徼今同樂土耽八桂郡高山瘴隔

五羊城近海波涵魚鹽沃業民藏富貨貝珍羅吏戒貪

跋扈雄藩有遺宅百年父老竟誰諳

五嶺迢迢接二禺墟多翡翠邏芙蓉潮田應信溝塍滿

虛白齋存藁 對薇集

村樹交陰橘柚濃蟹戶生涯珠有市鮫人邑里織無蹤

蓬萊島遠如堪望望海樓登第一重

踏青分道上呼鸞葵萋綿表畧帶寒垂老居人驚雪下

未春時節有花看催蓂荈荈宵盈閣遞噉檳榔曉上盤

我恨欠嘗珍果味到來不及荔支丹

魚藻門邊萬萬家祇將疊市閱繁華功曹故苑新迎佛

顯德空園舊種花牡蠣雨垣圍短短貝多風葉散斜斜

參軍不久能蠻語合採風謠待使車

此鄉多玉舊曾聞番舶年來到益紛絕島猶知求互市

慳囊誰與辨同文尋常寶樹珊瑚價次第名香篤耨薰

華綺朱衣居列肆底須消息越裳君

負固休誇霸業多昔年割據盡么麼降王位次先劉張

老吏稱名屈趙佗滕有文禽喚都護誰將逝水問波羅

六榕寺外蘇公蹟如斗高懸字不磨

宋家一綫盡崖門碧海難招二烈魂謂張陸二公正氣總如

文信國才名深媿趙王孫識歸白鴈終移祚變起黃袍

本負恩太息六陵同此地冬青不見遍荒原

燕去鴻回感客心三千里外暫登臨異鄉常覺海山改

長道劇憐寒暑侵王範著書兼問俗陸生歸橐但裝金

誰知樂叙天倫意風雨聯牀話夜深時余以晤諸兄入粵

虛白齋存藎并徵集

附錄錢孝廉以清先生和韻

蓉塘吳中翰自粵東歸里以廣州八詠見示因

次其韻和之東施顰醜已無賣笑之心南阮眼

青差有緣情之作因風寫意不足當一噓也

未見天南住道南粵東風景舊曾耽柳陰散雨庵頭

過珠氣澄霞蚌裏涵但使沉香投浦去不妨清吏飲

泉貪蠻江一騎斑駁路樓上簫聲仔細語

花田游客盛番禺畫深深遍綠蓉劉趙河山霸事

遠羅浮風雨瘴雲濃人來梅嶺春無信地號珠江舊

有蹤莫向此邦尋勝槩峯高迴雁已重

越王臺畔昔鳴鸞選勝登高海色寒任尉雄心今後

短樓船使節舊時看文禽歲久能調舌桂蠹香消未

進盤聞說鮮奇多上貢荔枝應匹建溪丹

清海雄州帝子家浪將南土敵中華遺民舊壘傳奇

石古殿空王散落花陰隔炎荒五嶺盡泉名學士十

流斜只今窮髮皆臣妾百粵迨迨接使車

匡山颺浪陡潮門烈烈祥興少帝魂竟失慈寧一塊

肉爭如德祐六皇孫瓣香終厄亡朝傑同溺能忘趙

氏恩回首故元起輦谷蕭蕭獵火走平原

桂林風俗舊曾聞百和蒸蒸花氣紛珠女懷春慵嫁

虛白齋存藎時發集

壻香姬侍墨幼能文綠抽蕉葉蠻牋膩紅到山棉妓

館薰若訪陸生當日事羅裙甲帳待夫君

南武前朝戰伐多時清久已靜么麼丹砂何處尋仙

今紫貝由來貢尉佗洗口草深平似掌灘江水滑淨

於羅梁家別有新聲怨思重明珠恨未磨

驛使迨遙繫遠心三千里外怯登臨林鳥落月啼難

斷山鬼寒風嘯易侵但有戈船名下瀨誰能載石勝

囊金杜門倦作雙江客黃葉離離夜雨深

清遠峽口遇雨夜泊

峽口停橈早滿瀟雨暗催江荒侵夜斷秋老阻風迴倦

客頻移枕癡童自舉杯打蓬聽未歇休誤曉颿開

下灘歌三首

十八灘頭石作叢舟行如蠅曲能通長年換柁义晉看

下灘輕舸不帆去聲 江右以三板船為最大次名初子

黃公灘後蓼灘前惟恐灘本名黃公又有大小蓼灘先賽江神索鴛錢

為趁買牲多買酒醉無風浪大家眠

石罅驚湍吼若雷船中初客面如灰灘師見慣誇安穩

生小經行歲十回

豐城阻風

海國離多日遠逢颶母驚奔馳翻地軸浩蕩急江聲枉

虛白齋存藁對藁集

渚鷗爭避危檣客斷行空瞻牛斗氣夜夜倚江城

南昌阻風因登滕王閣

棟雲淅淅雨濛濛高依危欄眼界空令節已過重九宴

歸程尚滯片帆風江山千古看逾壯詞賦三王讀盡工

聞說東南美賓主未須祭戟避羣公

貴溪道中

山低於岸石如城百丈牽來曲曲行歸雁有羣多並下

去帆無際自孤征江邊落葉經秋樹枕上寒濤入夜聲

露宿風餐緣底事回頭已是半年程

汪氏雙節詩為龍莊進士作

從一占義文靡它誦衛詩苦節古所重二難尤稱奇賢

哉汪氏母實惟閨中師鞠彼前室女拊茲側室兒藁砧

逝粵海宦豪歸無錐制淚奉衰姑勿令白髮悲完卵懼

巢覆門戶勞支持吁嗟生兒母艱苦恒相隨一如枯井

水井枯波不滋一如秋竹竿竹寒節滿枝皎皎同室中

合璧無點疵遂成令子名讀書聲四馳徽音邀

天旌琬琰鑄鴻辭用慰泉下魂亦報堂上慈以此勵風

化網常永不墮欲書乏彤管惟緬冰霜安

送商五童初之官房山

宿雨洗深秋天街迴森爽離觴約同銜萸菊供新賞故

虛白齋存藁對藁集

人榮獻策青雲致身上翻恨揆天才銅符走塵鞅學古

服官政斯責關吾黨所懷循卓風治行輝疇曩簿領日

劇繁未為驥足枉奉先畿輔邑醇樸美風壤其勝距西

巖石房豁脩廣政成事歌嘯殊足發遐想行行酒數巡

贈言多慨慷鸞鷗誰為分一問蒲亭長

蘭

曾藝無人處孤標耐歲寒近從亭際賞宛向谷中看臭

比同心好芳慙竟體難所欣採而佩留伴入騷壇

桃花

期爾芳菲節先開格自高誰知紅豔質亦帶雪霜操笑

豈去年見來非前度勞還憐問津日洞口有漁舸

送潘大吳如之官江右

誰似明經舉青衫即宰官詩書榮得力簿領見才難拾
芥寧勞羨栽花早待看少年多意氣騁從出長安
捧檄能無喜暉暉寸草春才非慙著作勞敢避風塵潔
白平時養循良此日身一官通籍始最重是親民
江右連南粵前年我獨行一肩山轎送三板驛船迎茲
土多蕪吏君名動鉅卿何當令彭澤重訪晉泉明
折取都門柳他鄉贈別心十年頻對酒千里又分襟梁
月交情在帆風客夢侵潞河水南下雙鯉任浮沉

虛白齋存藁

劉焘集

七

題徐又次太翁泉石小照

先生澹蕩人不羈薄時務彈琴以詠風內足外無慕結
茅虎林下湖隄足烟樹縹緲峯飛來冷泉相迴互是處
最奇秀攜履展高步竭來長安游衣塵改緇素所恃胸
次趨林壑領遺趣誰與貌清癯皎皎披雲霧老木上敲
虧奇石旁森布灑灑玉鳴漱絲桐理堪悟先生坐抱邴
嘯傲安隨寓襟袖滴蒼翠清景肯虛度矧蕙後起賢著
作手相付物外自葆真息心感遲暮始知出世人不受
塵網誤山靈舊有約卧遊恍如故持圖謝軒車請尋遂

初賦

題蕭訪懷清沈公遺像

我公奇偉姿長身等立鶴風神清且癯矯矯脫塵縛昔
膺監司寄百蠻屢管鑰所至留惠政暫蹶復遷擢引年
賦遂初雅尚耽巖壑結社擬香山差領林泉樂賤子忝
葭末池上陪歡據謂是逍遙公松喬手同握判袂時幾
何虞淵日西薄吁嗟老成人杖履竟綿邈燕越阻千山
生芻意虛託嗣君民社才迢迢赴京洛表兄成國以服闋補官入都
顧我出遺像鬚眉露嵯岬平生仰止心回瞬惜成昨百
年逝悠悠身名易蕭索古人期不朽生面開宛若不見
張益州畫像存劍閣再拜抒此詞九原倘可作

虛白齋存藁

劉焘集

八

邱二至山萃蕪藏古墨百十二家既以顏其齋

丙戌春入都時於寓齋出以觀客屬余紀詩

吾友古聞人好古富詞翰長安居再僦城東張高館訪
之榻無塵圖史堆几案須臾陳錦匣未啓手先盥中藏
舊隄糜斜整不可亂形模畫琮璧款識雜銘讚幽香與
古光拂拭難為判予觀故用嘲君癖同好銀胡不圖博
古彝鼎爭愛玩否則譜書畫宣和跡重按抑或錄金石
庶用資講貫正史訂既訛舊聞證未散斯乃膠烟姿歲
久成漫漶廷珪永已矣是物無長算卻羅暨方絜孰為
諸家冠即今重曹氏紫王等既灌著錄冀流傳質下名

誰惋矧乃置不用什襲加防扞何如之五都一丸購新
樂持以狎丹鉛塗改復點竄有用貴珠璣無用賤薪炭
君笑直至矧謂予苦相難同一嗜古癖奚為分畔岸寓
意不留意昔賢片辭斷所聚雖我好不假澁囊換品羅
百十二持贈居其半以彼膠漆交獲此雲烟看浮生恰
與偕摩娑生瑾礫不受即墨封不學子墨謾行將守吾
齋心清參鼻觀奈何米家船揭牌逞汗漫感君達士懷
媿予言河漢五陵事裘馬知白孰為贊我非豪奪人完
歸復何憚

題徐誠齋太翁課孫圖

虛白齋存藁

對後集

九

佳日秋更多新涼玉飈送松菊存貞姿竹梧羅清供我
翁憩林下雙孫攜伯仲微聞天香飄尚憶寒牕夢書帙
浩隨身一一課使誦伯年未弱冠心會識已洞仲年甫
垂髻背覆口無壙清聲峽流泉妙趣風解凍翁也顧而
樂掀髯笑成闕側聞翁壯時道高學該綜經笥宗賈鄭
文壘摩屈宋芳蘭佩待紉巨鱗壑未縱今子特神駿早
作天閑貢鳴琴擅風流華國充樑棟始知稽古力一經
傳有用名材枝亦桐文羽雜皆鳳暮景足怡悅想見含
飴弄顧謂玉成器未可廢磨礱展卷益有餘晨夕聽吟
諷即此謀詒厥絕勝羸金重我欲游翁門負笈勤過從

所慙殖就荒石田吁誰種

胡持齋太翁七句會元珊之尊甫

天都峯縹緲三十六芙蓉我欲尋雲海仙人多舊蹤九
光巖下草五粒澗邊松遙想餐霞侶全家道氣濃
第一蓬萊客歸時試錦衣傳經緣食德借隱早忘機耆
舊今應薄鬚眉古已稀弧南夜來朗正照鶴南飛

題范蘅洲比部鄉景畫卷四首

朝市亦堪隱故鄉思慨然林園饒勝賞絲竹感中年獨
樹方下島浮家賀老船舊時吟嘯地尋賦遂初篇
斷碣搜秦篆飛梁訪夏梅平生蘊竒趣懷古獨徘徊一
虛白齋存藁

對後集

十

別琴書晚經年冠蓋催故園亭畔月曾照掌中杯
如鑑南塘路碧波相映空純鱸秋早晚蟹稻宅西東遊
舫青簾慣詩樓白雪崇風流如少伯合在五湖中
潮水莊前月宣城扇上雲卧遊聊復爾歸棹亦徒云公
負端倪望人期竹帛勳圖中好烟景且付白鷗羣

題席研農將母居圖

小築湖邊柳外亭得官端合在西泠六橋煙水看來慣
似否君家東洞庭

園栽草木定甃盆猶帶

宸游雨露恩阿母白頭留供在一枝春護此堂護

日日花間御板輿，恰從官閣賦閒居。
慈顏有喜春暉報，不負冰霜八十餘。

畫師笑倩圖家慶，似隔金閨語碧紗。
聞說花開催放擢，滿湖春色屬儂家。

中秋夜直四首

碧瓦無霜桂有花，一輪漸看滿東華。
中天夜色歸三殿，清禁鐘聲落萬家。
頻對露盤思把盞，獨臨星渚問乘槎。
誰知此地今宵夢，飛度關山道路賒。

遙連瑣闥近晶簾，畫訝光如鏡啓奩。
三五良宵獨端正，九重清漏最深嚴。
無雲世界纖塵卷，近水樓臺皓彩添。

虛白齋存藁 對薇集 十一

身忝揮毫池上侶，傍將多處得先瞻。

宇玉樓瓊冷徹衣，最高處識到人稀。
河斜左界飛烏鵲，露下空庭泣紫薇。

騎省吟邀潘岳共 同年洪伯初，燭房

宴與謝莊違 入直不與時，茶注與子同卯舍。

天街一片涼於水，願步清虛跨鶴歸。

巖更署裏檮聲多，尚踏雲階對素娥。
北斗迴懸雙闕夜，西風寒始洞庭波。

應知消息天邊近，曾驗陰晴海畔過。

去歲今夕 予在粵東 回首生平轉蕭瑟，又催金鑰聽鳴珂。

法源寺看菊適馮星實洪伯初兩同年偕至

涼颼戰葉朝辭柯，天空沈寥川始波。
登高有約悵莫踐

孤負爽氣西山阿，城南古寺菊花好。
往把未許朝紳拖

幾人素心樂晨夕，有客不速同經過。
促駕短轅停輻輳

自攜茗椀觸煩苛，前掩洞門別徑入。
四開花圃羣芳羅

灌園老衲不曉事，一枝珍護同曼陀。
霜苞未拆紙封裹

春苗半寄根移那，園瓦作盆儼屏列。
編蘆得眼隨周阿

傾賞欲買苦羞澁，舉袖思摘防譏訶。
吾人寓意豈留意

適來乘興胸無他，如蘭臭味二子並。
春榮秋實資觀摩

平時論交重王貢，早年得句輕陰何。
薰葭相倚我何幸

鬢絲竊自悲蹉跎，入貫脩鱗坐食餌。
被籠短翮非闕圉

南山東籬久拋棄，天街踏徧塵盈履。
頃從辭若獲佳賞

虛白齋存藁 對薇集 十二

如逃羈勒親烟蘿，無酒欲招步屨飲。
有詩恰對籃輿哦

並坐長松習箕踞，重尋往榻煩摩抄。
徘徊那忍就歸騎

統如暮鼓鳴靈鼉，安得九日復會此。
滿頭爭插顏微醺

立春日作

祈穀壇開祀上辛，東郊迎到帝城春。
已將暖律還元

化未許羈心動遠，人花價拚酬離客。
貴酒痕時驗瀉瓶

新草堂尚有明朝約，共鬥題詩現在身。

傅巖溪宗丞以紀恩詩二首索和

月卿遷秩望逾增，非為詞華騁獨能。
苑樹有輝多附萼

海雲無際一飛鵬，頭銜冷似水長壯。
晚節高於旭始升

合遺勲名同介子

國恩日重報難憑

柏烏棠鵲後先鳴如玉心涵一片清此日官聲齊入手

向來勝詠劇關情人豪酒德添新頌地迴吟壇索舊盟

余曾於癸未歲和公移居詩 好訪山川圖六詔不教鄉夢獨分明

單哲庵太翁六十

明湖風月鎮優游信合仙從地上求鮑井丹砂輸共餌

謝階玉樹看長留已膺

錫誥來銜鳳不藉攜筇費刻鳩今日甲週高晚節一樽

捧對菊花秋

虛白齋存藁

對薇集

十三

送陶卯君進士之官清水

離亭雪盡綺裘溫又送飛鳧出薊門首若官閒常健飯

葡萄地近始開樽上書徐樂誇同調璧堂徐明府於前一月赴任東鄉

過嶺韓湘本從孫時攜令再姪肯負邑名清似水

臨軒親擢

主恩存

壽戴明經六十

談經據席擅名宗想見風流秀獨鍾雲海履痕沾舊齒

雪溪舟影泛新容千頭催種江陵橘三徑閒依彭澤松

未用添籌向蓬島由拳城上有仙蹤

星朗弧南試綵時欣看佳氣溢雲楣照人光徹珠三樹
對月香生桂一枝海鶴盤空隨舞近井蓮出水獨開遲
絳中甲子煩重數添晉如山益壽厄

唐花四首

出窖名葩蘊火裁辟寒魚與辟塵埃須知雪虐風饑裏

別有天香國色來漫訝春光先漏洩也關元化費滋培

東皇相見應相謝不向番番取次開

梁州何用唱新詞頃刻穠華綴滿枝近苑尚輸開日早

諸天不礙散來遲銜蜂繭蝶迷消息幾几穗簾穩護持

枉憶歸程嶺南見先春梅放總非奇

虛白齋存藁

對薇集

十四

芳譜都將十客誇風光先占是京華吹噓巧借陽春脚

位置真宜富貴家攜袖烟霏初染翰試燈風近正籠紗

誰憐白石清泉側多少寒林未吐芽

非烟非霧認難真不分蕭齋值令辰新樣定增燕市價

故鄉猶說馬騰春常思縮地壺中日未惹連天陌上塵

轉瞬草芳鴉鴉語錦鞵同作冶遊人

題徐芳圃主事悼亡詩冊

空有名香試返魂玉臺人去鏡長昏殷勤筆格珊瑚架

曾畫雙蛾舊黛痕

忍使卿卿喚奈何華年錦瑟怨方多祇須一曲腸堪斷

不比尋常薤露歌

膠絃未續守鯨魚小住前因費懺除賺得九泉人一笑
金釵已卜再生餘

到海流波逝不迴偶逢小劫便成灰勸君且學忘情侶
曾讀南華鼓缶來

邵母徐孺人並其孫媳沈孺人節孝詩四絕句
母生系名門配作女兒繼遺孤鞠則那異苞宛同蒂

叢蘭詎久芳矧遭秋颺摧巢覆期卵完寡鵠相徘徊
有生母能養有死母能葬九泉逢晴天一握笑相向

烏頭樹高楔謂以風來者不見再世中冰霜兩心寫
虛白齋存藁對薇集 十五

題沈葭洲花下含飴圖

早梅開幾樹霽後更分明簾幕衝寒捲芬芳拂檻生攜
樽宜此日繞和若為情好向龍門望高枝百尺橫

秋聲八詠素商驚辰長夜思旦聲猶在耳情見

風

候改氣旋肅蕭騷聞乍驚三秋應聞萬籟入商聲寂
寂淺深院迢迢長短更無能賦歸去鄉味憶莖羹

葉

無邊紛以下誰免望秋凋清響露蕪滴勁枝風自搖庭
虛堆撼撼人靜踏蕭蕭榮悴吾何與且憑空際飄

雁

霜信佇將降飛飛秋杪逢數聲鳴未已孤客聽先慵關
樹月千里塞垣雲萬重南翔翰爾便一為問衡峯

蟲

四壁斷人語微生時獨吟殘垣雜衰草幽響出重陰離
落有寒意機絲生倦心似聞歌唧唧當戶涕沾襟

砧

暮時聲已急忍向月中聞片石空閨婦寒衣萬里軍淒
淒勞寄遠脈脈感離羣余亦久遊者含愁遲夜分

笛

虛白齋存藁對薇集 十六

衰柳不堪折曲中勞向吹有人腸斷處無賴月斜時舊
侶渺難再故園行復思高遷一椽在知待賞音誰

筆簞

幽燕古重地城闕易秋風朔吹夜橫塞邊聲寒在空警
霜嘶萬馬向月下孤鴻淒切龜茲部西來久叙戎

轆轤

井上連牀上轉時梧葉殘如聞水鳴咽相對斗闌干絡
緯垂垂引琵琶續續彈卧聽渾莫辨深綆汲應難

附錄張蓉江同年和韻

滌暑澄西顛蕭蕭客乍驚遠分高樹勢寒帶落潮聲

野曠沙千里秋空月五更
蓼花飛碧澗何處覓香羹

風

秋林落殘響片片逐寒凋
澹月半牀照空庭一樹搖

窗間聽浙瀝風過感清蕭
却憶滄波晚寥天任雨飄

葉

一聲邊月冷况復客中逢
不識孤征瘁偏驚短夢慵

霜清沙磧迴天白玉闕
重好去依江瀨迴翔第幾峯

雁

鳴秋復何意孤館助微吟
幽砌蘚花濕斷烟梧葉陰

喧傳深夜響寒警綺樓心
瑟瑟牀帷冷愀然為整襟

虛白齋存藁

對薇集

十七

蟲

寒聲搖秋月夜靜最先聞
素練淒風岸晨霜絕塞軍

誰憐遠道夢偏憶久離羣
斷續高檐裏羈愁忍共分

砧

夜闌羣籟息寥亮向人吹
誰倚樓高處微飄葉落時

江城望不極雄客劇相思
一片關山月夫君欲語誰

笛

城高涼吹肅萬騎動西風
關柝沉殘夜逆霜墜遠空

送寒歸塞草飛響逐秋鴻
冀北烟氛靜將軍正服戎

箏篴

獨向寒泉汲遲聲咽漏殘
桔槔猜隴畔欵乃憶河干
古井心如水流牀指一彈
宵分徐領取機息漢陰難

據

題阮吾山舍人前輩秋雨停樽圖三十韻

竹林古勝遊把臂稱二阮
浩歌逞不羈痛飲叶嘉遜逸

軌留清門遺芬繼非遠
舍人才卓萃觀世態偃蹇時作

吸川鯨恥同飲河鼉跌蕩
長安居醉踏看花苑入秋慘

不樂當杯謝繼繼寸腸日
屢迴隻夜常踈云抱伉儷

悲同心感中壺談詩餘温
厚習禮守嫻婉霜威隕蘭臯

風力凋蕙晚新夢驚炊白
舊函存加飯中年適遭此能

虛白齋存藁

對薇集

十八

無悽以悅是時天霖潦九
衢成泥坂殘條碎琅玕敗梧

散琰琬短檠閉櫺椽空牀
罷息偃故鄉盼迢迢芳儀想

宛宛鏡破僅留臺掛遺自
藏閫苦調絃不張哀吟枕難

穩金樽那忍御矧將檀板
混餘淚不可收寫圖得粉本

情以黃門傳義與漆園反
達人務曠懷太上啓元健盈

虛媪陰晴消長閨昏旦未
聞生可延安得魂仍返二毛

君始官臺省未袞袞笑鵬
尚來鳩嘲龍豈無蝦陶寫賴

此物忍斷徒貶損糟邱且
再築秫田宜常擊萬事好破

除相與還渾沌

詠煖炕

我生狎繩牀北來就磚土初卧畏火攻終宵覺良苦欲
逃深甌炊披衣屢起舞稍久遂成慣枕席安摩撫有几
低可凭通明向牖戶兼資習翰墨箕坐屈雙股今冬卷
屬至寒深雪霜聚圍爐乏烏薪蘆簾費支拄藉此容衆
膝團團話肺腑未免針線工占及圖書府其下置茶銚
雀舌試新吐咄嗟辦供客著手便攜取貧官住僦屋得
之非小補要知風俗異南北各為主隨寓感一身所值
盡和煦不見附熱人冷銼斷烟縷

覺生寺大鐘

鐘大如屋內外
鑄法華經全部

六州聚鐵鑄何如慘甚當年莽革除飛燕孤城斜照外

虛白齋存葉

對薇集

十九

鏗鯨猛蕙切灰餘枉憑千佛銷兵氣祇恐三車演謗書

謂致身
錄等書聞說轉遷更不易日勞過客一欵歡

經廢寺見娑羅樹花

清涼古佛樹麗殿幾枝芳綴作浮圖級披成瓔珞裝間

依風日好遠謝蛭蜂忙祇惜移栽久雙林半就荒

萬壽寺松

是樅是栝名難定盡化蒼鱗束白皮記得前從

圓殿見金鼈橋畔翠盈枝

芍藥

莫定花王數牡丹此花富貴合同看已教朶及盤盂大

更費苞將錦繡攢街口折枝憑擔壓砌邊移種驗根蟠
豐臺醉宿年時事剪取千頭曉倚欄


觀友人從征

南過滇池萬里餘腰懸弓箭佐軍書儒生不少封侯相
顧盼高鞍意自如

虛白齋存葉

對薇集

二十



虛白齋存藁

水街集上

起已丑
訖癸巳

山陰沈嘉善

盆梅

全穆齋夫子命賦

冷蕖疎香著意栽定州窈內絕纖埃一枝正及寒時貯

十月曾從嶺上開儘許橫窻風暗襲不辭出窖火新催

玉堂相對陪清賞調鼎他年未易才

元旦早朝 太和殿恭紀二十四韻

歲籥初占泰星杓正指寅是日昌期三朔會令節

九重新榜旭升時曙盤莖滴處勻闔扉圖鬱壘排仗衛

虛白齋存藁

水街集上

句陳

法駕稽蒼輅宵衣惕

紫宸順時先式夏布德遂班春

堂祀蕭煙炳

慈觴玉醴醇平階符有道開域壽無垠受賀尊龍卷來

王禮雁臣官鴉燃炬散輦象控鈎馴益葆續紛羽常旒

燦爛辰諸藩依鉅城爾位視青珉駿肅鞭鳴始春容鏡

吹頻唱臚聞

國語通籍見儒珍拜九仍周典呼三邁漢巡綴翎紛耀

首謁義稱章身氣照天開霽廳微境絕塵似優嗷卉服

時見高麗人冠服 欽賜司業百十三

俱以似優西之 難老訝仙真歲老人王世芳隨班進

禮行 拱闕義城迴懸書雨露均迂踈叨珥筆清切忝垂

紳宿酒解重碧晨蔬貯五辛行隨班濟濟頌第藻彬彬

車鼓宜傳里階于好紀旬夔龍鳳池上早喜沛

恩綸 徐鐵崖同年伏日招飲

主人愛客竟忘疲不減調冰雪藕絲蠟樹尚燒深夜後

觥船先引未晡時魚逢伏雨催遲急翻恐庭花障步遲

一自醉歸艱更憶賸胸方法盡新奇

韋母張太孺人七十

虛白齋存藁

水街集上

罨畫溪山好曾停玉女驂為星指天上幾曲住城南珂

里人如鳳璇閨職是蠶應勞銀管述茶苦最能甘

設悅當年事從容到古稀對眉虛玉案捧檄得斑衣膳

潔蘭陔近陽回葭管飛年年北堂上慈蔭普春暉

題同年陳青柯比部抱琴出深林圖三首

曠士有高寄雅人無俗心幽篁長嘯罷鏗爾尚遺音落

落絲桐古蕭蕭林壑深披圖重把臂塵外試招尋

清音託山水相賞未應稀共飲舊游在無絃時調非四

圍風谷應百道石泉飛是處移情否憑君說化機

亦有鄉園夢烟梢長萬竿無因留客共那計問人看古

屋白雲塢扁舟明月灘歸來舊時操同向夜深萍

李宜人民覺羅氏貞烈詩

婦性烈婦身潔婦生輕婦節明不見白山名媛天邊姓
禁砧出牧魚軒盛綏綏官閣梁孤雄蠱人哭入空房空
媒詞媢語以死報何物狂且逞強暴抽刃衝其胸電閃
霜為飛糝糊手中血濺地復塗衣填膺有餘憤畢命懸
羅幃人生忍辱由畏死苟活草間真足恥不朽之骨千
載芳

九重褒典烏頭光吁嗟乎婦節明婦生輕婦身潔婦性

烈

虛白齋存藁

水街集上

三

題同年劉純齋庶常泚水橋灣圖

螺水鮑邱名舊諳東西匯注流泓涵地邇郊畿控形勢
直通飛輓勞丁男千艘萬艘到街尾往往邪許相咕喃
天橋灣下最稱勝迴斷塵境開澄潭天影平臨盪雲氣
山光遠浸交烟嵐鋪岸柔茵碧蕙葳覆隄長縷青毡毯
尤宜消夏領幽趣蕩汀蘆渚藏清酣誰云北來乏煙水
此鄉豈殊江以南我昔計偕偶經宿客舟小泊慳窮探
數年輾轉混人海忙應官鼓妨朋簪出籠高舉羨野鶴
作繭密裏吟眠蠶城南近游亦罕績矧須信宿遲歸驂
却金才子家住近獨占清景情深耽為徒烟波不在釣

盡買風月非關貪有時客至興爭發攜泛野航受兩三

濼鯽膾銀細堆案淡醞拈碧濃傾甌即今蓬瀛已身到
猶誇勝事資雄談舉圖觀客勞指畫彷彿過眼重開函
魚罾蟹斲細可數虹梁雉堞紛相參巧收遠勢歸尺幅
淋漓元氣空中含平泉草木可成記米老海岳宜名庵
雙眸已飽意未足如嘗諫果生回甘劉君劉君我亦有
家鏡湖曲酒狂放權餘狂愁苦向長安住僦屋彈指蒼
鬢垂藍髮夢還巖壑懼騰笑盟負鷗鷺愁貽慙吾盧吾
曹俱可愛閉門却掃誰所堪安得逢君休沐拉偕往肯
辭策蹇緩步隨驂驛

虛白齋存藁

水街集上

四

贈百十三歲老人王司業南亭先生
名世芳字徽德天台人

國家太平古無比仁壽紀年百餘矣弧南一星位丙丁
牛斗之墟夜芒指翁家天台瀨小海風俗淳樸致堪喜
是間淑氣厚鍾毓特為盛時彰瑞美百齡孝子翁先人
秩視更老榮鄉里翁尊人名永沂有孝行壽百有三歲授官八品諸孫膝下羅
來鼎翁見孫六代共享期頤克家子翁子長者年近九十自言少時膽
氣粗報仇夜斫賊營裏憂瘡不辨血模糊至性所生非
聊爾中年折節伴營靈兀兀窮經作髦士揮金但學管
寧鋤決踵肯慙原思履闌干首著廣文氈九十六齡得

官始秩滿朝天獲晉秩其時歲適逢辛巳次年

屬車莅吳會率先黃髮清塵俟者儒屢邀

天語褒綽煖

宸章鈐寶璽過來

國慶正稠疊率土普天皆鵲起去年翁至坐蒲輪親祝

聖齡習拜跪醫貯

上方麟趾金衣裁

內府鵝頭綺今歲

慈寧開八表翁切呼萬復至止香山圖繪今昔同

天子推仁首尚齒再看頭銜

虛白齋存藁

水衡集上

五

賜新換

御題榮寵沾蕃祉優禮無殊隆憲乞懿嘉洵足著惇史

翁為人瑞古所無如雲五色芝三藥長身七尺清且癯

行不支筇坐不几孽窠書成慣贈人箕疇一壽義取此

翁多書壽字如壁窠大

山程水驛詎云遠十年三踏長安市長安

紛紛聚冠蓋識面錢鏗與李耳我生四十猶壯年視茫

髮蒼負強仕苦求急景免凋顏每乏奇方學洗髓對翁

長松古柏姿蒲柳凡材安足擬吾聞天台山萬四萬八

千丈中有石室金庭共剝巍第一洞天記道書草多長

生藥不死欲從翁覓翁不言但言神仙之術荒唐非吾

以乃知壽民關壽國導引延年無其理不然正當

王母介福

帝臚歡豈無控鶴驂鸞先翁降金祀

家翼堂前輩七十四首

海內尊模楷如公復幾人鐘鏞東列序星斗北瞻辰國

士知名舊著英結社新天都山水窟游賞最怡神

服鄭研經士徐劉應詔才專長多獨擅具美已兼該妙

手雕龍得明眸索駿開文芒耀奎辟未用羨三台

復繼蓬池跡兼題粉署名

謂令詞淡人少尹兩齊比部兩前輩芝蘭皆國

瑞簪紱自家聲獨領閒居樂爭高晚節榮一觴來繞邨

虛白齋存藁

水衡集上

六

斟雉笑錢鏗

共仰松筠節經寒詎改柯田廬息機早歲月著書多遐

算期難老隆名志不磨還從杖朝日聽取紫芝歌

送同年鄭八楓人分守建寧

京雒知交在風流數鄭虔除官欣共目

舍人前與予奏同日補職

賦荷隨肩蹄兔誰能棄喬營祇合遷休嫺持版苦緹軾

擁君前

秩滿三銓逼才雄一試慳

時方局禮閣舍人因史部業經注選不得預試詞華

輕琢腎經濟重窺斑職為題輿就心仍退直間藥階餘

興在分詠好溪山

六六天湖景慢亭相對開灘雷轉官舫峰嶂落吟杯候
識焙茶過程期孽荔催分明香案吏特許洞天來

去去辭京輦深情劇一麾坐傾桑落酒留唱鷓鴣詞梁
月分相照城塵浥不吹冰壺君賦在藉取贈臨岐

應御
試賦題也

斷鍼吟為進士李晴山道南之母貞節胡孺人

賦

淮海維揚州彼以其富不賈而儒吁嗟乎李母一有鴉

入室毒於鳩居母寡不汝理吾愛吾廬二豈無饕餮時

女紅以給母有寸鍼乃絲乃粒三為子就傳脩脯從之

虛白齋存藁

冰銜集上

為子飯客難黍供之四課子成令名惟鍼有神非鍼緊

母斯恩斯勤五母兮九原斷鍼盈笥手澤不忍忘泣血

以視六無傷孝子心母節永貞孟機歐荻儷此鍼之名

解七金有時寒至性不可滅吁嗟乎李子風示來哲八

向母蕭孺人五十節壽

無波古井水有節秋竹竿白樂天句閨中重矢志未語心為

酸吁嗟向秀門三葉巢孤鸞節母祖姑履姑任孺人實

皎皎朱顏復形單願為泉下從兩孀誰承歡門戶健婦

持脩澹孝婦安相依送歸壠代子職乃殫蘭芽等珠樹

嚴訓親和丸成立頗卓華蜚聲槐市端以茲答所天石

補河其完

朝廷榮褒錫五旬例明刊母年與之符請乞煩禮官銜

峯聳岷嶴湘水流潺湲臨風晉壽航山川惜漫漫綴詞

試銀筆彤史千秋觀

張樞亭夫子南旋聞將游楚敬呈古詩五十韻

巨材苦難容奇寶恨虛擲息風鸞笑鵬蟠泥龍儕蜴夫

子家閥閱江左最烏奕盈門佩賜緋累葉紗籠碧崔盧

唐世系王謝晉時宅舊德遺一經素風守萬石鍾秀特

邁倫蜚聲早通籍瑞莖榮九光利鏗淬千辟辨物必討

源嗜古每傾液神府祕津梁皇墳恣探索摘藻天葩垂

虛白齋存藁

冰銜集上

窺竒海異摘輕掣隸事篋橫據談經席結念霄漢空問

途榛芳闕迴翔橐銀管記注繙瓊冊宮尹相追陪

講筵侍晨夕同時盛著作

至尊親衡尺衆響聞笙鏞諸珍輯圭璧寸腋勝皮千一

鴉魚鷺百

主知特達孚時譽標榜斥師才實左徒師望儼鄒嶧鬱

鬱松筠青皚皚雪霜白獨峻元禮門罷置當時驛砥俗

抱明心迴瀾任鉅責春華力芟夷秋實專裁擇網海收

珊瑚貢山出枕柏物情忌芳潔時尚工椅撫易辭鴉烏

媒難避含沙射曲賞下里甲書誦南華僻隋珠困索癡

蜀錦遭抵隙，顧駿黜孫陽。相鈞罪秦客，竟使朝陽鳴。修
成退風翮，吁嗟跌蕩門。被此浮雲隔，昨歲逢

國慶普天霑

閨澤錄，瑕冠再彈贖。愆蒂重赤閒，身已白衣舊。跋且紫
陌雖聞

賜簪裾未覩，趨禁掖在天。月晦行旋耀，哉生魄在地。河
伏流仍疏千里，脈宿亭將軍。李書門丞相，翟奈何吹黍
暄。莫救閨楊厄，鄙懷昧區區。達人笑啞啞，信天豎夙操。
千時謝長策，恩感八議寬。慶荷三禘釋，昔幹膠難固。焦
桐爨奚惜，所念清白遺。未免啼號迫，歸田尚稍需。講學
虛白齋存藁

水衡集上

九

附錄檀亭夫子答詩

蓉塘年兄賦長句贈別舟中依韻奉答兼誌

同朝二三子

百歲行迨半，雙丸苦輕擲。境纏作繭蛹，技陋知醫蝎。
浮沉本虛舟，勝負亦閒奕。孤心寄鉛素，衆眼任朱碧。
自謝承明廬，尚存環堵宅。將負季路米，雅耽康之石。
獨容問雪塗，諸生輟蘭籍。養堂逸音容，室室懽號辟。

鶻鴟但啼血，蟪蛄且枯液。破巢費綢繆，高塚急營索。
篇傷蓼莪廢，句感緇衣摘。楚材方束脩，魯儒再專席。
恭惟

孝治盛，仰瞻慶霄闕。祝延集琳壇，行慶薦瑤席。傾葵
司向陽，鞭馬不遑夕。陳頌嘏緝熙，觀光顏咫尺。新榮
還驚帶舊額，雪蠅壁扶搖。欠九萬，距踊已三百。猥務
方幸嬰私逋，頗充斥。改歲滯京輦，徂春道滕嶧。別情
棠棣紅，行色柳花白。問闕脫塵鞮，迨遞入水驛。允宜
鷗鷺盟，差遣鴝鵒責。永言就頽放，深恐被推擇。服田
習桑麻，誓墓守松柏。蔬食借妻孥，微生仰攜撫。無用
虛白齋存藁

水衡集上

十

逃斧斤，不鳴免彈射。勢將遊汗漫，退或卧荒僻。浩如
萍在海，瞥信駒過隙。卓爾稽山秀，蚤作瀛洲客。九方
忝冥契，萬里見奇翮。潛翔一朝判，言笑三秋隔。輟鮒
冀生肥，佩蘭感同澤。祕閣藜杖青，明堂火珠赤。袞袞
進賢冠，鏘鏘洛陽陌。即今羣搢紳，豈少一逢掖。睽攜
煩贈言，吟諷為動魄。吐響洵喤喤，絨情何脈脈。惡人
異駘佗，大駟非陽翟。趨時誠所短，率野未為厄。勞歌
息五噫，目笑付一啞。終迴彥倫駕，漫遺繞朝策。公才
勉自愛，離思端可釋。宏達丈夫志，龜皇寸陰惜。步防
捷徑窘羽戒，頽風迫乘運。在虞唐，陳謨效臯益。覘子

大器成使我私抱適雖慙手傳衣竊快齒折屐曳杖
獨歌商蓋簪共筮易謂及門諸子應彼鳴鳥求陋彼饑彪
嚇

同年徐西灣編修招飲

絳蠟青樽此盞簪藏鈎送座暢歡襟簾風不動筵難散
庭雪初消樹易陰向煖薰爐熱春仲解醒茗椀鬥宵深
高齋未敢輕留宿多恐朝班點不任

楊同年培山編修假還

潞河春雨漲痕添絲柳垂攀插帽簷催上青霄游虎觀
捧歸

虛白齋存藁

水街集上

十一

紫誥耀龍纁詞人南國名同飲詩派西江韻獨拈未許
薰葭長見倚一時別賦續江淹

新淦劉太夫子八十壽四首

皂山渝水秀無倫鍾毓全歸降嶽辰有道望高推作楷
仲舒文在最稱醇早勤色養功名淡晚脫塵纓著述新
想見逍遙居谷口種松鎮日對龍鱗
涯涘由來未敢窺耆儒良吏已兼為賢書鹿野歌時獻
循政蒲鞭去後思星聚賴川門永耀燈然太乙杖親持
清芬代繼家聲遠始信傳經足燕詒
春光八十興逾豪親親門閭結駟高九老合聯居易社

三公好佩呂虔刀丹臺籍祕藏芝菌紫閣封崇起鳳毛
正值繡衣巡嶺海還鄉省覲駐旌旄

兩度芝顏許近瞻七年前事話重拈昌於乙酉歲南游嶺表往返道便皆

行香鬚眉鑑古曾煩照甲子籌新屢費添肯以壯心誇

嬰鑠還於詩律鬥精嚴開筵恰趁天中節九醞蒲觴醉

共霑

劉幹齋夫子觀察惠潮呈詩四首

百尺高梧千頃陂品流第一是吾師全將懷抱傾觀古
自有經綸展及時清要兼官三省望循良報最

九重知夫子宰黃巖時曾預卓薦名崇舊日多留蔭合受

虛白齋存藁

水街集上

十二

隆恩雨露滋

監司臺諫秩原同出入威稜並望崇車雨已宣清道令
簡霜猶帶立朝風身辭北闕

天顏霽路指南洲海嶠雄遙識粵人先引領樽桑萬里

旭升東

蘇後韓先擅兩州韓湖州蘇惠州名賢唐宋蹟多留祇堅白壁

青松操肯為明珠翠羽謀近壤土風熊軾問便程子職

鯉庭修登堂白髮剛增慶八十長齡祝杖鳩

薊門絲柳拂雕鞍簇簇鳴騶道上看爭羨鴻鴻先蒼路

難忘獬豸舊我冠泥塵雨細清歌勝立雪年深別袂難

還擬臨歧語饒舌到時須趁荔支丹

壽潘默庵太翁八十

天都雲海窟神仙日飲丹砂一掬泉真向鸞庭書亥字
好從鶴髮溯丁年羅胸星宿縱橫富脫口珠玑次第傳
今日耆英稱盛事洛中高會試開筵

三秀芝英百尺松杖朝舊事試鳩節如江麗藻前型在
于渭奇占晚歲逢堂錦畫長舒化日嶺梅春小綻初冬
丙丁星朗真堪羨照見蘭陔接華封

贈徐飛山觀察二十四韻

桑梓尊前輩屏藩佇偉人側聞談笑古咸仰典型新公

虛白齋存藁

水衡集上

十三

望容臺續尊人曾官儀曹家聲季海遵縹緗憑慧業翰藻發天

真譽早空羣擅芳先作佩紉看花初釋褐剖竹遂紆紳

驥展何能伏鸞栖有必伸才鋒超百鍊心鏡洞纖塵遷

轉便煩劇聲名起拊循秦關來紫馬晉水映朱輪屢聽

歌廉范爭傳借寇恂崇階榮玉節嘉績紀

丹宸論監匡時策心銘報國身擁旄勤勵俗麾扇特揚

仁盛事誇青簡餘情寄白蘋圭稜並河嶽氣概及交親

每送垂天翼時蘇涸轍鱗依劉多拂拭御李少逡巡茲

者臚

王會相於聚

帝閨乘槎寒暑匝步履往來頻朽質慙文鶯鴻稱羨石
麟接歡杯酒欠拜貶束纜陳晚耐松篁翠甘輪蓋桂辛
平生別期許浩蕩白鷗馴

定圃夫子巡撫粵東呈詩三十韻

虞典咨羣牧周官建六卿南天新節鉞北斗舊聲名夫
子當朝傑於今命世英珪璋推作瑞杞梓頌惟楨文彩
騫威鳳詞源掣碧鯨早年徵降嶽高步見登瀛杖馬欣
宣召夔龍慶載賡非常公望屬簡在

帝恩榮奎壁躔分耀輶軒使屢迎掄材遍吳楚索駿及

幽并珊網絲絲結冰壺皎皎清春官當座重雲路關門

虛白齋存藁

水衡集上

十四

亨淬水鋒從越輝山璞自荆羣倫歸橐籥百寶發光晶

藻鑑襄文治葵衷愜

睿情真成持玉尺端合掌銓衡兼職繁逾劇宣猷遠吏

宏從容抒幹濟敷歷表丹誠峻秩尊開府雄藩仰建旌

暫辭雙闕拜特寵百蠻行榕葉烟江滿梅枝雪嶺橫土

風隨境採節物早時生千里河同潤崇朝雨遍盈不材

等樗櫟芳佩謝蓀蘅猗荷焦桐賞偏憐伏檻鳴風塵增

拂拭匠石廣裁成和有鳴陰鶴選非出谷鶯登門方慕

李立雪願依程驛路風雲色津亭鼓吹聲還朝應計日

早晚報和羹

家從兄青岳六十歲好擬以聯句百韻製屏稱
祝屬予拈筆

絳縣藏清境青城啟洞天懸弧當令旦引竿及長筵遠
數江東胃深懷越嶠賢平湖浮鏡彩疊嶂駐爐烟洞鎖
陽明石書局宛委編霸才榮井邑王會秩山川勝地經
游日名流屬比肩江城少伯隱風徑鄭公便蘭渚春修
楔柯亭夜聽椽知章遺宅畔務觀舊莊前橋脚仍栽柳
塘坳遍種蓮樓臺飛唱和巖壑暢流連聚秀誠無比鍾
英固有然環居多茂姓遠市少征厘有派逃荆溯其風
贈紵傳觀光來上國結宇傍溫泉梓澤園初拓枕津岸
虛白齋存藁

水街集上

十五

自沿碧林欣繞屋綠野喜連阡頓覺椒聊盛長教瓜瓞
綿簪裾紛鵲起闕閱鎮蟬聯司馬邊勳大金吾善類全
豸冠我陞側蘭綺卓門邊掩映崔盧上光輝顧陸先旂
常於昔紀彞鼎到今鑄源涌流難罄根盤末益堅鳳雛
先應瑄驥子早垂韜爽氣標精銳英姿屏踞踉勝衣陪
赤紱毀齒續青氈頗擅當陽癖兼追長史顛壯心榮劍
佩清思寄丹鉛白馬雄談奮蒼蠅紙響捐才鋒銷利鈍
心鏡判蠟妍竹結王生鞞堪爭枉迓鞭獻珍偏遇楚索
駿失逢燕乃者紆籌策無何急懋遷熬波滄海外度嶺
白雲嶺人習陶猗術家貽子母權服勞承不替食德奉

無愆玳瑁乘潮拾珊瑚舉網辜穎嘗丹荔圃芳踏素馨
田翠羽張屏綴玻璃徹座懸冰菓烹鳳餅雷鼎熟龍涎
益藉竒觀著豪華世態蠲至情神最切篤行禮交虔子
舍調羹侍安閑扇枕眠承歡親杖履餘慕溢杯棬孝鯉
頰鱗躍慈烏白項纏有懷斯用慰同氣况加憐式好徵
荆茂相容笑豆煎鵠原聲節足鴈序影翩躚姜被霜晨
共蘇牀雨夜連天倫悖有叙家政措無偏羣從需方急
期功望更專義門旌卓卓忍字訓拳拳會食隨鐘集分
衣視桁穿泉甘知液潤木讓見柯駢瞻俗修任卹敦宗
計粥饘時焚孟嘗券那守郗超錢識面爭瞻斗聞聲劇
虛白齋存藁

水街集上

十六

葦氈依劉加拂拭御李與周旋夏屋千間庇冬裘萬里
延解紛蠻觸息利濟鵲橋填醜酒慙羊祜饑人感趙宣
償通寬課責贖騰脫婢娟指困今無矣傾囊古有焉酒
鱗歡處轍窮羽免驚弦間故因容駟堂深為降鱸張旌
定圭璧劬佩必孫荃高誼已冲漢虛襟尚履淵持籌甘
瑣瑣束帛賁衰爰烏帽聊從俗青箱未了緣輸邊隨卜
式鑿空讓張騫心緒伴通隱頭銜異備員告身叨半刺
除目避三鈐軾畫寧須鹿冠彈不假蟬完貞期守璞被
繡憚為捨張翰秋菹熟周顛早韭鮮輩流尊柱礎當局
勉羈牽未返珠江權猶虛鑑曲船歸裝遲陸賈殊域阻

梅銷路杳思珂里門新盼蕙榜登臨狎洲島代謝幹璣
璿周甲憑撓算生申屹雅篇初陽剛待復一索本歸乾
龕內參彌勒庭中侶倜傥超凡當作佛行地亦稱仙摩
頂曾煩誌對羹又值錢聽松風謾飲菊水濺濺案肅
梁眉正階清謝樹圓吐璣疑合浦孕玉信于闐桂籍梯
雲上銅街就日還過從皆畫省投贈半花甄煖借西池
瑄春回北渚躔良辰觴八百上客履三千對月濡湘管
迎颺學蜀賤從容疏亥字跌宕說丁年紺雪長腰米銀
膏縮項編人倫羨模楷天意快陶甄後約探櫻笋先期
試管絃參同存妙契看取露朱研

詠喜蛋

俗以洗兒日彩染雞卵分餉戚友名為喜蛋

蓋取誕生之義同年比部洪大伯初舉子以
此分餉予戲詠並志賀

雕卵始齊管畫卯傳晉石物情務好華藻繪及無益吾
鄉男始生淪卵譙嘉客或紅出漬茜或黃經銼藥點臚
研箋金纏晉剪綵帛置筐雜棗脩登筵佐穀核盈取常
累千少嘗足當百厥義彼何知相沿曰在昔雞鳧辨同
異所產隨地易吾鄉用鳧卵
北人用雞卵比來長安居湯餅屢沾席
知交多弄塵此物荷擲擲我習耳耳既吞面翻赤側

聞卵國民載在山經籍徐偃實異聞朱蒙亦奇跡三十
二男兒勇健尤嘖嘖是類等無稽未足供倚撫詎若亂
鳥祥舊典非近僻吾友本鳳雛九苞無凡翮桑蓬懸君
門占符震一索洗兒修故事欣見盤堆積已分火齊光
尚帶蘭湯澤老饕習滑稽朵頤取口適誕彌與誕生附
會費詮釋因思渾沌安乾坤固同宅內凝象取黃外繞
體兼白凡屬親焉處疇無轉旋責願祝君家兒最上參
闔闢其次事文章亦為未失策不見戴遠碑雕篆傾瀝
液戴遠以雞卵汁浸白瓦屑作卵
元碑為文而自鑄之見晉書母為干城棄不受累
棋厄乃翁喜欲狂聞言罔知擇請示善頌張張大
張大

笑當啞啞

伍雲湖六十壽

天目聳於潛我插霄漢飛舞入虎林藉作衆山軒福
地鍾人傑不絕如繩貫有族靈昏奮濤聲耳江畔派別
湖遙遙餘波衍瀾漫先生生邁俗英俊聞弱冠嗜古書
為田槲芳片在泮雖未騁扶搖頗喜脫羈絆明允譜手
輯孝伯表重按焚券洽比隣解驂重舊館邇來尤高致
朱霞舒天半清音山水饒令節花鳥換自娛出世心不
受冗塵亂矧復庭階側芝玉紛璀璨長既舉明經駿舉
起文翰次復登計車紫電寒芒煥森森孫桐枝俱作龍

門看先生顧之樂含飴日撫玩物情忘苑枯胸趣息冰
炭身不為形役茲術工延算問年屆杖鄉攬揆稱殺旦
華井蓮十丈紛敷列青案何當抽我身相訪騎款段分
飲流霞杯一停柳下鍛

重九日純齋同年招同館諸公泛舟二牖余以

未招不與賦詩四首用祝芷塘前輩原韻

酒人燕市數荆高往事追攀氣並豪心比閒雲貪出岫
身成伏櫪倦離槽習池醉態輸山簡官閣吟篇羨水曹
那得經旬共休暇慶豐插口恣週遭

選勝當時眼界新潞河放溜碧鱗鱗自來塵陌看花地
虛白齋存藁米衡集上十九

曾訪烟波釣鰾人舊雨竹林年正健清流蘭渚迹偏陳
余於甲申春仲隨梧岡竹虛偉人吾山諸前輩泛舟其地惟相喚前輩已成泉下城南合作仙

源憶未許重尋古渡濱

秋深何物不清佳籬落花黃塞雁排節到攜壺酬易過

招煩折柬侶難偕勝情拚作槎乘漢差臭熈隨橘化淮

寄語同舟諸李郭有人風雨訴情乖時西灣同年以未與會賦詩相嘲

休悵登臨去較遲遨頭重擬趁良時欠陪吹帽風流宴

先續題襟冰雪詩時同游諸公皆有詩好景勾留航地僻冷官來

往怕人知繞門一舸盈盈在邱壑於君似有私純齋家通州相

隔僅數十里許

後十二日純齋復招諸同年泛舟其地再次芷塘前輩韻四首

人比元龍百尺高停驂縱棹興逾豪林曦散紫鉦懸樹
隈溜濺珠酒滴槽罨畫名區歸此地盍簪勝事到吾曹
十年輕轆長安陌得濯塵纓算再遭

水鄉風味逐時新羹擘團臍膾細鱗菜把屈君為地主
菊花容我插歸人學騎難得乘船賀愛客真逢井轄陳
往事齊年試回首紅綾春謔曲江濱

節過九九日多佳暨輟朝班玉筍排沂水浴餘童冠共

虛白齋存藁水衡集上二十

候剛逢雀入淮月令季秋雀入大水為蛤然則國語所云雀入淮為蜃當亦在此時紅蓼

丹楓瑟瑟眼前鄉景幾曾乖

憶舊林中狂飲地逢僧院裏話閒時有聲試擲興公賦

無敵重論白也詩純齋有次西灣韻詩四首甚工落手扁舟難自料籠

頭紗帽倩誰知何如赤壁黃州夜明月清風兩不私

純齋以次西灣同年韻四首見示弁索予和

釣竿經歲別槎頭煙水同尋一葉舟許作粗豪嘗酒客

肯拋次第看花秋重陽風過樽前近繞郭山明鏡裏浮

多少西園騁飛蓋得親鷗鷺是清流
如蘭譜誼愛同科勝地良辰把臂多秋水一方添渺瀰

晚霖今歲減滂沱幾輔連歲多雨輕塵免逐聯翩騎今秋特喜晴爽柔

櫓閒聽欵乃歌話到江南好風景金樽檀板較如何

邪許聲稀地稍偏纜舟洞口足雲烟海陵運後無多路

竺國移來有別天時徧游傍岸諸判到處剗苔搜舊碣何人餐

菊引長年茶清花落尋常事雙鬢旋絲一榻禪

燕趙悲歌氣未除諸公夏屋比渠渠蘇詩諸公渠渠如夏屋獨慙

老馬通孤竹空羨黃金禮望諸京輦片時萍聚後鄉心

千里雁飛初幸陪此會誇龍虎省對寒牕蠹字魚

潘蘭垞同年惠書見詢以詩答之

南來錦字雁飛初遠道真勞慰起居燕市酒杯餘程

虛白齋存藁水街集上 二十一白隄花信半稀疎故人似我仍無恙名士如君始不虛

想見閒臆勤著作承明早待等身書

聖母皇太后八旬萬壽恭紀五言長律百二十韻

拱斗三階正斟衢六幕長貞符昭景祝壽宇萃殊祥

文母純禧篤

興朝鄧治昌坤輿宏並載月德迴含光

蘭館親崇儉

椒庭永佩芳

宣仁流

禁掖

班教協珩璜

道自觀型著

徽因裕後彰導河惟宿海蘊璞必崑岡瑞幹敷芝菌文

禽翼鳳凰郊謀宜佐譽樞電果胎黃高厚鍾清淑民人

仰紀綱千齡期啟

聖五德運歸

王紀

武揚

謨烈開

天峇

虛白齋存藁水街集上 二十二

昊蒼

清時逢鎬洛

景運際虞唐則哲金為鏡如神珠是囊兼資通闔闢合

撰在陰陽量獨賅三極神兼聞八荒多能飛揆藻餘枝

妙穿楊聲教無雷國光華出日鄉垂乾行不息保泰勅

惟康

懿訓

深宮奉

慈麻薄海揚屬當時大順永卜命于常閭左誥耕鑿

堂廣慶拜颺蕩平遵廣陌師濟立

巖廊絕域朝重譯康年稼萬箱如春復如夏時雨與時
賜景慶頻教見苞苴未許藏綠圖呈燦爛銀甕耀琳瑯
款塞踰元菟開闢貢白狼薰颺吹習習湛灑滄瀆瀼瀼
天子真神武

崇勲罕頡頏劍門鳴鼓角玉壘掃欃槍雪嶺功尤峻花
門衆盡匡七旬勞舞羽二萬志開疆巢幕俱憐燕當車
每笑螳列屯仍戍已置郡小敦煌荒徼皆城郭新疇已
稻梁架筍甘似蜜甕瑤白於肪

睿算聲靈赫
天威捷伐張
虛白齋存藁水街集上
徽稱尊奕奕

二十三

鴻號紀皇皇歸
善情逾切臚
歡典倍詳

璿圖列瑤島
珠院繚銀牆雲母明牕拓珊瑚

寶座褒
山莊依碧嶂

水殿俯金塘

曉駕趨

長樂

宵衣問未央三朝中使報六膳

御厨嘗居所辰杓轉來游桐鼓鏜周原勤展義

禹步大巡方豐沛基初定邠岐業詎忘白山探嶠嶭黑

水接蒼茫大吏章交請羣黎

幸遍望呼嵩經太少選佛陟清涼華蓋西臨後

帝車南指傍江山雄采石都會麗金閭三竺煙霞遂雙

湖花柳忙雪濤恬捍海竹捷穩窻房

安輦躬臨止

宸游遠扈將

虛白齋存藁水街集上

二十四

鸞輿駟紫爵

鳳船纜沙棠地勝

歡無極民迎喜欲狂服疇懷舊德似路炫新妝拜舞紛
童叟謳吟盛篚筐每於清暑節例舉合圍場致鹿咸依
哨擎鷹競出坊

六飛先電掣千騎奮雷破桐酒瓊壺貯駝羹翠釜湘毳

帷幕部長組練羽林郎試巧猶盤馬分勞及射聲

慈顏深悅懌屬國並徇祥子月辰其始辛年序最良三

微萌琯律五緯貫珠芒

翠籙長凝枯

璇禕厚集慶

輿金根焜燿

檢玉宇飛翔白馬函經縵青駕法相莊震維封日觀津

浚象天潢

輦路蟠松蓋祠宮煥杏梁分調仙鼎味高捧帝臺漿祝

蝦祥千集推仁

詔十行正供蠲穗稭飛挽息舡艘選造升司馬期頤養

上庠全清夏臺繫分給海陵倉

賜秩榮咸被崇封志各償社英多聚洛嶺皓或從商寶

曜臨南極芳護樹北堂盛囊霏絳雪搥杵和元霜累擘

虛白齋存藁

水衡集上

二十五

瑤池核砂餐勺漏床

九重殿上

壽萬國普稱觴賚至新踰棧琛輸遠泛航雕題騎水象

華袴控金羊王會陳珍祕鈞天奏鼓箏曼延諸戲設頃

刻異葩香隴舌調鸚鵡宛蹠試驕驕盤紅疑鞞鞞谷翠

訝篔簹宛爾蓬瀛直非徒繡繪當

仁山增蜿蜿

福海表泱泱紀候堯時英充箱禹日糧騰歡申酺宴同

樂駢遊韉化日舒輪抱慈雲護錦襄難名

恩汜渡莫罄

德滂洋嘉祉天同運

鴻釐海共量

六旬週

黼座

八袞兆

黃裳

龍袞親歌祝駕行効濟蹌來儀聲翾翾羅拜度印印刻

杖攜寧藉合飴弄未妨祇珍延喜瑄非進引年菖曠典

徵圖史前徽盛縹緗如音貽乃武莘德肇於湯馬鄧曾

垂範宣昭亦式臧壺儀傳棟棟雅佩聽鏘鏘稽古咸堪

虛白齋存藁

水衡集上

二十六

美方

今總未遑

聖齡當永錫

慈祐復交相

頤性因時泰

凝釐卜日強就瞻均跂喙拊蹈訖氏羌小草同葵藿名

材謝豫樟石渠隨鳳集珠榜附龍驤

盛世欣遭際

清都大保障沂源從析木迎旭指榑桑屢見鸞停馭深

懷鶴引吭鈞鈴明

御宿萋蒲蔭慈篁嶽瀆文咸秩紘埏歲屢穰

天家尊養至敬誦九如章

周子芳先生七十

瀟溪一派仰家風居傍名山似畫中共望神仙來郭泰
爭教弟子屬王通登探遊屐攜應遍談笑吟觴座獨雄
今日逍遙當杖國好將耆舊數江東

秦母申太安人八十 晉國殿撰之太夫人

好憑彤管寫松筠淮海家聲設悅辰寶婺有輝分氣象
北堂無恙見精神梁鴻井臼躬操苦虞集文章口授真
何限春暉都欲報繞庭如鳳復如麟

虛白齋存藁 水街集上

無雙國士殿頭誇捧得

鸞封帔似霞長向瑤池迎阿母新從蓬島住全家杯開
益壽飄金粟曲奏循陔補白華應許登堂陪上客親瞻
鶴髮碧厨紗

鄭品人孝廉 大經 下第還粵

八千歸路袂纓分葉散西風雁失雲深媿留賓虛鄭驛
獨勞知已薦雄文 君為秋帆 殿撰薦卷 還珠浦遠悲投暗市駿臺
荒負出羣賴有芙蓉開滿眼秋江留取晚來芬

乙照齋中翫菊二首劉幹齋夫子命作

羨爾羣芳開後開移將霜月繞庭栽一枝寒重影都好

三徑客稀香自來不分塵街秋壓擔從教籬落晚銜杯

試看麗草英英賦也費閨中爾許才 英英麗草傳統妻 辛氏菊賦中語也

時矣二晴川出其間人 永菊六絕句示客故云

約素安黃欲對誰把來猶作故人窺果饒晚節寧羞淡
待賞孤芳合較遲鴻影驚迴霜到夜蜨叢夢老露團時
底須此後貪花看插向頭邊鬢早絲

久雨悶坐次徐二印若明經韻十首

忽成泥海失塵埃悶字頻書夜撥灰正苦流光挽無計
秋風秋雨又相催
強起登樓力尚勝西山那得見高稜糝糊古寺雲千疊
虛白齋存藁 水街集上

間殺城南竹院僧

五月江南炎氣蒸黃梅日日雨堪憎誰知此處無三伏
沾却生衣濕便增
傲居豈比浣花村茆屋秋風剝廢垣廣廈萬間誰見得
不關老大眼將昏

撐勝文字勢空張

撐勝文字勢空張向饑時計渺茫天遣六丁來急取
電雷日到讀書堂 齋中書帙多 被屋漏所沾

枉費同心勸舉統招邀小東太分明過籬步屨渾難事

階下飛泉瀉瀉生 日內有友人招 飲阻雨不赴

袞袞諸公省與臺朝回錦幃踏泥來此情輸與閒官便

且對簷花掃綠苔

最遲烟火隔空林十字街心沒踪深怪底魚鰕稀入市

潞河三尺水痕侵

京雒緇塵客憶家鄉心無奈住天涯對牀續有蘓公句

眠到深宵興亦賒

經時剝啄不聞人門內高懸車一輪稍待日開看雨細

便陪冠蓋出重圍

雨久忽晴喜而有賦再次前韻

六街久已絕纖埃夜雨沉沉燭易灰莫怪曉來爭早起

簷前乾鵲語先催

虛白齋存藁

水街集上

二十九

宮闕高秋爽氣勝依然初日照觚稜朝參像直更番在

懶性休如退院僧

插架叢殘帶濕蒸白蟬無數最生憎却墮矐腹饒前事

持比香芸快更增

南西門外足烟村新草茸茸長敗垣寄語鴉鋤促收拾

芋區蔬圃漸黃昏

北周住遠

崔石學博復南張桐谷中翰

蹤跡連朝墜渺茫今後不

須愁滑滑徑騎款段報登堂

恰逢佳日好飛觥如此花開更月明偏惜比隣前約早

上弦孤負半輪生

片雲捲後試登臺暖翠浮嵐四面來欲向畫圖尋粉本
綠痕踏破上階苔

城西迢遞接園林橋水猶餘尺許深莫聽禽言行不得

平沙未礙馬蹄侵

小住長安即當家十弓做屋亦生涯簾簾紙閣休重惜

得免移床興已賒

新晴巷陌又催人輶轡聲中聽碾輪憶昨正陽門外過

翻盆急雨漲城闌

題徐壁堂進士幽篁覓句圖四絕句

君抱烟霞心飄飄脫塵滓前身王右丞獨坐幽篁裏

虛白齋存藁

水街集上

三十

時還吟我詩寒暮倚脩竹微聞瀉灑泉相應清如玉

碧流瀉琮瑤青影交瑣碎此間詩思多勝跨雪驢背

入林復把臂此約誰能踐不聞擁鼻人吟罷修纓冕

題宋杏川太守水木清華冊四首

雙松書屋

舊聞著書思絕塵庭前愛撫雙龍鱗無多歲月底須憶

得賦遂初能幾人

碧梧翠竹

踈聲滴雨碧條條香影含風翠个个人對酒尚聯吟

昔日彈琴曾獨坐

山塘春棹

虎邱已上靈巖遠獨聽黃鸝丞相祠一曲瀟瀟連夜雨
吳嫌鴨嘴權迴時

石湖秋月

湖心浪花秋後白湖面嵐光秋後碧拍拍沙鷗夜不眠
月明寒占烟波宅

王母夏太孺人輓詞 為介休王令作

王君慷慨人談笑露肝膈作令有政聲循卓便煩劇今
年來山右握手長安陌傾倒及腐儒過從稱莫逆自言
弱齡苦失怙慘相迫負郭輸二頃應門乏三尺束髮事

虛白齋存藁 水街集上

三十二

遠遊閩粵行得得門戶誰為持惟恃老母力不惜備艱
辛晨炊而夜績洎乎年既壯稍稍充衣食餬口獲祿養
捧檄喜形色老母嚴庭訓勤慎最稱職所慶慈姑長七
秩三秋值捧觴佐臚歡後凋視松柏是時予聞語敏容
起嘆息始知我友賢良由母壹德何期君返旆二暨已
作慝呼籲天罔聞總惟皎霜白悠悠路三千歸旆就窵
窵頗聞今出境道傍多卧轍吁嗟賢母賢封鮓見遺澤
芝玉當階生車駟新問關食報詎有涯豈必長生籍臨
風寫辛酸質語謝瑀飾

題王梅岑舍人前輩秋齋茗話圖 蓮心居士所

舍人愛清真退直依高齋點筆收粉本聯吟綴詩牌園

小位置安鹿眼離新排碧梧翠竹間交加蔭寒階雅乏
殘客對頗容好事借清可續楚騷誕或參齊諧何由腋

生風綠濤嘗最佳君家老摩詰過從忘忘形骸入門不待
扣呼童燒生柴烹點輒移晷以通彼我懷剛值秋風初

颯颯驚庭槐援毫寫即景淋漓烟雲皆茲人渺何許掛
帆湘水涯購之不易得有酒徒如淮 予近以佳釀索居

已之官剩觀雪鴻印眯眼逢新措因思故山巔春雷抽
嫩芽試門傾碧椀採焙隨青鞋經年負勝事踏此緇摩

街所幸互招邀夜談慰睽乖圖中應著我相與成詎伴
虛白齋存藁 水街集上

三十二

壽王天成先生八十

昔歲鏡湖客今來沽水居雄心抱經濟雅尚薄蟲魚屢
倒迎賓履曾辭薦士書烏巾懷錦里白髮看蕭疎
博史稽前典宜膺憲乞尊典型時望屬渾噩古風存棟
檄趨庭彥分飴繞膝孫庭槐多舊澤手植重盤根

程母洪太夫人八十壽詩

望本忠宣裔歸宜明道家高門雙列戟芳範六萌車射
雉風猶在丸熊報自賒未妨懸悅日羣作杖朝誇
寶婺輝常燦瑤池駕豈遙敦龐羨山國仁壽慶

熙朝象服宜筮杖

鸞章賁翠翹願陪珠履賀不俟綵衣招

迎寒詩四首

掃葉

木落悲何事長年原慣聞儘教隨颯杳未許積紛紜除
草階逾冷焚香地始分亭臯連隴首漠漠望飛雲

補籬

小園空插槿過客任相窺終藉維藩力何妨補闕為橫
斜且容膝平遠一丈願步屨約重醉寒香開數枝

糊窗

疎櫺初換紙紀候判涼炎稍却寒颺勢仍含遠岫尖密
虛白齋存藁米街集上 三十三

教花影上明避麝煤霑近市嗟何益先生尚織簾

贖衣

日日朝回典隕霜思故裘翻增溢囊恐違作解衣謀
貼催何意蒙茸耐獨謳無何飲興劇仍向酒家留

武定太守徐雪崖偕德配趙恭人六十

使君五馬駐三齊內德揚芬好並題高座聖賢時復中
名門琴鶴鎮相攜春凝香寢聞留佩月曉莎廳報唱雞

試向晴雲樓上望添籌海屋閣風西

梅開嶺上小春初弧悅雙輝映綺疏鴻案禮莊期永對
鹿門家在付間居

誥章豔豔花相似階樹森森玉不如定識丹臺同注籍
待繙甲子再週餘

題陶三拱之行樂長卷

憶昔初論交落落凡幾輩舉酬吳亭心摘句越城背共
結松筠契自成裙屐隊君時方盛年意氣多感慨談數
廁分茅騷壇爭摩壘新堂射鴨開舊渚撈鰕退頗足謀
斗酒兼工贈雜佩歌詞付雪兒法喜稱無礙此樂亦自
佳此事胡遂廢年來勞簿領一官風塵內游蹤入長安
把臂饒故態吞篋展長圖金題玉躐配中貌跌蕩姿鬚
眉前廿載感今素領垂觀往丹顏在交游紛縞紵諷咏
虛白齋存藁米街集上 三十四

送館師侍讀葉毅庵先生假還省覲

身疑鸞鶴氣松筠早換頭銜玉署新金匱編摩資博物
石林著作屬傳人達鴻先翁非無路天驥高驥迴有神
獨向雲山時騁望鄉心根觸隔昏晨
六筐戴斗耀文輝屢引星軺出瑣闥無數名材憑玉尺
有多樂事試斑衣賦傳御板潘懷縣篇補循陔束廣微
誰似吾師性真摯不將官職與心違

海嶠迢迢入夢多歸懷非為愛烟蘿難拋春水江魚躍
肯待秋風塞雁過東觀廿年書跌宕北堂八秩杖摩娑
慢亭領取仙人宴併入稱觥一曲歌

潞河新漲送歸舸悵望征帆首重搔留滯每緣捧檄誤
起居深慰倚門勞已虛曉漏朝班點曾被光風袞字褒
多少愁心寄流水相隨南下日滔滔

獻歲人日 質郡王寫芝蘭尺幅傳賜謹賦三

十韻

若華蟠高枝騰光燭庶類英性本天成慧思絕流輩摘
詞曹步捷聚帙蕭樓備儒林秀旁招藝苑芳坐對餘事

虛白齋存藁

冰銜集上

三十五

妙拈毫往往徹三昧獻歲春始和轉蕙光風被嘉頌傳
椒花珍盤試辛菜林沼氣籠葱晴窻白雲萃遙情拂銀
光羣芳入藻繪紫翹既馥郁靈華復蕙葑神到形自工
尺幅饒生態謂有末座居其人頗斂退署歛墨未乾傳
示申寵賚洪惟圖中秀毓質鍾淳粹或為王者香矧兆
太平瑞孔操暨商歌垂芬閱時代不材等樗散客右蒙
盼睐迴殊揚馬儔並謝應劉隊香草證楚騷將毋覺形
穢因思階庭生曾與玉樹配所媿飛騰過四十歲難再
側挺荔尚虛繫絲蘿徒在鄙懷敢上陳吉語邀下逮遂
令片楮贈有逾百朋遺祗領首三叩帽側花羞戴便擬

付衰池錦軸標瑋瑁懸恐蓬垣陋藏謀蓋筐祕滕王寫
蛺蝶小物偶游戲何如瑞草叢珍重特情寄野芹無以
報蕪語誌銘佩

昌年逾四十尚未有子是歲
獲舉一兒此圖誠吉徵也

虛白齋存藁

冰銜集上

三十六

虛白齋存藁

山陰 吳壽昌 泰交

冰銜集下

起癸巳
訖己亥

恭和

御製命校永樂大典元韻

藝苑欣逢

紫詔傳叨隨鑽仰答高堅祕書遷轉稽難定大典本貯

入書日者不知何時散佚此部每帙後載重校各官姓
氏有侍郎高拱陳以勤等乃嘉靖間再錄之本非永樂
原書也於何時移貯翰

林院著亦無可考定遺帙紛綸覩莫全書計二萬二
三卷今已缺什之一矣又案朱彝尊曰下舊聞所載篇
目與此合至焦竑國史經籍志孫承澤春明夢餘錄俱

虛白齋存藁冰銜集下

止稱二萬二千二催勘五車同葉掃別釐四庫異波沿

百十一卷皆誤也

新纂者入應時自獲潛光發擁卷都消俗慮牽長日分

餐

賜蘭署儒臣促坐證芸編尚勞

乙覽披雲示爭付胥鈔滴露研此後通津皆冊府當時

插架在文淵金川門外空陳蹟贏得叢殘四百年

童北硯白馬巖居十詠用蔣定甫前輩原韻

述經堂

昔賢重談經斯堂緬遺處人往不可見山山白雲住仰

止千載心胸懷足本趣

洗硯池

右軍書換鸞墨妙元雲湧古硯已成凹禿管難為塚合

令池魚吞養作黑螭種

雲影橋

一鑑清如許徘徊落片影齒齒石鞭來鎖向卧虹頭暇

時試杖藜風息穀紋靜

蟠蛟榭

水榭倚寒空常懼風雲起為藏千歲蛟秋清難見底墨

瀋能爾為漁師伐其止

介山亭

虛白齋存藁冰銜集下

此山孰移來愚公非智叟其間無兩大幸免唾培壤辟

蘿被空亭且付山鬼守

入畫廊

謝公愛名山屐齒多所歷誰知尺幅中萬里渺何極是

畫亦是真卧游正偃息

韻樓

深省在覺時曾聽晨鐘吼頗思音要眇四座夫何有願

從樓上居松窗兼竹牖

簡雲臺

西來馳疾足蹠躩不能住或恐山有靈同逐浮雲去登

臺一豁然據鞍最高處

夢泉

昔稱文異水出涌由心坎豈知幻想成真源莫能揜山泉兆自明發蒙吾未敢

聽讀山房

佳兒勤一編琅琅徹長夜能令乃翁喜合杯自傾瀉不負積書心甌還行復借

應 教題畫禪集腋卷用曹中允仁虎韻

豪端能事人而天出塵瀟洒乃所先學書讀畫了無二未容眾史窮涯巔 西園主人富文翰妙探學海捐言

虛白齋存藁

水街集下

三

筌有時興到寄揮灑盎然之趣神超然即如此卷連綴幅十二寫生寫意羣爭妍或矜茂密乏蕭散意匠苦落經營間何如卷首一幀迴超絕半枝片石自帶寒林寒畫家逸品茲其是以之弁冕觀斯全想見靜寄軒東塵境隔惟有遙山蘊藉波淪連邇來高手得非易兩尚書推董與錢邦達宗伯俱歸 石渠作祕笈落紙往往成雲烟今觀此圖遠逼元嬾瓚欲樵凡腕愁無緣乃知性靈闢造化會心總在含豪前無多著墨墨更妙陶家琴在何煩絃諸人獻伎亦誠幸衰禠一例留傳者急須合掌詢上諦勿迷南北宗派誇逃禪

新建襄太夫子以 盛京奉使經進集見示謹

用李義山韓碑詩韻題後

豫章尚書名世姿千載嘉會逢炎義早官

禁近盛述作廢颺知遇超等夷平生經濟本儒術談笑

曾却千熊罷適者度地越遼海八駟銜命馳旌麾出關

三月告竣事太阿割斷誰爭持非常

賜顏被珍毳冬曦煦動龍蛇旗皇華有什

覽乙夜二十八宿聯珠隨我

朝此地肇基迹

真人秉鉞師如貌左右山海挾雄氣比天崇復俾地皆

虛白齋存藁

水街集下

四

高山幽岐想偉蹟大風豐沛稽雄辭長驅狡獪掃彗宇信乃天授非人為一戎燕冀神器定

陪都備職存曹司欲問故老百餘載至今傳說人解頤

惟

帝嗣服再巡狩褒美國俗懲澆漓特從駐蹕灑

宸翰煌煌練賦兼哦詩何意重臣近乘傳復捧瓊冊陳

丹墀道揚懿鑠歸典則義婉播鼓噏斯碑鐵嶺古屯閱

虎豹

珠丘闕寢瞻蛟螭載塗雨雪亦况瘁豐年卜慶言無私

居八長吏兩帖安久安毋忘馬上治乃知立言見其大

乾坤氣與清詩脾不然流傳豈少紀行作山郵水驛紛
題詞或志道里狀草木何與國政彰重熙誦公鉅製震
凡曠調高響逸誠難追人惠一編出剞劂傳寫幸免胥
手朕敢辭續尾避噓點請為太平永築丕丕基

送金詩庭前輩奉使赴蜀督理軍需

沫若傲外皆鬢髯跳梁小醜猶稽誅團營勁旅自天下
九關西顧先軍儲使君矯矯類雲鶴英彥毓自三天都
早職館閣歷臺諫迴翔侍從清要俱通者繡衣指淮海
東南飛挽齊歡呼長編巨舸永無恙徑達天庾趨丁沽

先生以南清使按歸來捺鉢報藏事
復便程迤北清

虛白齋存藁

水街集下

五

山莊名對

天顏愉生平經濟屬何等褒以

溫語宜馳驅風雲儲胥亟往護相與盪滌成洪鑪始知
浮筠貴特達不隨幣馬陳庭隅請纓棄繻出儒者朝拜
尺一夕首塗惟彼蠹爾詎足道釜魚慕燕懸斯須所念
繹騷遠境內因緣胥吏滋奸徒

朝廷費帑計千萬恃有擘畫抒良謨使君治漕足名譽
蜀人聞命懷其蘇我與使君年來屢過從宣武坊南樽
酒陪歡娛天梯石棧俄看行萬里短衣匹馬欲挽空脚
蹏春明門柳秋未枯長條手縮無時無丈夫墜地門懸

孤曰畏簡書其然乎吾宗詩人亦在彼謂家錕
南川牧好憑問
訊寄雙鯉

題馬香谷所藏王履吉借券手蹟

雅宜山人品最高夙尚邱壑懷清操陶謝詩格力摹古
鍾王墨妙勤揮毫爾時吳中盛風雅從容壇坫來英髦
袁家伯仲文父子一門名譽無凡毛山人結交殊不俗
往往觴詠稱吾曹即憑遺券證往蹟姓氏落落參翔翱
券中借主為袁與
之居間為文壽承因思山人潔持已不苟一介防貪饕
乞米大夫豈得已與錢司業非濫叨相須緩急亦偶爾
約劑貸息心勞勞此非財賄屑計較或懼嫌隙由錐刀
虛白齋存藁水街集下

六

名流瑣事昔爭羨高人絕藝今重遭我觀筆勢特勁逸
戲鴻舞鶴離塵囂流傳片楮等尺璧不待碑板光難韜
往時長史判牘尾公庭賺取滋喧嘈將毋此券亦類是
那忍焚折傷堅牢馬君吳人僻嗜古所好物聚煩爬搔
有時傾囊破羞溢索及賸錦搜殘膏其卿佳話奔行篋
紛羅題識追風騷慎無展卷起三嘆金盡復來聊自豪
贈洪午塘司馬四首

未見已相憶通懷彼我齊才名小隱後循績太行西傾
蓋輸今欵披緘枉舊題他年好重訊塵陌一雞栖
綾餅啣前度銅符縮再更清吟屬姚合上考付陽城此

事何曾廢於心本不驚終當便劇郡老手有生平

人海相逢日傾心對一樽刺鐘輪器利噓谷感詞濕共

勉經綸大先聞道誼敦交親半浮梗安穩一枝存全親

在君著

手版君能換頭銜我自淹居憑草元守榮謝賜緋露一

鴉論交重三刀別夢添攤牀有周易隨意問飛潛

劉母彭孺人六十

玉筍山前水環流徹底清高門美居里賢相播芳聲黃

鵠孤雲杳青鸞破鏡明舊編傳烈女輝映漢名卿

辛苦持門戶真誇健婦能甘貧車獨挽問寢志先承藜

虛白齋存藁水衡集下

藿春朝饌機絲雪夜燈懷清臺再築好占最高層

繞砌三珠樹含榮競碧萸滋培心不負樛棟任堪齊戲

綵新輝得和九故事稽何當封石窠彤史共留題

周甲傳佳日剛逢殷仲春韶光屬桃李高節自松筠門

有多冠貴堂依鶴髮人孺人為幹齋夫子之嫂氏一簡

送寄祝轉盼荷

恩綸

冬日得范大元功手書感懷賦答

彥龍不羈才意氣高百尺恥為章句儒老作諸侯客昔

年識君明湖濱一時簪盃皆可人詞壇跌蕩繞花坐酒

蓋淋漓對月巡君舒青眼觀時彥我輩謂非長貧賤青

雲交契託松筠淥水名園恣歡讌指丁丑夏游回思此

事十數秋飄泊蹤跡多萍浮九塞霜鴻我北度七閩海

燕君南游閩中攬勝擅奇麗慢亭歌曲楓亭荔落月無

端見屋梁高門何處傳擁篲長安苦寒少贈魚忽枉故

人千里書不辭啟緘百回讀冷宵燭藥開紛如感君古

誼轉增嘅折玉摧蘭竟何在謂陳星旋舍人掛劍難將

宿諾酬絕絃未許知音再亦有兩周子抱才坎壈纏衡

陽雁斷征帆外虎木八兄弟湖南蜀道鴟啼匹馬前三

就二兄於去冬雲霄得意定誰屬粵西使者煇赫獨若珊

虛白齋存藁水衡集下

瑚鞭謂童梧我亦腰紆半通綬太倉給米月五斗敢說

冷官室苦饑祇慚貧士人多負豈若吾兄逢迎到處稱

賓師金黃壁白隨指麾尚平婚嫁藉俱了買山想見不

患憂無贊燕風涇雲門寺青鞵布靴幾人至頭白歸來

願結隣遂初有賦尋應易

賞番園題後國係李西華先生巡視臺灣時所

澎湖險絕依荒遐三十六島如蜂衙屹對無諸隔海外

二門虎鹿相過遮洪濤震盪勢顛越樓船漢將難輕划

自從天戈耀日出牛縷遺窟搜根芽咸隸版圖置郡縣

襟帶甌粵成津涯遠通洋舶賣貝集蒟醬邛竹寧煩誇

要區特資坐鎮力未許疆吏專旌牙我豕冠往巡視
青驄奉簡辭京華茲行臺諫最稱重星霜兩易始及瓜
先生臨川盛閱器為璫璣鋒鏃早登蓬島遷柏署
錫之

寵命惟其嘉西都燕喜遂南指潛匿水豹翔神鴉潮生
柁樓報飛渡郵籤七換程無差帕褶材官迎鷓首羣番
絡繹填三义番人百年樂土樂婦嫻機杼男耕畝大岡
之南木岡北不聞鋌險驚麀麀宜宣德意予獎賚馬頭
羅拜聲無謹畫戟清香兩不厭漠漠絹素無風沙圍成
自喜緞長句冥搜旁討舒天葩蠻中風俗快先睹何殊
虛白齋存藁水街集下

仙爪經搔爬前賢所至例有述華陽桂海名專家即如
禪海亦紀錄流傳大抵由星槎謂禪海紀游壺海紀
畧非志使錄等書先
生鉅手媵羣雅諧以韶護輝雲霞即今玉堂共傳示得
意一笑同拈花雲烟瞥過尚堪念咨詢矧出四牡車中
有柔遠計斯在永銷爭觸平蠻蝟果爾永銷爭觸平蠻
蝟立言有補真非夸安得赤嵌城頭高著眼詩左圖右
吟既情交加

題綠牡丹畫冊應 教次韻
大房尖已花開否朱彝尊詩牡丹
已綠房山尖 十度長安竟未看今
日春風初省識多時翠袖倚高寒傳神端合付螺黛點

筆遙思傍石欄萼綠華來無定所李商
隱句肯容脩竹對蕙
彈

全穆齋夫子五十四首

偉人靈淑自扶輿出入承明廿載餘紫海三山觀地軸
黃扉五色贊天書端凝風度符金鑑著作聲名在石渠
多少黑頭登八座清班領袖有誰如
規外星辰泛使槎水天萬里路歸賒珊瑚但架徐陵筆
惹汝何勞馬援車清節秋高松磔硯文杓夜朗斗橫斜
吳鈞燕駿煩題品應識
宸衷最寵嘉

虛白齋存藁水街集下

甫申自昔賀萬生百歲平分瑞氣盈吹琯初陽回黍谷
是日正
值長至添籌曉日麗蓬瀛暫教六月鯤鵬息旋報三霄
雨露榮最喜階前森玉樹寧馨勝試綵衣迎
鳳閣鑿坡掃舊痕重慚桃李植公門昌應乙酉
中書師月閱卷已
丑昌運庶常
師為大教習但高元禮人倫望莫罄孫陽物色恩四座
賓朋趨北海一時翰墨羨西岷此身願作南飛鶴長傍
華筵對綠樽

題應劭齋江村嘯竹圖

江頭翠色白沙村送客曾經月下門合有長吟來抱郭
天風吹響落芳樽

長嘯彈琴摩詰詩深篁添映水連漪鳳鸞聲起魚烟雨
彷彿蘇門嶺半時

此間那得此君居潭柘尋遊約總虛燕京無竹惟潭柘寺東院一林見朱

竹垞詩集輸與君家千畝樂却教鄉景憶吾廬

自是名園相倚栽抽萌春筍應初雷琅玕實處招雛鳳
不斷清聲破曉來

李母孟孺人節壽

下得溫郎玉鏡臺可堪鸞翮報先摧茹荼歲月長難度
誰說流光不再來

暗著麻衣忍淚痕婆娑堂上老姑存無兒苦鞠夫兄子

虛白齋存藁米街集下

笑及合飴一弄孫

雪虐風餐兀自持鍊成松柏後凋姿雞皮得道虛傳說

壽在貞心獨守時

石窳當年例有封行看綽楔五花濃傳成列女關吾事

合播彤徽記女宗

題程半塘先生竹溪舫權圖

一幅溪山寄勝遊高人落手愛扁舟富春未羨癡黃筆
不貌嚴光在上頭

欲訪遺蹤未有端白雲一去鶴歸難展圖依舊風流在

珍重諸孫手澤完先生為孝廉玉麟之祖

題陳青柯比部同年閉門覓句圖

陳侯覓句愛閉門後山於今見替人寫成長幅擲示我
撚髭聳肩同苦辛我聞西江當日圖宗派少陵配食涪

翁在君家一畝足千秋無復揮豪羨淮海巧遲拙速難

定名所貴意匠工經營徒學鳴蠅向蚓竅豈如風雨可

泣神鬼驚羨君撐腸千萬軸羨君流吻泉百斛沉思翰

藻兩門新肯句殘膏沾臙馥柘水灣頭存老屋外稀剝

啄中花木苦吟一榻含毫逸戢戢多於新筍束自從射

策長安居著作不入承明廬已分聲名折官職少年結

習誰能除都官鄭都官梅兩賢輝映未易才得君而三

虛白齋存藁米街集下

居後來風雅有體煩別裁莫將年鍛月鍊輕矜許祇恐

他年翻作金華殿中語

題黃西樵相馬圖

江夏人中駒局趣儕參佐羈官南海頭星霜等閒過軜

車北指來長安與予握手開心顏舊圖相馬索題句五

十餘匹筋骨皆天閑自經杜老蘇仙題畫馬後人有筆

敢輕下何況曹韓難再生空向風流羨文雅君今此圖

寄意新意不在馬原在人奚官儘數牽沙岸歷歷賞識

趨風塵吾聞良馬盛西北冀野代方大蕃息君官蚤人

龍戶之選鄉那有考牧攻駒助物色或云君自嗟世無

良樂相期賒驚驥當年偶同阜別求知已辭鹽車或云
君自負相馬金門式在手他年相士將毋同肯逐驪黃
驚壯壯自負則傲嗟則卑傑士未許尋常窺非馬喻馬
自非馬底事以馬喻馬紛紛為寓意不留意此意支公
知相皮相骨無不可未聞地上神駿虛金羈畫工寫真
重佳士吾題君照亦如此

題張桐谷舍人同年望雲歸去圖即送其南旋

省觀

寒籬花發團清芬入闕霜雁噉連羣行客傲裘道未就
促書驢券心如焚出圖示我索題句白雲覆屋鋪紛紜
虛白齋存藁

水街集下

十三

舍人家住虎林側擅名勝地稱榆枌障日峯尖掃翠黛
涵虛波影迴韉紋踏隄人閒訪仙軾乘清興發觀忠貞
至性生平樂門內采蘭捕鯉晨昏勤含飴重闈廁手弄
嘗甘匝坐叨先分自經西笑走燕市七換鷓蚌隨塵氛
紫葢揮豪對佳詠脩竹應教攜鴻文誰知寸心急定省
歸廬辭闕情殷殷冷曹俸薄少持獻那得千橘同封君
五花制詞手自寫捧回差博顏歡欣吾思舍人得名三
十載早破萬卷橫千軍同輩衮衮盡臺省獨秘虹彩羈
蘭筋天涯與余辱過從傾倒臭味忘猶薰妙語飽聆宗
正始高詞驚賞追皇墳一朝春明把別醜欲挽無計心

先醺吾儕私情安足較故水貴遠古所云不見圖中縹
緲見親舍鶴髮語笑遙疑聞徑須刀鐮指天末有槎即
釣田即耘會看永愛堂上日底用空望山頭雲

北闈榜發徐五印若曹大青岑周二徵三皆失

解徐為笠山先生次嗣君曹則予都中厚契周

又姻家績學工文而俱躋場屋賦此志感且用

慰藉

一卷南來冰雪文臨牕把讀却炎氛

君於五月抵都
贈予時藝近藁

眉豈屑時粧鬥高曲翻嬾里耳聞嗜古酸鹹餘舊業占

科甲乙等浮雲晚香正愛黃花好且共銜盃對夕醺

虛白齋存藁

水街集下

十四

若

去年淮浦掛歸蓬人海重驚解若中北野幾曾收逐日

南圖空說待培風

君於去夏歸淮上謂今歲準
入南關今復應京兆試被黜

問誰端筴去住相關付轉蓬燒燭引杯豪氣在肯將憔悴

悴作衰翁

慰青岑

五千山驛路逶迤

君自甘肅
入都應試

辛苦其如孤負何青眼尚

慳佳士賞黑頭休惜壯年過縹緲家學流傳急

時方謀
刊其尊

公學士石帆 兒女鄉心撥觸多耐把新鮮花樣看

時賦
卷已

出君反覆展閱願知君意氣未消磨

慰微三

同年孫春巖農部視學滇中

聲華粉署重於山疊見枋文

寵命頒舊跡三巴尋赤甲

君於辛卯典蜀試

新程六詔指烏蠻

冰壺比潔心常凜蕩節生輝髻未斑誰說天南萬餘里

王褒曾祀碧雞還

十載長安免索居鹿鳴賦憶論文初星槎喜說三同學

孫補山兩學使

芝閣慙留一校書

時予正充四庫館纂修

低徊春樹遠看花次第夜杯虛

近歲同年過舉真非他會集飲自君寓齋始

年此地重相見應換青驄侍玉除

兄以御史記名故云

送楊二冶庭南旋

子雲工作賦曾說似相如執戟未聞命草元猶索居升

虛白齋存藁

冰街集下

十五

沉難自料聲價豈終虛為語南歸客局門且著書

五度薊門柳衣塵亦久緇片帆鏡湖月樽酒復何時白

眼憐時輩青雲償後期多君歸去意深慰倚閭思

送曹大青岑還淮安

握手追前事相知亦自深客牀聯短夢宵燭和長吟

舊館竹虛前

逝水年難駐如絲鬢各侵衣塵經浣後嬾

問是升沉

人海君休戀茫茫首獨搔暗投珠自在家

曲逾高穴蟻驚聞鬥轅駒笑見勞空煩玉珂送無淚漬青袍

時輩誇裙屐風流記昔曾邇來晨夕數怪作老成稱菊

晚籬香滿松寒嶺翠凝飽聞經蜀棧險處擬重登

壯時入蜀事

茲夕離樽勸明星望欲稀一帆隨岸泊片葉通秋飛西

笑心猶切南翔路豈違淮山多桂樹香氣好沾衣

解州牧李端夫卓薦入都握手話舊率賦四詩

以贈

舊雨西泠彥才名卅載餘百篇驚倚馬一職勵懸魚詞

賦音稀賞循良志獨抒風流今有屬不藉石渠書

京輦逢三度相看鬢各絲頭銜君屢換心跡我孤羈雨

館催燒燭風亭欠舉厄惟應懷古誼高與白雲期

虛白齋存藁

冰街集下

十六

虞鄉古名地人物溯前型官績河清笑鄉賢葉下亭

木葉下柳文暢句柳解人故州人建此亭

政成來薦刻才老驗通經

行幄對揚後欣傳題

御屏

左魚計日縮明陟舊章存善頌及吾輩相須殷

至尊薰風蒲坂曲秋柳薊都門贈別休相哂他年好細

祝母張太夫人七十二首

萸囊香對菊花枝正值慈幃設悅時寶鏡自留青玉案

綠衣長舞白雲司日窺夜績勤猶見花待春與御未遲

此日登堂齊獻頌南山翠色上金危
瓊枝粉署足聲華識是西來阿母家

誥鳳將書銜日下封魚有訓寄天涯長齡高築忘憂館
芳醖濃添益壽花聞說鬢絲身正健未須句漏覓丹砂

黃汀洲六十

齊雲嶺上諸峰出奇秀天門連石室舊游仙侶數容成
控鶴駮鸞海雲密地靈合付高人居黃墩里俗敦詩書
晉時賢守遙遙胄持較程朱得比間先生懷寶羞矜街
舊物青氈此心戀坐擁五車抵百城何須定作金閨彥
六十平頭甲子開早嘗蘭膳步南陔初春花放多晴日

虛白齋存藁

冰衙集下

十七

探取當筵竹葉杯

平定兩金川大功告成恭紀 七言律詩三十首

圖陳益地軌文同綏靖先憑

睿畧雄黃鉞示威馳徼外雕弧懸象在天中渭畋兆合

占非虎涿野師原數有熊

今日蠻髻昭底定劍長何止倚崆峒

玉節金鉦耀

九重當陽

聖主御飛龍直教荒域咸歸版肯使邊庭暫舉烽濛海
多時寬夜戍花門是處樂春農遐宣

神武開疆後更集

鴻勛慶再逢

西望迢迢沂蜀江金川畫土隸中邦頒符夙許稱宣慰
通道何曾隔冉駸豈謂夜郎成自大尚傳日逐未全降
南諧北變昇平際指顧荒籬息吠厖

蝸角交爭左右持上干聲討動

王師受降全甲勞前度起旅牙璋記昔時功在銘鏞師
武力法寬弛罟

聖恩慈軀羸生後猙獰甚鞞鼓重聽繫

睿思

虛白齋存藁

冰衙集下

十八

諸番牙錯鎮相依倣擾無端約法違猩狒笑啼蹤莫定
巴渝歌舞俗全非尋戈屢見戕鄰部鋌險惟聞搆禍機
扶弱抑強

天子事旄牛徼外羽書飛

羈縻州識是唐餘欲殺原非

帝意初單騎果傳回紇帳百蠻應奏尉佗書好音畢竟
誰知革非種由來不憚鋤要隘堅礪看林立疆臣控制

近何如

恩深雨露竟全孤旅拒顏行熾異圖復逞跳踉階更厲
相依唇齒藪同逋魅形早入

軒轅鑑妖羽難逃碧族孤蠢極披猖描謠諺維州橋畔
得窺無

參旗并鉞隊俱齊三尺曾勞上將提迎陣雲生嚴道外
洗兵雨過漏江西便教鬼膽先驚破寧許

天誅或久稽此日前驅臨大渡應嗤斧畫算全低
先指靈旗出

帝階嶂高一遣五丁排謀深剪蔓圖宜早勢擅摧枯往
自詣門堦已除床畔蟻窺天真笑井中蛙試看美諾旋

犁入臬取封狼置葉街
虺蜴潛蹤伏草萊高牙移駐尚徘徊
虛白齋存藎水街集下 十九

頡利相援騎忽來事比東隅容暫失軍如細柳信難摧
和門計日聞遠定嘯狖啼鵑莫漫猜

赫斯一怒凜如神

簡投元戎討必申封豕豈容輕上國短狐枉欲伺遊人
嚴陳刁斗非常肅別樹旌旄改色新直斬樓蘭圖報

主射聲勁旅並忠純

瑀戈塵日劍凌雲萬帳貌貅集勝軍敵愾盡看騰壯氣
會朝旋報斂游氛指揮令假中權握倚角形魚兩翼分
反側再收規進搗先期準擬奏崇勳

天成重阻限平原絕磴懸崖手莫捫嶺雪先冬寒自積

林篁驕日午猶昏玉門闕險徒虛語銅柱標遐詎並論
九伐未容寬負固等間相看作權樊

將將崇升投鉞壇
廟謨密運

聖心殫官占預卜師貞吉樂府誰歌蜀道難問罪聲偕
金鼓震成山米聚

殿廷看岷峨萬里通噓吸不藉陳書蠟一九
龍蛇列陣勢迴環蹴踏偏於鳥道山拔幟呈能資七萃

荷爰効順見諸蠻平添斥堠周防地不盡芻糧絡繹間
如此飽騰新士馬阿誰憑阻說當關

虛白齋存藎水街集下 二十

谷嘴西橫馬首前崎嶇康薩斷還連峯餘蹠掌千尋削
地到鉤心一線穿摩壘每憑風雨夜舞梯多在雪霜天

相持經歲欣攻克遜克宗原屬最堅
尸呈疏屬計無聊為懾威聲等沃焦造壘縱猶遲面縛

懸旌已自劇心搖千軍橫掃無堅陣百計兼攻見詰朝
記取勒圍清舊窟寒空秋半月明宵

獨松隔水聽鳴鶻絨布通時抵近巢諸道揚鑣經索度
一時破竹盡鋒交兵如洄曲驅馳疾陣應常山首尾包

送喜頻稱傳檄定論功第一視前茅
坎穴窮搜孰計勞

天兵四面已周遭渡河屢看收馴象橫海爭期斷巨鼇
合隊魚鱗隨岸澗排空鶴列入雲高定知飛走俱無路
噶喇依空守護宇

飛礮雷破紫焰多轟摧岌岌窘么麼奪關只待傳三鼓
去塞無由遁六羸延喘勢難憑險惡就禽時恰應中和
皇威到此真丕鬯蒲伏軍門盡倒戈

窮首尺組頸交加梯棧鉤連走傳車作霧蚩尤甘裂髀
血人劉關漫磨牙羣空豺虎腥風息樹散虵蟬醜類譁
想見邊氓觀掃蕩香醪準備有家家

丹旌一騎迅飛黃電激星馳向

虛白齋存藁

水街集下

二十一

上方到日風光傳禁火渡來江水是平羌全清笮徼収

區脫正詰

珠丘望鬱蒼鄭重凝床復揚烈

屬車聞喜

五雲傍

晨披銀匣夜論兵五載機宜

睿斷成非是

帷中操勝算可能闔外重橫行自天快睹樞鈐朗奮地

如聞鼓角鳴應識

宸衷寧得已止戈為武義分明

在穎功宜告牧寧

素王居近企門庭特從

東狩申尊禮祇為西征震濯靈蜀賦漫誇珍珣醬漢燧
永報熄兇零雍容偃武修文會釋奠隆儀邁上丁

躬掖

安輿頌日升天門遠望最高層封巒本陋云亭禪紀歲
常欣海嶽增壽宇介

釐開玉策

敬音歸善麗金繩

慈寧普錫蒼生福嘉會千秋觀未曾

虛白齋存藁

水街集下

二十二

獻俘

廟社煥

宏猷蟻腫蛻肱不暫留渠骨畢來誰漏網神人胥竹本

同仇塵消紫陌翔駕侶雲護

黃衣

御鳳樓

萬歲聲中徵吉語保寧城本號無憂

薊門楊柳碧森森夾道歸鞭指舊陰五等並班周爵貴

長歌同入漢關深彩毫冠佩光麟閣

赤輅郊圻肅羽林飲至榮傳分玉醴勞還臺上暢

宸襟

鳥鼠驅除穴徧探釐成樂土勸耕蠶屯留校尉千秋利
騎過嫖姚百戰酣不動星躔分并鬼最高驛路置西南
懸知蕃落清寧後稚雨黎風分外甘

親裁凱唱壯珠鈿

睿藻欽將

天筆無紀石首從巖序內磨崖遙上翠峯尖燕然舊勒
功徒侈劍閣遺銘義自嚴何似

穹碑萬年壽

文經事史聳觀瞻

虛白齋存藁水街禁下

明堂坐治賀登咸

詔下雲端木鳳銜

閨澤更聞周海宇

棧威早見掃天機衛尊徧飲推同樂階羽長馴感至誠

蠡管小臣叨珥筆願摠揚頌附琅函

題宗芥颿孝廉蕩船文學昆季茅屋聯吟圖

把臂長安氣不羣詩人十載隔江雲披圖今日煩親指

更識才名有外君

季真湖曲柳姑祠舊宅誅茅共住時肯道夜深風雨急

聯床暢好續韋詩

方城秀語儕王季七子當時逸唱酬屈指一門真勅敵
不應重數鳳麟洲

作賦摩空亦等閒池塘夢斷句全慳洛中豈少東西廡
未抵家山屋數間

題沈兼山秋夜讀書圖

槐黃忙踏未塵緇花樣新鮮鬥入時想見寒窓深夜月
染衣香在最高枝

裘馬何曾羨五陵蕭齋十笏對秋澄校書天祿尋常事
先試青藜太乙燈

金壇夫子軍勳茂著世職

虛白齋存藁水街禁下

紀賀四首

天成龍馬作精神二府勤勞萃一身壽世文存謨典貴
凝邦績紀鼎彝新直廬晚退公無暇籌幄晨承

旨最親此日征苗策分北去聲夢龍不媿舜階臣

閩外崇膺五等榮疇庸樞輔繫

皇情勞非汗馬功逾茂令是中書考自明契合真歡魚

水遇賞延永婉礪山盟輕車三命

清時爵闕閱何門得並衡

凌烟高峙

禁垣深伯仲元戎位置欽華袞褒馮

當宁錫丹青狀情擅場臨商霖有兆徵求野越國何功
笑鑄金仰見忠誠字一德千秋生面此時心

翠翎文目耀雙圓掩映驚黃騎褶鮮上采久推

今代重殊榮頻荷

特恩宣山人衣合峴希聖良相冠曾數進賢遭際羣工
誰得似可徒詞苑話爭傳

邱石林太翁七十

懷玉山高翠靄深名家希範舊饜窮經學擅細共富
結駟門榮畫繡臨紫氣欲來瞻柱史青陽水駐識天心

杖朝早荷

虛白齋存藁

水街集下

二十五

恩綸錫柏府蘭階共鬱森

題張柙高侍讀水帶山莊圖

經年人海軟紅多每羨春流上玉河一幅先生故鄉水

并刀剪取浩烟波

由來西澗不通潮剩有詩人落句超輪與高齋春雨後

水窓面面泊輕橈

滄關渡水有名地松果山前幾度經誰識清流遺蹟杳

讓泉又屬醉翁亭

鏡曲垂竿亦有圖

予於去歲曾倩王
建心居士繪此圖

久拋老屋賀公湖

秋風夜夜江帆峭一樣蓑羹入夢無

任年伯母史太宜人輓詞 子田儀曹之母

西京舊姓史齊許南國名流沈遜任高行已隨門闕若

遺徽不共珮環沉夜闌應下鯨魚泣春去先灰寸草心

太息賢聲與慈訓桂漿陳處月帷陰

校書東觀南宮容曾捧

恩綸五色鮮樹背護齡逾六十維揚鶴路指三千服官

祇為養猶逮以禮真於孝克全 子四熱於
三禮故云 歸日臯魚且

制淚陔蘭半在故園邊

鄭八楓人同年擢守溫州因成長句寄贈

永嘉巖壑東南奇著稱始由靈運詩日從登眺寄吟詠

水街集下

二十六

攀林跋石神忘疲尚嫌屐齒偶未到龍湫最勝偏相遺

雖云其時屬榛莽靈窟自秘難輕窺何況我生坐蘭裏

孤嶼綠嶂愁嶽嶽定知山祇笑凡俗越甌接壤空爾為

使君昔罷紫微直半刺遙綰閩南陲武彘九曲鎮沿沂

遍品官焙營丹支琳瑯一編獲緘贈如接遊拓窮巔擘

御屏賜對書名姓俄傳遷權符一麾詩人例得山水郡

風流二始存前規同官者誰乃蔣詡 謂冬杉
司馬 不孤唱和

伴堽麓遂令謝公後千載高峯百二重尋披年來我媿

伴螢臺局趣日受他人羈長安話舊客冬事一樽風雪

旋乖離聞君移守喜倒劇純鱸正觸思鄉思青鞋布襪
及時辦歸必有田古所嗆即為州民無不可且赴官閣
尋邀嬉此語南鴻急傳述時冬衫司馬以護課來京事竣回任陳蕃懸榻
須前期

鄭耘門編修同年以家藏

仁皇帝賜其曾祖諭德幾庭先生松花硯見示並索題

句

榮陽編修吾石交才孱羣雅壓流輩丹鉛著作日從事
懶逐輕肥五陵隊門前剝啄惟素心茗椀薰爐絕塵穢
手持寶硯出示客匣以琉璃間雕繪黝然一片潤而栗

虛白齋存藁

水衡集下

二十七

如牙作笏玉為敦窪問小篆金莖披璀璨

奎章銘厥背合座傳觀各敘容心知此物須時從

大內君乃具言其之曾祖某昔官諭德身早退歲次癸

巳

仁皇萬壽年赴闕呼嵩偕冠佩廟堂自昔重儒臣異數
便蕃獲褒賚齊釜駝峯袞繡衣此硯相於僅其配竹舞

彤墀謝賜回留傳什襲更人代後來守器幸無失

國恩祖德均懣載特陳顛末煩紀述所冀隨風落珠咳

我聞諭德曾乘使者車溯水東西有遺愛清比冰壺直

比繩迄今鄉校子衿依然口碑在扁舟歸載同鬱林清

白可遺想風裁宜有寵榮出

上方貞珉同壽徵保艾

御銘以靜為用是以永年八字

幔亭仙去

不復還贏得曾元蓬島重津逮子墨翰林舊業存何異

良疇世鋤未磨研未敢恐致襲合具冠紳肅相對不見

陳留范喬才弱齡遺物手摹動遐慨

烈節棟鄂氏十二首相國舒公季子舒安之室

貞於松柏馥荃蕙種自油幢節使門習禮明詩生小慣

不因紈綺戀身存

迂歸華閣最焜煌竹帛勳名世系光金管于今饒盛事

更書貞壹弄青箱

虛白齋存藁

水衡集下

二十八

勃律天西駐使車尊章那得共庭除尋常定省寧須憶

親度流沙萬里餘

寶鏡鸞迴影忽單春光卅載夢全闌蘭摧蕙隕西風惡

吹向空帷透骨寒

永夜和衣理藥鑪天何術乞重生愁心倒劇翻含笑

恐撼雙闌老淚傾

埋玉臨觀哀復哀相從便擬赴泉臺一時宰木須連理

為向韓娥塚上栽

堂上婁安鬢欲霜西河餘哽尚迴腸可堪遺事慙勸屬

不願生稱作去聲未亡

却前一綫幾曾留慘極蒼蒼籲莫酬却與此身除墨礙

九原臨逝省迴眸

絕粒重餐亦暫聽堅心徐與覓灰釘乃翁家法堪千古

成就從容照汗青

畢命朱絲一擲輕芳顏無改凜如生屋梁新上磨鎌月

照到貞魂特地明時七月四日

典重

旌門詎易叨祇應奇節倚

榮褒草頭幾輩甘求活見否烏頭綽楔高

獨扶名教炳千春上宰親將梗概陳慙愧石渠參著作

虛白齋存藁

水街集下

二十九

只傳寡婦賦安仁

德定圃夫子督漕淮上以京中留別詩寄示謹

次原韻

良覲難久長高懷見話別所感人合離焉知宦工拙夫

子渥

宸睽台階踐清切羣器歸鑑錘衆芳藉舉擲乍返五羊

駕旋持七閩節飛芻

詔暫理攝篆便南轍遂令岳牧班却步讓儒哲駒從已

首塗津亭乏佳設傾觴集晉賢得句邁唐傑其時春小

小早梅座傍列嚼花復浣手百過誦難輟巖屐幸追陪

門竿媿濫竊安流淮海波如掌薊門雪望望情何窮勝
事付傳說

郭母張孺人六十節壽

今子名長發官欽天監時憲科精算學泰元四

庫全書纂修專校天文算書

鬱鬱巖畔松菁菁澗傍竹千尺雪霜封萬竿烟雨沐根

有茯苓蟠葉作琅玕簇皓羽來鶴羣清音聚鸞族緬惟

節母節松筠同覆郁衾桐斷藁砧盤匝具旨蓄畫傳畫

荻教宵課九熊讀周藝數並登唐科算為目學在天文

家榮叨博士祿頃逢開冊府九章資輯錄生律重差分

羅胸驗星宿每嘆鯉庭賢益論萱幃淑

虛白齋存藁

水街集下

三十

天章褒完行坤媪臻諸福繞鄰衣自斑合飴弄初熟請

因壽母壽共捧流霞祝亥首積無窮肯使絳人獨

巴母許太夫人輓詩

放慶家世住天都想見飛瓊仙佩珠不奈雲中仍駕鶴

空餐沆瀣作醍醐

揚州明月板橋橫賓從如雲座自盈多少人分陶母饌

一時掩袂說賢聲

五花次第受

鸞封子舍猶存寄鮓供吳會一江歸權近不堪望斷白

雲重

鶴算經年邁古稀北堂休嘆失芳菲千秋戴勝誇高宴
暫下西池也合歸

題許大若乾風木圖

曾飲陶家截鬢餐卅年光景指重彈披圖今日成嗚咽
不獨臯魚淚未乾

柳九歐荻義方存一綫長延詩禮門樹靜風寧那易得
但攜黃卷當招魂

底須祿養炫千鍾不及親存菽水供一事高堂真慰藉
身衣遊子未經縫

薊門驚看鬢將絲已是慈護告謝時根觸舊腸誰似我
虛白齋存葉

輪君淚灑故園枝

地山大宗伯曹夫子七十敬賦長律三十韻

邦幹乘嘉會著英萃德門勲名漢相裔理學宋儒孫此
斗崇階接西江巨派存石麟摩頂見花管入懷捫展卷
行齊下成文點不煩萬倉充腹笥三峽瀉詞源雲閣先
巢鳳烟溟早徙鯤明經纔象勺通籍遠篋璣騁步清華
地游情翰墨園有人爭御李茲事獨推表跡豈淹水署
聲旋起掖垣使星馳直指御月陟更番垂注

宸迴顧超遷

帝沛恩鴻儀覘奏績夔拜慶颺言駿許驂駟索材看杞

梓掄辭班貳卿列正職六官尊喉舌司天憲寅清典禮
敦

書闡成教肅

經幄荷綸溫錫福榮

丹筆憑鞍重

紫閣共欽知特達難數寵便蕃杖國椿方茂懸弧夏正
暄厨櫻過薦寢階藥傍開樽矍鑠符神健渾淪得氣元
風生猶謾霞舉倍軒軒晚節多餐菊餘芳已種蓀家
禽集鷓鴣庭樹長瑤琨宵酒傾甘醴晨華供潔飧園留
洛中社人望謝公墩松柏齡誰識琅琅曲試翻祝公三
虛白齋存葉

立在千載好同論

送孫春巖同年分巡雷瓊四首

賢書領薦憶曾同廿載光陰彈指中媿我瑣闥班後點
多君粉署籍先通頻煩星使馳王路獨對天庭契
聖衷監察有名膺觀察子珂送處總臨風
斗杓朗曜玉衡移西蜀南滇兩度持元草自尋揚子宅
碧雞常過漢家祠聲華合向勤勞重官職深於
簡畀宜聞說炎方盛文物春風海外又頻吹
堂號十賢峰五指名流勝地溯經過昔時蠻瘴全消盡
此去尊嚴獨占多擬把瓊山作珠浦貪看蜃市渡鯨波

寒帷婦稚應迎笑頰醉檳榔載路歌

相隨折柳蒨門邊南望青山一髮連別璣勸傾無那酒

便程計上總宜船故人嶺海多持節盛事經綸正著鞭

惟有白頭東觀客不離螢蠹閱流年

題徐惕庵太翁松陰調鶴圖

春帆庶常之令祖

雲彩江聲分外奇高人勝境兩堪思鶴翎如雪松千尺

想見蒼顏坐對時

飛來仙羽愛清陰枝上遙傳曉喚音不枉著書多歲月

龍鱗已老碧雲深

莎廳熊軾拳帷久蘭署鷓班珥筆新都向庭階誇盛事

虛白齋存藁

冰衡集下

三十三

披圖何物不千春

塵軟東華足未停鬢絲媿我尚勞形他時仙驥如堪借

騎向層巖刷茯苓

題徐寶岡年伯家慶圖

鐵崖太史之尊甫

仙人舊宅住蘭芎移向長安作寓公許椽全家皆道氣

未妨輕踏軟塵紅

門第江東奕葉高偉長華胄建安豪儘多車駟堪容得

階下新傳試錦袍

閒却鳩筇不用扶齊眉健共把茱萸分甘纔了合飴又

笑對樓桐衆鳳雛

五常最說白眉良領取聲名貢玉堂肯厭著書長閉戶

壺天歲月此中長

宣武門邊多第宅登堂競喜就循陔

太史新構堂名

吹笙為補

白華句蘭膳日調筵日開

夕葵秋樹舊時身迎養欣逢祿速親不媿傳家稱盛事

帝鄉多少望雲人

椿萱未覺堂前老芝玉爭看砌下榮

俱國中景

一段丹青踰

顧陸神仙不待繪蓬瀛

蔡家五世仰前賢佳詠廉夫句並傳

楊廉夫有蔡氏何五世家慶園詩何

似里榮成國瑞合將書錦記他年

虛白齋存藁

冰衡集下

三十四

汪寅清太翁六十

東序編修之尊甫

華鵲單椒秀者英此獨鍾著書消歲月啓座集章逢瑞

氣多森玉哦聲自倚松孤南宵更朗星宿本羅胸

纔舉題糕會欣傳降嶽辰杖鄉椿算永華國鳳毛新舞

彩交斑袖歡卮徧搢紳他時過歷下名士舊相親

家中詢余近狀占此荅之

妻老病魔纏官書積案前經年求上藥永夜理殘編鬚

白難勝鑷腸迴更費煎長安乞米慣休問澁囊錢

汪秀峰農部山館十詠

豎儒拘字詁六經不言真豈知老莊書詞初肯則均葆

之返太初升堂感還淳襟真堂

焦先堅不語但結河湄庵不語亦奚為所貴功德參仁者訥而已英華且咀含訥庵

虛閣拓晴窓長松緬鱗次設設微風過寒香落深翠欣然貞白心雪霜耐高寄翠香閣

少陵坐處好隨意莓與苔為愛一逕深碧色相徘徊客來試履齒合先蓬蒿開莓逕

道素承儒雅是書即為律萬籤富蒐羅插架齊石室選充天祿儲然藜下太乙律素書屋

此心游太虛舒卷隨閒雲飛樓何縹緲勢欲凌高雲上虛白齋存藜
水街集下 三十五

層發長嘯驚迴鸞鶴羣嘯雲樓

誅茅宅便成塗墍亦差了彷彿臨江居隔水簇紅蓼持左周顛盤風味夔塵表
夢陽茨室

運風培圃南猶以六月息失馭不知止力竭遭傾側靜為動之樞澄觀自在得息軒

屋小樓閣連稍遲上明月中庭步未寢風露清肌骨先得讓岫高光明一般窟待月移

九仞期及泉灌溉成膏腴園中足嘉種卉潤蔬不枯用汲並受福無為滌食虞澤花腴菜井

送姚姬川前輩乞假南旋

先生司白雲舒卷何綽綽被

詔紳遺編迴翔石渠閣研搜日以積巨手歸著作一朝謝朋簪長揖就林壑子墨方滿堂相看成錯愕先生才

衆推觀摩欣有託胡舍鶴鳴和而效鶴飛卻繾綣明發懷謀遂循陔樂茲事根至性凡情巨能度側聞龍眠莊

秀絕縱陽郭到時御輿輿流覽傾鑿落直擬圖家慶非止脫塵縛明星耿離筵蹉跎阻歲籥及今春漲好催解

潞河索我抱乞米憂鄉夢頗不惡相送踰春明抱繫增落拓

大宗伯德定圃夫子六十壽詩五十韻
虛白齋存藜
水街集下 三十六

姬雅歌馮翼虞書贊股肱緯經材大備敷歷任全勝在

國重熙洽吾師邁會興勝衣褰碧藻弱冠啖紅綾華蓋看星逼瀛洲與路登詞源傾瀝液藝圃闢榛芳班馬鴻

裁續曹劉健筆凌珍圖披玉璽祕冊貫金繩眎草鑿坡直陪游豹尾垂迴翔安序進清切觀先升自奉輅

車使頻將玉尺憑春官植桃李秋賦貢賢能洪冶鑪生飲虛堂鑑貯冰形惟區黑白派肯混淄澠閑駟多經選

潭蛟亦受罾簇蹄隨電逐燒尾待雷騰瞻斗唐韓愈登門漢李膺

宸衷屬毗倚

天語大褒稱瑣闥成勞積台階峻秩增六卿資領職三
 省慶簪朋槐市無塵處蓬山最上層金貂榮近侍赤棒
 肅中丞旌節舒瓊蕊封圻列繡牋露枝重嶺桂雲翻九
 霄鵬開幕羊城始宣綸閩嶠仍鷁舟催曉鼓鷺墩宿宵
 燈去碣思何已移幢望復凝淮黃行暫駐飛輓乏兼承
 巨舸千帆穩安流一帶激位崇常抑抑績懋益兢兢週
 甲神逾健生申數自應松筠堅比操景慶瑞偕微鈴閣
 風傳籟簾櫳月就絕吹笛諧律呂占象得咸恒師母亦
壽六十
 興慶班行屢文宣署號曾蘭芬感天使麟頂驗神僧案
 舉搖仙佩弧懸對月朔祥飈歸素籥寶氣溢緘繚夏果
 虛白齋存水街集下
 員邱李秋盤淋沾凌嘉辰逢日永好景記霞蒸綠綺絃
 徐撥烏皮几共凭壽杯擎掌露歡曲寫溪藤
 殊錫從三殿後游遍五陵觀河驚浩渺望岱識峻嶒賤
 子伴凡鳥迂情甚東蠅門墻容請席衣鉢及擔登履遠
 欣隨謝香留敬奉曾據鞍憑欸段珥筆傍舩棧稱兇情
 方切雕蟲技敢矜臨風日延佇初旭指東昇
 盧母張太恭人八秩抱經學士之母
 峰高天姥女宗居輝映彤編茶苦餘韋幔煖披春晝永
 柳九勤課夜窻虛丙方星見剛徵壽亥字年逢恰稱書
今年歲次在亥合啟華筵觴鶴髮頭廳座上饌江魚

題王達溪明府哀吟卷後
 臯魚風木怨偏多聽徹哀音廢蓼莪語鶴夜歸華表月
 啼猿秋冷洞庭波從知欲報恩無極但恐傷生孝奈何
 振觸終天舊時恨麻衣衝雪渡黃河余於庚辰冬在都
閩內縣歸里迄今
已閱十三載矣讀兄詩
不禁涕泗之交頤也
 送王尹齋前輩出守懷慶二首
 青箱家世重燕陲味比醇醪宇比芝麗句早留紅藥省
 清聲高壓白雲司名邦出典榮新授宥府同趨話舊時
指共直
軍機事十載追陪情不淺薊門烟柳看絲絲
 風景覃懷古冀州幾多驛路快鳴騶臺烏未羨依朱博
 虛白齋存水街集下
 先生本以竹馬先聞迂細侯到日渡河無恙水時方兼
御史記名河決
 公餘望嶽最高樓龔黃報績循良事好副書屏
 主眷優
 題孔篤齋儲公桐陰清暑圖
 湯沐長安邸第光清芬奕葉觀升堂合饒雛鳳雙棲穩
 百尺高枝蔭正長
 碧陰深處絕纖埃神妙毫端玉樹栽自有杏壇董冠樂
 不須圖取此風來
 題張八笠城玉枕蘭亭帖石
 阿兄真有蘭亭癖佳本珍收四十餘復向長安購斯刻

果然片石抵瑤璣

元摹宋刻總傳聞詳溯源流亦太勤此事業經歸考訂
敢將聚訟再紛紜

二銘軒內多晨夕手搦番番贈素心我說道人原未廢

閒來烟楮遍衣襟張自號
發道人

細審鬚眉殊逼真當年瀟灑出風塵石背有右
軍立像與君別

有千秋感同是山陰道上人

題同年劉八淑庵農部秋樹讀書圖

夕葵負米昔曾憶秋樹讀書今尚堪波始洞庭木微脫

此時好景楚江南

虛白齋存藁水衡集下

三十九

粉署歸來興有餘寒窓結習未銷除勸君葉落不須掃

怕換頭銜作校書

郭編修凌川以任主事松齋墨蘭畫篋見示因

題二絕句

蕭疎幾點幽芳質此筆寧輸釋石翁謂錢少
宗伯能事于何

工辨取鬱盤萬卷在胸中

空谷生來誰見尋偶然寫取屬同心清風披拂故人到

中有白駒金玉音二君皆余
已丑同年

新安曹君侶筮壩在河南時有慎陽令劉君罷

官負重累曹初與識面即傾囊金三千助之事

遂得釋未幾劉捐館舍嗣子貧乏劉單父人閱

十年曹策騎至墓下舉券焚焉並紀詩四首以

誌存歿之感其事有足多者余于長安晤曹君

因為次韻

何必今人異古時拯危罄贈橐中貲論交爾日初傾蓋

媿殺平生說故知

依人窮鳥向懷投緩急真須代箸謀想見雲天高誼在

慨慷不望後來酬

當時虛牝擲黃金十載重泉地下心宿草離離來燼券

霜天野火照寒林

虛白齋存藁水衡集下

四十

此事真堪千載留長安識面羨風流他時我約訪君處

漂母祠前一繫舟君偏寓淮
安故云

題陶少府秋江垂釣小照

折胷官罷便思仙重踏紅塵亦偶然客裏寫真煩好手

泥人鄉景鑑湖邊

雲門東去是君家隱約江邨傍白沙者處烟波多釣客

朝來入市盡魚鰕

一幅秋江剪取時芙蓉如粉柳如絲料量漁具應無數

細檢松陵唱和詩

經年人海尚悠悠如許鬚眉合自由不枉舊盟鷗鷺在

抽身先看 在槎頭

銅硯歌為家念湖進士賦即送其之官蓬萊

念湖銅硯原非銅端州秀質紛青紅光晶既著圭角去
不獨浸潤兼磨礪巧匠尚虞山骨損冶金包裹資考工
試觀其外已奇絕土花斑駁星熊熊何况硯材世希有
潛璞作氣成長虹形樞既古製復異流傳人代焉能窮
自埋塵壤遭啗蝕蕭蕭易水纏悲風珠光劍氣詎長閱
再荷拂拭由耕墾當年同瘞賴泉布紀號元祐宣和中
硯為易水畔農人掘地所得傍有壺錢皆元祐宣和政和年號是硯要為北宋物以彼
定此將毋同宰官身住長蘆側詩筆雙擅騷壇雄手攜

虛白齋存藁

水街集下

四十一

此物喜倒劇川珍第一文房充鼠鬚麝煤肯輕試洗滌
屢約王褒僮齋間楹額藉新換勝事傳說增談叢我思
宣和繪圖稱博古羅列彙鼎邱山崇萬夫犖石起艮嶽
禁園隨處堆玲瓏轉瞬北轅馬生角等閒散失隨蒿蓬
硯在爾時韜藏良有以摩抄已分長作雲烟空何期今
日落君手密置行篋歸牢籠外寒中泐交益固如辨筍
虛憑旋蟲君今出宰東海東用資判牘明而公為儒為
吏理則通護持至寶煩神功蓬萊閣上慎無輕展視直
恐海畔驚起蛟龍宮

陳立巖年伯六十

永齋殿撰之尊甫

秀宇鍾吳會靈書守洞庭輝占少微朗道重太邱型密
理圭藏璞奇銚刀發劖羅胸成宿剌吹氣即蘭馨竹箭
原南國鯤鵬合此溟當途迎疑倒長者過車停居自安
元白心非慕紫青高風殊邁俗舊德大傳經瀛島圖唐
代江都策漢廷名堪儕二宋迹已駕雙丁

驚誥殷承志鳩節賀錫齡齊眉依案玉周甲指階堂鱗
老餘松幹身輕儼鶴形喜開瑤水宴謝勒草堂銘綵袖
翩文藻芳卮溢淥濡南飛慚獻曲遙望德門星

李厚齋太翁七十

企躅著英侶風流足典型仙根光奕葉人楷擅遺馨練
虛白齋存藁

水街集下

四十二

達存遲日聲華自妙齡摘詞五花燦稽古一燈青韜彩
龍占蟄雄談鼠辨颯超羣賡白雪對客寫黃庭劍躍希
全埒鐘瘡恥寸莛江臯輟蓮社嶺表上楓亭羨海夷吾
筭謀生少伯經紵衣交淡蕩珠履坐晶瑩望合躋鶴序
身看鍊鶴形鏡菱高作案階玉繞為屏春小梅先發筵
長琰不停雙鳩欣杖國攜指極南星

虛白齋存藁

直廬集 起庚子春
訖癸卯夏

題春蘭圖應 教

此花乃國香吐秀儕芝玉淡墨妙寫生叢莖染微綠緋
桃相映發春意盎然足繪事關性靈點毫即超俗嗤彼
沒骨稱格早無煩續

游萬壽寺謹和 十一阿哥原韻

春壺鳥勸提小憩此間宜山秀一拳石松高百尺枝繞
壇僧聽法點筆客題詩應羨臨流者塵纓濯幾時

虛白齋存藁 直廬集

李寶幢學士前輩乞養南旋送詩四首

西冷才望重西清卅載人瞻侍從榮
簪毫常驗夢花生

講聞歲久尊前輩

御幄名存佇列卿 先生以京舉引
見記名 一自白雲回首切


九閣晨啓奏陳情

聽鼓應官獨客支全家不遣起居離 先生自官京
職未嘗構卷 慈齡

九十身逾健鄉路三千去肯遲調膳重煩鴻案手含飴

最喜鳳毛姿懸知到日團圍話

予養難忘雨露私



山陰 吳壽昌



幾曾賦別晴魂消寸草春暉報比朝繞樹慣聽烏啞啞
射鳥詞啞與 嘶風好趁馬蕭蕭軟塵已拂脩門遠老屋
液石協韻 猶存子舍饒 先生自言家
惟老屋數間 束髮 皇孫受書者挽留無
計意無慘 先生課讀為
皇六孫
聞陳情奉下涕泗交曉

祿貴遠親成我恨子能娛老歎公賢不辭冰雪衝前路
豈為湖山續舊緣華黍一時廢逸調明星遙夜惜離筵
欲知此後長相憶吳地江波蒹樹烟

送徐西灣同年假旋二首

當時對策傍

丹宸第二人原第一人天上頭街非易換

虛白齋存藁 直廬集

禁中履跡已成陳 兄官編修十二年
內廷者五年 無雙聲價才如海

未老年華髮欲銀此日閒身欣暫乞秋風重味故鄉莼

潞河小漲送輕橈玉筍班虛罷入朝到日金釵符暗卜

歸程蘭膳穩親調紫騮一去春明遠綠蟻徐浮下若饒

我亦周南留滯客心懸京輦旆搖搖

恭和

御製題袖珍書原韻

索管西清集從臣香烟攜處睹藏珍長隨

帳殿行時篋並入牙籤架上陳

手定大文披

乙夜眼明細字寫兼旬諸儒幸近然藜閣不用東都賦
主賓

酒帘二首次汪秀峯農部韻

野店荒荒香滿笏飄揚斜掛恰迎眸輕風尺幅柳傍渡
初日一竿花外樓荷鍾客來埋易得當壚人去渴難瘳
提葫蘆喚春郊近一路踏青攜杖頭

臘前爭賞有新簪城市塵囂舊引眸鞭影共搖臨紫陌
簾櫳相倚出紅樓流涎多為麴車下病肺何煩藥物瘳
記取長安酒家好宵眠長遣月當頭

庚子春闈次吉渭厓前輩試院有作原韻二首

虛白齋存藁

直虛集

三

春深桃李點階苔入院羣銜

寵命來三宿能教心戀起昌於丁酉京五花肯使目迷
回歸黃稿合垂文集自聖諭以震川陶庵兩家標
購者雲集閩洛書傳仰時文準則坊費送合刊其稿士子

睿裁銜命首題用大一事私懷還最幸聚奎堂上

絳帷開正總裁德定剛師

文邀

袞衣復工詩渭厓前輩於考試差引不媿量才柄屢

司念切酬

恩增勵節調成寡和始稱奇扁闈匝月團圞話接座光

風取次披分房位次昌與輸我白頭登第苦此心敢負

九重知

聖駕五巡江浙恭紀五言長律百二十韻

盛際占時泰

純熙懋日強上辛申

巽命先甲向離方治本

端居遠風隨

德化翔黔黎誠引領岳牧敬文章

詔允羣情額

親籌澤國防曰先行

虛白齋存藁

直虛集

四

慶典用是布春陽賀歲支逢子書正月冠王

溫綸宣魏闕協氣普遐荒習吉誦

祈穀

登塗首奉常

五巡蒼輅駕七萃羽林郎

辰建分三朗

鸞和共八鏘清塵扇明庶得氣位勾芒列衛熊羆扈前

驅罔象藏華幢舒翠羽寶馬控紅繮傍旭天喬麗含颺

燕雀颺

乘乾敷

帝範

出震示

皇綱喬嶽姬詩述
衞山禹會揚

省觀調淑序望秩
迪嘉祥擊壤天成
籟歛土作匪昭

融輿既醉保定祝
如岡青甸瞻

宸宸黃圖接

御香燕南攢火樹
濟北貫星漢迤邐
平原道續紛泰岱

旁封雲升靉靄觀
日上軒昂境入三
吳近渠連五壩長

桃花時森森瓠子
口湯湯錯壤兼徐
豫沿波沂衛漳即

今資控引伊古軫
懷裏如駛能迴否
其魚庶免將寒莖

虛白齋存藁直隸集 五

非泛泛沈璧詎茫茫
決塞流斯復波恬
廣可杭三靈孚

默禱九曲溢榮光
岸益千尋築泥仍
六斗量前籌切萬

堰 上策偉陶莊既奏
清河頌旋

咨捍海塘惟修稽
水土肆觀輯圭璋
六十年寒燠三千

里雨暘名都重

眺覽勝景一相羊
虎踞龍蟠地男耕
婦織鄉衣冠數王

謝時代笑齊梁岡
遠猶名蜀江流舊
姓楊蛟門環鐵甕

鶴市啓金閭樓雨
濛濛濕湖晴淡淡
妝入林飄月桂度

嶺響風篁地控朝
宗大潮傅子午狂
鷺濤馳滌汨鯤壑

恣撞搪鐵弩何年
射金堤此日障

皇情勞指畫

睿慮愈周詳捷石
斯為固堆薪詎易
當鳩孱聲泉府鏹

次鞏鹽倉兩浙成
安堵三壘等括囊
紫瀾蒸蜃氣白練

散龍堂正協

熙朝瑞常符

景運昌分墟奠牛
斗順軌並淮黃自
是民依切翻令

帝力忘

豫遊期久待

揆奮績彌彰往歲
安邊徼於時用斧
斨天梯窮鳥道雪

虛白齋存藁直隸集 六

嶺關羊腸關穴嫵
聞蟻彎弧快射狼

棱威驚電掣

定算驚雷破建碣
銘垂石歌鏡鼓應
桐矧兼釐四部矣

止富千箱甲觀寧
倫比酉山庶頡頏
籤排珍卷軸

笈秘貯鱗緇誤必
刊三豕奇逾奏八
琅揔資傾瀝液特

與掃粃糠在昔洵
希有於

今得未嘗萬流咸
仰異百族共稱慶
茲者

車南指相於首北
望山亭森柱桓水
驛迅帆檣俗喜衝

尊便人爭巷舞忙
送

鑿欄拜跽

駐蹕止騰驥陳戲規仙窟張燈耀寶坊絲絲堤畔柳葉
葉穠時葛烟舍吟縑蘭風疇暗插秧

行帷安肅穆

中旨布焜煌

閭澤爰覃被

鴻慈以次償登

朝期選俊在野肯遺良待

詔徵枚馬陳詩

召瑀瑒惟金需作礪在木取為朱葦頌胥經

第斯文畢就

虛白齋存書

直廬集

七

枋藥階增染翰莘野廣承筐名士

禮方厚高年

恩復滂

賜科榮蕊榜

齋粟養膠庠術或傳斟雉占宜叶鈞璜百齡殷

就問一青軫惟殃置寺虛存棘栽庭好蔭棠雞竿清紫

贖狴戶省銀鑄宥過情何極除租樂未央田家勸火耨

歲事驗金穰夏隴黃雲麥冬春白雪糧農儲原早裕

主視尚如傷受

社盈寧室蒙

仁鹽笑場熬波霏素霞移竈聚青霜譚最闕壽

國通鑄為恤商尤

勤修武備爰

飭厲戎行執纛麾殊正鳴鉦鼓自鏗水犀明組練風鷁

畫餘鯨

幾暇松筠契

恩多雨露瀼

丹毫超散卓

奎藻備章相宇宙歸

心鏡江山入筆銚尚懲量吏費重禁里胥張

虛白齋存書

直廬集

八

禹食菲奚損

堯階陋不妨

青旂先鹵簿黃褶傲行裝累實無絲粒歡惟有食漿

安瓿除錦纜

帳設屏雕牆益仰

天容睟彌懷

化雨臧星津通析木日域屆樽桑

敷錫呈清晏

延洪煥角亢兆民將永賴

萬壽正無疆華祝星雲爛薰絃

殿閣涼觀

光繩

聖武行健答

穹蒼渾噩追軒輗規撫漢唐平情符

執契上理屬

垂裳返

駕隨

義御旋

輿拱

舜廊六符三極正四照九衢芳壤奠翰神鼎

虛白齋存藁

五廬集

九

天和寧

帝觴瑞宜推鶴算曲合譜芝房萬國來王享千秋樂阜

康颺言小臣職

曼壽頌

春皇

夜聞大風有感

望裏青楊與碧梧今年秋煖未全枯殘生那許多留戀

一夜寒飈葉在無

題畫卷應教

蒼翠寒光萬壑連置身欲上最高巔夜來獨坐琴橫膝

風在長松月在天

未撫絃時操亦虛何來耳畔聽徐徐不關風起樹聲滿

山水清音絲竹如

天心月到空明色石上泉流自在聲妙處一時歸領悟

眼前真景靜中生

獨往沈思有賞音圖成把臂共深林神仙洞府塵凡隔

古調無絃兩會心

題梅花書屋圖為伊雲林比部同年作

都中乏梅根出窖盆盎設平生愛梅心到此成減折何

來鄉樹思在君獨增切小園舊結廬萬朵皎冰雪當時

虛白齋存藁

五廬集

十

讀書處寒芳骨為徹寫圖聊寄玩清夢紙帳結日日踏

軟塵茲境向誰說孤山我昔游不堪十年別

題瓶蘭盆魚小幘為鄭耘門編修同年作

折蘭供軍持照水芳氣冷下有織鱗游啜花但留影共

在水精域空空繪斯景自非靜者流清意妙誰領

題定園夫子松下讀書圖

寒濤設設起深院掛樹銅鈺光如練小童清立催煮茶

有客觀書坐忘倦鬢鬢頷下長吟髭閃閃目中轉巖電

繪工貌取殊神妙此是吾師壯時面吾師星宿早羅胸

弱冠木天備華選深宵照字杖青藜高座摘詞擅黃絹

經術自能兼經濟黑頭卿貳作邦彥五嶺七閩旌節多
江南冀北輜軒偏清凝燕寢香幾縷裘重歸舟石數片
邇來鬚眉漸已蒼台斗尚書遂高踐燭天文柄久主持
括地名材廣陶鍊

命總官師

詔旨新

主聖臣賢荷優眷肯誇稽古章服榮不隨俗嗜酸鹹變
即今庶務紛填委少暇何曾廢筆硯師云結習除未盡
有益要當屬開卷鯁生幸與立雪階堂號樂賢獲流眄
崇賢堂係吾師歲書之室如游曹倉觀鄴架觸手琳瑯宿生戀百城
虛白齋存藁直廬集

豈足擬尊優三味時聆辨珍膳乃知好學髦猶勤茲圖
如作乘韋先題罷私慚閉戶多龍鱗歲月徒心羨

消寒應

瓜子

教作五首五七言試帖體俱刻入館課詩中茲不復錄

織核紛難數青瓢剖沐中堆盤並佳果虧齒感微躬昌
三十時食街冷錫簫逐筵開杏粥融寄聲茶話客留種
待春風

鶴骨笛

縹緲烟霞質橫吹謝羽毛九仙身自具三弄響逾高吟
近飛龍店聲諧小鳳槽聽來天上曲選夜想鳴皋

鐵馬

簷際響丁東金門鑄不同暫勞絲繫月長聽勒嘶風方
響躍池應連錢行隊空夢殘休倩斷清漏在花中

廣東貢小象

齒短鼻垂垂天南作貢奇難探逾虎穴學步近

龍墀弱藉蒙皮設馴憐出柙遲來庭日長至應瑞太平

時冬至日

李廣印

銅范漢西京將軍右北平鑄名榮繫肘繕塞藉徵兵未
近封侯骨曾隨射虎行終當並彝鼎拂拭薛斑生

虛白齋存藁直廬集

大宗伯定圃夫子復充辛丑科會試總裁紀詩

二律謹次元韻

頻年額俊免才遺有

詔重勞玉尺持望斗聲名寰海重飲冰心跡

殿廷知聯吟鳳味懷前度去歲吉渭厓前輩長價龍門

魏後期昌於癸未薦卷以論病被勒至差喜不材露雨

露春官兩見履蒸隨

四十年餘翰林主文光奎壁位台衡興來得句工誰敵

眼到無花老倍明委佩自留金殿語振衣咸傍玉山行

趨陪絳帳春風近報國心均一片誠

再次韻二首

高詠應懷杜拾遺履聲銜影聽兼持持銜留燕鐵履上星辰少陵贈章

左相士經暗索名流出文禁浮妨哲匠知簪盍一堂公句也

藻鑑燈傳幾輩暢襟期副總裁沈雲椒少司馬暨分校諸公多出夫子門下迴瀾

作障分明在肯使鳧波汎汎隨

鯁生門下亦叨榮屢近文昌佐玉衡昌自丁酉充京兆試分校今凡三次

曾見驂騑開道路又看桃李笑清明高詞白雪難忘和

絕迹青雲好附行願守官箴佩師訓焚香中夜此心誠

定圃夫子以三元詩四首見示依韻奉和

天人科第迥超倫占盡三頭助有神榜目競誇龍虎合

虛白齋存藁直廬集

宸衷深眷廟廊珍御製濟時霖雨儲材重應瑞卿

雲奏賀新百數十年斯僅見由來樂育

累朝仁

手持文運日蒸蒸快意無如今歲增夫子四克續裁去科汪君以會狀聯

更盛矣燒尾盛開春後宴點頭明對夜分燈計偕舊

侶來同賞錢君解頭主司為謝全圖少字臚句

新恩荷獨承錢君廷對卷以第四人進為國得人心事

在私門桃李植何曾

屢占瓊林

內賜筵吳州毓秀浩無邊夫子四科總裁殿撰三條錄人以前蘇人占狀頭者亦多

但未有珊瑚盡入千絲網驥先驅七寶鞭車駟高門

三元耳錢君於入泮後改名江峯好句恰歸錢肯將盛事開稱

迷不愧科名有昔賢

風流六一醉稱翁定價文章入眼同得道共推仙骨貴

傳衣逾信佛門公星辰履近趨陪熟館閣才多唱和工

諸侶於翁學士一時和者甚眾祇愧昔年曾射策春衫孤負杏花紅

清江鄧母劉孺人六十

雲臺天祿兩名家同住江村對白沙芳範應教鸞作鏡

勞身常憶鹿為車甲週秀繞階前五春小開逢嶺上花

試向弘南瞻寶婺一觴好為晉流霞

虛白齋存藁直廬集

張墨莊總憲夫子八秩二首

合將上姓數天邊華閱簪纓奕葉聯高座首推三獨貴

錦衣禁擁小駟旋逍遙韋谷尋初服歲月莊椿記大年

好倩公麟寫生手長教山色繪龍眠

履道名坊舊里居釣遊隨處樂懸輿算同海屋添無數

身入香山畫不如就晚圃英傾醞泛先春嶺萼傍檐舒

鯉庭垂訓惟詩禮重見含芳侍 玉除

陶然亭公餞定圃夫子謹次即席原韻

祖帳寧須賦黯然歡依座主見齊年秋清遠泥巖間翠

亭古高凌樹杪烟幢送碧油花暫折曲停金縷益頻傳

羨師唾歎皆珠玉觴詠風流邁昔賢

髻絲禪榻思飄然竟日長游抵小年剩有閒身陪杖履

親從上界俯雲烟撰辰不覺重陽近紀勝應同萬柳傳

聞說王褒多妙墨好因

主聖頌臣賢

秋初自平則門薄暮抵澄懷園直廬

出郭里三十林園遙望頻雙輪輕碾石側帽暗衝塵葉

悴枝猶戀巢安鳥更馴經過我殊慣祇益髻毛新

恭和

御製雪元韻

虛白齋存藁

已逢盈尺霏霽夜又親連番積素晨三白歲華豐有此

一清

天澤潤無垠玉珂借色趨

朝騎麥隴騰歡飲蜡民總為時和邀

睿賞著花苑樹報先春

恭和

御製重華宮茶宴內廷大臣翰林用七十二候聯句復

成二律元韻

月令文詳時訓篇

呂氏月令原
本周書時訓

幾餘分候

睿吟連繞過穀日占豐後剛及條風解凍前建指辰杓

三統正歲首年月俱
在攝提格平調玉燭四時全貞元迭運初成

歲行健

皇心本象乾

露斯

恩湛逮蕭斯曲宴昇平禮是基博物已勤

分詠矣聯情更

詔合吟之功昭觸類歸

深識恭讀
善政之証御製分詠詩如因虎而辨史載避劉昆

引伸仰義訂沿論藉

虛白齋存藁

聖思如履始之化鷹獵之祭麋鹿角
之解成訂正舊謫獨標定論注疏分挈今始定

專門長媿一經私是日蒙
賜鑲玉如

恭和

御製仲春經筵有述元韻

披拂光風

講幄春敷文盛典逾年循

德該仁智彌勤學經筵講章經書
二題俱分論仁智位正

君師總祐民六籍覃精

幾暇日九如行

算健行身諧儒虎觀分同異

御論親裁解始真

恭和

御製經筵畢文淵閣賜宴以四庫全書第一部告成度

閣內用幸翰林院例得近體四律首章即疊去歲詩

韻元韻

殿前閣後崇文地次第

躬臨淑景移紉纒

賡廷傳和再琳瑯插架

特容遲兼銜傑直趨翔近儒臣有充館職者均係系街不次甄勞拊

躍私蒙恩優叙更昂編摩勤掃葉歲功彈指六年

虛白齋存葉直廬集

期餘三部書已奏定限六年內全竣

充棟編成洵富哉好因津逮問途來壁奎宿應文芒煥

文淵閣建修書始於癸巳歲至壬寅在茶東壬癸年逢水德該乃落成閣前環水制仿亭

波范氏東閣絲綸推碩老內閣即在文華殿南閣臣西

園翰墨慶多材皇子充總裁仙廚法曲

恩優渥遍許簪毫列座陪曾任纂校諸臣

喜溢

天顏宴鎬歌如淵篇籍浩蒐羅言紛要藉衷諸

聖書中體例字畫多光遠何妨耀自他諸書係廣求海

鸞署

清吟堪續在幸翰林院有麟臺舊事足徵歷宋臣

著麟臺故事一書已於永樂大典散篇中編次入四庫以今較視實不足言

盛朝文治超千禩聽徹

韶韻並和

酉峯深貯排籤軸

乙夜勤觀下漏籌館中進書每次多至御覽積卷幸逾三萬

矣分年敢越淡句不

寶珍典重叨清切警字勞微媿泛悠共沐

鴻慈何以報圖書壽世祝長留

王達溪大令六十二首

虛白齋存葉直廬集

瑯琊家世舊烏衣一派姚江護戟闈官跡久從三晉轉

循聲近向五雲依公餘案牘琴常靜仙令風流烏自飛

莫笑烹鮮還小試赤畿咫尺親

恩暉

周甲蓬弧叶夢庚精神龍馬羨吾兄長教對案著簪在

早見成行玉樹生贈紵人多陪舞綵泛蒲節近助稱觥

此身倘作南飛鶴親到長筵話舊盟

消寒應 教作八首

雞缸

繪將芳草門雙雞成化年窰款字題尊奉一卮春殿上

獨留五彩夜牕西樽連白獸珍於玉酒瀉黃鸞飲欲泥
莫便輕誇勞儻從見朱竹垞曝書亭集聯吟韓孟始堪攜

雪水

石鼎誰供鱗眼烹晴窗流液化寒英憑添上界連番白
占取中冷第一清身到空明忘色相味留淡泊見交情
待看巴蜀春消後萬里江波自在生

太平鼓

底須三捺疊嚴更小樣團圞手點輕半面恰妝花豔豔
連環猶響鐵錚錚燈前送臘衝筵出旂畔迎春作隊行
認是兒童等閒戲好傳樂府譜昇平

虛白齋存藁直廬集

十九

紙帳

湘簾藤牀客思清研光又見帳新成高懸斗室隔塵到
閒卧一鈎遲月明夢管剩題牋十樣禪燈長對石三生
不須更伴梅花宿修到前身在水晶

賦得院靜似無僧

禪局寂歷喚誰應入院都如退院僧庭月自明初定夜
塔雲空現最高層非關曲徑身難到却恐浮生話未能
輸與虎溪人一笑偏於塵外覓良朋

菜根香

野外挑歸和煮時瓦盆芳氣自然滋每因撲鼻聞多妙

益信枯腸習最宜調鼎尚嫌羹玉糝登盤休數鱸銀絲
由來淡泊饒真味誦得清芬便許知

煮茶聲

石鼎霏霏細作聲為添微火蒸松明午疑珠露雙莖瀉
旋化瓊漿百沸生催到客牕琴共淡聽殘僧舍梵同清
寒宵寂寞來心賞此是希音太古情

盤香

百和成團巧樣增盤安一柱掛層層篆紋烟縷循環繞
珠曲光明次第升作具都監隨茗椀肖形窳堵傍禪燈
陰分陰寸俱堪惜仔細評量意尚勝

虛白齋存藁直廬集

二十

恭慶

皇上七旬萬壽詩四言一百六首謹序

臣蒙

恩忝廁

內廷伏讀

御製全韻詩始詠

本朝總括前代事則取史義實衷經煌煌乎千古未有
之鉅製矣茲者恭遇

聖齡七表錫羨延洪寰瀛竹慶臣竊惟

皇上崇功懋德包并百王莫與倫比不揣謏陋謹就管

蠡所及依韻撰次四言詩一百六首陽阿下里詎敢妄擬

韻韶惟藉抒芹曝微忱附擊轅之末云爾其辭曰

峩峩長白泱泱混同扶輿鬱積發祥自東天府王會周

幽漢豐肇基億載宅大圖中頌肇基

帝女朱果篤祐斯鍾

聖作

聖述

列祖

列宗德符情載勳集球共堂構

虛白齋存直廬集

五朝洽累熙重頌世德

禹貢夏服職方周邦九州內限暨訖未厖我

朝版章式廓孰雙日域東惛月竈西降頌廣輿

百數十載太平丕基服疇自昔順則誰為成康已小文

景逾卑皇春帝夏倅茲皞熙頌却治

赤龍感夢元鳥應祈

聖人受命瑞兆先幾守魚初鑠謨以烈輝五百為期立

極攸歸頌篤生

冒節歲紀留孰月書罟布在中葦萌於初四和載備八

極自如鍾毓天定正位廣居頌元命

允文偉幹甚武備軀克擅奇表作觀乃符鳳音嘯谷龍

步驟衝乾坤日月誰繪誰圖頌天表

睿曰作聖生而徇齊智周萬類覺先庶黎勞燭寧障坐

鑑奚迷呈露軒豁在彼端倪頌睿姿

天策殊逼選棲類排為善最樂堂名實佳前星早耀重

光有階眷自頌神堯譽望歡諧在潛

首出當陽闔闔洞開蘿圖始席鴻業用恢乾健隆興紀

年亮哉仰承九野俯覃八垓頌登極

陽常居夏元即次春

虛白齋存直廬集

聖人上律刑絀德伸先順後奉常常純純與天合符盛

德日新頌法天

仁皇御宇媿唐放勳深恩淪浹協氣網緼繼序維

皇克艱厥君攸行率乃衣德紹聞頌繩武

首崇孝治問視寢門臚歡頤志錫類敷恩言思維則身

慕長存下觀而化以莫不尊頌大孝

小人知依暑雨祁寒

聖非自聖安如未安絲粒罔累畊桑必殫座繪幽風所

夕是觀頌至仁

中為心法治術攸闕虞典肇啟殷誥載頌

宸衷默契思易圖艱成見不存善轉如圍頌執中

率作興事以欽為先履威惕若持盈凜然

齋名無逸

帝念何虔崑則顧民威常畏天頌主敬

清談晉煽理學宋標實心行政詎藉名要事戒顛預議

屏浮囂

皇猷自遠鞏基不搖頌崇實

輦輅革木階茨土茅逸矣古風陋乃見嘲物力宜惜封

靡誰教繹雕牆訓占白賁爰頌戒奢

晨衣星燦晡食日韜報有銅籤分刻不撓百爾勿逸

虛白齋存直廬集

二十三

萬幾自勞勤政懋勤

殿額高高頌勤政

御女宦寺紫垣旁羅樞輔自重節鉞亦多獨張恢網順

持太阿赫濯聲靈王道無頗頌挽綱

齋宮三宿

郊廟告嘉

躬詣主嘗誠至無譁法服國制彝章禮家大祀克虔受

祐自遐頌虔享祀

霖澤夏沛雪霰冬滂時若偶愆畿輔亟望

躬勞乃聖請命為吐克咨湯責上孚

吳蒼頌躬禱祈

石渠漢彛崇政宋英說書戒勦辨異坊爭

皇啟講幄文華地清

御論親裁與肯闡明頌經筵

登臺觀稼清泐風泠手秉耜黛仗列旂青三推既舉終

畝斯停神倉可儲深盛薦馨頌耕藉

銀潢派演玉葉雲蒸宗正可屬本支是憑

寵賚有加小嫌勿懲世秩罔替逮于雲仍頌篤天潢

我

朝家法諭教最優儲由默建學以勤修既省黃綺亦遠

虛白齋存直廬集

二十四

應劉神器自屬作範千秋頌嚴論教

邊烽速息關月平臨四十八部環衛傾心許聯姻姪不

議繒金長城飲馬安騎駸駸頌撫藩服

帝眷黃髮作朋壽三服榮

宮錦鞍憑

禁驂卹後典重任子

恩覃賦詩感舊觸緒情合頌眷舊臣

九重萬里隔在堂廉

疇咨逸及晝接用占樞垣尤重帷幄時瞻

溫語齊容備悉洪纖頌召對無間

荃慮化茅玉恐清瑛遷除者例

簡放必嚴如形就鏡在口啟絨

睿照不遺象彼天監頌簡放必親

摺專題彙緩急分董上陳

黼座紛紛總勤勵三商明徹百孔甫進隨宣以制羣

動頌闕奏章

三考六計斯典綦重澄叙有方黜陟無墜固獎勤勞復

警疎冗在官毋曠治成垂拱頌嚴考課

幢擁碧油騎先赤棒分守封圻治術宜講息彼鼓柝清

厥訟詒勿令鮑宣虛稱直項頌重封疆

虛白齋存藁直廬集

親民之吏守與令耳弊則滋擾循斯蒙祉卧轍或留

書屏以記悃悃無華月計可喜頌慎守令

鎖院在東文酣鬪蟻開堂聚奎排宴燒尾

法駕式臨其光有煒蓬廬一經庶無輕菲頌貢院

優禮儒臣瀛臺宴舉賞花釣魚雲需露渥輝映奎壁繁

迴島嶼列坐聯廣飄然仙侶頌宴瀛臺

壁沼園門光臨

聖主具禮豆蓬景徽鄒魯黃瓦更覺周彝照庶依何瑞

槐摩抄獵鼓頌釋奠太學

升壇簡閱盛修軍禮兩翼圍營八旗子弟鶴列前排魚

麗四啟茶火甲兵天河淨洗頌大閱禁軍

飛放舊泊平原渤澥臺過瞭鷹賦誇弄獅三膠田獲一

面網解飲醕舉烽割鮮何夥頌海子春蒐

松漠龍城上都茲在地富羽毛令嚴樵採旌門秋設合

團哨倍軍實以修作氣疇急頌木蘭秋獵

夏服既鈞唐弓始引挽強逾滿破的何準殪虎殲熊矢

截成稠紀地紀年傳示靡盡頌善射

勝算實多萬里而近運自

睿謀抒為義憤借籌莫贊聚米誰隱曰不得已其用惟

謹廟謨虛白齋存藁直廬集

格登不靖于闐繼反

天討攸加馮牙專閭奏凱甚溷拓疆何遠苑植蒲桃琛

收琰琬頌平伊犁

雪嶺二酋彈丸危卵負生奸鷲叢假悍鋤逆天誅犁

庭

廟算狡穴一空邊氛永斷頌定金川

列戍天山畊屯互縮給賞有數貽利無限甌脫閒田膏

腴沃產今昔異觀恢我圖版頌廣耕屯

上達下宣急遞是選水驛垂流山程陟嶽騎控飛塵足

忘重蘭域中噓喻稽誤其免頌通驛遞

進賢雍容大羽騷裏青簡自垂紫光先表

褒讚殊優勳名不小烟閣雲臺前型再紹頌國紫閣

梵音國書華言易撓妙用三合印雪鴻爪語習諸番字

窺天巧

聖治同文街通畢昂頌志同文

土爾扈特爾足襪襪絕棄仇邦來歸

王道太濛西極地志增考遠人輸忱異物非寶頌來荒

瀛島諸番驗風鼓柁來即成市巧或踰我貢琛既殷易

貨亦可聞粵之利權闕帖妥頌盛番市

設險守國亦衛民者金湯屹如異於處野三版猶守百

虛白齋存藁直虛集 二十七

雉誰下用備不虞限距戎馬頌繕城隍

常平之設金饑木穰貴賤有時出入無爽委積可移農

民咸仰不飽蠹胥通蓄乃廣頌裕儲備

鳳為羽族芝亦草梗豈若年豐麥岐禾穎瑞應有圖

皇心裁警識緯勿言史書孰請頌不語機祥

議改服色由博士等宜思提劍無煩措珽取別等威衣

補冠頂元魏金源垂鑒炯炯頌禁易服色

薩許松杏

大勳稱首衣奮一戎域規九有粉社東西

珠丘左右集彼鬢髮勞以牛酒頌幸盛京

大河以南土圭中審圖疇迭呈珍符爰臬仰觀嵩少極

天峻甚三秀自開石髓可飲頌整嵩嶽

山連朔代近塞遐覽獅王所棲傳燈猶燄特稽紫府擬

封石礪花採金蓮奇香始答頌禮清涼

東上岱宗齊烟九點觀日金泥封雲芝檢載尋魯壁金

絲冉冉心傳合符千禩猶儼頌巡山左

乃渡揚子江流湛湛上沂金陵鼉梁龍艦財賦要區衣

冠遺範

清蹕五經歲無告歎頌渡揚子

乃達錢唐海門潮送書穴既探湖舟可弄岩堯天目飛

虛白齋存藁直虛集 二十八

龍舞鳳

睿覽時紆歸鞍緩鞞頌達錢塘

火敦巨流

宸慮最重豫充徐揚次第畢綜陶莊肇修高堰載壙澤

國免魚澄清長頌頌防河

濤束龕楮軍裘騰關鞏隄鹽官以避擊撞鐵弩漸迴

玉趾時降易柴棧石歡騰衢巷頌捍海

幾輔高陸頗饒水利淀四十九沽七十二永定既導子

牙繼治順軌洩宣奠安幽冀頌濬沽淀

演漾昆明西山泉沸據京上游戰艦習既地賴潔洄人

資灌漑達於通路輓輸不費頌開昆明

湧九旱七備難盡豫下值偏燕上塵

睿慮給振恐後貸籽其速苗黎獲寧實惠咸飲頌張備

國家兩稅額取有素催科見拙生計未裕

帝予復除追呼免苦嗟欠亦蠲商力舒布頌除逋欠

維正萬方食租衣稅

賜蠲有命藏富至計千億同捐廣輪胥遠今實邁古執

數文帝頌赦糧

轉漕

天庾東南稱最普免再三截留在外丁獲番休戶增藏

虛白齋存藎直廬集

二十九

蓋

帝澤實宏兆人永賴頌免漕

刑期無刑一懲眾戒緹騎久除金科不壞讞成

帝視罪當獄解揭示九衢俾覺聾瞶頌慎刑

三法求情刺宥並載惟仁可過

帝德斯在重或適輕繫即議貸

鳳紙十行雞竿四逮頌宥罪

典學稽古睿智逾濬

乙夜手披燈炬燭燼東觀編呈西清校進不疲而樂勤

踰寒峻頌博稽

塵糜形類濡灑字近訂誤考譌昭然

聖訓目謀斯確耳食易紊西域更圖述微辨韻頌辨析

國書始創一代文獻參用篆體

天筆雄健厥格彌高其傳益遠摹印刻符千秋同論頌

清文

演說三車貝多璀璨啟悟禪闕傳香鼻觀譯以

清文參諸梵漢如如

聖契什澄莫贊頌譯內典

皇上天縱吟咏靡間天成輪妙日課成慣今古彙編仙

聖奚辨六字元音上追紉縵頌御製詩集

虛白齋存藎直廬集

三十

皇上天縱摘文秘殿風水抒機雲霞觀變諸體並臻續

經補傳肖物化工道德日絢頌御製文集

珠勝璇題

奎文藻曜八法殊超三真並妙說參叔重格魚逸少心

正則然獲其至要頌奎章

三希既鑄淳化重校堂先軒後

幾暇偶效臨撫取神鉤搨遺貌傳寶藝林人窺全豹頌寶刻

寶刻

陳農善訪河間雅好七錄罔遺九流畢到新帙珠聯舊

譚葉掃永樂叢殘僅資先導頌修四庫

文淵置閣在東華左問津自長溯源逾大辨采安囊排

籤製座會要特儲

乙覽時佐頌建四閣

挾冊披晨燃藜照夜勞經特獎

恩難罄謝筐錦擎來盤珍攜下交勉告成尅期插架頌加

惠編纂

秘閣置員故事非初

特詔魚官新銜足尚用謹儲藏兼備咨訪芸省迴翔琳

瑯彌望頌增置閣員

涑水紫陽編年考鏡

虛白齋存藁直廬集

睿裁載輯定論取正名分尤嚴浮夸盡更發明有要獲

麟比盛頌輯通鑑

華言自譯國語奚應三史傳謫千年獎聽有

勅務改其名始定並訖有明參稽互證頌正前史

勝朝養士非無義就革除在初屋社於後名易祠新人

傳事舊

曠典勸忠光嶽同壽頌褒前朝忠節

定鼎伊始懿親是任戡削諸方夾輔中禁身後替恩功

高被諧復爵延賞

聖慈茂蔭頌錄
開國勳規

夜郎自大井中蛙瞰觀

光慕華出幽去暗昉自西陲逮於左擔次第徵朝

稜威益愴頌酋長入朝

此焉清暑成都久驗士初橫經人欣握槩建學興教土

籍隨占

釋奠落成雍容冠劍頌塞垣建學

古有朋黨前車可鑑牛李固非洛蜀亦欠

聖主握綱屏遠傾陷所守惟公有言非僂頌朝絕黨月

飲何妨醖法尤宜讀以符護身非懲不肅去爾詐虞敦

其姍睦作息相偕含哺鼓腹頌鄉無武斷

虛白齋存藁直廬集

言孔孟言詞達已足名輩典型

欽示正鵠所尚清真勿競華縟士風攸繫

綸言諄勗頌釐文體

大科肇開鴻詞博學正以歲舉

恩復屢擢網盡珊瑚巢多鸞鶯雅化作人載賡凡樓

英才

秋薦久登春官見佚薪積可虞銓除易室

鴻慈邁取闢門善術佩絃人多彈冠慶溢頌廣運孝廉

皓首觀光青雲氣鬱隊逐黃槐

恩宣丹絳科第既叨無榮簪黻者宿百齡名經千佛頌

賜科者宿

上章元日大朝

金闕時玉紛霏城平勃罕

丹詔鳳銜瑤林花發錫福用敷逮於窮髮頌元日

帝御太和千官肅括湛露降庭需雲在闈着核紛陳笙

鏞上達絲籠攜歸鞭搖叱撥頌正殿

國有大慶馨祀昭察山林鬱蔥川嶽垓圮展幣奉香星

軺載幸福洽神人庶徵次八頌告祀

王朝錫命崇封爰設受爵雖殊推仁不別

寶璽霞舒鸞章錦綴前望有光榮逾綽模頌錫封

虛白齋存藁直廬集 三十三

沈璧奉芟決口自若默禱上孚

皇心有恪風伯力撼馮夷勢落道復隄成神助冥漠頌神

河自塞

彼土烏思金仙是宅震旦靈區須彌道脈鷲嶺過來獅

林式闢請祝

聖人同皈帝釋頌佛國來朝

仲秋既殷西成羨錫河直若繩魄盈如璧天瑞正月中

吉載迪璇幹燐煌珠囊的際頌八月良辰

五五相乘儲官育德九五

龍飛紀年適值誕啟

聖齡咸躋壽域春秋八千莊椿初植頌七旬

而康有徵日強是習健若園象倦勤詎及德克為符氣

母自襲

寧壽致政期逾八十頌康強

天貺滋多蕩蕩閭闔祝華情殷呼萬響合蘭膳斑錦戲

舞環匝逢吉綿縣承

歡屏榻頌蕃祉

蹕駐仙莊山梁性愜貢匭罷函嘏詞捐篋

慶典既卸

冲襟彌協祛泰黜華垂型萬葉頌却慶典

虛白齋存藁直廬集 三十四

司天紀歲重書花甲壽角天旋卿雲日夾齊彼升恒卜

諸競業小臣 矢歌用抒欣洽頌享延洪

題小照二首應 教

清如秋水藹如春自是瑤林玉樹身傍日光華先早占

隨風唾咳並堪珍牟尼入手含輝潤都護當頭耀彩新

謂孔雀翎也 別有雅懷塵表寄薰爐茗椀座長陳

洞府分來上苑西翠巒當戶沼平隄有時金鉞雙連中

到處牙籤一卷攜從獵晚歸憑躍馬抽毫晨起候鳴雞

若非賓客郤敢在脩竹名園敢湯題

洪午塘司馬卓薦入都話舊為賦二律

十年而近蓋重傾驚看顛毛雪共盈但指迹駒憐過隙
幾曾遷木問流鶯松筠門館留殘刺鷗鷺襟懷話昔盟
眼底循良膺報最不將所學負平生
分符久駐大形西小憩長安爪印泥閒語能教三伏冷
高情不覺九霄低河汾士羨經親授漢上襟慙句湯題
未用白雲南望切鄉心我亦戀秦稽

徐寶岡年伯七秩

南州望族蔚名賢簪紱遙遙華胄傳一曲湖山棲跡地
九衢車馬旅遊年明珠老蚌含輝遠翮羽雖鷄得路先
未用襄陽說著舊 盛朝悼史足青編

虛白齋存藁

直虛集

三十五

芝玉階庭綵服陳南陔就養使槎新中秋節序長看月
七十風光總是春共羨攜筇身似鶴恰逢對案鬢如銀
彌佳蔗境從頭說晉錫崇封耀

紫宸

鄭楓人同年卓薦入都過余話舊賦贈二首

使君治行起東甌聲冠吳州更越州計典自應書上考
褒章端藉砥中流郡饒山水留清賞里訪鶯花續舊游
珍重承明曾倬直巢痕迴指鳳池頭

流光逝水跡浮雲往事齊年尚足云冰作頭銜空老我
風揚黎庶早輸君松筠晚去仍同操鴻鴈寒來易別羣

記取長安重聚首一杯殘臘話微醺

題清漣晚汎圖應 教

仙源平似掌風引縠紋生天上試移權坐來心跡清
嫩綠絲絲柳媽紅柄柄蓮非香亦非色空水自淪連
魚鳥與人親悠然會心遠時聞欸乃聲不覺晚風晚
初月照安流舟行不須帆上聲置身碧漢高一笑客槎汎
超然白描手纖塵得到無洞天人莫識祇擬輞川圖

得舍四弟黔中近信

小邑聞頻試辛勤六載餘於家竟無補作吏果何如命
合清貧守交緣拙宦疎長安吾已久不獨近難居

虛白齋存藁

直虛集

三十六

題洪鈍谷孝廉豚望窠圖

小築山齋拓百弓堆牀插架坐成叢不須高語同南面
祇認前身蠹字蟲

竹莊花院等閒居閉戶年年但著書一飽無如文字便
撐腸卷已五千餘

生涯螢雪歲華饒抵作青藜照讀宵好在君身有仙骨
未妨芸葉更輕燒

金意山明府飲香園二首

桂子三秋最佳景西湖擅勝舊流傳羨君曾向湖頭住
分種閒齋幾許年

前身金粟是耶非
冷露無聲月有輝
好取餘杯夜深醉
一時芳氣上君衣

題鄭楓人同年感春圖四絕句

花開如臉柳如眉
消受東風幾度吹
一樣飄零留不得

惱人春色曲江湄
廣陵之曲江也

畫閣雲高珠箔低
舊時燕燕穩雙棲
歸來公子重相見

落盡空梁一院泥

雪中一印存遺跡
石上三生託舊緣
怪底禪心渾欲起

散花天是落花天

曉逐行雲一夢空
披圖此恨我偏同
願參露電如如語

虛白齋存藁
直廬集

共證維摩丈室中

質郡王仿小米遠岫浮雲圖謹題二首應教

雨後林巒點筆成
淋漓墨瀉翠烟生
披圖動色一堂滿

此法襄陽曾擅名

小虎當時繼老顛
畫家妙悟本從天
晴牕長日閒臨仿

別具精神勝昔賢

為富竹軒大廷尉題秋江行色圖

擬買扁舟一破攄
烟波近落洞天間
羨他兩兩江心客

看飽秋深著色山

題王敬輿觀察蓼汀漁笛圖二首

清遠吳興地最佳
未秋紅蓼已先花
一聲橫笛板頭起

知有老漁三兩家

烟波尺幅渺無際
中著釣徒張志和
青筠綠蓑足漁具

何如三弄晚聲多

題出獵圖

溪山久別踏塵紅
我夢湖頭作釣翁
輸與此君多意氣

呼鷹盤馬朔方風

哭孔莊谷農部二首

聖裔君無愧為儒
實粹然但期躬潔養
豈為樂歸田一

病醫難效孤兒天
可憐第三個心傷千墨別七載

虛白齋存藁
直廬集

已重泉君於丁酉年乞養歸里

中歲愈勤學明憲日著書
契交遺集刻並刻載東原善

本借鈔儲即此成弓治無令飽
蠹魚長郎吾快壻相勗

涕漣如

癸卯正月十日

乾清宮普宴宗室敬依

御製元韻恭紀

仙源積慶盛依綠
博叙

鴻仁禮特全章服已傳

頒渥寵乾餼猶厯釋餘愆

恩加屬籍親庸展班首崇勳賞世延耀武翠翎紛納陛
辨儀黃綬肅登筵

燕朝大內闈重九龍種殊常座邁千與宴者一千餘員翼子詒

孫澤斯在綠江白嶽秀其然分珍競捧雲霞綯

賜醴榮霑雨露先直以河山申漢誓魚於釣樹序周賢

析豐答

昊天心眷施惠乘春木德宣喜起舞成呼

萬歲乾隆卅八太平年

春雪次韻應教

二月今年晚陰重登樓雪霏看交加節當寒退免成凍

虛白齋存藁五唐集

天為春遲催作花此日聞歌來郢曲何人烹水味陶家

遙看別苑趨朝路滑滑銜泥一道斜

恭和

御製慶得元孫原韻

五世同堂第一珍載賡有

詔遠詞臣史傳僮事稽前典

天啓殊祥福

聖人奕葉雲仍光正遠萬年章部

壽同臻

古稀天子古稀瑞慶澤咸歡普兆民

觀閣立本山水卷

不施渲染點丹青點用朱渾厚精神異後來重是唐初學

士筆休將真贗費詳猜

老騾已斃命瘞之

廿年薄笨走塵縹緜轆街心我亦疲童僕去來梁燕似

算來輪爾久相隨

已老難將瘦骨存哀嘶一斷入荒原敝帷只是尋常物

不用他生記主恩

題孫秋槎明經憶梅南權圖

小車輕轆六街塵 帝里鶯花最泥人及早潞河歸櫂

虛白齋存藁直唐集

泛關心祇在故園春

索笑曾巡檐外枝知君惜別未多時不須遠夢空相憶

準取重攜舊酒卮

寫得寒香寄素心自題佳詠滌塵襟此間半是江南客

若個花前挈伴尋

詠闌玉回人應教二首

抵鵲山前路盡通花門內面久從風即看良匠經營意

長遣天西在握中

彼方珍產彼方人肖出狷狷亦逼真下場曾記畫師圖

職貢一般裝束樣重新

虛白齋存藁

山陰 吳壽昌 泰交

驛程雜詠 癸卯典試廣西作
起五月訖十月

涿州道中

河道流鶻指涿州虹隄百尺巨中流樓桑村裏童童蓋
及見居人舊姓劉

黃金臺

千金稱市駿士以禮為羅翻覆燕齊事君臣契合多風
流餘感檠臺古鬱嵯峨冉冉征途客停鞭一浩歌

白溝驛雨後晨發

虛白齋存藁 驛程雜詠

急雨夜如注曉來晴霧披漫流清到澗新沐翠浮枝馬
健行宜早天涼候較遲明朝逢六月高樹少蟬嘶

是日午刻抵金臺驛復大雨次日途中口占

入夏京畿曾渴雨恰逢交月夜連明好紆

舖座劬農意且緩輶車奉使程漠漠川原丹旆繞油油

禾黍綠裝迎定知疆吏郵章報尺寸深量卜順成

將抵定州道間水漲

一望平原欲問津渡頭三尺遠鱗鱗車舟馬檝循環用

莫笑吾儂是越人

定州道中

形勢中山冀野雄慕容竊據舊營空居人解唱安陽好

千載風流韓魏公

白瓷聲價並官哥小器流傳值幾多我愛率更修楔石

不分肥瘦且摩挲

定州曉發至新樂

復與侵曉一肩輕薄絮裘衣暑未生夾路栽楊不栽柳

蕭蕭葉葉作風聲

渡滹沱河

鎮州城外面滹沱泰戲山來湧惡波 禮記惡池舊滹沱
之說惡恐即泰本一駛何曾殊竹箭無梁直欲駕龍鼉
紀水冰惡之惡

虛白齋存藁 驛程雜詠

沫生馬腹中流聚冷帶牛蹠下隄多麥飯蕪蕪尋往蹟

空亭日落草盈坡

途中見賣新木棉花

花開吉貝慰號寒入市連筐曝未乾記得家山沿海住

沙田無數雪成團 吾鄉沿海俞山居
民皆以種花為業

曉行

績成殘夢半迷離催上征輶僕尚疲笈店板橋經宿處

曉星野水獨行時但憑短褶嚴裘便未許長鞭策騎遲

見說前村應換驛淡烟幾縷報晨炊

邢臺縣龍岡驛中作

迴伏岡巒勢鬱紆黃沙徧野馬行徐繞逾祖道一旬外

已隔 神京千里餘示病維摩工謝客順德守洪素人龍岡書院山長

鄭健亭俱以聞歌墨翟慣迴車明朝應上邯鄲道擬向

仙翁問起居

過沙河縣

流沙吾未到想像此間同但滯輪蹄跡難成草木叢有

紋波共折非冷雪浮空遙憶西陵岸潮平踏未窮

呂翁祠

大道邯鄲匹馬遲石壇花院訪仙祠行人夢境初尋入

那得黃梁就熟時

虛白齋存藁

驛程雜詠

二

叢臺

昔時袷服久塵埃消歇繁華轉可哀一種舊聞閒比數

燕金臺勝趙叢臺

磁州道中三絕句

山椒犖確徑難分似過盧溝與密雲莫道此間程稍短

午行漿汗到斜曛

漠漠滄陽千頃田看飛白鷺叱烏犍江南畫景分明在

只欠垂陽繫釣船

半栽蘆荻半栽荷夾路青紅映碧波暢好勾留行客住

微風吹送暗香多

渡漳河

清濁雙源異經過漸合流已需舟楫濟相與水天浮沙

篆隨波折鳧盟狎隊遊笑他疑塚發心力盡磁州

韓魏公故宅

歐公作記蔡公書畫錦堂前舊里居片石最榮題墓日

五雲先奏唱名初同朝元祐勲誰並私第安陽樂有餘

莫笑平原墮世業夢華東汴早邱墟

即事口占

郵程分合總隨宜較短論長好預期輕騎耐行沙淺路

熱衣徐換午炎時城荒半壁歎黃堞柳老空腔踈碧絲

虛白齋存藁

驛程雜詠

四

排日傳餐煩地主不妨歇馬便題詩

經湯陰

岳將軍獄寃誰雪嵇侍中衣血尚存西晉悠悠復南宋

千秋此地弔忠魂

美里故城

囚中重卦演庖犧八八流傳繁象詞彈得當誅臣罪操

不知憂患值明夷

謁岳忠武祠

肅孫祠生某送近刻忠武文集一冊

謬成和議主臣同孤負天生報國忠難贖百身三字獄

竟墮一旦十年功墓田近接于司馬居里遙傳嵇侍中

手拓荒碑證遺集靈旗鎮日滿寒風

淇水

石橋激注響琤琤映水當時竹檀名取作榷材并箭筈

用漢武及
冠恂事 林園無復綠陰生

殷太師墓 據書太師
當作少師

策馬殷郊過獻歎古墓傍三仁共休戚一死獨興亡刀
鋸丹心在松楸碧血藏更摩題碣字聖蹟並垂光

觸熱吟

百里策魚程適與午曦遇赫赫張火傘司權赤燥怒炎
風出壘籥並就洪爐鑄金石將鏢流行人得無怖我來

虛白齋存墓 驛程雜詠

坐肩輿幃帷四旁護絺衣不知薄羽扇名空慕僕從殊
可憐控鞍馬頻顧鞭之不肯進戀蔭道旁樹而况眾昇
丁喘汗何由住更番望及堞止頓數爭步增給飲漿錢
以防暘前路頗思入境時間亦諳疾苦袋起禾待插田
坏指難布心籲皇天慈及此甘霖澍枯蘇暑為滌四野
欣泥渡自然塵土清戒途促前赴

渡黃河二絕句

經年塞決費儲胥纒慶恬波

睿慮紓叨竊使槎安穩渡永看此地免其魚

隔隄楊柳望蘊蘊掠水魚鷹沙路諳十幅布帆風便送

回頭身在大河南

望廣武山

望望廣武山劉項戰場弔成名即英雄莫將豎子誚

家繼南農部殉四川木果木之難家口流寓衛

輝時其同年朱公岐作太守蓋依之也今夏余

典試粵西道經是地遺問消息則朱公新遷廣

南運使攜之同赴任矣古詎高風感而有賦

萬里忠魂逝不歸遺孤他寄信音稀 不聞消息者
已年餘矣 故交

盡似朱公叔那有任即歎葛衣

六月十五日早行

虛白齋存墓 驛程雜詠

曉日將昇月墜輝黑雲野徑尚素微候人燒炬煩前導
驚起林鳥踴翅飛

經裴晉公墓

親破蔡州迴魚稱將相才生逢辰歲正莊向午橋開白

社文章共韓碑勲業該龍鍾慙及我下馬獨徘徊

鄭州道中

繚曲鄭州道霏霏塵土輕樹依原上見人墜峽中行添

洧流相合田疇伍易明閒心訪遺俗適館古人情

道傍見藝萱花

土人名黃花菜
曾向忘憂館裏栽薰風吹送滿畦開應刪花譜添蔬譜

頓頓行厨入饌來

望嵩嶽

峻極嵩高峙雙室大河南去望迢迢天中位正神凝秀
霧後雲開翠建標瞻禮有心持絳節登封何地上丹霄
三花樹在今應長好待洪厓舉袂招

許州晤同年朱省堂時署牧篆

許昌地要據通津過客間將舊俗詢都會遷移餘漢魏
里居佳勝首荀陳迴瀾已奏防川績膏雨方思普澍仁

時境內
晴雨 幸遇循良有朱邑縱談今古洗征塵

臨穎驛館貯青蓮花

虛白齋存藁

詳程雜詠

七

臨穎城邊碧沼縈青蓮香起引人行身非居士塵難染
費却甃餅作供清

層層鏤玉卷波空瓣底迴環界小紅參透色香防破戒
只應端坐座當中

郟城外津渡土人名樂安河水甚清

曉發郟城外方舟野渡橫我來二千里此水最澄清雲
影空潭瀉沙痕碧浪生塵纓便堪濯休問大川名

宿西平驛館聞雨

隨車非我分誌喜此情同雷送千峯外煙遲竟夕中嫩
涼先伏到餘潤及塵空明發登程處行行馬步工

雨後曉發即用前韻

夜雨曉仍發郵程計日同徑穿濃蔭下人雜鬧蛙中障
敝沾泥慣衣生斂汗空課畊多野老拍手謝天工

過遂平館王氏小園次辟間張鏡壑前輩韻

雨後清陰覆綠苔到門小憩隔塵埃園中有主無煩問
不為閒情看竹來張曹索見園
主而不出

結構經今又幾時藤梢橘刺長參差白頭難稱花簪帽
慙說紫薇相對宜園內紫
薇盛開

明牕四拓曲欄風點檢圖書一榻中長日坐銷須底事
下階催放白鷗籠

虛白齋存藁

詳程雜詠

八

確山道中

沃野平疇千里間馬頭看遍汝南山應教鞭鐙俱重換
前去申州武勝關

初伏日甚涼

伏日正宜暑何來涼意侵大都經雨後而又入山深枕
茗能清腋盤瓜不鎮心林端幾行樹幽咽聽蟬吟

見牛舩犢

也是尋常愛子心共眠芳草護清陰不知來歲春耕日
能替犁泥幾寸深

德政碑多就仆者

伐石姓名鐫磨治仆道邊已供牛礪角誰屑馬停鞭常
蔭堪留憩江清或贈錢循良憑萬口千載若為傳

水田白鷺

幾稜僧衣似飛飛白羽鮮灑當梅雨後立近蓼灘前舊
侶依難在新程入堦延獨留間適處無意學鶯遷

渡淮口號

清淺纔看沒馬蹄胎簪地近發源齊那知流入江南界
能刷黃河六斗泥

岸尚窄時生浪否舟初橫處避風無支祁未是此川怪

枉鎖楚州洪澤湖

虛白齋存藁

驛程雜詠

九

信陽山中

平遠山環合行行作旋螺疏泉禾壠潤覆舍竹林多茶
話逢僧歇絲鞭指驛過古來冥阮塞日暮起樵歌

山中曉行

四面溪山馬首圍侵晨烟翠點征衣林間啼鳥多饒舌
喚起人行復喚歸

行信陽山中兩日矣成五古一首

乘郵過信州兩日皆山中昨入今始出所見殊不同入
時乃平岡旋繞如螳封策馬陟其巔四顧青濛濛今晨
戴星出條驚起伏重平明遂縱觀突兀排碧空異境屢

開闢側嶺兼橫峯有如冶女笑舞袖翻春風又若壯士
裝森森矛戟雄孤峭卓玉筍簇攢擊芙蓉綴以篁石秀
滴彼嵐翠濃轉苦應接疲名狀馬能工我生本巖壑朝
夕雲烟供廿載長安居久屏游歷蹤名山綠不絕復此
開心胸何異面故人千里欣重逢相看詎厭飽足令饑
腸克所虞徑多窄每由鑿險通危壁倚削立寒溪俯淙
淙前驅步已顛後騎徒雍容

過武勝關

崎嶇上危石結隊盡騰喧澗斷安橋窄峯迴引炬昏驚
鴉匝池樹荒犬吠山村行路難方始臨關莫更論

虛白齋存藁

驛程雜詠

十

經應山縣吊楊忠烈

時愈危時臣愈忠劾璫氣盛過移宮容城逆後應山繼
兩疏垂光日月同余以庚子冬奉命分纂明臣奏議而公疏皆經披錄彈劾之章如此

兩疏真千古僅見也

行至孝感見烏柏

驛路東南異鄉關見莫由驚心烏柏樹紅到故園秋

見殘月有感

殘月如新近曉生沉鈞水面有魚驚莫嫌餘照已將晦
猶勝東方星啓明

早禾已熟

六月山村風正薰青疇一半割黃雲長官相見無多語
喜報今年稔十分孝感今歲大稔時
家欣木少府云云

棉花

是草原非木花名與實兼苞含鴛粟小葉簇鼠姑尖結
處纍纍白抽時縷縷織天心廣衣被此種後來添

漢陰見桔槔戲占一絕

銜尾翻翻手作輪炎天踊水漢江濱機心未必從今始
抱甕當時有幾人

蚊聲

羣聚成雷夜市暝俗以蚊聚
為做市此聲水國舊曾聽年來戀

虛白齋存藁

直承明宿不用羅幃夢不醒

自灑口渡至漢陽

江漲乘秋發平增問渡勞青連雲葉濕白湧浪花高滿
口日將夕漢川風尚號計程纔卅里竟日此週遭

漢口鎮

塵市殷闐抵大都我舸巨輪榜人呼平生游跡閱南北
斯鎮果稱天下無

自漢陽渡江至武昌

憶昔揚舸自江左瓜步洲邊春澹沱願將破浪乘長風
壯心當日私許可經歲池籠限魚鳥一官拓落點青瑣

今秋蕩節遙持行直向上游泛輕舸江神是否舊相見
應笑白頭非故我正逢巴蜀漲天下浮天無岸高裁我
擊楫中流愴容與一氣渾如黃在卵此間割據孫與曹
鷓蚌相持僅公麼石頭畢竟豎降旂守險那堪憑鐵鎖
千秋幕府鎮鄂渚常借江流消劫火我來先到黃鵠磯
高上仙樓片時坐挹取萬頃波汪洋澆盡平生胸磊砢
城郭人民兩不問但看雙丸宛轉向空墮行行郵籤有
預期前去瀟湘便鼓詰朝柁

武昌詠古

紀南江漢炳靈餘形勝堂堂指掌如峙鼎心雄吳大帝

虛白齋存藁

苴茅禮僭楚熊渠蘆中窮士憑誰識鶴背飛仙自昔虛

鄭重上游開府地何人不愛武昌魚

沉碑運甃兩臣功吳下無煩數阿蒙參佐南樓酬皓月
舳艫赤壁付東風年如公瑾何嫌少興似元規未易窮

三國六朝遺跡在石頭更有可憐忠

漢水陰連漢水陽登臨千里見帆檣依依官樹搖楊柳
藹藹山雲下鳳皇客路送人逢大別閒情說夢陋高唐

東吳西蜀歸憑眺絕頂層樓接混茫

散花洲畔花仍發廣譙亭邊譙又醺萬古真狂禪亦可
讀乎
處士一時小異孟參軍尋梅野步詩人興吹笛江城遷

容聞未許陽春矜絕唱郢中歌曲日紛紛

又占一絕

天教江左速揚塵狎客無愁作主臣太息寧南真孟浪
誓清君側爾何人

登黃鶴樓

磯邊百尺最高樓曾枉仙人駕鶴遊縹緲已隨雲北散
朝宗長見水東流誰家吹笛傳遺曲過客題詩避上頭
回首三千隔京國關風伏雨又初秋

至武昌宿僧舍

郵館渺何處此地向有來栖青豆房數弓半奉佛餘隙
虛白齋存葉解程雜詠

對安牀與孫寄園正值鬱蒸候時延返照光浮爪修故

事剖取鎮心嘗學使家白華前

山行聞畫眉

嬌於百舌巧於鸚鵡是爭雄占獨枝莫倚山深好藏翼
雕籠為爾買多時

稻間露

雨露同稱功正侔騰文時節值清秋侵晨數遍千畦稻
顆顆明珠綴上頭

松棚

小市綠坡集棚松出近林支簷分秀色覆屋共清陰驛

騎經行熟村農坐話深舊廬饒此景應費夢中尋

見種松秧有感

千霄材質最稱良纔見如人尺許長全恃十年培養力
莫戕斤斧莫牛羊

過河南宜溝驛時食鯉魚甚美今宿山坡驛庖
人進籠亦精潔戲以詩紀

千里遙相接經營兩度鮮烹珍六鱗備羞取四裹連口
腹累無已江湖思渺然何當歸鑑曲親釣一蓑烟

熱甚

炎官退令甚新除三伏中當七月初避暑本無荷院曲
虛白齋存葉驛程雜詠

透風難得葛衣疎層冰赤踏思徒爾深甑遺炊坐竟如
枉說頭銜寒徹骨此身祇合玉堂居

自山坡驛至咸寧界多見松樹

漫山翠色迎眸見夾路濤聲沸耳聞驗取貞心無改易
雪霜時候再逢君

蘋花溪

白蘋花發點清溪水面風香貼貼齊作隊紅蓼爭採擷
更無人識葛洪妻

即日

長短亭如織溝塍官道旁亂髮圓笠覆孤客小兒裝村

榨收桐早溪棹灌芋忙邈迤歇前路松舍有新涼

古意

田間鳴姑惡鳥田中生慈姑草慈姑葉爛會有時姑惡姑惡天難曉

烟草

烟草來何時藥經昔未載亦名淡巴孤抽葉類畦菜藝之遍沃壤不獨傍邊塞編篾風使乾對絲火經焙市販勞舟車名品揭闌闌遂令飲食餘別有風味配勺小曲銅范管長細竹裁吸取憑炎光噴薄出雲采其芳襲馥郁其氣結暖暍醺人釀與同肅客茗堪代或以相思稱

虛白齋存藁

釋經雜錄

十五

嗜者艱割愛時賢談經濟妨農致深既去此種稻梁益以廣鋤未吾意不謂然民利於斯在譬彼禁酷時何嘗秫田廢上以供算緡下亦佐馨歎驅瘴殊有功導滯更無礙因思番舶奇鼻飲能幾輩

抵港口萬年庵用家白華學士前輩韻時七月

七日也

衆峯何盤盤幽境落雲際觸熱向山郵憩茲清涼地溪澗響琴筑松篁弄青翠解衣炎為祛舊履時倒曳循廊撫遺蹟深刻見題記流傳香光翁曾書額楹字楚中寶左遷視學乃餘事見明史本傳揭示安心方勞勞信多蔽此

庵經浩劫結構出塵翳無若與天親相對作昆季時與孫考

國檢討同

允藉宰官力

庵係何曙亭明府重建

可無久客淚夜關

視絳河照我拓牕睡清夢有殘時戴星控前騎

臨湘縣

前去湘南路纒傳一郵撐空山卓影墜岸澗分流篁

粉深含翠萼絲細帶柔感懷騷客地哀怨若為留

長安驛

發軔長安邸舍中三千里外驛名同沉思欲寄長安字

惜有南鱗少北鴻

至雲溪驛遇雨

虛白齋存藁

釋經雜錄

十六

溽暑蒸方極連朝雨自東巖腰遮黯黯雲脚隱濛濛禾

黍連畦水旌旗列戍風前宵苦留滯不為記湘中

聞絡緯

唧唧空籬不斷鳴風前露下作秋聲幾曾驚却機絲婦

但促征人趁曉行

雨

勢從水複山重急聲在高荷大芋寒到處野農齊額手

不妨行客歇征鞍

登岳陽樓作

岌岌高城渺渺湖憑欄縱目楚天孤文章宋記范文唐正

詩少陵壯形勝三湘七澤殊萬里白鷗真浩蕩片雲蒼
狗幻虛無始波時候木微下秋雨秋風感故都

樓上借孫奇園檢討夜坐絕句四首

洞庭秋月白於銀照見烟波不見津今夜定猜仙侶過
岳陽樓有醉吟人

估客心豪路慣經船頭吹笛與龍聽月明差免風波惡
檻外張帆不肯停

湘君山小一磐安平貼湖心面面寬我夢江南上浮玉
朦朧為帶白雲看

烟鬟霧鬢漫傳奇隔水遙尋柳毅祠過客停橈先進賽
虛白齋存驛程雜詠十七

星星燈火夜深時

泥滑滑

泥滑滑休早發烏石岡頭雨未乾馬蹄受水空蹴踏雨
啼雖如此我行有巖期分付與丁各努力昇過深林爾
不知深林初過足初駐又報前山鷓鴣語

曉行遇風

山行遙傍洞庭隈一夜秋風嫋嫋來惆悵長江魚落木
魯煩騷客費多才

黃陵廟

丹甍碧瓦黃陵廟翠羽明璫帝子靈陪輦難將虞狩考

按歌重向楚巫聽為神湘浦逾千禩作配姚墟及百齡
好破啼斑成笑靨九江波白九疑青

左徒廟

二水合流處三閭此殞身蛾眉謠衆女魚腹葬孤臣正
則名何忝離憂恨莫伸招魂舊時賦簫鼓競迎神

湘陰驛

行盡湘陰百里中半遭苦雨半淒風居人不解靈均恨
日採青蓮醉碧筒

即事

疲馬嘶途長點丁譁天雨徒爭發時早難免停時暮登
虛白齋存驛程雜詠十八

頓山上山逶迤路傍路山鬼衣薜蘿出林嘯如故

湘水

湘水清如許涵空見底深江聲衡岳雨雲氣洞庭陰客
去隨帆轉漁歸鼓柁吟前灣三十六蘭芷擷餘馨

自湘陰抵橋頭驛

乍暖乍涼衣帶澁時昂時伏馬蹄慳脩篁万个松千樹
山在重雲路在山

抵長沙作

驛路彎環湘水濱羣公駟從簇通津地因卑濕多焚暑
官出京朝半故人嶽麓翠深雲近暮星沙光小月侵晨

登山有約行當踐暫乞清涼憩此身

即景

山椒皺緒黃潭面染油碧人行學鳥飛滅盡烟雲跡

湘潭

千尺黝潭似墨磨南征曾記楚昭過眼中多少旌旗在

莫遣遊人到汨羅

謁衡嶽廟次日登祝融峯絕頂用昌黎韻

我生游跡隨天公此行喜落衡湘中郵程漸逼期尚緩

乘暇欲覽天南雄天南奇峯七十二全勝一日何由窮

烟巒霧岫矧封護幽林颯颯多靈風開雲舊例敢輕引

虛白齋存藁

解程雜詠

十九

默禱冀以微誠通要知憚暑陰亦好免逐赤日行長空

入祠再拜復凝睇維神位離明有融載稽祀典儼桓袞

迴軼梵宇趨琳宮宜防淋炎美輪奐碧瓦常碧紅垣紅

事需陳請屬疆吏吾輩感激徒私衷祠後一峯最突兀

羣山環列咸俯躬上方下方互晴雨海絲湧現兜羅同

構厓棲遜或巢父躡躡來往疑韓終誰能腰脚老猶健

扶持端藉山祇功置身萬仞目萬里直為眼界開臃臃

會當夜宿聲奇賞顧兔西伏翔烏東

上封寺

絕頂隋朝寺高寒久住持封成雲霧窟平過燠暘時鐵

瓦僧房覆清齋客具移欲留吾未暇猿鶴重相期

雁峯寺

數盤石磴枕高城暫上峯頭四望平輪與山僧夜深宿

雁聲聽斷聽鐘聲

排山驛

詰曲羊腸石未剗椽欄屋小倚空嵌行人莫訝清風少

少種長松多種杉

三伏全過秋氣應生衣陡覺晚涼增山中行館饒清供

香草零陵酒醴陵

度祁陽熊羆嶺

虛白齋存藁

解程雜詠

二十

嶺勢高盤霄漢親與丁和許上嶙峋成雄虎豹當關險

水束瀟湘作帶新絕頂欲連迴雁處下山休說捕蛇人

蒼茫落日重懷古遙指九疑望舜巡

零陵道中二首

零陵山下路礪硯石何奇地氣胚渾得神工斧鑿施薜

落鉞入畫巖虎叱生姿搜剔煩愚柳南荒遠窺時

零陵山上路蒙密樹何多覆徑森梧竹鈎衣蔓薜蘿狙

公窺果熟木客學人歌蘅杜皆江草湘壘此未過

宿黃沙河山角菴

水過三湘北山連五嶺西使車初境入行館從人齊橋

袖晚方熟鷓鴣宵自啼楚南舊風景回首隔浯溪

全州道中

已穿松徑數龍鱗又見山川別樣新青帶碧簪好粧束
天教佳地泥行人

途中微雨

數點蕙纖作勢微繞山行客盡沾衣杉雞竹雉尋常喚
不見零陵石燕飛

湘山寺

疆連荆粵暫停鞍寶界莊嚴得偉觀孤塔底穿深洞出
萬峯尖繞上方攢名山祇許隨緣到古佛真成不壞看

虛白齋存藁

解程雜詠

三十一

寺有無量壽佛涅槃肉身我宿終宵明便發白雲無際曉鐘寒

咸水舖行館戲占

行穿峭壁傍危崖瀨瀨溪聲步步偕跨水橋長多架閣

分行樹直盡懸牌夾路老樹雙丁兜竹輕於馬驛中乏

竹兜斗室鋪松細似釵自楚中至此行館掌訝不須相

迫促雨餘諸嶺尚雲埋

白雲驛又雨

連夕衝泥滑瀟瀟響又聞樹濃稀漏日山疊易蒸雲寒
暑時方退湘灘水已分祇應素心侶剪燭話微醺

桂林行館

乘傳五千里西臨百粵城詩吟顏特進志考范虞衡閱
歲門榕古經秋嶺桂榮短衣塵欲洗涼雨正淒清

獨秀峯山在試院後

桂山天下奇茲峯尤剏開卓立成孤標拔地逾千尺名
符獨曰蜀單椒秀而澤銳上劍鋸銛合尖塔影射高盤

螺髻翠倒插玉簪碧是柱觸不傾非闕掌曾擘腴姿潤

浮嵐瘦骨稜怪石烟霧霏窈冥雷霆走拍格墜猿急暮

號去鳥礙秋翻剌蘇磴常滑捫蘿肩彌窄天生詭異觀

良由磅礴積圖經志地形云似筆騰擲能生翰墨光足

為士林益山趾啓廣場角藝於斯宅舊邸荒荆榛新輝

虛白齋存藁

解程雜詠

三十二

騰奎壁使者駐星軺柄文慎裁擇所求國賓充用道山

靈青無暇輒仰視突兀羅几席晴時青天青雨餘白雲

白會當撫房榻細訪延年迹

試院偶成二律呈示同事諸君

講席同時拜

命殊學士葉毅庵王春甫獨來南裔効馳驅春秋舊閱

闡廳鎖曾充順天鄉試分校山澤新頒使傳符華髮可

堪親玉樹論奇圖清心共許對冰壺此間况是鍾英地

甲子重逢定不孤相國陳文恭公

三江五嶺路迢迢覃被文光荷

聖朝故邱王更同異姓試院為前明靖江藩邸 還方

柱界朔南標桂山有種傳芬郁珠海無遺免寂寥食葉

銜枚舊時事驚心官燭限三條余共計應鄉會凡九試
備嘗場屋之苦故云

自全州登舟北回率成短詠寄謝中丞孫補山

同年學使查映山前輩

主席多情未易酬歸人已上木蘭舟分明舊渡瀟湘水

添載愁心向北流

舟中聽雨

解纜湘流送碧波打篷聲急枕問多瀟瀟聽慣江南夜

不待吳娘一曲歌

虛白齋存藁驛程雜詠

舟中用試院前韻復成二律寄呈孫中丞

生媿酸醜嗜好殊往還空自費長驅祇憑豐獄求神物

竟欠常山獲寶符憾事何緣尋煉石隱身有計學懸壺

多煩地主勲拳意飲餞循環與不孤

歸去秋深路更迢重勞握手話還

朝青燈草奏馳霜簡指本紫管聯吟占錦標賜和四章
即用閣中

紫筆作稿惜別經時逾黯黯談心易地恐寥寥振興文治需

公等會遺蠻方識教條

零陵夜發

貪為下水行泛泛一舟輕夜樹山侵暗秋江月助明暫

解車馬疾轉恐驚鷗鷺寄語諸官守更深省送迎

抵祁陽城擬遊活溪詢之則已於夜間過其地

五里矣紀二絕句

準擬歸時作勝遊貪程不住夜行舟名區也向忙中錯

枉却清湘一段流

城外匆匆促解維長官贈我中興碑署今王松
然搦贈百回展

讀千秋蹟抵作磨崖坐對時

舟行

千里三湘水嚴程打漿頻駛流隨曲岸清底照歸人巖

影疑巫峽灘聲憶富春蓬牕晴四拓珍重息征塵

虛白齋存藁驛程雜詠

抵衡陽次寄園檢討舟中原韻

失笑秋深瘦骨稜頭銜冷處共條冰綺筵怕作狂時客

張曉山太守往退皆錄鐘寺翻成飯後僧時失一
路轉

幾灣山面出舟飄一葉浪花層雨多晴少渾無賴隔舫

遙呼急欲磨

苦費磨礮去角稜炎涼不改有心冰到時敢誦乘槎客

歸路真如退院僧湘月將波猶隱隱衡雲未雨亦層層

老班此處呼
舟人贏得誇安穩難過觀音禱果磨難在零陵
界通時例

夜泊

秋漲平添三尺許，黃昏依約宿烟渚。喧喧竟夕不眠人，
船底江聲逐頂雨。

聞雁

畢竟衡陽有此聲，前飛不遠亦回程。北風吾輩相隨便，
莫戀尋常伴侶情。

舟過合江亭

久雨晴真好，江亭淨綠間。推蓬無別興，端坐面衡山。

有感四首

三褫鞶帶笑終號，孤負陽秋字字褒。占籍自須門第貴，
題名最忌榜頭高。文章聲價存真鼎，時輩英雄半捉刀。
虛白齋存藁

驛程雜詠

二十五

願乞四科唐制復，身言書判辨蒼毫。

芻狗家家充棟如，陳編窺竊慣欺予。虎皮有意勞蒙馬，
驪頰無端被混魚。不分黎邱逢鬼眩，偏疑葉縣好龍虛。
可憐佳句江峯在，傳是錢郎宿構餘。

得意翻將失意增，暗中摸索竟何憑。圖非南嶽真形現，
場是西涼假面登。松柏不堪培塿植，蠅螟空羨海雲騰。
蠻煙瘴雨炎荒地，上國觀光惜未能。

歸程寥寂恨滋深，為枉掄材萬里心。藥籠未聞收蕙苴，
寶山先見失瓊琳。登臺市駿餘奇骨，在泮鳴鴉乏好音。
遙睇脩門敢輕入，六張五角費沉吟。

歸程口占

去向雁飛不到處，歸行葉落亂堆中。休嫌衣履多塵跡，
經却炎風又朔風。

紅葉八首

露後霜前一氣侵，偏教艷色出寒林。原空野火燒常在，
水落長紅染始深。客路千村多賞酒，故園九月已聞砧。
來時光景勞回憶，冉冉天涯遍綠陰。

芳菲幾樹認前因，愁思看秋欲當春。杜宇聲中催驛騎，
桃花渡口誤漁人。閉門古寺繡經暗掃徑，荒苔印屐新。
最羨官鴉豐羽翼，飛飛竟夕傍楓宸。

驛程雜詠

二十六

黃花已放白雲垂，恰與濃粧相對宜。海日長看升若木，
塞山未見失燕支。蕭疎好入迂倪畫，跌蕩重吟小杜詩。
此樹幾曾生意盡，江濤悽愴亦奚為。

吳江初冷雁初歸，衣錦將軍近賜緋。落帽風來逾惡戀，
攜壺客去故依依。隨溝流水憐俱逝，散綺餘霞羨獨飛。
擬向揚州問深淺，畫橋廿四見應稀。

醉眼光搖未足憑，一杯琥珀一枝燈。也知顏色衰方換，
却喜英華晚倍增。戲作朱衣來牧豎，堆成絳蠟付山僧。
白頭莫怪心情懶，二月看花已不勝。

西風片片老江關，蕭瑟平生為解顏。遠徑每容高士坐，

低枝曾許美人攀涼生斷霽斜陽外景在橙黃橘綠間

落滿長安消幾日軟塵未踏夢先還

征鞍斜控馬蕭蕭看遍茅亭復板橋照夜定巢丹頂鶴

連空疑建赤城標尚留隋苑千綃剪不逐吳宮一曲飄

信是化工施點綴衆芳消歇見招徠

歲晏華予得幾何後凋勁質暫交柯南園黃蝶秋無草

北渚青蘋晚自波薛荔門庭留蔭少鷓鴣儔侶避寒多

關心歸客登臨暇唱罷皇華待和歌

夏間道經內邱南湖孫明府言此去境南有園

津庵中多名賢題詠次日侵晨徑過未暇小憩

虛白齋存藁

驛程雜詠

二十七

也歸程經此率紀四絕

匆匆去日此空過歸路吟情奈嫩何為補紀行重點筆

留痕不及雪鴻多

佳詠流傳珠玉齊畿南勝蹟稱幽棲萬年庵已成行館

寄語詩人莫並題

諸筠心學士以此庵比楚中之萬年庵故云

馬頭日落整徘徊試啜西風茗一杯輸與宰官間說法

不時身向此間來

示疾維摩迹已陳

順德守洪素人同年已亡病歿

重來桑下問前因浮

蹤我亦儕行脚北道能忘幾主人

虛白齋存藁

山陰 吳壽昌 泰交

直廬續集

起癸卯冬訖丙午夏

消寒應 教作十二首

賦得寒雲輕重色

輕重紛雲色寒時定未能乍飄風片許兼釀雪花層態

本空中變心難出後憑惟應共流水自在一觀曾

賦得淡日非雲影

日晴何澹蕩雲影是耶非遲照寒猶住輕陰薄欲飛銜

山諸嶂出過雨一天微更憶方塘好徘徊兩共依

虛白齋存藁

直廬續集

玉鼻烟壺

截肪珍巧鏤小貯海西芬朗朗中邊徹霏霏清妙聞助

談輝塵柄吹息和蘭薰仙島多長日還疑向此分

搖藥聲

藥裏經年意緒紛丁當又復此聲聞受辛白裏方初合

落桂風前響忽分地近長生多洞府人傳去病足功勳

仙家有鳥能相和看慣青山刷白雲

高麗狼尾筆

選穎新奇歎海東封狼顧尾落雕弓合留塵拂清談處

已入貂冠荷橐中書斷白河傳夢到

白河即白狼河見方輿紀要唐詩白

張河北
音書斷
象千奎宿驗文同如椽鎮日勞濡染蠶紙番番
貢匪充

寒暑表

深貯瓊漿刻鏤工節分廿四應時通祇疑承露雙並上
已盡窺天一管中有暈圓輝成蜃氣無方靈藥借蟾宮
合輸番舶誇珍異別具璣衡定歲功

舊竹刻竹筆筒

歲久筠筒斑管陳文房雅賞樣鮮新曾經鏤玉雕瓊手
猶是風枝雨葉身汗簡分輝存直節生花入夢現前因
自傳斷續歌詞古不羨徐陵架上珍

虛白齋存藁

塵尾拂

幾羣得主息塵機借取餘身供指揮把臂人逢如玉手
拈花笑拂染香衣南能宗旨空談見西晉風流舊物非
更擬山居誇勝事松枝繞座雪霏霏

六出花

得氣陰凝辦亦如前迎明扇後香車散從天幕低垂夜
殘到湖橋已斷餘應律風猜番信早淨根人悟笑拈虛
碧城半是游仙界未用寒梅帶月鋤

簾鈎

湘紋欲捲影纖纖想見瓊鈎約翠簾一角遠山排闥外

半弓初月到眉尖燕來燕去春無礙花雨花晴夜未厭
莫為勾留生客思輕塵不動暗香添

綠萼梅

松筠標格擅清華如此纔稱第一花似向眉痕分淡掃
獨臨波影照橫斜青雲對客多奇氣碧玉迴身豈小家
况有幽香歲寒在階苔庭草莫相誇

靚妝朱粉兩難施依約仙人下九疑與衆同芳不同色
為誰傳畫復傳詩藍田春到烟霏密翠羽宵樓月墜遲
憶否江南舊時贈更煩添折一枝枝

謹次

十一阿哥題

尚書房消寒雜詠詩冊

虛白齋存藁

原韻四首

移郭聯輝壁府書三餘清課唱酬俱始知承蓋扶輪手
不異吟風弄月儒旭影觚稜瞻近闕凍痕匹練望平湖
高寒此地饒佳興一曲陽春聽自殊

重帷蘊火坐揮毫鎮日風流對墨曹振響洪于鯨吼杵
試鋒銳過刀吹毛番番信逼花勝近九九圖懸畫閣高
共羨西園盛游賞真成推倒一時豪

曉直寒生

禁樹烟晴牕几席傍清妍螭坳幾輩紆持索客右同時
許學箋消暇似觀仙洞奕採珍勝上海人船不才最苦

機鋒鈍多費磨礪問鏡碑

共探驪頷篇殊富靜契蘭心味更醇盈篋屢添藏弃具

擅長今見品題人卷中佳句皆池草分外雄才是洛神

畢竟調高彌和寡追陪雪苑媿嘉賓

恩賜尚書房盤糖恭紀次 十一阿哥韻

捧出盤飴比膳珍分甘深荷

渥恩勻未過紅杏吹簫市先作黃羊祀竈人霏屑共餐

瑤圃夜釀花勝割蜜房春儒臣叨竊慙無補祇羨

經閣學業醇

餽餽同拜

虛白齋存藁 直廬續集

上方珍蘭氣芬芳雪色勻勤學尚思懷餅日說經重見

詠饅人嘗先老輩多誇健覓任兒曹一笑春轉瞬膠牙

資守歲屠蘇對飲味加醇

恭和

御製千叟宴恭依

皇祖原韻詩

慶典春頌景倍妍三千鶴侶

賜長筵老兼國庶臆歡日

堂會

高元紀瑞年酌斗分露

天寵渥扶筇濟祝

聖齡延

九重賡韻殷繩

武熙洽丕基德載肩

恭擬和

御製重華宮茶宴廷臣及內廷翰林以千叟宴為題得

近體二首元韻

青陽左个新韶啟

國慶駢臻暢惠風尚齒義符周學盛聯吟體擅漢京工

韻

虛白齋存藁 直廬續集

含奕葉麻徵異醴

賜若英樂事同曠典我

朝欣再覩為承

前烈塵

皇衷

歲例原傳自

特恩開筵

朶殿見頭番域登仁壽依

光近人向陽春得氣溫鳩杖千行攜竹祖鳳絃三弄叶

桐孫

盛時斂福胥敷錫仰企

宸衷兢業存

方正學先生溪喻文藁卷題後

明初浙中士多出潛溪門先生尤卓卓學成道逾尊流
傳贈人作師友徵淵源此文贈眾口此藁手澤存稜稜
數十行上配顏平原庶幾學無負浩氣彌乾坤奈何丁
革除讀書絕其根先生自千古往事難具論展卷共屏
息恐是碧血痕吁嗟跋尾人後死借忠魂卷後有金正
希先生跋

毛坳堂明經六十

漢代傳詩後者儒最有名學因經術重身謝鼎鐘榮行

虛白齋存藁直廬續集

樂驂龍篠延年飮雉羹欣當

宴千叟盛事話昇平

久泛江東擢閒停冀北車烟霞他日性松菊舊時廬舉

業添重釀傳家足寶書陽回節長至正及杖鄉初

冬至雪二首應 教次韻

今晨天欲雪昨暮日猶晴朔氣濃雲合

南郊大禮成微飄

華葢重漸集

紫壇平歸路人歡頌吾

皇馨格誠

一自天葩發爭傳頃刻春登臺書瑞節退直點衣人薨

茁先調玉螺移抵息囀西園有佳詠思較惠連新

質郡王仿董香光虛亭靜籟圖應 教題二首

流派華亭特妙禪心與畫同參鑒家試品神逸正宗

江以南

欲烟不烟潤意似籟非籟清音祇有毫端化到更無眼

界塵侵

恭擬和

御製上丁釋奠後臨新建辟雍講學得近體四首元韻

文治修明邁古先崇儒講藝太平年涵濡奕禩有加矣

虛白齋存藁直廬續集

斟酌百王無間然久建官牆規地大新瓊壁沼象天圓

我

皇言教胥身教

法駕親臨德意宣

聖有後先其揆一上丁

展禮美麟虞燦陳彝器儀型接觀聽園橋氣象殊首善

由來尊右學

榮恩特見被者儒底須更老區三五往說流傳總近誣

解經

天語約而詳箋疏分羅屏漢唐化比東風春葢葢文垂

北斗曉煌煌生徒多就槐為市侍從真成鷺作行此日

奠倫堂上座儼符月令位青陽

鳳紀蘿圖大衍逢上儀又見備三雍長從奎壁摘

宸藻倍有冰淵肅

帝容同軌車徵重舌至大昕鼓警眾心慵為行齒胃觀

光切訓守循牆勵益恭

皇上肇建辟雍釋奠講學禮成恭紀五言長律十首 謹序

臣聞教胄命官景慶煥重華之運求寧敷化縱鏞流適

駿之聲經始盛於西周雅詩誌美異同詳於東漢史冊

揚輝在唐宋而間行洎元明而遂闕載修盛典允俟

虛白齋存藁直隸續集

昌期欽惟我

皇上聖智集成

君師建極祇承

吳緯勤民而彌塵牖民丕煥人文典學而益隆興學稽

顛半璧全之義首善規宏酌方中圓外之宜旋邱制備

稟

睿裁而立則

命將作以鳩工挹彼不竭之源象占井井成茲環流之

勝宮美雍雍制度絲此聿新典章於焉具舉迺者歲躔

太乙日協上丁敬逢釋奠之期特布

躬臨之詔

禁垣春霽

翠葆紆縈鬢含霞蒸朱竿旖旎豆邊蠲潔苾苾芬芬奠

鼎燦陳熊熊作九成樂奏振雅韻於一堂三獻禮崇

契心源於千載方修典祀旋

御講筵闡列聖之精微挾六經之奧蹟如絲如綸如緯

瞻紉縵於

天章同軌同文同倫遵蕩平於

皇路於時聖域賢關之裔垂傳而來占風測海之邦獻

琛以俟羽儀華省班緩簪毫虎旅期門衛傳脫劍三舍

虛白齋存藁直隸續集

則生徒就業四門則弟子充員莫不響應鳴鼙行隨振

鷺比容比節周旋折旋共蹈

德而詠

仁咸心悅而誠服遂乃晞湛露朝仁風

予秩儒官

頒珍國子捧來文綺齊拜賜於宮壺擎出朱提並增榮

於月餽矧賢能之廣額彌絃誦之騰歡道德之富何加

教化之流靡極蓋由

聖天子乾行不息益道大光旰食宵衣雖逸勿逸敦倫

飭紀以新作新筮醴千著絲

億齡於

殿陛

雲仍五葉徵上瑞於

官廷

國慶駢逢

春祺懋錫復

臨太學甄陶之地式觀園橋觀聽之隆輪奐初成復古

何曾泥古禮儀大備揆文詎尚虛文

皇極敷言典詳於中統五百年之後海隅向化治邁於

永平億萬計之先猗歟休哉夏乎尚矣臣備員詞館奉

虛白齋存藁

直廬續集

十

職

書幃慙作賦於李尤慕授書於班固謹附芻蕘之獻竊

同下里之嗽其詞曰

至治文光燭成均茂典陳

籬圖週大衍

翠輦啟陽春制具橋門古規崇壁水新馨香歸合德鼓

舞見存神穆穆

天容肅煌煌

睿論醇

高深窺萬一髦士荷

陶鈞其一

於樂詩垂詠經營肇

帝邦穿渠環作沼聚石架成杠結構義層殿晶瑩洞八

窓象天形旋轉行地響琤琮法古真難婉崇儒本少雙

涵濡皆

聖澤寰海益登履其二

鳳紀芳韶應

龍章

紫詔宣雷雲輝

舜旦仙醴薄

虛白齋存藁

直廬續集

十一

堯天

斂福諸徵備

詒謀奕代聯三千耆艾侶五十

御臨年更老訖先

訂膠庠制始全折衷憑

聖鑒議禮陋紛然其三

仲春

親視學

廣廈切崇文問夜

辰旒出清塵羽騎分麥畦初散雪槐市早瞻

雲黃瓦昭魏煥金壘挹苾芬伏興

儀倍肅仰止

望逾殷道統千秋合淵源頌

聖君 其四

釋奠初成禮

垂衣莅講堂璧池移

黼座玉軸啟珠囊洙泗微言闡義文遠蘊彰緝熙符

聖教行健表

乾剛

彝訓型千禩

虛白齋存藁

直廡續集

十二

綸音炳八方菁莪欣

雅化盛事紀宮牆 其五

東序趨踰盛

南端扈從繁觀

光隨豹尾陪祀贊犧尊會際三雍建階連十鼓存羣情

窺道岸

聖學躡天根如覩丹書拜非闕白虎論儒紳喜鳧藻

樂育載

深恩 其六

直講承

香案相薰齒德高和羹

恩特簡祭酒職同叨稽古來桓李傳經有伏毛說卑崇

政進榮倍集賢褒篚篚華章服醜酬渥

賜醪上儀容坐聽前席不聞勞 其七

楚楚三升彥莘莘六館英青衿鱗次列

蒼輅雁行迎先沐兼金

奏旋增乙榜榮藻芹池畔馥絲竹壁間聲鼓篋人爭奮

懷鉛念早禁

恩言寬大久問難進諸生 其八

曼壽古稀逾虞庠

虛白齋存藁

直廡續集

十三

法駕紆重熙承

世德

廣運初新模道證圖書合光分觀閣儲大昕期不爽圓

澤制何殊讓刻

奎章紀賡吟

軒律俱舊聞繙日下斯典果稱無 其九

拱斗尊居北登車重指南自傳

天藻耀真與聖經參春盎羣材樂波澄萬象涵芸編功

許就蟻術學應請多士依

光近 微臣 被

澤覃殷情瞻
講幄海嶽願登探其十

漳浦相國

子告旋里恭依

賜詩元韻二首

榮甚

隆恩遂引年宰臣身退是高遠
悃誠疏草心懸日申錫
宸章寵渥天盛事輝留巢鳳閣
初衣清對在山泉醇儒
學業神仙侶樂壽同徵總自然

閩南萬里

虛白齋存藁

直隸續集

十四

賜郵歸林下還同

闕下依雲護安輪程正緩秋生祖帳暑初微
鴻儀在國觀瞻重晚節如公指數稀
好為前賢增轉語今真是
是昨非非

王植庭先生七十雙壽

春前學士之尊人

烏衣遙胄世多賢不慕安榮道力堅
華國文章騰壁府明經舊物重青藜
鄉人名姓知猶畏弟子門牆託自傳
今日案眉齊舉在雙攜鳩玉慶遐年

勝地池陽數舊家較多鍾毓驗無差
階前瑞草羅三秀閩外名山俯九華
注籍仙曹殷益算承歡星使報排衙

遙看曲奏南飛處掩映

鸞書五色霞

彭六一學士前輩以所藏李唐畫黃山谷廬山

觀瀑圖見示為賦長句

國名係錢鐸石少宗伯

北宋李唐畫有名殷紅小印久尚明禿筆縱橫健於帶

飛泉千丈巖腰鳴坐觀其下者誰某元祐黨人坡公偶

考友之性瓌瑋詞當時眾望推山斗名蹟流傳七百載

曾落嘉禾好事手

項子京題為山谷先生像

嘉禾錢老今詩伯復精

鑑古區黑白題作廬山觀瀑圖系派西江擅高格君不

聞生於洪州令太和名山咫尺時經過石牛舊洞乏茲

虛白齋存藁

直隸續集

十五

景惟有康王谷口無差謔西園集客媿羣雅蕉簟蘭衣

風流寫此圖滿灑軼塵表不在龍眠白描下中州學士

尊新傳

學士係宗伯門下士

到眼不敢輕雲烟玉了又在手自懸

應時湯餅羅供筵好配笠屐圖中仙乎仙

近日翁覃溪官詹得坡公

像常於延辰作供故云

漳浦蔡相國望海圖

圖係相國五十歲時乞歸養太夫人寫

我公家住漳海濱一峯太武高嶼岫置身絕頂觀日出

紫澗東擁紅曦輪公自何年寫鄉景行年五十際駒影

早依

禁近陟御班繫念循陔乞歸省邇來又隔卅載餘黃扉

領袖書中書談笑每從座隅接鬚眉還憶圖時如圖長
三丈復五丈名筆留題紛景仰恍游玉府親諸珍敢過
雷門陳細響矧欲頌公難舉名此圖殊足該平生以日
為胸海為量既微浩蕩兼光晶即今鶴骨老逾健趨朝
未藉鳩節勸懇疏歸田蒙

帝俞鈞游獲遂初衣願知公不購平泉賢知公不炫畫
錦私有時興發鬪腰脚再摹瀛島構桑枝倚嗟乎人生
各有故鄉樂隨意林園與邱壑安得從公跨六鼇乘潮
亦上蓬萊閣

為曹慕堂學士前輩題虬筆桃源圖

虛白齋存業

直虛續集

十六

琅琅小幕鳴懸鈴飛灑不須頃刻停向空擲筆出戶外
淋漓濕障成丹青二十年前眼曾見心知是幻容爭羨
當時所見多尺幅未若斯圖較奇變長以尋丈計題作
桃花源洞中景畢具如對漁人論簽圖索畫響斯應詎
假粉本留殘痕渲染而成絨何用非常靈氣雲烟供倘
今畫史費經營十日五日斷難相伯仲先生學道人中
仙珍弄多時根宿緣傳之衆目任疑信枉我題詩紀事
增言詮

為曹慕堂學士前輩題萬松居士所畫古中盤

五松圖

舊聞三盤山盤盤蘊靈異中盤松檀名五松萬古翠欲
游隔信宿未許羈官至先生見有由扈
蹕隨羽騎得暇即盤桓虬姿一一誌萬松居士者
號筆墨工游戲相於侍從行入林快把臂踰時始貌取
山莊趁清閱觀其濡染間最長於位置如讓如角立天
然出奇致自寫澹宕胸妙成磊砢勢宜為先生珍錦贖
藏篋笥休滌我何日亦上上方寺撫松以證圖謾謾風
遙寄

幽篁獨坐圖應 教題

去年曾見清蓮晚汎圖

皇次孫定 王行樂

白描不假施粉朱

虛白齋存業

直虛續集

十七

今年復見幽篁獨坐圖淡中設色青蒼俱同是江南華
冠筆第一妙手長安無諦觀此圖傳神宛神似藹若春
風灌秋水一聲一心何泠泠膝上橫陳調綠綺魚工點
縹趨塵俗千竿萬个曲水曲如盤之石兀兀可安身滑
笏之流涓涓供濯足我思上界仙人官府多名園高與
青霄摩早涼欲歸殘暑退風亭月榭時經過傳呼畫史
索能事恰逢琅玕新長交枝柯不羨渭川樂非誇梁苑
勝獨有玉裝舊唱酬於中會心寄清興紀以長句手自
題足使吟情繪意雅相稱茂林修禊觴詠春鄉景在眼
增懷頻功成始歸花笑人冠乎冠乎日向王門跼珠履

肯為相逢一寫佳士真

仲春園居作四首應 十一阿哥教次韻

地靜與時適，悠然塵外尋。佳辰此風日，勝事復園林。列

岫當牕遠，方塘開鑑深。乘春暢登眺，具見化工心。

今歲遲逢閏，寒猶料峭如。未交三月候，原在早春初。凍

釋風曾到花，新雪始除丹。垣連

御苑多少向陽餘

多才誠風擅餘事，乃工詩天與扶輪手。人驚下筆時，高

深神妙契觴詠興，交馳為語應劉輩。西園最繫思

亦有園廬直居同，傳舍推登懷園隙駒。虛影度海燕，故

虛白齋存藁

直廬續集

十八

巢來印展晴沙岸，鈎衣疊石堆微情。羨魚鳥長傍舊池

臺

不灰木應 教

非無逢切候，不見自焚時。幻質洪爐在，貞心槁木知。尋

常香結篆特達玉，經炊差惜羸燔早。難將簡冊施

元人陸天錫雁門集有詠雁詩中用飛鳴宿食

分句今演作四首

書成行列陣，成圍驚見紛紛。應候歸霜雪，一宵沙起塞

關河千里月，侵幃翔徂南朔。能忘倦趨避，炎涼早識機

好共凌霄誇羽翮，人間增繳近應稀。飛

奈曉空中響更清，乍分旋合不勝情。每於漏盡鐘殘夜

催作繁絲急竹聲，澤畔繁迴吟始就。樓頭振觸夢頻驚

年前我亦南征客，聽過瀟湘數驛程。鳴

不逐波濤不避風，圓沙洲渚荻蘆叢。一枝總乏安巢戀

尺土猶傳擇地功，晚去空江鷗浴散。秋深寒雨鷺拳同

尋常奴輩終難恃，只合騰身碧落中。宿

水田香粒綻千塍，一飽相期亦自應。爭食未知關汝否

誅生聊復記吾曾，滯遺隨處年豐有。飲啄多時物性能

羣鳥養羞覘此日，莫教三咽學於陵。食

羊晴石鎮紙歌應 十一阿哥教

虛白齋存藁

直廬續集

十九

一峯萬里來，滇黔蠻荒孕。毓多名琛五雲在，霄根在岑

搜別幽險窮崎嶇，蒼碧霞髓淡翡翠。深猶兒睛可分午針

於昔罕親呈，當今未如斯。寶尤堪欽，其采陸離難定尋

綠玕素瓊黃，南金譬諸神。光乍陽陰靈珀匿，崖貝避溥

或疑舍利現，祇林初觀閃。閃徐森森云是殺，翹雙眸侵

仙人未叱供賞心，視兼青白物。則任精華變幻誰能禁

琢成盤紐符璽參，以充貢匱逾。瓊琳咨汝，璽吏輸遐忱

石係前任滇督所進不貴異物

皇所箴輟陳

上方書闡臨雲烟，過眼隨浮湛。

時名人書畫皆蹟甚夥

羌無故實虛靈蟬操舩率爾慙長吟

十一阿哥臨絳帖全部應 教題後用東坡居士墨

妙亭詩韻

椽銀夾雪垂熙陵一時樵刻紛雲騰潘家拓本實稱最
自運健筆伴饑鷹騰殘片羽世爭弄搨向紙上生鋒稜
詒晉主人精鑑古山莊清暑凝壺冰遠規頡籀通羲獻
三真六草心依憑侍書王著苦無學當時未免識者憎
豈如卷軸氣充溢字字珍可逾千繒集成帖法於此在
藝林快靚丹梯登即從臨手思祖石潭鼎汝等非其朋
陟麓膩滑亦助色海東萬里千年藤臨用高毫濡墨潤
虛白齋存藁直虛續集 二十
畢呈露鋪几疑對光明燈何人好事任鈎勒薑芽斂手
空伏膺

啜臘八粥因成長句

長安城中梵宇多浴佛歲逢兩度過暑初寒盡月八日
寺門頂禮爭駢羅獨有嘉平稱佳節柳洩風光草凌雪
木魚晨響飽芬芳七寶裘兼五味別都人此法遞相授
珍果瓊禾紛雜糝釀成崖蜜出丹棗點就燕支撒紅豆
街東人踏街西塵提攜絲籠餽餉頻彷彿清明寒食候
杏花吹徹錫簫春

紫宮別有西天界幾度

宸游觀膜拜香定曾參祕密禪若濃不礙清淨戒應時

養作伊蒲餐中使傳頒省大官寒具油多辭汗手脂花
餽薄罷登盤侍臣啜既轉蕭瑟年年素食光陰疾白髮
恩叨並日承銀罌翠管九霄出我聞石湖范老胸昂藏
不謀口腹謀耕桑惟願年豐物無厲長分口數殘臘嘗
又聞雙溪詩客王炎詩力農歸隱懷東菑南山之南有
田在可辨一盂樞素期人生飲食亦前定斯意如如可
取證且隨五日角黍九日糕太平同紀歲華勝

詠門神謹次 質郡主命汪雲壑修撰聯句原

韻

虛白齋存藁直虛續集 二十一

應候新符換迎神舊曲翻三時觀飲蜡五祀紀禁門偶
爾丹青染居然將相尊勝樓偕象肖楹帖共名存歲改
塵機息陽回樂事教懸從一區宅展向
九重閣儼備瓊虛直如承待詔恩要樞來奕奕高步舉
軒軒生雨經閣得前身示現煩登朝餘佩笏酣戰有兜
鞬星次隨司命官僚視旅賁東西成夾侍出入亦分屯
閱世推先達傳家俟後昆職均嚴鎖鑰功比守籬藩特
立依宵魄同升指曉暎既容車騎跡兼掃雀羅痕華閱
期逢吉園扉藉釋寃謹持惟善寶呵止不祥魂總作翹
關舉真將排闥論驚姑剛聽卜鸞婦尚盛盆春合松薪

燕祈應羯鼓喧相君誰及背咨汝欲何言漏啓更三點
人傳紙萬番金鋪增戀戀轉盼是春溫

次嚴愛亭編修同年紀

恩賜貂褂韻時偕 賜者小華雲壑兩殿撰

身近蓬萊最上頭委蛇豐彘拜

恩優貢傳鐵嶺推珍產儀重

金坡備表裘朝儀惟粘一昔寒稜風力減賜前一連

番瑞點雪花留今冬已北三白應時衣被真榮幸又見雙雙歲

賜稠歲賞春帖子人獲粘皮二張

講席深叨

虛白齋存藁直廬續集

異數加五年前事七人誇辛丑冬蒙賜臣心補報

勲官拙公等科名稱服華三君一會元一就煖同瞻

象龍座分輝多在珥蟬家朝回添得春如許翔價南酌

定易賒用阮手換酒事時京師南酒昂貴故戲及之

陸聖士少宗伯首舉消寒之會賦五言長律五

十韻昌才薄莫和聊紀七律一章

廿年同異託苔岑九九消初慶盍簪羈宦貪嘗鄉味美

食單雜用海錯多陳柳味寓齋喜對

禁垣深鷓飛蹤跡原吾分駒逝光陰共客心傾倒嘉禾

兩詞客各矜白雪費長吟星實吏部亦編賦五古五十韻

次聖士少宗伯消寒各會詩韻

第二會劉檀橋編修

欲雪天宜披復陶驅寒又見醉同袍但傳飲盞循環勸

已疊吟箋取次蒙饒有圖書藏邃室可無絃管奏分曹

檀橋寓蘇甚深無工頷曲綠慳一飽真吾歎飛燕東西笑伯勞第二會

予皆以他事未赴宗伯詩已切及

第三會秦端崖編修

重向晴牕檢舊篇白雲聚散話前緣素心共愛句呈佛

絲髯難邀花破禪老我星霜聽漏直輪他風雨對床眠

謂清園琴樽莫怪頻孤約目極江南遠樹烟指南中

虛白齋存藁直廬續集

第四會鮑雅堂主政

一般住近九重天雅堂亦寓下直歸來赴飲便避俗如

君心最遠論交及我道能全深煩折簡參差訂以詩人

改約不礙嚴閨輾轉旋料得這番較歡暢到時階樹午

第五會馮星實吏部

城南門巷與君同步履先過一徑風纔稱圍爐人滿滿

丁酉同年在京若底須剪燭話匆匆瘦生飯顆非關病

六人共會畢集清飲西江合論功作蒲江媿我白頭成祭

酒衰顏長借醉醅紅

壽昌舉第六會

自笑身忙意轉閒招邀最後類囊慳

家藏舊醞僅存一印驗封塵吏隱間

及差惜到門虛二仲不妨涉海覓三山

席共肩與莫說歸時晚相送斜暉未掩關

太倉王蓬心前輩官舍人時嘗乞其寫鑑曲垂

竿圖一幅忽忽十餘年矣秋風正起菰鱸之思

逾深適有鄉人畫史來京依舊圖倩作長卷并

貌予於上漫成絕句六首乙巳八月下泔荅塘

居士自識

虛白齋存藁

直廬續集 二十四

一曲湖光小屋東閒身垂老作漁翁憑誇鱸味蓬池美

興在槎頭縮頸中

煙水重尋鷗鷺眠釣磯無奈別多年天成上界輕拋擲

終日追陪學散仙

舍人嘲我耽邱壑尺幅雖圖意未完

舊圖未將垂竿意寫入並題長句致

諷今日置身鄉景裏青帘紅樹一漁竿

酒香放翁句也

應官深畏鼓聲早稽古復慙書氣迂如此頭顱如此態

朝宜覽鏡晚披圖

歸去無田未礙貧生涯漁具穩隨身釣原思得得思賣

省住長安米乞人

紅衣不畫畫青裝狂興還家料減多但恐春風嬾老大

門前吹改舊時波

題吉渭厓前輩夢溪讀書圖即次自題原韻四

首

蒲盧舊解尚誰諳說取存中自晦庵記否案頭筠管句

先生試作續談談

名流宦跡足儀型溪自潺湲山自青不分朝衣難解脫

故鄉也似夢中經

挽強六石目迷丁圖却凌烟閣上形祇為羅胸饒卷軸

虛由齋存藁

直廬續集 二十五

故教身寫入林垌

種樹餘閒復種魚他年生計未應疎老來只愛歸田樂

誰向叢殘更著書

恩賜麕鹿風羊等物計今已六次矣感而紀此

澤魚山鹿禮交伸士雉鄉羔贊並陳便使窶人驚驟富

真從陸海羨多珍盤盛雙尾漿如玉封啓重羅索似銀

賜恩波經幾度白頭慙廁

禁廷臣

除夕今歲拜分

賜果所得較多誌慶

五寸海榴三寸柑緋衣金帶橘橙參拜

恩身在

殿廷北包貢遠從閩粵南榮遠加邊虔薦食歡騰傳盞
飫分甘新香搓手津回頰取益多多未覺貪

恭和

御製重華宮茶宴內廷大臣翰林用五福五代堂聯句
復成二律原韻

朶殿聯慶啟

御筵

虛白齋存藎

直廬續集

二十六

帝家積慶一堂駢得名位祿欣魚壽多子孫曾喜及元

松棟丕基承

聖聖芝階上瑞引年年

古稀饒有含飴樂既醉周詩遜此全

青陽初啓歲崢嶸隔臘連番兆瑞霏法曲迎韶三疊奏

嘉名戩穀八莫生勳華運會辰當午

宵旰精神日後庚

天縱聖人

天縱福凝釐長屬萬年清

應教五首

草色

綠遍長隄青入簾裙猜袍妬鬥織織自經燒後光風到
正及春初小雨添盤馬空郊天欲合送人極浦水曾魚
謝家一夢真難續輸與池塘句獨拈

摺疊扇二首

純素團團六角分別傳新樣褶湘裙霜筠一色丰稜骨
冰齒連番界畫紋開手未須防熱客到頭祇合聚涼氛
人生舒卷多相似重繪山亭片段雲

盛行斯製自雞林約取多層巧樣尋不礙能書能畫手
最便一發一收心麾當塵拂談增助置在荷囊佩易任

虛白齋存藎

直廬續集

二十七

靈簡數行琴百衲風亭水榭共披襟

蘭花筍

小束驚雷寸許尖玉芽相晚競纖纖自無俗韻留津齒
應有天香試笑拈冰雪堆清話共山林入夢宿綠添

吳人好事稱名異五葉三桠已久嫌

舊名人
淡筆

涼棚

松梢豆萼野人稱幅幅菰蒲更擅能雲密正當紅日下
水平如在碧霄層補陰庭樹炎氛隔交爽風隄午夢增
祇恐深宵聽振觸烏篷打雨泊西陵

恩賜尚書房鄭宅茶謹次 質郡王原韻

佳名帶草共芳林第一春芽閩嶠陰官焙裏新青茗細
御珍題濕瑣闌深朝回恰滿攜香袖渴解難忘飲露心
好對清風話甘苦冰既滌暑費重斟

洪篠洲年伯六秩雙壽

天都仙窟海雲飛隱德潛鍾應少微居傍名山三島近
家傳舊德一經歸長松烟細凝香翰老鳳聲清啓絳幃
最喜齊眉共週甲斑爛五色試新衣

益壽恒春花樹排拍肩端合就洪厓湯誇雲表身騎鶴
已驗堂前手種槐上瑞璧珍聯聘席餘芳蘭秀徧生階

重膺

虛白齋存藁

直廬續集

二十八

紫誥恩汪濊好晉春觴酒似淮

次張壽雪先生新擢閣學紀

恩原韻

日濡丹筆坐黃扉此秩遷公所見稀殊荷

九重

頌寵命

公以不由科目擢按此職遜看三葉繼清暉

文端公父文和公皆大學士頭銜冰轉堂連壁口號香

兄時歲鏡鑿兩公皆開學

生露盟薇舊德

新恩兼紀述誰能和曲比風徽

消暑十詠次馮星實同年韻

冰盤

第一驅炎助堂高置鑑層當筵圍皦皦離客側兢兢心
跡期同對頭銜分獨懲何時換仙骨別取露華承

羽扇

豐滿不飛去團團被剪成已堪揮作塵寧羨析為旌摩
漢途雖隔揚風質自輕君看長聲價名士本書生

涼篷

舒卷平如水工良數此方懸居天尺五遮景日當陽接
院爭花幄還巢誤燕樑棚松復棚苴空費故園忙

竹簾

虛白齋存藁

直廬續集

二十九

一幅湘筠細門闌鎮日懸儘留疎節目不貯密雲烟花
影移相就棋聲對使傳清飈資入室多事避喧闐

冷布

織罷疑無用時乎亦速佗疎麻紙少賤較碧紗多虛
室容添障芳殺藉並羅單寒名久屬欲脫計如何

蒲枕

懸帆猶未遂高卧足清芳酒意沾脣散溪聲納耳涼
郭眠易覺琥珀碎難忘為我煩增緝中函菊蕊香

皮席

衽革非吾事聊為寢處園竟成攜碧簟翻訝卧紅繩遺

質留芳貴前身耐冷殊歸畊約堪踐先付夢糶糊

藤牀

此材曾作楮坦腹稱便便帖妥條千縮清酣客午眠移
來蠻峽雨載上雪溪船端合安禪老茶時一榻烟

響竹

聽否先聲在蠅營不汝容虛空驚似爆瑣碎利於鋒迅
掃真寒膽輕搖亦避蹤此君多舊識人願執鞭從

風燈

難蠟分升降周防面面風漫誇明及遠深畏照成空得
氣籠紗護分輝鑿辟窮應知心化燭不在綺筵中

虛白齋存藁

閱卿前輩商質園詩集有和友人越游詩十章
舊景挂目藉題抒懷

卧龍山

翠麓蜿蜒勝東南古郡隈壯觀王會日平視霸圖才水
郭環屏護風亭向若開長誇香案吏居處近蓬萊

禹廟

寢殿珠丘側魏莪閱歲時字荒探穴簡梅老鎖梁枝
後聖馨香薦聖祖今遺民簫鼓祠來朝百靈夜

巖壑起寒颼

項里

去村纔五里傳是憤王居在楚避人日亡秦逐鹿餘靈

猶棲石室祠屋棟柱悉取石材事已委榛墟我羨楊梅

熟羞盤蕉荔如地產楊梅見於翁詩

寓園

住近梅仙市忠臣遺像存鬚眉寫光霽遺像神彩極為秀朗水石

泣煩寬南渡衣冠暫西陵松柏昏花宮有清梵遙夜與

招魂

七星巖

北斗七星明唐人南巖一穴成寒蛟蟠不測仙鼠集無

聲手澤磨崖觀崖物天然廣廈四大字係先情緣宿樹

虛白齋存藁

生下為清水岩深不見底旁有洞天容再住端合謝塵

曹山

昔賢談學處幽壑翠縵紛地肖陽明洞人型貢士文縱

鱗貪散食中名至魚游人朶石巧盤雲洞口有石游客

穿舟入驚飛鶴鶴羣

小瑯琊

小小飛來岫猶聞東武吟雲烟移海角臺榭壓城陰庭

樹存前代齋鐘送隔林山上有攀蘿差易上重擬拂衣

尋

鑑湖

六六溪源匯空明鏡
啓函村居五橋左
官道一塘南弄
月荷時權探春柳
外驂鄉賢懷賀陸
勝蹟夢猶諳

大塢尖

如筍秀峻嶒諸山
俯視憑其靈出雲
雨於派儼高曾吾邑
西南山脈日飽凭
樓眺偏慳蠟屐登
傲廬遙對此山以
俱從此發高故憚
於登陟

春來香市近寄語
上方僧頂供大士春
時進香甚衆

青藤書屋徐天池先生故居

太息徐文苑明史有傳
奇才曠代中唐衢
終下第羅隱僂參

戎故里清陰改仙
壇別徑通宅分為五
虛道院留題憶佳甸天

虛白齋存藁直廬續集
三十三

巧後賢同少時曾見者
宿金竹孫詩有云
海內競傳雙白鹿
里中猶說一青藤
嘆以為工商貨園
詩亦以雙白鹿一
青藤屬對故及之

予既和越游詩十章
意有未盡復得題如
前數

南鎮

巒翠暮林蒼神宮
逕正長羣靈朝宛委
一鎮奠維揚天

闕瞻公衮星軺肅
使香心慙少年事
憑夢說休祥

越王嶂

腰脚當時健相誇
絕頂行正逢棲甲地
頓起卧薪情白

馬先潮見天雞未
曉鳴他年宿山寺
重到認前生

錢清江

一錢留復置人感
使君心千載此江水
清光無限深津

亭紛畫舸祠宇迴
寒林欲擷溪毛薦
歸裝媿橐金

曹娥廟

莫歌河女曲歌罷
不勝悲波冷中流
棹苔斑幼婦碑
喧喧搗社鼓獵獵
曳靈旗繫纜江頭
樹啼鳥正曉時

柯亭

悵望高遷里何年
笛裁古亭椽久換
良夜容空來物
待知音賞人憐曠
世才還同焦尾處
遺蹟委蒿萊

蘭亭

大好溪山曲微和
風日辰長程過十
里禊事續千春觴

虛白齋存藁直廬續集
三十三

急浮波送談深藉
草頻賦詩諸姓氏
指數未全湮

雲門寺

月定雲多地見嚴
維詩青鞵布靴遊
開場觀選佛捨宅
湖名流春漲樵溪
筏晴嵐草市樓煎
茶復燒筍地產
茶筍樂事憶
曾不

三江橋為洞二十八
明守湯公建

此處諸流匯韋昭
說不磨趨溟逢峽
束鞭石象星羅湖
廢仍饒利鑑湖久
廢水利全恃此
橋江分早息波浦陽一
江自蕭山
上游麻溪壩已
障

入錢膏腴資蓄洩
賢守越中多

戴山上有劉忠介公
證人社今建書院

天上騎箕客名山豈久韜未酬句踐苦竟比首陽高
戶封烟竹庭階剪野蒿重尋證人社絃誦勗吾曹

快閣

今在太史任處泉先生宅非即放翁舊址也

梅里峯當檻耶溪水到除座間風月好道上畫圖如重
是先賢跡宜為有道居經時共吟眺戀戀此樵漁

鄉物雜詠

日鑄茶

越薺饒佳品名輸此地傳根芽孤嶺上採焙早春前餘
味回雲霧清芬試水泉幸辭團餅貢風韻最天然

東浦酒

虛白齋存藟

直廡續集 三十四

郡號黃封檀他處目吾鄉酒為俗興流行盛域中地遷方不驗市

倍權逾充潤得無灰妙清關製麵工醉御寧在遠占住

浦西東

平水冬筍

欲叩禪師版爭尋稚子根鮮新蔬氣退瑟縮凍痕存裝

面財傾擔俗呼佳者為蓋面筍駢頭旋就髡入春則頭大須削矣都人珍十

倍販到一開樽

型塘楊梅

賴彈諸楊顆堆拌五月炎去襦膚外映如蜜味中甜種
好還憑嫁未接者號草梅酸而且小嘗多或點鹽食多致渴以此

解上林盧橘樹兩美惜難魚

百步瓜

瓢剖黃金嫩仁留赤玉殷名非冒西土種已勝東關邑會

東關產瓜亦黃瓢赤齒較此殊遜地僻知猶少生稀得更艱其地產本甚少他處

人字識之吾家不過歲得數顆冬藏不潰年時藏一二珍重舊家山

鑑湖菱

百頃畫橋西差水面齊都傳生角銳不得折腰低論

斗划船市經風葦索攜客來便白剝羨爾遠淤泥

湘湖菘菜

旁邑湘湖菜吳淞可並稱未經千里致日擬一帆乘勺

虛白齋存藟

直廡續集 三十五

水銀絲滑孟羹雉尾登先秋須記憶時過也堪憎

陸壘鰻線

海鱸生若線殊費吾師撈味較餽魚美小魚之初生者亦產吾邑厨

增菽乳勞烹法釜置菽乳漸熟則爭穴其內熟時結成塊矣餽人時物重饌客

食單豪憶否鯢魚禁吾將罪老饕

陶堰艾饅

芳色味三絕真教題字難都梁霏作綠碧玉杵為團合

付柔腸飫尤於冷胃安重陽虛此品次第薦春盤

賓舍牡丹

益誇盈室蕊亭亭亞屋柯傳家忠孝遠在錢氏宅閱世劫塵

多數有尋芳到閒思倚樹歌卅年遊賞處未用感婆婆

虛白齋存藁

直齋續集

三十六

虛白齋存藁

細吟集上

起丙午秋
訖丁未冬

山陰 吳壽昌

泰文

丙午秋奉

命視學黔中

詔晉主人殿下餞

詩寵行有細吟蛩語與蛛絲之句蓋用元人范梈
蛩語通支柱蛛絲映捲簾語也僕既儉腹笥罕攜
行篋山輶率吟何由得細取以命集用誌吾愧云
爾

奉視學黔中之

命赴熱河

虛白齋存藁

細吟集上

行宮謝

恩作

晚暮叨

渥恩文枋屢膺使鎖闥尚未撤

壽昌時分校京兆試
於開中聞恩命星

輶許南指顧維龍鍾軀雙姍久

金祀泥首赴

行殿駕謁車為駛合圍屆旋蹕

聖顏親如咫牂牁古荒陬雅化資振起敢因浙產人二

切惟俯視

蒙人閱黔省文故云

論以臣浙區區心所銘往飲五溪水

出古北口

一門留幹鬱嵯峨秋獮

鑿與歲歲過枉說廿年官侍從者番初見塞山多

宿哈喇河屯

已過長城窳深河溯舊源駛流來絕塞古戍出高原馬
倦逢郵歇鴉寒匝樹翻林衣秋盡脫蕭颯聽黃昏

晚過青石梁

望近危崖日已斜便從深黑上鎗斫身穿樹石騰疑霧
手摘星辰照有花地脈中分成鎖鑰天梯不斷走風沙
塞山高處都如此下盡行人輾轆車

回至密雲作

繕塞逢

虛白齋存藁

細吟集上

旋蹕年年此候迎人經桑下宿鳥向谷中鳴對酒思前
度孤吟異昔情狼河好歸渡徙倚白檀城

攜眷出都作

汝輩長安久深知不易居去應萬里外來已廿年餘家
具空煩寄行囊且復儲無為愁瘴癘老健幸相於

其二

去住皆吾累行期發獨遲就醫勞病婦失學屢痴兒多
謝登程餞難為惜別辭前途舊遊地重過極吟詩

渡黃河

用篙舍楫渡逾勞省識河身爾許高願得中流沙盡捲

多將餘地貯波濤

重經湯陰忠武祠

祠門鑄錯罪諸奸何補將軍碧血寒重過舊鄉身下拜
一談遺事髮衝冠朝廷方喜長城壞宇宙還資半壁安
好在訟冤賢後裔金陀編作史家看

入楚境途中口占

南望迢迢雨雪經麥苗青接荳苗青入楚後即使車亦
有觀風責母向村歌駐馬聽豫楚被災流好語

百錢斗麥價全低已復流亡屋築泥民已見復業

行人鎮安穩雪中馬跡月中雞

虛白齋存藁

細吟集上

癸卯冬初余自粵西使回至漢陽驛館襄陽太
守洪午塘遣人致書索余途次近作余草草錄

武昌懷古及渡江吟數首以應逾歲而午塘已

逝道遠信杳弔莫缺然今冬奉使過襄愴然有
作

與君交契十年深太息絲桐逝賞音附鶴書稀傷遠道

掛枝劍在負初心寒雲漠漠空朝暮漢水悠悠自古今
墮淚碑前等閒過特緣知已一沾襟

峴山經羊杜二公祠

此山小小漢江邊祠榜高懸晉兩賢不礙好名三代下

如聞新語六朝前鼎彝自昔多銘勒陵谷於今少變遷
願最吾曹各珍惜也將姓氏與人傳

經光武帝廟 在裕州板倒井

曾傳冰合渡薄沱感名靈泉此又過佳氣春陵鄉土近

真人白水識文多風雲四壁丹青面 壁繪雲臺諸將 鸞鶴三霄

碧樹柯 階和甚古 下馬行人勞再拜門前指點舊山河

過桃源縣 道旁有洞甚小去水亦遠淵明所記蓋寓言也

百里仙源路行行困馬蹄緣崖旋蟻磨攀磴逼雲梯墜

葉寒村出荒烟小洞迷不須晨發早辰酉在前溪

伏波將軍祠

虛白齋存藁 細吟集上

聚米英謀襄華忠椒房親復並勳崇身前置像丹青外

死後遭讒蕙苴中畫虎數言懸皎日墮感一水起靈風

誰能款段歸鄉里免使朝稱矍鑠翁

至沅陵縣馬底驛肩輿始加用緯

百丈牽船舊上灘山程此日訝同看排成雁翅分張舉

綴作鰓鬚屈摺盤邪許聲喧丹嶂外驅馳身在白雲端

四千餘里來時路暗數辰陽第一難

辰沅道中連日過雨

已苦重山峻連朝雨不休陰沈消短晷暄暖逼鬢陔掛

笠遲行脚垂鞭損客裘如雷聲震耳澗水盡飛流

乘傳詠

乘傳緣文字寧辭應付艱馬肥無印烙心識借民間
催夫與派夫操縱靈胥手行行岐路多半作亡羊走

黃平道中

與丁登瑱戒晨興俯視千圍仰百層暖地峯高仍帶雪
寒天溪漲不成冰虎牙關勢分營戍花臂蠻歌出洞磨

行到飛雲 巖名 逢落日馬前揮手謝高僧

初抵貴陽賦詩二首一依

六阿哥寵行原韻一依

十一阿哥寵行原韻謹錄寄呈 兩殿下

虛白齋存藁 細吟集上

峻絕黔南道行程難預期溪風舟不到 至鎮遠界山雨不復通舟

履頻施 山深晴少居民多若履 晷短催驅馬途長倦紀詩 數較他

疲不能成詠 脩門重回首宵月照遐思

一上星軹出

禁闌承

恩萬里作人師沾衣淺白蠻峯雪 地暖衣不熱雪 照眼恒青驛

樹枝 道傍樹經冬青綠 已分輿圖窮地角誰將文物比江湄此

行未與蓬山隔掛壁鴻章妙色絲 兩皇子寵行詩謹錄懸著壁

謹附錄兩位

皇子原韻

檄棘繞趨對乘軺又逼期先生分校順天鄉試於文章

宗越絕靈異闢羅施未穩垂竿夢先生有鑑應添度嶺

詩寒風漸淒緊說餅繁人思質郡王詩

紫泥榮捧入秋闈更簡西南典學師詩卷爭教藏石匱

先生近作遊詩及鄉物雜釣竿未許拂珊瑚先生有鑑

詩三十首石匱越山名也同莊嚴座設烏江畔精進幢標白水湄三載別離那可

道細吟蛩語與蛛絲見范梈黃州詩

題李梅亭大中丞世掌絲綸圖

黔南開府當代豪胸羅經濟親風騷鎮撫遐陬兩星紀

靜開鈴閣招吟曹竭求示我圖徑丈掀髯談笑生添毫

虛白齋存藁細吟集上

氣若春風神秋水一竿烟雨舟中操礎谿發蹟始居渭

漆園樂意存觀濠二者擬公皆不類非魚非釣徒喧嘈

公云此圖寫自浙西署爾時正轉東南漕芙蓉紅柳碧夾

隄岸烟波入手供嬉款即今宦游半海宇不薄漁隱榮

旌旄我思公家閱閱最稱盛

國初威晚崇勲勞和羹夙飫蓬池繪作柱長駕神山麓

世掌絲綸不虛耳簽題甲第何高高三千六百廣張在

當局悉資把握宇黔山嶠嶂黔水駛每於政暇馳輪尻

陔蘭起居備潔膳池鳳鸞翫非凡毛公之至樂乃在是

肯偕鷗鷺盟波濤矧今

聖主重使相登進綸閣尊夔臯公家舊物自有屬再子

錢券來

華褒鯁生生長鑑湖曲久蔭名樹沾鄒骨垂竿鄉夢遠

相託蓑衣箬笠浮輕舸前成壽昌曾思思作釣

徒尚不易漢貂奕葉何由叨展觀公圖一神旺安得山

觀音寺即目二首

振衣向南郭屬念尋招提靈境忽到眼玉虹飲長溪

然亭上覆深碧窺玻璃循階得崇構彷彿丹崖梯妙相

舒青蓮借筏聊指迷足疲願少息禪榻花光齊我生本

虛白齋存藁細吟集上

無著踏雪鴻爪泥邊陬洞壑多鄉思空秦稽

徑深廊為紆翹步逼幽曲縹流導我前丹麓塗未足虛

檻一憑俯象外暹遐矚峯簪盤翠螺流帶漱寒玉采采

芳杜洲餘馨尚楚俗駘宕春正妍平林競紛緜幸辭駢

謁武鄉侯祠

南征籌筆縱為檢報祀蠻中惠愛深巾扇尚遺名士像

驅馳難竟老臣心錦官樹遠春無色銅鼓峯高夜有音

借用諸葛故事此瞻望祠題思杜甫祠額以丞相祠堂

地近有銅鼓山黃鸝碧草一長吟為最常見前八詩

謁王文成公祠

姚江渺渺海通津不朽兼三謫宦身異代蠻荒知俎豆
當時朝議誤荆榛堂開後覺絃歌盛初即書院有堂舊名後覺居近
先生景仰親右陸左朱成底事

御題名世勒貞珉吾鄉文成公祠碑勒名世貞才四大字今上南巡時御書也

東山紀游五古二十韻

東山官舍東深翠積殊狀嶙峋欲千尋梵宇結其上我
來幾昕夕左顧輒神旺乘暇催振策馳心觀昭曠循磴
行多紆穿林眼始放雙崖劃中分突兀不相讓道半入
旋螺虛亭舊人瓶移步聊就想遂受輿丁誑亭下舍與就步為輿

虛白齋存藁

細吟集上

八

丁所肩背爾固疲腰脚我非壯掖之以僕僕扶持惟彼

相寫下烏雲根鱗鱗整層浪洞門踞絕頂複閣空依傍

來滇迓萬峯走楚送千嶂如帶南明河晴沙細演漾都

會自殷闈指點歸一望山祇落遐陬多恐隱蠻瘴獨得

清淑氣宜為衆人仰臨風喘既蘇襟懷抑何暢游屐非

謝公登臨乏高唱當與林壑期迴身赴蓬閣

登黔靈山入寺小憩遂下山觀聖泉

聖泉載圖經乃在陰麓側虛盈隨六時晝夜符百刻乘
興欲往驗攝衣行得得游蹤始陽崖山勢頗雄特絕磴
懸羊腸千盤徑逾仄鬱鬱松竹翠黝黝藓苔黑息足青

豆腐茗椀費禪緘過寺循坡陀穿林越榛棘亭屋遺椽

改泉名舊碑勒方梵貯一泓清淺可蠹測坐觀長復消

三分石痕則或置金約指理取相生尅土人以金器置小石上謂可立

致我意不謂然翕張氣通塞譬彼潮汐信子午自無忒

微波具體存造化豈人力留此靈幻機誰能叩冥默羅

施古荒服鄉俗雜邛夔流傳侈襍祥占視同墨食使者

莅茲土所期惟稱職幸無榮辱驚庶以乎水德挈瓶矧

相假用汲不吾嗇既便殘齒漱復喜倦眸拭御風歸冷

冷本趣溢胸臆遐方饒異觀公暇遙攀陟

張椿亭觀祭席上食鱖鯉魚

虛白齋存藁細吟集上九

紅如琥珀白如晶往事圍爐重此烹聞道近從江漢得

不教風味遜遼京都中呼食鮓魚皆從關東而未

發貴陽之清鎮

出郭十餘里山郵斯最平排衙兩崖送分野一橋迎雨

過溪聲壯風迴樹勢輕春寒較難禦始羨昨朝晴

驛館牡丹

誰折東皇第一枝膽瓶如斗護穠姿乍來山館殷勤賞

三月三前夜宿時

行抵安平

一宿即南上山山疊石多因高圍壁壘就下注坡陀古

洞迷殘燒空亭卓翠螺崎嶇行忽斷千頃見宜禾

安平城外山形多似天馬

上駟天然結作羣城南仰見簡浮雲使軺正擬憑鞍過

蹴踏聲添石上聞

是日上已值穀雨節

穀雨今朝雨意濃前山多被濕雲封行人未暇尋修禊

家住蘭亭隔萬重

贈保就亭提督

紅巖白水古梁州幕府爭看建上游地控百蠻資鎖鑰

身衣一品播風流雲端飛使勞青鳥家服蒙賜簡翰花外行幢

虛白齋存藁細吟集上

駐碧油重勞郊外出送感謝雅懷何以報湯思縞紵托網繆

持節頻繁渥

主恩宦游蹤蹟聽重論春風座近光初接大樹鄉遙陰

尚存公曾鎮浙東諸郡烟竈貌貅森衛戟藥籠惹苾佐盤殮我

慚歐褚公褒鄂畫閣丹青讓獨尊

安順行署後塔山

校士兼旬局鑄嚴行旌久駐郡城南推牕屋後青山在

萬木團圍一塔尖

卓峯百尺勢非高登眺綠慳仰視勞自笑本無攜屐興

滿林松桂不須嘲

有餽生雉者放之山麓

體具文明姿耿介為媒同類忍相欺開籠祝汝歸山好
莫遣虞羅再受羈

望水亭觀白水河懸流處四首

十丈飛流直下時聚成素練散成絲廣陵八月觀濤後

又觀黔南一段奇

烏撒西來過萬重懸崖斷處濤衝亭前一望真源在

玉峽分開走白龍此係白水河得名處俗稱瀑布似失其實當以志書為正

上流懸後下流來此上先有懸流一處但稍短耳數里轟聞響似雷休

問亞風開草木隔山騎馬撼多回

虛白齋存藁細吟集上

潭中濺沫盡烟霏傳說然犀照見稀孫可怕近蛟螭深望事

窟宅洞門無雨亦催歸

黃果樹驛

簇簇紅開楸樹花離離黃實綴枇杷關心四月蠻中景

白水河湄第幾家

永寧山行

平地不可見安心學閉眸馬盤峯絕頂人滯雨當頭攔

烏啼難斷蠻花笑自由天南饒此景辛苦問行驄

關嶺

崕峨千仞壯南天四十二盤巔復巔深箐有風疑虎豹

下方如海俯雲烟到來古廟泉盈甃廟祀漢將軍關過
去平岡石布田過去即屬平岡居民地勢日高人日遠
懶將開鑿問何年

鐵索橋歌

盤江水惡不可渡壁立雙崖斷行路何人冶鐵成巨絙
架空貫木資飛騰向丈之長兼丈廣條條鎖紐屋梁壯
旁施欄檻製更精終古不搖復不傾下絕洪濤吼上遺
飛鳥鳴使符絡繹天邊到此荒涼南舊時道滇南南去
萬里遙萬里控制安諸苗諸苗安牛酒賀收實稅通賤
貨饗僮媿婦橋上過吁嗟乎夜郎自大何足雄絕鑿所
虛白齋存藁刻今集上 十二

自安順抵普安道中雜紀六首

燕麥花純素鶯桃顆半紅燠生初夏日涼起自南風屢
訝峯巒改仍看節候同郵程無甚事好景在胸中
巖腹藏苗砦塘坳列戍樓穿林深箐覆灑石突泉流郭
小時防虎祠叢或耳牛籃矚煩地主竟夕為淹留
置頓隨荒店更番出近圻吹蘆蠻唱豔燒籠佛音微
印於殿右以避風 路指青千登筵張錦一圍生翠無餘
氣其香甚近世不

興不待醉時歸
催從來魁警苗民多 鳴駒出程程史 飛駒飛駒

遲從騎急索驟與丁結夫多 數過巉巖域有與 難窮詰曲
形所欣長晝好出入罷占星

山石紛層疊居人伐取便為垣風隔啟代瓦雨溝連迴
異于茅俗如吟在板篇黔中多洞壑小築亦天然
村農經夜雨行客及晨寒叱犢層崖上披裘五月底舊
醅斟入市新笋飽登盤上瘠逢年稔母虞道路難

新城早發

檐鳥喚新晴衝泥不礙行巒開雲忽續野曠石初平
舍炊烟色花溪浣水聲千家靜中過回首隔山城

道中記所見

長裁裙幅短裁衫多費花紋錦一絨共門新妝矜玉貌
洞中歸去日西街

一般騎從漢官儀傳說前過女土司若輩久將三窟占
誰分撲朔與迷離

過普安州入南籠境作

者卜河邊尾灑山瘴雲收盡露屏顏試看櫺鉢當時寨
多住流人少住蠻

南籠行署作

盤江上湖水注西粵南滇隔片雲遺壤共傳于矢部
舊談誰及永明君山形斷續奇千變磴道高低險十分

差喜邊氓饒畜牧牛羊落日散成羣

行館高從最上居每因瞻眺得憑虛如螺峯髻層層縮

城外諸山羅列似瘴花香冉冉舒 點中惟此地與 苗女

趁墟晴曉錦寨農勸穡夜燒畝休言此地從來陋太史

陳風採有餘

自新城行至高伍

山骨玲瓏天琢成綠崖草樹翠陰生故鄉何處渾相似

三月風篁嶺上行

途中見苗民插秧

時雨連宵芒種初高田水足下春鋤分秧苗婦苗男種

虛白齋存藁 古今集上

家住山坳草葺廬

安姑山行

安姑山上下十里約千盤已沒前驅旆仍遲後騎鞍斷

雲晴忽雨深谷夏常寒心謝飛流蒸潺湲送客官

廖箕箒對崖山腰石壁如城表廣數里飛雲滅

沒其間真奇觀也紀詩一絕

巖腹橫添峭壁攢雨餘雲氣幻無端分明北宋荆關派

渣就生綃供客看

烏鳴關 俗呼鴉關

黔中險要上游多第一烏鳴未易過猶有舊時殘壘在

不須崖石字重磨 山上多戍守舊壘並磨崖書千重鳥道四大字

過盤江兩崖諸山

上時百折下千環知是盤江兩岸山竟日行人在天半

白雲飛去鳥飛還

觀劇三首

照徹暹毬燭影紅繁絃急管見巴童 諸伶多蜀人 近人愛聽

伊涼調開殺吳趨老樂工

學歌跳月舞珊珊花錦苗妝辨亦難莫怪使君腸惱亂

此間此曲未曾看 時演賞鑒入點始見故云

暫擬登場侍酒頻也知粉黛總非真平生不解紅裙醉

虛白齋存藁 古今集上

任爾擎杯勸別人

還安平抵乾溝

境僻增幽險漫漫易夕陰野花輕過蝶山雨後歸禽旅

客多包飯行軒不廢吟子由經久別款語及宵深 時合第署

華川今適在省垣出城一略

端陽日抵鎮西衛午飯

今日天中節行行近水西榴英雙戶發蒲玉一樽攜不

見雲中嶺仍憐雨後泥山禽知路滑作意向人啼

甲池河邊石壁

赤城未向天台見赤壁誰為夏口行飽看霞標兼火色

水西西去半天程

渡甲池河

已隔舟行久渡頭今變來駛濤輕漿送懸壁片雲開封
城關天險登臨費客才侵晨此延佇後騎莫教催

次日行抵空桐樹戲作

昨來山館夜餐齊饌有鮮鱗醉似泥食魚甚肥美休笑書生
窮口腹尚留餘飽入黔西

大定山行

水西山又別高處得平行崖屋藏雲氣溪橋漱石聲衝
泥連夜雨漏日一方晴偈仄窺前路車箱入谷驚

虛白齋存藁細吟集上

蠻帥濟火歌

羅施鬼國人如鬼斷頭尾掉悍無比亦有巨酋忠智俱
深雍蠻韉坐驅使當時丞相南出師渡瀘深入清邊陲
峯嵐嶺瘴菁林密先導頗行惟爾資攻心計就返戎旆
錫土酬庸等河帶四十八部多長官敢垂黃屋妄尊大
君長遐荒何地無雲烟變滅隨須臾不見夜郎早誅且
蘭絕遲此西南天一隅由來黔蜀號連壤丞相祠堂樹
森爽至今座下立睢盱長傍宗臣肅清像丞相月下石
蠻帥立像
大方城踞山上頭萬峯環拱雄諸州使爾子孫長効順
版圖未必中原收

女酋奢香歌

窄衫大珥巾幘雄耐德土官正縛有諸酋風生馬畏羈
鷹畏籠走鞭訴帝明光宮爾時廟算急遠馭不惜一帥
安羣兇所仇與雪感益崇誓願報國恢邊功歸來錦衣
耀日紅鮫皮寶刀桃枝弓徧論溪洞布威德百年內面
銷兵戎不觀烏撒兼烏蒙遺墟遠與滇蜀通駐軍洞在
比喇東平遠州有奢
香屯兵洞芳名久久傳蠻中靄翠有婦乃如
此後之水西二豎邦彦
崇明真沙蟲

大定行署作

黔地苦炎熱此間良獨寒所居寶山頂風穴交烟鬱我
虛白齋存藁細吟集上

來五月中卸綿尚覺難野岷絕裸衫陞貨稀羅紈幸辭
蠅蝸侵午睡差相安此去上烏撒里餘四百寬彼中五
穀無燕麥充常餐不毛固多有母為沙漠歎

由滙河塘行抵三重堰

天光如漏澗如傾千仞危崖東馬行自分吳兒心木石
夜來添作夢中驚

大定革器歌

大方產漆魚產皮良工制器能爾為非陶非梓非裘箕
塗附爐器成凝脂以漆和牛骨
氏塗者最堅輕於削柿堅於瓷繪以
五彩光陸離金泥華貴描絲絲厥制洪纖中矩規几屏

筐篋孟盤厄韜藏屈摺分耦奇餘代畫紙供敲碁其值
尚廉用不疲圖經物產豈子欺例充壤莫陳

彤墀揚雕粵檀位置宜適來多士角藝時至者雲集歸
馳人購一具慳囊施肆為之空利不贊守疆我厚紛
我貽我何能受何能辭又費兩丁五日期昇歸官閣高
皮斯願鼠毋噬塵無緇誰無朋好居京師藉汝持贈輕
朱提

入遵義境

水西行盡後漸覺路寬平緣磴人多捷騰橋馬不驚早
禾纜擢秀叢竹再抽萌側聽村農語天陰莫放晴

虛白齋存藁

細吟集上

十八

溪邊見水車

重輪激轉灌連筒省費田家無限功畢竟細流難遍潤
何如一雨乞天工

遵義行署即事

播地古夜郎其西最近蜀平野饒田疇厥壤稱衍沃每
逢歲大稔旁郡藉輸粟使者駐星軒雅懷寄風俗溪橋
凡幾折行行入深綠重閩結層阿歷市互連屬殷闌紛
在眼殊可快遐矚所念三伏時地炎逼蒸溽何以清塵
襟佇望涼雨足題牋乞山祇膚寸石雲觸

遵義雜詠三首

寒宜綿毳煖宜練酌有清醪繪有魚今日南黔昔西蜀
何人不羨播州居

供奉仙才遠窺時桃花春水不勝悲誰知懷白亭中客
愛向桃花詠舊詩亭在桃源洞

烏江東下水潺潺九節灘頭問百蠻說是舊時安撫地
亂雲遮斷定軍山

得雨用前行署作韻

黔中夙多潦天漏類西蜀墾田落山陬藉此土膏沃久
晴逾旬日市價譁貴粟止屠事禱祈我意共流俗畢竟
皇天慈靈澍扶苗綠朝滋夕復灑雷聲遠迴屬坐對戶

虛白齋存藁

細吟集上

十九

外峯浮嵐入凝矚雖無疆吏責頗切驅煩溽應時獲連
番於我心先足環視角藝場含毫門蠻觸

遊桃源洞

溪山佳處接城隈嵐影波光照眼來迎爽候催庭葉落
時立秋後一日探竒天與洞門開詩仙勝蹟餘林鳥太白詩有流夜即時
所詠暖入鶯黃舌漸調之句因傳此地為太白聽鶯處
又太白尚有烏江留別宗人等詩則太白嘗實至夜即
乃其自叙則云至亞羽客前題隱石苔壁間詩省識浮
山會故得揮何也雲誰久住陶然相對一銜杯

烏江渡

淡淡白雲秋滄波滾滾流吾行猶播土此水已黔州渡

豈無舟楫津誰問斗牛暫歸仍是客閒意羨沙鷗

養龍宿次早發

渡江東上後山勢復嶙峋赤日行人畏清風馬足馴綠坡初辨石拂袖未沾塵甲子勞重記秋來第一晨

抵修文訪陽明先生遺蹟

龍場謫後望逾崇何陋軒居障礙空振起斯文天遣與不教蠻服阻儒風

試署建文昌閣初成

畫收明秀占黔陽檻外高懸校士場新與斯文增結構每從暇日一徜徉秋光畫淨山排闥星象宵分斗戴筐

虛白齋存藁

知吟集上

二十

多謝風流賢太守姓名各各記雕梁茲閣得建深藉署貴陽守劉研莊同

年之力今梁上備誌建造歲月及諸助建姓氏

陳簡亭廉訪招賞荷花

白雲官廨最清幽景物先時夏似秋夢草池開署內涵池名

碧色採蓮歌起瀉珠喉襲衣芳氣虛亭上照水花光畫舫頭投轄主人工勸飲不辭秉燭夜深游

貴陽中秋

今年今夜月又向此間看宦跡浮無定輪輝照自寒街衝抵元夕兒女話長安萬里休相憶陰晴幸一般

自貴陽抵龍里

踰時息山行跼足又思展譬彼愛酒人何緣避流湏浚晨戒傲裘出郭望層嶽首塗屬雨後淨洗容婉變蒼翠攬無窮峰路兩迴轉林表新黃葉秋深色猶淺禾黍收平疇荒扉靜雞犬亦有郵亭僧破滅勸茶葺寒颼吹瑟瑟顧我衣重滿節候易催人興懷未能免

甕城關

甕城關上路高盤十里茶亭兩處安行過南籠上游地此來都作等閒看

貴定道中

谷口疑平壤深行一逕微林遮長帶霧山豁偶通暉弱

虛白齋存藁

知吟集上

二十一

翠巢溪岸藤蘿蔓石扉年珠古時洞小坐拂塵衣

江西菊

占得嘉名自豫章翩如蛟蜨彩鴛鴦有一枝二色並一花二色者

般處士籬邊影別樣佳人燭下妝露早霜遲存品格秋先

冬尚秀即開迎花濃香淡費評量瓦盆爭藝瓶爭插此種流傳吾鄉三十年前始從都下乞移近則隨處皆見此花矣

重經黃絲

高館雙轅鎖寂寥此來枉說是乘軺去年殘臘多風雪若個迎門借一宵

天星米

穗簇丹黃細聯即論秋色亦嫣然深煩過客誇新種
不種江南上上田

酉陽驛館

一宿經前度曾將性命輕居然新爽堪往者久軟傾逆
旅誰就逸山郵合計程宰官能好事留詠與題名

福泉山禮斗亭觀張三丰遺蹟

我過仙影巖望影眼成霧巖頭惟見字磨崖乃是名流
誌追慕平越府西仙影巖上有三丰遺影最高處勒九
神留宇宙四大字乃明時巡撫郭青螺所題

十九峯環郡城一山靈秀城中橫觀號高真亭禮斗仙
人遺蹟長留名仙人游戲翔八極偶落塵寰俗誰識邁
虛白齋存藁如吟集上

過一身誤看場蠻荒坐謔聊棲息亭中四顧凌碧虛尚
傳楹帖當時書鸞飄鳳泊態難定靈氣至今相卷舒仙
人在世亦人耳學得長生即不死殘枰幾劫石苔斑枯

樹重榮浴池水客來點筆寄閒雲凡骨何緣換與君願
向月明騎鶴肯拍肩上界列真羣

平越行署重陽

盆菊綴霜華新饒五色花此方分節物吾輩共天涯酒
少煩人勸山多許屋遮登高本無意吟望日西斜

望嶽栽山 行署對面

嶽栽古寨隱高雲十里蜿蜒積翠分間倚東窓朝暮望

晴時明月雨時雲

葛鏡橋

此去連滇楚崖空建置勞入雲雙騎並臨水一虹高新
驛道非故昔人名足豪摩抄路傍碣秋盡尚蓬蒿

清平驛館

犬牙疆土錯難明戎索誰將周索行共說興隆接平月
星郵今夜宿清平

清平道中

垂條桐實圓於彈綴葉茶花白似銀二種皆村民梓
油以取利者千
樹栽成等千戶素封一例屬居人

虛白齋存藁如吟集上

渡重安江

江水深涵天蔚藍綠絙穩渡小舟堪江水甚駛兩岸貫
以巨索舟渡綠之
晚來漁網潭心集依約烟波鑑曲南

詠文石 有序

孫補山同年視學黔中購文石之至佳者百
餘十枚攜歸京邸常出以示客雲霞巖壑草
木禽魚花果昆蟲之狀錦繡龜貝之紋無不
各肖真異觀也今予亦忝斯役適舍弟素筠
署婺川令石產思南府東之白鷺洲遂以數
十枚見寄亦足當孫什之一矣因憶曩時曾

於舅氏家獲黑色小圓石一枚中有金線大
士騎麒麟送子像置水視之豪髮畢現貯以
銅匣供諸佛樓座前余久入京此石已不知
落誰手矣並附識於此

天然寫生手具此小景景質較滇屏朗材均粵硯奇丹
青潛水日冰雪貯盤時白鷺前洲在名流有舊詩查初

瀚海石有點
中白鷺洲句

飛雲巖十詠

巖在黃平州北二十里俗稱飛雲
洞奇處在巖洞甚小不足稱也

石雲

虛巖綴玲瓏靄靄多無比為重出山心歸根堅不起
虛白齋存藁

細吟集上

二十四

石臺

廣址亦天成倚空平似掌說法坐移時俱生點頭想

小三石峯

海外三瓊島移來小小峯侵晨照初日豔彩發芙蓉

巖後石洞

寒穴黝而深中含水盈尺傳說在山人呼龍為蜥蜴

雲根泉

出竇聞淙淙清音漱寒玉本從石髓分一掬味真足

聖果亭

上有陽明
先生碑字

石頂椽三四垂藤不易攀文成有遺碣終古鎮名山

平橋

清境絕纖埃方塘開一鑑遊客過橋多花官聽仙梵

古柏

鸞鳳高樓樹香深幹益堅巒中無甲子知汝植何年

月潭寺

潭月兩何有禪心視白毫門前日與馬莫遣寺僧勞

滴翠亭

青螺隔溪水卓立成孤秀空亭不住人嵐氣落襟袖

施秉城外石橋

舊偏橋
衛地

此水通舟楫黃平上舊州如何官道阻祇及澗溪頭遠

虛白齋存藁

細吟集上

二十五

岫暉歸雁晴沙穩戲鷗當年開府地歇馬且夷猶

自施秉抵思南界

不爭山路說崎嶇偏向漫漫僻處尋驛裏傳餐星未落

村邊問宿日先沈驚人巨石狎犍虎勸客清歌格磔會

一坐六時消不得半程閒眺半程吟

過將軍巖作

人如螳附馬螺旋削壁圍成甕底天不到牂柯誰省識

征蠻勳業過燕然

白巖渡

溪流闊無幾沒馬竟難行暫假扁舟送如逢兩槩迎晚

竿蓑笠侶秋確轆轤聲過客誰相戀山郵又一程

宿石阡

義州城外滯行騶駐馬官橋問置郵地小苦為山障占
官閒難得吏人留寒林露葉兼霜葉野渡溪流合澗流

因憶舊時陳典郡海寧陳子文徧將翰墨灑荒陬

道中微雨

一晴過十日安得天無雨正在深秋時霏微密如縷未
免障泥滑不教扇塵舉佳事世固多合并夫誰許

入安化境

上坡不得下前近古牂柯怪底氣蔥鬱山山山木多

虛白齋存藁

細吟集上

二十六

江行達思南

僕本湖海人烟波故鄉裏驅車向京輦廿載逐塵帆前
年使粵西舟楫獲重理衡湘轉九面歸帆擷蘭芷茲者

荷

皇仁復叨黔中使黔中號山國跬步皆巘嶠觀風半西
南所至學乘標豈意層巖下渺然見清泚打槳呼舳舻

緣溪石齒齒瞬息涉巨波浩蕩敢涯涘此水源委長按

圖徑千里巴邛兩交匯環繞郡城址當時伐夜郎棧船

謂從此境與楚沅隔流傳尚疑似田山蓋因思南有界

楸船當在於此其實躡沅水而荒僻古難考臨流實

可喜側聞下瀨行利取便程駛來是去則非官驛量移

徒素懷既云愜隨遇貴知止江神勿我驚我行亦暫耳

值風雨故云惟有鷺鷥羣長占此江水

思南行署作

古郡牂柯地西南最擅名層崖出山市斷岸隱江城地
沃魚鹽雜官廩訟獄清黔涪通一水好擬峽中行

其二

俯檻長流繞富牕列岫通過秋寒淅淅經晝霧濛濛土

職非苗比境內有三長官司而無苗若祠神與蜀同已有廟祀川連

床問風俗絮語更何窮時舍弟至署晤語

虛白齋存藁

細吟集上

二十七

其三

遠響白沙瀨寒輝烏柏霜旌旗營列帳橋市堆筐荆
璞搜難得巴歛聽易忘觀風我聊住祇益使車忙

自思南山行回至塘頭渡

到日寒江細雨天歸程山驛又層巖寄聲渡口烟波客
重訪仙源亦隔年

黔中產蠟甚多舍弟以燭見寄口占一絕蠟在樹

雙花採為燭最稱光潔惟黔中蠟無化

若樹花生亦苦辛流傳千億種堪珍自從化作光明燭

歌舞筵前誤汝身

石阡道中

險仄逾峯嶺真嗟行路難
荒林長叢棘壞道瀉哀湍
漫切駭鸞想慚非叱馭
官長虹應漸近顧盼一憑鞍

石阡湯泉

石阡城南松明麓一甃方池
水恒煥徹底多從沸眼
生漫空時作炊烟覆靈泉
出地知有用蠲祛垢膩甦疾
瘵為落蠻陬境稍偏若民
峒戶望連屋座列官私漾嘉
月流帶左右漱鳴玉洗兒
總免華清賜修楔未傳永和
俗我行經此已冬孟嚴霜
實草風落木篋中檢視甲子
書是日恰稱宜沐浴掛巾
在樹毳在席暖霧霏霏敬晴
虛白齋存藁細吟集上 二十八

旭如臨清頰學洗耳何異彭衙歌
濯足君不聞古稱溫泉之溫
其種三丹砂琉黃鍾乳各分屬
黔中雄精亦土產辨氣未真徒
更僕又不見

帝京湯泉乃在湯山中咫尺

山莊離宮三十六他時一勺審異同歸侍

宸游扈

輦轂

太虛洞

石巖腹多枵竒境軼危棧云可面背通
中虛屏扇鍵引睇高百尋履廣蔭非淺
罅枝鳥遺種懸溜孔增蘚稍進

獲重閨以火壁方辨積陰寒雲凝送響驟
霆轉誰來魑

魅居磨崖宇如匾踰此開益異光明別開
闢自在古維

摩妙相具慈內尚有萬佛巖天成石大士像高數丈傍轟石沖龍亦丈餘未及進觀而止

攀陟情殊勝腰脚苦濡軟嘗味筵中輟拔
圖軸半展前

我倘十齡茲游或可勉

去臘雪後行至鎮遠深歎山程之險今冬按試

重履茲土感而有作

去年入鎮陽登陟嗟險峻望坡心為悸惴惴實其慎適

途雪霽初環峯積瑤瑾冷光逼寒眸不辨鴻爪印于役

有定程搖鞭力前進竭來已再至匝歲如轉瞬黔山盡

虛白齋存藁細吟集上 二十九

嵩萃所歷必千仞勞習疲遂忘見多氣亦振茲地踞要

衝楚蜀上游鎮兩巖儼北峙五溪首南瀆蠻荒久寧居

免致長官覺晴明試出游木落雁成陣會當上卧虹四

顧暢遐訊歸日語道傍視余舊蓬髮

望署後石屏山

千仞高瞻壁立身山靈指與學山人世間那得盡如意

媿我前頭居數句

澗溪

寒日行溪側陰凝暮復朝環山冲此處山田坂名見家白華詩不斷

隔岸冷音另此間冬露道水難消雄峻存樓堞喧飛出之名見查初白詩

市橋試看東下水歸路正迢迢

華嚴洞

如披瓔珞綴流蘇古洞雲根見特殊
蠻地鬼神工斧鑿佛場樓閣現虛無
暗中得炬泉生眼崖際爭磨薛作膚
等是路傍驅馬客一登法界羨跣趺

過酉陽新驛道石崖下

危崖夾峙澗聲多白晝陰森晚若何
新驛酉陽三十里最寒心是此間過

長至日至貴定

已過小陽候連朝霜霰霏多防履齒折不見騎塵飛
一虛白齋存業細吟集上 三十一
線日初復雙旌人雙歸拚將歲華送緩緩拂征衣

虛白齋存業

山陰 吳壽昌 泰交

細吟集下

起戊申春 訖己酉夏

詠雪三首次艾鳳嵩前輩韻

瑞雪

此方難得此佳晨山瘴空時臘瑞新散作瓊瑤生朗照
甘如雨露認前因曾封連理華林樹早卜雙岐麥隴人
珍重幽燕同掌大黔陽花發亦先春

初雪

同雲如幕釀冬殘頃刻階庭供客看纔報頭番霏素屑
一虛白齋存業細吟集下

不爭一色映水團屋深舊剝扉雙掩山老新添路幾盤
遙憶寒江蓑笠侶扁舟今夜獨漁竿

殘雪

潤物功存積與消非花非玉豈論嬌霽時尚帶風淒緊
沾處爭傳土沃饒嶺入雲端浮疊疊林斜月下散條條
關心最是陽春曲銀幌珠珂憶早朝

用禁體詠雪再次前韻

瑞雪

已從午夜達清晨起視階前盈尺新作戲天公原善幻
占豐歲事竟成因珍同襦粟為奇貨快甚街衢見醉人

等是滋培稱德澤敢分饑臘與迎春

初雪

篩空浙瀝米聲殘俗呼霞為米雪才得江大放眼看幾處分輝

臨蠹字何人化液試龍團飛從雲脚來摇曳積到巖腰

卧屈盤消受者香清徹骨冷香萬朵翠千竿

殘雪

霖後山城冷讀作另音漸消掛枝欲墜不勝嬌餘寒澗道身

會歷斜影園林景倍饒

中禁觀高多永日用雪殘鷓鴣亦多時句意舊鄉橋斷荆長條吟情

漫續尖又韻慙謝唐賢和早朝

虛白齋存業細吟集下

聞周八題苑凶耗

恐是謠傳已足驚義兼師友舊時情慳君一第才仙鬼

飲僕千秋恨死生室內諸郎可饒粥旅中羣從合經營

君卒於上海令署令乃君宗人余之婿也他年歸去誰儔侶老眼鄉關雪涕

橫

入龍里春氣甚寒

侵晨發金筑薄暮宿龍里歲始復首塗春深寒未已道

傍柳含綠林外花斂紫肩輿帷四垂料峭風刮耳蔽身

婦車中置坐井蛙底幸有片玻璃通明不吾蔽眼底萬

蛻蟪骨稜黑齒齒掉尾入霄漢垂頭飲治汜石梁亦空

洞長虹下天咫褰帷戒役夫明曉當過此

由貴定入麻哈

一逕入雲際分岐始此行過楚身自共分道帶羅俯江水斗大

指州城草木早春斂林鬱殘雪明紫薑蠻岩近名酒

酒禦寒生

抵都勻日春晴

坦道越三里煖春開一晴經年那易得今日若為并坐

免枯棹轉身依即栗輕前蹊有桃李觀爾及時榮

都江竹枝詞十二首

專述土風多作蠻語殊異懊儂之唱差同郎

虛白齋存業細吟集下

罷之稱

三角屯邊江水連三角灘上下灘便近寨蒙人蒙讀上聲苗人

稱諳灘性勝讀羅上聲苗船稱頭向後尾向前

詔稱男聲雄大耐苗稱男聲雌獨木船中苗船多雙槳施

耐愛呵烟詔愛槁苗稱烏衫一色趕場時

頭難二難魚三難俱苗名雷吼閭羅一節灘近日蒙家學

丟苗人稱漢人亦以稱客語勝頭叉手報平安

未到孖江苗稱水之分流為孖碧綠湔彎彎小月火星客官宵

宿戍傳礮驚走辦嬌苗小兒稱低耳聽

齊聲失笑鼓胡龍誰得如絲讀作搖音苗人自稱駕勝工不見前

灘虎牙側老虎灘曝衣風帽夕陽中

柳疊山前柳紋金斜將柳葉髻椎簪無情風雨有情日

阿婢苗女來牛寨名歲歲心

石骨如龍淺處橫一溪頭角太獐獐紙般薄舫不堪觸

付與絲來屈曲行

經過平宇水平沙才撥舫頭前向划趁浪趁風六十里

八開泊處演多加苗唱

畢竟雷音苗名過最艱中流巨石屹當關阿絲憑仗禱祈

力撒手波濤一瞥間

棕纜長踰十丈強半因放溜半聯檣蒙家此物底須用

虛白齋存業細吟集下

拖入平沙舫自蔽

更番梭疾說當差不使餘閒住此涯摸得細鱗好飯秣

費絲山洞半肩柴

木葉吹殘棄不收野猿今喜逐江鷗婢完小女婢擺大女

稱銀環大同舫看花下古州

古州驛館

黔粵交連壤津亭此暫居艷山紅躑躅遮戶碧柝欄客

語聞蠻熟鄉心入瘴初為官如傳舍傳舍更何如

黎平道中四十韻

西行渡溶水始識苗族蕃所居稱山寨各各依平原巨

木支重屋四圍皆籬樊溪閣通往來臨流日潺湲寨置

銅鼓一牽堵高可捫什百勢聯絡計里成村村機鈔出

布粟孳息肥雞豚或據巖杉竹或區土田園引泉疏方

池種魚惟取潭晨林炊土銜宵咂注瓦盆有時衆相聚

雜沓如蜂屯又如軍鴉兒衣染緇塵昏何以別男女短

裙與長禪其男率朴魯力勤長子孫近乃被華風亦知

詩書敦道傍習拜跪髻魁半已髡其女多織好刺錦滅

線痕澤髮橫銀梳細索相續繡盛飾頸與臂重鑲互蛇

蛇頭臂有纏銀云何雙足跣蔽屨以俟婚使者道經此

山徑苦觸藩行李不得過舉足愁掀翻州符昨日下午土

虛白齋存業細吟集下

目相傳喧一輅來衆壑依寨為更番藉此速前進茲輩

疑猱猿薄暮館驛樓紛紛樓下門有男飾羅漢苗男未

飾冠服羽數縲巨細擻蘆笙管笛胡越阮此唱彼羣和

間之舞蹲兩歌不能曉詢之詳其音類伊涼頗足醒

心魂須臾女歌至三五稱婢媛轉喉殊促速挽手同篋

填歌必兩人挽急令麾之退其俗敬所存顧譯聊計酬

金錢彼羞論新葉淡巴菰賞苗繡囊貯溫磨賞苗取畢

各言謝笑樂均春溫爾輩輕賦役久久涵

國恩當思享太平稂莠除其根勿謂蠻服遠呼吸聞

九閣采風使者職吾來乘輜軒

黎平滾馬坡

閱盡黔中險驚心數此山蛛絲千仞上劍脊萬峯間石
陞熊羆扶枝殘猿狖攀經過人自老不必問朱顏

開泰詢龍標舊尉處

詩客南遷地風流亦自馨楊花三月白山色九黎青
伯月不曾空近衛聞銅鼓前郵接錦屏沈吟一題句畫屏

欠旗亭

明季殉難湘潭督師何公騰蛟籍隸五開衛今

之開泰縣也有新入武庠名飛彪者自稱為公

五世孫詢之邑人則云係旁支公未有嫡派也

虛白齋存藎

細吟集下

六

有客言貴陽馬氏子孫尚繁為賦此詩詩成後取何氏

宋諸查閣公止一子官永歷時都御
史卒於廣西南寧年三十餘無嗣

梅花嶺畔骨寒時又報長沙殉督師公之大節與史閣
部相同見明史本

傳滄海詎消精衛恨空山祇益杜鵑悲衣冠浩氣存題

碣邑志云俎豆名賢少奉祠聞說貴陽瑤草後百年支

派續窮奇按明季殉難諸臣蒙
賜諡項因按試黎平詢公諡於即守則云

未定余曾充一統志纂修官京寓尚有部移檔案全

冊在彼歸時謹查
賜諡

發新化所抵錦屏

雨後逢晴日前行曉不迷雲烟分楚岫村塢隱蠻溪水

漲聽翻穀田深見叱犁板橋長百尺穩度入丹梯

雨中山行

濛濛細雨暮春天行過山山最上巔此去蠻村三十里
層樓簇處起炊烟

種杉萬樹茶千畝山骨深處見髮膚逼仄四圍難聘望
不須細雨也糝糊

渡亮江

行斷青山忽對開輕舟一葉剪江來此江直下通沅澧

莫遣乘桴客復迴

過黃峭山作

虛白齋存藎

細吟集下

七

數日苗中行溪山頗清快何來陡起峯險絕吁可怪鎮

黎兩雄郡東西此分界其高逾萬尋一氣連沅澧道在

絕頂間盤紆上彌隘俯視雲濛濛松杉響澎湃有時飛

鳥過羽翮忽馬鍔輕轆來衆肩彳亍各心戒更番汗如

雨爾勞我亦憊所憑胸中豪性命意無介常擬遊五岳

放懷破天械培塿觀岱宗須彌納一芥登高難吾畏藉

償行脚債不見危樹枝時來老猿掛

天柱縣署贈家小谷明府

在 original 一邑無郭有林邱遠岫浮嵐出環溪遊石流市

屢新棟宇山砦久田疇為語神明宰公餘好唱酬

雨中至邛水

乍晴復雨驛迢遙眼底溪流漲似潮莫管行人愁路滑

山田一路插新苗

過盤山口號

上山難罕偷下山易無比難處升層雲易時逐流水升
愁阻雲端逐恐墜水底所經巖中山大率類於此黔中
久寧輯民苗視同體險阻儘無用徒困个行李試問五
丁開何如夸娥徙

科試至鎮遠行署

一曲潺溪水此來三度看碧波春後活丹嶂岸傍寬地

虛白齋存細吟集下

老餘賓主地主惟家小谷明府尚在此攝縣篆時移閱暑寒無為費供億

星使本閒官

過路瀨高坡

山下桐花萬樹開旋從犖确上崔嵬莫驚雲氣沾衣濕
身在鳥飛高處來

重抵石阡境

山行未了又臨溪徑窄林深草踏泥松子落邊羣鼠過
竹梢翻處一禽棲陰晴四月時難定黑白諸苗洞易迷
前去牂柯知不遠暫將舟楫息征蹄

金銀花木草一名忍冬亦名左纏藤

蔓引單絲互花開二色并如分環佩飾不假麝蘭名瓶
助行軒馥茶添客椀清忍冬宜夏服本草驗分明

重經思南德江

竟年到處疲山驛羸得舟中三日行兩日都江都勻入古州界
今日烟波稍稍似生平

去年渡此雨兼風今日重來日漾紅多謝江神憐舊識

看山許我一推蓬

最近江源自石阡上流淺阻不通船塘頭渡口船初下

直到牂柯古郡邊

採石還經白鷺洲此來如作鬱林遊分明送與歸裘便

虛白齋存細吟集下

不為鷓鴣啼更留

再題石阡湯泉

我愛溫池水重來問翠微到門先繫馬出浴一振衣氣
味終難辨清和未覺非如當被除日定見采蘭歸

抵路瀨行館夜雨

暮雨昏昏險處行到來孤館坐殘更相從賴有敲棋客

一局燈前候日明

由施秉抵黃平

偏橋行過水潺湲穩控征鞍半日間細數坦途非易得

郭公啼處又青山

黃平長橋新成

高凌絕壑巨長虹費却循良半歲功葛鏡舊時成例在

此橋端合號袁公州牧袁君治吾郡蕭山人

黃平驛館五色榴花

晨起明霞見閒情視戶庭海榴千葉色仙佩五銖形佳

節尋常過是日前郵次第經瀕行一枝折山轎載娉婷

抵平越楊老驛

直從高嶺見平原回望通天祇一門杳香烟雲分列嶂

陰陰草樹暗孤村時禽喚客緝蠻語怪石驚人虎豹蹲

此處山程聞最遠換騎官馬欲黃昏

虛白齋存藁知吟集下

由平越抵麻哈

葛鏡橋西江水寒上過麻哈望重安徑穿犖確微通石

雲在青蒼疊作巒僻地驛長稀置頓荒城州小暫應官

此來一事差堪樂綠秧針滿眼看

道中見農忙即景口占

最是黥農苦山田不易犁引泉遙架木避石巧添泥但

祝天多雨難尋宅傍溪耕耘偕婦子若個餉蒸藜

其二

山半高開墾曾無曠土憂分畦層畫阪合水曲通溝竹

樹裁何益山與水遠居民罕栽竹木牛羊牧易求今年知樂甚蕎麥

稔春收

都勻試署左偏孫芋園太守增構六楹以資小

憩紀詩二首

數楹官舍側結構有餘寬人別三春雨天留五月寒風

窻高午枕山檻爽朝看茲事勞賢守行旌與客安

偏仄懷前度重來眼界新曲欄隨砌石方沼隔街塵草

短蛙喧鼓萍開鴨泛茵興酣吾有句紀及落成晨

自都勻回省署

三日五日熟梅雨千重百重生苗山野橋已斷不可渡

官舍非家聊復還漱石流泉響澗澗學人語鳥鳴關闕

虛白齋存藁知吟集下

一年將半客茲土鬢雪顛霜增舊顏

樂平渡口

無渡欲何之來當薄暮時解衣人似浴過腹馬難馳饑

渴憑誰慰津梁我已疲敝廬歸有日珍重舊栖枝

大宗伯定圃夫子七十寄祝四首

清芬舊業日華東早歲蓬瀛指顧中科第一門依北斗

勳階八座長南宮濟時經術淵源富鳴盛詞章氣象雄

多少生徒銀管述祇慙張老頌難工

教歷崇膺

帝倚毗入居臺閣出封圻花開旌節千人慕骨鎖神仙

一品衣與物為春光更露量才有尺玉常輝

聖朝嘉話憑誰數舉似吾師應亦稀

健於雲鶴瑞於芝甲子週逾十載期會重者英筵上客

吟添長慶集中詩錦駉趨直紫聯步珠樹生庭秀獨枝

遙想日長佳景在仙蒲九節泛芳厄

邸第追陪記樂賢夫子登堂私幸比彭宣詩書澤遍傳

衣日杖履春生退食前曾頌崧高經歲月夫子六句誕辰昌曾具里

報詞祝欠隨萊舞阻山川卿雲五色如堪附翹首南天向

北天

署中有桂一株經秋不花

虛白齋存藟

細吟集下

十二

那有芳英八月看空階一樹影團圓知君見我鬚眉老

故故開遲作一般

夜燒

似電偏能久如燐更善移初明寒至候最盛夜深時勢

逼山精遁功傳土化宜相看乏奇句為誦黃潭詩

黃果生果處地名黃果樹

此地原因此果名果然香色味兼并何曾包貢隨柑橘

欠在東南開粵生

重經白水河

黔中多許境所歷此心數憶在去夏時空亭坐高顧深

滾自遠來倒垂炫匹布迴途值雨後流壯激成怒濁泥

與之俱百尺間縑素人行數里外溟濛霏細霧今來冬

已深潦盡上堪渡懸流亦稍束其潤無十步惟留浩浩

聲震耳尚如故我行有嚴期來往逐烏兔山阿紛誤刻

四壁欠題句逝者在眼前無為雪鴻誤

行抵南籠

按部年來路遍經滇南故道入雲局最高惟有南籠地

鐵索橋邊認勒銘

登鐵索橋側僧樓

仰窺碧落俯巒江危倚僧樓百尺窻傲外黑流歸派一

虛白齋存藟

細吟集下

十三

雲中青峽劈門雙冥冥鶴摩空下滾滾蛟龍到烏降

我學安禪憑試法繩行索渡等緣槿

食蔗口占

舞杖拋殘氣早平堆盤認取到頭情大官一例寒漿好

祇悔從前飲未成

丹砂

黔中貢丹砂佳者產冊亨在永豐州塊材不易得價與朱提

并或類指掌劈鏡面生光晶砂有斧劈鏡面箭鏃等名地寶搜易

竭鑿深水溢阮苦難人力施充匭勞他營銅仁產尤佳

箭鏃頗擅名購取媚朝貴手稜耀紅纓亦有堆作山玲

瓏几席呈水玉含鞞鞞堅光眩雙睛其餘瑣細粒泥沙
衆所輕誰為最要需餐餌求長生顧我乏仙骨素無冲
舉情何况雕繪家紫泥相鮮明得之思有用贈者何其
誠墜地兒開口失心疾鎮驚他時鄉里乞取給歸囊盈

發善坪

出宿尚茲地前坡高復平林霜黃葉重澗草白沙明風
急寒驅瘴天低暖放晴歸程說安穩一盞夕時傾

重經高伍

雙崖卓立翠玲瓏再到依然似畫中指作黔南最佳處
行人應識我言公

虛白齋存藁

如吟集下

十四

廖箕箒

不獨來冬殊去夏也因昔雨異今晴巖腰雲氣歸何有
剝却嵌空翠壁橫

經關將軍廟作

正史將軍失載名黔中廟食尚分明虞初小說流傳處
烏有先生有是生

將軍名不載陳壽蜀志而見於衍義
因思周倉等名當亦從前小說流傳
不盡始自
羅貫中也

由安順宿安平

魚甸斷雨雪百里少崎嶇此地此時節人言俱絕無道
長行獨馬溪暖下羣鳥古驛山城在西看日未晡

登甲秀樓五言二十韻

卓絕城南界凌虛結構牢雙虹開洞壑十笏鎮波濤似
塔層層現非亭面面遭洲唇引芳杜磯背壓靈鼈列嶂
銅鉦扣環流玉帶操秀魚三島勝雄擅百蠻豪畫棟雲
交蔭苔階雨剝膏水心窺牖迴夫半上梯高警鐸風檐
語鏗鯨月杵號鶴樓無怖性鷹下有奇毛茲景判同賞
何人耐獨遊行隨橋宛轉目極樹蕭騷祠宇尋黃石花
官禮白毫橋北為武侯祠
兩有佛寺閣碑殘辨灰劫柱壯紀弓囊學大
士西林鄂公征苗紀功鐵柱在下過客紛裙靴羣公枉節旄深宵曾弄
笛佳日或題糕地僻增山靜心清隔市囂倚欄紅隱隱
虛白齋存藁

如吟集下

十五

聽澗碧滔滔瞻眺難忘倦登臨不憚勞霄寒暮陰合雪
意在林臯

滇南學使汪雲壑殿撰以雜憶京師食品四首

寄示次韻奉答

安肅菜

遂城在畿南物產亦星碎秋菘最有名寒至益堪愛水
霜飽經閱土膏足滋溉四壤自繁生得氣輸一塊擷取
越畦畛駢頭填市闌手輪曳殘泥壓擔滌餘穢及把始
論錢價低於貧耐宿根黃芽叅嫩甲白肪配長安居久
久藉爾津渴肺何意今復嘗嘉蔬出珍賚風味故不殊

移種惜難再近於就亭軍門處得嘗此菜云由摺差入京攜種還抗官舍後圃而成但逾歲即變不復再 枳化地使然聊用解饒喙由來藜藿腸隨遇樂身連辛苦食雞豚一笑何曾輩

鱈魚

儼舍西市西終朝見販鬻冬鮮集遼海汝大信稱獨鱈鮪難定名寒漸凍成鱠彼中呼牛魚見王易燕北錄入釣浪翻屋橫拖計尋丈得非乖龍肉頭骨乃最佳并花索淘漉既殊賴在尾不數腴藏腹方法試臚胸堆盤起芬馥晶輝與珀光隨手變何速駝峯翠釜羹雉膏金鉉鍊豈若登茲品圍爐始生煨燕黔數千里再嘗訝地縮云自江虛白齋存藁細吟集下 十六

鹿肉

漢來岫居應潛伏樵亭觀察招飲得嘗此味者再乃是大江所產 味濃容稍輸畢竟勝鮫鮓世人愛南京阿好出同族吾適采頤動無為談炙較

詞臣冷於冰 中禁猥行走歲除例有 賜簽名各拜手應鹿獲其全一品

賚恩厚書房翰林官例賜同一品 茲物來沙塞銅牌繫長縵想見哨圍場割鮮佐桐酒刀几歸已具倚角功誰剖分榮資覬歲鱗羽惟所偶其尾尤足珍漿明裏毛黜俗庖不解

治饌法窘師受應時充春盤義取樂羣友我生山野性談經坐皓首往事付覆蕉

上林本仙藪

糖燭栗

燕都栗千樹舊比封君貴產形不及拳甘美有餘味寒風吹燭籠市聲夜猶沸簷街細砂雜土銼濕柴費時防竹爆驚不辨錫勺未裹紙付兒童炙手熱生氣黃皮得名巷薪火傳未既物中妙果以黃景物重

帝京舊游成髻髻殼脫便殘牙膚鬆利虛胃遠道艱覓致馳情乏送渭先生非全貧鄉園足收帚要當賦歸歟

虛白齋存藁

旅食亦無謂少陵詩旅食京華春

重經飛雲巖

是雲非石石非雲飛處飛來更問君縹緲浮根風助勢玲瓏破碧水添紋千層合作慈陰覆巖內供大士像 一朵疑從香案分總為奇觀難久賞往來駐馬費紛紜

城南看花作

迎恩門外多園林山環翠高溪繞深人家村舍半依麓雜藝佳樹排森森今年春遲適逢閏二月碧草纔抽鍼日內風和氣澹泞朱櫻先放花差參杏紅梨白復繼發間以濃淡光交侵轉眸開到衆桃李爛漫一片空中任

艷若胭脂雨經染皎疑冰雪寒曾禁如此風光忍孤負
遊頭快占朋盍簪川原遠近有行路隨意歇馬回駸駸
丞相祠堂尤擅勝萬枝千朵彌嵌嵌平階數級入危磴
空亭四角安高岑旋跨長虹渡浮玉碧潭下直驚磯渾
仰見招提兀當面山房小憩開風襟晴牕徧拓足環顧
到處繡繪供招尋恰攜壺觴抵華席稍具絲竹諧清音
我來鷓鴣幾三易日勞跋涉非登臨屈指瓜期及將代
一杯此地難重斟客不笑花花笑客誰能繩繫留光陰
荒陬樂事幸非乏時嘗蠻果聆狔禽他日長安好相憶
何方觴詠無同心

虛白齋存藁

細吟集下

十八

越四日汪芴陂方伯前輩復招集鳴玉山房即

用前韻紀之

先生先我官翰林惟藩歲月黔中深政績清和驗時物
松筠氣味逾森森城南一帶景正好應候百卉舒芒鉞
長橋雁齒分向背環流激壯峯差參野曠始獲俗氛遠
春遲未免餘寒侵傍溪絲柳忽垂綠依依如此人何任
昨來散步偶經賞騁懷游目憑誰禁有客鬚眉稱湖海
歸自京輦簪朝簪時林亭觀察報最入都引對初還扶搖萬里息六月
合洗塵鞅諷載駸先生折東猥速我追陪攀陟踰盤嵌
佛閣俗緣幾香火芳筵舊侶仍苔岑清絕山房後楹敞

飛泉漱玉鳴烟渾白雲檻牖愛四拓彷彿空洞披胸襟
迎眸高下盡花木佳趣不勞費遠尋竹籬郊屋畫粉本
堯夫牧豎歌元音或飾銀環衣繡袂蠻俗一例閒登臨
紛紜指數識衆樂絕勝高唱催深斟座談啞喙日短短
騎散酩酊宵陰陰平生一官苦羈束觸隅舉翮嗟龍禽
願得十旬各休暇宦游晨夕天涯心

孔雀

顧尾生奇彩珍逾衆羽翰遙從桂海到猶帶瘴雲看閃
眼隨屏簇纖毳入繡橫東南爾飛久不解朔風寒

錦雞

虛白齋存藁

細吟集下

十九

未作雞羣立先裁錦段明千絲疑織就五色本天成林
壑虞羅逼樊籠官署清孔前與鶴後品服羨身榮

黔陽絕句十首用湯西崖使黔集中原韻

沅溪南上即牂柯登頓山行洞穴多一雨便涼晴便暖
雷聲震影共森羅

舊衛興隆啓廣場滇茶團小蜀純長辟除嵐瘴須何物
多覓西番戒定香

蠟布紫頭鬚有花諸苗粧束樣爭誇青紅黑白天生種
難得分明是狝家

八番九譯少人行夾路但聞猿狖鳴傳說山居窟生計

銀坑不採採鉛坑

檻內火羊毛似貉山中灰鶴頂如砂藝葵園圃貪收子

養蠟村墟懶採花

蕎蓬麥早盡抽芒二月春風餅餌香買得溪魚添晚飯

南明水漲聽鳴榔

非霧非霜衣上冷去聲是峯是嶺馬頭坡蠻花峒草月明

夜吹徹蘆笙相對歌

當時遣謫地行仙何術駭鸞竟上天遙過前身尚留得

月崖千仞影長圓

使符繹絡路難窮險處全資丁力通繫婦焚男知號令

虛白齋存藁細吟集下

鼓樓齊候一聲銅

箬林毒弩抵干將斂手村巫紙半行川主竹王祠廟近

二郎賽後賽三郎

城破身亡豈足疑乞援絕應太傾危永留南八死名在

早見賀蘭生滅為人望浮圖尋恨鏃地連羅鬼卓靈旗

將軍有子遺棠蔭傳與州民合並祠廟祀南將軍雲

承嗣曹為登川別駕且進夜郎群柯灣沛思惠今黔中

祀將軍而不及承嗣何也但登川據唐書當作務州又

唐書止載承嗣為浩

州刺史省志恐誤

詠檳榔啜酒各一首用敬業堂詩韻

破滯兼祛瘴炎經偉爾功渾侖珍顆小以似雞心片段

訝斑紅計口街童價擊盤估客風閒時耐咀嚼嗜好朔

南同

蠻醴亦馳名通侯視管城用長管甕添浮水螳人作吸

川鯨造得逡巡法斟難次第行月場經散夜醉卧息營

營

詠茶油辣茄普各一首用白華初稿詩韻

祇擬煎餹用翻看壓榨為辦多花早謝漿膩實潛滋符

策調硃匣鬟梳滑碧匙桐材欣並植物產利民知

火色宜朱夏椒名共素秋受辛經白杵雜俎費浮漫法

虛白齋存藁細吟集下

細吟集下 用俗嗜人能具行厨客不憂天寒常佐食芍藥解調

不芍藥醬見文選注

蘭花無香

孤負芳名奈此叢等將閒卉長庭中虎頭一本翻堪怒

說是名同種不同一種虎頭蘭孕甚大

石榴多酸

怪却滿盤堆火齊祇堪經眼不堪嘗餽人賴有滇南種

千里分甘子一房

銅鼓歌

黔陽行省兩銅鼓潘庫暇日請觀手摩拊旁高四寸面

參倍人代流傳閱時古慘綠黝然斑點砂視南海廟形
無差擎置空床試十棒隆隆響作雷公車千秋遺器憑
人說或誇新息或諸葛壺頭尚隔且蘭城當在丞相渡
瀘炎漢未蠻人寶此逾琳瑯一鼓不惜牛百頭箐林峒
戶購剝蝕雄踞彼方稱巨酋彼方搥法真殊衆長截圓
筒內空洞取筒側鼓以背承五里十里宏音送擬法一
人以手
側鼓一人用尋丈長竹空其中近承
鼓背俾聲從筒內進出其開甚速
去年我在古州山
寨過黑苗連綴如蜂窩忽聞前村鳴鼓最高處頃刻樓
下奔走有相摩古云兵聞鼓進金則止不革而銅竟何
理鏗釘鏡鑄製莫符博物紛紛徒意揣君不見九譯蕩
虛白齋存藁細吟集下
二十二

平羅鬼除鼓擊不動人安居盡收六詔官銅入園府鑄
作子母青蚨流通泉布如

竹王祠

嬰兒出剖竹遯水舊驍雄千里王侯大諸蠻報賽崇牂
牁迫莊躡藹醬誤唐蒙祠內三郎附傳芭楚俗同

雪崖洞

何處飛來小鷺峯別開洞府駐仙蹤混沌七日觀初鑿
過去三生話未逢澗雪莓苔封滑滑隔崖樓閣現重重
羣公暇日銷憂地千个幽篁百尺松

鳴玉山房

南明水曲起清音月檻風軒碧樹森蜀相舊祠空際隔
晉賢佳詠座間尋飛泉漱鳴玉
陸士衡句也中年絲竹羣公興初地
鐘魚倦客心占得溪山稱最勝聽泉亭上坐披襟

登後樂亭

磴盡即山頂虛亭四照開溪橋行處列烟霧袖中來春
久花明塢晴稀遲沒苔客閒容小憩憂樂莫相猜

見山中紅躑躅

漫山紅豔點臘脂感觸鄉心寒食時舊作諸孫居丙舍
天衣寺外折枝枝吾鄉天衣寺
杜鵬有名

鎮西衛道中

虛白齋存藁細吟集下
二十三
垣殘經廢衛澗斷度荒郊春望連雲際山行出樹梢黑
鹽肩塊塊紅飯繫包包生計闕民力無為呵殿叟

鴨池河邊桐花

桐花千樹映山村並萼交附春後繁生子好供塗飾用
遍教白屋改朱門

黔西道中

層上得平坦不知高處行春殘花發候天近鳥飛程薄
絮愁衝雨長鞭快放晴眼前羅鬼國一例務鋤耕

黔西州署海棠用東坡先生定惠院詩韻

帝里風光盛花木法源古寺擅名獨一株春煦絢丹霞

進展紛紛趁時俗，竭來馳驅落南喬。三歲尋芳枉崖谷。

水西驛次本官舍，驚見高枝大連屋。主人張宴花尚開。

如對華清浴池肉，檻外繁粧月照深。檐前濃暈雨經足。

寒氣已消態逾艷，瘴烟不染姿何淑。轉思前度在此過。

百匝樹間手摩腹，已無冶質壓桃李。饒有清陰助松竹。

茲來恰踐看花約，奇麗生平未曾目。無香有香何足論。

據隴豈應更思蜀，鄙懷耿耿別有在。却望雲霄羨鸞鶴。

馬蹄往事雖無賴，肯愛蠻陬薄韋曲。夜闌客倦我亦眠。

支枕素屏頭屢觸。

過黔西口占

虛白齋存業 細吟集下 二十四

看花舊約莫重提，花已先人放早齊。客去無心半零落。

山胡聲裏過黔西

九里箐

陡絕雙崖鎖碧空，方容一騎走鸞叢。何須地險勞天鏹。

日落烏巒出箐中

連山寫下捲波濤，箐盡纔知所歷高。聞說此過時候判。

居人五月木棉袍

重至大定憶前朝，朱裏毅破水西賊事

重來懷古大方城，墨經元戎舊洗兵。天上旌旗分道入。

窟中狼狽一時平，精詳籌畫存遺疏。 公平賦謝奏疏 俱載在文集 奇

偉衣冠重降生 公狀貌魁梧異人 見於越三不刊圖 合有祠堂花及相千

秋輝映是勳名

大定行署夜眺

山巔暮清曠棟宇入雲齊，放眼衆星大迴頭。圓月低泉

聲雜虎嘯樹勢起烏栖，延佇知難久中庭露已溼。

雞糞

廿年食品飫京師，菌似銀盤最朶頭。到此別嘗新味美。

當筵試檢悔餘詩 初白詩有南去嘗雞 堪北來食松繖之句

四足鮎 黔西州出俗呼鮎魚按周益公記宜 興洞有四足鮎又宋祁方物畧云鮎魚 出西山溪谷及雅江狀似鮎有足能緣 木點蜀地近未知即此種否今貴州通 細吟集下 二十五

虛白齋存業 志物產 類未載

水西東去水成渠，產得鮎形四足魚。恐是雍巫兒化怪。

去不教烹進比盤蔬

行抵三重堰

日上崎嶇厭見山，忽逢平遠一開顏。低邱淺壑人烟少。

卜築何緣住此間

新場行館

到此今真好欣逢，雨乍晴忽添千樹黛。微露一川明地

自饒鹽筴時當趣水耕，重來無別感歲月去崢嶸。

食燕窩作

燕窩來番船疊片如羹匙售自遠賈手錦匣光離披稱

量付甕人沃湯初沸宜密理分縷縷柔膩吳蠶絲燕窩亦名

金食單充上品登盤首陳斯本草昔未載厥性無由知

相其清虛質益肺扶危闕小兒燕窩紅者難得有蓋小兒痘疹白者能愈痰疾

實乃味淡泊膏膳需他資坐客問所從傳說殊狐疑謂

是海燕蟄養羞寒冬時銜物吐口中凝結精華滋纖魚

與螺肋分別難為施生蟹螺臂之兩肋見香祖筆記採小魚營巢見湖海搜奇海人

苦探取絕島窮險熾窩失燕則亡利在誰生慈取值日

翔貴倍兩酬朱提徒以世人重購之申餽遺豪家食萬

錢老饕未足奇奈何中人產效壘不顧唾竭情謀供具

虛白齋存藁細吟集下二十六

或致傾家費古來美臚胸方法中華垂芻豢足悅口寧

藉珍錯為海西射利徒希物工相欺舍雞愛野鷺我國

人誠癡彼中貨盡然一食吁堪推

入遵義境

整整燧墩與柝樓分明斥埃及時修寄聲戍卒真辛苦

孤鼠羣苗避播州

夜聞子規

爾恨與誰訴如斯啼不休翻成饒鳩舌豈解轉鶯喉斜

月五更照空山千樹幽惟將勸歸意歌枕一低頭

咏楊應龍事有感

海龍聖陰插天高第一先登數大刀劉將軍聞說興師

踰甘萬當時太費閭臣勞

一夜山頭一炬烟楊家宣慰絕無傳但知孽寵田惟鳳

唐季遙遙六百年

遵義歸途口占

雨後山田水有窪插禾割麥鳥聲諱兒童餽餉罷無事

戲採園中鴛粟花

再渡烏江

今歲今月雨連日烏江水漲濁波馳陡拋巨石移沙岸

尚繫孤舟就樹枝道險久分蠻獠界人歸先定雁鴻期

虛白齋存藁細吟集下二十七

寄聲此水當重見萬里維揚到海時

養馬坑

天馬烏蒙舊有名侍臣贊婉漢西京於今不貴蠻中貢

夜夜空山伏檻鳴

文筆關

十里城東疊翠新一闕插漢鎖嶙峋太平有險都無用

祇益興丁喘汗頻

咏署內紫薇花

紫薇一樹老槎枒兩度花開我出衙今日猩紅看簇簇

一樽相對數上年華

黃葵

名同種多別為爾費沉吟難定花傾日祇添葉助陰密
排千顆齒高展一盤金土俗珍貽贈裁時各滿林

登閣有懷

直聳危梯踏幾層山牕面面對高稜四時興在宜同賞
一日閒多數獨登常以浮雲觀世網試將皓月照心冰
長安萬里無由見惆悵歸鴻意緒增

署後池荷已開紀四絕句

三年駐此池荒久忽親亭亭應候開知是誰家新種得
平分好景送將來

虛白齋存藁

細吟集下

二十八

官衙偏仄劣容身每到炎天汗浹巾賴有此牕池浴在
香風吹過最宜人

春後栽遲葉不高擎花出水柄偏牢風光十里誇鄉景
一例憑欄日幾遭

我非花主花非客共此淪漣一夏清料得明年難見我
賞君不及戀君情

自題所刊試署草文細吟集詩後

三年強半走山程率爾詩文倚轡成文似梵書下轉語
詩如地志紀經行未忘結習雕蟲技稍助高談揮麈情
今後免教梨棗禍使君計日返承明

虛白齋存藁

山陰 吳壽昌 泰交

細吟續集 起已酉十月 訖庚戌正月

雲壑汪學使寄詩送行并索和章次韻奉別

憶從 使命後先聞馳到西南袂已分珠斗文光頻照

我冰壺心跡總輸君地荒我對千峯雨點地有天無三

平之 霄迴君看五色雲滇舊有慶珍重張爐好鄉物朝

衣歸去試重薰

縞紵寧須數列卿求鶯和鶴劇情生浮沉浦口書常達

來往筒中句共成最美驪領探處貴不辭貂尾續時輕

虛白齋存藁

細吟續集

他年嘉話留邊徼兩兩官聲接柝聲 二

澗溪寒峭細生瀾此去前君掛席看一紙尚勞蠻語送

三年祇作客星觀及期瓜代程差便過驛梅開使漸難

豹直承明瞬間事相將西笑說長安 三

使竣還京作

黔陽賦別刺雙旌歸路身如一鳥輕惆悵聽泉亭下水

送人聲作繫人聲

發貴陽至圖寧關

蕩節來時物還都手尚持使裝觀就道交態視臨歧跡

比飛鴻印途慚老馬知多煩駟騎送遙野勸銜危時省

公送至
編外

黃平與袁州牧話別

舊地興隆衛山城大道邊我過凡幾度君到自何年土
俗安官久星霜仗主賢寒宵傾別蓋鄉語一燈前

別飛雲巖

畢竟黔中推第一行人欲去為留行一回登覽一回好
不枉名傳天下名山載天下
名山記

相見坡

相見坡兩崖對聳高嵯峨晨登晚陟尚相見竟日坡底
行深窩我初過此心驚怖謂是生平未曾覩三年閱過

虛白齋存藁

細吟續集

黔中山歸時只作等閒度等閒度試題句示來者勿遽

怖

麻陽船行

麻陽舟子麻陽居雙槳一帆舴舻如蓬頂打頭動見礙
舷邊屈股眠難舒五溪水淺多潛石我舸巨編行不得
惟有麻陽差見宜三三兩兩載估客我歸解纜初發程
澗溪尚隔清溪清離弦箭疾洋浮輕忽聞船底裂石聲
波濤頃刻及行李敢恃忠信誇平生於戲上灘難下灘
易難時平可期易時險斯至恒情順流狎易時不見麻
陽船小下灘水

舟行連日陰雨

入夜溪流漲連朝雨氣霾歸時程稍短別路景逾佳風
雪非吾畏畊漁孰與儕水鄉通故國心切度江淮

晃州驛

一瞥過荒驛扁舟迅北還層層灘勢卸隱隱水村灣岸
石丹砂色林篁涕淚斑推蓬閒騁望多少楚南山

沅州城外即目

水郭逾三里天寒暫倚橈採江無白蔭歸洞見紅苗衣
服遐陬共魚鰕小市饒騷人憔悴地風雨日瀟瀟

剝村漫成

虛白齋存藁
細吟續集
江陵橘與洞庭柑外裹黃金玉內含津滿齒牙香滿手
移人尤物在天南

舟行逢雪

積素紛難定行舟逐岸看應憐山樹重正憶夜衾寒火
酒催童熨冰絃罷客彈石郵迴舞處歸路益漫漫

觀鷓鴣捕魚有感

丹喙芒鉤銳烏衣鑠甲堅魚難逢虎避家比養鷹使深
渚催沉網織鱗阻下咽貪殘爾何益無續紀烹鮮

舟行溪中篷窗多暇檢得湯西厓先生使黔集
中歸舟數詩依韻遞作粗紀水程諸勝

自平溪至便水

解維就烟波三日催打漿遙指沅州城扁舟渺孤往雨
後寒漲發浮空坐天上灘流間直紆巖影隨俯仰長風
急夜號白日匿朝朗推篷一啓視雪花落如掌沙汭散
璣濺石罅怒霆響日月爭客程到此期恐爽憶昔乘傳
來蠻山試騎象舍勞謀即安一意遂成兩要知陟嶙峋
不異投決滌丁寧戒長年穩為歸程榜前洲多香草擷
取供幽賞

楓木塘

雪壓孤篷卧不起水程便安足誇美津頭打鼓催發船
虛白齋存藁細吟續集

獵獵成旗照江水岸斷尚餘野草綠林荒已失晚楓紫
寒深小雪大雪時險落長灘短灘裏衝波削壁白浩浩
捲浪平沙清瀾瀾徙移窟宅龍鼉驕撤旋盤渦鷺鷥喜
何人報容放孤鶴幾處傳書贈雙鯉正直自為神所聽
窮薄豈無命堪委順颺五兩視帆脚觸石六時警舟底
楚騷讀罷且長吟容與中流拾蘭芷

洪江

暫停白舫望紅樓山水村扉沙岸稠蠻土已拚楊柳別
楚天難遣鷓鴣留江聲震盪翻成海市井殿闐聚似州
心數伏波門下士武溪一曲擅千秋

激溪值驟風雨

水程積寒陰黯黯失朝暮欲雨忽捲風過雪尚蒙霧浦
傍沉鐵鹿孤艇斷來去辰陽屈前指沅口枉迴顧我生
狎波濤所難非行路且讓花圃人入山種桃樹

辰陽舟中二首

涉江采蘅杜何如種芝術幽棲養頽齡不為纓冕出邈
矣古善卷仰止惘然失
二酉峙江北雲霧天易暮傳聞多積書謂可入山住客
從東觀來揚帆徑歸去

清浪灘

虛白齋存藁細吟續集

我家澤國瀕江河屈指南北多經過豈知險處不在大
漫詫巨壑輕盤渦黔中諸溪古荒裔水作弓曲舟如梭
千五百里夾山下惟聞灘石聲戛摩由鎮遠抵武陵計
一千五百餘里
石翹犀株密簇簇灘湧雪浪高我我就中四難號最險
大王大鵝黃
獅與清浪也長年編作巴渝歌例索搗錢買香火雲旗
風馬祈搗呵此灘有名殿其後楚岫面面堆盤陀武陵
溪駛洞庭瀾交匯眾流知幾何行客心閒百不問推蓬
就日眠衾窩頗恃區區入神鑿口碑三載存牂柯歲華
已徂草木晚肯對白髮嗟蹉跎既未曾肩負未及未曾
身枕戈徒憑雕篆廁侍從蓬瀛洲島一剎那矧叨使

命用龍節利涉寧愁風與波陽侯避幽宮木魅藏山阿
峒口晨墟稅蠻賤江心夜火披漁蓑日來雪糝更足喜
先兆邊土豐嘉禾還朝竹擬奏歌頌聖德遠邁唐元和

辰龍關

衆壑從南下江樓曉權開灘魚雷雨動客自斗牛迴芳
草相纍恨飛鷺漢將哀時平蠻瘴息磨盾不須才

白馬渡

來時行忽斷歸日渡仍空天影山山雪江聲夜夜風寒
生荒驛外路盡去帆中前望知何處烟冥又霧濛

雪霽

虛白齋存藁

細吟續集

水墨江天甚昨朝舟人薄暮早停橈篷窗侵曉先窺破
一隙紅曦玉萬條

連日寒陰撥不開天公作意與人猜這番快慰真無比
不惜新晴特放來

素光紅影兩難分銀海真成眩欲昏贏得江行隔流水
祇將清氣爽吟魂

掛帆正遇打頭風那更飄飄雪灑蓬曉日行人齊拍手
順流直下武陵東

辰溪縣城

佳絕寒城外溪山儼畫圖清幽隨岸曲丹翠入雲孤雪

淨看迴雁波明數浴鳧郵籤莫催報午夢落江湖

潛市

潛市人家近萬屋層樓一帶俯江烟桅高帆卸排無數
泊遍辰陽上下船

白沙夜宿

溪光淺碧深藍染山骨披麻劈斧皴舟到白沙天已暮
石巖吹火宿漁人

瀘溪曉發

昨夜瀘溪宿前開趁曉晴拓篷消霧氣移枕過灘聲郭
近戍旗出年豐臘鼓鳴東風計日到未許報先程

虛白齋存藁

細吟續集

喜晴疊前韻

水驛逾十日無如今日晴山明增霽色波暖散冰聲出
網溪魚活迎船野鶩鳴前看兩岸澗激澹送歸程

月下再疊前韻

沅水今宵月烟波一片晴遙連漁火岸時起棹謳聲殘
雪中積蹄鴻照處鳴扁舟休更住心切進兼程

舟中雜詠四首

石筍

森森林立綠溪邊轟起雷聲浪拍天可是行鞭春雨後
幾曾解籜晚風前翹株犀首常分水折角龍堂忽在田

為爾此間添障礙思尋玉版一參禪

浪花

根蒂無憑片片飛岸迴棹轉見依稀暖生紅雨浮相似
風起青蘋聚已非偶落指揮天女手多添點綴水仙衣
六如一例觀空色付與眠鷗早息機

沙篆

天成波磔勢參差沙際留痕篆籀奇一畫乍分天雨粟
千行急就日臨池銀鈎應屬囊錐客鳥跡還憑落雁時
莫道恒河難遍數語言文字是吾師

冰紋

虛白齋存藁
裂作千絲與萬條斜斜整整凍難消空明特向壺心貯
界畫誰將粉色描空國經來多七字海人織罷半鮫綃
不須雪窖深藏却繭紙花甕新樣饒

桃源縣境

卷畫溪山勝引人舟行日日愛通津辭官陶令如身到
不為花源記避秦

見上灘船

據地彎腰百丈牽人嫵辛苦上灘船灘灘灘上石須避
輪爾緩行船獨全

鷗

相彼閒如許浮沉任羽翰不爭春水暖常耐晚風寒矧
繳機何有烟波宅易安生涯吾亦寄泛泛坐來看

抵武陵

武陵東下水如颿疾過千灘與百巖怪道歸人程緩緩
逆風時候不張帆

渡澧江

澧浦水盈盈川流舊有名紉蘭良可念遺佩若為情野
渡孤帆下平沙結騎行洞庭望不極風雪莫交并

澧州立春

萬里郵籤節候催春城爭擁土牛來不愁天遠道俱遠
虛白齋存藁

最喜星回人亦回山店濃芬村醞熟客程煖信驛梅開
歲時荆楚應堪記笑對花籬一舉杯

驛傍見梅花

嫣然寒素質晚暮世情諳當戶影斜照停樽香半酣天
心回斗北客夢到江南乍見誰能別為君一夕淹

順林驛道中

如罨田疇萬頃強微微烟樹入蒼茫分明畫出中州景
席帽騎驢大道傍

立春日晴

朝來烏雀噪檐前恰報春回第一天再乞天公晴卅日

柳絲看到薊門烟

公安道中

蜀主先傳官左公千秋此地詫英雄而今不問三分事
心折中郎詩派中

晚抵荆江二首

一水橫前渡臨流渺若何殘紅枯樹葉淨綠晚江波舟
楫貪前具衣冠怯獨過古來戎馬地小住問修羅
到後日將暮澄江還落霞渚蒲遲宿雁村柳匝歸鴉燒
起遙分岸舟停不聚沙去年波蕩地盈望藝桑麻

渡荆州大江

虛白齋存藁

細吟續集

十

野曠天無際滄波日夜流猿聲巫峽樹鶴勢武昌樓利
涉憑旌節閒心付棹謳春風幸相送吹過楚南州

荆州一律贈前守俞二鶴雲

雄踞天南楚舊疆高連三峽控三湘誅茅宅廢空烟雨
種橘洲存白雪霜雉堞千筵開府大虹隄萬錨護江長
澤鴻計日歸安集多少金錢費 上方

祀竈日至順林驛

日日長征歲漸闌前郵歇馬又傳餐客中無暇醉司命
嘗取膠牙錫一盤

江陵感張相國遺事

神廟冲齡踐昨年奪情元宰論譁然傷心身後恩全替
博陸前經輔漢宣

荆門道中二首

岡上田廬岡下川道平如砥直如弦歸來行到荆襄地
已訝南天似北天

漸近州城忽見山行穿犖确上孱顏卞和璞獻山無色
付與浮雲自往還

荆山驛館有蠟梅二株感賦

磬口檀心舊品題寒天花格未全低祇緣觸鼻芬芳甚
不稱孤山處士妻

虛白齋存藁

細吟續集

十一

過石橋驛即目

貼地蜿蜒山四圍麥苗短短樹微微春初小雨新泥滑
不遣征塵浣客衣

抵宜城

澤國沮漳滙巖疆鄢郢分天低如薺樹水凍似鱗雲落
日烏三匝寒原馬幾羣杜康居里近今夕判醺醺

發宜城至小河遇大風

撲面黃沙急朔風鸞環江岸浪排空客程日日陰晴異
不獨安襄一道中

是日午後雷雨兼雪

莫嫌臘底便聞雷春早宜逢驚蟄來祇是雨狂魚帶雪
行人衣濕凍難開

襄陽詠古八首

隆中

大賢志匡濟遇合關風雲所嗟躬盡瘁漢業終三分仰
止隆中居山山鸞鶴羣

鹿門

德公出世人頗交濟時彥來往凡幾輩著名者舊傳魚
梁洲水清涵照鹿門巖

呼鷹臺

虛白齋存藁細吟續集

十三

景升亦英雄割據南楚隅倘非兒豚犬肯受他人狙試
上呼鷹臺風寒萬木枯

墮淚碑

朝過峴山下有淚不敢墮我自思叔子叔子豈知我干
載共悠悠幾人心許可

夫人城

夫人賢守母先機策防禦至今襄水南照見築城處巾
幘有斯人說與大隄女

習家池

山公狂飲徒政務俱草草習池日醉歸常任接羅倒晉

人風使然俗籍與同調

文選樓

六朝盛文藻流別歸裁擇其理果熟精沾句悉芳澤當
時樓上人放眼高百尺

浩然亭

人歌白銅鞮公唱陽春曲流傳清絕詩超超蛻塵俗寫
生無摩詰亭外水空綠

大雪渡漢江

中流倚檣接茫茫一片江天水鏡光添助吟情兼畫忘
孟前米後兩襄陽

虛白齋存藁細吟續集

十三

發漢江驛

飯後出官驛蕭然寒野空寺門齋板雪村店酒帘風雙
鵲倏雲表孤鳥仍渚中狐裘舊時服客久漸蒙戎

雪霽發呂堰驛

三日大雪今日晴平原走馬蹄聲輕天公方便好無限
最感恩惟行客情

新野除夕

他鄉守歲關多春二十五年游宦身郵館南陽新野地
使車東觀舊詞臣榮分

賜果傳今日勸比稱觥荷主人邑令丁明府遙憶家園

正歡讌屠蘇若個後沾脣卷屬於中秋後一日先達回里門故云

元日

已上襄陽向洛陽星軺暫駐豫南疆催入節候雙九轉
緩客馳驅一驛長徹夜爆聲歇枕聽應時菜把帶辛嘗
叩頭向 闕微臣禮貂帽駝裘趁急衰

兩童子歌曲

纍纍一串走盤珠持較歌喉得似無未必周郎真顧曲
佳辰聊破客情孤

發新野

此是今年第一程侵晨最喜值春晴地連廣野村墟潤
虛白齋存藁細吟齋集

風帶微和草樹輕東指璣衡千氣象南來召杜永名聲
巾箱嬾貯方輿記懷古踟躕空復情

林水驛曉發

纔聞雞唱夢全醒兩驛程將一日經衣上霧生離岸渡
馬頭燈落照人星 禁闈久出宜趨直使節多淹合對
廷敢說肩輿尚辛苦垂帷暗數短長亭

過南陽作

赤符白水漢中興將相當年運會乘寂寞南陽舊居里
更無佳氣見春陵

發新店

桃符門啓爆聲長十里街衢曉日光勒馬回看經宿處
茶鑪酒杓盡芬芳

道傍平野散雞豚插枳編茅共一村自是探丸無赤白
戍旗不展柝樓昏

博望驛

使臣鑿空首張騫天上乘槎事浪傳指數封侯有名地
蘇卿冠蓋枉丁年

過漢廷尉張釋之祠墓

文帝寬仁沛主恩廷平不使漢廷冤刑官豈必悲無祀
尚有于公駟馬門

虛白齋存藁細吟齋集

索駝

替戾千聲鐸蟬聯一道繩揚鑣生不與負重力多勝詎
乏明蹄種難辭腫背憎流傳有珍味翠釜為誰登

望方城諸山

城指方城一帶山自誇險固在荆蠻誰知易世同平壤
剩取青蒼數髻鬟

抵葉縣作

八國興師翼卯鋤望慈望歲眾謹呼風流令尹多遺愛
不記仙人烏化鳥

昆陽

虎豹寒天股栗時
妖氛霆擊掃無遺
真王具有天神力
彷彿軒轅涿鹿師

汝墳

汝水來天息沿綠
此地寬過裏分潤
澤入漢一波瀾
遙野田廬聚連村
作息安千年二南
化淳古見衣冠

東風

東風一轉一番新
消息先向與後向
金管落梅沉醉夜
玉驄芳草冶遊春
林間促響遷鶯羽
陌上輕颺撲面塵
好與行人報安穩
更無冰雪阻前津

襄城人日

虛白齋存業

細吟續集

十六

人日題詩欲寄誰
故鄉未辦草堂貧
花前雁後添長觸
記取身過汝頰時

柳枝詞

迎春旗子綵為花
纔入新年樹未芽
正恐風光難漏洩
一隄烟縷曉飛鴉

遷迤尋春楚水湄
細腰官外駐多時
君看夾道輕盈樹
試舞東風力不支

翠蛾描罷向春陰
重下粧樓問淺深
門外垂絲空踈地
繫人馬不繫人心

媚月嬌風作態新
當年殿裏想前身
東皇不愛顛狂絮

及早攀條試贈人

頽橋驛

昔賢洗耳地塵世
幾千秋亮節邈難
再清川寒自流岸
高行入谷梁小濟
需舟過客停騶從
無為泉石羞

抵長葛石固驛作

未臨長葛先觀水
已過襄城尚望山
斜日荒郊新驛路
阿誰知有使車還

過長葛望許州

兩日許昌道春光
便寧馨風林花淡
白雪隴麥深青有
客迷襄野何門聚
德星休談建安事
炎祚恨桓靈

虛白齋存業

細吟續集

十七

發石固驛風甚寒

曉風陣陣峭寒生
又見微冰水面成
祇為連天過暄暖
夜來暈月象分明

行過梨園與棗林
此間花信杳難尋
春來不厭風蕭瑟
怕看紅芳損道心

永新驛

南黔西粵此分岐
兩度停驂各一時
驛裏兒童開口笑
長官鬚髻一絲絲

子產祠

人物數春秋卿推
第一流博聞冊史
亞遺愛召棠俾政

合循良紀辭兼輯洽求大駮山色翠長對葆祠浮

抵鄭州管城驛率占二絕

溱洧春來水自流經年清淺不通舟岸傍絕少閒花草

白日黃塵過鄭州

即墨松滋錫號崇管城子未受侯封升沉祇屬尋常事

老秃中書愛退鋒

新柳四首

早春北還日觀斯樹長吟不已用致纏綿昔

新城尚書賦秋柳四首尚遭嗟點何論鄙人

祇自忘其醜而已

虛白齋存藁

細吟續集

六

如烟如黛占初春弱有丰姿淡有神裁出乍經風剪剪

插來曾傍水津津故園笛試三聲弄清路旂先一色陳

正是韶光歸管領莫輕搖曳露全身

何處看來繫客腸靈和內殿永豐坊迎人漸作依依態

對月微分濯濯光粧閣掃蛾青鏡婦河隄過馬綠衣郎

倡條冶葉尋常見却使風流數北方

淡黃顏色未深青底事攀條涕欲零翻作人間金縷曲

種成天上白榆星年華去日逢來日客路長亭接短亭

若問三番眠起後不堪飛絮滿林柯

紫萬紅千信尚虛多情一碧見扶疎看當飛雁迴翔日

憶到帝鶯識面初朝雨城中人勸酒暖風陌上客停車
年來無限他鄉思待入春明慰起居

由廣武渡黃河

河陰臨廣武北濟即河陽不見流漸下真成一葦杭迴
瀾身由直束勢岸低昂轉瞬桃花汎魚龍起混茫

獲嘉道中即目

河北郊原土似沙村村黃犢四輪車稍遲節物看官柳
春到長隄未吐芽

過衛輝

汲冢淇園驛道偏望中多少好山川匆匆不帶登高屐

虛白齋存藁

細吟續集

十九

空指蘇門聽百泉

經鄂王祠再紀一律

如此將軍如此冤茫茫舊事忍重論殲身白馬南遷主
賚志黃龍北狩轅忼慨全家扶正氣徘徊行道泣忠魂
千秋祠宇依鄉里望斷西湖古墓門

安陽道中

行行大道中高柳鬱相向歲深殘剝多奇詭出千狀
來乘班班車去跨蕭蕭馬對面逢相識欠伸不能下

鄴下

鄴下奸雄狐媚如建安潛計易黃初分香有妓藏銅雀

表墓無碑葬玉魚南望雒中殘壁壘西臨漳水徧邱墟
詞人猛士當時盛博得陳琳一檄書

豐樂鎮

漳河水落半沙汀新種垂楊拂岸青四十年前

翠華過居人長護

御碑亭

磁州見山樓

蒼翠太行色橫蟠幽冀間磁州樓上望極北是西山

宿邯鄲縣二絕句

鳥欲辭籠魚去池宦情滅却已多時須知指點分明處

虛白齋存業

細吟續集

三

不在邯鄲道上祠

十年供奉白頭官不稱仙人夢裏者思想田園定歸計

夜來高枕卧邯鄲

呂翁祠盧生卧像

多事神仙侶相逢夢此生蒸梁方待熟就枕竟先成陌

樹重塵隔階苔一卧平無為誤行客青簡重勳名

曉抵臨洺驛

西鏡白將墮東輪紅漸生路長需一飯歇馬問臨洺

邢臺元夕

客裏逢佳節郵亭偶駐車一千畿甸外三五歲華初燈

火張城市兒童走比閭遊終有餘酌端坐待蟾蜍是日天陰

重過圓津庵

手拓知名第一詩西厓舊跡我曾披庵以少宰詩知名匆匆十

里城南路又坐禪房讀片時

道中即日

平原如海望無涯風作波濤土作沙淺水草橋人渡直

孤雲茅屋雁飛斜春來榆柳新栽路日落羊牛自識家

此是眼前真景象不妨傳作畫圖誇

槐水驛

遙看槐水驛近在柏鄉城水落沙無際城荒堞似平輪

虛白齋存業

細吟續集

三

蹄運下邑風雨遡神京過客勞憑軾鄉賢舊有名

隆興寺大佛

壯極隋朝寺由旬鑄佛身庀功俾奉勅設教本尊神複

閣莊嚴迴雙林擁護珍占方雄趙代望氣耀金銀座上

流花雨雲中轉法輪重煩黃壤載高與碧霄鄰龍象三

千界鐘魚十二辰浪傳經浩劫長藉波迷津不現如如

相誰通了了因嚴閣依北鎖

蹕路啓西巡氣象於今煥光輝視昔新鴈窺香塔下猿

聽講堂馴送喜

天顏顧增祥月面真梵僧開歲月郵騎歇風塵踏地參

宗旨佛係題碑識建人碑載王孝偉足訂心空事瞻禮

廣大共千春

日初出

海角盡頭雲氣紅晴曦破曉東方東三出三沒沐浴水
一彎一掛搏桑弓始知陽德在天宇不遣文明韜地中
他日故山高處宿鳴雞夜半看瞳矓

恒山

蘭臺太乙朔方山告祀度懸公秩頌上谷秦城雲氣墨
曲陽漢碣土花斑寒低斗柄星辰界險起龍蟠虎豹關
欲扣元都知未得翠光遙送馬頭還

虛白齋存藁

細吟續集

三

宿清風鎮

昨朝策馬渡滹沱明月清風今夜過好飲中山千日酒
醉來勝獲寶符多

盧溝橋

兩街使命此經由今日歸來亦壯游關吏不妨多啓
篋西南瘠土驗蠻貊



乾隆庚戌春鐫

山陰吳泰交

虛白齋存藁

館課詩

館課賦

虛白齋存業

館課詩 五言八韻

目錄

春蠶作繭

羲之換鶯二首

至人心鏡

桃李成蹊

紫玉見南山

青出于藍

既雨晴亦佳

虛白齋存業

館課詩目錄

瑤琴一曲來薰風

東風解凍

春入萬年枝

一覽衆山小

小春暖湊一天晴

春華秋實

山高月小

朱絲繩

秋水灌河

風過簫

岸容待臘將舒柳

得魚忘筌

追琢其章

駟不及舌

如水在器

前題

泰山不讓土壤

壁中閨絲竹

衡誠懸

運斤成風

虛白齋存業

館課詩目錄

龍應鳴鼓

山梁悅孔性

契舟求劍

麥壘多秀色

象環五寸

松柏有心

惚恍中有象

四月秀萋

雷乃發聲

花信風

小春逢閏

一條冰

五聲聽政

農乃登黍 四首

桐葉知閏

杼軸子懷 二首

傍砌看紅藥

雲消出絳河

破觚為圓

經為眾說邪

虛白齋存案 館課詩目錄

前題

升嶽浮海

汲古得脩綆

掬水月在手

刻鵠類鶩

斲雕為樸

三豕渡河

藉用白茅

引鏡為刀

鳥求友聲

華桐發岫

行不由徑

善人為寶

野無伐檀

燈右觀書 二首

下車泣罪

聚米為山

戴勝降於桑

樵蘇藝圃

以蟲鳴秋

虛白齋存案 館課詩目錄

拔茅連茹

登春臺

反舌無聲

綠垂風折筍

清露點荷珠

餘霞散成綺

珠還合浦

前題

結網求魚

秦客相劍

荷喧雨到時
鐵網珊瑚
探驪珠
鑽燧改火
琥珀拾芥
日長如小年
泮始生
前題
鑿不辭形
九臯辭野
虛白齋存藁
野合時雨潤
秋香動桂林
東壁圖書府
春服既成
鳴鳩拂其羽
薦鮪祈麥
平疇交遠風
句出萌達
導河積石
棟花風

虛白齋存藁
館課詩目錄
五

麥秀兩岐
輪扁斲輪
監工日號
麥秋至
瞻山識璞
良苗懷新
山夜聞鐘
薺麥生
嘗稻雪翻匙
其味鹹
虛白齋存藁
小陽春
方圓隨規矩
五月鳴蜩
香滿一輪中
鳥獸旣毛
亦在車下
敲冰紙
歲寒松柏
五日一風
十日一雨

虛白齋存藁
館課詩目錄
六

三讓月成魄

龍見而雲

律中仲呂

砥厲廉隅

六事廉為本

麥壠風來餅餌香

春江水暖鴨先知

渭川千畝在曾中

鶴鳴于垤

麥浪

虛白齋存藁

蘇詩月錄

七

五月江深草閣寒

一樹碧無情

蓬瀛不可望

虛白齋存藁

館課詩五言八韻

山陰

賦得春蠶作繭得同字 名試二名

春事逢蠶月辛勤
館中兼旬眠漸熟
百箔煖猶烘
乙抽方始繩繩運不窮
累丸圓自並如甕
瑞還同宛轉
藏身固瓏璫
肖物工登山
曾散雪出簇
正含風得就纏
綿緒行彰黼黻
功荆揚足筐篚
衣被
聖恩崇

賦得羲之換鶯得庭字 朝考二名

虛白齋存藁

館課詩

晉代風流士揮毫足典型
有時逢白羽不惜寫黃庭
書就龍跳勢龍來鶴舞形
奇毛殊中選妙腕最通靈
浴洛羣初換臨池筆不停
驚飛憐泛泛鴻戲羨冥冥
遺蹟山陰舊留名
內史馨近瞻

宸翰煥不復寶蘭亭

為愛鶯羣好煩書外景
經未須人入市已見物來庭
妙墨工誰敵珍禽助有靈
烟江晨引吭月渚夜梳翎
潔喜毫同素光看管獨青
暫隨鳧雁隊全帶鳳鸞形
揮扇增新樣題裙續舊型
藝林傳韻事什襲越千齡
賦得至人心鏡得虛字 散館一名

坐照珍懸鏡全憑徑寸儲至人斯立極朗鑑獨涵虛空
洞原無物推移摠不居纖毫昏現後萬象欲歸初逆億
寧煩爾靈瑩迴自如澄觀隨鍊得離嚮待光舒屢試曾
疲否惟明在視諸軒階瞻

睿聖兼證漆園書

賦得桃李成蹊得蹊字

羣卉乘春令開時桃李齊不須花笑語已指路離迷錦
色凌波遠冰膚著樹低數番連小雨一逕印香泥避俗
塵消境尋芳客滿蹊多時金勒到是處玉壺攜風定枝
猶舞山深鳥尚啼休誇攀折便

虛白齋存藁

雜詩

御苑鳳城西

賦得紫玉見南山得南字

瑞應及時諸惟玉寶不貪玉光浮地表紫氣在南山溫
潤精旁達斑斕彩內含位當朱鳥指禮重赤璋參歆雨
留虹影藏巖夾翠嵐關疑函谷度泥訝武都探火齊懸
同賞黃銀貢並函

北辰居正對

恩與賜緋單

賦得青出于藍得成字

欲悟師資益先于染采呈藍期他日謝青待及時成積

淺深斯寓增濃淡已更乍拖新水活旋照舊燈明春色
袍遲送晴烟玉早迎課功殊白受原始類冰生採處終
朝力紆時稽古榮

盛朝崇敦學遺訓取荀卿

賦得既雨晴亦佳得佳字

及時膏澤降衆望盡舒懷積雨遲原好新晴放復佳日
華瞻露掌草色憶天街院有清陰轉林銷宿霧埋遺青
浮麥隴暖翠滴松崖始罷泥龍禱仍催秧馬排和甘期
不爽肅又應無乖為慰三農意

宸衷處處皆

虛白齋存藁

雜詩

賦得瑤琴一曲來薰風得南字

細帙情常永瑤琴趣復含六時長日駐一曲暖風耐度
近窗開北來宜殿向南調高雲並過氣潤雨同甘拂拂
揮絃應颯颯入奏譜化機閒自領樂意靜相參詎有聞
思卧由來學是耽更期瞻

舜座解阜被

恩覃

賦得東風解凍得和字

地氣乘春轉陽亨應候多凍痕看乍散風力驗微和弱
柳飄時度崇蘭汎處過凝寒隨鼓動融暖及坡陀滑滑

泥如此泠泠御若何街酥疑帶雨隄軟欲生波紫陌催
盤馬青郊穩踏莎還思經

太液涵照鑑新磨

賦得春入萬年枝得迎字

溫樹萬年名高枝拂太清冬餘仍獨秀春至已先榮向
暖連番入隨陽取次迎風翻聯綵勝露浥對金莖噓植
乘時轉紛敷閱歲貞雞棲留夜照鳳集趁朝晴似近呼
嵩地非闕吹律聲

上林欣借一長此樂昇平

賦得一覽衆山小得巖字

虛白齋存業

詩

絕頂瞻東岱登臨信不凡高寒憑一覽平遠到千巖點
點螺凝黛微微鏡啟函清塵消障礙碧嶂出鐫鏡塊視
來如送孫羅集自咸須彌應並納培塿任空嵌正及封
雲起爭依觀日銜時巡紆
睿賞檢玉荷長緘

賦得

御製小春暖一天晴得晴字

紀候逢陽月朝暎霽後生天容開乍暖春意如初晴漏
洩光偏早勾留景最明轉溫吹玉律破曉掛銅鉦盎盎
微和接溶溶短晷迎凍痕

宮治細風響院鈴輕淑氣如相就良辰不待并更看邀
睿賞宜麥雪盈盈

賦得春華秋實得兼字

一氣洪鈞幹曾於品彙覘春融華自勝秋斂實應兼雨
露由來潤風霜陡覺嚴豔姿柔並發碩果老初添晚秀
宜爭賞先零已獨嫌花開憶桃李木落見榭枿始信文
能耀何如德在潛

盛時崇器識白賁願同占

賦得山高月小得攀字

寒夜歸逢月遙林望隔山偶因高似障不覺小如環微

虛白齋存業

詩

彩青霄裏懸輝翠岫間一輪光杳渺千仞勢孱顏傍鏡
圓同照隨弓滿共彎樓虛寒欲上桂落近堪攀樹憶驚
鳥繞人傳跨鶴還因思直
清禁吟望有仙班

賦得朱絲繩得如字

絃瑟傳清廟朱絃湖最初凍憑恍氏得響入太音虛澹
泊聞常緩端凝象特舒交陳輝赤玉並獻照丹書已治
芬原少相從直自如抑揚常落落拂拭且徐徐表節高
張日留徽再鼓餘冰壺依
聖鑒遙對引簪裾

賦得秋水灌河得時字

百川河盡灌水至自秋時衆派紛如注橫流疾若馳難
將牛馬辨敢以渚涯窺積石來雖遠歸墟到自遲未經
逢海若渾欲舞馮夷渺渺懷何極汪汪度更奇休矜行
潦美頓起望洋思

聖澤符恬浪環瀛被不私

賦得風過簫得風字

妙感原隨物經過氣自通竅虛常起籟簫響偶因風有
韻能從律無心善透空橫時留比竹觸處等吹銅嫋嫋
聲誰過颯颯奏不窮化參離合外蘊在有無中應易分

虛白齋存業

館課詩

六

清濁成難究始終揮絃思

舜陛解慍暢元功

賦得岸容待臘將舒柳得回字

長至時初屆嘉平節已催嫩金舒柳岸飛管驗葭灰料
峭寒將盡溫暉暖欲來縷烟含漠漠條雪散皚皚碧借
河邊草芳分嶺上梅未能垂地晚已稱向陽栽候氣循
環轉先春漏洩回

華林託根好雨露早滋培

賦得得魚忘筌得言字

已協包魚兆真筌更不煩悠然微得力宛爾契忘言單

單從江岸鱗鱗出浪痕曾防疎網漏且任直鉤吞藏罟
心偏遠臨淵道自存好隨鷗泛泛如共兔爰爰樂意趨
羣動機心息衆喧

聖懷原浩蕩寧待漆園論

賦得追琢其章得文字

至寶來金玉良工巧獨聞精光雕鏤發密理琢磨分未
許沙埋溷何妨石錯紛在鎔良有以不琢亦徒云千辟
吹毛利三年刻楮勤成材資橐籥特達謝元纁渾璞非
堪恃堅剛迥莫羣為章歌倬漢

黼座煥堯文

虛白齋存業

館課詩

七

賦得駟不及舌得追字

捫舌無由易輕言出自危祇憑三寸掉難倩四蹄追置
喙初何益探喉本有司翻空颺競舉捷發電爭馳座訝
雄談逞途嫌駿足遲相從猶恐後待補竟誰施豈乏駸
駸駕徒高落落詞如綸仰

天語龍馬永昭垂

賦得如水在器得如字

民性誠堪鑒遷流請問諸同源難共量異器每分儲座
右歆無定堂坳覆有餘在壺冰自若成壁雪還如頓覺
方圓改由來色相虛一杯覘洞酌半畝想清渠模範形

惟肖觀摩計匪疎

聖朝崇上善率土仰淵居

前題得入字

性堪以水喻相近屬中人詎有方圓定惟憑規架陳取
資隨洞酌善轉等環循尚象原從舊承流迴得新形虛
因所寄物化肖其真接派園橋地通源一鑑津冶金觀
並運繩木悟前因浴德冰淵凜陶鎔荷

大鈞

賦得泰山不讓土壤得容字

壤土無多許從知貴岱宗百盤原最峻一撮亦能容勢
虛白齋存業

館課詩

八

向為高見靈因積小鍾幾曾辭尺地不藉列諸峯培塿
方卑視雲烟已上從儘留塵碌碌未了翠重重海量涵
時並坤輿載處逢

盛朝修望秩舊典邁登封

賦得壁中聞絲竹得聞字

秘簡藏深壁尚書蝌蚪文官牆初在望絲竹已旋聞四
顧人稀到盈庭響忽分悠然對流水渺爾過行雲送處
疑鴻影諧時憶鳳羣聲虛成雅奏調古婉皇墳魯殿徒
思拓秦灰竟莫焚徘徊素王宅乙夜

聖功勤

賦得衡誠懸得平字

輕重非無定相權恃玉衡高緹橫木在斜點數星明關
石真宜守錙銖不待爭倚空常獨運稱物最能平象比
辰杓建根隨鐘黍生同時彰舜典正處紀周京不宰洪
鈞轉無偏朗鑒呈應歸炎帝執化日正長贏

賦得運斤成風得成字

鼻壤誰為斲因知匠石精斤纔隨手變風欲御空行效
伎借攻木平心契衡輝輝芒自耀拂拂響俱清如向
鳴簫過真從近腋生鋒銛應倍利旋轉本常輕貫蠱休
矜巧承蜩偶得名仰惟

虛白齋存業

館課詩

九

天縱聖品彙荷裁成

賦得龍應鳴鼓得乎字

沮澤龍蟠處曾傳賦蜀都聞聲來伐鼓起蟄應援袍或
躍徵形化其鐘得響殊殷雷鳴地軸急雨下天衡金石
音同感豚魚信及孚氣虛原有類角聽諒非誣差比華
鯨扣爭看尺木俱時乘

六飛駕九野遍涵濡

賦得山梁悅孔性得時字

至人相賞處觸境盡成奇雌雉亦爰止山梁非遠而曠
如閒後覺闕若靜中窺景仰稀人迹飛翔與物宜適符

仁者樂妙合理之時志象曾觀易閑子好說詩此心真有會欲贈尚堪持同揆懷千載

天顏有喜知

賦得契舟求劍 得痕字

利物付潺湲乘流駛若奔奈何求劍者猶認刻舟痕一擲龍津杳雙橈鷁首翻風檣殊泛泛雪鍰豈存存未屑筌同棄偏隨篙共捫推移真枉費消息竟誰論故處尋徒急虛時集始尊遙瞻

帝廷上衡鑑並乾坤

賦得麥壘多秀色 得年字

虛白齋存業

館課詩

十

首夏洵宜麥遙村秀色連登場將志喜被隴早爭妍刻劍增高地離離乍煖天迎風芒短吐過雨綠斜延三白滋根久雙岐得氣先交陰鶯囀樹拍浪鷺飛田幾處菁葱裏千畦穉稭前聞香懷餅餌

盛世錫康年

賦得象環五寸 得謙字

玉佩翻從象因知聖慮謙四方環欲過五德運仍兼自有斯文在原無失位嫌周旋儀並中分寸制愈嚴尺璧徒輕握衝牙亦罷拈覽輝宜鳳下勿用應龍潛度向還轅得情因措笏添崇儒

盛朝典綦組復親瞻

賦得松柏有心 得心字

禮意由中出曾觀松柏林經寒餘翠色養素有貞心託地知千歲干霄欲百尋靜宜盤鬱鬱高自挺森森邱壑何妨置風霜未許侵奇因多節見品以後彫欽作楷生原直藏根契獨深九如天保頌承茂仰宸襟

賦得惚恍中有象 得空字

萬象從何始遠憑惚恍中似無仍似有非實本非空杳杳殊難即形形已不窮自隨神寓遠寧恃目謀功虛室生時白靈臺照處融忘言借物化積想與因通妙得希夷旨求惟象罔同向離欽

虛白齋存業

館課詩

十一

睿鑒一為闢鴻濛

賦得四月秀萼 得青字

萼草依時秀微根亦有靈暑來生早遂陽盛氣全經欲共林櫻紫曾分隴麥青嘗宜借野藪種合付園丁作苦原留味為瓜孰辨形泥深繞出蚓雨久佇為螢細入蠅風繪遙占永日星更傳清殿側應瑞長堯莫賦得雷乃發聲 得分字

陽德方亨日輕雷出地聞乍傳聲鼓盪旋散氣細紐配
震功斯作乘春候正分來時驚統統過處想殷殷並啟
龍淵蟄新添象齒紋千峰遙送兩片石久蒸雲奮響先
羣動巖威掃眾氛還同

帝廷上渙號徹高雯

賦得花信風得番字

春風二十四次第報芳園但見吹花早寧嫌得信煩微
微猶帶冷習習乍生暄初向梅枝送全隨棟影翻金鈴
憐護密羯鼓任催喧有約何曾爽如期不待言麥天剛
暢好穀雨復連番曰聖符

虛白齋存業

館課詩

十二

皇極咸叨長養恩

賦得小春逢閏得和字

良月延韶景春回小若何為逢三歲閏更益萬方和鐘
應聲方協辰岐指詎訛風猶餘習習冰已始裁我弱線
添雙縷功裴獻五純綠隨階莢長芳入嶺枝多再勅符
義畫重華續舜歌在門瞻

御座趁暖試鳴珂

賦得一條冰得清字

無事惟詞職高寒一氣成署原如玉潔銜合表冰清特
地塵埃遠相將簪紱榮自疑仙骨換肯愛熱官名文卷

攜時爽壺心在處明逼人常瑟瑟避俗獨錚錚隔座宜
雲母銜書溯水精幸依
龍袞側選勝重蓬瀛

賦得五聲聽政得勤字

孰繼中天治元圭表異勲歌傳九功敘政以五聲聞擊
鼓危微剖鳴鐘義利分道人驚事劇泗水寫憂殷折獄
刑期中懸鞆聽不紛祇台無距行漸被有敷文能豈由
矜伐功惟克儉勤我

皇虛受廣旌善仰松雲

賦得農乃登黍得登字

館課詩

十三

虛白齋存業

律中蕤賓候農家黍已登芄芄經好雨或或徧芳臙性
自高寒秉田宜雍冀稱雙岐蕪露重細粒聚雲蒸笠背
儔堪約鎌腰響互鷹豐年原有兆寒谷豈無徵隴麥先
秋穫厨櫻入饌增恭聞薦

寢廟祀典重嘗烝

百穀疇為長曾傳以黍稱肯隨桃並雪差讓麥先登月
令詳能載田家樂不勝出郊靈澍降捲地火雲昇積處
疑壩榔嘗來即豆登馨香今日始辛苦舊時曾黑牡資
明祀黃雞款得朋須知忘
帝力鼓腹有休徵

稼穡斯為寶因時慶每增長贏方節屆秬黍已場登錢
鐫勤原早籌車祝自應炊烟攜午饋春月語宵燈瑞已
呈豐稔勞寧避鬱蒸合薌真足貴吹管定堪憑

繡座圖無逸茅檐產有恒雜嘗稽盛典故事喜相仍
節物經時換天中近記曾榴房紅映豔莒葉碧生稜好
景惟農樂芳田值黍登入場雲穗散歸廩露珠凝有角
包如許無差繁幾層羞宜借夏果薦不待秋澄北里祥
符見南風雅韻興嘉禾應製頌朽質愧無能

賦得桐葉知閨 得餘字

置閨規桐葉差分驗不虛何來增婀娜始識妙乘除中
虛白齋存業 館課詩 十四

律雙雙茁歸奇故故舒暗排珪最小明應月留餘本擅
知秋早仍兼滴雨疎辰杓符間指灰瑄異潛嗟常度原
無爽靈根迴自如

盛時賞砌長璿玉協虞書

賦得杼軸予懷 得先字 二首

文機藏妙緒巧運本天然自有襟懷異宜爭杼軸先心
裁規獨出意匠契無邊纂組隨痕化經營並迹傳漸抽
思乙乙曾貯腹便便細較聯吟夜勤催練賦年妍詞寫
黃絹清韻應朱絃黼黻如相就

天庭藻采宣

才士工心織辛勤用意專杼投爭向背軸運妙迴旋經
緯習交貯綈細手獨編尚煩針暗度應許樣新傳邊幅
休形窘機神本象圓酬緣餘鄭重合綺想芋眠能事操
觚後澄懷造化先論文推大陸精蘊有真詮

賦得傍砌看紅藥 得看字

紅藥標仙籙春餘朶競攢客來華省直花傍玉階看耀
彩鶯雲護流香愛露溥日簾窺綽約風檻引團圓張宴
遨頭重迎杯婪尾寬豔留闌曲曲遲接珮珊珊鈴索分
泥紫絲綸映

詔丹上林開處好

虛白齋存業 館課詩 十五

宸賞願陪歡

賦得雲消出絳河 得河字

宮闕高秋夜青霄靚絳河雨疎藏自淡雲散出方多點
綴知難掩昭回望不願盡隨瓊葉湧微逐錦裳過直本
如繩界斜猶作練拖無心忘出岫有渚欲生波含影星
樞轉交光月鏡磨遙思蘭省客待漏聽鳴珂

賦得破觚為圓 得濟字

觚哉傳孔思異義馬遷陳校去嫌諧俗園成喜返淳始
知言各當豈必語相因規中規天體著靈驗德神昔於
廉角厲今訝轉旋新簡易趨應便繁苛律已頻自然殊

鑿入即此悟環循更仰

垂衣治陶鎔任

大鈞

賦得經為衆說郭得經字

衷聖真堪貴羣言仰典型始知探衆說終讓守專經
邃具重圍勢高成百雉形範圍存竹素控制徧丹青
藝苑交衢啟文壇戒夜扃誰能摩壘過常許叩關停聚訟消
矛盾分流界渭涇右文逢

盛世豈數草元亭

前題得包字

虛白齋存藁

館課詩

六

羣說多分列經傳息衆清試看郭屹峙如觀義兼包根
本基先定藩維勢並交道崇開正域議絕蕞分茅文壘
摩誰詩談圍解合教此中堪墨守以外任胥鈔睥睨無
煩視縱橫不復膠法言艱晦久

天語啟符苞

賦得升嶽浮海得雄字

羣籍歸游藝高深孰與同宛登方嶽頂如泛巨瀛中學
址曾安土文瀾不靡風峻教諸障息寬許衆流通眼界
連辰北胸羅到日東陟巔情最勝向若意何窮拄杖躋
攀力飛帆津速功欣瞻

文治盛法語憶揚雄

賦得汲古得脩綆得書字

載籍流傳久淵源自湛如汲深期有用綆短笑無餘妙
獲千尋引長勞一線儲澗翻機絡繹繩貫勢紆徐軋軋
知難斷垂垂摠不虛沾膏溢觴後漱潤挈瓶初學海休
驚若心源好問渠編摩恒砣砣

聖世集圖書

賦得掬水月在手得盈字

攬輝期皓魄人向岸傍行曾覩千川滿還看一掬盈照
時留淡白觸處見空明入握珠同潤難拋鏡獨清未煩

虛白齋存藁

館課詩

十七

搔首問如對墜懷生攜取隨方得流形自在呈塵心消
淨域禪指悟寒更倘過繁花裏芳林佳興并

賦得刻鵠類鶩得高字

未肖凌雲翮還同泛水毛厥形原並族所刻不徒勞遠
舉思青漢卑棲就翠濤逼真難定指疑似任相遭入擬
三分木雕餘百鍊刀不嫌同守拙翻可勝才高殊少添
蛇誤何心畫虎豪文淵有遺誠一為勗吾曹

賦得斲雕為樸得淳字

宮庭觀尚儉風俗慕還淳翻覺雕文厭彌將樸質珍去
華緣戒偽守素得全真匪匪詞重布彘彘帛再陳丹青

存粉本金玉始推輪摠藉刊除力旋微變易神鑿畊人

順則恂幅吏親民上治蒸蒸日甄陶藉

大鈞

賦得三豕渡河得訛字

舊簡傳三豕知為己亥訛形模原近似點畫費重摩誤

處緣書日昭然紀渡河非闕雕篆損偏訝負塗多字偶

符觀象情難信涉波相沿噲轉輟欲訂恐消磨馬足應

同補魚頭好並羅校讎文學事

天祿杖藜過

賦得藉用白茅得承字

虛白齋存藁

莫云堪措地用藉切兢兢惟白殷人尚于茅幽俗與不

誇皮彩繪差喜草茵層束處人如玉鋪時簞是冰矢忱

均什襲將敬儼筐承豈許包苴晚何妨管蒯登微材誠

有取潔志本堪憑

賦得引鏡為刀得鋒字

列仙傳幻術在手妙爐鎔鏡失疑埋照刀成試及鋒引

伸誠有力變化豈無蹤威可由儀得明兼以斷從月函

攀處隱霜鐸拂時濃一洗塵埃障仍防繡澁封人來誇

佩犢臺遠憶盤龍却媿瞻仁壽懷鉛侍

九重

賦得鳥求友聲得喬字

相彼同羣意偏于羽族饒鳴時風乍暖遷處木維喬音

好嫌孤賞情闕喜類招雨呼喧柳岸晴語狎花朝自爾

增儔侶寧徒慰寂寥一枝棲共借百轉舌同調鶴和曾

占象鸞吟本應蕭更欣幽谷出

上苑並逍遙

賦得華桐發岫得華字

挺秀高岡質芳時紀始華扶疎依老幹點綴長新芽氣

煖迎陽得陰清隔院遮旭光昇處滿風信到來賒麗及

虛白齋存藁

三春放榮宜百尺加應絃旋作響占閨本無差圭剪枝

逾茂鸞棲樹更嘉王融詩句在敢向

上林誇

賦得行不由徑得同字

王路惟平蕩何堪捷徑窮迴翔心正遠進取術徒工素

履硯硯似孤蹤落落同勞甘穿詰曲迹肯委蒿蓬守拙

臨岐始防衰得間中似憂千里窘彌羨九衢通凜若由

非竇嚴於至自公

清時重儒行人勵滅明風

賦得善人為寶得良字 甲午考試差

天府無恒玩儒珍佇席傍曾傳惟善寶總為得人昌獨
蘊扶與秀能增降嶽光持躬懷玉潤被服稱金章價視
連城貴輝逾照乘長品材符厥貢成器擅其相應待三
徵顯寧勞什襲藏緒言垂史策
聖世重賢良

賦得野無伐檀得揚字

嘉會風雲合羣材姓氏揚伐檀曾食力在野盡觀光稼
穡屢三百淪漣水一方空羣辭驥櫪脫頰笑錐囊具見
偏長錄誰甘利器藏斧斤操匠石杞梓貢巖廊車乘抬
寧畏輪轅飾並忘作人逢

虛白齋存藁

館課詩

二十

聖世梵樓迴舍芳

賦得燈右觀書得融字

有獲學于古興懷時敏功卷開呈字綠膏繼借燈紅藜
照能延月芸藏不受風光生銘座處思入見囊中甚解
求奚取忘疲樂自同羅胃依卓犖鬪眼放瞳矐著錄傳
劉向談經得馬融何如

右文代乙夜勵

宸衷

青案勤宵課焚膏照始融卷開依硯北光起應奎東並
耀千囊縹時添一穗紅客居常後至星轉本先空宛助

迎眸月難搖觸手風編摩欣較便佔畢笑徒工映處營
牕淨傳來虎觀通物情歸
聖鑒幾暇闢鴻濛

賦得下車泣罪得慙字

文命稽神禹勳華澤久涵為矜閭左罪時駐道傍驂有
過躬宜責無知網詎諳庶星憐貫索朽馭戒趨趨勿喜
其情得於涼作法慙身忘黃屋貴思向赭衣含盛德推
咸五仁心想宥三我
皇欽恤至解雨更遐覃

賦得聚米為山得山字

虛白齋存藁

館課詩

三

將畧伏波嫺征西指顧間殿前觀聚米幄內儼成山借
箸籌偏易探囊取豈艱重重依位置了了可循環路接
雲中棧峯迴谷口關地圖寬納芥天險小窺斑蛙井方
輕蜀鳶溪復定蠻無為疑惹故早唱凱歌還

賦得戴勝降於桑得催字

有鳥冠方勝嘉名羽族推每于蠶月見多向女桑來輕
影看初下柔枝喜早栽連村鳩喚未遲日繭分纒密蔭
晴兼雨低飛去復迴身疑幢蓋護候為織絰催陌上蓬
筐滿宮中柘館開時禽闕本計衣被

聖心該

賦得樵蘇藝圃 得觀字

考藝欣叢聚宜將治圃看最資蒐輯便不畏簡編殘事
較園丁瘁心同木客彈詞條繁並結文藻秀爭餐梁棟
充時峻芻蕘獻路寬刃迎徵解速擔荷見功完樸學存
非偶蓬心化豈難英華仰

天府

乙夜正勤觀

賦得以蟲鳴秋 得秋字

寒序正寥寂蟲鳴殊未休數番生細籟一氣感清秋
豈啻啞化聲將唧唧留警霜來野外吟月傍階頭已報
虛白齋存藁 館課詩 三二

涼初入仍傳夜更幽候先賓雁至身逐腐螢流響處機

催織聞時客倚樓因思文報

國雅韻振琳球

賦得拔茅連茹 得茅字

泰運三陽進欣占初九爻乍稱人拔萃已慶茹連茅早
秀宜先擢羣英肯獨拋叢綿容異位菁莪揔兼包聚首
相從類同心不斷交根株原自附臭味幾曾清得契誇
投芥難容陋繫匏彈冠逢

聖世泉石免貽嘲

賦得登春臺 得登字

崇臺經淑序宛與太和凝盎盎春咸暢熙熙衆共登却

寒風扇播破曉日車升駘蕩披襟得從容振策勝盤虛

非石棧騁望訝舩枝樂到無邊景高臨最上層象從觀

妙見功豈有為稱

聖治安畊鑿存神化可徵

賦得反舌無聲 得聲字

有鳥工調舌曾兼衆鳥聲何來甘寂寂不復弄嚶嚶月
令陰陽換時禽語默更似嫌惟口啟亦悟保身明百轉
當時巧三絃此日情視吾雖尚在反爾自無爭樹靜棲
朝雨簷虛坐午晴還思春日近重傍

虛白齋存藁 館課詩 三三

上林鳴

賦得綠垂風折筍 得垂字

乍挺龍孫秀風來力不支束看多戢戢低訝綠垂垂嫩
質經含籜微颺故亞枝粉殘沾瑣碎痕斷露參差隔院
清陰減連階碧蘚滋分涼荷淨處倚態竹斜時裡憶穿
林好厨忘入饌遲因依有梅雨共取却炎曦

賦得清露點荷珠 得探字

如蓋荷千柄霏霏瑞露含翠陰生朗潤珠綴鬪清酣點
就寒芒微擊來皎象涵質疑仙掌瀉人訝睡驪探暎夜
兼華月招涼共碧潭空明冰鏡對圓折玉盤參出水看

難定凌波採始諳灣頭好消夏一唱望江南

賦得餘霞散成綺得基字

晴霞成五色薄暮氣猶蒸稍覺明光散翻看異彩騰非
烟橫郁郁似錦簇層層城遠標仍建樓虛結復登最宜
虹雨歇不盡練江澄山障續紛接天衣絢爛增舒隨丹
氣展合待藻思凝長憶元暉句為波麗並稱

賦得珠還合浦得還字

合浦來賢守靈珠去復還物情工避就官政判廉頑耀
彩川仍媚潛蹤岸久閉本含圓覺性能破寂寥顏別路
晴烟渚歸程夜月灣兼曾投以暗何異轉如環慕德終
虛白齋存業柳諫詩 二十四

期谷懷清迥莫攀不食逢

聖世風動海南間

合前題得清字

賢守臨珠補川珍感政聲通靈憑蚌老表異待官清徒
日淵潛彩歸時月助明在盤原善走不胆果能行遠岸
皎宮接新歌蟬戶迎玉壺人對朗達島路過輕懷土何
心戀輸忱復瑞呈

聖朝隆聘席好副夜光名

賦得結網求魚得求字

漫漶鱗無數江湖自沐浴臨淵空有羨結網始堪求潑

潑爭藏渚恢恢好截流千絲規兩目一擲致千頭寒向
澄潭集晴宜薄暮收投時多縱壑漏去少吞舟密布驚
文鯉潛移起赤虬蓬池

御厨膾式宴拜珍羞

賦得秦客相劍得劍字

昔有秦廷客曾來越絕遊衡材名最著相劍術斯留拂
拭初離匣鋒銳欲射眸品題卑巨闕顧盼詫純鈞特試
良工賞爭將利器投延津他日化赤堇舊時流聲價誠
高矣錙銖或爽不防身倚天外不假薛門收

賦得荷喧雨到時得荷字

急雨來何處喧時驗綠荷乍翻池激澁已遍岸坡陀翠
蓋繁陰颭明珠驟點過瀟瀟風助響瑟瑟水增波陣訝
黃梅近聲兼碧瓦多新涼展冰簟餘韻上烟蓑隔院催
仍入橫塘聽詎訛

恩膏盈太液好唱采蓮歌

賦得鐵網珊瑚得收字

火樹重淵產宜工採擷謀千絲沉鐵網七尺耀珊瑚細
結洪鑪畔平張碧海流交柯呈貝闕絢彩出麟洲歲久
玲瓏長波深屈曲收衰書借玳瑁照座等琳瑯應乏遺
珠憾非勞街玉售願充

天府寶貢甌越人修

賦得探驪珠 得珠字

水窟驪龍睡誰探領下珠新遊滄海畔舊業緯蕭夫善
抱歸神物生光應瑞圖盤蛟潛處並胎蚌剖時俱入穴
身難試櫻鱗蟄易蘇照車隨手得按劍問心無一顆惟
斯在餘珍更不須品題憑
睿覽留取對冰壺

賦得鑽燧改火 得新字

火德生於木相資有燧人功憑五行壇令取四時新受
革他能耀彌堅入有神研摩來脫穎調變付傳薪紀歲
虛白齋存藁 館課詩 二十六
流光換司烜故事循遞看成令節幾度及嘉辰平秋星
占夏清明賜應春微材媿寒素陶鑄仰

洪鈞

賦得琥珀拾芥 得同字

物類相從處江珠有氣通松脂凝始化芥子拾偏工照
徹光明表神留噓喻中薪傳非藉火草偃似經風俯視
黃芽細平分赤玉融現來山納幻置去水膠空管蒯何
憂棄葭草儼許同會看青紫貴

宸陛傍丹楓

賦得日長如小年 得如字

尋綬真堪愛清和入夏初小年堪比永化國本長舒山
靜人稀到窗涼卧自如安身容膝後息事省心餘棋局
經消少壺籤得報徐午陰頻視直亥字欲留書鷓鴣憑
催換松筠有定居還看
宸宸上

宵旰日無虛

賦得萍始生 得達字

曲沼春波暖萍生乍見蹤點來浮瑟瑟層起簇溶溶好
景桐華嫩前身柳絮濃候風如有約與水果相逢泛碧
茵鋪繡含青劍淬鋒根纔添啞喋影不隔唵喁苻帶牽
虛白齋存藁 館課詩 二十七
難住荷錢疊易重終當成斗實珍佐
御厨供

前題 得鏡字

暖渚新萍點因依曲岸隈三春生漸滿一水泛初來作
廚工留蔭如茵不藉栽風池知約未客路憶逢纔鶯浴
窺難下鱗游躍欲開浮蹤桃梗逐幻影柳花猜破浪寧
妨檝隨流且送杯

液波經淨拭鏡沼獨徘徊

賦得鑿不辭形 得形字

寶鑿空明質無心應最靈自珍金百鍊能見物千形高

下於何辨妍媸且任經障先除黠點光不改熒熒虛受
來雖速忘疲照豈停直堪窮變態如觀監前型冰雪瑩
逾白鬚眉對欲青千秋寧待獻

軒鑄在

形廷

賦得九臯辭野 得朝字

九臯鳴鶴處清唳聽寥寥振翮辭平野凝眸向碧霄喧
卑棲暫近浩蕩志常遙殊得風雲助誰能數澤招經過
烟漠漠冲舉路迢迢一去橫江地重懷警露宵雞羣非
久處鷓侶本同僚為語蒸鬢士登庸荷

虛白齋存藁

館課詩

二十八

聖朝

賦得野舍時雨潤 得齊字 丁酉考試差

淺煥清和候知時雨最佳含滋連野岸分潤自天街鬱
翠濃堪滴湖光淨若指綠肥枝並亞青遠草初荻炊黍
烟林出扶犁風剛排有年田畷告無逸

聖人齋下尺膏能薄經旬信詎乖空濛圖繪色茂對愜
宸懷

賦得秋香動桂林 得林字

涼序開清賞遙聞馥郁深地高成桂窟秋老出香林雲
外飄初下風時動不禁霏霏烟縷散冉冉日華臨鼻觀

參微覺心花結共尋自移靈鷲種誰傍小山吟同氣蘭
為沼前身粟是金一枝

宸苑貴榮看

賜先簪

賦得東壁圖書府 得多字

帝所聚羣籍圖書壁宿羅星精旋左見冊府在東多天
藻明觀象奎文辨止戈潭潭深處積作作望中過充棟
聯瓊宇通津指絳河辰杓存典則乙照費編摩應有金
泥貴原無蠹字訛

清時重稽古虎觀仰峩峩

虛白齋存藁

館課詩

二十九

賦得春服既成 得鮮字

高懷觀曠士被服樂暄妍舊侶偕修袂新裝試卸綿就
裁成自早啟筭取何便都雅安吾素優游與歲遷風時
留澹蕩水際照澄鮮乍聽音鏗爾旋來歎喟然人疑葛
天上遊記杏壇前更仰

求衣治

深宮惕厲傳

賦得鳴鳩拂其羽 得句字

淑序紀三春微禽作態新圓吭鳴未了短羽拂還頻拍
拍林間影斑斑屋角身一番酥雨後幾點散花晨文采

原知惜階除未易馴輕翻晴樹暖斜趁翠烟勻樂意遙
相逐潛蹤急欲振借枝欣

上苑茂對荷

皇仁

賦得薦鮪祈麥 得祈字

出水鮪初肥拍芒麥尚稀應時修廟薦備物致春祈發
發波心大織織浪影微新登居岫美旋望滿篝歸獻有
獻人掌詞無祝史違維魚占歲稔乃粒念民依澤普鯤
緬禁香來餅餌霏

帝心神感召承祀耀

虛白齋存藁

館課詩

三十

龍旂

賦得平疇交遠風 得交字

澹蕩來何處盈盈徧綠郊平臨方卦展遙啟土囊包絕
跡飛颺度連番遠信交無塵宜靜籟得氣快投膠于野
和能薄隨波淡不消路憑驅犢指鈴籠護花敲秀隴全
抽麥荒檐自結茅

皇仁久邈播人免惰農嘲

賦得句出萌達 得和字

羣卉饒生意句萌感太和侵階金屈草向暖玉交柯芽
甲經含少根芽得養多風裁宜快剪雷解訝鳴鼉豎穎

千叢發揚芬一氣過嫩黃林杳藹遙綠岸坡陀始覺苞
符啟旋看錦繡羅

盛時稽月令應瑞長嘉禾

賦得導河積石 得積字

積石河流大神功利導初北條循地脈西指界天墟星
宿窮荒外金城接壤餘乍經門裁業難得勢紆徐通道
球琳出沿波竹箭如元圭彰德水綠字驗靈書詎假重
源問還勞九派疏

清時懷禹績億載免其魚

賦得棟花風 得番字

虛白齋存藁

館課詩

三十一

芳信傳來遍剛逢廿四番後開知棟苦餘爽入風溫共
鬪芳菲節終邀長養恩華林全破萼穀雨乍流根似趁
催花鼓還飄剪綵旛招腰應競賞婪尾好同論春老吹
噓送寒輕披拂存向榮瞻

苑樹嘉實待雜鵠

賦得麥秀兩岐 得豐字

協氣釀冲融來牟上瑞充雙岐爭擢秀三白早占豐表
異抽芒處舍和並穗中紛敷濃浥露駢起遠交風隴被
連珠耀場登積玉崇已先禾合穎恰對蘭同功仁壽時
常泰循良政獨隆

盛朝徵錫羨乃粒頌無窮

賦得輪扁斲輪 得書字

老斲輪人扁堂中議讀書寓言寧盡當妙技竟誰如器
亦需椎鑿工原比匠興成風斤獨運象日輻全舒備閱
功甘苦難存數疾徐適當鋒及試何減刃游虛變化從
心始經營得手餘還憑模範在

聖世重經畬

賦得監工日號 得監字

春令工方理冬官考正嚴居然渙其號要在立之監巧
匠貪新翫羣情厭舊凡但令遵架獲寧假費鑄劍詒誠

虛白齋存墨

雜詩

三十二

惟加屢聞知欲使咸廢時防宋楮遷地笑燕函木鐸常
同警金人不復絨斲雕彰

聖訓雙闕

鳳書銜

賦得麥秋至 得登字

紀候長贏屆來牟慶乃登有年當夏令皆熟得秋稱浪
碧翻空展雲黃覆隴層金颺寧待送珠露本常凝寶以
西城告躔于北至應薦魚祈實遂嘗竊得香升平野分
秋早先期布穀曾農功闕

睿慮解阜舜歌徵

賦得瞻山識璞 得瞻字

寶璞鍾巖岫英華總內潛不須矜洞識祇合用高瞻石
韞雖岑寂山輝詎滯淹烟光生日下虹彩落峰尖望氣
蒐羅遠完貞鑒別巖定來珍聘貴無復暗投嫌水測借
珠潤宵觀並劍銘

盛朝榮特達抱朴論重拈

賦得良苗懷新 得苗字

風遠平疇徧能扶出水苗新針剛競插嘉種本先饒生
意纖纖長輕陰冉冉飄殺鳩初拂羽秧馬正聯鑣綠嫩
千畦潤青分隔岸遙黍烟隨餉積梅雨入犁調勿助誠

虛白齋存墨

雜詩

三十三

堪守其興不待招南訛平秩近勸穡仰

熙朝

賦得山夜聞鐘 得張字 己亥四月考試差

萬籟已俱寂空山風露涼遙鐘來縹緲午夜遞悠揚界
徹三千香聲留百八長更闌驚鶴鶴谷應間松篁高接
青冥外清連沈澀傍寺分人對白月落句傳張滌耳憑
初覺關心正未央鏗鯨聞

聖訓洪響振巖廊

賦得薺麥生 得升字

嘉種宜寒序堪於薺麥徵枯綠逢夏至生本驗陽升月

數盈方就春光小已應味甘由圃毓氣備兆場登紅甲
初侵雪黃芽欲破冰來牟欣並瑞稭冀紀新稱拚共園
葵棄翻隨谷黍興齊民傳要術乃粒

睿懷增

賦得嘗稻雪翻匙 得新字

獲稻逢良月嘗甘善養人流匙欣質膩翻雪訝光勻稍
異青精種難分白粲陳冰花當筋結雲子入抄新供處
緣留客炊來正及晨雨珠難比瑞豐玉好同珍一飽霏
霏下三時粒粒辛重吟杜陵句

盱食仰

虛白齋存藁

館課詩

三十四

丹宸

賦得其味鹹 得鹹字

辨味三冬日元冥秉令嚴于時剛屬水所嗜豈殊鹹潤
下原能作熬波更設監嘗時冰皎皎撒處手摻摻下鼓
懷吳俗調羹重傳巖好供蘭膳潔并解麴車饒黑白形
堪紀薰猶臭可芟

盛時民利溥環海日揚帆

賦得小陽春 得元字 已亥十月考試差

寒序尚留溫春光漏洩存歲華歸布德天意驗斟元十
月臣冥令三陽帝皞恩霽林融雪色晴渚漾冰痕雁度

雲中塞梅開嶺上村客程貪挾纒農望慰操豚會值圓
爐盛情均獻曝敦瞳矐

深殿放淑景在

丹閣

賦得方圓隨規矩 得先字 癸卯考試差

制器資誠設相隨本自然貽模有規矩呈象備方圓玉
尺平量地銅渾遠測天勢操旋轉捷數握倨勾全善勸
珍垂後觀成藉守先端宜依作臬敢詡棄如筌周折旋
皆中春秋執詎偏考工闢治術

聖化大陶甄

虛白齋存藁

館課詩

三十五

賦得五月鳴蜩 得蟬字

蜩名著幽俗毛傳證為蟬得氣一鳴候含薰五月天金
莖清瀉露碧樹靜無烟振響常憑翼全身本帶仙曳殘
高柳外流鳴夕陽前似笑寒時默能工遠處傳輕颺催
作籟長晝聽如年

上苑枝容借吟情讓獨先

賦得香滿一輪中 得圓字 癸卯廣西主試

想像蟾宮種秋宵綻粟妍香濃飄不落輪正照長圓冉
冉凌虛度團團得氣全芬藍霏上界縹緲現諸天已送
霓裳曲仍留玉斧仙誰能參鼻觀應許悟身前窟遠舍

廳重樓高滷露偏欣看攜綵袖榮並

御爐烟

賦得鳥獸氄毛 限毛字

冬仲氣森肅授時稽有陶隩民辭野處羸族慰寒號
去吹何用皮存附亦勞占豐庠漢翻取厚却塵毛健益
颺中舉文深霧後韜冠成還似木裘集定如膏密比藏
身固溫逾挾纊豪遐觀證咸若煦育

至仁叨

賦得亦在車下 限車字

歸士從征久三年倚棧車營連平野外人唱凱歌餘曉

虛白齋存藁

館課詩

三十六

轡行偏速宵旌卧尚徐早栖轅局促小展篔簹蔭幸罷
戈為枕難忘德有與師中貞至此軍令肅何如雨意催
更切蟲聲入夢虛佇看驅輶輓指顧及鄉閭

賦得敲冰紙 限敲字

剡中珍紙品素質美藤梢寒歲臨流製堅冰費手敲船
行殘雪夜碓轉小溪坳響聽稜稜應光看繳繳交但誇
紋似蘭誰信織如鮫客許懷清對書宜呵凍鈔不駁留
藥在獨澆任泥滄物產圖經舊千番重貢包

賦得歲寒松柏 得知字

萬木就搖落森然見異姿貞元天疊運榮悴物何知撼

撼驚風葉霏霏壓雪枝十圍鱗磔何千尺黛參差生是
獨而正相於安所期自甘幽谷畔不慕衆芳時節鍊冰
霜苦情均雨露滋塵寰有孤賞歲晚未嫌遲

賦得五日一風 得和字

殿角傳清籟天中釀太和一吹風澹蕩五閱日娑娑應
候來如約為期信詎說三分蟾魄滿半指畢星羅響自
薰絃發揚從明扇過最宜番直暇同樂賜醑多作陣花
添韻成文水起波調元欽

聖化長此頌卷阿

賦得十日一雨 得甘字

虛白齋存藁

館課詩

三十七

象魏懸書日庶徵雨澤覃浹旬常志喜有滄早祈甘甲
子先占應珍符合數諳朔虛仍過九歲閏更餘三恰與
身同澣相將飲共酣課農溝水北記里杏花南迥異陰
晴半真成化育參論衡傳上理肅若

睿懷探

賦得三讓月成魄 得賓字

朔日三前後冰蟾本質伸始知明讓魄亦似主延賓輪
滿看常掩弦聞見未真一鈎來對映竟體得全陳豈有
升階揖猶餘餞納寅哉生期不爽相禪數惟均不覺增
輝漸俱闕示象頻習御微尚齒

盛世禮彬彬

賦得龍見而雲得星字

已月修零祀蒼龍見七星甘膏羣待澤呼籲切升餐東

指亢隨角南臨丙配丁在田差比象施雨定流形

駕展鸞旗赤壇留燿火青

皇心祈禱肅

吳絳感孚靈厥典郊同重於時檢已經動民欽

聖主先為兆盈寧

賦得律中仲呂得初字

歲序觀吹律迎炎術詎疎呂陰當屬仲夏假正居初乍

虛白齋存卷

韻誤詩

三十一

聽音為徵魯傳月是余三分鐘未益六寸管猶虛西旅

經行盡南詔入化舒清雲干處見緹幕候時噓長養風

時若清和日謫如薰絃諧

帝樂寧藉不韋書

賦得砥厲廉隅得文字

猷為終藉守清慎始論勤欲以廉隅見先於砥厲聞三

方舉後復六事本中分傲傲圭呈角稜稜劍淬紋琢磨

斯得此諸練或徒云詎作圓舳想甘隨介石羣明心常

指水高節佇凌雲

盛世端儒行無煩慕近文

賦得六事廉為本得官字

六計皆稱事惟廉本始端陟明遵舜典弊吏重周官清

節于忠近才人有守難誰知根柢植不作秀華觀饗饗

形圖鼎貂蟬飾貴冠却金存道素飲水益心丹未許干

鍾晚何堪一介寬登朝巖

聖訓深夜務求安

賦得麥隴風來餅餌香得時字

深喜來牟熟多漆餅餌資人經高壠處香在好風時冉

冉連番到油油入望滋自然聞撲鼻不比晝充飢過雨

膏彌渥迎炎爻最宜祇傳花信早翻訝食單遲辨氣知

虛白齋存卷

韻誤詩

三十九

無誤嘗新好預期

皇衷等乃粒並採宋臣詩

賦得春江水暖鴨先知限江字

春波初漲日鴨鴨戲晴江樂意相關得機心自在降沙

融來唼喋冰解出瑤淙一色看如映羣呼聽不啗好迎

青雀舫疑對碧油幢萍葉眠時早桃花泛處雙身雖依

鷺序靈已逼雞臆阿子歌詞古還期續舊腔

賦得渭川千畝在胃中限胃字

饒守貪燒筍乘春飽籜龍居當洋谷口羅作渭川胃產

或量家費侯原計戶封此君真淡泊其畝任衡縱詎數

櫻厨饌多煩菜把供甲兵餘地貯壘塊並時銘想見豪
情寄曾經快意逢驚溪有長絹寫影更從容

賦得鶴鳴于垤限鳴字

欲雨于何見多將物類明蟻方高處避鶴已垤間鳴未
展盤空翼先殷擇地情向幽陰質近得食喜心生林表
借鳩羽庭前作鶴聲遷喬幾自早徙穴感非輕歸客因
時識居人入耳驚

盛朝數愷澤無取詠東征

賦得麥浪得難字 丙午四月二十六日考試差

維夏將登麥參差疊浪看四郊清若水一氣碧于瀾影

虛由齋存藁

雜詩

四十

乍鱗鱗細光旋渺渺寬因風村漲活過雨壠聲寒遶派
雲邊下輕花鏡裏攢驅健鷺路滑浴鳥訝渦盤未用舟
航濟先來餅餌餐幼農敦
聖澤率育軫其難

賦得五月江深草閣寒限深字

高閣依寒渚真忘煥序侵草堂添結構錦水暢登臨氣
爽三秋借潭澄百尺深波憑風起送岸向雪消尋縹緲
成天界清涼本客心疎簾宜對弄脫帽稱孤斟翹鷺晴
沙畔鳴蟬灌木陰應知
蓬島住更勝大江潯

賦得一樹碧無情限無字

此樹情何有君聲恨不無餘清惟弱質一碧自高梧露
滴吟邊斷颼涼史後孤未將幽韻答祇益午陰鋪庭院
深難到林柯靜與俱託身長夏陰飛夢故園蕪水豈知
魚樂山原任鳥呼玉溪遺韻在好景費研摹

賦得蓬瀛不可望得求字

三島仙真宅蒼茫未易求照來丹旭曉望斷白雲秋每
結虛無想難期汗漫遊烟霞迷鶴背官闕隱籠頭上界
誰居者前津許問不說多方士託圖遺畫師留本乏凌
霄駕空迴泛海舟

虛由齋存藁

雜詩

四十一

上林泉石好松桂正盈眸

虛白齋存業

館課詩 七言八韻

目錄

炎雲峰起

中原采菽

藕益節

鶉鳥欺孺子

麥備四時氣

捐金於山

岸容待臘將舒柳

虛白齋存業

館課詩目錄

循名責實

榜搖背指菊花開

花為四壁船為家

虛白齋存業

山陰 吳壽昌 泰交

館課詩 七言八韻

賦得炎雲峰起 得多字

為紀雲師乘夏令欣逢炎帝秩南訛連峰勢向青霄引

如火蒸宜碧漢摩一氣凌虛飛縹緲萬重入望削嵯峨

濯枝雨後浮嵐迴析木津邊隔岸多每到參天瞻紫蓋

轉因出岫驗青螺地兼觸熱濃於墨候異迎涼薄勝羅

競秀未煩辭點綴移陰應許帶清和崇朝溥潤微膚寸

好譜

虛白齋存業

館課詩

彤廷亂縵歌

賦得中原采菽 得勤字

曾從百穀稽嘉種得地高原好共分遵彼行行周道直

薄言采采庶民勤晚經霜圃含苞重早向烟籬綻莢分

勝日提筐青滿滿遙村翠水碧沄沄嚼來味合羹藜配

獻處情先飯麥殷用到激芳存瀝液功同陳義課耕耘

他時園莽知難報積歲豐盈慶屢聞魚藻裳華應繼詠

幽風圖繪在

南薰

賦得藕益節 得添字

歲差庶彙亦堪占碧蕩池中異態兼應月分莖移舊植
知時挺節報新添非闕雨露偏能長本近淤泥不受露
向臂擎將爭約素如肪截得待開隘屈蟠玉井絲重貫
礫砢銀塘氣內潛厄笑黃楊休並對靈誇朱草好同規
恰隨斗指當宵永許傍桐生散午炎節物由來徵化日
舒長

聖世樂窮檐

賦得鷓鴣鳥欺孺子 得牽字

偏因識短易生憐逐物勞勞究惘然小鳥依人疑善誘
羣兒拍手竟成顛羽毛未許星為火棲蹄原同鼠在田
虛白齋存業 餉課詩 二

已見衣露中野露尚思籠鎖滿庭烟情輸碧海忘鷗侶
誤羨黃花飼雀緣但使搶榆工決起幾曾觸網受繁牽
爭從階砌仍無害逐自鷓鴣始有權幸藉禮羅逢

盛世偉長底事費言詮

賦得麥備四時氣 得和字

平分四氣覘天運隴麥菁英聚獨多迎暑纔看芒擢穎
隔秋早報種分科根芽深耐風霜冷華實榮滋雨露和
別具生成時遞嬗摠關溫肅道無頗從金得類先禾黍
候火登場應作訛六府功全宏長養雙岐瑞降擅阿那
雅兼夏稱冬稔美肯逐朝華夕秀過好頌來牟依

盛世田家旦晚有羲娥

賦得捐金於山 得於字

雙南未用羨暉如挽取淳風復太初不寶漫稱希代貴
就捐祇合在山居沙埋曾費良工揀塵視寧憂左藏虛
劍戟銷來空復爾錢刀散處鎮相於宵間識氣神逾遠
礦內韜光迹本疎竟共珠淵拋的礫難憑玉府秘璠璣
桃鳧巧謝程工日草木輝生借潤餘自是太清逢

聖世願將介節勵揮鋤

賦得岸容待臘將舒柳 得回字

小至陽生臘復催最先岸柳荷滋培尚稀濃碧垂新蔭
虛白齋存業 餉課詩 三

已費柔絲出舊裁瓊律一吹寒欲避金隄十里暖初回
封餘薄雪經風散映微微波待凍開盤馬何人喧道路
遷鶯計日繞池臺佇添

禁苑清陰勝剛逐晴窗弱線來始信春光容漏洩摠關
節物共徘徊移根有地邀

宸顧肯讓和羹早放梅

賦得循名責實 得班字

榮名徒冒寧須貴實意能敦始覺艱宜審重輕嚴責備
特權賓主究循環聲虛未許春華採幹立堪將夕秀攀
摠為鼎真應力索豈容竽濫亦心闕與賢次第三升選

弊吏周詳六計頌蒙質虎皮辭炳蔚混珠魚目失斑斕

淬鋒始見光冲斗望氣先珍璞蘊山

聖世官方澄攸切不才深愧黜清班

賦得勝搖背指菊花開 限搖字

峽口黃華過萬條剎那柔艣自輕搖寒分老圃開常晚

路轉前村指已遙經眼未曾窺色相迴身纔許認根苗

金丸競發空思逐珠極旁垂穩見招籬落就陰留淡淡

帆檣逐浪去飄飄幾番顧影杯間賞一夕餐英肘後調

移植定煩津鼓送坐看差喜霧牕消秋楓古渡啼援岸

終擬登臨繫畫橈

虛白齋存藁

館課詩

四

賦得花為四壁船為家 限船字

湖心掩映花初淨岸曲迴環棹欲穿明錦四圍留面壁

小齋十笏寄乘船畫來密影龍蛇動移就芳鄰鷗鷺眠

不少簾櫳遮柄柄無多屋宇礙田田舟中枕藉三更夜

鏡裏清涼五月天人泛綠波依似幕身登寶筏望如仙

旁風真笑蓬廬陋細雨寧輸釣客便歸路南塘放翁里

故鄉烟水思茫然

虛白齋存藁

館課賦進呈冊

目錄

恭慶

皇上六旬萬壽賦

恭祝

聖母崇慶慈宣康惠敦和裕壽純禧恭懿安祺

皇太后八旬萬壽賦

聖駕巡幸山東恭奉

皇太后登岱祝

虛白齋存藁

館課賦目錄

蒼普天同慶賦

虛白齋存藁

山陰 吳壽昌 恭交

館課賦進呈冊

恭祝

皇上六旬萬壽賦

臣聞聖帝盛王之篤生也必應至治叶昌期隆以清寧之運會厚以功德之留貽然後非常首出式擴丕基獲天申之保佑錫繁祉而受重釐昔者頊有貫月之微軒感繞樞之瑞商頌溯乎發祥周雅歌其履帝降及漢唐亦或以赤光照室而示奇慶雲屬天而表異是皆詩書虛白齋存藁 館課賦 一

館課賦

一

之所流傳史冊之所載紀故聖誕之節雖肇於近代而祝三多陳五福千古初無異義洪惟聖朝上姪陶姚偉藩陽之肇迹暨鼎定而兵銷震八埏之赫濯張六幕而鈞陶累洽重熙者百餘載下徹淵泉上際雲霄靈則游麟巢鳳蠢則草繇木條滲漉泥濊視海涵春養而倍饒於是穹昊眷焉疑麻篤祐聚億萬載扶輿清淑之氣備鍾於我聖主乃握符闡珍膺圖受籙照遞壇而光重仁益深而恩渥承

列祖

列宗之謨烈廣聲教於東西南朔厥性存存厥思安安厥心翼翼厥體乾乾天亶聰明兮孔厚天錫智勇兮獨全功巍乎而文煥乎道蕩蕩而路平平握樞兮總陰陽之闡關執契兮妙神智之方圓通噓喻兮橐籥彰平秩兮璣璿唐哉皇哉盛德大業非瑣瑣珥筆所克傳矣臣敬述其著者以綴於篇則有

丘澤園方神而降出壇重禱祈祀兼望秩

躬指珽以凝旒莅齋宮而涓吉至敬也

太室都宮秋霜春露

虛白齋存藁

館課賦

二

佳氣陪京

翠微近輔虔奉禩而升薌結餘思於愾慕至誠也宮瞻長樂輦奉

長樂輦奉

金根承歡游豫視膳晨昏崇

徽稱而迓祉永錫類以明恩至孝也

闕里祀牢成均釋奠頒法物之尊彝壯大成之宮殿同道揆乎後先獨尊師而樂善至隆也若夫啓石渠而典

學

御崇政以說書館翹材兮賈董門待詔兮嚴徐敷文之雅化也沫若之降因壘烏孫之婦犁庭踰大宛兮貢馬

越燕然兮勒銘揚武之駿烈也山封嵩岱水濬淮黃長
白混同沂東都之駕勾吳於越紀南服之疆省觀之遠
馭也

南苑簡卒木蘭行圍

一人穀天弧以示神武諸蕃望星罕而懼

皇威訓練之雄圖也至若急隄防乎澤國籌疏淪於星

津風人雨人之最速賜全賜半之維均故天下咸感

聖主之仁法每先乎親貴惠必逮於困窮重輕不畸夫

內外袞鉞一視其罪功故天下咸喻

聖主之公炳幾先而握鏡周萬里以懸衡燭誠偽之未

虛白齋存案

館課賦

三

形於坐照表是非之羣議於平情故天下咸仰

聖主之明善雖隱而必嘉譴既彰而莫違一張一弛非

謀自盈廷曰俞曰吁詐資乎襄贊故天下咸服

聖主之斷矧復及晡而膳未央以朝親裁封事召對羣

僚禹陰湯日之勤不加於此矣廩斥虛糜工嚴浮冒澣

濯還淳粟絲惜耗堯椽文服之儉不節於此矣績忠勳

之誓券者碩於懸與花萼之樓並建燕詒之訓頻書

伐木行葦之恩不厚於此矣訂六經而傾液輯諸史而

提綱道妙之

宸章萬帙正心之

奎藻千行畫卦揮絃之治不文於此矣是故連躒區夏
聖作物觀同符乎

世祖太和翔洽容保無疆合撰乎

仁皇震肅綱紀如日再中齊軌乎

世宗綜百王而較德曠千禩而論功未有如我

皇之邅隆者矣由是道隆而福備德盛而化神時雨時

暘者五緯既清旻者九垓朝尚法廉之治野安耕鑿

之淳鐘鼓旬鏗於膠序梯航輻輳乎關津嘉石表平反

之謙邊垣清烽燧之塵世登春臺以上國與華胥為隣

考循蜚疏化之紀夫疇得而等倫然而

虛白齋存案

館課賦

四

聖天子方保泰殷然履豐愴若鄙黍里禾之奏戒勿陳

白麟赤雁之歌屏勿作鑿羣情而衢謠巷舞之無煩止

百戲而爵馬魚龍之並卻詎勞始而逸終彌凜乎如馭

索爾乃謁

黃橋省青甸大脯屆期朝正錫宴百禮胥洽九成盡善

計偕之典特興惟正之調又徧錄瑕者觀其後效肆告

者子以革面露湛湛兮畢濡風颯今昔扇

帝曰都哉斯余一人孝治之鴻施寧惟祈永算於

宸躬蓋將以慶長齡於

護殿夫嚴恭寅畏享年所以陳無逸也泮渙優游彌性

所以咏卷阿也順則致順和乃召和方將並久長於覆
載偕升恒於日月壽以南山之樹而恒春觴以北海之
波而不溢松喬之侶無所誇其年導引之徒無所稱其
術彼八千春秋三千花實之荒唐又何足為我

皇侈陳於萬一乎哉且夫壤流之微奚裨山海蠡管之
末難語高深如小臣之禱昧徒摹繪而莫任然而烏應
時則發響蟲俟候則流音共有傾陽之志均茲鳴盛之
心矧沐浴乎

膏澤託翰墨之園林逢嘉祥兮翕習能無隨麝拜而効
謳吟謹鞠脰濡毫為祝

虛白齋存堂

館課賦

五

釐之頌辭曰
帝德廣運北變南諧拓無外兮至治馨香漸仁摩義湛
汪濊兮休嘉駢集岳貢川珍大和會兮

一人有慶敘福錫民道光泰兮

聖齡浹甲南見壽星霏瑞靄兮歸

善臚

歡稱觴

長慶施霽霽兮壽考康寧彝倫攸叙乎兩大兮

天錫純嘏萬萬延洪永未有艾兮

恭慶

聖母崇慶慈宣康惠敦和裕壽純禧恭懿安祺

皇太后八旬萬壽賦

瑤池之西王母有青鸞之蹕馬璇宮之北星城有金天
之室焉若乃濬祥源肇福基萃千載之麻嘉洽百年之
重熙格昊綽而申錫懋介受於柔祇自翠牒所載形史
所垂益未有盛於茲也緬我

朝之龍興繫

帝女之肇祚燦朱果之奇祥翼瀋遼而遠馭邁源履與
簡吞多壺內之攸助

虛白齋存堂

館課賦

六

兩宮孝侍事惟
仁皇臚海內之養備承歡之方福臚安輦

御園山莊奉

慈顏而怡悅爰弗祿以壽康

皇上寅紹丕基祗繩

祖烈履率履之罔違遂同符而合轍固景運之極隆臣
請杞揚夫萬一益我

椒庭之頤郁永

聖母儷乾元叶坤貞玉衣覆而示兆黃氣聚以鍾英揚
椒庭之頤郁永

蘭殿之清寧觀型軼於有媯嗣徽婉於周京率屬六宮

躬行四教澣濯示儉益繼課效彰習勤之

懿訓每流仁於色笑偉樞電之感乎以

勳華為天子膺四海之圖錄擁三儀之蕃祉乃輯共球

同文軌宣厥重光臻乎上理炳幾若神下令如水於時

穰穰豐綏嘒嘒春和騶虞般文平露駢柯萬物應由庚

之奏康衢來擊壤之歌三登五咸其樂則那至若震軒

皇之夔鼓舞姬廷之戚干扼吭頡利繫頸呼韓埽氛沫

若暢成于闐矢不遺鏃孤無絕弦而已拓二萬餘里之

疆索饒餘三畊九之營田

皇上承顏視志色愉容婉殷歸

館課賦 七

虛白齋存葉

善之盛懷惟

慈教之繾綣是故時巡時邁

聖祖之所繇撫輯民吏也

聖母曰俞

皇帝其展義於是混同東沂臺懷西陟嵩室登封宣房

繼塞析津莅青甸之郊禹穴探揚州之域海若恬波山

祇率職于苗于狩

聖祖之所繇止齊卒伍也

聖母曰俞

皇帝其講武於是

南苑大閱蘭塞行圍摠七萃駕六飛周陸網設彌天罕

施搏象鋸齒摧熊寢皮左膘右膈割鮮烹肥來諸部之

名王歲錫宴於氍帷捧黃羊與桐酒羌懷德而畏威若

乃

萬安之宮蒞署

慈寧紫垣上拱玉礮下平商雲宿於畫棟璧月麗乎雕

楹蠹瓊臺而排金闕儼海中之蓬瀛復有

御苑前殿

行殿基

暢春之崇構標

館課賦 八

虛白齋存葉

蔬珠之深院綺岫牕含瑤源階澗既却暑於炎序亦導

和於春甸

皇上殷溫清之忱崇問視之節三朝載修六膳是潔凡

紫軒之所臨

藻舟之所屆登高嶽之嵯峨濟名川之澎湃恒祇奉以

首塗爰親扶而言邁百神於茲而擁護

慈豫於茲而康泰歲在重光律應黃鍾陽復占卦日長

課工屆

瓊禕之曼羨啓八袞於

慈宮欣周甲之

聖齡當復始而會逢信麻徵之翕習荷

國慶之重重

皇上臚介景之上儀隆祝

釐之盛典謂生物之權輿視震維為旋轉緬云云亭亭

之崑崙曜玉簡金符之昭闡乃登岱以升香祈長生於

福善也三花寶藏四果函經真言契乎記荊楷畫準夫

黃庭乃縉文於貝葉法無量而永齡也延照慧日布陰

慈雲鹿苑開而了悟旃林入而濃薰乃崇建於金界證

不壞而明因也矧夫非常之慶恒於介

壽之年溯前旬之志瑞聚七曜以同躔閱十載而更異

虛白齋存藁

館課賦

九

洵有開之必先迭矣泰濛嚮風思慕踰險萬里借來億

數本準鳴爾之舊部去俄羅斯而內附

皇上觀其汗王隸諸都護天憐地載靡不得所固聲教

之遐覃實

仁壽之廣布敬將

璆檢

鴻號用熙紀字十六晉稱

安祺益安敦之義衷於易維祺之旨協諸詩特瑀鑄於

琬琰借

寶璽以永輝乃被

龍衮肅天仗閭闔洞開琅璈宣鬯斟玉醴以稱觥具隆

儀之嘉尚其珍則崑圖鼉采合浦夜光交趾通犀海南

名香拂林鐵網之樹白漏赤砂之牀承露丹邱之甕明

月江南之璫吉光之毳五色天孫之錦七襄羅几列案

溢筭充箱其膳則瓊山之禾不周之粟霜蓄露蒸晨鳧

雪鵠封脯斑麟魚尾文鹿和藟醬以凝丹淪石華而碾

綠供錯磬海羞珍殫陸其果則綏山碧實之桃林慮青

房之李銅谷懸枝之梨梁園烏桺之柿湘臯之榛金黃

信都之棗半紫石蜜移大宛之種芳荔隨嶺表之使涵

瓊津而實嘉貢仙園而品美加以璇題珠牒

虛白齋存藁

館課賦

十

宸章奎藻蟠龍舞鳳之奇叙範行圖之寶極璀璨而喬

皇頌升恒於天保百禮既陳三呼孔殷孫枝茂以五葉

鄂不耀乎懿親內則五等九命影組我冠之侶外則九

裔八蠻綠睛翠髮之倫鞠脰扞蹈將將莘莘爰有耆儒

松喬等壽孕弧南之星精榮朝紳之寵授譜歌紫芝

護闈進奏歌曰邀崑閭兮招僇佺戲斑虬兮舞紫鸞後

天難老生先天壽

聖母壽億萬絲奏歌遞遍

歡顏載懌

皇上御月駟之權奇扈

金根以前列幸乎西華之門觀王會之燦設燈火萬屢樓臺九衢移戴鼇之連島綴絲樹之交柎舞以紈牛露犬儀以素羣赤鳥別有吳歛荆豔綠檀都盧紛百戲之陸離騰萬國之懽呼乃渙

大號宏錫類德湧洋恩汪濊正供子全民富藏也拔茅彙茹大觀光也欽卹肆赦網輟張也引年尚齒養上庠也

崇封賁閭所生慶也錄瑜滌瑕異材彰也含生而負性政行而喙息孰非湛灑之所滲漉祥飈之所噓植又何有於大酺之朝與華胥之國云乎哉微臣睹繁禧之日

虛由齋存藁

館課賦

十一

增驗
昊貺之靡已敬頌

延洪珥筆階祀

聖駕巡幸山東恭奉

皇太后登岱祝

釐普天同慶賦

粵若重光亶安之歲我

皇上六旬萬壽甲周復始恭逢

聖母皇太后八旬萬壽隆禧蕃祉烟燭允鴻於時沂垓騰歡暢埏溢慶

皇上迺祇奉

安輿欽崇泰岱所以祝

鴻釐光

虛由齋存藁

館課賦

十二

慶典也前歲春

駕幸津門

恩施淪浹山左臣庶聞風嚮慕日望

聖天子之躬履且泰山祠宇鼎新禮宜奉香展敬上以

抒

慈闈昭格之誠即下以答億兆祈求之願省方展義迴

異曩規乃復以道經

闕里親行

臨謁偉乎文治之大先孝思之極則已微臣職叨侍從

德荷生成茲當

鑾輅之臨彌切懽忻之恫不揣樛昧謹依古詩之流綴賦一篇稽首拜手以獻其詞曰

懿夫我

國家之邛隆也縣景運萃庥徵順象積和氣凝覆載符其悠久義域並其升恒錫純嘏而大備啓壽宇而咸登黼座之太平用享

璿宮之永算彌增

天子方廣同樂於寰瀛佇稱觴於

長慶特崇錫類之仁覃布推恩之令漕免飛芻賦蠲維正額俊闢門招賢翹乘釋輕繫而觀革面之化錄微瑕

虛白齋存藁

館課賦

十三

而予自新之行酬賜洽而湛露歌宴錫周而需雲應固布濩而涵濡爰沐浴而歌詠凡含生負性之倫翹首跂足思近光於

至聖者恫恫焉欵欵焉非名言之所能罄維茲山左少

皞墟存邇

神京而作衛依甸服以為藩畫州則青兗基置接壤則齊魯聲援渤海表其雄風河濟滌其洪源藝蒙羽以嶠崕轉瑯琊而蟠蜿其山鎮曰岱宗獨巋然而特尊夫其盤剝苑壘龍從天咫可觀帝座欲通小衆山而旁絡長五岳而高籠迎陽位震首物居東體好生而其德最貴

權司命而其功自崇金篋閱其靈異王策傳於無窮是以上溯隆規載循舊典紀崇望者自虞典而已彰頌懷柔者至周詩而大顯或股縣以發其馨香或升中以通其縉縉崇朝之潤可徵視公之秋斯辨皆載籍之較著不待侈陳夫封禪也爰有碧霞之觀青帝之祠撫遺制之既久復鳩工以拓基雕甍峻整碧瓦參差崇文階之月庶卓高闕之風旗屬落成之入奏屆

國慶之重禧宜告虔以展敬頌

文母之福綏

天子於是

館課賦

十四

虛白齋存藁

慈訓承乎三朝輿情順乎萬國扶

安輦以舉

時巡祝

鴻禧以示無極野廬埽塗疇人涓吉七萃導前千官扈蹕鸞和鏗鏘以流韻鳳蓋焚麗而絢色時則律應夾鍾序占星鳥日華浮於川上淑氣催於林杪正胤至而鵬鳴紛官花與輦草風在條而不驚雨如膏而灑道出寒谷而暄回經暮川而曙早乃使黃帽之徒操青鳳之舟泝通路之恬浪泛淀沽之安流舞獻冰夷跡避陽侯吉行置頓水驛遞籌勸視

騰而詢

安得尊養於豫游旋入境而遵陸施平野以九游遂登
社首望石閭門誅蕩兮天半觀曠曠兮日初仰巖巖之
異形莅穆穆之神居焜炳蕭之高烟通燿火之暉如牲
玉陳於禮官笙歌簇其座隅

聖母方服禴翟而顯若

天子益垂龍卷而紆餘捷山祇之昭應彰

帝眷之潛孚與秦松兮漢柏壽萬禩而不渝此則本

聖人大孝之思協

王母受福之符以視東狩混同南屆揚越省方陟太少

虛白齋存墓

館課賦

十五

之巔選佛探清涼之窟典更重而加隆道光而高揭
又何論披圖甲子之歲與刻玉仲春之月哉乃復景尼
山遵泗水俯仰乎金絲之堂低徊乎昌平之里緬繡絨
之徵慶感趨庭之過鯉虔釋奠於尊彝統

君師而一揆由是憩亭乎歷下履石乎穀城指穆陵而
關古臨瓠子而波清籌河渠而永濬輦隄堰而增平舳
艦銜尾而擎汰鋤犁舉趾而勸畊壤千里兮沃衍歲百
室兮盈寧當斯時也士濟濟而游泮農熙熙而聚隴婦
執筐以徼行男負耒而跋踵節有鳩兮蒼顏扶篠為駿
兮黃童擁海南之香夾道而徧蒸竺國之書建壇而競

奉

屬車所至歡聲雷動方將拓云亭之址以為筵迴渤海
之瀾以為酒聚東魚西鳥之貢以為肴採里禾鄙黍之
珍以為糗雪西池初熟之桃踟玉井如船之蕩奉有慶
於

一人上無疆之

萬壽然而

天子志惟崇儉道在還淳屏遠川塗之飾無煩供帳之
陳罷角觝魚龍之曼行斥牙檣錦纜之鮮新臚羣情之
愛戴軫物力之艱辛露臺敷漢皇之樸土階昭唐帝之

虛白齋存墓

館課賦

十六

仁至若因地施惠順時行賞粟帛出乎

上方金錢賚諸

內帑租既蠲而復減勞已酬而更獎

德澤汪濊

恩波浩蕩疇衢尊之未霑信春臺之胥上泊乎
清蹕言旋析津再在履青甸之近郊度黃圖之重地水
土奏六府之修魚鹽擅雙沽之利而且數軍實講武事
臨南苑兮命春蒐習旌門兮練羽騎迨諸典之具舉始
迴
鑿而返轡親色笑於

慈寧大暢乎

愉懌之至意頌曰惟

皇斂福孝治隆兮祝

釐介景禮嶽宗兮導護

金根

玉鑿從兮明堂肆覲邁東封兮申命

天佑聆呼嵩兮

萬萬延洪盛典欣逢兮

虛白齋存藁

館課賦

十七

虛白齋存藁

館課賦

目錄

菜花賦

見大水必觀賦

琢玉成器賦

五聲聽政賦

九月授衣賦

金在鎔賦

秋露如珠賦

虛白齋存藁

館課賦目錄

德車樂御賦

文以載道賦

金光草賦

盆魚賦

花磚日影賦

江心鑄鏡賦

登瀛洲賦

敬器賦

圖書相為經緯賦

廣陵觀潮賦

黃鐘為萬事根本賦

取火於燧賦

昭文不鼓琴賦

風螢賦

衢尊賦

天門環道賦

炙轂輶賦

刻桐為魚扣石鼓賦

課虛責有賦

科斗文字賦

虛白齋存藁

館課賦目錄

二

狙公賦芋賦

披榛采蘭賦

踊水機賦

列子御風賦

拊本引綱賦

虛室生白賦

目無金牛賦

丹魚出水賦

膚寸自成霖賦

先河後海賦

土積成山賦

抱一為天下式賦

詩言志賦

指南車賦

天形如車蓋賦

虛白齋存藁

館課賦目錄

三

虛白齋存藁

山陰

館課賦

菜花賦

召試二名



若乃乘青陽而觀稼

巡繡甸以省耕當紅紫芳菲之候慶東南家室之盈有

花於野以菜而名油油其類燦燦其英與桑麻為映發

殊桃李之滋榮承

翠華而擢秀匝蔀屋以抽莖竊惟菜為園蔬農書是重

頌獻歲之五辛貯分畦之七種齋嫩質於秧針被濃陰

虛白齋存藁

館課賦

於麥隴使民無此色知大有之頻書使士守此根知清

操之獨奉經雪後而紅甲先開引風前而黃芽競聳則

有綺交繡錯西陌東阡春林卷畫春草芊眠不煖不寒

兮催花之信微晴微雨兮養花之天根攢葉簇萼附枝

聯藥戎戎兮堪把子纂纂兮爭憐始含蘂兮網緼密和

生香於花塢旋吐葩兮爛漫平鋪似罽於花田於馬結

珠璣以為穠借黃金而作色垂瓔珞之繁妝綴流蘇之

麗飾鏤騰烟景間秬紫與甦黃清剛風香徧黎青而壤

黑曾剪周顛之圃好把高風試窺魯相之園彌懷儉德

爾其露團的皜旭暎瞳矓麴塵散影金粟分叢合開百

草之先未數綠葵白薤已入羣芳之譜詎誇春韭秋菘

灌花之叟如尋應勞陳仲探花之使倘設定屬蘇翁菘

是花也非植華林非栽釵砌非詔從羯鼓之催非護自

金鈴之繫野色助其清酣邛容藉以點綴芒屨踏送寧

須蜂蝶之猜藜杖扶看恰作林泉之契別有歌殘山豆

夢憶湖莼採去靡蕪之色貢來苜蓿之珍雖同資於九

穀未擅麗於三春豈若千畦熟早萬頃開新拳秀則田

規每每尋芳則句接啣啣紀厥佳辰盤馬賣錫之節攜

將舊侶瞻蒲望杏之人

天子乃月令頒書時巡駕輅嘉微卉之懷新近

虛白齋存藁

館課賦

御顏而增顧既攬勝而念民依亦聘妍以

命儒素將使紉蘭佩蕙却楚客而停歌剝棗烹葵就幽

風而繼賦倘祭菜兮有期敢離蔬兮是慕

見大水必觀賦

敬館一名

伊即境以會心在曠觀而盡變必託諸浩渺之鄉斯化其拘墟之見得智者之樂固可占厥心亨從天一而來實有符乎上善或望若而生驚或乘流而興羨登高取譬將岱華之咸經臨水為懷詎江河之莫徧惟有當於溯洄遂獨深其宛轉豈不以莫測者淺深易辨者小大行潦亦供河酌之資方塘非乏真源之會苟相限於蹠浴迺易盈夫溝澮雙丸甚疾何以堪日浴其中六合誠遙何以可常浮其外孰變化是而騰擲魚龍孰委輸是而滋蕃貨貝自非極澎湃以鴻濬未足首六府而攸賴

虛白齋存業 館深賦 三

爾乃詠劉其歌沔彼納萬派以靈長匯百川而渺瀰其來滾滾汴源者必先以河其度汪洋觀海者殊難為水澄不清而撓不濁葢以加茲過者往而續者來是之取爾難窺之涯渙有然莫二之波瀾視此蓋其潛滋遠潤則仁澤之廣施也蕩垢滌氛則義行之奮出也沛乎莫禦則其勇足矜也進以盈科則其信可必也積衆德以參求表坤元之涌溢洵昭說物之功而擅觀瀾之術矣况夫靡分晝夜罔間暑寒如貞元之周而復運如經緯之環而無端引之於前而濫觴之源難測推之於後正宗海之路恒寬不比濠梁之樂宛同川上之觀是以學

者逢之而茫昧聖人對之而盤桓乃知物以狹而易盈量以宏而克裕試於不競之流悟彼資深之素我

皇上淵默攸居海涵為度每

太液之澄波暢

宸襟於一顧不僅淪連有象文來風水之遭兼知滲漉無方物被化工之賦媿弱植之猶雷謹濡毫而起慕

虛白齋存業

館深賦

四

琢玉成器賦 以良玉待琢器始能成為韻

間比物以連類觀質美而材良稟化工而得秀資人巧以成章以砥砭為輕本之磨礪之地以瑚璉為重宜詳切廟之方器取藏身有用之材斯貴玉堪比德他山之助無忘豈不以產自于閩名齊結綠寒留元圃之暉暖映藍田之旭逾三帛之將儀陋五金之利俗圭原不琢祇簡素之堪風璞豈終完何諱器之待勗蓋徵百行於儒行亦有席珍而稽六工於考工非無攻玉夫其砥礪相加觀摩有待始之以椎鑿之惟勤繼之以雕鐫之勿怠毋急品題之早按劍而誰惜千金何妨拂拭之艱刻

虛白齋存業

館探賦

五

楮而爭傳三載璧則猶是精神之見方新寶也幾何聲價之增自倍誠奇英待治之所闕而巧匠取裁之所在爾乃變化從心方圓在握發照廡之菁英露連城之圭角其文縝以密固特達而揚休其聲清以長亦鏘鳴而應樂因材而就未容輕有考之夏璜肖物為名不第恃無瑕之荆璞將由小成以大成執訂不雕而不琢竊嘗誌房序之奇珍證圖書之秘器信桓之執宜公而宜侯琮璧之陳禮天而禮地王家琬琰以特設示其奇侯國璠璣以世守昭其瑞亦有虞衡周尺之傳魯琥鄭環之賜襍祈通瓊瓚之靈投報重瓊瑤之詛凡茲眾器之見

虛白齋存業

館探賦

六

稱固非美玉之生而自致也是以既頌溫其亦瞻瑟彼德則服其粹精工必辨其總理自然者無純任輝山之韞徒稱踵事者必增華纒藉之陳足美尚瑕瑜之莫掩敢誇希世之珍必精猶之攸分殊羨通神之技故生器為天事之終而成器實人功之始可知物期效質用必呈能果堅白之在我奚追琢之難勝錯自需攻義比金之就治磨何嘗磷奇於木之從絕信有資乎淬厲諒無取於模稜士君子寄深情於懷寶結雅尚於含貞褪躬則瑾瑜比粹勵操則圭璧同清道豈難知懼範圍之或過學乃有獲期克治之能精然則將使藏之名山什襲而自餘潤澤登之天府物色而共覩晶瑩苟非遵學記之明訓其何以克底於有成

五聲聽政賦 以粵稽夏王五聲聽政為韻

溯隆軌於姒王紹中天而昭揭勒峻嶠嶺紀績之碑探宛
 委藏書之窟羽千率舞於庭階玉帛會同乎荆粵乃功
 大而心愈小勵其治於無怠無荒德盛而禮彌恭必其
 幾於不矜不伐既咸事乎九德懋著敷施亦聽政以五
 聲詳求治忽豈不以補袞歸於警闕納牘即以指迷葑
 菲之陳亦關底績芻蕘之採不類無稽借諫鼓以同懸
 由改過之不吝與善旌而並樹本見賢之思齊汝亦昌
 言資贊襄於百職爾惟徧德慰日用於羣黎蓋下以感
 人心循聲而來獻納實上以助政教按節而發提撕其
 虛白齋存業 館探賦 七

政之有五也傳危微之訓道必究其高深酌勤儉之中
 義無取乎苟且隨刊雖奏仍庶事之未遑咨傲猶存彌
 憂心之莫寫矧無刑之難期豈泣罪之可假視匹夫其
 勝子式勿替於有夏其聲之有五也則鼙鼓置於路門
 不煩太僕之掌鯨鐘鏗諸虞業寧勞鳧氏之藏木鐸分
 自道人非徇道路天球中乎夷則如寶琳琅復播鞞兮
 互應間金石之鏗鏘非欲追咸韶之雅音於古帝與開
 漢武之奇響於後王也其聽之則因地而器斯陳亦隨
 器而銘可觀語以道者擊鼓故聽其鏗而審道德之歸
 諭以義者擊鐘故聽於論而遊仁義之府教以事者擊

鐸故聽木舌而悉民事之勤告以憂者擊磬故聽玉振
 而表憂勤之苦彼獄訟之揮鞞同刺三而聽五一揚一
 抑勞細響之相宣適重適輕悟刑書之無補爾乃重門
 洞開以雲敞雙闕高建以日晶萃岳牧之踰踰曰吁而
 曰咈撫松雲之奕奕載歌而載賡爰通人籟爰播新聲
 逆耳無聞所以作敢言之氣虛懷克受所以伸樂告之
 誠若鼓宮而應商遐邇之情畢達如壘吹而麈和大小
 之叩皆鳴是蓋眾益眾眾思相求相應將明目而達聰必
 並觀而兼聽好問則裕專壹之奏無庸主善為師廣大
 之模獨勝宜其官盡納言草猶指佞雖乘橈乘楫一人
 虛白齋存業 館探賦 八

之胼胝方勞而維敘維歌薄海之謳思靡罄今
 聖天子運神樞握心鏡拓禹步之九州平洛疇之八政
 猶且採輿論以示公察通言而致敬如響斯應智愚並
 效其悃忱不介而孚朝野相忘於詔令斯謂以美哉無
 憾之功成入焉獨優之聖又何待重尋錄字之圖再錫
 元圭之命而後見
 至治之馨香非夏后氏所得而比盛哉

九月授衣賦以涼秋九月時屆授衣為韻

若夫蒹葭露白橘柚煙黃天沈寥而薦爽氣蕭瑟而增涼鷹擊盤空平野罕未枯之草雁賓應信中庭多初降之霜宜禦寒之早計詎卒歲之無方故國語傳具裘之文廟堂既特勤誥誠而幽風著授衣之令草野亦預致周詳豈不以衣食之源本一燠寒之序如流夷則而終以無射元冥將繼乎蓐收萬頃黃雲擺極之濃香既貯三更皓月機絲之遺響宜留始之以求桑之瘁繼之以載績之謀既先事而備女紅不盡遲諸九月遂乘時以修婦職庶無負此三秋徒觀其餉東菑躬南畝鎌不辭

虛白齋存業

節課賦

九

長則巧歸稱體量茲厚薄則義取隨時彼夫製芟荷者好竒被薜荔者近怪五銖炫仙客之裝百結陋窳儒之德惟菲屋之無知屬堅冰之將屆折綿可畏嫌三日斷匹之真進挾績爭懷幸二月新絲之未賣當戶之機軋軋刀尺方催縫裳之手慘慘居諸已邁宜其顧促織而咸驚聆寒號而早戒者矣要之七襄之織固未可成章萬里之裘亦何由徧覆必解衣以示恩僅離虞之補救懿古聖之設施克濟民於仁壽其勤宜課故不廢管蒯與絲麻其害宜防故無取纂組與錦繡即此無衣無褐之虞必循流火清風之候板橋茅店征人則密線初縫

虛白齋存業

節課賦

十

紙閣蘆簾室處則捉衿罕觀所以後百工而始息摠由婦子之克勤而隨萬寶以告成不啻君王之親授乃知裁成迄乎廣被經緯本自求衣蠶織之功既溥草卉之俗皆非方今治微時若念軫民依却筐篚於荆揚圖耕必兼圖織象元黃於覆載無寒不異無饑宜其地盡春臺匝歲而陽和不改人遊煥館經冬而凜冽仍稀方將續七月姬公之歌詠以仰答萬年聖治之光輝

金在鑛賦以精金在鑛良治所為為韻

質由天授功以人成果英華之獨擅尤克治之宜精木
美從繩未聞豫章以散材取貴玉嚴不琢未聞璠璣以
完璞稱貞况夫修六府而居要運五德而獨行必有用
於有生不盡恃雙南之價妙相成於相制當無忘百鍊
之名皆知其寶厥貢惟金滋莊山之雲液耀麗水之煙
濤並輸誠於東矢同獻瑞於來琛其類不容消始之以
披沙之揀其光不可掩重之以望氣之尋區真偽而微
分別裁非無特識合精粗而效用陶冶具見深心爾其
曰琢先以曰追礪乃終以鍛乃為爐而天地非遙得炭
虛白齋存業

館課賦

上

而陰陽斯在無下觀之太乙而變化隨時非司鞠之飛
廉而消融可待紅光則于鋌浮煙紫氣則滿巖煥彩如
雪之就點傳薪盡於無窮如液之從傾繼膏焚而不怠
如乍交之水乳自貫元精如欲化之雲英難窺真宰豈
不以剛無不克革有可從在鑛之性雖堅宜辭土蝕利
用之材既美詎受塵封經別具之鑪錘氣上騰而象干
星斗遵一成之模範光四溢而豔發芙蓉儼比迹於鴻
鈞胥歸鼓鑄幾分功於大造倍切陶鎔蓋其稟精西顛
應節白藏紀歲華則乘離以允協律管則次徵以商符
妙運於自然特闢匠巧布成規於應手端藉工良願作

鼎鐘銘處永河山之誓肯倅劍戟銷時成日月之光固

則為千里之城以設險而衆資保障明則作千秋之鑿

以覽古而長著堂皇至若簪毫則坡上鳴鑿待詔則門

前倚馬周廟之口曾緘越相之容欲寫謝揮鋤之管寧

來歸橐之陸賈同心利斷方思焜耀於考工繞指稱柔

孰聽張皇於躍冶使齊價於如土豈曰能之以為寶其

不貪居然識者故未鎔則金惟畏火不異民之從君而

既鎔則火實范金遂同上之化下也今試由董子之緒

言證學人之自處與玉相齊其質外鑠奚從與綵錯合

其文中輝可貯增季布一諾之重遇衆難而能排感楊

虛白齋存業

館課賦

上

公四知之嚴投深宵而必拒然且挹沖抱於懷鉛勵勤

心於刻楮中鉤中矩程功詳裁制之方大成小成從善

急觀摩之所我

皇上大樂育而無外周曲成而不遺禮讓之風行氓庶

既回心而嚮道文明之治泱儒林尤奮迹以乘時振逢

鼓於周雖作人有化揮薰絃於

舜座恭己無為凡在範圍之內者莫不學古而有獲主

善以為師庶幾肖自化工不負因材之篤而成為國器

無慚席聘之儀

秋露如珠賦

伊露華之滋渥偕雨澤以沾優初瀼瀼而欲溥漸湛湛而交浮醴同膏而樹沐飴並旨而囊收既降乳於連霄和甘得氣亦騰文於下地朗潤迎眸乃軒轅之散彩當少昊之司秋氣由肅而彌潔光以寒而自流殘暑全銷愛輕霜之未變早涼正及感行路之難留來靈液之潛滋三危可接對明暉之互映百琲爭投時則巢鳳先歸塞鴻乍度波始寒洲烟橫古樹羅天末之朝雲幕庭陰之夕霧風將金應騷騷之響過飛月比珪清穆穆之波四注澹彼涼宵霏茲皓露銀漢界以滲淫玉繩低而布

虛白齋存藁

信探賦

三

漢兼葭渚落零顆顆之勻圓蟋蟀階深瀉行行之淡素人歸極浦娟川之寶相隨夜息征輪照乘之珍並駐爾乃凝華成象徹彩含虛固交縈而密密仍分綴以疎疎或點寒流之菡萏或滴清響之簌簌挹而能盈豈收寶胎於巨蚌滄之不濁已謝凡目於游魚且其高連沉瀝下絕泥淤吟晚蟬於吸後警孤鶴之聞初蔓草曾溥訝走盤而不定木蘭欲墜宛在掌以相於無煩合浦之還始現繳繳早入牟尼之串頓悟如如則有樓殘楊柳山隱蘼蕪搗砧衣之永夜緘錦字於長途覩繫繫其可貴悵脈脈以誰俱探處瓏玲自映簾前寶蒜沾時蕩漾紛

垂帳畔流蘇亦有曉臨雪案座徹冰壺於心盥手雅意研朱濕叢桂於初攀探疑驪頰注籬英於就卧將訝羊鬚此垂自毫端無非五色吉雲之露即散諸唾咳不異九芒武子之珠也若夫瓊島遐探瑶林高步鳩鵲則晴旭將升建章則疎星可數瞻金掌之雙承並璇源之競吐旌旗頻拂永無按劍之遺冠履如親恍對凝梳之度是蓋逢

聖澤之均沾慶衆流之殊遇得以清與以寧昭為沉而為布晶瑩者其質總十斛之難量醇釀者其精自一罇之早具方且上登瑞牒瑰奇徵方朔之書寧徒曲寄離

虛白齋存藁

信探賦

古

情宛轉續文通之賦

德車樂御賦以由仁義行動無不和為韻

維聖人之御宇昭端冕而凝旒符載地之博厚象豫雷之發收盛乃日新羣黎因之克備和斯為貴美道於以共由不介以孚同軌驗九涂之廣隨響而應如琴調六轡之柔此觀車御之用即可揚德樂之休也原夫化民有道濟衆以仁本至純之不已推旁達於無垠正德錫夫虞書三事之修和求賴布德詳諸月令四時之敷錫常新與覆載合其功下為軫而上為蓋以升恆齊其量中有輻而外有輪若夫振金玉之音揚羽千之器協宣幽出滯之宜成易俗移風之治其出乎虛也幾疑絕跡

虛白齋存藁

館課賦

十五

之行其中乎節也式昭就範之義斯則詔諸典樂搏拊之調俱諧何殊掌自巾車纓就之儀咸備爾其緩刑威以為後乘先惠澤以作前旌迥推輪而質崇淳樸乘玉輅而治煥文明泯軒輕之紛紜奚取乎前視後視得弛張之適協無戾乎澤行山行等百王而取之憑軾周六合而在乎倚衡當其勵宵旰於深宮宛若守閉門之造暨乎溢聲名於薄海居然占履道之亨至若職居右者人馬與謀隸樂正者師儒是董一則抑揚有譜法絕少夫同條一則控縱多方道或難於兼總豈知鏗鏘競奏恍逐水曲而風行鏗鞳遙傳似舞交衢而雷動軒轅垂

號即是洞庭張樂之皇執御成名待咨三月聞韶之孔由是騁康莊於皇極拓廣步於帝圖發軔於道德之圃稅駕於禮樂之途神運轉之樞以周九有定範圍之準以奉三無既文武之全資統結旌綬旌而不爽亦中和之丕建即兩駟兩服以何殊與時偕行故今古何煩沿襲無遠弗屆故遐邇不限方隅要之道貴積中教宜四訖樂非德而推行之利安存德無樂而鼓舞之神亦詘交須為用恍求輔而得所因依相足而成譬閑興而時勤繁拂宜其蕩蕩之途日擴既偏無而黨無優優之政用敷且競而不絀不况夫

虛白齋存藁

館課賦

十六

聖天子大之以陶冶深之以漸摩德則上駕羲軒並仰登咸之盛樂則遠超漢武時聆紉縵之歌乃猶遵吉行之期黃屋初無心烜赫凜馭索之戒玉鑿則不憚經過此所以開壽宇晉恩波躋寰瀛於上理而求奕禩之太和者乎

文以載道賦 以文以載道徒飾弗庸為韻

在宋之有濂溪周子也學窮天地思入風雲旁尋墜緒上紹遺聞後魯鄒而教溥先閩洛而德薰為道學之宗故論道皆關至道為文章之祖故論文即屬大文竊嘗繹通書文以載道之訓而知文之與道可合不可分也蓋所謂道者根陰陽二氣之精協健順五常之理無元渺之難稽非新奇之可喜遠取近取以庸者為大常與知與能或淡焉而彌旨不依形而立豈未墜之徒云必有託而傳信在茲之有以故所謂文者運自然之化工契無聲之帝載洩苞符於一畫之先盤根柢於六經之

虛白齋存藁

館課賦

七

內秩之以經緯宛章采之相宣佐之以風華仍指歸之有在司乎意匠非不琢而不雕播為藝林遂斯傳而斯受間嘗渾法象以冥搜聚篇章而遐討有道而後有文者憑源委之遞尋有文而即有道者恃華實之兼考舍文未嘗無道者內所蘊之真醇舍道未嘗有文者外所呈之才藻以祖義本仁為積中之具馳驅之範攸先以稟經酌雅為行遠之方與衛之閑宜早以踵事之增為泛鶩故斟酌乎同軌之遵以根心之蘊為康莊故鄭重乎閉門之造洵宇宙之大文不外古今之至道然而古人之文與道合今人之文與道殊道合乎文故不

言文而文自至文殊乎道故即言道而道莫俱又况乎騁志縱橫之士殫精雕繪之徒務誇多而闕靡將飾智以驚愚技止雕蟲操管而奚關輕重識猶窺豹摘詞而適見齟齬豈知大輅特取無華虛車寧煩致飾得茲典要守簡質以彌工少彼發明索艱深而滋惑費董並美而天人三策尤兩漢之菁英韓柳齊稱而原道一篇實三唐之典則惟多見道之言爰作斯文之式是以精理秀采劉彥和尚識其用心扶質垂條陸士衡亦詳其得力要之文有短長道無伸屈未有文而道已觀其會通斯有文而道可窮夫芒苴繼往開來之責重則吐必為

虛白齋存藁

館課賦

六

經窮理盡性之功深則言皆有物後學因之而津梁當代因之而黼黻不然而其文雖美曾何異於應時語鳥之嚶嚶過耳飄風之弗弗乎方今天子崇儒於虎觀養士於辟雍定羣言之麗雜敦實學之雍容載道者經非孔氏之書黜勿讀明道者傳非宋儒之詰戒毋從必無戾乎聖賢之旨始有當於車服之庸則文學與德行不必以分科表異儒林與理學何妨以合傳為宗夫豈抑文而遵道哉亦欲其文之高自希蹤而已矣

金光草賦 以金光可鑿餐之益壽為韻

若夫碧津渺瀰蓬島遐深結宇依玉行庭耀金下則馴遊文鹿上則翔鳴素禽採擷乎琅玕之圃徘徊乎珠樹之林迴隔塵寰乘蹻之蹤乍接別開靈境長生之卉閒尋曾聞異草厥號金光葉疑蕉而展綠花非菊而含黃種豈西王金作照人之色產從東嶽震為生物之方日觀明而彌增其彩天門啟而始發其芒入太白之吟篇特傳縹緲留元卿之游蹟不廢荒唐夫其擢秀歲羸呈姿婀娜分造化之菁英遠人間之煙火互陰陽而得深根閱剝復而俾碩果膏以天乳之津淫浥以醴泉之澹

虛白齋存案

館課賦

元

嶺之芝柏葉之觴應節青精之飯翻匙入太山而取服桂實詢毛女以學餌松脂非海外之難求四照寧煩指路僅人間之常供萬年並許交枝况夫味蒙莊之寓言尋老氏之遺冊守拙精勞形之戒安清靜無為之宅何金液及玉膏疇赤松與黃石詎有乞靈弱植希心紫府之班持贈芳根遽許丹臺之籍故以之延齡却老則有微以之控景躡虛則無益也方今啟慶雙岐房歌三秀萌合朔於中唐茁華萃於承露天子且屏瑞牒而勿陳戒祥徵之母奏以游休為彌性故化日常舒以惕厲為健行故

虛白齋存案

館課賦

二十

宸修益懋彼上藥之養生曷若與吾民共躋於仁壽

盆魚賦 以水面魚行不畏人為韻

契元化於自然獲姬隅之戲水卵育於浩渺之鄉葦處
乎烟波之裏妙躍淵之趣挹東海以非遥懷縱壑之心
運南溟而欲徙任天以動遠則忘乎江湖隨遇而安近
亦依乎沼沚龍門可上非無變化之方濠濮曾觀始得
逍遙之旨乃有隱祇壺中酌同缸面經陶旋之新裁雜
樽壘之舊選雨勢翻而頃刻能盈天光覆而依稀斯見
維盆之設容一勺而稱甘伊魚之遊蓄千頭而競羨活
潑之機已寓具足涵濡升斗之願非賒奚煩瞻戀爾其
心歡處輟質謝盈車乍洋洋以自得旋策策以相於但
虛白齋存藁

館課賦

三

來園禽之對語同此欣然並苑鹿之馴游誰知樂不彼
夫赤鯉形奇文鱗品貴貢比目而稱珍鱸四鰓而辨味
恐網漏之難邀恒肆枯之致畏豈若玉案承光花瓷得
氣飄歌扇而曾吹去烹鬻而莫溉寒雨則驚拳不到射
鮒之舊象空留喧溪則懶趁無從薦鮪之遺文徒費是
知物無問洪纖期於自適境無論廣狹貴乎藏身隘於
取容游之江海而亦形其窘安於所遇置之几席而自
得其伸盈缶相孚遂具悠然之化輕儵初出即關咸若
之神况夫不澹垂床曾並祥徵於上理有嘉誌美亦分
雅意於娛賓故欲極於物之樂事曷觀靈沼於
虛白齋存藁

館課賦

三

聖人

花磚日影賦以承明金馬著作之庭為韻

稽詞臣之保直矢匪懈於夙興朝辨色而始入車有光而即登紛郁交輝佇傍香烟於龍袞曛曛煥彩先瞻初日於觚稜隨一綫之平量寧嫌旅進省三竿之細數不待同升斯則清班之足羨聿多故事之相承維彼學士渺若登瀛有花磚之昏刻置廳北以分明遙接文階上苔痕之碧潤近連鈎砌敷槐蔭之黃輕應歷歷之星羅方成珪而圓成璧界行行之鱗次左維城而右維平時則雞人曉唱烏趾朝臨射天門而散紫華露掌以耀金開四照之輝輝早騰碧海轉九芒之冉冉徐度芳林殿虛白齋存藁

館課賦

三五

辭軒蓋之勞漸近鑿坡並識蓬壺之樂此又度周阿而得氣爭看樹長珊瑚聯畫省以交輝未羨塔翻芍藥者也是以既遠塵埃之境彌深瞻就之思審土圭之測正驚銀箭之催遲職神仙則新稱易簡呼才子則舊識微之莫不委佩紆徐幸光華之無誤簪毫顧盼感臨照之無私細簇千花經雕錦曾頌之處輕籠五色趁黃麻未降之時今

天子啟石渠而稽古崇虎觀以談經集儒紳之都雅播藝苑之芳馨奇稱蘇軾之才入夜而猶聞風議嬾笑李程之性踰時而始親儀型頭廳則花影猶留官壺賜禮

館課賦

三五

中禁則日華正滿院索傳鈴居斯職者其何以矢音於盛世而拔藻於天庭

江心鑄鏡賦以鳳倚龍垂甘露應瑞為韻

若夫軒帝範圍秦廷磨礪彩煥喬皇明涵空洞張菱角
與蓉華具蟠龍而舞鳳方謂呈功鑑貌致萬象之咸歸
豈期協兆為霖有天門之上班其地則江名揚子實始
濫觴其時則節屆天中剛傳解纜此天寶之遺聞不必
疑為鑿空也夫以遠注西岷分條南紀浮玉聳其奇峰
中泠澄其佳水雄稱天塹兼波浪之騰凌異著神淵足
蛟鼉之徒倚欲問支祁之鎖何煩淮瀆重經倘然牛渚
之犀多屬溫即未視於是洪鑪鼓盪大冶陶鎔司鞴下
黃廉之迹奮椎來太乙之蹤質本湛然淬水之純鈎差

虛白齋存藁

館課賦

三五

擬輝方燿若歆雲之寶鼎交濃諦觀就範之餘珍逾飛
鵲想見臨流之際精感潛龍當其盤旋天矯縵理之而
藏攫挈之逸勢擅蜿蜒之奇姿鏡寫其形但藉陰陽之
炭江留其窟實來風雨之師為躍為潛詎有諸天之尚
隔孰真孰似惟憑一鑑之相垂故神物與偕偶鬚鬢而
見首而奇形致飾遂宛宛以揚髻至若炎官既赫赤輅
相駟未沐梅林之潤待霏麥隴之甘試取懸臺照花光
之半濕但令啟匣滋苔髮以全酣龍寶召雲識沛澤之
特由類致金原生水信流膏之悉本中含彼夫雷澤之
梭忽躍葛陂之杖難尋咒鉢中而下降倚笛畔以長吟

謂卷舒之有迹疑變化之無心豈若置諸几席之間不
待崇朝始雨出自波濤之裏何妨三日成霖良由暘雨
從時天人協應本殊常鱗凡介之儔不爭照膽辟邪之
勝經時沮澤知與由鳴鼓之非訛此日沾濡笑取自方
諸之易發豈徒資百鍊以為名直可共千秋而取證我
皇上玉軫常調珠囊咸備既

德澤之旁敷猶

恩波之遍賜周霄時舉固或遺於百源湯禱惟殷必首
嚴夫六事夫是以民抒望霓之忱天錫降康之瑞區區
一鏡之感通豈足語太和之至治哉

虛白齋存藁

館課賦

三六

登瀛洲賦 以經學文藝當代高選為韻

遐搜韻事博採荒經有瀛洲之絕島在東海之重溟鳳
麟分而渺渺蓬壺峙以亭亭宮闕則金銀遠照草樹則
芝玉恒青然而隔三千之弱水為窟宅於仙靈到豈塵
緣空蠟高人之辰去因風引難揚騷客之舡故宜取象
為禁中之宮觀自非清要之職無從遊其守而造其庭
也有唐貞觀鷹揚河朔掃羣雄以天戈歸寶籙於日角
功臣二十四曾聞閣畫凌煙儒臣一十八早見館開文
學蓋皆命世之英奇應時之卓犖暇則備顧問於優游
而密以運贊襄於帷幄夫其敏求好古集益多聞擷楮
虛白齋存業 館課賦 三五

津逮笑徐市之荒唐感成連之慷慨連日月於壺中駕
松喬於鶴背豈若慶自遭逢榮逾儕輩有飄飄凌雲之
氣而肅穆簪裾有泠泠御風之行而從容劍珮瑤池騁
望不煩青鳥之傳瓊島陪遊未藉靈鼈之戴於時天子
乃益廣恩施永垂紀載爰命楮亮俾識其姓名爰召立
本並圖其形態寧非豔稱一時而輝映異代者乎然此
僅往朝之故事未可於今日而稱豪也若夫
昌期載啟嘉會咸遭文教敷乎薄海多士育以譽髦著
作之庭旁羅俊彥圖書之府上耀球刀雪盃冰瓠詞臣
之職貴花磚錦襖學士之望高誠深嚴之可喜而清切
虛白齋存業 館課賦 三五

之遇一以彰惟帝之勤於是鶴禁迴翔鑿坡迢遞命既
書思才兼游藝明良追賡拜之隆灑落得君臣之契玉
堂天上差足想其風流鳳閣雲中未易形其佳麗况復
仙班鵠立仙侶駕行縉羣玉之書歸諸中秘聆雲璈之
響奏自上方宵傾露掌之盤分餐沆瀣日賜蓬池之鱸
並飲芬芳此則睇三山而振衣欲上指十洲而折葦思
杭非人間之可擬詎凡骨之能當蓋其境絕攀躋人稀

歌器賦 以周廟之器中正盈覆為韻

昔吾夫子上規隆古近憲成周典章博識義蘊旁搜稱
聖仁而遜謝詢官禮以勤求遵考父之銘三命深其抑
畏佩金人之誠三緘致其綢繆謙而又謙日擊而道斯
見損之又損寓物而意亦留迺有宥坐之危觀自周家
之廟非刻鏤之工良無丹青之藻耀同陶匏之見陳異
圓觚之致誚尚象者其制無用之用乃傳定義者其形
不名之名惟肖成為器而不越範圍因其歌而可為典
要夫是器也以虛為受以下為基屬涓流之未沃恒歎
仄以自持奚為而平若懸衡由中涵之合度奚為而覆
虛白齋存藁
翰深賦
二十九

房西序之深嚴龍勺雞彝之輝映效挹注兮何心抱優
容兮若性溫溫乎雅量之深抑抑乎德隅之正如戒亢
龍之悔無所慕於趨營如求屈蠖之伸有以消其浮競
昧其樂者來瞰室於高明得其道者樂保身於賢聖乃
知警心由乎觸目思義因以顧名佐史立監法嚴乎令
甲銘孟刻劍戒重夫先庚矧茲器之示象尤情深以文
明悟平陂之倚伏參消息於虛盈未濟之先以此豫防
而思患大有之後以此謙受而得亨誠足以等重於堯
樽舜榼而並寄想乎孔思周情者也方今

天子金鏡昭融珠囊炳煜泰階則有道呈符薄海則無
疆錫福然且凜改絃之更張鑒前車之致覆蒼鐸懸乎
殿廷旒纒垂諸耳目益求安而安始末故盱食而宵衣
不自聖而聖彌隆故卑宮而惡服則周廟之遺制得孔
子而資儒行之觀摩不且得我

皇而備見王心之肅穆哉

圖書相為經緯賦以易範之數原相表裏為韻

繙河洛之大文啟苞符之偉迹開天而垂畫卦之經平地而布演疇之策妙契夫神物之降生深研乎聖人之創獲幽明可贊譬七政之常齊經緯相宣儼三才之不隔此子駿之緒言蓋立說之莫易誠以造化有畢露之機緘聖心無不窺之淵湛同原之出或後而或先一致之歸孰增而孰減以與民行迹自得之昭昭以密退藏理且通諸黯黯彝倫不必專敘之神禹書原未始非圖夫心不必盡問之庖犧易亦何嘗非範是故其數則圖十從耦書九從奇耦者體之常因對待而立本奇者用虛白齋存彙

精義賦

五

位而分內外書異位而得比肩皆坎離之既濟圖數耦而位合皆奇書數奇而位合皆耦由動靜之互根圖亦方而書亦圓固可以兼用觀其備圖相對而書相錯亦當以共貫會其源故圖為經而虛十積五緯以書之十五而適合書為經而舍五積十緯以圖之十五而賅存誠引伸以觸類奚參互之難論且其縱橫無盡端緒交相五行之次定於疇而圖之生成已寓太極之生序於易而書之配合皆詳彼居中之虛五固得主而有常乃圖以奇耦老少析合補空而兩儀四象八卦之體備書亦以奇耦正隅居四舍四而兩儀四象八卦之用彰虛白齋存彙

精義賦

五

之變即流行以趨時五十有五其數多耦贏而奇乏四十有五其數寡奇全而耦虧蓋一取陰陽之象非耦則象何從立一取五行之數非奇則數何由推亦既錯以出矣孰得強而齊之其位則圖以相生為功書以相克為度生者旋左自北而東而坤離乾坎之遞承克者旋右自北而西而水火金木之逆布以五生統五成同處其方而交泰之道全以五奇統四耦各居其所而尊卑之分具凡茲一定之方亦屬自然之數今試齊未而揣其本竟委以窮其源一三五為陽陽不可易故擅三同之目二七四九為陰陰不可不易故開二異之門圖同

虞其杳顧非合撰乎清寧詎克洞觀夫表裏今

聖天子亶首出之聰明定千秋之道揆不卜筮而知祥

一道德以同軌觀畫前之易折衷別具真詮游象外之

神指示盡關名理方將登三咸五摠帝王謨典之全摠

符闡珍來寶道龜龍之紀斯謂集圖書之大成而非微

臣蠡管之所能參擬

虛白齋存案

館閣賦

三注

廣陵觀潮賦 以流覽無窮歸神日母為韻

偉巨浸之瀕海有驚潮之逆流借望羸而晦縮辨朝至
與夕留隨消長之二時而遞運通喻張之一氣以充周
賦至盧肇而特詳信見聞之足據論自枚生而始發疑
神怪之難搜稽廣陵曲江之地即古禹貢之揚州也其
地高匯諸源卑成習坎天都出以渺瀰三折迴而澹激
隔江西渡劃一水之中分合派東歸束雙山之外揜乃
潮汐之上乘迫海門而大撼響既生而即壯俄隨朔吹
宵聞勢相激而遂高併入長天曉覽徒觀夫來從忽恍
積自虛無辭檀桓而振轡經赤岸而揚桴匹練之光乍
虛白齋存案 館閣賦 三注

合六齋之駕齊趨其洶湧也則疊嶂層巒排碧空而起
伏其奔騰也則怒猊渴驥下峻坂而馳驅既不雨而成
雷憑陵海若且無風而自鼓顛倒天吳如移雪嶺於天
西平堆皓素如挽銀河於星渚淨洗模糊語其最盛尤
在秋中時則櫛溱氣肅寥次天空金實司權水得生而
殊旺陰方秉令水從類以為功潮乃乘時作勢據險爭
雄伍員祠前明水犀之素鏗錢鏐塘畔鼓石弩之強弓
正逢月滿之期流光既溢全挾地靈之勝瀕氣何窮爾
乃流非不競壑似忘歸甫我我而權質彌曠以騰輝
擬鵬翼之方搏濤雲驟捲訐鯨魚之已跋雪浪翻飛未

漲富春之渚早平羅刹之磯遂使葭莢晴沙未霜而岸
容頓改蛟鼉故窟不夜而江路全非爰有揚舫槎客擊
楫榜人或迎潮而橫野渡或弄潮而狎前津險境相承
傍岸之帆檣暫落名都雅近中流之簫鼓重陳莫不上
坡陀而屈曲登埤坵之嶙峋誇勝賞於須臾驚開海市
獲詭觀於平地倏轉天輪真派高尋始識靈源之異狂
瀾迴障誰通造化之神蓋其湧本兼天光還浴日漾錦
紋於海客之鄉散珠沫於鮫人之室習流者望而生驚
利涉者占其終吉來朝有地視江漢而尤靈至信無訛
驗瓊衡而不失彼空回白下何能儷此雄奇即通自溇
虛白齋存藁

館課賦

三五

陽詎足儕斯蕩逸哉方今

天子莅吳會之山川詳東南之淵藪載入其疆言巡所
守塘捍海以方新隄護江而可久安瀾而
聖澤涵濡順軌而水祇奔走固汪洋之可喜幻出魚龍
仍衍溢之無虞村多花柳方將控清引濁徵普潤於谷
王寧復蹈壁衝津駭洪波於胥母

黃鐘為萬事根本賦 以律呂攸宗生權度量為韻

稽昔盛王之御宇也作聖述明風同道一納軌物而不
滄胎典則而無失和鈞闢石夏時同之於五載之巡權
概斗筲周令正之於二分之日制器以示而兆姓得其
平按數以求而萬事昭其質試窮其根本之方要不外
黃鐘之律原夫截管材呈吹銅職舉候用葭灰象惟秬
黍播八氣以驗中聲之歸首三微而啟元音之緒立一
十二均之統會既下生而得林鐘總八十四調之權輿
亦相配而偕大呂蓋鐘之為義取諸種陽樞於以兆端
而黃之為色位乎中土德因而時敘徒觀其吹方象鳳
虛白齋存藁

館課賦

三五

窳已鳴牛想伶倫之杳杳睇嶰谷之攸攸於音也屬君
臨馭之權是主於辰也建子孳萌之象堪求與疇範相
貫通祇此老少陰陽之迭運隨璣璿而旋轉用觀分至
啟閉之咸周要其由分而積以侖相容黍縱黍橫同律
必原夫較尺升一鈞一嘉量不外乎均鐘九寸者其長
徑圍之形罔越九九者其數損益之算俱宗應乎旋宮
消息通而循環不斷該以成數日用利而左右如逢竊
嘗詳求象器博紀聲明有短長然後有多寡有多寡然
後有重輕五度起於黃鐘之分推之寸尺丈引而不爽
五量起於黃鐘之侖益以合升斗斛而皆平由銖兩而

鈞石備五權以執衡其法始於毫釐錙銖之必辨其用極於準繩規矩之遞生所以半律變聲考定之方最密周鬴漢斛流傳之器斯精大矣哉通乎無聲之表立於有象之先或委或源即共貫而得同條之要成終成始當課虛而操責實之權元萌黃芽探天根者原歸乎來復府修事治固邦本者自協夫乘乾典樂而命后夔功可垂於王府考工而銘臬氏道已備於官懸洵乎樞機之獨握無非橐籥之遞宣也今

聖天子舞羽于諧韶濩勗萬幾貞百度八音克諧而神人以和四達不悖而政刑並布六氣五味均調具切夫

虛由齋存臺

館課賦

三七

民依七政四時占驗無差於天步以平萬物之爭以成天下之務有道而執契惟欽無為而折衡奚慕乃猶採特磬於闡河之濱驗鑄鐘於西江之上契感通之妙不妨語述州鳩詳校定之方非獨聰期師曠所由順象登昭和風溥鬯身度隨聲律以同符樂御借德車而共量彼班志與遷書徒空言其曷當哉

取火於燧賦以物各有疇用方取士為韻

淳于髡以齊士之滑稽參齊廷之密勿希連茹於拔茅用子佩乎我黻以賢者自命居然負模楷之宗以多士相誇卓爾辨風塵之物如川方至既溯河而明挹注之有源若火始然尤觀燧而見取資之無拂良以方取乎同類從其各惟茲炎上之材實等重離之作資以調鼎太羹因之而和甘藉以燭幽暗室因之而照灼節宣隨乎時序故周禮設司燿之條紀號著乎命官故炎皇重火師之爵夫其焰以息而易消質自無而之有蕭邱尚遠或未逢野燒以前絲上非遙或初過禁煙而後他寧

虛由齋存臺

館課賦

三七

有耀笑餘燼之難然熱不因人慮傳薪之已久非化從烏屋之傍非銜自燭龍之口非與當炎井丙丁之位長占非出彼枯桑天地之爐獨守燧人始作火正乃修切相劇而自出妙相引而未休辨陰燧陽燧之異兼金燧木燧以求益日為火精鑿乎上而光乃下徹亦木為火母鑽其中而氣以外浮用之不窮總本相生於六府因以為利聿昭時若於九疇爾乃凝朱燧以上騰散紫煙而遠縱不煩出納之期自濟坎離之用固熊羆兮揚烈為燭而猶分日月之光復煜煜兮成章作繪而並表山龍之重遂使節逢改火西流之星影頻移豈徒佩取章

身右微之玉聲偶共蓋其呈材焜燿毓質堅剛火非由燧而藏然無火則燧何以擅錚錚之異燧非與火為一然無燧則火何以發赫赫之光照處忘疲宛若鑑之離匣出時脫穎不殊錐之處囊所由通暉萬象利用四方者也乃知物本羣分人由類聚彼聲氣之應求賴人倫之規矩光明者其節概火烈之畏無庸赫奕者其勛名火色之騰可取將登門而倍價譬就燥之知歸必于野以同人如洞觀之得主斯朋至而心孚矧

聖作而物覩方

今索駿盡驂駟掄材皆杞梓門四闢以招賢書三升而

虛白齋存藁

館課賦

三九

造士治成觀化之隆人獲近光之喜微之則磁引針珀拾芥難窮類召之端顯之則龍興雲虎嘯風莫罄景從之旨彼辨士燧火之緒言烏足語乎壽考作人之盛世

昭文不鼓琴賦

繁素琴之流播與大樂為宣昭飾軫徽而品貴志山水而情遙珍異質於孫枝和聲而厥德乃暢寫清音於珠柱操縵而其絃始調何絲桐之杳渺竟心手之寂寥疑無故而去身渾忘天籟信何心乎在御且任風簫蓋假物使鳴索環中者迹顯而憑虛起悟游象外者神超在昔昭氏飄然不羣物論之齊可得成虧之數無分清濁相宣每慮忽高而忽下宮商未譜何知入風而入雲通乎不宰之先迴殊專壹契彼無聲之表靜息紛紜絕響為高詎藉颯颯之入奏繁聲曷貴翻嫌嫋嫋之微聞撫虛白齋存藁

館課賦

四十

遺器於千秋空傳羲帝得至人之一遇非慕姬文當其見屏拘墟心游造物離形而宛入希夷絕跡而難窺芒芴無言四座方袖手以悠然獨嘯深林未曲終而見不遂乃冰絲輟張塵囊罷拂觸撻之巧安施撻攏之奇並拙惠施據梧之地致足躊躇子綦隱几之時差堪髣髴夫以鳴豫攸資移情是取體妙抑揚功歸搏拊其聲已習豈有待乎改絃其技曾精非致虞於膠柱飛鴻遠目何難送以一揮淥水清心亦易調之再鼓而乃為徒太虛尚友遂古寓意乎何有之鄉遊神乎汗漫之宇似忘筌之與借甘藏刀之為伍置有用於無用鏗爾之韻難

傳以無聲為有聲，詘然之音莫譜。良由觀空自得，守默為心，憑太和而氣若為鼓，求自然而意不在琴一器。莫留斯有以賅乎衆器，衆音可統，固未嘗滯於一音。蘊端倪於未兆，參消息以誰尋，得意而忘別，見天懷之空洞。會心有在，莫名旨趣之遙深，應同蓄身淵明寂歷而冷泠，如晤不比碎諸安道激昂而落落難禁，然而輟響以徵天倪之和曷若諧聲以廣仁風之布今。

天子大雅揚麻元音垂裕，吹陰陽之嶰管，高溯咸英，彈解阜之薰絃，遠超夏濩，固宜解人共索，微參指上之聽游藝，無窮曲會絃中之趣，辯爨餘則無假蔡子之聰，奏

虛白齋存業

館課賦

四十一

清散則不數嵇康之賦，彼漆園之所稱，亦僅同渾沌未鑿之天象，罔相求之數而已矣。

風螢賦 以風螢燭上樓為韻

若乃早涼欲到，殘暑將窮，巢間客燕，塞上賓鴻，有流螢之散炬，生腐草之遺叢，詩咏宵行，驚室人之乍見，記稱丹鳥驗物候之潛通，含茲內朗，照彼寒空，乍輝輝而有耀旋的的，以昏融，非待烟而始發，詎因熱以為功，洗後還明，承金掌三霄之露，吹時不滅，受銅鳥半夜之風，當夫雲籠淡月，樹帶疎星，界銀河之清淺，結香霧之窈冥，微傳嫋嫋，倏御泠泠，白蕩房稀，捲孤莖而遽墜，青梧影轉，催一葉以先零，騁悠颺之逸勢，飄熠耀之羣螢，或依稀於遠岸，或錯落於前庭，或穿花兮類遽遽之蝴蝶，或

虛白齋存業

館課賦

四十二

點水兮疑款款，悉蜻蜒連網戶之蛛絲，難分個個，伴吟階之蛩語，尚帶熒熒，蘭乃花檻圍朱簾，旌掛玉懸，鐵馬之幾行，展畫屏之六曲，纓飛暉夜擬，聚照於紗籠，頓起涼颺，看搖紅於銀燭，何急陣之相催，致曝飛之見觸，如霏陌上之珠塵，剛散月中之金粟，屢移高下之觀，莫定合離之局，若使篩從竹影，瑣碎平添，總非落自花源，續紛復續，盡其燭火，分光宵燐，並朗甘蠅，蚋以與游，非扶搖之可上，流暉無數，任搖曳於剪剪之寒，弱質難勝，極參差於騷騷之響，遂令雜糅乎檐楹，紛乘乎榛莽，已停隋苑之遊，義輟車囊之賞，臨窳簡以零星，度駕機而蕩

漾撲殘羅扇祇增夜色之涼繞過井闌偏見秋苔之長
顧其疎林仍聚空廡常流浮蹤奚滯無欲馬求不以宵
昏而嚮晦不以室暗而他投靜即為依無所欣於燃蠟
之院動即相避無所戀於曝衣之樓殆委懷而隨寓與
有道而比侔是以志士逢之而勤功是課騷人覩之而
托興彌幽儷珠果之沉水感露槿之凌秋則蘋末生時
不礙微明之掩映而蓬根綴處何妨爽籟之颼颼

虛白齋存藁

館課賦

四三

衛尊賦以注之弗盈酌而不竭為韻

伊至治之流徽惟羣黎之是務湛恩渥以深霑醲化周
而遐布漸仁摩義彰大澤之涵濡食德飲和異潢汗之
挹注豈曰小補詠旨酒兮孔多是謂大同占亨衛兮共
赴蓋以尊之為用也儕於三爵衛之為地也處乎九達
當于其來會疇俛俛以何之觀我朶頤不數釵錢之
會有孚濡首每懷賜醑之期摩肩擊鼓之場視眈眈而
欲逐逐鑿井耕田之侶往攘攘而來熙熙是舉四方之
望恩而倖澤咸有待於一人之泆髓而淪肌爾其畜道
德為麴蘖之資聚樂利為水泉之物釀深仁之積為醇
醪聖協氣之流為和鬱淡味於淳悶之留貽棄粕於煦
濡之邀乞可斗可石醉為節而祇覺量無我醑我酷渴
則思而寧憂得弗則有遵軌塗之向背面阡陌之縱橫
路控三條欣攜壺之乍與人來四達快挈榼之爭傾禮
無假乎主賓孰洗東榮之爵卜何分於晝夜競吹南有
之笙豈玉卮之日出豈神鼎之常盈豈涌地之醴泉聚
液而山川益潤豈降霄之膏露流甘而草樹涵清以彰
從欲之麻爰獲同人之樂此蟻慕而予取予求彼鯨吸
而或歌或嘏初無慮乎沉酣誰不勝夫杯勺盃簪而醴
酬欲灌想座上之常留脫帽而酩酊忘歸謝花間之獨

酌但相期於報德諒無挹斗之艱非有意於沽恩殊笑
投醪之薄彼夫娛賓揚解宥坐銘危承周雅之黃流光
傳瑟若錫晉廷之白獸象觀禕而何如履彼砥平之道
忘其瓶罄之思擊壤之遺音交作飲坏之宿侶紛隨既
重釀之親嘗三百償尋常之債亦舊醕之並勸十千增
歡樂之資是蓋世際雍熙人無鬱怫出則遊於康衢困
亦來夫朱紱蕩蕩之模丕著既偏無而黨無優優之政
咸敷復競不而練不宜其被寰區以潤澤嗜好與之胥
恬統遐邇為灌輸聲教因之四訖也况夫覃春養之靡
窮藏海涵於不竭賜全賜半

虛白齋存藁

韓誠賦

四五

大廷之詔頻宣一票一絲小民之依罔忽需濡爰徧於
舍生沐浴不遺乎窮髮此則

聖天子閩澤應和甘

恩光齊日月固堯尊舜楹之難倚豈淮南蠡管之見所
能窺其卓越哉

天門環道賦以天門突遠絙索可登為韻

巍乎岱宗之東峙也望標峻極典重配天勢獨尊於青
充秀迥出於雲烟絕頂難攀轟三門之外隔奇觀忽關
容一綫之中穿指闔閭以為名想歷井捫參之不遠因
彎環而得路洵攀蘿附葛之難前爾其度御幃之坪而
縹馬指石經之峪以辭輶才于乎百丈巖前之翠壁盤
桓乎五松石上之靈根險勢陟以上凌不異入瞿塘之
峽隙光圓而下徹居然通箭栝之門驚谷口之砢研未
許開夫四扇望峯巔之翠律旋思徹及重閣則有空洞
鍾靈蓬元垂曜戶闔闢以為樞鑿混沌而得窾非仙掌

虛白齋存藁

韓誠賦

四六

之曾踈結體玲瓏豈愚公之見移藏形與突狀蟻磨以
相過擬羊腸而維肖坂何止乎九折敢謂青鞵布韞之
遊足僅垂以二分莫名尻馬神與之妙夫其躋乎巔也
尚五十餘盤之隔其巨乎麓也亦百六十里而遙俯而
視者似臨淵而常懷惴惴仰而窺者如坐井而但見昭
昭拄杖高尋不少莓苔之滑振衣小憩非徒道里之遠
倘一後而一前層紮視重臺之級爰旋左而旋右轉移
隨北斗之杓幾經詰曲側想凌兢欲求伸於蠖屈將緣
上以猿升摩嵯岬之蛟螭待留深刻撥窟中之雲霧藉
引高絙疑天梯石棧之鈿連珠勞攀陟得索度繩行之

變幻渾欲飛騰然後躡嶮巖凌岸崿瞰滄州瞻碧落難
分芒砀練影遙馳倏逕扶搖罡風上薄秦觀越觀由此
覽八極以星羅東巖西巖因而小衆山之綺錯蓋始則
絕幽鑿險與穴中之出同占繼乃遐矚高瞻悟域外之
馳足樂今

聖天子在方岳以升中覲明堂而奏可五年再狩乘震
位之發生二月始巡對春光之澹沱秩青帝於玉几之
前駐

翠華於石間之左長生稽籍照來觀日三竿

萬壽崇釐起處封雲一朵于是山祇効順與衛親承履

虛白齋存藁

翰墨賦

四七

層巖而其平若砥經曲磴而其直如繩訪故跡於榆玉

泥金果天門之獲上迎

屬車而風清雨灑何環道之難登然則書奏相如禱詞
而終嫌莫據豈若記留應劭載筆而不類無徵

炙轂輶賦以智如轂輶炙膏無盡為韻

淳于髡以辨士之雄逞滑稽之智卓冠夫稷下之倫奪
席乎祖邱之議浮沉朝右欣脫穎之相遭徙倚王門異
吹竽之濫厠司契之心獨運具有靈機懸河之口時探
初無滯議不見夫轂輶之在車雖炙馬而豈匱原夫器
成載物工聚尚與堅取三材共轂之形可考膏宜四騰
載脂之詠非虛苟求多於取精非焚輪之可擬諒無心
於就燥何濡軌之難如此出自無窮始有當於浸淫之
旨而藏於不竭可特驗諸沾溉之餘爾其詰不飛不鳴
之由標取燧取河之目備陳斗石之歡戲述豚蹄之祝

虛白齋存藁

翰墨賦

四八

其傳則談天雕龍其地則摩肩擊轂罪罪乍吐捷比轉
圓汨汨頻來輕同運軸每騁環生之義來軫方道尚餘
有味之言回甘可復當夫辨起盈庭詞留密坐藉善轉
於斯須冀解紛於兩可際一時之迫出幾疑自煎以膏
視衆難之交乘何異相攻以火惟齒頰之流芬宛轉驪
之轉輾妙得薪傳之秘鋪張已表炎炎常兼洞酌之功
挹注寧煩瑣瑣諾企千金喙傳三尺流光而四溢菁華
積厚而羣傾瀝液危原日出經醞釀以彌深軸乃予懷
引樞機而無迹果殘芳之可丐應借汗簡同青縱餘燼
之尚然仍與玉肪儷白故揚明柳與當時播其馨香而

流沫生肌，衆口傳為膾炙。是知榮名非貴，雄辨為豪。火以消膏而膏之足者莫罄，言以測智而智之多者難撓。惟蘊舍之素優，油油自適。遂潤澤之廣被，落落彌高。趣得環中，恍聽和聲於鸞輅。慧存牙後，試徵棘軸於豨膏。且其時羣言競勝，異術爭趨。為堅白者，鮮大同之軌。軌習縱橫者，失就範之馳驅。其奔車致覆者，成於申韓之刻覈。其飾轅勿庸者，極於莊老之虛無。惟淳于之緒論，時見取於吾徒。良由宛轉靈心，因善運而不抱罄瓶之恥。是以紛綸妙緒，當肆應而常占盈缶之孚。然而術雖多端，道維自盡。豈辨囿之徒誇，宜德與之獨引。括囊筮，虛白齋存藁。

虛白齋存藁

修撰賦

四九

易慮駟馬之難追，磨玷賡詩懼虛車之非準。况夫如綸如綉，式昭淵默於宮庭。為壁為圭，聿勵躬修於卿尹。彼齊士之流風，不且同徑捷而步窘哉。

刻桐為魚扣石鼓賦

張茂先彈見洽聞，宏才博識，千秋備其蒐羅，萬象歸其雕刻。卿嫫聚而羣玉，非遙牛斗冲而雙龍，可得出其餘智。尚工寂寞之相求，紀彼遺聞，非復尋常之致測。辨器於不器之器，遂令石鼓能鳴，發聲於無聲之聲。爰藉桐魚作式，以彼出自臨平之岸，傳諸吳郡之中。擬應田而製異，脩魯薛而名同。但斲雲根，并乏伊耆之土。全資山骨，迴殊馬援之銅。既賦質以塊然，用有虧於搏拊。亦聆音而闕若響，未應夫絲桐。夫其土花久蝕，苔髮全滋。倘作天球，應考偃句之制。偏符獵碣，堪留課刻之詞。方礪

虛白齋存藁

修撰賦

五十一

硯而自守，將落落以奚為。五色猶含，煉是補天之後。八音莫屬，冒非故墊之時。宜其擅方叔之勞，思揚枹而乏術。矜禰衡之巧，甘袖手以安施也。爾乃訪華陽之寥廓，經石棧之崎嶇。向日貴孫枝之採成，雲珍匠石之儲工。則度之曾集高岡之翮，鳳物其有矣。宛來碧海之鯨魚，命削墨而引繩。刻鵠之長，可用象揚髻而奮鬣。雕蟲之巧，非虛於是。憑彼良材，運以應手。試其三弄之摻，撫徹彼六街之左右。不待大昕之夕，警衆而已。作先聲，非隨記里之車。應節而居然，大扣淵淵。忽播無關天籟之吹，坎坎遙聞不減蒲牢之吼。則何必靈龜樹處，始追逸韻。

於將希皓鷺飛時偶獲奇聲於未有哉因思木之至美者莫如桐鼓之為音也從乎革石雖內含清越究非鏜鞳以揚休魚則取狀喻喁何與抑揚而按拍而乃徵材西蜀本琴瑟之攸資振響東吳遂鼓鼙之不隔象惟肖而孚及豚魚樂出虛而聲宣金石豈躍來池鐵相通之物類有因抑鳴起霜鐘默感之氣機無迹是蓋宇內留莫解之指歸學人無或窮之聽睹風入律而雲干呂孰窺感召之原珀拾芥而磁引針誰識推移之主其言可驗固博物之為功其事堪傳洵多聞之有取夫是以維魚有兆甫鑿形而得嶧陽之桐介石匪貞已戛擊而駭

虛白齋存業

館課賦

至

雷門之鼓若夫

聖化遐宣雅音丕布張軒樂而洞庭不波揮虞絃而薰風徐度鼓則靈鼗並設無假南函北越之材桐乃踈越遺音寧煩在藻依蒲之慕所由鑄鐘來江甸之祥特磬充于闐之賦與廣樂以同聞得元音而上泝彼沾沾於瓦釜之鳴何足語

帝廷之韶護

課虛責有賦以抱景感叩懷響畢彈為韻

稽緒論於士衡得摛文之要道窮理幹以詞條出沉思於浮藻見諸發揮之地自膏馥之旁沾通乎窈冥之先實菁英之內抱精微有待乎徐求消息必歸於默討故求音於寂非同空寂之為而責有於虛直等憑虛而造豈不以圓穹標太虛之稱徑寸具至虛之境樂出虛而于喁之爽籟攸傳著衍虛而掛初之圓神斯逞惟淵惟默蘊元箬之超超爰靜爰清葆靈臺之同同當其無為有之用已齊視聽於希夷得之內而不可傳詎止流連於光景爾其經苦心之探索運妙手之雕劂即俯仰以

虛白齋存業

館課賦

至

觀其備超索綯以放其絨落言肩以霏霏不異空花之乍散抽心絲而軋軋何殊密縷之微銜如受采而白賁無文已藏黼黻似和聲而太音可貴欲奏韶咸然後陶鑄千形牢籠萬有既極渺而窮幽遂得心而應手秘可抽而妍可騁應由幽鍵之俱開相已盡而形已窮別少元關之待叩點之以垂露之筆漫云惠施五車沛之即湧泉之文未數陳王八斗惟罄心與渺慮幾於天上騰而淵下潛斯操觚與含毫乃能物宏用而精多取茲糟粕以尚存為無用筌躡以盡棄而始佳泥刪後之詩風雅亦多窒滯玩畫前之易奇耦不藉安排嫌陳語之相

因戒雷同者衆論幸新機之可引就杼軸者子懷得意者欲忘言想環中之早化會心處不在遠諒象外之時借况夫詞徵實而易窮意翻空而彌廣蟲魚是注原非磊磊之人天地為師自得非非之想雖詞林根柢應屬漱芳傾液之餘而變態風雲已起縹緲繁絃而上故其課也如課工課吏非竟墮於幽元而其責也如責已責人肯相隨於影響要之炫博必在能精遁虛豈容失實始則冥冥相索積之鏤塵鈎影而靡遺繼則汨汨其來推之地負海涵而不溢必兩美之攸兼庶能事之已畢所以價高入洛纔當終賈之年而賦欲摩空幾入班揚

虛白齋存藁

館課賦

五臣

之室顧言之則易而履之後難欲相垂以典要或未免夫譏彈其論猶存兩晉之清言偶襲其文具在六朝之餘習未刊惟

聖皇之鉅製獲亘古之大觀煥大明於天經地緯彰述作於禹鼎湯盤斯則鳳采龍文欲規樞而難為象豈彼管窺蠡測能擬議以得其端哉

科斗文字賦以得書孔壁文皆科斗為韻

緬述作於尼山湖里居於東國留未墜今麟符信斯文兮鳳德道存六籍聿彰口授之勤書備百篇式著手刪之力金絲振響講堂既雅奏泐泐科斗成文復壁尚深藏默默其傳也非偶遭焚書之秦焰而莫銷其出也有時屬壞宅之魯恭而始得在昔結繩既邈造字方初雖未詳乎八體已特著夫六書龜紀龍圖觀兩間而即是鶴頭萬尾象百物而有餘在君羲臣頡之時惟鳥蟲之宛若迨姬鼓贏碑而後乃篆隸之紛如則書體有科斗殆最古而為文字之權輿者乎夫其生則蠕蠕聚而總

虛白齋存藁

館課賦

五臣

總每因類而蕃孽亦乘時而蠢動既長而或稱反舌月令不少傳訛始生而本號活東爾雅非同鑿空取形模之維肖文明啟乎乾坤信方策以俱傳情思關乎周孔今觀此書昭然可覲以削木為不律之鋒以點漆為隄靡之滴或圓首兮若昂亦銳尾兮如擊非朱塗之蜥蜴掉臂偕來非筠管之蒲盧揮毫妙析靈如可乞無煩脈望之通巧實難階不樹觸蠻之敵經文心之雕刻何妨細注蟲魚入天府之圖書直欲分先奎壁癡眠既辨跟肘斯分錯落行間宜屢遷以為體縱橫几席仍不亂以成文技乃通神本鳳泊鸞飄之異物從其類在政行喙

息之羣方期明化蟾宮喜輝輝而得照底事喧催蛙鼓
嫌閣閣之時聞蓋其相藏最秘厥體彌佳見泥印沙錐
之肇始匪縮蛇縈蚓之相皆辨小學之源流鐘鼎之文
並志證漆書之同異簡編之次先排尚未蝕於蠹魚笑
伏生口傳之不廣自無訛於亥豕噴張霸偽體之多乖
然而通儒罕遺聚訟滋多今文以早行而爭推玉律古
文以晚出而莫奉金科豈安國之所守果夏侯之莫過
徒蟲篆之爭工固未堪語以大雅矧醜難之眇見諒未
足訂夫羣訛獲折衷於至當賴

聖論以不磨今者

虛白齋存藁

館課賦

五五

天子方莅少皞之墟登杏壇之右觀禮器之留遺悉斯
丈之授受妙契合於無形極表章於未有留連圖鳳一
時之褒袞增華挈攬蛟螭三丈之碑題似斗則二帝三
王之謨典得前聖而該貫靡遺而金聲玉振之始終不
且待我
皇而流傳永久哉

狙公賦芋賦以名實未虧喜怒為用為韻

善夫漆園吏之論狙公也因其應得之數酌其取給之
情未嘗益所無以相耀不必分所有以致爭由漸而加
則反疑其絀相移而具則共樂其贏能使施恩者存其
厚實載德者奉以榮名故觀養狙而養人之方可得即
賦芋而賦物之道以明以彼猿狖成羣獮獠為質每抱
矢而猶嗜或學劍而無術聞啼山峽來激響於千林置
玩軒楹備馴姿於一室鶴猶需料應煩粟粒之充雁亦
有謀爰藉稻梁之實子稱牧犢求芻而在滌可期翁號
祝雞啄黍而棲埭斯逸苟無芋以相貽諒狙公所不出
虛白齋存藁

館課賦

五五

爾其攀屋角之扶疎步林端之蒼蔚通彼嗜好之殊惠
茲芳甘之味果贏既實自一飽之庶幾芋粟可收覺全
貧之尚未相為笑傲既萃處不厭其煩譬彼饗殮亦日
給不言其費宜其得眾志之咸孚致羣情之共慰矣然
而種偏多黠性實無知切予取予求之慕味此盈彼縮
之思數或四而或三非煩倍蓰之算時一朝而一幕未
聞歲月之遲乃忽則拂意相加如啼而就禽之日忽則
稱心以出如笑而被格之時豈其轉水波臣更有求於
升斗非復鼓琴昭氏絕無意於成虧良由迫於所貪近
其小喜將殘是慮劇苑鳥之含櫻過半何嫌甚并蠶之

食李以少嘗為未足雖踵事不見其增以屬屨為有餘
將先盡亦稱其美固拘墟之未化遂至吾欲云何尚谿
壑之易盈實則所求止此於是狙公矍然以思恍焉而
悟別求錯綜之方妙得轉移之故出諸筐笥之內不見
少并不見多玩彼股掌之間能令喜亦能令怒投其所
好不過一擲之稍輕得其所歸詎有牢籠之或誤乃知
盡物之性必貴因物之施蓄歷塊之蹄者先期其飽養
凌霄之翮者不患其飢蠅之集以附羶或麾之而不去
鹿之由以好鬪第致之而即羈彼衆狙之狡獪卒顛倒
而受欺究先號後笑之由何所畏於饕餮準盆寡哀多

虛白齋存藁

館課賦

五十七

之法乃曲盡其委蛇斯誠解人之堪索而非好事之所
為也况夫秉得秀之稱負軼羣之重吝其出納則缺望
見自幾微亟事解推則銘心形為揚頌就刊之印勿能
子奇士迄於無成一飯之德不容忘中材因而効用是
以
聖人御宇沛賞賚之及時戒恩膏之偶壅豈故以不測
示人哉亦平心為操縱云爾

披榛采蘭賦

美幽芳之毓質超凡卉之爭奇就深遐而匿秀甘寂寞
以藏姿不言自芳何所擇於無人之境知希我貴適相
忘於萃處之時試覽榛荆之猥瑣非無蘭蕙之榮滋情
苟味夫重輕轉恐秋忘而春採品實兼夫華秀何妨夕
啟而朝披昭紉以為佩之修早識薰蕕迥判嚴非則必
鋤之例誰云葑菲無遺原夫蘭之為草也猗猗自茂馥
馥彌新既興思於楚澧亦見秉於鄭溱欣入室之多時
清心妙領幸循咳之不遠握手稱珍然而蓬與麻俱每
同生之易雜荃隨茅化由異類之非倫亦如驕驪絕跡

虛白齋存藁

館課賦

五十八

於鶯胎不少驪黃之誤瑜瑾韜光於完璞必期賞識之
真故靈根不辭僻壤而佳種間匿荒榛蔓豈難圖藉披
荆而得力穢無不治倍刈楚以勞神暢擷秀之初衷自
來物色闢尋芳之一徑堪記前因良以迹托蒙茸地非
爽塏殊屈腕之悠然異謝庭之宛在尚儕衆草烟霞之
癖方深縱擅國香雨露之滋有待宛導我以先路遵彼
行行無久溷於此中薄言采采香參鼻觀至竟體而猶
聞臭出同心雖經寒而不改已許為薪免累卷山中草
木之年何煩壓擔誇多逐春日鶯花之海然後分裁苔
徑高置藥欄特傍幽人之座時承君子之歡沅芷江蘼

詎交枝而掩映瑤林玉樹恍接影以團縈遂乃永辭宿莽新奏荷蘭臨風不散氾露難乾從空谷而來不比芻蕘之竊獻與善人是處更無蕭艾之輕干豈非遐搜之足貴真鑑之為難譬彼掄英臭味先歸別擇擬諸拔萃良楛並獲分觀也哉方

今杞梓咸登蓀蕢廣布片長必錄孰樗散之能安至治惟馨固薪標之畢具被褐者來草澤而觀光簪毫者傍蘭臺而奏賦蓋

聖世之作人曠千秋而一遇微臣生慙媿陋淺衷但習

蕪詞仰荷

虛白齋存藁

館課賦

五九

滋培弱植偏親藝圃縱餘芳其可丐積芸編細帙以優游究小草兮何知望松棟雲軒而却顧

誦水機賦

繁盛時之御民務德施之邁種情必底於旁周澤每防夫上壅虛而能受以下為基聚而後升如盈斯奉無逸以作其所軋軋者聽彼頻抽不息以久其徵汨汨者觀茲全湧譬諸鑿木之機溉自耕烟之攏功歸挹注詎一勺之難分事在轉移非尺波之徒擁必與水為貫輪常隨機而騰踊此有升無降之可以自持而始抑終揚之由斯取重也原夫抱甕既遙挈瓶尚通虞襍襖之多勞恐擾耨之莫理春同雲確轆轤之響先傳激訝天輪推挽之功特起惟機事本於機心迺後水績夫前水未煩脩綆已汲從深井之旁但具隻輪直返自清波之裏爾乃履繡壤兮砥平俯長川兮箭駛濛濛鳩雨應布穀兮効勤漠漠鷺田驗催耘兮誌喜如此其機于河之涘用則取之無禁偏逐逐以相隨勢則動而多連遂繩繩而不已當火耨水耕之候丈人之息徒云佐決渠舉鍤之功壯士之翻差擬其因心也不滯其舉手也莫違道不遠於掌握事有藉於指揮乍運而灌溉之資即溥遞輸而浸淫之澤胥歸迴殊駒伏之轅遲留莫達畧比蟻行之磨疾轉相依就淺就深捲來綺縠亦俯亦仰濺處珠璣休乃勿休智自儕於守器靜而無靜悟不入於忘機

故大冶功宏陶鑄而五金就範亦桔槔製巧旋轉而百道爭飛乃知日進者如過其新健行者不離其故必其引伸觸類在彼之酌中涵始克取多用宏既溢之流四布方

今舜瑟揮於在廷堯尊置諸中路不擇人而後施恍因物以相賦所以東漸西被益深

德澤之霑咸五登三莫罄

恩波之注同巨壑之汪洋邁油雲之汎濩彼苟悅之緒言奚彛彛其足數哉

虛白齋存彙

館課賦

空

列子御風賦以御風而行冷然善也為韻

稽諸子之有禦寇也聞柱下而代典因漆園而馳譽同祖尚乎元機已屏除夫塵慮於其逸足非羈勒之可拘騁彼高蹤何範圍之足語豈倉皇而莫及致同逐日之追固汗漫以相期獨擅凌風之御以彼無欲觀妙藏形得空思遇神於姑射擬展駕於崆峒迹象為煩每飄飄而竟舉風雲有徑宜冉冉以常通將捷足而導先路時問道而順下風去而不停馳驟出宵冥之表來於何所見聞入渾沌之中當其微颺乍動勁響旋吹頓迴千里之鳥得諸縹緲遞中八方之律聽自參差運之以無翼之飛望塵者驚心於瞳若挾之為不脛之走沂流者致念於遠而自非樵徑相依誰分朝暮即有蘭臺稱快莫辨雄雌爾乃疎疎性遠矯矯身輕倏動上征之慕遂增長駕之情發軔於土囊之口停驂於廣莫之程當揚塵掘堞之時不覺挾輶而徑走在動草搖枝之地何妨按轡以徐行追風比駿足之騰空天衢蹀躞搏風似鵬飛之直上雲路縱橫既周流之不滯遂旋轉以無停離谷中之習習度水際之泠泠無造父之扶輿具徵絕迹有蜚廉之速駕不待和鈴使沖舉而達三霄知上清下寧之盡徹佇縱觀而周八極定東嶠西昧之咸經其化如

虛白齋存彙

館課賦

空

羽其蛻如蟬神殊邈爾迹乃超然風本無心任塵埃之
奮起御豈有力憑爽籟以遙傳休乎天鈞之圃憩彼象
帝之先得天倪以相和混茫欲接况氣母之堪襲空洞
無邊彼夫度牛函谷之關跨鶴嶺山之嶽或求象罔而
保幽元或飲沆瀣而思曼衍豈若不速而行憑虛以轉
心游物化樂同夢蝶之為官止神行技比藏刀之善運
諸九萬里之上扶搖之路非賒返諸旬五日之餘呼吸
之幾悉辨然而有象者信而可徵無形者虛而易假事
有類於吸露餐霞意不離夫神與尻馬道遙寓言之旨
其在斯乎綽約御氣之行未足道也是以儒者必抑厄
虛白齋存葉

館課賦

六五

言扶大雅舞駢組轡自眾著其風流矩步規行尤致嚴
於苟且庶可遊

聖治之休明而就洪鈞之陶冶

拊本引綱賦

伊至治之并包周普天與率土蘇庶彙以昭栽植之隆
張四維以著彌綸之普風聲既播羣黎消梗化之端秩
序為經億兆獲寬仁之宇然而後先必順其宜輕重毋
乖所主養賢人以及萬民者見旁暨之可推正百官以
正萬民者知逆施之無補苟澄敏之有方斯循良之共
拊芟夷原非概用圖之滋蔓則多勞振厲未可輕加治
以焚絲則異取如木有本理可得諸參稽若網在綱形
已呈於共覩徒觀夫象異欣欣取離宛宛或拔地而維
喬或臨流而自遠生宜春日沐好雨之潛滋集向寒潭
趁斜陽之未晚茂東枝之鬱鬱始克表其扶疎羅萬目
之重重乃足舒其纏繞故木非葉何以廣受庇而相依
網非目何以羨臨淵而不返豈知竟委者在窮其源齊
末者貴揣其本無動草搖枝之爽籟安能葉蕭而予以
迴旋非彌山竟野之雲羅豈容目目而相為樞鍵蓋藉
同根之勢以探本微響應之神奇而布不吝之條以提
綱見截流之安穩爾其暎林藪之深深俯江流之泯泯
護花鈴外翠羽方驅垂餌竿頭潛鱗乍引撼龍門之百
尺肯尋連理枝繁結越地之千絲便識吞舟勢窘稍著
摩抄之迹批根豈憚心勞特加振刷之勤扼要尤徵手

虛白齋存葉

館課賦

六五

敏其神共貫遂因寂而成通其勢多連轉以寬而得繁
 非竟按諸柞氏來剝剝啄啄以何驚未妨命彼罟師垂
 密密疎疎於無盡然後搖曳多姿卷舒克允無慮改柯
 易葉用况本實之先敦倘煩削墨引繩備悉紀綱之有
 準乃知受治者民道歸於會極親民者吏法取於型方
 公槐卿棘之榮在十年之久樹保障繭絲之寄非一目
 之能當其守土以宣猷也蔚然表井疆之異其承流以
 布化也凜乎持名教之綱其德存嘘拂之中宜植之於
 勿壞其教寓禁防之外宜彰之以有常雖葛藟並見相
 容自葉之流盆潤節目仍需兼綜周法之設加詳而識
 虛白齋存業
 在握樞則進以三升散木與良材異用功同挈傾則弊
 以六計禮羅與文網齊張由是可動可靜而化速由是
 能發能收而效彰條理近存於掌握依歸遍達於遐荒
 此韓非所為即宜人具宜民之責於以治得以察之防
 者也然而恃羣工為表率何如建之以
 主極之端藉百爾為統宗何如運之以
 王心之固本必溯其大本而後有風動之麻微綱必要
 於宏綱而後有畢張之治具我
 皇上天根獨探地維廣布揚之則光乎奕葉式昭摩義
 漸仁該之則訖於八紘寧敷湯馳禹步在廷者胥為法

而為廉在野者益遵道而遵路小臣材同弱植欣逢彼
 茁而興謳悟之忘筌竊慕有嘉而進賦

虛白齋存業

續錄

六六

虛室生白賦

人生而靜心兮本虛奉天君為主宰超萬化而權輿有
 物必蒙幽鍵在暗聞之後無私則大葆光於聲臭之初
 涵之則惟默惟淵幾於行庭而不見放之則千里萬里
 孰則曠宅而弗居是謂靈臺灑然不滓真同虛室廓乎
 有餘元之又元退藏杳其闕若白之謂白坐照炯其自
 如蓋清光何以大來由真源之默契靜觀果能自得詎
 衆翳之難除此知白宜遵柱下之誠而生白特傳漆園
 之書原夫容膝思安藏身欲密廣謝連覺環稱斗室闇
 修足恃非緣冥冥而稍墮朗鑑為懷終以昭昭而勿失

虛白齋存藁 館課賦 六十一

或所見之尚小僅同鑿壁分來倘相引之稍迂亦藉重
 門迸出豈知締構之初本具通明之質托基於混沌以
 會其通結宇於象罔以開其室為無用之用即空洞而
 道斯存得不名之名未掃除而事已畢真與精以妙合
 奧區省扁鑄之煩淡與泊其相遭理窟致游行之逸誰
 其深入惟有取乎清風謂可爭光竟靡慚於皎日爾其
 不牖而納不隙而明容光必照觸物俱呈境比無人方
 驗心齋之密動成有象實含智燭之精息諸緣而若距
 匠獨照以如迎自露端倪元精中貫有何障礙妙趣環
 生豈寶鏡奩張微曉而圓輝面而抑澄江練靜涵秋而

寒彩盈盈第觀積素迎暉擅冰雪之聰明於最淨詎識
 太空在抱消微雲之點綴於未萌彼夫大樂以虛而出
 聲歌器以虛而集益虛谷響而應乃神虛舟觸而爭可
 釋苟有會於寸衷諒無殊於尺宅有觀妙無觀窳機濛
 濛而常靈抑欲與揚欲明著超超而洞闢純粹精也何
 實之非虛明辨哲也宜元之尚白豈非鴻濛具未發之
 天燦設著外彰之迹匪靈勿瑩無杳冥恍惚之難窺即
 色是空何朗潤清華之或隔哉是以不紛者疑神曲當
 者應務祛其蔽於櫻寧獲所安於隨遇惟虛也故寂然
 不動即太極之原於無惟白也故其道大光即繪事之

虛白齋存藁 館課賦 六十二

後夫素微止止而坐馳象恢恢而四顧若夫誠明根於
 性生睿聖全乎天賦非守寂而大公無我彌形泰宇之
 寬不遍眎而旁燭無疆共仰淵居之度斯則

聖天子大造并包貞明布濩妙過化於無思無為樂近
 光以遵道遵路雖罄日出之危言曷由測

深宮之敷布

目無全牛賦 以目無全牛庖丁妙技為韻

伊進道之技能妙為經於緣督屏迹象而弗營倚虛空
以獨復當用志不紛之際其疑也幾於神迨指與物化
之餘其視也不以目因有間而自得恢恢已無全而寧
勞逐逐此庖丁擅稱於解牛特為養生者之所心服也
以彼割烹是職膳宰為徒迹類有莘方將負鼎而進地
非渭水亦且鼓刀而屠幸無食角之嫌固駢剛之足貴
特中為犧之選知博碩之非誣一元垂大武之名物惟
其稱九十詠其特之句誰謂爾無然而其巧既習其思
愈專如相賞於驪黃之外恍得意於言象之先運實於
虛白齋存葉

館課賦

卷九

陳諸半子或一牢祀以上丁越俎為嫌必藉庖人之治
動刀甚逸何嘗肯祭之經逾三年而解數千幾於夢也
遽遽而覺也栩栩試一朝而解十二不啻得之杳杳而
索之冥冥良由求以迹者有事於拘墟會以神者不專
於形肖成風運匠石之斤獨爾垂詹何之釣貫蠡之射
以如輪而致精養雞之能以似木而得要非責有於始
則無以勵用力之專非課虛於終則無以悉忘詮之妙
惟無全形而外見胥融乃收全效而匠心獨照是以古
之儒者有取乎此小其心以體物不殊為戒於大軋超
其識以游神何致嬰芒於醜髀譬則巧也詎減蒲且虛
虛白齋存葉

館課賦

卷九

繳之張亦有道乎兼通倘僕累丸之技斯則本利導於
自然并可觀無為於恭已故
聖朝亦間採寓言而異說必詳求近理

丹魚出水賦

觀漾流之下注有丹水之澄澗積淵居之浩渺滋水族之盤桓不比常鱗疑錦梭之擲遠適來異尾經玉尺之拋殘初無意於躍舟白謝孟津之渡縱有資於佐食黃非杜老之餐水以魚而得名不數灑元而漉素魚即水以為色居然蛟赤而螭丹來溫嶠於渚傍定然犀燭訊詹何於釣後欲拂珊瑚時則熟梅天近擘柳風徐白鷺飛兮負笠烏捷叱兮攜鋤節本長贏既辨赤駟而整駕時將短至爰隨朱鳥而高居遇初陰以參消長先旬日而數乘除應候而興偏樂戲游於活水乘宵以見豈甘

虛白齋存藁

館課賦

十一

潛伏於羣魚驚漁火之熒熒吹時不滅共留星之黠黠照處還虛倘燒尾以上騰具有登龍之路待呼童而取剖全非贈鯉之書夫其獨擅奇姿迴標殊質堪為塗足之資用作濟川之吉遂使功同畫鷁獲飛渡於中流類比潛蛟便深藏於織室龍堂貝闕詎聞濡水之虞鵠駕蠶梁別擅乘流之術宜其結網以相求特恐臨淵之或失地非函谷如迎紫氣於方來流豈河津似望榮光之一出然而偶別江湖來親沼汜剛潑刺以無驚遽唵喁而自喜雖擅異於文鯨究慙靈於赤鯉得自寒潭之網幾曾風雨相隨引來香餌之鉤無復波濤頓起豈若鯉

徑長游鯤池獨徙但相忘於浩蕩肯離東海之波適自遂其逍遙不待西江之水貝以文而致採始知匿跡之為高蚌因胎而見收應悟懷珍之非美故不材者得全其真而有用者或垂其旨方今

天子廣茂對之雅懷暢涵濡之異數為臺借為沼以齊觀貢鯨與貢鵜而並赴綠圖龜負獲寶典之鴻開赤甲龍銜驗祥經之疊布夫是以人懷得水之歡衆效嘉魚之賦候甘霖而吹沫知涸轍之長辭依

太液以沾恩見明珠之潛吐彼郡元之所稱豈足備盛時之記注哉

虛白齋存藁

館課賦

十一

膚寸自成霖賦

仰巖巖之泰岱偉作鎮於東隅麻氣塞乎四表神功被乎八區將灑雨以千絲霑茲優渥先騰雲而一縷布自斯須境炫其奇烟非烟而霧非霧根探其朔石為骨而土為膚靜觀吐納徐量涵濡本以和而召和不俟滿盈始驗遂以水而致水宛與所合相符故不雨或由密雲未覺彌綸之貴而成霖斷歸觸石特占膚寸之殊徒觀夫出岫無心從龍有願宜上天以占需尚連山而盤良是魚鱗之乍起影乏千重非鵬翼之橫垂程輸九萬積分可算僅同綬室灰飛布指而知尚遜赤城標建於時

虛由齋存彙

館課賦

七十三

穡事興農功勸芳壠翻風之麥刺刺纖芒平疇出水之苗離離徑寸方待澤之維殷詎流膏其已遠爾乃颯然欲來沛乎斯至滄彼巖腰含諸野次驟不侔於破塊溝塍則三尺勻添細或過於沾衣襟襖則一犁輕試神漿比液無挹從玉女之遙仙露分甘有承自金莖之異及此崇朝之雨催春耕夏耨以騰歡聿為三日之霖占潤葉津莖而告瑞第嘉其應節而知時尚莫測從來之何自也問因感通之理揆厥類致之情或積水而峨峨凝其質或集霰而皚皚布其雲或始於濫觴而九派雙源之脊滙或起於蘋末而前于後鳴之畢鳴其流露在氣

機原無微而不遠其翕張在族類自有發而必盈是以蒼莽之形囊猶堪貯滂沱之勢盆已同傾因初起而致油油何徘徊之稍待即普霑而含漠漠果頃刻之能成豈真送藉輕雷千峰早遍縱使遲由烟火萬樹常清蓋其高同去咫靈比居歆位特尊乎出震祀已先乎配林以潤物為功不僅詫齊烟遠點以資生徧德寧復誇觀日高臨山澤之氣既通經乎上際下蟠而無礙風雨之師聽命期以珠襦玉粟而能任所以四寸為膚虛而成者涌浮嵐於未滴十日一雨決而降者來積翠於方深異境開而識名山之主美利溥而彰造化之心安在縈

虛由齋存彙

館課賦

七十四

商霖况夫
聖天子德宇悒悒恩膏氾濫妙無方之舒卷龍見不足喻其神藏不竭之委輸海涵不足形其度蒸被者九野如雲瞻之而益欽翔洽者八荒若雨望之而咸慕乃猶錫除屢
詔用慰三農補助頻頒時乘
五輅升中陋登封之典紛郁非奇時若符曰肅之徵均調是務小情同箕畢載稽張協以廣詩會慶風雲竊繼相如而奏賦

先河後海賦

記學人之用力得要旨之昭然宜尋源以推其始毋博涉而昧其全苟莫辨夫津涯望若之驚已滯倘欲窺其涑別濫觴之測非偏道必歸乎務本禮可觀諸祭川使美報焉已昔從河曲在祀典者乃徐及瀛孺朝宗豈外四溟而沈璧獨在歸墟之上為王實兼百谷而刑牲不爭德水之先原夫兩戒咸趨乎海北條莫大於河一濬重源而習坎一納萬派以盈科導積石而鑿龍門則冀充之交內貫浹天墟而浮析木則紘埏之表旁羅然而矜大觀者僅洪纖之是較徧望秩者必原委之無訛父

虛白齋存業

館課賦

七十五

食非齊聖所能先其義著於殷之元鳥與周之履武報本以有舉而莫廢其詳及於齊之配林與晉之滹沱徒觀其噴薄瑰奇委輸富有接天水以混茫失轉旋之左右鄉鄰出日經三千鵬翼之游島近引風移十五龜身之負訝為水之誠難謂爭流之寡耦豈知星宿高探崐邱遠叩雖同居六府之首而天上之源可通况尊為四瀆之宗而塞外之流已久蓋勢由上注故即偕喬嶽以懷柔而體僅下承故且繼羣靈而奔走禱而用幣縱殊面北與面南序以成班不啻拜前而拜後要非海之量反隘於河河之神更尊於海也迅流屈注則巨浪皆所

自為虛受增宏則微涓豈能無待先其所宜後則逆流之溯徒勞後其所宜先則咸秩之文安在君子觀祀事之孔明懼泛鶩之貽悔一才一藝聲華之動眾皆浮不器不官度量之越人自倍果滔滔而不絕真源之挹取靡窮自浩浩乎同游萬壑之會歸有宰我

皇上性量淵涵心精波注撓不濁而澄愈清資日深而取彌裕如洪河之潤物孰窺滲漉之由如大海之迴瀾莫測并包之度所先者日新富有既德業之交隆所後者博學多能亦武文之丕布惟聖涯道妙之畢致其精斯順軌安瀾之克彰其數豈非班固之所難書而木華虛白齋存業

館課賦

七十六

之所未賦

土積成山賦

繫積學之宜動即為山而共覩始培塿以形卑終巉巖
 而勢聚俾有基以勿壞九仞不隔重塵爰日起而有功
 一撮初無棄土觀其所積而平地可為相與有成則兼
 山是取在至高而不讓未聞假手於五丁當既安而能
 敦不僅生材於六府故鄒嶧傳其法固云必因邱陵而
 蘭陵美其功且謂將興雲雨徒觀其暫溷泥塗未離沙
 磧數起積分功爭得尺用非可重或放技於層臺質本
 無多第班形於拳石豈知峻極之觀不外塊然之迹聚
 而上者如課甌石之儲因而重之必較錙銖之積豈移
 虛白齋存業
 七十七
 自愚公之谷遂面目之皆真抑聚諸馬援之前竟風雲
 之不隔委地之形乍著干霄之狀斯呈赤堊青黎隨五
 方而皆資蘊蓄高原下隰合三壤而各露崢嶸蓋側為
 嶺而橫為峰固非結憑虛於象外即東曰嶠而西曰昧
 亦難矜獨造於天成有大力以負之每懼始勤而終怠
 其積漸者然也要歸美具而難并不關縹緲飛來識所
 憑之獨厚詎復迷離引去知相舉之非輕倘覆篲以稍
 虧定煩繼長增高之力苟真源其可問早具登峰造極
 之程其未成也則酌之下土其既積也則奕奕之羣
 山分之不嫌於堆塿合之斯底於孱顏謂一蹴可幾者

情未忘夫躓等恐累動罔獲者見僅圖於窺班進吾退
 吾果精勤之獨勵仰止行止何杳渺之難攀邱垤非偷
 因厚培而真精自足崇朝可徧旋觸石而流潤無慳宜
 其辨沃衍之常形尚屬物宜之利修廢懸之殊典究登
 望秩之班也若夫

聖天子濬哲性生亶聰天賦非徒禹驟而湯馳且復堯
 陶而舜鑄乃猶惕厲不忘於朝夕以克勤小物為始基
 諮詢徧及於芻蕘以必察邇言為要務本上德若谷之
 深衷得泰山成高之大度天蕩蕩以難名道平平而遵
 路微臣生惟踐土敢隨委瑣以齊觀力愧學山庶仰崇
 虛白齋存業
 七十八
 高而起悟

抱一為天下式賦

將欲羣丕基守大寶兆姓為心八荒在抱範圍齊量於
洪鈞裁制比隆於大造參以三而貳以二用紛則其神
未疑統有宗而會有原得主則其常可保爰清爰靜廟
堂握獨運之樞中繩中鈎草野識共由之道信乎柱下
之遺言彰明而可考也蓋以化成於兩神原於一太極
以是而胚渾元精以是而洋溢輻共轂以為用規九經
九緯之無乖星拱辰以為歸驗好雨好風之靡失故一
畫以括奇偶之形一言可蔽揜揚之術揆日測影立則
不過一圭截管調鐘同和必歸一律是一為大本大原

虛白齋存藁

翰課賦

注

之所獨尊而千變萬化之所由出聖人默通乾始廣運
坤維契執簡御煩之要審主靜待動之宜如神者坐照
之明識超於四目四聰之並集不息者自強之體效總
夫羣策羣力之紛馳第見夫難續凝旒有象而莫名其
象奉盈執玉無為而無不可為鎮以從容式表元珠之
早索游乎渾穆具微真宰之潛窺因其運量擅彼陶甄
既有倫而有要自無黨而無偏岐趨之誘何以祛由上
有風聲之樹景行之慕何以速知朝有月吉之懸人皆
仰之幾於從繩則正民胥傲矣誰其破觚為圓惟一人
早居於莫雜莫動之地斯羣黎適安其不雕不琢之天

於以知設衡度於前不藉多方以試而垂道法於後寧
因異術而傳或謂九土之風異剛柔百族之性區高下
此克勉為秀良彼或囿於喬野必一道以同風慮彼眾
而我寡豈知良庖奏技未聞更刀巧匠鎔金何有躍冶
朝更而夕改不可語王道之純始陽而卒陰未免雜霸
圖之假是以古之帝王祇祇翼翼欲求整肅之方先建
會歸之極惟一紹道法之傳虛一遵衍母之式於說命
見心一之必嚴於風人知儀一之當飭况乎得一合撰
於清寧抱一要歸於道德宜其首庶物以立隆統萬邦
而作則我

虛白齋存藁

翰課賦

八十

皇上六位時乘萬幾動務巢燧義軒之盛觀
聖治之咸登東西南北之遙驗
皇仁之布濩執兩而用中握其樞貞一而馭動昭其度
就之如日著明崇懸象之觀動之以風則傲獲視民之
素化理臻於邛隆物則全乎天賦彼守雌守默之倫方
且局於管蠡而莫寤

詩言志賦 以治鍊性情原本溫厚為韻

原詩教之肇興泝虞廷而獨寫體初備乎詠吟義已該夫風雅其感通在政治故稽古之書有必詳其表裏為樂章故教胄之命無稍假引之則長言詠歎造物難罄雕鑿約之則寸念縈紆靈明自為陶冶良以言至詩而尤精志在心則未變鬱於中者類有托以宣達諸外者非無因而見當靜按而深沉爰返求而繾綣正直以端其向閑邪乃存誠之功忠厚以植其基志潔即行芳之選方觸焉而欲動意有取乎孤行必較然其不欺功倍深於百鍊爾其諧以聲音發為歌詠中含之寄託彌遙

虛白齋存藁

雜賦

全

直舉之曾情自正如雷之鳴豫為德咸見天地之心如風之撓物為功適遂生成之性推而候蟲時鳥必樂意見其相關屬在婦嘆童謡亦天機為之靡竟安有詩而無與性真徒工辭令者乎夫以風留渾噩治蘊文明草野切艱鮮之慮殿廷多吁咈之聲絕少鋪張詎敢刻雕之習即煩褻頌執誇綺靡之名而乃揭存真之正旨具裁偽之深情宣金石而被篋絃在五聲方陳其概屏風雲而祛月露於六義早擷其精今即舜詩而觀以孺慕為忱歷山之操可續也以叢脞為懼元首之警宜存也有敬天之盛心復且非飾美也有勤民之至計阜財非

空言也採之於九衢則耕鑿之謠最朴和之以八伯則歌敘之政先敦故逆志之方尚傳鄒嶧而緣情之訓不數平原彼夫馳騁騷壇研搜藝苑或簡編摭摭以忘疲或光景流連而不返或尋章摘句莫窺作者之堂或炫異爭奇頓失風人之本此皆外託托揚中忘誠懇同尚口之致窮宜去古其愈遠豈知志與言分藏其宅詩與志互為其根當其無聲而鏗爾者自裕暨乎有作而寂然者莫捫非專主於官商自協君咨臣儼試獨鳴其欣戚已區秋肅春溫盛烈攸傳剛黃竹白雲之荒誕遺音未墜著明堂清廟之淵源以之樹作詩之的以之開說

虛白齋存藁

雜賦

八十二

詩之門道不變於古今揆豈殊乎先後仰聖主之多能灑宸章之富有萬彙藉以陶甄三才於馬綱紐惟蘊之為睿慮宵衣旰食之加虔故播之為德音志鼎銘盤之永守所以光明比於升恒悠久儕夫高厚將上軼帝世之賡颺何兩漢三唐之足供參取哉

指南車賦以中國有聖人為韻

周之盛也岐豐肇迹澗瀝宅中制作揚於累洽車書擴
 其大同碧碧東輸息慎既來王測海祥暈南貢越裳復
 受史占風其至也三譯九賓而始達其歸也五駟匝歲
 而後通貝葉雖書莫紀山川之要皇華未使誰傳道里
 之窮故德足招徠王會圖由荒服而恩周送往司南製
 藉姬公夫其匠出經營巧非繩墨第充舌人之需未隸
 巾車之職制器尚象本金徒抱箭之遺觀指知歸迺珠
 斗建杓之式圓而神者機之運次子午以先釐專以一
 者象之成位丙丁而不忒爾乃用取嚮明道隆會極承
 虛白齋存葉

館課賦 八十四

蓋候薰風之轉寰中聲教攸分扶輿逢朱鳥之臨規外
 星辰可測乍清塵兮漠漠還珠浦口之波漸引勝兮徐
 徐騎象山中之色當其閉門初造正屬瞻雲就日之交
 暨乎攬轡長征直通黑齒雕題之國蓋以遠際八荒旁
 羅九有多間阻之關津足幽遐之林藪一氣與為混茫
 四野增其紛糾崎嶇萬里具徵琛賫之遙留滯頻年益
 軫梯航之久車則挈乾維握坤紐如圭之測晷短長畢
 露其倪如竿之相風順逆不乖其守如紫殿聚為山之
 米形勢先呈如白雲披蓋地之圖廣輪悉剖固一方其
 獨辨識途同老馬之行亦四達而交馳絕迹勝奇肱之

走况復杼倂適當其宜軒輊並歸於正乘不必追風逐
 電之求御不必造父王良之命鄉傳出日何難憑軾以
 窮國號不雲直可倚衡而竟洵符通道之麻並卜征行
 之慶前此則阪泉涿鹿營陣載之而兵氣以銷後此則
 記里大章鸞和奉之而羽衛以盛豈僅蠶叢共闢功足
 倍夫五丁應教襄野難迷駕不勞夫七聖乃知咸寧訖
 于萬國有慶歸諸一人必先旬雨五風洋溢而施及然
 後普天幸土奔走而來臣將以是車昭遠格邇安之謨
 訓非以是車彈喜功好大之精神方

虛白齋存葉

館課賦

八十四

今紘埏在閩鷓鴣交陳海異拂扶桑之樹川珍盈撈玉
 之津嚮化者皞皞熙熙樂春臺之上觀光者平平蕩蕩
 安
 王路之遵凡屬款塞叩關之侶疇非淪肌浹髓之倫彼
 有周之餘軌殆未足當
 聖世而稱珍者乎

天形如車蓋賦

原夫鴻濛既剖明象初懸觀至清於得一識行健之惟
 乾九萬一千里之程測其去地三百六十五之度紀彼
 周天色麗於空信蒼蒼而獨正氣成於積殊浩浩以無
 邊舍九土於卯黃體惟周復運四時於蟻磨道本左旋
 是以取象虛車可悟流行之速亦必擬形飛蓋斯微不
 冒之全彼車之有益也參諸輪輻樹厥輻輳結烟霏而
 郁郁飄風御以泠泠運乎中央位傍帝車之斗言其上
 察輝分華蓋之星具宛轉之圓規雲中映碧標均平之
 圭臬雨後浮青當旌結而旌綏快觀蒼龍之駕隨輅金
 虛白齋存葉 館課賦 八十五

而輅玉先瞻翠葆之形仰以觀於其如視諸環九野而
 斯經斯緯布十端而匪疾匪徐五色相宣詎媧皇之補
 後一塵不染乃鼇極之擎初居高以臨爰可規而可萬
 憑虛以造執軒如而輕如爾其不偏不倚半覆半居歷
 歷星辰並旁羅而縵密輝輝烏兔恒分布而行疎廣其
 張舉之方徧東西朔南而不隔握彼轉移之柄閱鳥火
 虛昂以常舒倘過析木津邊定無虞於濡軌矧在扶搖
 風裏復何假夫閑輿歷乎子午之交儼欲作指南之示
 次彼畢箕之舍即堪為曲柄之儲此時以車擬天形體
 備呈於敬蓋當日象天為蓋規模本具於造車他若張

弓喻其道高恢網狀其度大覆蒼冒笠彷彿相傳倚杵
 彈丸形容入繪亦有指旋樞以窺其中比轉轂以衡其
 外非衆說之多紛或名言之莫會茲則瞻彼穹隆超乎
 塵瑳即禁麗之童童譬圓靈之藹藹日行疾月行遲星
 躔之次靡差北道遠南道近雲路之亨常泰故稽定時
 之令璣必兼衡而數言天之家渾難廢蓋我

皇上欽若是懷時乘為度廣運包資始之功宏施備大
 生之數猶且靈臺推策常羅漏刻之司銅尺量儀兼訂
 疇人之誤是以七十二候推遷之寒暑均調三十六宮
 闔闢之端倪呈露

虛白齋存葉

館課賦

八十六

鑿與夙駕廣路咸遵

鳳蓋過飛清塵遠慕小臣步天乏術竊窺管以生慚向
 日矢忱用濡毫而作賦



〔清〕劉秉恬撰

述職吟二卷公餘集
十卷竹軒詩藁四卷

清乾隆刻本

述職吟

述職吟序

國家太和翔洽衢謠巷舞寰寓
歌擊壤焉以山川則清澍也以
人物則茂美也雖封域并疆倚
毗互錯要皆沐浴於合同之化
共享

述職吟

序

昇平猗歟盛哉余癸卯秋仲讞
事黔中旋奉

命展

覲趨

朝時已屆滌場之候民氣和樂
百室盈寧自黔而楚而豫漸達

京輦凡所必經無城市村墟率
皆潤澤豐美雖其時郵程信宿
而星軺所指目擊心遊登眺間
不知其何以勃々欲發也惟自
念通籍以來即綜覈吏事於聲
偶之學或間一效之輒復棄去

述職吟

序

初亦不計此行之勃々欲發者
且衰至百數十首之夥也顧以
觀風問俗導揚善氣大吏之所
有事夫民之自樂其樂方勸以
九歌俾益裕敦龐之原矧樂民
之樂者揚詡鼓舞又烏能以自

已哉故凡憩息之區間與諸
寐遇則艷其政之成也與諸循
良遇則勉其懋乃績也他如俛
仰古今流連山水下逮蟲魚花
鳥隨其所適具有賞心蓋時和
歲稔亦遂不覺其言之長景之

述職吟

序

富褒美咏歎以出之也若夫聲
偶之學非所素嫻第生平自喻
竊欲以質直之詞抒性情之蘊
近謹跪聆
聖訓麤識拍歸則夫土壤細流
是亦環聽擊壤之歌和其聲以

鳴豫者也爰稍為點次并記其
時日云
乾隆甲辰仲春月朔撫滇使者
竹軒劉秉恬書於滇南官署

述職吟

序

四

述職吟目錄

卷上 詩六十五首

八月朔日自昆明早發作

過海潮寺

西林渡

響琴峽

重安江

過飛雲洞

述職吟

目錄

舟行即景

王丹峯二尹省親後來滇相遇芷江舟

次詩以誌喜

秋日舟行沅州道中

順風船

舟中

辰陽道中舟行遇雨

青浪灘弔馬伏波

青浪灘登山謁伏波將軍廟

舟行遇雨

送沈寶甄先生歸里省親

舟中憶舒制軍大兄

曉發大龍驛

秋紅菽

十月十日宿澧州偶紀

宿公安縣

述職吟

目錄

秋日渡荆江

渡荆江

過江後所見

宿荆門州龍泉書院作

曉起復得一絕句

駐麗陽驛作

路經襄陽書贈陳觀察

入河南境作

二

平原遠眺

新野道中有小寺適當官路余過之小

憩見壁上詩句乃鮑雅堂舍人夏間

往貴陽典試時留題也詩筆俊逸因

步其韻

南陽道中

南陽懷古

博望驛作漢張騫封邑

述職吟

目錄

裕州行館與王丹峯夜話

過葉縣作

過昆陽故址作

詠初冬盆菊

豫省長葛陳令余由滇省教職舉膺民

社者也今過其地陳令來謁因賦詩

勉其為官

接家信喜而有作

三

渡黃河作

謁河神廟

渡河阻風

望嵩山

十一月朔日

詠車

臨漳詠古

湯陰謁岳忠武廟

述職吟

目錄

四

入直隸境作

邯鄲呂翁祠作

沙河縣作

寒

過圓津庵見壁上刻有方官保詩章即

少其韻

滹沱河

正定瞻隆興寺

清風明月店作

冬日過慈航寺作

寄勉月桂

將到都門作

卷下 詩八十二首

述職後敬書

喜雀

冬日詣蓮池書院敬步

述職吟

目錄

五

御製元韻用勉肄業諸生

過雨花庵用鮑雅堂韻

述職回任早行看初日

豐樂鎮

途遇粵西瑞方伯夜話

途遇楚南伊撫軍夜話

渡河

蠟梅

述職回任臘月十一日途次拜發敬陳

感慕惻忱劄子詩以誌事

寄題惠風堂茶花

宿襄城縣

車鈴

裕州瞻拜漢光武廟

迎春花

吳白華學士楚北視學差滿回京相遇

述職吟

目錄

六

於途別後承以詩寄即步其韻奉答

南陽道中

經襄陽作

曉渡漢水

入楚境襄陽道上行

江行

入楚境後所見

詠帆

自麗陽驛行次荆門州途中口占

荆門州

過荆門州姚中丞邀飲

詠鵝

癸卯冬余進京

陸見兩湖舒制軍來簡約於赴荆州閱兵時

藉園一晤迨余至荆州公以監臨武

闡鄉試尚在武昌及余出京道出楚

述職吟

目錄

七

省公又先奉

命兼權湖南撫蒙遠駐長沙相晤之期更難

必矣迺余昨行次建陽驛而公適以

公事自長沙前赴楚北之荆門州旅

館把晤坐談半夜而別於此見知交

相遇總有一定緣分後來詩家因別

離而興踈望之思形為詩句每落故

套殊覺可不必也因賦長律一首誌

事

臘月渡荆江

祀竈

過江後見紅梅作

臘雪

途遇湖北馮廉使作

武陵形勝

途中度歲作

述職吟

目錄

歲暮行次武陵駐試院內李軍門設席

詩以致謝

陬市渡

桃源洞

鄭家驛度歲即事

癸卯除夕

甲辰元旦

生春詩八首

春帖子

鞦韆

辰州道上

春兩

沅州道上

甲辰人日

駐玉屏縣

玉屏縣遇雪

述職吟

目錄

先慈忌日作

雪後過飛雲洞

甲辰立春

元宵

燈詞六首

元夕後一日李中丞暨孫方伯張廉訪

范戴兩觀察招飲於夢草池看燈席

間口占七律一首用紀

昇平之盛事兼述寅好之雅懷

十七日自貴陽早發接家信喜而有作

過安順府

滇南勝境

喜晴

過清溪洞

寄石蘭老人

過馬龍州春草園

述職吟

目錄

十

板橋途次口占

記所見經過官民情形

述職吟卷上

竹軒劉集

八月朔日自昆明早發作

丹詔從天下星軺忽促行無須蠲吉日便合

赴王程麗旭千林曉嘉禾四野盈所希

天錫福萬寶慶西成

過海潮寺

古刹面湖開青山接水隈煙波環佛座松竹

述職吟

卷上

擁蓮臺澹蕩澄心理空明入眼來偶過為駐

節疑是小蓬萊

西林渡

西林事業煥千秋渡口於今德政留過客到

來爭利涉相公早已備輕舟青山兩岸遙相

拱碧水中間自在流景仰先生多利濟願同

山水永無休

響琴峽

琴響何因在峽邊高山流水湊成弦雙峰送
籟聲飄遠滿壑縈波韻曲傳雅調非關人力
奏清音一藉化工宣惟聞晝夜俱如是不見
誰彈響自自然

重安江

江臨雉堞邊流水碧潺湲浪靜平如鏡風來
清且漣舟憑雙棹濟渡用一繩牽不見波濤
險重安取義賢

述職吟

卷上

二

過飛雲洞

飛雲不是雲怪石噴成紋萬蕊空中挂千花
碧裏分境幽山寂客訪日紛相對渾忘
去疎鐘隔嶺聞

舟行即景

兩過兩岸重翠日照中派片金此際風
光多逸趣興來那禁發高吟

王丹荅二尹省親後來滇相遇芷江舟

次詩以誌喜

西風黃葉菊花天兩下相逢古渡前浙石家
居剛數月滇南握別忽經年開窓接席聽新
兩把盞移時起夕煙已慰萱堂朝暮望共同
華碗莫言旋

秋日舟行沅州道中

朝發芷江城中流水漸平岸寬灘少險山遠
境多情雲樹參差見樓臺次第呈更當秋氣

述職吟

卷上

三

爽彌望太虛清

順風船

扁舟一葉隨風駛人坐船行馬疾馳世上儘
多如意事當其境者念欽茲

舟中

秋江一棹向燕京極目激波似鏡明依岸丹
楓增色潤插瓶黃菊秀華英一心朝
關情長切十月乘槎水倍平寄語海山高閣

裏莫因暫別動離情

辰陽道中舟行遇雨

風吹雲勢合聲送雨涼、碧水添新漲丹山
失遠峯中流漂苒芰兩岸潤杉松咫尺桃源
渡乘槎識所從

青浪灘弔馬伏波

漢主中興日伏波遨遊時與述不相契說驚
終狐疑一意波東向擇君具卓知袒憤迎廡

述職吟

卷上

四

下臣主兩無岐聚米畫軍道運籌更多奇以
之仿前賢子房堪追隨如何矜善戰據鞍示
能騎甚至甚其說馬羊欲裹屍交趾雖得勝
武陵究力疲若從赤松子始終帝王師厥事
已邈矣舟行偶過之仰瞻廟容古不禁為嘻
噫

清浪灘登山謁伏波將軍廟

停船瞻廟像清浪古灘頭壯志千秋在威名

萬古留白雲窓外起碧水座前浮景仰山高
處誰來不泊舟

舟行遇雨

密雨添江漲乘風好泛槎浪翻波轉錦點滴
水生花打幔呼人正侵窓用篾遮雲煙籠罩
處岸上數人家

送沈寶甄先生歸里省親

秋柳依、兩岸垂送行恰值水之涸年來肺

述職吟

卷上

五

腑都無隔平日心宵豈不知一旦言歸情切
切尅期赴約莫遲、家欣子舍承歡處正是
萱堂健飯時

舟中憶舒制軍大兄

建牙吹角武昌城經濟文章是

國英把盞吟詩頗得白開懷論舊又能兵今
憑一紙通心蹟昔以多情定弟兄獨坐思君
不相見閒聽秋雨打船聲

曉發大龍驛

來往居衝要，滇黔路必經。驛為更馬處，地豈像龍形。林際籠初日，天邊沒曉星。楚人勤種植，遍嶺短松青。

秋紅菽

秋豔海棠紅，菽紅豔與同。動人偏有致，耀目自成叢。婀娜曛初日，歌斜醉曉風。非徒顏色麗，缺食亦堪充。

述職吟

卷上

六

十月十日宿澧州偶紀

午過清化驛，晚到澧州城。問渡連三次，計途已兩程。燈光相照耀，月色倍分明。多少熊羆侶，與前結隊迎。

宿公安縣

南北初分界，風光兩省同。山川多秀麗，種植半杉桐。問渡剛過澧，計程漸近嵩。公安賢邑宰，求治要能公。

秋日渡荆江

長江滾滾向東流，南北行人對渡舟。萬里河山來楚地，千家煙火是荊州。鳶飛魚躍盡中看，雲影天光鏡裏浮。無限清佳堪領略，况逢朗日菊花秋。

渡荆江

荆州之江曰荆江，兩岸竹樹水雲鄉。我來問渡頻經此，一帆快挂順風揚。風平浪靜中流穩，宛似驅車走康莊。忽聞羣雁聲徹耳，雙雙擺列字成行。忽見小艇隨波轉，漁人撒網手挈網。水連天子天連水，一望水天白茫茫。問江發源從何自，巫山巫峽氣鬱蒼。問江歸海從何去，金焦山下滾滾長。長江萬里古天塹，南北人來志挽航。默禱江靈永安瀾，莫使偶爾風濤狂。

述職吟

卷上

七

過江後所見

穩宛似驅車走康莊，忽聞羣雁聲徹耳。雙雙擺列字成行，忽見小艇隨波轉。漁人撒網手挈網，水連天子天連水。一望水天白茫茫，問江發源從何自。巫山巫峽氣鬱蒼，問江歸海從何去。金焦山下滾滾長，長江萬里古天塹。南北人來志挽航，默禱江靈永安瀾。莫使偶爾風濤狂。

江平浪靜不揚波昨日扁舟一葉過地面忽
開新曠濶山容全改舊嗟我人家板屋仍時
有田畔黃牛漸見多江北江南俱歲稔欣聽
一路楚人歌

宿荊門州龍泉書院作

徧山紅葉欲寒天書舍清佳夜可眠策馬馳
驅剛百里土人指點識三泉書院外有龍泉惠泉蒙泉風
聲蕭颯溪聲急月色光明水色蠲庚子年曾

述職吟

卷上

過此處流光荏苒又三年

曉起復得一絕句

暫駐終宵喜地偏龍泉書院水雲邊地靈自
古由人傑勗爾諸生效昔賢

駐麗陽驛作

菊殘楓老小陽春檢點征裘欲換新蒞北朝
天應指日滇南話別幾經旬朝行策馬迎紅
旭夜夢停車近

紫宸今晚麗陽投逆旅襄陽高隔數煙津

路經襄陽書贈陳觀察

嚴城背嶺踞江邊氣象巍：倍萬千秦豫平
看歸掌握滇黔回首隔雲煙菊花澹：香歌
席楓葉飄：舞綺筵北道主人今有主襄陽
觀察意纏綿

入河南境作

清晨纔別襄陽郡薄暮來過新野城漢：川

述職吟

卷上

九

原連岸闊迢：道路俯雲平棋翻酒店臨風
挂樹遠荒村傍水生所喜河流新堵塞載歌
萬福告功成

平原遠眺

四望清虛罩地圓遙林樹杪接遙天不須別
向圖中索吟就新詩紀短箋

新野道中有小寺適當官路余過之小
憩見壁上詩句乃鮑雅堂舍人夏間

往貴陽典試時留題也詩筆俊逸因少其韻

蕭寺臨官路無須向問津
茶香烹代酒室小暖如春
當道曾多日賞心有幾人
偶來留白去便是結前因

南陽道中

垂柳西風大道邊
水明沙白鴈鳴天
人家漸見煙稠密
知是南陽在眼前

述職吟

卷上

十

南陽懷古

雉堞似魚鱗
巖城傍水濱
週圍三數里
煙火萬家隣
貴戚今何在
勲庸古有人
到來探往事
簡策正堪陳

博望驛作

漢張騫封邑

郎官銜命使殊方
渺、月氏道里長
博望恩優典
屬國子卿功
豈不堪償撫
巡六詔已三年
述職歸陳

丹陛前那似當時勤
遠略西南夷衆始通
漢傳說浮槎曾上天
支機石畔月娟娟
詩家久已成佳話
正史堂、却未鐫

驛云博望附南陽地
以人名地愈彰
到此停車興古思
頻吟新句貯詩囊

裕州行館與王丹峯夜話

疎簾半捲晚風涼
翠竹陰、暎粉墻
夜靜尤多清賞
處月明閒話聽更長

述職吟

卷上

十

過葉縣作

葉公昔是此邦臣
問政殷、意尚純
試告而今為宰者
遠來近悅勉遵循

過昆陽故址作

昆陽之戰至今傳
舊績依稀想昔年
百萬雄兵真巨敵
三千勁旅破中堅
風雷實有天神護
虎豹騰從地底旋
薩爾斯尤稱盛事
漢光武帝之昆陽之戰為史冊內所罕有我朝定鼎之前與明兵戰於薩爾斯當時以少擊多以重

疎聚其出奇制勝情形
尤駕乎昆陽之戰焉 奚容古獨耀青編

詠初冬盆菊

小陽春日半寒天盆植黃花几榻邊清氣
人香未減素姿在室色逾妍白衣送酒應
仍有青女飛霜不到前莫道此花後少嶺頭
梅蕊接新年

豫省長葛陳令余由滇省教職舉膺民

社者也今過其地陳令來謁因賦詩

述職吟

卷上

三

勉其為官

養民應在教民先邑令何由教職遷自古文
章多幹濟從來吏治在書編萬家煙火資徐
理幾載辛勤仰善全豫省治河數載長葛民
人趨公給事極為辛勤
此地葛天遺古意長葛縣相傳為葛天氏故墟 勗哉為政
勉為賢

接家信喜而有作

忽報滇南摺使來

滇省路遠音信通問甚難
向俱付齋函奏招人順寄

平安家信喜從開遥思幕府清佳處花滿庭

除月滿臺

渡黃河作

發源由塞外歸宿向江南海口潮宗一龍門
浪疊三堤防資竹石堵禦賴丁男從此安瀾
永民和樂且耽

謁河神廟

神靈資默祐殿宇建堤邊繞戶千株柳開窗

述職吟

卷上

三

萬項煙底民安梓里禦漲保桑田乘早來瞻
拜齋心一秉虔

渡河阻風

船至中流泊不前風雲飛舞勢迴旋倏時風
正帆高挂款乃一聲到岸邊

望嵩山

嵩嶽巍、俯汴城高峯特起勢崢嶸古今共
戴靈逾顯天地居中力獨撐日月升恒光燦

爛風雲際會理分明

古稀天子開閭闔額上三呼達

帝京

十一月朔日

光分御燭星辰亂拜賜宮壺雨露新此是東坡今日向高吟猶覺口生春

詠車

何事響轡驅車駕兩輪遠能行萬里重可

述職吟

卷上

十四

致千鈞不與舟為伴偏同馬作隣往來沾雨露馳逐冒風塵茅店雞聲早荒村月色新指南無所用深軌是遵循

臨漳詠古

美人鼓樂在高臺終日歡娛豈解哀若是西陵真有識東瞻銅雀亦傷哉

骨棄九泉終已矣西望遺命不愚乎人言魏武多才智豈識奸雄是大愚

湯陰謁岳忠武廟

湯陰故里廟容新時廟重修未久松柏青、壁少塵

曰孝曰忠能勵己惟文惟武更期人功高百

戰心難遂祠煥千秋績不泯忽見殿前精采

發墨莊兩字蹟留真

入直隸境作

滇黔豫楚路縣策馬前來異北連地界延

長經六省

述職吟

卷上

十五

天顏企慕已三年夜行懶睡留明月早起衝寒破曉煙述職愧無勞可述敢云聖主得臣賢

邯鄲呂翁祠作

瓦屋三間草滿庭盧生遺有睡時形祠內塑有盧生睡黃梁飯可熟曾否夢到於今尚未醒

即夢即真本不空神仙塵世理相同世人盡道昇仙好吾恐神仙亦夢中

沙河縣作

一望渺無垠層沙繞縣屯風來翻似水月上
白如銀馬踏聽無響車行藉有茵沙河今縣
治名實肖其真

寒

一陽將復候寒氣已凝成暖屋忘其暖輕裘
覺更輕風高渾似削水凍即成晶待看催年
節梅花爆竹聲

述職吟

卷上

夫

過圓津庵見壁上刻有方宮保詩章即

步其韻

策馬將過且少遲到門自有賞心時庭前徧
看新題句壁上還吟舊刻詩墨妙傳為僧舍
寶廟內懸有方宮保墨蹟對聯政多本自佛心慈直隸省
乃方宮保創定留養局一杯香茗供清玩坐
對欄干日影移

滹沱河

水面冰凝似鏡明與梁一道報初成風吹落
葉千林曉日照平沙兩岫晴麥飯昔能酬主
德葵衷今欲表臣誠五雲深處望

正定瞻隆興寺

梵宮重葺接蓬萊色相莊嚴更大哉金碧輝
煌高殿閣香煙繚繞靜樓臺雖由佛力能彌
久實仗

述職吟

卷上

夫

皇仁得再培爭道前年工竣日五雲遙捧

翠華來

清風明月店作

天寒檢點換征裘早發新城晚定州兩袖清
風臨古道一輪明月照高樓彩旗翻處人呼
酒羽檄馳來馬遞郵借問東西南北客勞
攘：欲何求

冬日過慈航寺作

慈航何事始經營節使般：荅舊情制軍方

時路過漕河涼病其地有一僧住廢廟幾榻

延公調息數月病愈而去後公來茲此上感

僧舊誼於其地創建廟宇規模宏敞願其願

曰慈航即延前僧為住持相待甚優至今直

隸網傳為已達能隨未達志佛廬因藉佛心

佳話云成階前木樹三冬古門外河派一帶橫地靜

樓基座不染惟聞鐘磬數聲清

寄勉月桂

終日勞：策馬行忽思書屋在雙清環池碧

述職吟 卷上 六

水堪娛目繞砌名花窠適情曉月雞啼驚五

夜西風鶴唳伴三更官衙整肅書齋冷惟有

吟哦入耳聲

上達原從下學宏一家望爾振家聲日研翰

墨休生懈力讀詩書自有成得意文來神倍

暢會心到處理逾明良工不肯示人璫何事

勿：浪博名

將到都門作

揚鞭策馬紫雲邊

帝闕巍：在眼前萬里車書果四外千官劔

珮會中天

禁城雉堞明初日

御苑樓臺澹曉煙整頓衣冠稍志氣好趨

金殿祝

慈年

述職吟 卷上 十九

述職吟卷下

竹軒劉秉恬著

述職後敬書

三年述職得朝

天日、趨依

丹陛前敬仰

睿容司日月早知

帝德蘊淵泉

述職吟

卷下

絲綸衣、兼仁義制度班、數萬千自愧疎

庸無獻替欲酬

高厚意誠專

喜雀

翎毛多善種喜雀北先知吉事來相報好音

送不欺天心應有動物理豈容私欲考其祥

者聲聞在羽儀

冬日詣蓮池書院敬步

御製元韻用勉肄業諸生

節氣嚴寒冬至邊蓮池冰結未開蓮名符君

子北多士學勉諸生效昔賢數畝方塘來活

水幾重曲檻護淵泉眼前儘是無窮理莫負

寒窗學道年

過雨花庵用鮑雅堂韻

佛庵臨大道駐馬一杯茶座上塵初息庭前

日已斜地衝時引客僧熟便如家天女居天

述職吟

卷下

上誰曾見雨花

述職回任早行看初日

不住雞聲欲曉天星軫早發馬蹄還初昇旭

日紅於火旋起祥雲湧似蓮身被陽和

恩倍渥心承

霄漢意長拳舉頭即見誰云遠葵向殷

帝座前

豐樂鎮

豐樂得佳名河南第一程年豐符眾望民樂
洽羣情車轍通三楚馬蹄達北平所希頻歲
稔處慶時亨

途遇粵西瑞方伯夜話

向呼方伯是胖蒲切翁久別相逢體愈豐司
權河東名昔著宣藩嶺外治今隆關心長夜
三更轉共話離蹤兩地同聚首偶然分手疾
馬蹄明日各西東

述職吟

卷下

二

途遇楚南伊撫軍夜話

滇南觀察政多宜此日長沙建節旗晚達得
舒平日志連還實感

一人知伊公年將七旬於一年內由雲南也東道陞至湖南巡撫洞庭月
色明千里嶽麓書聲應四時述職南來欣路
遇話多不覺夜眠遲

渡河

黃流萬頃映朝暉一片金光接翠微兩岸新

堤彎似月中派小艇捷如飛櫓聲謳軋聽南
去帆影橫斜看北歸策馬急趨官渡口乘風
快濟莫相違

蠟梅

品格清幽亦是梅冷葩先發待春迴色分中
土黃金染香藉寒天白雪催磬口不言仍索
笑檀心無欲自成材百花未發輸梅放還讓
金蕾更早開

述職吟

卷下

四

述職回任臘月十一日途次拜發敬陳

感慕悃忱劄子詩以誌事

拜別

君門已兩旬寸心企慕莫由申千言敬泐陳
丹陛一騎遄征達

紫宸柳發龍池人送鵬星迴

鳳闈殿生春從來奉職無他技惟仗葵衷一
片真

寄題惠風堂茶花

塵世山茶非一種品題高出數滇中一枝占
盡人間艷千朵飛來鶴頂紅雪裡開花梅不
壑春前鬪色槿難同官衙此日堪吟賞滿樹
珠聯映惠風

宿襄城縣

曉行從石固薄暮到襄城人住千家滿水環
一帶縈坐間梅宛、窗外月盈、欲洗風塵

述職吟

卷下

五

色香茶一盞清

車鈴

車鈴茆店中不住響丁東每伴三更月長隨
五夜風聲非能遠大體自具虛空來日經行
處徐聽遠近同

裕州瞻拜漢光武廟

光武能將祖武繩平生功業艷人稱寇平河
北歸聲望兵戰昆陽任獨膺隴蜀幾成三鼎

勢東西統屬一家承南陽故廟千秋壯殿陛
森嚴級九層

迎春花

黃金滿樹色羸銀開與梅花作比隣香味清
佳雖少減天教早放為迎春

吳白華學士楚北視學差滿回京相遇

於途別後承以詩寄即少其韻奉荅
學士風流名久傳歸途裘馬看翩聯司文兩

述職吟

卷下

六

蜀移風化剝集三湘譜管弦白華曾為四川學使今衡文楚
北列有全集風兩相逢欣此日琴樽再會是何年

無邊別緒書難盡且把新詩勒短箋

南陽道中

南陽曉發向西行盡日依河似帶縈過午日
斜光射水金波閃、錦鮮明

經襄陽作

川原迢遞路絲、回到襄陽月兩圓進京時於十月

十七日到襄陽今回任漢水舟寒愁遠客峴

於十二月十七日過此山碑古想前賢菊花曾艷秋深日梅蕊初開

歲暮天指日經過三楚地新年頭上到黔滇

曉渡漢水

翠波泛泛帶金光兩岸晴嵐滿太陽舟渡中

流添好景漁人擊節唱滄浪

入楚境襄陽道上作

迢迢驛路任西東漢水旁流到處通雲樹依

述職吟

卷下

七

微千里外帆檣出沒片時中征塵不起因風

細花蕊纔舒喜日融豫楚封疆原咫尺地分

南北却難同

江行

櫓聲謳輒水中央帆影千竿帶夕陽江面一

望平似鏡中流穩坐賽康莊

入楚境後所見

屈指行程纔渡河襄江昨又泛舟過竹篷為

蓋人皆有板屋臨街日見多騎馬身軀無款
段撐舟手技自柔和民風到處原難一過客
何須一律科

詠帆

風正一帆懸堪行萬里船逆難憑水送順不
藉人牽影拂層煙裡竿斜落照前鳥飛時欲
後馬逐未能先蔽用非由我卷舒只信天不
愁江漢遠來往自翻

述職吟

卷下

八

自麗陽驛行次荆門州途中口占

兩邊蘿薜路中間迴繞峰巒又一彎嶺樹濛

濛雲霧裡前途尚隔幾重山

荆門州

入境襄江限一線過江以後路絲延忽逢疊
障高而遠用作荆門守可堅三楚昔時多戰
壘兩湖今日盡耕田所希歲歲長豐稔閭里
咸歌大有年

過荆門州姚中丞邀飲

縣：驛寄信雖頻不似相逢可得真七十精神看愈健積年吏治本多純武昌城外千邨兩黃鶴樓前四野春今在荆門重會晤把杯酒舊荷情親

詠鵝

禽類多家畜稱名一曰鵝色黃初出卵羽白久離窠每在池邊戲時從月下過黃庭經一

述職吟

卷下

九

卷不換奈如何

癸卯冬余進京

陸見兩湖舒制軍來簡約於赴荆州閱兵時

藉圖一晤迨余至荆州公以監臨武

闡鄉試尚在武昌及余出京道出楚

省公又先奉

命兼權湖南撫蒙遠駐長沙相晤之期更難

必矣迺余昨行次建陽驛而公適以

公事自長沙前赴楚北之荆門州旅

館把晤坐談半夜而別於此見知交

相遇總有一定緣分從來詩家因別

離而興歧望之思形為詩句每落故

套殊覺可不必也因賦長律一首誌

事

旌旗聞說駐長沙六詔言旋道里賒只道相

逢真不易誰知途遇竟無差金蘭交契情長

述職吟

卷下

十

切藥石言規語戒誇海內惟愁知己少何愁

知己遠天涯

臘月渡荆江

臘月江深氣倍寒征裘重著莫教單一帆高

挂隨風順十里平過過浪安且喜乘槎江已

渡莫愁對景歲云殘好惟馬上過午節村市

喧聞處看

祀竈

寒、臘鼓鬧邨鄰節應交年祭祀頻司命在天非可醉敬神自我是惟寅千聲爆竹音仍舊幾朵梅花色煥新酒果畢陳虔禮拜竈頭又是一年春

過江後見紅梅作

幾樹紅梅肇歲芳臘脂初放在江鄉花疑是杏姿偏韻色不殊挑味獨香盡客調丹塗嫩蕊佳人勻赤艷新妝梅花本是江南客從此

述職吟

卷下

十一

臘雪

連日寒光生積雪今朝雪勢看翩：楊花不落春風後柳絮爭飛臘月前玉壘尚遮千里霧珠塵已滿萬家田

天心仁愛恩施普應卜來年大有年

途遇湖北馮廉使作
自出京華各一天南轅北轍不相連官道把

晤原難必岐路欣逢是偶然官職已看還舊物精神稍覺遜當年臨行懇：無他語調養身軀實所先

武陵形勝

武陵名勝跨諸州山勢川形闊復脩四路會歸居楚要衆河湊泊入江流往來驛路多乘馬南北行人亦泛舟更有一篇佳記載桃源即在郡西頭

述職吟

卷下

十一

途中度歲作

回首京華路幾千簡書奉命且南旋適逢馬上度新歲走看人家過好年旂彩高懸光照耀春聯滿貼紙鮮妍燈花買去懽兒女酒果携回祭祖先鼓吹響闌豐市裡管弦聲落盡樓前梅花昨見開江上爆竹時聽聞耳邊旅次方愁多窮蹙行程豈意日喧闐心惟

帝關拳：在未得隨班拜舞

歲暮行次武陵駐試院內李軍門設席

詩以致謝

本是衡文地暫停秉節人往來均駐馬信宿
可容身音奏簾前樂梅開坐上春軍門情款
款杯酒一為陳

陳市渡

渡頭隊市口喧鬧勝城闔兩岸人煙密一河

述職吟

卷下

十一

舟楫頻花魚陳夾道鹽米積連塵陳市為米糧聚集之所

近得賢能宰風光更一新

桃源洞

只因昔有桃源記此日桃源古蹟留未識記
中描寫處明：如繪又何由

鄭家驛度歲即事

朝發桃源欲曉天鄭家驛舍晚停鞭行程問
渡連三次節序重週又一年八上梅花香滿

座門前爆竹響如泉却欣旅館過新歲得讀
詩文幾百篇

癸卯除夕

嚴冬寒漸退景物換非芳今夜愁更促來春
喜日長甲辰年閏三月松盆先送暖樹酒待傳香轉
瞬雞鳴後朝天戴旭光

歲序周將始支干迨轉宮今宵辭臘月明日
被春風凍解池舒綠梅開壁映紅許多如願

述職吟

卷下

十二

事應在甲年中

甲辰元旦

隆：旭日啓三陽花甲週旬氣運昌四季今
朝開歲首新年閏月喜春長今年閏三月青龍主
令人多吉春為青龍今年甲辰屬龍丹鳳朝

天關獻祥北望長安遙拜跪南山祝

壽慶無疆

生春詩八首

梅

何處生春早春生梅蕊中一枝邀臘雪幾朵
綻和風不聽開江上還宜置閣東無邊春色
好梅信早為通

柳

何處生春早春生嫩柳中淺金搖旭影弱翠
泛晴空晉細姿偏媚眉彎盡欲同龍池新兩
後一望鬱葱

述職吟

卷下

五

草

何處生春早春生芳草中葉雖霜易翦芒却
土難蒙已見青如線旋看碧集叢王孫歸不
遠芳草路相通

竹

何處生春早春生綠竹中雷鳴驚稚子龍起
設孫童翠色和微露嫩叢惹惠風平安書欲
報心與此君同

山

何處生春早春生山色中間紅初日襯淺綠
曉煙籠樹暖鶯環繞雪消路曲通靜觀多態
度畫客畫難同

水

何處生春早春生碧水中池塘看綠泛河畔
聽冰融魚戲隨波去舟行到處通野航多露
宿是不畏春風

述職吟

卷下

六

臺閣

何處生春早春生畫閣中和風來檻外旭日
照樓東爆竹臨簷響梅花入笛通寒從高處
散春意自融

行館

何處生春早春生旅館中陽和先客至慶賞
與人同晚宿每離火朝行不畏風津途經萬
里屋澤感

恩隆

春帖子

元宵先一日便是立春
天燈月添春色
征人不欲眠

青龍主吉祥
恰值歲當陽
預卜交春後
綿福祿昌

春光隨處好
家好是江南
鑿路經過地
風和雨亦甘

述職吟

卷下

七

鞦韆

梨花院落前
結伴戲鞦韆
纔見帚拖地
旋看鬢撥天
飛花相澹蕩
舞蝶效便娟
春思知無盡
聊憑一線牽

鞦韆架插天
遊戲彩雲邊
真飛燕飄
是羽仙嬌能
憑力起弱不
藉風旋一幅
嫦娥畫遙後
碧漢懸

辰州道上

盤旋道不窮
盡日在山中
幾訝層巒障
翻從驛路通
每過流水峽
時謁伏波宮
此方為新息征武陵建伏波宮
遙望橫雲外
高峯插碧空

春雨

春初宣愷澤
遍地雨如膏
青翠環遙野
松杉潤遠皋
只期豐歲食
那慮濕征袍
欲記新年瑞
詩成寫紫毫

沅州道上

述職吟

卷下

六

青山依綠澤
石砌路斜長
馬足煙雲裏
鞭絲水竹旁
雨過添嶺翠
風起看帆揚
行盡沅州道
黔途便接疆

甲辰人日

滇南異北路
絲人日初逢
在客邊山色
送迎同度歲
河聲泮渙識
新年花開尚
待春歸後
人至何妨鴈
落前獨是拳
今古事未能
此日亦朝

天

駐玉屏縣

細雨霏、柳色青
晃州行館暫鞭停
今宵匹馬歸何處
萬壑千山擁玉屏

玉屏縣遇雪

玉屏縣治麗黔中
名實由來未必同
一夜花飛工染色
天然一座玉屏風

先慈忌日作

述職吟

卷下

九

憶先輓粟西川去
拜別萱堂歲在壬寅
省自慙遊子意門閭
望切老親心春暉未報

悲難已

天語

馳回感實深
子於壬辰夏赴西川督餉已亥春特領諭旨令恬馳驛回京

劇念子甚切
奉侍體恤甚為周至至今言之感切於心

忽、光陰今六度
興懷風木淚如霖

雪後過飛雲洞

霽後山門氣象明
到來分付駐前旌
四山積

雪暉如玉滿洞飛
雲訝、八瓊嶺樹紛、
花遍發巖泉滾、水逾
盈陞階禮佛中
虔意一炷清香磬幾聲

甲辰立春

歲序先期已屬辰
試燈時節恰逢春
星橋火樹通宵燦
彩燕青幡一色新
雪後遍山猶種玉
風來拂地不揚塵
今年閏月春光久
惟願長春駐

述職吟

卷下

十

紫宸

元宵

重門今夕啓夜半
抵黔城偶爾逢佳節
悠然有逸情座前樽
酒泛窗外幾燈明
猶覺饒餘興吟詩到
五更

燈詞六首

雪晴恰是試燈天
月色燈光雪色連
燈月交輝人意爽
更欣瑞雪兆豐年

輝人意爽更欣瑞
雪兆豐年

桃李待時纔吐華家、爭看火中花休相競

逐愁春盡閨月今年春正吟

遶街火樹放銀花到處遊人馬擁車今夜遊

春人不厭未知春思在誰家

重門不閉聽人遊碧樹雞啼尚未休南陌東

隣遊已遍更思携酒上高樓

一聲長笛盡樓前人倚雕欄看月圓正是春

初梅放日花香遙向笛中傳

述職吟

卷下

五

上苑元宵故例循燈歌煙火宴羣臣今當

玉輅時巡日到處光輝及萬民

元夕後一日李中丞暨孫方伯張廉訪

范戴兩觀察招飲於夢草池看燈席

間口占七律一首用紀

昇平之盛事兼述寅好之雅懷

數畝激潭澈底清燈光四射水盈、銀花疑

自空中發火樹還看鏡裏明雪後偏宜增月

色池邊好是聽歌聲更欣竹馬兒童戲錦宇
當筵擺太平

十七日自貴陽早發接家信喜而有作

班馬連嘶大道東雞聲隱、度微風思歸客

起天將曉寄信人來日漸紅芳草遙傳千里

外離情盡在寸函中明知日、行程近却喜

頻、尺素通

過安順府

述職吟

卷下

五

黔境道紆盤西來漸、寬山開三面閣城遠

萬家攢路要人難越兵多勢不單

安順為提督駐劄之所設有重兵

苗夷歸控制誰不順而安

滇南勝境

羣山萬壑自東來忽到滇南勝境開萬里川

途車騎併百年教育漢夷培民風到處無澆

習士類頻年識美材述職初回重莅任念茲

民隱益欽哉

喜晴

兩雪日霏，新晴見翠微。日升重霧散，風逐
豐雲飛。春色明遙野，陽光麗四圍。更逢前路
坦，安吉喜言歸。

過清溪洞

一渠春水碧潺湲，巖洞深幽別有天。內有老
僧依佛座，年過八十健如仙。

寄石蘭老人

述職吟

卷下

五

別來頻朔望，忽又新年歲月真。如駛春華
去，復還高懷須自適。俗累莫相牽，若問佳兒
媳，童孫藉以全。

過馬龍州春草園

野隣官舍停驂是，偶然小橋流水曲。晴樹
早花鮮，草色環窗外。春光在目前，琴堂勞治
理，恐負此林泉。

板橋途次口占

麥田春樹遠連天，山色湖光在眼前。萬里重
來宣

帝澤愧無治術對全滇

記所見經過官民情

滇南異北路，絲長六省經。臨志入望到，慶問
閣知法度相逢守，令有循良
恩施四外山，河水化洽寰中景物昌。
風親且近吟詩題奉各封疆

述職吟

卷下

五



公餘集

公餘集序

余於癸卯冬展

覲趨

朝始有述職吟之刻維時脩途
往復物阜民康於以導揚澍氣
聊備採風非故以韻語擅勝騷

公餘集

序

壇欲與諸學士文人摛華揆藻
故其辭質而少文其義顯而畢
達凡以狀真景道真情一率吾
真而止而工拙所不計焉閱歲
抵任滇中清釐煩劇輒於茲事
稍輟筆迨公務徐理每當退

食之暇從容俛仰此中勃焉欲發固猶似年時星軺載道興之所到筆亦隨之初不以時地殊也忽々市歲得詩如干首率亦不務冥搜雖其中文禽花果間涉刻意寫生幾類雕蟲鏤鵠然

公餘集

序

二

時行物生綽有天趣於此規造化即於此驗民功固亦察政者所必及又以兒輩讀書塾課試以經藝兼事帖括其尚有未愜余意者拈八韻示之間於史事中或另有見解亦每假吟詠以

為論斷非敢竟效古人之吟史諸什也若迺會逢朝儀率屬祀典明虔歌景運之隆平慎肅將於裸獻動有發於不自禁者他如凭高以占雲物適野以卜農祥周密隄防區畫機要即偶

公餘集

序

三

爾遊觀小憩暫拭塵襟懽言杯杓亦嘗以陶寫者寓諸篇什焉顧余自念生平方束髮受書即性耽靜賞今歷官三十年每值公餘雅有靜觀自得之趣近年來幾以此為日課竊謂是有真

意裨益身心則假此以涵養天和坐娛清晏神明內其孰從而憧擾之也若夫揚風乾雅錯彩鏤金自有作者在然則余始終未敢以詩自詡第知余者欲叩余之所好固在此不在彼已爰

公餘集

序

四

哀擇所存付之剞劂嗣有所作將次第屬梓焉因並系以時日乾隆乙巳孟冬月竹軒劉秉恬書於滇南官署

公餘集目錄

卷一 詩七十四首

述職回任登海山閣口占

新正廿八日方厓制府設筵招飲兼陳

上元燈戲既昭太平盛事更徵寅好

雅懷偶成小什用誌弗諼

題四友軒

黑龍潭梅花

公餘集

目錄

春祭 天后宮遇雨

雨後

祭 龍神祠

賦得雲霞出海曙

定軒學使以詩見贈賦此荅謝

春月

題王穀祥脩竹長春圖

桃花

粉紅牡丹

閱舊日詩篇作

賦得輕燕受風斜

春田待澤三月朔日

龍神祠拈香默

禱

習射

行耕耜禮作

賦得綠楊三月時

公餘集

目錄

二

紙寫

生女杏官喜賦

賦得朱櫻春熟

偕費方伯暨廉使觀察諸君集方厓制

府署議讞案議定歸方伯處創稿維

時方厓制府邀諸同人習射並設筵

演劇洽歡即席賦以誌事

杜鵑

賦得照水百花然

清和日望雨

連日望雨忽而雪交加天氣頗寒

焉恐傷民間麥豆因賦此自責而申

默禱之誠

春日雨雪交加氣候頗寒惟恐有碍民

田竟夜愁不能寐朝來忽逢晴霽陽

和滿天遍看郊外麥豆不惟毫無損

公餘集

目錄

二

傷且得滋潤之益詩以誌感

春日家宴即席成詠用勉兒輩

賦得好鳥鳴高枝

獨宿

出郭閱郊外春苗於迎 恩堂坐茶

習靜

賦得為麥祈實

賦得紅藥當階翻

暮春費方伯許使水場特揚四觀察
相邀借方厓制府詣近華浦小集即

席二首

而後登海山閣

金銀花

繡毬

賦得花含宿潤開

承華園閱兵作

公餘集

目錄

四

賦得春晚綠野秀

荔支

晚登海山閣

賦得玉韞山含輝

賦得帶經而鋤

雨餘

四月八日

夜坐

賦得摘藻為春

園亭即日用韓魏公後園間步元韻

偶冒輕寒避風獨坐無事因將五華書

院月課四書題燈下手揮一篇時方

申正至戌初真草俱就雖文之工拙

不暇計及然一時興會之來適足以

却病緣賦五律一章誌事

五十初度

公餘集

目錄

五

五月朔日登樓見秧禾栽插齊全詩以

誌喜

登樓見日色滿窗作

端陽日作

夏日郊外馬上口占

出南郭送友北上歸途繞進北城過商

山寺坐茶商山寺在

賦得梅雨灑芳田

會城內北面有池塘一區方圍數十畝
源泉活水志名九龍池俗乎為菜海
居民於塘內栽植荷花夏間開時盛
甚撫署海山閣近臨其南公餘登眺
豔色奪目清香襲人意迴超然塵俗
之外幾忘其地在城市焉因賦長句
一篇

射圃

公餘集

目錄

六

九龍池觀荷

兩中海山閣矚目

五月下旬以來陰雨連日恐傷禾稼故

賦長律一章申禱

六月三日偕方厓制府往盤龍江閱隄

有作

夜雨不寐默禱晴明

敬詣

城隍廟祈晴

祈晴得晴詩以誌感

詠半輪明月

月

五月上旬雨水稍多自六月初九日得

晴至十五日復雨向晚即晴喜而有

作

月夜登樓

公餘集

目錄

七

卷二 詩五十七首

早秋

新秋富制軍見招同曹學使宴集香雪

齋

送蔣牧運銅之京

偕方厓制府及藩臬諸君出郊勸農泛

舟至雄川閣歸途遇雨作

新秋海山閣矚目

雨晴

七夕

宿雨新晴同人集費方伯柏香堂

四友軒偶題

新秋登海山閣

松女十七歲生日口占

賦得秋香動桂林

秋日早起

公餘集

目錄

八

夜聞雷雨作勢旋即開霽因賦

燈花

秋祀

關帝敬書

秋祀

至聖先師敬書

射圃新植菊花

校射見新月

秋祀

山川壇敬書

秋祀

天后宮

月夜

聖壽日五華山齋集恭紀二首

賦得山明桂花發

中秋後一日步月

公餘集

目錄

九

秋日邀富制軍曹學使讌集即和學使

韻

桂杏並發

禾已成熟連日陰雨農民不得收穫因

與方厓制軍祈晴敬賦五律一章致

禱

燈下詠桂

九日登太華山歸程舟泊近華浦小集

二首

早起

壽方厓制府

詠閣中燈下盆菊

賦得三冬足文史

月

送富制軍述職北上二首

秋穫後市月晴明十月十二日出郊細

公餘集

目錄

十

雨霏見春苗青葱遍野

十月十五日登樓望晚霞

賦得珊瑚架筆

冬日郊行閱金汁河壩工

長至日五華山齋集

早梅

冬日同人集司嵯楊觀察清惠堂即席

成什

臘月朔雪邀同人小集

夜靜聞鶴鳴

閱河事竣取道看黑龍潭梅花

臘月十日黑龍潭觀梅用楊觀察韻

黑龍潭觀梅月夜回署

臘月十五日敬詣

神廟拈香默禱

壽筠浦方伯

公餘集

目錄

十

立春前二日安瀾亭雅集

安瀾亭即事仍用前韻

乙巳立春

除夕

卷三 詩七十三首

乙巳元旦五華山齋集恭賦二首

元旦四友軒偶書

新春五日登海山閣

新正六日惠風堂小集詩以相勉

乙巳人日

詠庭前手植杏花二首

詠桃花二首

銅瓦寺

乾隆五十年上元前一日奉到

御書福字並妳餅果乾恭紀

滇省金汁河之韓冕閘原為洩水而設

公餘集

目錄

三

惟閘板隨時啓閉專藉人力一遇水發啓板不及勢甚易於沖坍因測水之淺深改建石壩俾水平之時蓄水得以溉田遇水長之候從壩口洩入江流藉以分勢既免啓閉之煩益資瀦洩之力壩工將成於正月十四日親往閱看爰賦長句一首紀事

上元前一日閱壩工後太和宮小集夜

間觀燈火二首

上元旌陽觀讌集觀燈火率成四什

元夕觀燈旋署覽民庶之盛因思春田

需澤詩以默禱二首

早起位置盆桃

登樓

深紅桃花

春祀

公餘集

目錄

關帝

寄富制軍

春祀

文廟

春祀

山川

社稷壇

築花

燈隱

鶴女生日

久晴得雨望雨霑足作

喜雨

月夜聽琴

月夜閒話

春日雨後閣望

春夜

公餘集

目錄

高

杏女周歲

春祀

天后宮

春日詣北教場閱兵

承華圃閱兵事竣詣郊外履看春田

春祀

龍神祠

寒食

清明

又

謝人送櫻桃

繡毬

行耕耨禮

耨田即事

聽琴

芍藥

公餘集

目錄

注

金銀花

向傳三月三日為上巳余謂既曰上巳

自當以三月初逢之巳日為是概以

三日為上巳者非也本年三月初八

係丁巳日因作此以辨其謬

雨

月夜聯句

海山閣閒坐

春日出郭請

望安恭紀

出郊迎

詔恭賦

登樓觀春麥將熟

四月朔日

優曇花

雨後登樓晚眺

公餘集

目錄

賦得烹茶鶴避煙 得清字

月

樹間月

即事

四月望日作

清和望後風雨調和農人處，乘時插

秧而日來官事亦復少簡適有歌者

自稱長於烹調因命治肴饌數種延

暮中諸君小集詩以誌事

夜

定軒學使邀集值雨

觀栽禾即為祈年

乙巳初度

鸚鵡

卷四 詩八十四首

五月朔日

公餘集

目錄

簡楚南陸撫軍二首

贈蔣雲隈水部二首

端陽

賦得榴花照眼明 得紅字

桑椹

玻璃燈

時將夏至雨未充足栽秧僅及一半農

田望澤孔殷敬詣

神前虔禱

自鳴鐘

表

賦得夏雲多奇峰 得峯字

梔子花

日來禱雨未應自責以祈

神佑

玫瑰花

公餘集

目錄

六

珠蘭

噴壺

挂瓶

結壇誦大雲輪請雨經誌事

玉琢玉蘭花

送費方伯告養回浙二首

奉到端陽節

恩賜紫金諸色丹紋恭紀

九龍池荷花

小樹高纔及尺上垂紅果十餘枚力薄

蜂重因賦

余於壬辰歲奉

命往四川軍營督理糧餼迨軍務告歲仍留

成都稽核軍需奏銷至己亥春始回

京師計在川省凡八年每於公暇輒

取古文蘇詩按次吟誦以遣旅懷時

目錄

七

值池荷盛開偶將花瓣夾入書內以

誌讀到之處今夏復理舊業見書內

花瓣如故撫今追昔因賦長句一首

誌事

夜來香

核桃

詠如意

玻璃窗

孔雀

曉發會垣

碧雞關

馬上

安寧州

雨渡螳川

觀插禾者

秋禾遍插雨已充足作

公餘集

目錄

五

途中遇雨

祿豐縣

題大慈寺心印堂

廣通縣

楚雄城外有龍川河逼近城下每遇水

發難免沖刷之虞乾隆壬寅夏六月

來此履勘被水田畝相度地形於城

北數里外將河身展拓越二年乙巳

有司以工竣告復親到楚雄收工

龍川收工後思及善後事宜因詩以勗

龔太守張明府

定遠途中

題定遠縣署園池示郭令

黑鹽井於壬寅夏被水沖沒維時親來

履勘當即疏請興修乙巳夏來井收

工撫今追昔深為慶慰云

公餘集

目錄

五

自楚雄回省途中作

夏日途次口占

歸途過心印堂值桂花盛開

雨後

螳川溫泉

小松

回會垣作

賦得秋露如珠得圓字

雨夜鳴鶴

晚晴

勸農事竣安瀾亭小集

桃實

七夕

登樓

集益齋

雨後

公餘集

目錄

五

紫薇花

賦得升嶽浮海 得經字

雨後郊行

夜雨見月

過九龍池

賦得桂林一枝 得香字

秋日讌集新任蒼亭方伯署內是日考

核庫儲

射圃

雨

秋祀

山川壇

郊行見秋禾遍野作

秋祀

關帝

和鄂西林相國巡視錢局登寶雲亭賞

公餘集

目錄

五

荷原韻二首

和尹望山相國巡視錢局登寶雲亭觀

荷原韻四首

賦得玉露團清影 得清字

秋祀

文廟

卷五 詩八十九首

八月十三

聖壽日五華山齊集恭紀二首

中秋即事

祈晴

秋祀

天后

賦得門聽浙江潮 得門字

秋日登太華寺四首

晴

公餘集

目錄

五

丹桂飄香即席賦贈定軒學使

九月朔日

壽方厓制府二首

秋日登樓晚眺

賦得初日照露盤 得盈字

寄曹竹虛二首

題五華待漏圖二首

九月五日赴譚蒼亭方伯壽筵即席成

什

九日閱河後詣太和宮登高即席二首

九日登高歸途口占

重陽家宴海山閣二首

偶題

菊山

菊屏

承華圃校武後至寶雲亭小集

公餘集

目錄

五

百步穿楊

佛手

寄粵西孫春臺撫軍

讀左史

晴

喜晴

晉文公

題晉楚邲之戰

賦得開林見遠山 何山字

奉到

恩賜鹿肉恭紀

冬日新植桃杏適逢雨澤

題城濼之戰

十一月朔日

簡賀粵東孫補山撫軍新

賜花翎

公餘集

目錄

五

題莫教以師盟錄

冬日樓望

送鶴於太華山寺

恭和

御製趙孟頫汀草文鴛圖元韻

月

冬日同人小集司鮓楊觀察署中是日

稽核庫貯

題晏子辭宅

十一月十五日

十一月十七日內子生辰作

長至日五華山齋集恭紀二首

長至日家祀

韻語擷華題句 并引

題旭亭廡使小照四首

十二月朔日二首

公餘集

目錄

五

惠風堂茶花初開二朵偶題

乙巳嘉平偕方厓制府闕省城六營士

卒

惠風堂梅花

海山閣手植梅花再開二首

詠紅梅用石蘭老人原韻二首

題譚蒼亭方伯臨池小照二首

題蒼亭彈琴聽琴小照二首

白玉子兒

宜良縣學宮向北非制也闔邑紳士請

移建朝南詩以誌事

聞黑龍潭梅花盛開未能即往因遣卒

馳馬到被折取一枝持回以供案頭

清賞亦一時韻事也為賦長句一首

見市上進城米數及七十石喜而有作

封印後一日詣黑龍潭賞梅即呈方厓

公餘集

目錄

天

制府四首

題秦穆公用孟明事

賦得金在鎔得成字

市上有賣杏花者買回一枝偶題

王丹卷書案陳生燕一肩戲作

玻璃窗看花

除夕

公餘集卷一

迷職回任登海山閣口占

萬里歸來偶上樓山川雲物望中收身依南

斗心依北猶似長安道上游

新正廿八日方厓制府設筵招飲兼陳

上元燈戲既昭太平盛事更徵寅好

雅懷偶成小什用誌弗諼

雅懷偶成小什用誌弗諼

公餘集

卷一

一

節後春光麗花燈色尚鮮清歌邀落日妙舞

倚華筵別久情逾摯杯多意更虔眼前陳襟

技却是慶豐年

題四友軒

粉壁三間四友軒晦明風雨此周旋半林翠

竹邀明月百尺青松接碧天柏葉長生階砌

下梅花笑放屋簷前此呼為友真堪友我與

論交已幾年



黑龍潭梅花

潭上雙梅大似困不知經歷幾千春
胭脂滿樹長留豔蒼翠為苔不染塵
疏影橫斜疑鶴舞老根盤錯作龍鱗
看花歲、人多少未及花曾遍見人

春祭 天后宮遇雨

整衣早出城祭典秉虔誠特舉三春祀
永安四海清殿庭邊徽肅封勅

公餘集

卷一

二

帝恩榮

久膺封勅今特晉天后

歸路如膏雨 神靈

荅下情

雨後

午後陰雲片、飛雨過星月倍光輝
五風十雨天恩渥應卜今年稻穀肥

祭 龍神祠

碧水澄潭廟宇隣水精宮殿奉 龍神每逢
蠲吉虔誠拜為祝終年雨露勻霽、爐煙香

不斷青、池草色長春官僚及早求趨事禮
節森嚴俎豆新

賦得雲霞出海曙 得升引

旭日初離海雲霞擁日升乍看形若舉旋見
勢如蒸玉葉光分素綾紋彩疊層縈迴浮碧
水宛轉逼高陵夜氣纔全退陽和已漸凝學
吟歌古調才薄恐難勝

定軒學使以詩見贈賦此荅謝

公餘集

卷一

三

翰林家世舊學使

主恩新萬里來敷化三迤待示津故鄉聯戚
好邊地薦同寅忽報瓊瑤賜吟生字、春

春月

滇南春夜好月色倍分明風定塵初息 滇南三春
日間多風至夜方息更深氣愈清冰輪林際挂皓彩水

邊縈間少階除上輝、遶砌迎

題王穀祥脩竹長春圖

畫家工著色淺綠間深紅四季春長駐琅玕翠不窮

脩竹年々碧長春日々紅寫生傳妙手一幅掛牆東

桃花

二月春光正及時天桃著色醉枝々縱觀滿樹紅於火茂對前林豔若脂不與梅花同結伴偏尋楊柳作相知更欣造物添滋潤淡蕩

公餘集

卷一

四

和風細雨絲

粉紅牡丹

何須魏紫與姚黃傳粉微紅淡且芳玉女臨風看半醉佳人對鏡整新妝數苞雅豔宜初月一種清香送晚涼二月風和春畫水花開爛漫正當陽

閱舊日詩篇作

偶閒尋往事檢點閱詩篇紙色黃因舊筆痕

墨尚鮮因循愁此日策勵愧當年展卷無窮意頻看日影遷

賦得輕燕受風斜

何處呢喃語春風送燕斜輕身翻碧落側影照晴紗高下隨芳蝶差池掠砌花不依王謝宅偏喜向詩家

春田待澤三月朔日

龍神祠拈香默

禱

公餘集

卷一

五

月朔崇隆殿宇開虔誠默禱渥恩培祈年念切

天應鑒望澤心殷意若催雲氣豈隨涼氣散鴉聲當逐雨聲來爭愁市賣糧駸長一雨羣情可轉回

習射

隙地寬平處修除作射場臨階多翠竹夾道有垂楊矢直須心正弓開識力強文官兼武

備得暇莫相忘

行耕耨禮作

扶犁循古制耕耨重農祥擇吉欣逢亥驅牛
意得良先勞勤勿懈籽種布成行致力雖云
暫躬行歲：長

賦得綠楊三月時 得滋字

一望青無際依：正及時纔過挑菜節恰值
握蘭期日暖條偏弱天晴翠更宜不隨紅片

公餘集

卷一

六

片長見碧絲：拂處堪籠馬飄來欲上眉風
過飛閣苑月出映龍池作伴偕桃葉同行是
柳枝欲添新潤色甘雨喜含滋

紙鳶

畫紙飛鳶肖飄：放半空綠人高位置乘氣
判西東望入雲霄裏還歸掌握中雙肱須著
力一線繫無窮所畏絲：雨惟宜陣：風迴
翔欺舞蝶摇曳伴飛鴻爆挂千聲響燈懸幾

盞紅懸燈掛爆各以機遞引而上向夜聲清
明佳節至處：戲兒童

生女杏官喜賦

閣中饒秀氣毓女似佳兒設悅先為兆懸弧
自有期聲音清且亮骨格雅相宜預卜成人
後幽閒繼母儀

賦得朱櫻春熟 得新字

應候朱櫻熟風光正暮春輝：迎日燦顯：

公餘集

卷一

七

綴珠勻色豔紅於火形圓淨絕塵經傳羞寢
廟句詠賜羣臣不藉熏蒸力長沾雨露新滇
中多蜀果此味亦宜人

偕費方伯暨廡使觀察諸君集方厓制

府署議讞案議定歸方伯處創稿維

時方厓制府邀諸同人習射並設筵

演劇洽歡即席賦以誌事

公餘勤射事雅座聽清歌曲奏聲惟協杯傳

飲覺多主情能若此客意待如何舉筆休偏
綴絲毫按律科

杜鵑

桃李芳菲後鵑花色寂紅嬌顏迎旭日醉態
倚春風遠樹臙脂滿依枝蛺蝶叢杜鵑花開時甚

蝶似憑欄閱品第豔麗有誰同

賦得照水百花然得鮮字

水綠玻璃透花明錦繡鮮高低相掩映上下

公餘集

卷一

共嬋娟烏向池邊度魚疑樹杪穿風來花舞
鏡月上水涵天既徹清虛理何愁朗照偏明
良歌喜起好句至今傳

清明日望雨

清明鑽火節榆柳起新煙弄日鶯聲轉貪晴
蝶翅聯惟聞風入耳不見雨霑田麥豆需滋
潤垂憐禱

上天

連日望雨忽雨雪六八加天氣頗寒惴惴

焉恐傷民間麥三因賦此自責而中

默禱之誠

殷、望兩沛雪霰自何來人事如無失

天心自可回斯民良苦矣大吏益欽哉過實

歸官府垂憐歲莫灾

春日雨雪交加氣候頗寒惟恐有碍民

田竟夜愁不能寐朝來忽逢晴霽陽

公餘集

卷一

九

和滿天遍看郊外麥豆不惟毫無損

傷且得滋潤之益詩以誌感

雨雪忽翩、愁生不欲眠只希凝素薄那幸

太陽宣暖意盈春樹和光遍野田青惹舒眼

處領手感

仁天

春日家宴即席成詠用勉兒輩

綠楊三月節天氣正融和座上傳杯酒庭前

奏雅歌全家依

賜福

庭中懸
欽賜福字

額手祝

三多勗爾兒童輩前程勉自科

賦得好鳥鳴高枝得鳴字

高枝叢茂樹好鳥及時鳴足踏崇林穩音流
下界清悠揚如弄笛宛轉似吹笙葉密藏柔
羽風和送遠聲雙柑堪引興斗酒更怡情入
耳心同逸何愁俗慮生

公餘集

卷一

十

獨宿

漏轉春宵永匡床喜獨眠花香傳幕外月色
到窗前把酒微醺後吟詩欲睡先朝來仍獨
起趨事意乾

出郭閱郊外春苗於迎 恩堂坐茶

到山邊策馬清風度尋河細柳眠沙平雙岸
拱湍急小橋穿坐飲迎

恩地歸看欲雨天所希無別事額手祝豐年

習靜

禽魚花木自悠悠坐對忘言靜裡求此際澄
心如止水休將片石漫相投

賦得為麥祈實得豐字

二麥三春秀猶期顆粒充隨時昭祀典擇吉
薦祇宮繫念惟民食闕情是歲豐一犁新雨
足千畝翠煙籠問野珠璣滿登場比櫛崇為

公餘集

卷一

十一

因祈禱切默々感相通

賦得紅藥當階翻得紅字

直省三春暖瓊葩遠砌叢艷姿迎旭日秀色
泛微風寄迹仙廬內榦材紫禁中參差看俯
仰偏反任西東香竊瑤臺秘光分上苑紅花
開欣得地金帶屬三公

暮春費方伯許廉使永楊特楊四觀察
相邀偕方厓制府詣近華浦小集即

席二首

雨後陰、絕點埃輕舟一棹御風來層山倒
影連天碧曲榭環窗向浦開為赴高情觀奏

樂緣商民事緩斟盃春雨雖已普遍現值青
黃未接之時民食惟艱

公議各捐廉俸施
粥一月以資接濟今朝雨勢真濃普萬頃春

田得厚培

澄波碧水與山連徒倚亭臺別有天雲樹遙
看昆浦外城闈近在太華前日斜落照烘嵐

公餘集

卷一

十三

翠雨後晴光帶晚煙歸路潮平官舫穩笙歌
燈火纜徐牽

雨後登海山閣

細雨霏、後登臨縱目觀山開三面翠海現
一樓寬閣後為九龍池
居民謂之菜海雲氣天邊散禽聲檻

外攢平時無限意却在偶憑欄

金銀花

的皪黃金間白銀清香暗嚴却非真千葩本

是同根發一架平分兩色勻蘭蕙差堪相結
伴薔薇幾訝是前身還欣細雨初晴後折貯
甃盤氣味新

繡毬

節近清和候花毬綴樹蠲層、如玉碎粒、
似珠聯不是針能刺誰云綫可穿化工傳妙
手惟有此花圓

賦得花含宿潤開得催字

公餘集

卷一

十三

宿雨連宵潤名花接地開薔薇垂滿架芍藥
上高臺本是隨時放還如有物催流光緣積
厚外美識中培燦爛迎紅旭鮮妍繞翠苔君
臣同宴賞賡和盡良才

承華園閱兵作

輕寒輕暖暮春天都肆殷、旦日連五矢弓
開明月滿三鎗響發皎星遒考演弁兵定例
每人弓開五矢
三響旌旗接舞魚龍躍陣伍平鋪壁壘堅更

喜宵來新雨後馬蹄騰踏絕塵煙

賦得春晚綠野秀得時字

桃李成蹊後蕙、翠欲彌遠山橫黛色高樹
挂青絲節近清和候人過祓穡時園林春冉
冉水竹綠猗、樂事還須有尋芳也未遲當
前饒美景早入謝家詩

荔支

丹荔生閩海滇南味亦嘉中含凝白玉外見

公餘集

卷一

五

護瓊紗剖殼香饒鼻嘗甘美在牙遙思攀折
處碧樹滿紅霞

晚登海山閣

薄暮登樓舒遠目青山連水、連天忽聽檻
外呢喃語燕子爭棲鬧耳邊

賦得王韞山含輝得含字

崑山崑美玉寶氣自中含瑞彩凌銀漢光芒
射翠嵐琳琅文未著琬琰迹深涵望去容相

識尋來豈易探圭璋生不偶廊廟任非慙抱
璞終逢價憑將至理參

賦得帶經而鋤得勤字

丈夫多遠志挾帙事耕耘手足勞無懈吟哦
業正勤潛蹤猶白屋屬意在青雲論士原無
愧觀農却未分一犁新雨足三篋舊編芬內
史安貧日超然已不羣

雨餘

公餘集

卷一

五

積雨初晴後園林草樹鮮鶯聲鳴噫、鶴翅
舞翩、碧沼開晨霧青山淡夕煙尤欣舒遠
目瑞麥萬畦連

四月八日

節屆清和候相傳浴佛晨本來無點垢何用
洗纖塵古寺晴煙靄前林綠樹勻試看城市
裡僧俗鬧頻、

夜坐

獨坐渾無事欣然喜夜芳紗窗邀月色粉壁
上燈光地靜聞香遠心清慮事長烹茶兼覓
白樂意兩相償

賦得搗藻為春 得賓字

綠楊三月候桃李正暄春滿樹紅於火千葩
白似銀不言偏可愛解語自堪親後實還須
待先華已接鄰賞心多美景舒目及芳晨色
奪天邊豔光搖紫陌塵惟能蔽所用故克顯

公餘集

卷一

六

諸仁造化渾無盡微詞見荅賓

園亭即日用韓魏公後園閒步元韻

公餘來散步林木意相關雨過苔痕濕風清
吏事閒名花容可愛罽草貴能刪極目從西
望青々翠滿山

偶冒輕寒避風獨坐無事因將五華書

院月課四書題燈下手揮一篇時方
申心至成初真草俱就雖文之工拙

不暇計及然一時興會之來適足以
却病緣賦五律一章誌事

猶坐靜徘徊還欣藻思催病從文裡去意向
字中來對燭書成幅臨池墨上臺詰朝全體
愈一笑豁然哉

五十初度

甘雨和風夏日長承

恩擁節駐壘方百年歲月行過半五十精神

公餘集

卷一

七

任正強自問撫民慙力弱惟知報

主在心良人來祝我無堪祝所祝

皇圖鞏固昌

五月朔日登樓見秧禾栽插齊全詩以

誌喜

一望陌通阡青蔥遠接天春苗初報熟夏稻

喜栽全翠色遙相屬清光遠更娟回思祈禱

百此意倍虔

去歲夏至前因雨澤未足滇
省大小官吏祈禱甚殷至六

月初三日始得大雨滂沱農民志皆栽插今
年甘霖應時芒種後即次第插秧茲於夏至
前業已一律栽畢登樓見數百里青蔥一色
私心竊喜而上感天恩此意更愈覺
矣

登樓見日色滿窗作

峻閣本崢嶸環窗旭日縈近天欣爽塏拔地
著光明皎々浮簾滿輝々入檻盈陽和來照
曜感切荷
恩榮

公餘集

卷一

六

端陽日作

夏至初過後本年初四日夏至端陽景物芳榴花紅

燦爛萱草碧琳琅雨足秧皆插人勤稻獲良

盤中陳角黍應念小民忙

夏日郊外馬上口占

策馬出重城青葱到處迎千畦秧泛綠一帶
水縈清古寺循牆過危橋緩步行垂鞭敲鐙
右即此是閒情

出南郭送友北上歸途繞進北城過商

山寺坐茶商山寺在北門外

策馬出南城歸途遶北行穿街人襍杏到野

景分明十里江環綠千林樹疊清商山茶一

盞黃綺識遙情

賦得梅雨灑芳田得田字

節屆黃梅候人看碧稻天小農希澤普大吏

望霖虔忽見陰雲布欣承密雨消町畦苗鬱

公餘集

卷一

十九

鬱溝洫水潺々勢自空中灑膏後到處宣翠

痕添遠嶺綠漲滿前川不逐輕風散偏隨積

霧綿入宵還達旦點滴稔芳田

會城內北面有池塘一區方圍數十畝

源泉活水志名九龍池俗呼為菜海

居民於塘內栽植荷花夏間開時盛

甚撫署海山閣近臨其南公餘登眺

豔色奪目清香襲人意迥超然塵俗

之外幾忘其地在城市焉因賦長句
一篇

煙波澹蕩滿池塘城市林泉別有芳綠蓋迎
風搖嫩翠紅蓮出水吐清香晴來葉上蜻蜓
舞曉起花間蛺蝶忙暇日憑欄靜眼樓臺
宛爾在滄浪

射圃

稠疊濃陰拂粉牆夏蔬秋菊植成行中間射

公餘集

卷一

三

道平如砥小，衙前演武場

九龍池觀荷

雉堞倚滄浪荷開數畝香華山承脈近昆浦

接流長池在重城內花看古刹旁池上建有龍神寺

亭，初出水裊，靜含芳綠蓋葺魚艇紅衣

暎女牆無須馳遠目咫尺有方塘

雨中海山閣矚目

雨點紛，墜太空憑欄一望勢溟濛山川縹

渺重雲裡邨落參差濕翠中已見田間多潤
澤猶聽簷下響丁東陰晴必定如人意仁愛
天心豈有窮

五月下旬以來陰雨連日恐傷禾稼敬

賦長律一章申禱

去歲今朝求雨切今年此日雨絲，登樓望
遠膏盈野策馬循河水滿川早識陰晴非有
定還祈搏節莫教偏欽哉

公餘集

卷一

三

太昊憐民隱風雨調和賜有年

六月三日偕方厓制府往盤龍江閱隄

有作

勢闊自松華窮源邵甸賒盤龍江發源於邵甸至松華壩水勢

始分支滋稻野夾岸駐人家牛鎮江流穩江勢

鑄有銅牛鎮水龍盤海口斜江勢往觀新雨後隄壩

瀟勤加

夜雨不寐默禱晴明

更聲逐雨催點滴下樓臺倚枕思無了眠牀
夢幾回響從簾外急愁上耳邊來默、祈晴
霽明朝旭景開

敬詣

城隍廟祈晴

為因多雨敢祈晴廟貌森嚴拜禱誠吏職焉
能無過舉

神靈還籲鑿羣情積陰隱逐爐煙散旭影遙

公餘集

卷一

三

籠殿頂明從此調和欣歲稔萬家額手感生
成

祈晴得晴詩以誌感

六月初九日敬書

今日求晴果得晴此心切、感

神明滿天爽氣如人意四野嘉禾遍地盈霧

散高懸金鏡耀雲開遠見翠屏橫感

神何以答

神貺檢點公私秉至誠

詠半輪明月

半魄初旬月形容異玉鈎張弓弋滿上持璧
影還留素質非無缺清光已遠浮欲尋吟眺
處窠好是高樓

月

漏聲隱、度三更散步庭前對月明雨後纖
塵飛不起夜深皎魄看逾清玻璃鏡裡樓臺
靜冰玉壺中色相瑩倚月移時多逸興舉頭

公餘集

卷一

三

忽已見參橫

五月上旬雨水稍多自六月初九日得

晴至十五日復雨向晚即晴喜而有

作

暢晴無碍雨雨足又晴天綠野添佳氣青山
澹晚煙鶴鳴依砌舞鵲噪覓棲還漸見殘雲
外當空一鏡懸

月夜登樓

逸興忽翩然登樓不欲眠雨晴更轉後人靜
月明天樹色依々見星光落々蠲開窗憑檻
久一望一回鮮

公餘集

卷一

三

公餘集卷二

竹軒劉秉恬著

早秋

景物依然夏年華已入秋金風吹玉律明月
照高樓好樹枝仍密嘉禾穗漸抽田家應有
喜所喜歲豐收

新秋富制軍見招同曹學使宴集香雪

齋

公餘集

卷二

一

雨後天光分外清園中日色晚逾明幾叢草
綠連苔綠一曲歌聲間鳥聲白雪飄來檀板
促紅蓮暎處玉卮盈張燈不覺移時坐多謝
殷々致主情

送蔣牧運銅之京

年來共事喜君賢忽唱驪歌對別筵為濟南
金輸府幣須從西蜀發樓船花明桂樹穿巫
峽葉落楓林到楚天忠信波濤憑我涉平安

致祝及時還

偕方產領府及藩長諸君出郊勸農泛

舟至雄川閣歸途遇雨作

稻香十里向雄川高閣登攀上極巔西對青山雲漠漠南臨碧海水潺湲雙旌偶出非尋樂庶政由來貴力田賞罷歸來人散後霏細雨蕩舟還

新秋海山閣矚目

公餘集

卷二

二

時屆新秋天氣爽登樓矚望景偏多日光襯樹明如錦山色逢晴碧似螺宿雨收雲滋野稻清風度水蕩池荷靜中領略無邊趣何事黎園一奏歌

雨晴

一望秋雲薄西南陣風滇省西南今朝逢快霽久雨豈妨農疎柳迎人翠圓荷映日紅尤欣燈上後半鐸挂長空

七夕

重七偏宜夕新晴月色鮮人間留密語天上會雙仙朗、凌波皎盈、渡水蠲今宵如不寐倚月看星懸

宿雨新晴同人集費方伯柏香堂

柏香堂外紫薇芳碧樹成林遠畫廊愁雨恰逢新霽後看花不覺引盃長雷聲隱、隨風散月色溶、送夜涼電勉趨公情共洽偶因

公餘集

卷二

三

對景一飛觴

四友軒偶題

小、書窗潔明、絕點塵松盤庭舞鶴苔布砌成茵雨過階痕濕雲開月印真朝、公事暇翰墨愛相親

新秋登海山閣

公暇來舒目登臨日轉西水平池若練天遠嶺疑低疎柳攢城秀飛鴉遠閣齊眼前多好

景憑索短箋題

松女十七歲生日口占

松翠臨風品格清，亭亭玉立擬長庚。回思十

六年前事，今日松兒始命名。

賦得秋香動桂林 得林字

花氣因秋動，遙聞出桂林。雨肥千粒粟，風散

一庭金地。靜香逾遠，天晴色轉深。輝依畫

閣馥，透羅襟。細蕊攢丹玉，疎枝灑碧陰。此

公餘集

卷二

四

時君獨秀桃李那堪尋

秋日早起

睡足初醒耳目清，漏聲纔罷度雞聲。殘星照

戶微，見斜月當樓。淡明檢點公私思，有

失權衡物我貴。能平整衣早起迎，佳氣隨意

籬邊數菊英

夜聞雷雨作勢旋，即聞霽因賦

喜霽愁雲黑，宜晴厭聽雷。聞聲疑雨至，作勢

逐風回碧漢，明星滿清宵。玉漏催來朝，紅旭

布佳稻及時培

五行藏至理，木藉水生花。豈識燈前豔，偏開

火裡葩。明輝帳錦隱，照窗紗。蒙相看

久圓珠吐嫩芽

秋祀

關帝敬書

公餘集

卷二

五

中原還逐鹿，昆季出英雄。一代臣心萬，千秋

祀典隆。古今名愈顯，天地數無窮。拜謁當秋

曉年，處處同

秋祀

至聖先師敬書

六詔非文地，三逸久化成。循牆觀禮罷，倚壁

聽歌聲。俎豆千秋肅，衣冠萬代清。今朝來景

仰，正值桂花榮

射圃新植菊花

射圃秋來景物新秋叢點綴兩行勻湯云此

日秋顏老未必秋光不似春滇南四時無甚

年若春且立秋後各色花品開放者甚多故云

校射見新月

射圃陰、欲夕天興來矢發著中堅挂弓閑

望晴空裡新月如鈎滿上弦

秋祀

公餘集

卷二

六

山川壇敬書

山川司出雲晴雨助耕耘六詔尊為主三迤

奉若君調和心望切祈禱意誠嚴蠲吉申香

帛金風玉露分

秋祀

天后宮

當春隆祀典轉瞬忽逢秋禮節仍循舊年華

已半周黃開籬菊燦紅落渚蓮愁致祝銅帆

發安瀾達

帝州滇中承辦京銅歲計八運年

月夜

青天一片月萬里淨無雲笛韻空中度花香

靜裡聞光華明似畫星斗佐成文尤慶階除

下亭、桂樹芬

聖壽日五華山齊集恭紀二首

節屆西成日時逢大有年中秋人對月

公餘集

卷二

七

萬壽帝如天候曉冠裳肅平明拜舞聯蹠

循禮度共集五華巔

峻嶺祥光繞層霄桂樹妍登峰瞻

北闕待漏在南天

五代延家瑞得今上新三呼祝

聖年散朝回署後覓句紀華箋

賦得山明桂花發中秋日作

月照遍山明花開桂樹榮欣逢三五夜更動

眺吟情素魄瑤峯挂天香翠嶺生詩成清興
遠彷彿玉山行

中秋後一日少月

中秋未放晴越日月光明試對蟾宮皎疑遊
玉殿清時非三五夜魄自十分盈閒步階除
下天香繞砌迎

秋日邀富制軍曹學使讌集即和學使
韻

公餘集

卷二

八

六詔秋光好秋深衆卉榮桂香浮月色竹葉
送風聲淡菊如人立嘉荷拂水生今朝佳客
至相對寂分明

桂杏並發

金商司律候杏與桂齊揚秋色行過半春華
忽關芳豔葩暄絳粟幽質對紅妝不種丹霄
日同擎白帝霜天時因地異節令使花忙誰
念昆池上陽和氣倍長

禾已成熟連日陰雨農民不得收穫因
與方厓制軍祈晴敬賦五律一章致

禱

嘉禾成熟日久雨礙農收望歲同心切聽聲
共起愁徘徊惟自責豐歉果誰由所祝
天仁愛晴來

賜有秋

燈下詠桂

公餘集

卷二

九

秋來丹桂發香氣暗相侵葉展千層翠花開
萬點金如蘭飄屋角似麝籠衣襟影射青燈
雅遙聽更漏深

九日登太華山歸程舟泊近華浦小集

二首

今朝佳節是重陽齊上華峰極目望村落遙
看雲樹外樓臺近接海天長菊花已放三秋
豔桂蕊猶留八月香

寺中有大桂七株山深
候遲是時開放尚茂

一棹歸來輕舸穩蓬萊回見水中央
山色蒼茫欲暮天近華浦裡且停船丹楓錯
列重陽景嘉稻豐收大有年一曲歌聲浮水
面滿庭花氣遠尊前聊憑攬勝詢民隱不是
閒遊對几筵

早起

一夢初醒曙氣清風聲乍起雨無聲林間有
鳥爭枝噪為報今朝喜放晴

公餘集

卷二

十

壽方厓制府

重陽纔過菊花天齊赴華堂祝壽筵慚我光
陰多一歲余今年五十制與君寅協適三年

制府於辛丑歲四十有九與君寅協適三年

君恩永棣萼相攀子舍連制府夫人迎養在署

此日節樓光燦晚間更看月輪圓辰

在五日

詠閣中燈下盆菊

九月菊團圓張燈色倍鮮花搖金片葉映
翠娟味淡如人立香幽入夜絲簾櫳勤愛
護勝似在籬邊

賦得三冬足文史得文字

冬來耕作暇學士業精勤暎雪繙青史燃燈
讀古文隨時能自勵觸處即成霞展卷天方
曙披帷夜又分雞聲鳴膊霜葉落紛靜
室吟我富明窗氣味共居稽三代事考訂五

公餘集

卷二

十一

車殷顯達無他術東方此見君

月

疎星圍碧漢皓月正當空素影從西布看
漸向東

送富制軍述職北上二首

旌旗計日詣京華滇道迨萬里賒早發行
看紅旭上晚程遙望碧雲遮兩衙近接如隣
舍三載相交似一家同此宦遊今暫別莫愁

知己在天涯

嘉稻豐登萬寶成張燈把酒展離情瞻雲目

送星辰動近日身靈

兩露盈輯瑞羨君元夜宴君到都正值度歲若蒙恩准過

年回任應預臨岐數我去年程余適於去年

護堂視膳休縈抱早晚樹觴額代擎

秋穫後下月清明十月十二日出郊細

雨霏：見春苗青葱遍野

公餘集

卷二

三

嘉稻登場市月晴朝來細雨潤無聲豆莖出

土千重綠麥葉含青十里平共喜逢年書歲

稔尤希計日報春成歸途馬上尋詩句不覺

旌旗已到城

十月十五日登樓望晚霞

薄暮登樓望晴霞燦半天似雲兼似火非霧

亦非煙照水光偏赤依山色更鮮少馬明月

上相看一輪圓

賦得珊瑚架筆得徐字

珊瑚來海外架筆伴詩書位置看今日雕磨

想始初柯留南越貢網取大秦餘不向豪家

碎偏從僕射居揮毫宜翰墨議價等璫璵入

夜光仍燦開窗豔豈虛形非同火樹色自比

笑藥寶物誰堪擬傳聞孝穆徐

冬日郊行閱金汁河壩工

寒冬行郭外景物倍分明葉落山清瘦禾收

公餘集

卷二

三

地敞平鴈飛看有影水淺聽無聲不是閒游

覽河防窳繫情

長至日五華山齊集

一陽初復日萬國盡朝天

北關饒佳氣南滇接瑞煙威儀三鼓後超拜

五華前滇有朝儀起三次鼓後更喜瞻雲物

黃雲碧落懸長至日瞻雲物五色中惟黃色

果有黃雲呈祥

早梅

花中梅家早梅裡又先開預報春光動偏傳
澗氣來風吹香杳鶉月上影徘徊品第羣花
者斯方擬首魁

冬日同人集司離揚觀察清惠堂即席

成什

梅舒椽放正寒天清惠堂前啟客筵鑿落淺
斟留曲緩參差迭奏送盃造輕雲欲雪添衣

公餘集

卷二

十四

重翠幕微風撥火鮮賓主關情非在此惟希
離政勝年

臘月朔雪邀同人小集

雪飛逢臘朔梅放在春先沽酒邀佳客薰香
遠綺筵賞心非樂事屬意是豐年共語今朝
好霏、潤麥田

夜靜聞鶴鳴

園空萬籟平鶴唳正三更嘹唳隨風遠高低

伴月明聞聲思羽潔入耳覺心清豈似羣雞
唱膠、逐俗鳴

閱河事竣取道看黑龍潭梅花

覽畢河防未返旌朝來約有賞梅行新葩放
豔迎人笑古幹蟠根接地橫風月曾經千百
歲吟題慣動古今情為因近在龍潭上膏澤
長霑得發生

臘月十日黑龍潭觀梅用楊觀察韻

公餘集

卷二

十五

淺酌何須酒滿缸看梅把盞躁心降根依佛
地觀成海土近龍潭潤似江枝上鮮葩開歲
歲檐前古幹老雙、夜來更喜添清興月色
花香入半窗

黑龍潭觀梅月夜回署

梅花月色兩爭仙賞罷歸來月半天素魄迎
人光正耀餘香携袖味逾蠲聊憑燭火窺前
路迴望林泉隔晚煙策馬行、知不遠樓臺

多處是衙前

臘月十五日敬詣

神廟拈香默禱

盼雨求晴迄一年來春穡事又拳、纔欣瑞

雪逢初臘更望輕膏潤滿天惟願時和長歲

稔敢云樂後獨憂先片誠至潔

神應鑒

在上昭、在下虔

公餘集

卷二

六

壽筠浦方伯

儒雅風流方伯賢誕辰恰在立春先壽筵不

向薇垣設逸興偏從古寺傳是日方伯詣釋

理由來兼治理孝全要自藉忠全炎風朔雪

天王地杜句何事歸舟一蕩然方伯近賦看

歸帆作主人之句故及之

立春前二日安瀾亭雅集

新葺軒亭四面開江清涼、遠亭回亭在盤龍江上

環窗好景梅花放夾岸春光柳色催對水從

來堪滌俗臨流况復又登臺盤龍坐藉金牛

穩亭旁有金牛鎮水載詠安瀾萬福來

安瀾亭即事仍用前韻

一年歷盡逢間日攬勝江亭偶此來爆竹聲

聲窗外響燈花燦、水中開蕩舟唱曲音逾

雅即地烹魚味美回所喜歲豐民盡樂昇平

點綴入詩裁

公餘集

卷二

七

乙巳立春

春長歸乙巳預入甲辰年四季寒將退三時

暖欲先土牛蕭鼓送綵燕羽毛全城郭饒佳

氣門庭靄瑞煙梅花開燦爛柏葉碧新鮮一

歲春雙度絲、福祿聯

除夕

今日因何事聲、爆竹頻甲辰年送舊乙巳


歲開新座上燈花燦盤中酒果陳少焉紅旭

上又是一年春

公餘集

卷二

六



公餘集卷三

竹軒劉秉恬著

乙巳元旦五華山齋集恭賦二首

一片祥光擁五華

聖慈到處氣多嘉儼然闔闔開中禁宛似衣

冠拜

帝家朝典清嚴誰敢越班行整肅不容斜

古稀天子朝元日萬里晴雲暎綺霞

公餘集

卷三

一

魏

帝德正當陽五十紀年歲月長

主聖因而繇國壽

君明要勉學臣良春風披拂人安豫元日融

和事吉祥齊上五華遥拜祝如山如阜頌吾

皇

元旦四友軒偶書

梅芳竹翠值良辰松柏長青歲二春爆竹遥

聞聲不斷林鶯靜聽語來頻溫中三冬天氣
聲漸浮草際風光暝滿上窗櫺日色新慎始
還從元旦始毋焦毋怠意惟寅

新春五日登海山閣

元旦纔過方五日登樓矚目是新年笙歌隱
隱來雲表爆竹聲響耳邊忙裡得閒更
適晴時望遠相連憑欄別有無窮意檻外
人家郭外田

公餘集

卷三

二

新正六日惠風堂小集詩以相勉

惠風堂上集羣仙太守循良刺史賢官吏惟
知供舊職主賓偶一慶新年笙歌數事非高
調盃酒相酬只薄筵共沐
天恩宣德意小廉大法意拳

乙巳人日

去年今日未交春今歲交春已決旬共說故
人初度歲誰知新歲又逢人菜調七種嘗兼

味花發千家賞今辰轉瞬看燈三五夜星橋
火樹動香塵

詠庭前手植杏花二首

庭前杏樹手親栽點綴春光歲首開不辨漢
南陽氣早定教錯認是紅梅
碎錦坊前昔日開海山閣下亦同栽古人盛
事難相擬勉學滋培莫任摧

詠桃花二首

公餘集

卷三

三

桃花同是手親栽亦被春風殿杏開從此一
年花似錦樓臺合擬駐蓬萊
未見蓂葉似裁却看灼灼蕊爭開周南昔
有宜家詠治國還從次第推

銅瓦寺

巍廟貌勢隆崇門辟窗楹盡是銅日躡金
光輝遠近夜深寶氣貫虛空幾經大匠陶鎔
力還藉砂丁採取滇省採取銅斤風雨不

磨垂萬石大觀誰信在滇中

乾隆五十年上元前一日奉到

御書福字並妳餅果乾恭紀

新春初甲子是日適逢甲子

錫福被恩榮香案庭前設華章郭外迎臨門
充喜氣夾道動歡聲啓篋金銀燦開緘翰墨

盈甘膏米

帝關乳液運邊城稽首慙無補捫衷感若驚

公餘集

卷三

四

年：承

渥澤刻、勵愚誠異遂安全志持斯答

聖明

滇省金汁河之韓冕開原為洩水而設

惟開板隨時啓閉專藉人力一遇水

發啓板不及勢甚易於沖坍因測水

之淺深改建石壩俾水平之時蓄水

得以溉田過水長之候從壩口洩入

江流藉以分勢既免啓閉之煩益資

瀦洩之力壩工將成於正月十四日

親往閱看爰賦長句一首記事

良辰策馬逐春風新壩關情在郭東物力全

憑人力巧無勞端藉一勞功波平可納流長

緩漲發難容水自通從此安瀾胥誌慶載歌

萬福喜來同

上元前一日閱壩工後太和宮小集夜

公餘集

卷三

五

閩觀燈火二首

初心閱壩即回鞭何意匆匆治酒筵偶爾主

賓成宴會恰逢閩里試燈天月懸碧漢千山

暮人對良宵萬景妍佛地由來歡喜地憑將

佛意再三研

宴罷相邀且緩回山門看炬暫徘徊火中燦

爛天花落燈下光明佛眼開曠寺笙歌仙奏

樂高峰爆竹谷鳴雷從容步月人歸去試聽

譙樓漏幾催

上元旌陽觀譙集觀燈火率成四什

開窗春色窠分明麥豆青、一望平歌舞當
前非樂事知憑點綴慰深耕

畫華月色兩相連燈影星光共碧天更有兒
童騎竹馬曲中白句祝豐年

魚龍變化火中旋爆竹聲、聞耳邊窠是明
開光燦處樓臺放出萬花鮮

公餘集

卷三

六

高館張燈酒復清用高衙孟看月聽歌聲元

宵節赴羣仙會即席詩成谷盛情

元夕觀燈旋署覽民庶之盛因思春田

需澤詩以默禱二首

去年今日到黔中今歲看燈

萬壽宮不為良宵懷抱放行勞坐逸總相同
燈歌排列道旁連今夕遊人萬、千獨喜雲
來催好雨莫貪竟夜月華鮮

早起位置盆桃

蟠桃自古種仙家盆裡今開幾樹花早起呼
童安置好滿堂春色醉流霞

登樓

登樓春望窠娛情檻外花田郭外橫更有青
山、下海夕陽斜照倍分明

深紅桃花

春月桃花紅勝錦新開一種倍添紅臙脂深

公餘集

卷三

七

樹休相傲鶴頂棲霞或可同早見含芳烘曉
日晚看吐豔醉東風多回炎地偏於火熏得
朱顏罷衆叢

春祀

關帝

忠義萬千古馨香及萬年三春蠲日吉九拜
致心虔在昔疑無命於今信有天我
朝隆典禮闡發媿前篇

寄富制軍

冬去春回忽隔年
翩然裘馬向黔滇
下車未入尚書省
到境先操上将權
未書云入境後先闕黔省營伍

昨被

新恩辭

北關今逢舊雨在南天人來特報關懷事時
見萱堂健似仙

春祀

公餘集

卷三

八

文廟

後甲方三日仲春祭上丁趨踰循舊制禮樂
仰前型池泮縈新綠芹芳布嫩青

臨雍知此日釋奠更窮經
本年二月初七日
皇上釋奠禮畢臨雍講學大學士以次講經書

關發書義經義各官及諸生皆園橋跪聽

春祀

山川

社稷壇

雲雨出山川豐登社稷權兩壇分祀肅同日
致心虔秋稻時猶緩春苗澤望先精誠祈感
格默禱在神前

菜花

菜花二月開如錦一望參差耀眼光風送無
香輸桂馥日融有色賽金黃輕搖細浪千莖
秀瀉捲微波十里長更與麥苗相掩映織成
大塊好文章

公餘集

卷三

九

燈隱

燈隱綠何設翻書几案橫光來疑有間影射
覺逾明亦自絲毫見偏教眼目清高吟猶未
已漏下忽三更

鶴女生日

小宴設堂前春風二月天碧垂新柳嫩紅放
豔桃鮮座集全家樂庭開五福絲
本日賜福
字命名符鶴算即此祝長年

久晴得雨望雨霑足作

久晴方望雨既雨更闌情喜是丁東響愁無
浙瀝聲呼童看土潤倚戶盼簷鳴所冀霑濡
普春苗倍發生

喜雨

小雨連朝未快情今朝雨足慰羣生潤催麥
秀添新穗澤浸蔬肥發嫩莖一望天邊雲漠
漠還看砌畔水盈盈霑濡正遇春分節糧價

公餘集

卷三

十

後茲漸平

月夜聽琴

月色明春夜悠然一曲琴步階聲入耳依檻
韵怡心素魄籠高閣清風送雅音三更初轉
後花木影沈

月夜閒話

蕭蕭書室靜明月窠宜人雨足水輪皎雲開
素魄新茶香環坐雅竹影灑階勻更喜花枝

外翻鶴舞馴

春日雨後閣望

雨後春光窳可憐憑欄領略倍鮮妍青山一
抹橫雲外綠樹千重擁水前旭日融添暎
意微風拂散輕煙晴佳氣色樓臺近偶爾
登臨記彩箋

春夜

陰陰二月養花天月上雲開夜景妍四壁無

公餘集

卷三

十一

聲聽窈窕一簾有影看娟娟迴廊散步饒佳

致小室閒吟少俗牽終日匆忙餘此刻靜中
得趣勝於仙

杏女周歲

去歲今朝設悅新年華荏苒又逢春光正
值清和候節序初週襁褓人自率性真啼哭
擾頓添知識笑言頻宵從婉婉堂前教佩玉
鳴環作上賓

春祀

天后宮

神靈生越海廟宇俯滇池載舉三春祀爰逢
二月時風花吹片、雨柳潤絲、拜獻多儀
節歸途日影遲

春日詣北教場閱兵

雨後山光遠郭清麥花翻浪菜花明澄潭泛
泛鷗千點古寺陰、磬幾聲策騎巡郊非攬
公餘集 卷三 三

勝雙旌駐野為觀兵前林綠樹多佳氣一望
居然細柳營

承華園閱兵事竣詣郊外履看春田

射場演武後整隊出重城翠色連山碧生機
繞地盈川原遙矚目豆麥近關情足食民尤
急誰云僅足兵

春祀

龍神祠

雨足三春候龍宮祀典誠爰來祈麥實兼以
禱秋成壘石為山小開池蓄水清門前饒雅
趣數畝翠波滌

寒食

桃葉風吹片、斜新開蹀躞遶廊花古來寒
食傳佳節禁火而今有幾家

清明

二月清明景物妍風花陣、度庭前時逢春
公餘集 卷三 三

露思親薦遙向空中拜几筵

又

輕寒輕暝氣清明佳節由來實副名好雨纔
過花蕊潤和風漫拂柳絲繁偶而靜坐皆生
趣何必流觴始動情獨對芸窗遲日麗無邊
逸興促詩成

謝人送櫻桃

三春好果是朱櫻小盒分來見羨情乍啓欣

看光豔麗欲嘗愁破粒圓瑩去年零落因逢
雪此日殷勤在逐鷺莫任傷殘多棄地呼童
好把玉盤擎

繡毬

纔過清明二月天已開石上繡毬圓團玉
滾非工琢粒珠攢豈線穿看去玲瓏真可
愛移來潔白劇堪憐憑將造化爭人巧纖手
休誇刺繡妍

公餘集

卷三

十四

行耕藉禮

耕藉禮

王制頌期自

帝京時將交穀雨節已過清明禮重先農祀
膝關后土平趨踰三獻肅往復九推誠大史
知勤穡羣黎自習耕從來天下事率物在躬
行

耜田即事

雷聲昨夜潤春田此日扶犁土不堅斜挂朝
珠文佩響露衣蟒服采章鮮我朝行耕藉禮皆穿蟒服挂朝珠
重農事所以笙歌疊奏環晴野雲樹千重襯遠
天耕罷陰傳雨意今年應卜是豐年

聽琴

飄飄琴韻逸宛轉送清音雨歇花間度風來
水面尋空庭馴舞鶴綠樹動鳴禽相與低徊
久悠然滌躁心

公餘集

卷三

十五

芍藥

眾花搖落後芍藥殿春開蘭麝香輸矣臘胎
色遜裁芳菲遲日月種植近樓臺留取調金
鼎居然有用材

金銀花

花色間金銀幽香暗靜人秀姿延入夏芳氣
尚留春對案清怡目烹茶味養神笑他懷利
客偏說不如真

向傳三月三日為上巳余謂既曰上巳

自當以三月初逢之巳日為是概以

三日為上巳者非也本年三月初八

係丁巳日因作此以辨其謬

三月今朝初遇巳此名上巳信宜然勿

度清明節漠應看穀雨天月令由來無確

載齊諧自必是謠傳循名責實應無爽莫把

良辰誤眼前

公餘集

卷三

六

雨

宜雨猶非望雨時頻看簾外挂絲

綠雲四野登場近所異無愆十日期

月夜聯句

月影花陰夜氣清竹軒庭軒曠敞足幽情微

風舟吹襟袂寶筏遠漏沉々入檻楹半啓

簾櫳舒倦眼竹軒遙觀星斗接春城良宵對

景堪吟賞寶筏更喜雲開值雨晴竹軒

海山閣閒坐

綠樹遶迴廊樓臺景物芳和風猶澹蕩化日

覺舒長燕雀飛簷外琴書置座旁公餘來閣

下烹茗味清香

春日出郭請

聖安恭紀

平明初日放瞳矓出郭問

安祝

公餘集

卷三

七

聖躬萬里音聞來北極

九重福壽運南中自惟奉職無殊績勉欲酬

恩勵寸衷且喜時和春麥熟黃雲徧地倚東

風

出郊迎

詔恭賦

鸞書來

北關

鳳詔到南天

澤被周而普

恩行近及邊濃花開驛館細雨潤春田試問

皇華使山程應幾千

登樓觀春麥將熟

更上層樓極目望麥田環遶水雲鄉遙知粒

粒胥成實已見青、漸變黃晚罩重煙疑暮

雨曉翻細浪捲朝陽一年穡事春先熟差慰

公餘集

卷三

六

農夫手足忙

四月朔日

龍神祠拈香見荷葉滿塘作

數畝方塘漾細波青錢萬點欲生荷遠飄碧

漢浮晴翠近貼玻璃挂綠蘿露居然珠錯

落臨風亦自影婆娑要看水上紅衣滿月朝

還須一再過

優曇花

共說優曇是佛花今朝爛漫蔭官衙即空即

色心須悟為佛為官理不差玉樹臨風光自

照天香入夜氣偏賒只愁官客初相識認作

玉蘭極意誇花似玉蘭而香獨甚

雨後登樓晚眺

雨過風靜日融、水白山青一望通樓閣平

開斜照裏城池近看暮煙中飛、鷓鴣歸高

樹片、雲霞散碧空欲令丹青圖好景當前

公餘集

卷三

九

真畫恐難同

賦得烹茶鶴避煙得清字

裊、松煙起、鶴舞輕石花初鼎沸雪羽

乍飛鳴萬里心長遠三山志素宏鳳團空自

雅雀舌獨留清啓盞沈霞脚開壺泛玉英如

何揚翻去不與此同情

月

清和四月夜多陰今夜庭前月滿林一望冰

輪長皎、靜聽玉漏更沈、幽花漸轉當階
影烏鵲遙憐繞樹心坐對清光多逸興
惆悵幾番吟

樹間月

密樹葉蒙籠清光逗隙空看来明有間缺處
影相通晶晃浮枝外徘徊在箇中天香如有
意偏近桂林東

即事

公餘集

卷三

三

細雨霏、射圃前花枝帶濕竹籠煙日長事
少多閒趣吏散人稀坐晚天偶爾操弓勤武
事悠然把筆點詩篇但期歲稔民安早清靜
居官便勝仙

四月望日作

日斜飛細雨更轉月圓明院落人聲靜樓臺
樹影橫三星當戶照一盞心神清今夕是何
夕清和候正平

清和望後風雨調和農人處、乘時插

秧而日來官事亦復少簡適有歌者
自稱長於烹調因命治肴饌數種延
幕中諸君小集詩以誌事

清和時候未鳴蜩宿雨霏、晝達宵官府得
閒排酒宴農夫趁節插秧苗非闕對景聊舒
意為慶風和更雨調今日盤飧歌者手即同
堂上奏笙簫

公餘集

卷三

三

夜

皓月窗前照青燈几上明翻書纔一帙聽漏
忽三更晝永思多擾宵深境自清年来無別
好翰墨家闕情

定軒學使邀集值雨

三迤半已採風過學使聲華近若何化雨齋
前逢化雨弦歌堂上奏弦歌盤殮並列堪詩
美樽酒傾斟不厭多感謝殷、邀客意歸來

那禁醉顏酡

觀栽禾即為祈年

清和天氣日方長
雨後栽秧處、忙碧毯線
頭抽遍野青羅帶
屨成行纔看夏麥登前
圃又盼秋禾貯滿倉
人事已勤天自鑒
定教隴蜀盡如望

乙巳初度

雨足栽秧候人忙
刈麥先普天登壽世愧我

公餘集

卷三

五

益華年補拙勤為首
求安治莫偏歲重周大
行十一年五歲倍勵日乾

鸚鵡

丹嘴青衿映日暄
誰家馴鳥巧能言
幾聲宛轉知人意
遠賽笙歌盡日喧

公餘集卷四

竹軒劉秉恬著

五月朔日

龍神寺拈香默禱

濃雲看四起
雨脚欲垂天
刈麥人俱暇
栽秧事可專
所希禾遍地
尤望水盈田
修潔申虔意
昭々自默憐

簡楚南陸撫軍二首

公餘集

卷四

一

回首承明上直天
光華拍顧在當前
自從劍閣乘軺往
繼復昆池奉檄遄
日逐風塵無定迹
遙瞻齊魯似登仙
陸公當日當山左
清輝固已難相接
况復魚書不易傳

近喜封圻驛路連
郵筒往復意頻宣
新詩適到欣三復
舊雨相思在一天
六詔晴雲迎曉日
五谿流水導清泉
傳來教孝新章奏
我早知君燭理先
陸公前任方伯曾有陳情之奏旨准行近於楚撫任內

條奏各官親老者志令同
籍終養亦蒙 命允

贈蔣雲隈水部二首

本是翩、一請仙乘風吹送到南天材堪扛
鼎心偏逸體不勝衣識却堅才子君稱何水
部使君我愧謝臨川而今夜話昆池上猶似

承明對月圓

君曾簪筆星辰上我亦論交日月邊簪筆星
辰上論

交日月邊乃軍機處
直廬所書對聯也早入東華聽漏箭暮歸

公餘集

卷四

二

西苑漆爐煙相逢邊徼猶如故念到京華倍
悵然計日登仙君自去我偏留滯駐南滇

端陽

四時行過半三節此居先俗以端陽中秋射
度歲為三節

柳傳佳會釵符慶午天人同過令序我獨盼

豐年佇待連宵雨新禾插滿田

賦得榴花照眼明得紅字

庭前何燦爛滿樹石榴紅翡翠攢千葉珊瑚

挂幾叢無香饒四座有色耀雙瞳錯認爐中
發還疑火上烘早看迎曉日晚欲傲殘虹莫
道膳脂麗圖來恐未同

桑椹

摘來牆下味嘗初豈是鳴鳩竊食餘色似墨
淋甘似蜜曲為彷彿恐難如

玻璃燈

玻璃何用好朗、護燈明表裏光全澈高低

公餘集

卷四

三

影自橫月籠疏綺白冰貯玉壺清彷彿終難
肖長吟聽漏聲

時將夏至雨未充足栽秧僅及一半農

田望澤孔殷敬詣

神前虔禱

平疇欣已種高壤未栽全細雨頻霑矣甘霖
望沛然拈香申禱切蠲吉致心虔佇待雲峰
起溶、布滿天

自鳴鐘

金鐘不擊鳴辰刻
窈分明機露天人巧聲傳
製作精壺中懸日月袖裏轉璇衡
晷影余心切聞鐘倍繫情

表

小：團：表長：短：鍼輪周無滯理機動
有微音分刻於中見時辰就裡尋取携如我
意繡裏繫衣襟

公餘集

卷四

四

賦得夏雲多奇峯 得峯字

入夏行時雨為雲作色濃無心還出岫有勢
即成峯變刃應多態高低各露容乍疑披玉
女還似簇芙蓉海上來三島天邊擁萬松遙
看膚寸合知是欲從龍

梔子花

蒼蘆來西域新開皎潔花同蘭香更烈比玉
色無瑕雅淡殊羣豔輕盈展素紗日長人易

倦相對興偏賒

日來禱雨未應自責以祈

神佑

匆：夏至過尚未賜滂沱人事如無失

天工豈有訛省躬情莫恕責己理當苛刻：

持斯意麻嘉感自多

玫瑰花

數枝饒紫豔品彙此稱芳嬌麗無窮媚甘甜

公餘集

卷四

五

有味香為囊同腦麝作醬搗糖霜更喜家：

買輕盈貯小筐

珠蘭

花質珠相似花名亦副蘭珠圓粒：魚子
小團：穗細香聞遠叢絲蕊結攢當階添潤
色翡翠映朱欄

噴壺

噴壺何用好提取灌花勻似雨垂枝潤如珠

滴葉新一罌函玉碧千縷挂絲銀製作雖稱
巧何如澤沛神近日祈雨故云

挂瓶

小瓶挂粉墻滿壁插花香不用陳書案偏宜
暎畫梁凌空高位置舉首接芬芳坐久飛千
片時看點縹緗

結壇誦大雲輪請兩經誌事

設壇禱雨意殷虔輪蓋龍王法相懸不斷燈

公餘集

卷四

六

花光四座無窮威德普諸天雲峰起處疑膚
寸膏澤施來徧大千佛說行慈龍起聽此經
却自

內廷傳

玉琢玉蘭花

花色渾如玉花名賜玉蘭命工將玉琢得象
作花看潔白無香馥晶瑩具質寒朝欣在
握花蕊不憂殘

送費方伯告養回浙二首

燕臺聚首紫雲邊晉水相逢又一年此地到
來如昨日忽言歸去在當前帆開萬里輕舟
遠路遠千山匹馬旋正欲乘時同努力留君
不住益淒然

賦歸豈為遂初思言及萱堂鬢已絲忠孝由
來原一理子臣從古本無歧我留南詔希良
吏君去西湖是好兒他日雙魚傳遠信計應

公餘集

卷四

七

慈母抱孫時

奉到端陽節

恩賜紫金諸色丹鉸恭紀

中天行

慶賜寵荷感臣衷

澤被長年有

恩深萬里同鶯黃垂穗綠金紫暎丹紅
君惠非私已罄分寮案公

九龍池荷花

出水風光在眼前紅衣綠蓋忽翩跹
自春徂夏無多日攬勝尋芳又一天
撲鼻清香行處繞環城好景望中鮮
尤希大沛滂沱雨水滿龍池澤滿田

小樹高纜及尺上垂紅果十餘枚力薄

擎重因賦

樹小高纜尺垂果似丸自饒風味好不覺

公餘集

卷四

八

賦形單力弱枝偏穩根深蒂可安栽培多歲
月何異出爐丹

余於壬辰歲奉

命往四川軍營督理糧餉迨軍務告歲仍留
成都稽核軍需奏銷至己亥春始回
京師計在川省凡八年每於公暇輒
取古文蘇詩按次吟誦以遣旅懷時
值池荷盛開偶將花瓣夾入書內以

誌讀到之處今夏復理舊業見書內
花瓣如故撫今追昔因賦長句一首
誌事

託迹西川忽八年歸携書篋自蕭然
古文數帙從容讀蘇集全編取次研展
卷尚看蓮瓣

在撫躬不覺歲華遷功勞甘遜曹樞密
彷彿

義倫或並肩

宋時曹彬代蜀能戢下秋毫無犯及其功成而還索中惟調書優時轉運使沈義倫在蜀獨居蔬食及歸篋

公餘集

卷四

九

中惟書數卷宋主嘗問彬以官更善否彬薦義倫可任宋主亦問其清節過人焉

夜來香

花多喜向陽何事夜來香暗裡侵羅帶
燈前襲繡裳雅宜邀月淡味好送風涼
散少聽更轉芬芳正未央

核桃

含核桃名附如桃顆團春華逢夏實外固
豈中乾玉李形輸脆葡萄味覺酸那如嘗此

果飢飽可充餐

詠如意

如意亦堪吟稱名取義深
指揮人聽命把握我從心
觸目非空相藏懷等寶琛
所希如意事當晚得甘霖

玻璃窗

一片玻璃白懸窗却索宜
拂來原有間看處了無遺
紙薄輸能鑿納輕恥稍瀉
何如相對

公餘集

卷四

十

此目爽更神怡

孔雀

滇南多孔雀羽翰自翩
展扇金光耀開屏翠澤妍
翅攢連理錦尾印五銖
錢自愛翎毛好翱翔映日鮮

曉發會垣

旌旆出重城行第一程
雨雲猶未散晴日已高生
路濕愁泥滑山開看翠橫
所堪舒意

事央道插禾盈

碧雞關

肩輿緩度碧雞關俯瞰昆池水
一灣舉首更知多勝地亂峯圍繞太華山

馬上

馬上看山盡見山如逐馬
隨山一鞭遙指煙雲裡無數峰巒與往還

安寧州

公餘集

卷四

十一

求安非易事所貴衆情寧
號令民惟凜衣冠我作型
知州兼教養出牧自朝廷
名義須無顧休徒任政刑

雨渡螳川

水山佳處是螳川密雨濛
隱遠天新漲驟增來活水
行人欲濟駕輕船淺篷微露
時霑潤短棹斜飛欲破煙
迴望好將圖畫擬倪黃
淡筆寫林泉

觀插禾者

胡為在泥中栽秧致力工乍看開匹練旋見
立千叢手足露塗苦艱難老劣同我憐勤四
體望歲倍忡

秋禾遍插雨已允足作

甘霖連日沛處水盈塘早稻抽深綠新苗
發嫩黃四圍無隙地一望盡秋梁好雨欣霑
足還希詠載陽

公餘集

卷四

十一

途中遇雨

雞鳴天已曉山暗雨猶濛嶺樹縈雲綠巖花
帶濕紅泥塗勞遠客蓑笠走邨翁那得舒晴
意西南一陣風

祿豐縣

雉堞倚山雄堅城帶水滌千家民仰理一邑
宰居崇教養心能盡桑麻利不窮時存此
志祿自可長豐

題大慈寺心印堂

小屋三間心印堂有花有樹自芬芳池開半
壁澄潭皎木範圓盆翠帶長以木為盆中植蘭蕙地接
佛廬聞梵響人來客舍惹天香庭前有桂樹相期
佩印諸君子時把吾心印莫忘

廣通縣

小邑休誇廣東西驛路通禾苗環郭外煙火
集城中客館非高敞民居豈峻崇苟能勤治

公餘集

卷四

十一

理叢爾亦堪風

楚雄城外有龍川河逼近城下每遇水
發難免冲刷之虞乾隆壬寅夏六月
來此履勘被水田畝相度地形於城
北數里外將河身展拓越二年乙巳
有司以工竣告復親到楚雄收工

龍川近逼楚雄城相地遷移衛衆生滾清
流從北展巍粉堞自南橫壬午到此方圖

始已歲重來共樂成我為民居難稍釋寧辭
觸暑再親行

龍川收工後思及善後事宜因詩以勗

龔太守張明府

圖始由來貴樂成樂成之後轉怍、欲求順
軌須長策豈對安瀾即快情得暇莫忘堤上
事能容自在在地中行早知守土循良吏時把
民生似我生

公餘集

卷四

五

定遠途中

定遠非衝道三年一再過披雲盤曲徑厲石
歷清波地僻人家少山深草木多班超非易
匹到此意如何

題定遠縣署園池示郭令

山衙亦可暢幽情數畝芳塘一望平樹葉低
垂波上碧花枝斜暎鏡中明臨池自得濠梁
趣觀水時聞潑刺聲此地從來稱政簡可能

玩賞慰平生

郭令久困場屋年五十餘或
士高次十餘年始得此職故

黑鹽井於壬寅夏被水沖沒維時親步

履勘當即疏請興修乙巳夏來井收

工撫今追昔深為慶慰云

前來曾見汨洪流屋宇亭臺一旦收

處出鹽
處也賴有

朝廷興百廢因而井竈得重修萬民生計今

仍足三載經營此少酬往後不須愁淡食銷

公餘集

卷四

五

鹽課賦正應籌

自楚雄回省途中作

竣事即言旋歸途緩著鞭簿書隨路理民隱

遂程研攬轡將明候停驂未暮天節宣人馬

力不是好留連

夏日途次口占

山城夜雨洗輕塵策馬朝行覺暢神
青雲氣散映流滾、水聲勻迎人小草含風

青雲氣散映流滾、水聲勻迎人小草含風

碧夾道開花，氾露新卓午。人愁炎日逼，還宜
細雨灑頻。

歸途過心印堂，值桂花盛開。

楚雄返轡此重臨，正值天香放滿林。佛地自
應花早發，山廬忽有客相尋。風吹乍滴三霄
露，日照還凝萬點金。坐久暑移渾不覺，時來
馥馥襲衣襟。

雨後

公餘集

卷四

六

精廬避雨，初晴策馬涼風撲面，迎雲氣猶
籠遙嶺翠。日光忽傍遠峰明，山高望處心神
曠。天霽行來眼目清，借問今宵何處宿，停驂
應在祿豐城。

螳川溫泉

螳川形勢水山蟠，中有溫泉可作盤。不藉火
炎能既濟，居然水熱可消寒。風塵洗去心同
淨，垢膩銷時夢亦安。好是月明人浴後，清茶

毀罷倚欄干

小松

冢好迤西路，環山種小松。高低成一片，疎密
列千重。未有凌雲勢，居然偃蓋容。惟須培植
好，梁棟自堪充。

回會垣作

歸騎策翩，行程半月旋。遠山迷樹外，近水
繞城邊。金碧千秋蹟，川原萬頃田。慶雲環集

公餘集

卷四

十七

處知是五華煙，五華山為年節朝集之所

賦得秋露如珠，得圓字

金風初入律，玉露正含妍。映月光偏白，如珠
粒自圓。晶瑩真可愛，搖曳更堪憐。幾訝靈蛇
吐，還疑合浦旋。花間凝皦皦，樹杪滴涓涓。甘
合銅盤貯，明難繡線穿。垂同瓔絡墜，聚似冕
旒聯。佐雨施膏澤，秋來冢潤田。

兩夜鳴鶴

雨落深更後鶴鳴未曉天聲清來枕上點滴
襟窗前白羽應全濕元晴却未眠誰知曾警
露警雨亦同然

晚晴

雨落斜陽裡雲開送晚晴尺階猶滑濕斗室
忽光明樹色添新翠花枝側嫩莖倍增清興
處入夜玉鈎生

勸農事竣安瀾亭小集

公餘集

卷四

六

乘時趨事勸三農旌旆飄、緩轡從得賞歡
呼人萬口插禾蔥翠畝千重晴來江色瑒城
碧雨後嵐光遠郭濃公暇安瀾亭上坐秧歌
漁唱聽從容

桃實

玉洞初開花爛漫金風乍拂子勻圓暈紅似
藉朝晞淡綠猶含曉翠妍僅歷流光剛半
載何須成熟待千年此中自寓貞元理後實

先華豈漫然

七夕

織女赴牽牛年、會一周明逢銀漢皎隱見
鵲橋浮一水非相隔雙星莫自愁今宵靈匹
聚何異上秦樓

登樓

薄暮登樓望無邊好景收嵐光連水白雲影
共天浮晚雀爭高樹殘荷枕碧流更堪娛意

公餘集

卷四

九

處秋稼滿田疇

集益齋

集益齋閑坐晴逢雨足時落花紅滿地流水
碧盈池古柏參天秀新蘿上架遲當前多好
景領略靜中知

雨後

邇日天時好陰晴正適宜風吹花氣潤雨打
竹枝垂紫燕銜泥墜蜻蜓逐水馳迴廊來散

步即景可吟詩

紫薇花

忽見攢枝豔庭開百日紅自堪舒夏彩何事

鬥春風曉共朝霞燦晴宜旭日烘西南多大

樹此花在海蜀二省多有大本迴首紫薇宮

賦得升嶽浮海得經字

大道周寰宇精微在六經尊崇如海嶽義理

佩箴銘造極窺東岱窮源溯北溟揣摩希古

公餘集

卷四

三

括研說發新馨禮樂資陶冶詩書奉典型下

惟如捨此山水恐無靈

雨後郊行

朝來小隊行郊外款、閒行策馬避樹綠偏

增多雨後山青好在始晴時六河水漲金波

轉四野禾稠玉露滋即目當前俱勝景生機

活潑總如斯

夜雨見月

雨暗月光明高樓欲二更階前增色澤天際

半陰晴雲自空中度輪從海上生少馬開霽

後寰宇喜長清

晴佳綠雨足碧水滿池塘蓮葉侵蒲葉荷香

間稻香隄平宜浴馬岸濶可容航偶爾來經

過身疑到水鄉

賦得桂林一枝得香字

公餘集

卷四

三

秋來桂樹香馥、在東堂凡彙休相擬瓊枝

獨擅芳拂塵迴雨露含秀耐風霜粒、橫金

粟飄、暎畫廊君臣千載遇對策萬言長惟

有昆山玉差堪一律方

秋日讌集新任蒼亭方伯署內是日考

核庫儲

紫薇花盛九秋天邇日薇垣氣象鮮一曲笙

歌遊赤壁是日歌者奏蘇子瞻赤壁賦幾巡樽酒繞華筵

同儕共洽芝蘭永舉座長循禮法虔偶集却
非尋樂事庫儲將達
至尊前

射圃

秋晴風景好射圃偶徘徊種竹欣全活栽花
喜半開王瓜垂架滿茄實摘筐堆日暇來勤
武頻響鏞催

雨

公餘集

卷四

三

雨落斜陽裡園中景物鮮花明添色潤竹重
滴珠圓簷奏涼樂渠流滾泉山川來日
祀靈爽故先宣

秋祀

山川壇

仲秋隆祀典月朔祭山川展禮臨期肅申齋
預事虔高深呈瑞彩雲雨賜豐年社稷分壇
祀同叨福甚全

郊行見秋禾遍野作

一望青無極三秋慶有年雲山同掩映竹樹
共嬋娟傳有雙歧穗米行萬頃田紅鮮知可
獲玉粒更期堅

秋祀

關帝

蜀吉後山川先一日祭山川壇威名配

帝天尊親人共戴俎豆世同延春祀如前日

公餘集

卷四

三

秋風忽半年試看松柏外藹繞爐煙

和鄂西林相國巡視錢局登寶雲亭賞

荷原韻二首

青蚨濟庶黎荷葉萬錢齊嫩綠時依水新紅
不染泥煙雲銜遠嶺竹樹尖雙堤勝地居何
處城中近在西

街

命撫滇黎思賢與彼齊惟期能砥礪不患隔

雲泥迨步前人韻疑遊丞相隄寶雲亭上坐
不覺月生西

和尹望山相國巡視錢局登寶雲亭觀

荷元韻四首

寶雲亭在水之隈偶過無須一泛盃試問看
花人有約一年曾得幾回來

水亭何事費登攀俯瞰紅荷繞碧灣仁智各

殊同有樂得閒還上太華山

公餘集

卷四

五

依郭芙蓉筆可圖飄飄荷葉看飛蚨憑欄徒
倚清流上鏡裡樓臺似有無

花光水色帶雲霞彩筆題詩字不斜往括風

流開後起勉循實政副聲華

賦得玉露園清影 得清字

金風初瑟縮玉露正圓明皎皎迎秋白娟娟

映月清潤花圃有影滴葉淨無聲潔似冰壺

澈涼同桂魄生蟾寒輝五夜鶴警喚三更上

下含珠滿高低共水縈銀河橫漢遠烏鵲遠
枝驚此際江樓上離人最繫情

秋祀

文廟

代是文明日秋逢稔熟時階前齊後輩殿上
肅

先師禮樂宮懸備衣冠裸獻宜殷三獻畢
升陟豈容疲

公餘集

卷四

五

公餘集卷五

竹軒劉秉恬著

八月十三

聖壽日五華山齊集恭紀二首

今朝處、集鶴羣共上峯頭望慶雲萬國來

同全盛日七旬有法五

古稀君無疆

聖壽南山永有道

公餘集

卷五

皇風北闕殷更喜三秋逢大稔滿城士庶色

欣

憶我來滇曾幾載五年五上五華峰金風玉

露激秋影淡月踈星報曉鐘僚窠趨踰循節

次衣冠舞蹈自從容連朝陰雨今朝霽為放

祥光護

九重

中秋即事

八月剛過半三秋適協中花間凝玉露樹杪
動金風比戶逢時羨連邨慶歲豐閭閻欣婦
子街市鬧兒童食足人心慰民安萬事通一
盃醉明月吟賞樂無窮

祈晴

連日陰、未放晴竊愁多雨碍秋秔

天心篤愛原無盡人事殷勤貴有誠一念因

民祈感格萬家望歲盼豐亨齋心此日申虔

公餘集

卷五

禱佇看光懸皦日清

秋祀

天后

秋分前二日蠲吉發馨香晉后冠裳肅同天

歲月長林家推聖女閩地是仙鄉方伯來其

處淵源自悉

詳譚方伯由閩集
新授滇藩故云

賦得門聽浙

江潮得門字

蕭、靈隱寺窈、古山門塵慮捐身外潮聲

到耳根因風疑虎嘯無雨却雷喧空發錢王
弩難安伍相魂波濤排海岳浩瀚轉乾坤此
際遊山客清幽孰與論

秋日登太華寺四首

乘曉趨躡天后宮扁舟向午趁輕風波濤不
起平如鏡知在神靈呵護中

便易肩輿上太華藤梢竹刺往敵斜行、漸
入清佳處山路迢遙興轉賒

公餘集

卷五

三

古刹森嚴別洞天庭前桂樹拂雲煙峰高直
與三霄比疑是香飄月窟邊
鐘鼓聲中起晚煙下山還上米家船四圍雲
散天多碧宜擊空明泛月旋

晴

今朝秋色好天氣忽晴明宿霧凌晨散涼風
向午生嘗新逢稻熟御袂覺衣輕尤喜更深
後輪開玉宇清

丹桂飄香即席賦贈定軒學使

秋來景物未蕭、丹桂芬芳正及朝真色何
曾因雨減天香却似逐風飄看花把盞思偏
逸翦燭裁詩興自遙君是東堂延賞客為花
開放敢相招

九月朔日

金風漸送涼玉露欲成霜荷淨惟餘蓋禾香
待築場三秋時未老九月日猶長轉瞬重陽

公餘集

卷五

四

近東籬菊正芳

壽方佳制府二首

籬外黃花正吐芳夜看南極耀輝煌政和喜
獲時和美人壽欣同

國壽長款、談兵威德普行、按部稻禾香

遙瞻節鉞臨何處邇日先應過永昌

聊憑尺素慰心知一使何如覲面時地隔東
西瞻使節夢從雲樹想威儀年同強仕非衰

老余視公差長一歲年節過重陽惜別離所喜歸來多吉事華堂稱慶拜萱慈

秋日登樓晚眺

登樓值晚晴憑檻窈兮明雲散天光淨禾收地坂平微風征鳥疾落日暮煙生遙想茅簷裏寒衣倍繫情

賦得初日照露盤得盈字

旭影開三殿朝陽燭九成金莖連地耀玉露

公餘集

卷五

五

接天盈瑞色凌霄漢珠光暎太清峻同丹闕燦高出翠華平乍見瞳矐煥還看沆瀣生千秋懷漢武勝蹟永留名

寄曹竹虛二首

維揚淮海派朝宗天降賢才秀獨鍾職掌新兼京兆尹班聯特晉大司農交情為積經年濶友誼因增兩地濃聊藉雙魚傳款曲却愁雲樹隔重

風流儒雅亦吾師用杜况復言心事知管

鮑相期先有約張陳不似定無移余在四川

竹虛來書期以管鮑為法張陳為戒言之諄切承

恩我愧司疆域拜

命君堪總度支内外居官雖有別丹誠酬

主共致

題五華待漏圖二首

披圖瑞繞五華山朱綠分明色不編圖裡紛

公餘集

卷五

六

紛人馬簇為因元旦集朝班

籍甚唐賢賦早朝後來那克續前貂所欣勝

彼杼虛藻作頌

古稀寶政饒

九月五日赴譚蒼亭方伯壽筵即席成

什

紫霞用易柏香堂前方伯於藩署題額柏香

紫霞書屋較為切當景物依然氣發揚責實循名今日

政地靈人傑百年昌歲過花甲鬚猶黑時遇
夷庚體自強薇省開筵欣霽色湯云風雨近
重陽

九日闕河後詣太和宮登高即席二首
出闕河防行四野共欣節序是重陽臨流復
赴登高約對菊還宜把酒償日霽天清張幕
碧秋深稻熟捲雲黃金銀殿宇凌層漢絕頂
升臨氣色昌

公餘集

卷五

七

昨已蠲期有此行只因兩阻滯遊程今來怡
值題餽節小集聊舒落帽情地暖簷前無葉
落天晴籬畔有花明不愁坐久歸途晚月照
千山馬首迎

九日登高歸途口占

賞罷重陽酒宴收歸來風物倍清幽月明榮
馬看村遠夜靜過橋聽水流林樹飄飄楓葉
落衣襟馥菊香留擡頭見與官衙近逸興

還須一上樓

重陽家宴海山閣二首

家宴重陽閣峻高糗饗花飲鬥兒曹劉郎別
有關心處何必詩中負世豪
月朗風高燭影明菊花滿泛綠樽清銜盃那
是銷愁處秋稔家稻穀盈

偶題

一家行適意須念世人難笑語傾盃酒殷勤

公餘集

卷五

八

辦日餐從容由飽暖忙迫轉飢寒解得其中
意身心到處安

菊山

移得三秋菊堆成九仞山容宜霜後瘦色豈
雨來斑俯仰身難上徘徊手易攀積非由細
壤位置亦云艱

菊屏

採取東籬菊堆成錦繡屏幽香饒靜室瘦影

上疏櫺雲母非堪擬瑠璃豈足形用斯陳陽
座亮隲合居庭

承華園校武後至寶雲亭小集

秋禾刈後菊黃天校閱承華射圃前馳馬如
飛兼起躍挽弓有力更連穿躬親發矢非爭
勝政欲探源在率先事罷尋幽米一叙寶雲
亭額看初懸亭舊名寶雲永
觀察新為書額

百步穿楊

公餘集

卷五

九

百步穿楊古有之揚穿一葉却堪奇力充或
可風吹到目遠馬能矚及斯在昔相稱人早
豔於今特剖我偏疑讀書盡信由來忌端在
權衡理所宜

佛手

佛手因何得美名尖、十指象形生分來金
色堆盤耀掬得幽香在握盈春雨花輸桃李
豔秋霜味罄橘橙清人皆說佛無人見此手

應疑是佛成

寄粵西孫春臺撫軍

向說宜人獨桂林宜人獨桂林
工部句也近從嶺外惠
佳音定知德政施于粵迴想仁聲遍及黔御
史都臺還似舊公先由副都御
史出藩黔省中丞開府正
當今千言萬語無須寄報
國孜孜在一欽

讀左史

公餘集

卷五

十

論文左氏高千古二百年來有史遷若使兩
人生一世題名未必不同年

晴

西風陣、生雲散碧天清今夜晴光好安排
看月明

喜晴

久陰人意懶一霽慰羣生嘉穀登場滿新糧
入市盈捲簾和氣入曝背旭光迎更念茅簷

下雞豚慶歲成

晉文公

取威定霸晉文公在外多年業不空巨室相
從多俊傑深閨到處遇英雄身嘗困境材逾
壯運到老來命更通尤喜箕裘能紹美齊桓
雖正那堪同

題晉楚邲之戰

救鄭欣逢鄭楚平原當返旆各休兵只因主

公餘集

卷五

十一

帥無成見遂致三軍敢起爭益信事權應畫
一從來謀略忌紛更人多口禱千秋患九節
度師亦此情

賦得開林見遠山

得山字

落木蕭々下叢條漸々刪天澄開遠障地迴
見遙山乍睹橫雲外迴看入畫間晴嵐呈秀
削瘦骨露孱顏樓對羣峰簇窗收列岫環日
含光愈耀霜添色添殷儘可馳雙目寧同瞰

一斑徘徊無限意翹首欲登攀

奉到

恩賜鹿肉恭紀

秋獮年々獲鹿鮮優

恩頒賜逮南天啓筐猶帶風霜色嘗味疑隨
羽獵旋一騎遙來迎郭外寸心切感拜堂前
古稀天子還勤武念此能無益勉旃

冬日新植桃杏適逢雨澤

公餘集

卷五

十二

新將桃杏兩行栽忽送霏々細雨來潤土根
應盤土固灑枝花自滿枝開全憑人力移從
野更幸天工材者培此地三冬霜雪少况當
指日即春回

題城濮之戰

城濮兵車霸業隆簡編偶閱見威風教民乃
可驅民戰避楚還收勝楚功不念新婚琴瑟
靜却愁舊惠報施空得天我吉伏其罪賴有

賢臣說夢工

十一月朔日

仲冬漸覺一陽生日出凌晨照遠明駕瓦霜
留光燦々荷池冰薄水盈々整衣初著貂裘
暝燒炭閒烹雀舌清更喜田家諸事竣四鄉
碾穀米來城

簡賀粵東孫補山撫軍新

賜花翎

公餘集

卷五

三

羽儀孔雀宸鮮明新

賜花翎耀首榮喜見

鴻恩來鳳關歡迎驛騎到羊城文人自昔曾

揚武補山仰荷而昔年曾隨溫自有本係文人之語

使者而今正掌兵補山近無異翎管宸宜真

翡翠翎管以翡翠郵封好用綴冠纓

題莫教以師盟貳軫

春秋關廡出奇計奇計一出解莫教軍次郊

鄂禦四邑何患鄖人軍其郊鄖人寺城無門

志四邑見此那敢要攻敵攻心必得勝彼矢

所恃我有操師克在和不在衆况有銳師加

於宵以此評史何所似彷彿唐宗據武牢建

德迫而不敢進世充素服咸來朝唐有良將

郭孝恪前有關廡亦世豪英雄智謀如一轍

千古上下誰云遙

冬日樓望

公餘集

卷五

十四

登樓憑檻望子月在初旬麥隴初含翠冰池

已似銀冬閒勤武事是日諸將士在野靜息

農人薄暮寒林動歸鴉似叫隣

送鶴於太華山寺

翩々白鶴本稱仙縱往高山適性天馴鹿林

間堪作伴青牛巖下好同眠一聲上徹雲霄

裏雙羽時環水竹邊寄語山僧勤愛護莫將

此鳥等飛鷲

恭和

御製趙孟頫汀草文鴛圖元韻

汀草萋萋、傍岸生文鴛、飲啄自宜情、游鱗更躍波、光裏物態無窮轉、水晶

月

水落天寒、月色明、推窗一看水盈盈、景宜對

月時宜、睡夢裡相逢、兩適情

冬日同人小集司離揚觀察署中是日

公餘集

卷五

五

稽核庫貯

三冬日暖未垂簾、拂微風入畫簷、簷不厭簿書、勤考核可知、課賦出閭閻、民無食、淡輸休、緩款貴年清、政豈嚴、却愧主人偏愛客、盤中不止水晶鹽

題晏子辭宅

更宅君之仁、辭宅臣之禮、既成而毀之、未免失情理、君命凜然、何竟執若此、也而可

為充類何所底、吁嗟晏平仲、此舉大過矣、憶

漢丞相何治宮、本太多、高帝始切責、誰云意

不美、臣言苟有當、君即為之喜、何況臣與君

分位、隔堂陞上下、千百年其事、可取比、漢充

王命、歸齊僅顯而已、晏子而有知、能無愧、後

起

十一月十五日

望日、曠曠光四耀、再過五日、一陽生、本月二十日冬

公餘集

卷五

六

至梅花結蕊、含珠滿柑實、舒黃照眼明、終歲

愁、因愁歲、歎此時、喜以喜、時亨殷、默向神

前祝為祝、明年稻麥盈

十一月十七日內子生辰作

節屆陽生日、漸長全家慶、集惠風、堂簷前、茶

蕊初含、艷座上、蘭花已吐香、鶴欲添、籌雙翅

舞人欣、增壽百年昌、夜來更喜多佳景、月色

溶溶繞畫廊

長至日五華山齋集恭紀二首

亞歲初陽復朝天萬國同南滇饒瑞色

北闕記祥風藹

皇仁普巍

帝德隆五華山頂上齋口效呼嵩

去歲瞻雲物黃雲布滿天今仍逢瑞兆又可

卜豐年冬至瞻雲物五色中惟黃雲主年豐

春秋二季收獲俱佳本日復見黃雲滿布明年麥稻收成或可又邀

公餘集 卷五 七

民氣增和樂官場勵輦虔平明朝散後覓句

費尋研

長至日家祀

一陽初復喜升新指日風光斗建寅漫道年

華如過隙還欣花樹又逢春官期報

國榮先祖祿不營私潤族人我欲時存此

志休教片念愧

君親

韻語擷華題句 并引

詩中佳作甚夥閱之不能悉識讀之不勝

其讀因於詩中竅佳者採一二語彙成一

冊名曰韻語擷華以便隨時取閱然究未

免挂一漏萬耳

韻語多佳不易收精華慎選取其尤奇花一

一歲簾內美玉雙置案頭翻閱無須全帙

動吟哦只用片時周李唐而後連車富此舉

公餘集 卷五 六

難過腋集表

題旭亭廡使小照四首

披圖忽見景清幽丹桂飄香翠竹脩中有主

人勤角藝風光不負好三秋

武備由來射竅先公餘有事意超然凝神熟

視持弓固一箭遙飛定中堅

繪圖時節猶觀察此日頭銜喜已加旭亭近

使治獄好將操射比絲毫分際莫教差

圖中題句禱該諧我準絕弦不用非廿載初
交如一日望君事業慰余懷

十二月朔日二首

匆匆節序到嘉平
莫英欣看一葉生
所喜連朝春意透
利貞已漸轉元亨
誰將春信寄蘭香
更有梅花亦吐芳
寂是滇南花事早
一年四季看花忙

惠風堂茶花初開二朶偶題

卷五

九

公餘集

綠樹攢紅兩朶開
艷濃欲放尚徘徊
回想因未得東風便
姑勒精神待歲來

明年正月立春

乙巳嘉平偕方厓制府閱省城六營士

年

六營多健銳
衆士富英豪
暇日分場演
臨期合隊操
連環聲欲續
進步力忘勞
駿馬交衝陣
籐牌對舞刀
威嚴齊仗岳
迅捷捲江濤
旗鼓圍藩蓋
干戈擁節旄
角吹營伍肅
令發將

臺高不用終須備
馬健遲爾曹

惠風堂梅花

惠風堂上惠風長
拂得梅花幾樹香
嫩蕊疏疏偏愛冷
冰姿皎皎待舒陽
節過冬至纔向
日時近春初看
淡妝更有山茶
齊吐豔隔簾
掩暎門芬芳

海山閣手植梅花再開二首

庭前梅是手中栽
已見花時兩度開
樹木樹

公餘集

卷五

十

人堪比擬所希速
獲出羣材

此花何幸近樓臺
時得人工次第培
若聽自開還自落
焉能歲歲占春魁

詠紅梅用石蘭老人元韻二首

春風桃李暎樓臺
先讓梅花鬥豔開
不辨滇南陽氣早
幾疑花自火中來
一枝清豔却殊羣
彷彿流霞色帶薰
尤怪紅妝先綠萼
生機妙理正難分

題譚蒼亭方伯臨池小照二首

公餘逸興寄臨書不帶不冠意自如舉筆沈吟心有憶想因國是費躊躇

徑丈由來獨擅奇蒼亭善書大字蠅頭欲寫又臨池

蘭亭帖是君真本况有獻之作好兒公令郎亦善書

題蒼亭彈琴聽琴小照二首

自彈自聽意沈沈流水高山一曲琴空處未

圖環立者抵緣此調少知音

公餘集

卷五

五

眾器之中德最優宣情理性自悠笙歌鼎

沸須人集何若鳴弦十指由

白玉子兒

美玉出和蘭晶瑩結子圓山中難採獲水底

豈終捐子兒玉俱出水中伴雪疑同白凝胎訝獨堅

取來歸掌握團潔不須鑄

宜良縣學宮向北非制也闔邑紳士請

移建朝南詩以誌事

建造由來取向陽營宮失向笑宜良多年艱

謬難仍貫就地遷移貴有方殿宇面南昭物

象衣冠拜北仰羹牆功成恰值賓興歲冬間

興工兩年春間即可竣事文治光輝喜日昌

聞黑龍潭梅花盛開未能即往因遣卒

馳馬到彼折取一枝持回以供案頭

清賞亦一時韻事也為賦長句一首

遣折梅花匹馬旋插瓶貯水色香妍人因滯

公餘集

卷五

五

事避花約花豈忘人倚地偏看去山風猶滿

把移來春意喜同延尋梅返取梅相就竊恐

梅花笑我顛

見市上進城米數及七十石喜而有作

歲收豐與歎視米之入城三十則歎矣四十

亦非亨問數以何適五十用作程昨忽六十

石余已慶有成茲又運七十喜後望外生上

感

天恩渥下志開闢為民之特者際此何為
情檢點公與私最忌政不平時當電勉戒
在重與輕如何能順則所貴公復明公明豈
易致義慾兩相爭祛慾令歸義敬慎一念誠

封印後一日詣黑龍潭資梅即呈方厓

制府四首

閒情封印後逸興賞梅先兩樹花全放空山
色欲然朱顏非豔冶鐵幹自盤旋愈老神逾

公餘集

卷五

三五

茂於斯可悟禪

歲有尋梅約羅浮意興長出城寧覺遠入寺
即聞香潭面游魚躍山頭嫩蕊芳樂堪同物
我何事擬濛梁

秋豐糧值賤春土又全耕對此規民隱差堪
慰吏情尋芳欣歲美攬勝喜時清梅亦含知
識爭開潤太平

前年君獨賞去歲我來遊今日欣同宴

熙朝喜共舟癸卯甲辰之冬于此暗香環席
起斜影入樽浮一話三年事吁嗟歲月流

題秦穆公用孟明事

秦穆亦一霸由用孟明孟明誠宜用所用
違所能觀其修國政彼本一文卿乃翁百思
奚尚憚口舌爭箕裘紹家法豈堪畀專征誰
知當日事竟任握重兵傳所豔稱者三戰霸
業成三戰一未敗兩敗實可懲何如初不戰

公餘集

卷五

三五

修政著令名嗟哉秦穆公幾誤百里生

賦得金在鎔得成字

麗水喜金生陶鎔得體成煙隨良冶發火以
積薪紫焰起霞光燦爐開日彩明應乾堪作
象擲地忽聞聲品負雙南貴工因百鍊精漢
中稱地產礦質望長盈

市上有賣杏花者買回一枝偶題

街頭呼賣杏花紅未識誰家入手中杏宴還

須攀桂客春秋得意自相同

王丹峯書案陳生焘一肩戲作

案頭生焘帶凝肪因味書香兩可嘗君素多
謀非食鄙切而啗之潤詩腸

玻瓈窗看花

玻瓈窗內看花清杏燦梅芳兩吐英忘却花
枝搖檻外只疑鏡裏照分明

除夕

公餘集

卷五

五

望春復望秋歲事一年周民氣添和樂官心
解鬱愁梅花辭臘燦爆竹向春稠未日屠蘇
飲真堪對景酬



公餘集目錄

卷六 詩六十二首

丙午元旦五華山齊集恭賦二首

春從何處來四首

迎春日南掌國馴象至

春帖子三首

人日

穀日

公餘集

目錄

一

同人偶集時有喜食鹽菜者亦有喜食

飴餌者因成此什

正月八日同人集方厓制府香雪齋用

齋中顏額昇平妙麗四字成什

蒼亭方伯新葺衙齋同人醮集詩以誌

賀

晴

題敬姜論勞逸

先慈忌日作

題穆子不受鼓人之降

上元旌陽觀觀炬二首

十六日雨

乾隆五十一年上元後四日奉到

御書福字並妳餅果乾恭紀

送蒼亭方伯之迪西

春雨

公餘集

目錄

二

開印

題杏雨堂即贈王丹峯兄

四友軒

春日殷春門外

春祀

關帝敬書

春祀

至聖先師敬書

春祀

山川壇敬書

春日郊外分祀

社稷壇時在驚蟄前一日是日祭前升雷降

雨祭時天即放晴恭紀

燕譽堂

送雲隈蔣工部北上即用留贈元韻二

首

公餘集

目錄

三

二月十三日至南郊送往復詣西郊迎

來途中口占

春日恭懸

欽賜福字敬賦

春祀

天后宮

營中籐牌手一項人人精銳最稱驍勇

然此種技藝於平時演陣則可觀於

交鋒對敵則無所用之今奏明兼習
烏鎗數月來演習已熟親加閱看因
賦長律一首紀事

海棠

蘭花

牡丹

二月三十日記 龍神祠

三月初一日上巳

公餘集

目錄

春日郊行即事

牡丹開時邀幕中諸君子惠風堂小集

三日家醮同賞牡丹兒子月桂赴北應

試是日得其自貴陽寄來之書

大風竟日園花盡開有作

清明日近華浦小集

耕藉禮成有作

擬耕藉日禾詞敬步

御製元韻四首

聞桂兒自鎮遠登舟

芍藥

櫻桃

卷七 詩七十四首

四月朔日敬詣

文廟 龍神祠拈香

登樓晚眺

公餘集

目錄

立夏

雞雛

四友軒繡毬花

題萱草石竹合作二首

四月聖日海山閣曉望

即事

月

賀鄂軍門新擢成都將軍二首

讀白蘓二家詩

生日偶書

優曇西竺花也視玉蘭微黃大倍之香

夜發如幽蘭藥似茵苔葉與貝葉無

異滇南督撫署俱有大樹數株每清

和候開放西林相公曾有詩言之甚

悉茲當開放之時敬依元韻成什

孟夏廿七日出郊見麥田秀實口占

公餘集

目錄

六

五月朔日 龍神祠拈香

菊茶

端午

祿豐縣啓明橋告成 并序

奉到

御賜丹錠恭紀

芒種前二日雨

壽石蘭老人

所見

題杏實

月二首

論詩二首

人有以葛寄者戲簡

題鄆陵之戰

遊太華山之太華寺見舊時所放白鶴因賦

題子產論尹何為邑

公餘集

目錄

七

夏夜聞蟋蟀

題晏嬰叔向論齊晉

蛙聲

平旦

夏月香櫞

雨

望雨用杜工部對雨書懷原韻

題季文子儉德

和曹定軒學使遊龍泉觀六詠原韻

龍潭

珍珠泉

唐梅

石刻梅花亭

鳳尾柏

森桂軒

偶書

公餘集

目錄

八

六月初十日夜月

漢相國蕭何二首 并跋

又次前韻二首

張子房

又次前韻二首

槐花黃

漢相國曹參二首

漢相國陳平二首

喜雨

公孫宏二首

汲黯

讀范蠡對越王勾踐欲伐吳語 并序

雨

白荷花

卷八 詩一百四十一首

七月朔日 龍神祠拈香

公餘集

目錄

九

白蓮花用東坡白牡丹韻

題堂前紫薇花

題盆植桃樹盛實

答曹定軒學使原韻

七夕詞二首

昔傳郭子儀從軍沙塞間將至銀州數

里駐宿既夜忽見空中輶車繡幄中

有一美女降臨賜福女笑曰大富貴

亦壽考言訖升天今於七夕日偶詠其事

蘋果

戲題蘋果

季夏藩署稽核庫貯事畢同人即於紫

霞書屋小集

季夏永觀察署中稽核糧儲

郊外勸農口占四首

公餘集

目錄

十

白蓮花

不寐

七月十五日

閱呂文穆聞朝士毀言佯為不知事偶

書

宋臣張齊賢二首

雨後

次東坡梵天寺和僧守詮韻

新裁拒霜花用東坡和陳述古拒霜花

韻

夜雨二首

睡醒

新糊居室

次石蘭老人舟行韻

次石蘭老人詠旭日韻

夜聞促織鳴

公餘集

目錄

十一

閏七月朔日

小池

新月

閏月七夕

次韻學使曹定軒遊寶珠山宿能仁寺

月

次韻曹定軒學使閏月中元

簾內月

郊行二首

喜雨二首

題盛司馬慈烏返哺圖四首

別海山閣

別海山閣下花樹二首

自滇南起程北上適值大雨次日即晴

霽

過楊林海子

公餘集

目錄

十三

中秋駐馬龍州行館作

八月十六日書寄月桂

途次初霽

出平彝縣境

十七日對月二首

酬和曹定軒學使贈別韻五首

黔陽道中

霧雨

庚戌橋

白沙地

老鷹崖二首

花都田

留別汪又新方伯

北上途中喜晴

西林渡

犀牛灘

公餘集

目錄

十三

滇黔途中觀秋穫

安順府

過安順保軍門署席間留別

過大水橋

贈陳伯思學使同年

雪厓洞

山中夜行

九月朔日

重過飛雲洞

施秉道中二首

鎮遠行館

贈天柱兼署鎮遠吳明府

秋日自鎮遠登舟用尹元長相國江行

即事韻四首

泊舟即事

小舟

公餘集

目錄

十四

重陽前二日舟中

舟行出黔境

舟中九日用尹元長相國重陽日偕表

叔度少司農錢璵沙掌科同遊攝山

韻四首

讀白香山詩偶題

舟行

舟中對月

舟中即事

舟中禱風

月夜舟行

過青浪灘謁馬伏波廟

九月十五日舟行對月四首

秋日路過武陵俞軍門見招席間出前

歲千叟宴上

御賜詩章恭閱敬依元韻即席賦贈

公餘集

目錄

十五

遊俞軍門補勝園林

月夜舟行二首

九月十七日自武陵進舟

渡荆江二首

寄題潛江縣之紅雨亭即書贈陳邑令

舟行默禱

荊州十首用東坡元韻

襄陽十詠

舟近襄陽作

卷九 詩三十二首

十月初二日襄陽早發

新野道上小寺適當官路時有老道人
住持其中洒掃布置頗覺閒雅余於
癸卯冬北上偶憩見壁間鮑舍人留
題將道人比之龐居士回道人云云
知道人非邛愚也因步其韻題詩一

公餘集

目錄

十六

首今丙午冬北上復經其處寺內塵
土委積迴不如前道人業已物化惟
蚩蚩一徒詢之茫無所知因而有感
疊癸卯南陽懷古韻

馬羣

裕州東三十里地名板倒井相傳漢光
武帝曾憩息於此道渴思飲見一石
側立石下微有水痕板倒其石即涌

出甘泉遂穿為井至今尚存其事雖

未見之史策想亦當時赤符諸休徵

之一也井之上首建有光武廟廟旁

有偏院一所克敬道人住持余於丙

午冬經過其處題此即以書贈克敬

道人

北上途中口占

渡黃

公餘集

目錄

十七

過湯陰岳武穆祠敬依

御製元韻

入直隸磁州境作

過邯鄲呂翁祠

道出離明關龍觀察自大名遠來迎謁

賦贈

過正定隆興寺贈大光禪師

明月店

清風店

途次遇吳蠡濤偕其夫人雙乘同行暫

留蠡濤郵亭敘談積愆即促之速去

賦此戲贈

十月十七日途中遇雪

次日又大雪

過涿州萬國梯航橋

過盧溝曉月

公餘集

目錄

六

十月三十日雪

長至日

南郊陪祀

十一月十四日

御門恭紀

壽劉松崦

早朝日引

見官員

登崇文安定城樓收驗工程

十二月初五日

陞殿受謝敬賦

臘月十一日

養心殿竚候引

見官員遇雪

臘月十七日立春

立春後三日雪

公餘集

目錄

九

和張十八新拜內閣學士原韻即以奉

贈

臘月廿八日朝班遇雪

公餘集卷六

丙午元旦五華山齊集恭賦

崇封及級攀齊集五華山春到

恩光普時和物意閒傾心瞻

鳳關盡禮肅鸞班萬里誰云遠

天顏咫尺間

雷二天將雪融日欲晨行年方值午

是年丙午

公餘集

卷六

建月喜回寅物象還如舊風光已覺新歸途

含潤意渥

澤仰

深仁

春從何處來四首

春從何處來粒粒放園梅藥逐和光綻香因

泫氣催冷姿還耐雪素魄豈驚雷衆卉休相

比花中第一魁



春從何處來蘋泛水之隈點如青黛盈

似綠苔浮波同掩暎隨浪自縈回著色天工

巧東風撥不開

春從何處來旭日照平臺暎帶祥光起晴添

瑞景開氣融暄草木土拆發根芽檻外遲

影休將愛畏猜

春從何處來細雨逐風回和漏宵頻滴銜雲

曉未開且看苗染翠漸見砌生苔歲始蒙膏

公餘集

卷六

澤終年得厚培

迎春日南掌國馴象至

鼉鼓逢開遍城東郊春色喜相迎土牛擁

到占豐稔馴象偕來慶太平青幟垂旛飛且

舞黃柑釀酒美而清由來盛事多逢會睹此

洵堪慰衆情

春帖子三首

陽和初布令膏澤潤春田晴雨欣相適農應

慶有年

立春逢五日節候喜當陽門帖宜春字盈門

福祿昌

大地風光行處好徧天雲物望中新

古稀天子朝元日

聖壽宜過萬三春

人日

立春三日適逢人人到春來氣象新處插

公餘集

卷六

三

花添美景家、置酒醺嘉賓盤堆生菜嘗宜

淡碗貯和羹味喜勻明日排來應是穀

君王昨已祀初辛

上謁初六日上辛祈穀壇行禮

穀日

從來人日多題詠穀日何曾見賦詩邦本在

人人最貴民天惟穀穀尤資金花勝裡還如

昨弱柳風前亦挂絲連日陰、多雨澤栽培

穀種正相宜

同人偶集時有喜食鹽菜者亦有喜食

飴餌者因成此什

爾愛食鹽我喜甘宜調五味莫偏耽昔年平

仲曾垂論宜取陳編仔細忝左傳晏子對齊

齊之以味濟其不及以淡其過君子食之以平其心

正月八日同人集方厓制府香雪齋用

齋中顏額昇平妙麗四字成什

穀日排筵慶歲亨絃歌點綴樂昇平妙音幾

公餘集

卷六

四

曲隨喉轉麗彩環臺耀燭明昨日金花還艷

豔當前竹葉泛盈盈齋中滿樹香催雪齋中梅花

盛放是日天寒欲雪應卜今年穀有成

蒼亭方伯新葺衙齋同人醺集詩以誌

賀

薇省規模本極揚因循將就漸荒唐欣逢大

雅扶輪日立見高材煥舊章興廢寧圖誇屋

潤補偏更喜際時良功成敬醺無堪祝福壽

絲之政績昌

晴

元日到初旬陰未爽人今朝開旭影入夜
挂冰輪節近笙歌發年豐爆竹頻陽和昭萬
里物我志同春

題敬姜論勞逸

敬姜身親績教子垂義方民勞則思善逸則
淫漸嘗天子及庶人日夕戒怠荒王后逮士

公餘集

卷六

五

妻親織是其常勞心同勞力先王之訓良如
何公儀休見織怒相償食祿不奪利其說原
甚當因織竟逐妻恐難對敬姜

先慈忌日作

匆々八度歲華遷不見音容十六年喜已馳
驅來遠域難留風木慰終天
春論旨今恬上以先慈病劇念子甚切軍營已亥
為周至不恬馳驛回京奉侍而先慈業已去世此
中自有定數總由子孝心未篤故不能稍為

挽留耳自巳亥至今為時八載然回每從夢
憶壬辰拜別親顏之時已十六年矣
裡親言笑却對空中拜几筵試檢臨行衣上
線那禁迸涌淚如泉

題穆子不受鼓人之降

穆子不受鼓人降賞善伐姦論頗當然而行
軍尚不測豈徒正々與堂々攻城更非交戰
比尤宜計誘少殺傷得城而無勞師旅軍吏
之言甚為長若如穆子拘牽議何殊戰泓之

公餘集

卷六

六

宋襄

上元旌陽觀觀炬二首

日裡陰々夜快晴為因元夜放燈明兩行火
出紅塵裏一片光懸碧落橫慶節笙歌臨路
發應時燭彩引人行期之意外還如意凡事
如斯最慰情
旌陽觀倚水之芻列炬臨池意甚臧岸樹挂
銜星耀彩荷房著火月爭光千聲爆響連簫

鼓四面人環似堵牆即此允堪占歲稔人心
天意本相償

十六日雨

昨日元宵月皎明今朝好雨灑春城月輪已
足酬佳節雨陣尤能潤野耕紅杏枝頭珠粒
粒綠蘋池畔水盈々當前美景非虛度所望
調和致歲亨

乾隆五十一年正月十九日奉到

公餘集

卷六

七

御賜福字並嬾餅等物恭紀

丙午王正月初甲子吾

皇錫福運微臣

天章遠被光華燦

御筆高懸覆幃勻

聖澤年周符歲月

御賜福字每年於春初奉
到去歲於正月十四
甲子日敬迓今年於正月十
九恭接亦適逢甲子日故云

深仁刻感勵心身更欣乳液分

君賜萬里流膏逮萬民

送蒼亭方伯之迪西

賞鐙纔罷正春花放迪西色倍鮮甘雨和

風迎馬首鶯聲柳絮繞車前金湯水賴諮詢

切方伯此行係奉
在商度開採銀礦全憑採訪穿永昌府
近有銀

月初圓在商度開採屈指歸時春未盡今年寒食

春雨

春雨

公餘集

卷六

八

雨水節逢雨水勻眼前氣象又添春落梅片

片如垂露弱柳絲々可歷塵和漏今宵聽滴

瀝潤苗來日更精神年々幸獲豐年象感切

無邊

造物仁

開印

開印例如常朝衣拜節堂紫泥宣

帝澤銀篆煥天光職掌期惟謹關防勵自強

一年今啓始事：願亨昌

題杏雨堂即贈王丹峯兄

杏雨堂前杏正開杏花好雨逐春來攀枝忽
見珠霑袂對面還疑酒暈顛碎錦建坊誠美
矣爭春立館太奢哉那如堂外雙：樹時有
臨池翰墨培升峯兄善書而
正喜書故云

四友軒

柏翠松青竹更幽落梅幾片點春裘間來散

公餘集

卷六

九

步迴廊下四友風流最契投

軒前植松柏竹
梅四種故頌曰

春日殷春門外

殷春門外攬春行稠疊春苗正發生麥葉青
青容吐穗豆花燦：已舒英昨宵雨過塘添
水即午風來柳弄晴拍點當前多適意惟持
謙翬戒驕盈

春祀

關帝敬書

仲春多祀典月朔祭惟寅

聖自堪為帝

靈尤可佑人

關帝廟踞近年
物加靈佑二字

蠲期同拜獻率

土致尊親歲：來瞻仰時：敬肅申

春祀

至聖先師敬書

東魯衣冠古南滇奉事寅文明開後啓闡發

公餘集

卷六

十

賴前人日擇三朝吉祀逢二月春

本年初三日
致

祭班聯齊殿下眼目煥然新

近日新
加修葺

春祀

山川壇敬書

名山與大川覆庇一方全共仰高深德爰陳

俎豆虔蠲期惟戊日致祭在春天膏澤當時

霈優恩欲福滇

春日郊外分祀

社獲壇時在驚蟄前一日是日祭前升雷降雨

祭時天即放晴恭紀

驚蟄聞雷主歲亨況當分祀致心誠魚龍不
久江湖偃草木應隨雨露生渥澤普天含遠
野

恩膏一路達重城歸途旭影樓頭挂尤感陰
晴適協平

燕譽堂

公餘集

卷六

十一

射圃新脩警名題燕譽堂持弓須審固發矢
學穿楊不是銷閒地居然演武場更欣多點
綴桃豔竹成行

送雲隈蔣工部北上即用留贈元韻二

首

和氣融一藹一堂御賜一堂明國軍機處有昔

曾趨直寫麻黃詞頭敬錄編年遠隨手頻登

記日長軍機處設有隨手錄於上託跡南

天心似水歡言

北極口含香送君步登仙去惹我依之刻

不忘

水複山重匹馬臨郵亭遙指識前林三迤花

柳愁人別五嶺幽竒待客尋雲隈此去愧我

題詩非吐石詠君留句即舍金春明後會堪

相約請予擬冬開泰孟酒重論暢素襟

二月十三日至南郊送往復詣西郊迎

公餘集

卷六

十三

來途中口占

南郊送客行返戀還西城麥秀連山翠花開
市地明表因溫厚熱衣羨夾單輕還望舒雲
氣春膏遍野盈

春日恭懸

欽賜福字敬賦

二月好芳春堂懸

賜福新一家承

澤厚百歲荷

恩頻艷艷桃花放青青草色勻相看多樂意

深感

帝天仁

春祀

天后宮

春色平分好蠲期致祭寅八閩推

聖母六詔拜

公餘集

卷六

十三

明神海靜風濤息江平覆庇身銅船依次過

無恙感

深仁滇省每年知運八起俱由江河而達京

月掃掃可避風濤之險於八月間

營中藤牌子一項人人精銳最稱驍勇

然此種技藝於平時演陣則可觀於

交鋒對敵則無所用之今春明熟習

鳥鎗數月來演習已熟親加閱看因

賦長律一首紀事

籐牌手素銳而強兼習鳥鎗技更良火發三

聲雷奮地隊排十卒雁分行鳥鎗例以十人

式二十鎗以上者為頭等時逢道泰原無

用職訓營操貴有方演罷籐牌仍合陣新能

舊業兩爭長

海棠

幾枝嬌艷鬥春光桃李應輸粗俗妝結葉盈

公餘集

卷六

十四

盈偏覺雅垂絲細細自多芳風前欲舞愁無

力閣下含靈亦有香蜀中昌州海棠獨香太

綠野當年曾樹植而今指作是甘棠署中丞

手植海

蘭花

春來綠葉映花紅惟有蘭花與葉同望色青

青無二致聞香馥馥歷諸叢佩宜君子清高

似真比同心氣味通不事朱顏甘雅淡天然

品格自尊崇

牡丹

牡丹北地花南國亦多嘉欲見丰姿好渾忘
道里賒樓臺添色麗風日弄枝斜近砌依雕
檻移窓暎碧紗杜鵑為後起丹杏湯先華那
似天香渥春王麗衆葩

二月三十日祀

龍神

公餘集

卷六

十五

來朝逢上巳明日三月今日祀

龍辰節晦知莫落春深喜柳勻精誠祈默祐
香帛敢虔申所禱恩膏普調和福萬民

三月初一日上巳

上巳恰欣逢朔日春光九十剎三旬落紅片
片桃花豔送綠絲絲柳葉新未學流鶯追往
事聊憑習射慰良辰是日與將晚來不欲空
佳節敲句閒吟可爽神

春日郊行即事

直蘭城郭水雲涯小隊郊行望眼賒三月春
陰濃淡處野烟分綠到桑麻
雨滋綺陌土膏融楊柳頻吹拂面風佇盼逢
年書大有寸心虔鞏廟初終
昆池新漲碧波盈底事乘風倚棹行林外晚
霞山外日餘輝璀璨引雙旌
公餘拈筆偶耽吟坐擁詩書思獨深觸念動

公餘集

卷六

十六

關民隱切箇中苦樂耐推尋

牡丹開時邀幕中諸君子惠風堂小集
披拂春風稷節邊牡丹恰到十分圓花開堂
上曾多次人到南中忽幾年每愛芬芳歸雅
淡花色白多而微豈因濃豔致流連佳時燕
飲堂中坐友誼花香兩兩仙

三日家醪同賞牡丹兒子月桂赴北應
試是日得其自貴陽寄來之書

三日融和被穉天牡丹花好色香鮮笙歌一曲誰云俗骨肉同堂便是仙數朵輕紅添景麗幾枝新綠動春妍封書遠寄來黔地捷報泥金此卜先

大風竟日園花盡開有作

一日風狂花盡開誰家巧用剪刀裁園庭倏爾添顏色紅紫迎人帶笑來

清明日近華浦小集

公餘集

卷六

十七

清明時節喜清明無霧無煙泛舫行兩岸旱苗生意滿一渠流水碧波泓盃中酒氣含花氣座上歌聲雜鳥穀日未沈西人各散寧貪美景滯雙旌

耕藉禮成有作

叙：昨日過清明今日東郊舉措耕請學老農非我願知風聲下在躬行九推往復驅牛順一刻勤勞播穀盈歲扶犁人力盡還希

造物賜豐亨

擬耕藉日禾詞敬步

御製元韻

惠風和暢暮春時黃鳥于飛楊柳垂耕藉由來遵古制奉行普遍不如茲

驅牛到處起微塵農吏報時正吉辰為念小

民終歲苦慚予一日偶躬親

春日融：起蟄龍農夫無日不親農我心切

公餘集

卷六

十六

處人須曉惟有殷：望歲濃

扶犁播種手持鞭數載何曾曠一年黛耜青箱能稔習農歌入耳韻悠然

聞桂兒自鎮遠登舟

書來報道已登舟北協龍門汲浪遊努力前程休少遜何妨讓爾撞烟樓

能登進士榜則可謂撞破煙樓矣勉之望之

芍藥

當階紅葯燦雲霞花似牡丹葉少差不逐羣
芳爭早豔獨含嬌質殿春華凌晨醉露揉輕
幌向午迎風展絳紗聞說廣陵多種類滇中
顏色亦堪嘉

櫻桃

粒：珊瑚貯玉盤含桃味羨性非寒日長獨
坐無餘事容可消閒代一餐

公餘集

卷六

十九

公餘集卷七

竹軒劉秉恬著

四月朔日敬詣

文廟 龍神祠拈香

纔過爛湯三春節破曉清和四月天一望郊
原浮麥氣旋看池沼點荷錢所希天意如人
意還願今年勝去年泮水龍池連地脈管教
雨足插秧全

公餘集

卷七

登樓晚眺

凭欄遠眺氣舒長無限風情晚更張南海水
光相掩映東山日色照輝煌萬家煙火饒生
意四面樓臺帶夕陽欲倩丹青圖寫取恐難
妙手擬倪黃

立夏 四月八日

一宵好雨送殘春節屆清和更益人麥粒添
肥圓且湛秧鍼增綠密而勻自饒樓閣清涼

意偏覺郊原眼目新
尤喜今朝逢浴佛
龍華盛會淨無塵

雞維

亨雞剛出卵飲啄却偏知
祝如先稔膠尚後期
羽毛全未滿杆蔽正難離
五德周俱日司晨始所宜

四友軒繡毬花

繡毬斜倚假山開
誰把輕綃碎剪裁
玉蘂紛

公餘集

卷七

二

紛同一蒂瓊花朶
巧攢堆儼然結象球堪
撲豈是憑針綉得來
相見年迎節發何曾
借重督工催

題萱草石竹二首

向聞萱草可忘憂
果得忘憂是上籌
惟是人間諸事業
難從安樂箇中求
美玉由來韞石生
琅玕竹玉兩齊名
此花竹也而云石
合并琅玕取義精

四月翌日海山閣曉望

清和雨後氣猶寒
曉上高樓倚畫欄
積霧全開心際爽
晴天無障目光寬
峰嵐萬點添新翠
烟火千家熟早餐
遍地黃金知麥稔
我心竊為衆心歡

即事

文按清時日已遲
從容退食可隨宜
射堂習射花香襲
書几觀書燭影移
明月出雲天愈

公餘集

卷七

三

皎微風過樹葉偏
知芸牕靜坐閒
無事筆硯精良可賦詩

月

月上半窗明
人眠醒五更
對窓看月色
倚枕聽更聲
止水無投石
滄浪可濯纓
此時心際澈
應似玉壺清

賀鄂軍門新擢成都將軍二首

南滇三載駐軍門
西蜀新操將令尊

鳳詔飛來馳萬里，豹文丕變耀千屯。君曾向我輸謙意，我亦為君感特恩。

從此東西分使節，滿懷離緒那堪論。

錦官本是舊游城，到處重來倍慰情。公先由四川建

昌鎮陞授雲南全省軍門自有偏裨懷舊德，遙知父老望

新旌營旗統轄恩，威著文武兼裁政。績明成都

將軍管八旗綠營兵丁分轄建昌松茂二道屬文負詔下兩川均佩服

何曾見有一軍驚

公餘集

卷七

四

讀白蘓二家詩

東坡自道是香山，二子詩名本一班。今日我來勤誦讀，蘇詩峭拔白詩閒。

生日偶書

四月滇城翠作堆，蔥蔥鬱鬱氣佳哉。聊陳魯酒留賓坐，敢謂壽觴對客開。華髮青春難久駐，天時人事慣相催。百年把鼻無良策，著力心田積厚培。

優曇西竺花也，視玉蘭微黃大倍之。香

夜發如幽蘭，藥似茵蔯與貝藥無

異。滇南督撫署俱有大樹數株，每清

和候開放，西林相公曾有詩言之甚

忠。茲當開放之時，敬依元韻成什

四月清和節，優曇正放花。芬芳堪供佛，題詠

豈同巴似貝。繁枝翠如蓮，結藥華西林。先有

白合擬指南車

公餘集

卷七

五

孟夏廿七日出郊見麥田秀實口占一律

出郭沿河數里行，正當麥熟慶收成。樹排綠

翠千重暗地布，黃雲一望平。古寺傍邨金碧

耀，遠山連水畫圖橫。所希刈獲登場後，一雨

均霑稻插盈

五月朔日

龍神祠拈香

九龍池畔謁龍宮，節屆朱明曉景融。荷葉田

田離水翠榴花豔、綴枝紅峰嵐縹緲祥煙
裡樓閣差參玉鏡中惟籲及時甘雨降普霑
膏澤益農功

菊茶

採茶時節雨前春小菊秋開不是隣偏合春
秋烹七椀清風習、口生津

端午

年年午月逢重五午與五同義屬陽門外榴

公餘集

卷七

六

花紅似火階前蒲葉碧於桑應時角黍甘嘗
美八戶薰風靜送涼陽盛十分陰即發濯枝
雨足管栽秧

祿豐縣啓明橋告成 并序

祿豐縣東之啓明橋為迤西往來大路
且為該邑地理攸關傾圮多年未經
修築余於乾隆乙巳季夏經由其地
城鄉諸士子道左相迎余因將斯橋

之急應修復面為勸導諸士子皆踴躍應諾而去越明年丙午孟夏邑令以橋工落成見告因賦詩一首以誌其事既喜歲工之迅速并嘉闔邑紳民之急公好義云

啓明橋近祿豐城橋廢空餘帶水橫我勸衆
擎斯易舉邨愁道築迄難成居然初月浮雲
皎果見長虹飲澗清從此文明看大啓鹿鳴

公餘集

卷七

七

宴上喜題名

奉到

御賜丹錠恭紀

開匣光輝五色攢氤氳香氣上衣冠來從萬
里
恩流遠分送同人澤被寬玉質渾如鹽水錠
童穎可駐紫金丹年、五日蒙
君賜珍重佩身感且歡

芒種前二日雨

麥黃時節宜天晴麥熟盼雨更繁情望晴麥
粒益飽綻望雨却為插秋秔兩念交戰莫稍
釋我心為之轉怍、非是我心貪無厭二者
實有關民生茲當芒種前二日忽逢沛然竟
夜傾亥時起至辰時止通宵達旦未住聲春
苗時已刈獲畢收貯場圃擬阜京今見溝澗
滿潄水正可竭力事深耕老翁婦子均在野

公餘集

卷七

旬日之間宜插盈吁嗟乎

天心慈愛人心恪誠惟望從此宜暘宜雨西
風起子報順成

壽石蘭老人

歲周花甲堪稱壽况復看花又七開閱世崎
嶇悲已往享年康健喜將來閨中儒雅詩千
首座上雍容酒一杯相倚廿年非旦夕素知
多藝更多才

所見

雨歇園林靜天晴鳥羽乾穿簾知鷺舞集戟
看鴉攢擊點鳴衙鼓蒸煙熟晚餐徘徊無所
事徙倚近闌干

題杏實

仙杏何須天上種庭前綠樹亦同嘉相看粒
粒金成實迴想垂、綺結花果擬桃紅堪餽
食味非梅碧致酸牙先華後子天然理次第

公餘集

卷七

排來却不差

月二首

薄雲片、似魚鱗露出團、月一輪看月到
逢新霽後光疑水面泛波痕

今夜月明可画綃畫中月色却難描何如寫
作有殺畫對月吟詩一弄簫

論詩二首

老嫗解詩太傳歌豈知太傳學如何假憑顯

露文空寡世上香山定見多
搜羅往事富文章自見便
腹滿藏却恐多
文無細律祭魚乏味獺空忙

人有以葛寄者戲簡

自來炎地少炎天六月風光不去綿
啓篋每愁狐貉敞開函忽見葛絺
鮮舍風軟細應宜
體疊雪輕盈怕聳肩且受承筐歌好我異時
移地自容穿

公餘集

卷七

十

題鄆陵之戰

晉楚鄆陵役藥范謀不同藥武在力戰
范文欲返戎是以兩人謚文武各異封文固能輯
睦武豈不足崇鄆陵一戰後不競在南風晉
若知憂內何患國不雄惟命在有德其言允
宜泛況有二維在謂范白副國更非庸奈何
聽譖壁霸圖遺悼公

遊太華山之太華寺見舊時所放白鶴因賦

古剎同標太華名野風微嗽塔鈴聲
凭高俯瞰山千疊船載波光水遶城

入寺時聞貝葉香優曇花放日初長
忽逢舊放翩翩鶴似解依人性獨良

築亭寧必仿蘇仙大可聽經佛座前
萬里烟霄任冲舉胎禽體質本超然

南滇駐節荷

恩隆數載時和歲屢豐偶陟高山觀
萬象欲

公餘集

卷七

十一

收民隱入雙瞳

題子產論尹何為邑

我讀子產論為邑卓識高見允賢臣
學而入政已槩矣何事多為取比倫
操刀製錦譬田獵曲為引喻實爽神
春秋二百四十載旨哉大夫處心仁
奈何行仲夫子欲使子羔宰費人宣
聖一言真破的僑也何幸偶合肩

夏夜聞蟋蟀

雨歇庭除靜，吹來蟋蟀聲。知非床下躍，合在
壁間鳴。斷續隨風遠，悠揚入夜清。徘徊聽坐
上一洗躁心平。

題晏嬰叔向論齊晉

晏嬰叔向兩賢臣，論國無疑卓見真。何竟道
傷空袖手知，而不救任因循。

蛙散

非是笙歌到耳邊，池塘深處鬧闌干。消聲原

公餘集

卷七

十三

自無形始百和誰知一唱先，兩部齊鳴聽市
地通宵不住響。驚眠豈同井底潛，身秘寂窳
無聞但管天。

平旦

鐘漏沈沈未曙天，腹搖鼻息正堪眠。覺來便
盼栽秧普為善，猶疑為利先。

夏月香櫟

榴花叢裡見香櫟，迴憶形成已隔年。春夏秋

冬舍四氣此真可謂得天全

雨

見雨更深望雨情，只因秧插未周盈。所希海
水垂雲立傾倒，通宵又徹明。

望雨用杜工部對雨書懷原韻

盼望濃雲起雲行，莫任虛倒傾。驚宿鳥滿沛
亂遊魚滿貯栽秧野，停翻屏水車。倘能如所
望，煩鬱暫容除。

公餘集

卷七

十三

題季文子儉德

季文儉德實堪風，秦漢而來每與同。三代以
能不以儉自持者不乏其人如公孫宏之後相臣
食不重肉即季文子妻不衣帛馬不食粟之
也。惟念國人兄若父，推心絜矩却無窮。

和曹定軒學使遊龍泉觀六詠原韻

龍潭
激潭未見馬呈圖，豈有驪龍吐領珠。只為萬
千魚起躍稱名故，與等閒殊。

珍珠泉

溶々遥印月輪開更有明珠滾々來自是天
然呈妙象人工雖巧那能裁

唐梅

鐵幹盤旋真傲古春花開放却宜時其中自
寓貞元理花不言人亦不知

石刻梅花亭

壁間寫出一林春逼近傳容自得真風雨年

公餘集

卷七

十四

來多剝落對亭惆悵與誰倫

鳳尾柏

翠羽飛棲古寺中何年辭却守深宮龍姿鶴
骨添同侶對此空山便不空

森桂軒

湯道小山隔一方軒前習々桂風涼冬榮勸
讓梅花占秋月明時十里香

偶書

從來直道不辜身坡用東與世周旋與我真飲
酒甘推均勝我吟詩自愧未如人讀書幾卷
須窮理為政多方不外寅檢點公私方寸澈
莫將此念負君親

六月初十日夜月

雨收天際淨無塵玉鏡遙開半壁新若到中
秋光皎澈還須三次過初旬木年開七月

公餘集

卷七

十五

漢相國蕭何

五錢送奉厚于三物色塵埃識獨諳一得千
秋排衆議功名從此駕曹參
且收巴蜀定三秦萬乘何妨暫屈身更有一
番奇議論養民而後致賢人

書曰野無遺賢蕭何咸寧又曰臣作朕

股肱耳目予欲左右有民汝翼予欲
宣力四方汝為是用賢原為養民也

乃何云養其民以致賢人此誠三代以後獨能見到之語徵之當日實事如張良韓信鄴食其等之歸高帝均在一起豐沛得人民之後其後義戈東指人民益多而豪傑之士歸來者益衆正可為養民致賢之明驗矣

又次前韻二首

人中稱傑列于三鎮國輸糧所獨諳今見世

公餘集

卷七

六

家如目覩還須掩卷靜中參
不聽御史竟歸秦附鳳攀龍重此身所羨功
名成立後獨能靜守作完人

張子房

博浪沙中膽氣豪圮橋納履儼兒曹平生妙
用人難測進退剗柔自我操
佐漢為韓在復仇功成遜抑願封留傳聞辟
穀修仙事未識穀真可辟不

又次前韻二首

五百年來命世豪孟子云五百年必有名

揮早已駕蕭曹讀書想見風流渺試聽琴中

一曲操琴曲中有圮橋進履之名

尚論古人莫與仇從容儒象簡編留程子云

不退從容有儒者之風遲生三國紛爭日諸葛才謀可遜

槐花黃

公餘集

卷七

十七

轉瞬紛々舉子忙簷前槐樹已花黃槐黃比

桂差相似折得桂花分外香

漢相國曹參

淮陰並繼戰功多事定誰能復我過忽有安

平開創論勛名畢竟遜蕭何

何事匆々促治行自知掄我秉鉤衡去齊獄

市仍留意此念允堪輔守成

漢相國陳平

毀譽從來豈有情人言盜嫂短陳平不如無
有嘲糠覈即此何須辯再明
割肉均分志已遙放言論相愧同僚南宮品
定只三傑四傑其誰越次超

喜雨

連日陰陰飛小雨今朝雨始十分宣庭前積
水侵階砌四野流膏徧陌阡更喜優霑非破
塊寧愁泛溢待防川暇時欲作中和樂何武

公餘集

卷七

十八

能歌可藉傳

公孫宏

金門射策繼天人請罷南夷亦愛民偏遇衰
翁年九十目為曲學刺言頻
廣開東閣欲延賓賓惡無如是故人粗食布
衣回習俗用心何必定非真

汲黯

漢庭堂、有汲黯洵為直道不辜身招之不

來麾不去責育有力難比倫有時犯顏欲切
諫矯焉不屈敢批鱗以忠事上下之責自宜
屏飾務率真然而立言亦有道顧體酌宜所
當循奈何逞意口不擇內多愆而外施仁此
語言者固不覺未知聽者何云云假令激怒
按法誅漢庭幾少一完人吁嗟乎三代而後
人皆服汲黯之為直臣我却深嘆漢武之不
愧為明君

公餘集

卷七

十九

請范蠡對越王句踐欲伐吳語并序

按古來謀臣智士為其君出一策獻一
計而致成功不過就當日之事機揣
摩立論耳其能本天地人進退從容
而定議者罕見其人也若范蠡者其
殆王佐之才與假令早生數百年太
公散宜生閔天諸人即其流亞遲生
百餘年若張良蕭何陳平眾傑士亦

未必能過之也

運籌悉准地天人造化因成見屈伸可惜當年逢霸王未為統一帝王臣

雨

幾日爽晴連濃雲忽滿天電雷光幕外滂沛瀉簷前江湧盤龍漲河流寶象盤龍江寶象盤龍江寶象城外水車今暫輟農老喜安眠真南城外沙田中

公餘集

卷七

二十

白荷花

誰將崑山玉琢成白蓮花花色雖少艷花香却甚嘉亦自出汗涴通體更無瑕月下宜靜看冰雪漫相誇寘真寧後素丹朱不須加非敢傲紅蕖清標洵足華

公餘集卷八

竹軒劉秉恬著

七月朔日 龍神祠拈香

眼看池沼有殘荷月朔拈香忽七過深感今年霑早雨共欣到處插秋禾小山曲折饒生意綠水潺湲入大河祠內有假山水惟禱神靈長默護豐登歲賜民和

白蓮花用東坡白牡丹韻

公餘集

卷八

一

城西菑菑花千萬落照殘霞色染丹那似玉盤開一朵寢宜月下倚欄干

題堂前紫薇花

昔年本是紫薇郎余初官中書舍人此日紫薇放滿堂人見花開如舊識花逢人面在他鄉自朝至暮容無異從夏徂秋日倍長心憶紫薇朝聖主南山詠奉紫霞觴

題盆植桃樹成實

誰將千載實種在一盆中粒：迎秋熟團：暈色紅財成真有道灌溉豈無功曷倩如知此瑤池說更窮

答曹定軒學使原韻

夏日炎：晝正長芙蓉幾朵發清香貯盤我愧無佳饌擊鉢君應有智囊坐客風懷原鮑謝題詩筆力繼班揚清樽對舉成嘉會所貴當前急就章

公餘集

卷八

二

七夕詞二首

一雨迎宵為洗車

初六日夜大雨移時

曉來碧漢淨無瑕

雙星今夕河邊遇不藉燈華有月華

盤中酒果雜花瓜乞巧癡兒意頗賒空對雙星陳密訴金梭曾見落誰家

管傳郭子儀從軍沙塞間將至銀州數

里駐宿既夜忽見空中駟車繡幄中

有一美女自天而下子儀拜祝云今

日七夕當是織女降臨賜福女笑曰大富貴亦壽考言訖昇天今於七夕日偶詠其事

忽見祥雲降遠空駟車繡幄耀堂中冠裳縹緲天孫女甲冑鮮明郭令公為賜門庭多吉慶還教福壽保初終相傳簡策成佳話今日今宵可與同

蘋果

公餘集

卷八

三

蘋果向聞生北土今看嘉植在南疆春華忽已成秋實適口還欣可飽腸質熟甘推仙杏

早味香遠比谷梨強湯云此果非南品佛果

由來產佛鄉向傳滇中有佛出身處佛光常照臨故花中有優曇花一種

蘋果華亦係佛書所載更宜產此矣

戲題蘋果

花紅變作老頻婆

北土之蘋果即花紅一種之變也一名頻婆夜置枕

逸有香人粉面塗紅醉臉酡無事簪花增豔冶

夜深香氣枕邊多

季夏藩署稽核庫貯事畢同人即於紫

霞書屋小集

到此承宣忽二年到漢二載又逢盛放紫薇

天度支有道俱無欠督率攸宜患入編聊藉

笙歌聯友誼豈因杯酒致流連仰惟

聖德籌無著定例甚嚴錢糧至二千兩以上

舊日積欠子期自皇仁也大法小廉勉自全

公餘集

卷八

四

季夏永觀察署中稽核糧儲

炎夏夏日正當陽書屋三間樹蔭涼淨几明

窓饒雅趣盆蘭瓶菊自芬芳時豐下可籌餘

食穀熟官宜貯滿糧整頃精神勤補綴鳳毛

振起庶兒郎永觀察年過五十近得一子甫五歲器宇不凡故云

郊外勸農口占四首

新禾夾道翠雲濃今日郊行為勸農分付前

驅休足捷輕鞭緩轡任從容

彩棚近倚廟門斜新折松茅徧地遮稍待行

當分酒食見童依次莫誼譁

妙應禪林暫坐茶間看古翫亦堪誇僧言我

是江南容四十年前早出家僧素喜陳設古

人來此出家已四十年矣遙見山頭雨意來整齊小隊急須回所希膏

澤長調順秋穀登場似阜堆

白蓮花

公餘集

卷八

五

出水絕塵埃亭素藥開玲瓏雕玉巧潔白

展纈裁味馥由中發容蠲是本來對斯堪品

賞濃豔豈凡材

不寐

不寐却緣心未靜將心尋靜在無思近來學

得安心法心自管心不外馳

七月十五日

閨逢夷則添佳景今月今朝足半年桐葉知

時纔落一十四日荷花倚水正開千昨過七

夕星雙度待賞中秋月兩圓

聖壽遙同天壽合春秋增益慶綿前歲閏三月今

年閏七月此多益春秋久綿長之象也

書 閱呂文穆聞朝士毀言佯為不知事偶

書

翩々叅政詣朝堂惡語飛來到耳苟同列猶

深睚眦意當躬獨抱海涵腸豈無斧鉞堪圖

公餘集 卷八 六

報不究姓名儼若忘具此休容寬大度微時

不足更何妨趙普剛毅果斷然多忌刻屢以微時所不足者為言

宋臣張齊賢

張公真不愧齊賢文士材兼武備全若是當

年專將相邠愁西夏及幽燕

最取張公論御邊外安須自內安先欲求境

域長無擾邊吏得人自萬全

雨後

連日甘霖豈覺賒陰々庭砌翠苔遮多情欲

拂風前柳窠愛新開雨後花林木叢中看舞

鶴池塘深處聽鳴蛙今年暘雨真調適三十

六番幸不差

次東坡梵天寺和僧守詮韻

寂寞空山裡煙樹環古寺門外樵牧人蓑笠

著草屨少馬日色西牛羊各下去

新栽拒霜花用東坡和陳述古拒霜花

公餘集 卷八 七

韻

墻間濕土色猶黃新種芙蓉逗晚芳霜雪滇

中從古少拒霜況復更宜霜

夜雨二首

星自明々天自雨銀漢底畔水飛舞陰晴自

有天主宰人倦欲眠且閉戶

窗前窸々已無雨遙聞鶴鳴知翅舞腹搖鼻

息夢栩栩少焉日出又啓戶

睡醒

睡足醒來不喜眠，猶如行路欲休然。行勞睡
逸均難極，惟有中平適得天。

新糊居室

高閣初糊色似銀，明窗粉壁宛如新。最宜素
月當樓照，惟有清風入戶勻。本色從來堪領
略，安廬豈事好鋪陳。瓶中一二花枝秀，贏得
滇南四季春。

公餘集

卷八

八

次石蘭老人舟行韻

竹翠蟬娟倚碧梧，扁舟一棹際秋初。無邊風
雨憑誰取，半醉吟詩淡墨書。

次石蘭老人詠旭日韻

諸色誰如日，色豔金碧輝。煌煌照面，欲窺羲
輪方命駕，須向蓬萊島中見。

夜聞促織鳴

豈同蝙蝠晦為明，入夜因何不住聲。轉瞬西

風吹冷至萬家砧杵最關情

閏七月朔日

一歲光陰大半過，尚餘六月莫蹉跎。小山欲
發叢生桂，碧沼還開未老荷。再整星橋迎織
女，添推日馭待羲和。年來事業慚遲鈍，補拙
須勤喜日多。

小池

碧沼縈迴接地平，天然結構自圓明。池塘已

公餘集

卷八

九

寓江湖勢咫尺，長懷遠大情。綠藻紅鱗相掩
映，春風秋月共澄清。觀于海者難為水，大海
還從涓滴生。

新月

雨過新沐碧，天秋新月哉。生似玉鈎，待得團
圓如鏡滿，還須載酒一登樓。

閏月七夕

七夕從來是巧期，兩逢七夕巧尤奇。雙星赴

會重相見烏鵲填橋再整儀
密語猶如前日事
述懷那似隔年離
夜來半壁新明月
又照家乞願私

次韻學使曹定軒游寶珠山宿能仁寺
何處堪遊玩
寺在山之半山幽
寺亦幽雲日相輝
煥門內佛龕古
門外花木燦
聞有千尺雪飛鳴
下巖畔
高人來尋勝
遊豈同汗漫
夜聽梵音起
木魚聲似喚
靜中悟妙理
題詩不

公餘集

卷八

待旦我未身到景行徒仰贊

月

輕雲缺露玉輪鮮
恰是荷殘桂放天
彷彿昆池浮水鏡
碧波涌出夜珠圓

次韻曹定軒學使閏月中元

節號盂蘭古所聞
試看城市鬧紛紛
賣花頻聽見
童唱供佛寧
因僧俗分兩度
中元知暑退
適當白露未秋殷
本日本節 碧天點綴多佳

致巧翦輕羅一片雲

簾內月

竹簾篩月影
絲絲彷彿風吹水
面時延取清光來
室內冰心何用外人知

郊行二首

綠穀兩邊與馬齊
當中一道白沙隄
輕鞭緩轡行穿野
遙望對山雲角低
日融風暖催杭熟
久霽還須藉雨滋
焉得當

公餘集

卷八

宵甘澤沛階前響
滴枕邊知

喜雨二首

望雨今朝喜
雨霑坐聽雨
點響垂檐
丁東不斷
斷紗窗外應似銅壺滴
漏添何時作樂賦
中和隨筆閒吟
短句歌想見
盤龍江水漲家
怒閘潤秋禾

題盛司馬慈烏返哺圖四首

觸物關情動性天
那堪羣羽舞翩翩
馬蹄踏

處歸途近落葉紛々古戍前
滇南萬里速姑蘇鳩杖從何接鳳雛妙有丹青傳畫意秋林傍晚看慈烏
幾重碧水幾重山一路丹楓引馬還待到梅花開放日倚門含笑慰親顏
親年七十準陳情辭檄還如捧檄榮薄祿剩餘資告養應知子孝為君成

公餘集

卷八

十三

別海山閣

補偏救弊閣重修撫署舊有峻閣關係全省
不忍聽其廢棄忽々風水予於庚子年到任後到今成舊遊此日朝天趨

止關他時回首憶南州鴻留指爪痕難泯閣對海山景獨幽明月清風逸興將來或擬庾公樓

別海山閣下花樹

桃杏雙々閣下栽而今七載已成材莫因我去惜顏色仍逐春光歲々開
花不能言豈有知愛花人却欲留詩代為花
答題詩者君去勉如君住時

霽二首

佳時尚未近重陽風雨緣何若箇忙莫見露塗愁遠道留將膏澤潤文腸是日值鄉試場期正諸士子抽

公餘集

卷八

十三

之思行文也

遠山漸吐舒晴色風霧旋開送旭陽此去朝天多吉事情同攀得桂枝香

過楊林海子

一望澄波似鏡明小山橫斷碧流縈松排萬樹含滋茂稻插千畦藉潤生時見羣鷗飛上下還看玉鯉自游行為臨古刹多幽趣水面浮來磬數聲

中秋駐馬龍州行館作

三迤忽過七中秋不覺光陰荏苒流往歲賞

吟金碧月昆明城外今朝駐宿馬龍州開

窓對樹清機發倚檻臨池逸興稠薄暮風吹

雲漸散更深應見玉輪浮

八月十六日書寄月桂往桂於二月間

署理少司馬

三場今日試期完未卜文章可觀盼汝當

公餘集 卷八

秋先奪幟喜予前月得遷官年身倚

君門近日眼看子舍安此即人間真樂事

莫將真樂等閒看

途次初霽

雨後道無塵天晴氣象新四圍山色見一片

稻香勻策馬寧愁滑揚鞭可自申年勤送

遠今我亦行人

出平曩縣境

南彛自古最難平縣號平曩舊有城地界黔

滇分兩省道通東北達神京我來七載無佳

政今別三迤有厚情惟望諸君勤善後撫曩

如子保羣生

十七日對月

月影菊花兩清當秋對月照花明今宵明

月人見湯動廊州老杜情

中秋過後月連明引我詩情潑生此際蕭

公餘集 卷八

條行館裡閒吟不覺到三更

酬和曹定軒學使贈別韻五首

我豈明良佐治才認承

恩命到滇來今朝策馬揚鞭去喜近

天顏仰睿裁

共事三年友誼深金蘭約契有同心臨行叨

贈佳詩句引我離情不自禁

昆明發軔帳雲天道路迢六七千好雨好

風隨處記中和樂職待時宣
多士知能盡屬良沐君雅化更成章今年大
比收才雋看赴庶鳴得意場
此別情知日不多且將詩句當驪歌春明期
會重酌唱二月風光正暢和

黔陽道中

一入黔陽界山多地少平兩邊青嶂立靚面
翠屏橫上下如梯轉盤旋似帶縈我曾經蜀

公餘集

卷八

十六

道此更較難行

霧雨

細雨洒古道濃霧遮蠻天終日行山裏山中
不見山四顧無所有一望沒峰巒元豹尚知
隱客行何獨前

庚戌橋

鄂西林相國總
制滇黔時所建

庚戌年曾建此橋額題庚戌淺深雕西林姓
字逢人識南國功勞與世遙用涉大川垂久

道寧同小惠濟崇朝我今丙午來過此吟白
重將舊業標

白沙地

前歲來時雪今年到此雨雨雪何多情來往
適相侮所希

天仁愛明朝紅日吐

老鷹崖

聞說峯高雁欲歸此峰尚有老鷹飛山頭立

公餘集

卷八

十七

馬頻舒眼無限烟雲遠翠微

老鷹崖是最高巔恰值泥塗接道連前路峰
巒猶歷々急須放出蔚藍天

花都田

花都自有田此地却空傳四面環青嶂中間
露碧天秋深却稻熟日暮旅燈然早駐渾無
事閒將筆墨研

留別汪又新方伯

風流儒雅仰翩翩，叨與臺垣列後先。又新給
諫曾以戶科給事中出使一白鴻飛分兩地
闕者余未命權其事空憑鴈字寄遙天而今得見真嘉會那識相
逢是別筵甲秀樓前重話舊貴陽府城南有
潭銜杯且看菊花鮮

北上途中喜晴

朝來放出蔚藍天，雨歇行程便是仙。少少青
雲瞻

公餘集

卷八

十六

日近班生那得一人專

西林渡

青山盡處水潺潺，渡過西林又極巔。行客豈
愁登涉苦舟人，早駕送迎船。整新兩省均經
費，拆舊五年著例編。西林渡為鄂文瑞相公
別歸西沐即以名之渡船例定五年大造經費
在滇黔而省經費內各半均出著為成例經
久不至廢弛無藉問津方可渡，西林遺愛至今傳

犀牛灘灘在鎮寧州地方從
山崖瀑布直下千仞

未識犀牛何處去，空留灘水響如雷。千條雪
浪依巖下，萬點珠絲著地堆。晴霽還同風雨
至，奔騰儼有鬼神催。奇觀不欲輕容過，吸水
烹茶當酒壘

滇黔途中觀秋穫

節遲曉未霜禾稼已登場，野刈黃雲卷家春。
玉粒香水田容鴛鴨穀梗飽牛羊宛是華胥

公餘集

卷八

十九

世休將帝力忘

安順府

山開地漸平安順，古巖城太守風羣吏軍門。
握重兵安順為提督雲晴依堞曉，稻刈喜秋
成種類民苗別同，深化洽情
過安順保軍門署席間留別
軍門情誼致閣，盃酒笙歌送遠人。話別三

年如昨日居官兩省却同寅我旋馬首朝
宮關君訓兵彊動鬼神幕外秋風吹颯飲
歡不覺暖生春

過大水橋橋在安順府境內

窅忽見青龍潺湲碧漲溶繞田飛白鷺夾岬
技長松激石聲鳴筑臨流水滌胸偶來橋上
過逸興引重

贈陳伯思學使同年

公餘集

卷八

三

節序菊花天黔陽取道旋遙天逢好友異地
遇同年教化薰多士文章繼昔賢春明重把
晤桃李正娟

雪厓洞

洞口無飛雪陰別有天亭臺分兩界色相

鑿千禪探穴知非遠窮幽却易穿南明環碧

水貴陽城外之河名南明繞流雪厓洞前相映會成仙

山中夜行二首

燈火峰頭幾點明光同林外遠星爭何如素
魄當空照人在山中踏玉行
黔中日作山行况復宵來藉火明屈指便
離山路險平王道引前程

九月朔日

朔日匆匆十次過九秋景物尚融和林間正
放爭攀桂田畔猶留未刈禾謾把秦正相錯
認須將歲紀細尋摩本年閏七月今朝月額逢膏

公餘集

卷八

三

雨水態山容碧似螺

重過飛雲洞

前年過此雪初晴今日重來雨意縈不是雲
飛凌碧漢馬能澤沛潤蒼生危峰曲磴添新
翠泉韻松風調古箏駐馬間遊尋勝蹟玉山
佳處看題名洞內題甚多

施秉道中二首

兩岬青山夾碧流山留水去各悠悠此中自

有無邊趣况是新晴對菊秋

揚帆順駛得西風馬逐清流亦向東今日我

看如駛快來朝我亦在舟中火日至鎮遠即應登舟

鎮遠行館

旅館臨官壁行館在學宮之旁書聲遠耳邊蠻邦文

物盛荒徼化行宜雉堞依山壘舟橈得水過

今朝容小駐破曉即開船

贈天柱兼署鎮遠吳明府

公餘集

卷八

五

天柱稱能吏兼饒鎮遠才况茲風化被俱自

學文來吳令由教職保荐堪膺民社善政勤民隱賢聲動

上台我今方一過便覺治優哉

秋日自鎮遠登舟用尹元長相國江行

即事韵四首

扁舟一葉泛西風林葉青蔥尚未紅碧水潺

潺明似鏡無邊情態亂流中

別陸登舟氣象新勝於日々冒紅塵眼前山

水多佳趣暫作清涼世界人

節近重陽景物殊龍山盛會恐今無登高變

作臨流事秋景蘭亭入畫圖

晚來波面水風涼日影輕帆色淡黃古戍樓

頭聊泊岸平明解纜趁朝陽

泊舟即事

日落泊舟橫檐帷倚岼撐荒邨多逸致急瀨

帶風聲漁火參差見檣燈遠近明賴多山水

公餘集

卷八

五

趣客坐有餘情

小舟

小艇可容居安身即我廬療飢三頓飯解悶

幾篇書風順行彌快窓開意更舒切無嫌逼

仄寬適勝于車

重陽前二日舟中

日落停橈古渡頭上弦新月已成鈞林間皎

潔光如玉水面縈迴碧似油何待題糕逢令

節且憑搜句慰宵愁坐看水月心清遠似在蓬壺第幾洲

舟行出黔境

一入湘南境風光異玉屏玉屏乃黔中與楚南按界首縣深流水緩岬闊送舟寧却落多間致山嵐失怪形輕橈經過處竹樹繞郵亭

舟中九日用尹元長相國重陽日偕表叔度少司農錢璵沙掌科同游攝山

公餘集

卷八

十四

韻四首

扁舟送我過重陽差比登高趣味強何事離邊尋菊藥吹來陣陣岸花香

緬想風流動往情浮雲落日客心驚殷勤莫負相期意元長相度子之年伯也且曾追隨其門下平日最在軍機處行走璵沙將希元師出勉之意俱甚殷事業從來屬後成

水送舟飛路不遲况當漲甚九秋時攝山景物原堪詠引我臨流亦賦詩

詩乃有聲之畫圖事過詩在正堪摹莫將好景輕容去一付東流任有無

讀白香山詩偶題

香山與我是同鄉我讀其詩口頰香前輩風流寧易繼後來景仰正無疆句非獺祭多真趣文到天成有別長更喜幾篇新樂府得蒙

賜和到吾

今香山新樂府五十篇上俱賜有和章

公餘集

卷八

十五

舟行

順水舟逢靚面風迎頭舟藉順風通往來一半能如意即此真堪悟大公

舟中對月

水濶山開月色明夜深人靜一舟橫推牕不語徘徊久月上身來若有情

舟中即事

舟中坐看水中天水色天光上下連笑泛澄

波明鏡裏恍遊碧漢紫霄邊即今鼓棹經三
楚憶昨趨

朝忽四年畫舫終朝無所事閒吟叢桂小山篇

舟中禱風

日落蒼波晚舟人苦逆風往來原各異緩急
却難回望

關殷朝北吹颼莫自東倘蒙風轉順稽首謝
天公

公餘集

卷八

五

月夜舟行

輕橈迎月下皓魄遶舟來玉練緣風縑銀花
著水開清光同上下帆影任徘徊更喜濤聲
息中流穩坐哉

過清浪灘謁馬伏波廟

舟過青浪泊凌晨踏石登山謁廟寅繞砌烟
波堪入画暎階花草自含春柵房不入雲臺
選聚米洵宜擇木人爭奈五陵蠻未下空勞

嬰鑠老忠臣

九月十五日舟行對月四首

菊黃時節兩山楓舟泛澄波皓月中放眼無
遮如白晝清幽趣味却難同

為酬逸興一杯茶月落盃中暎蘂芽對此賞
心真樂事何須載酒聽歌譁

斬惜中秋放月圓日今年中秋欲留今夜聞新
鮮清光上下相爭賽真個人間別有天

公餘集

卷八

五

月光照水浮舟人似玻璃鏡裏游欲使丹
青圖畫取淺深著色可能不

秋日路過武陵俞軍門見招席間出前

歲千叟宴上

御賜詩章恭閱敬依元韵即席賦贈

楓菊丹黃景物妍張燈歌舞對華筵相逢雅
度遲今日渴慕賢聲已十年愧我才華非博
洽祝君福壽益綿延天緣不負平生願願蓋

邀歡喜比肩

遊俞軍門補勝園林

由來勝事留人補修普園林豈偶然壘石疏

泉山水妙種蘭植桂子孫賢園中桂樹花後

後復舍名曰蘭孫梨花一樹先春放園中

盛開菊蕊千頭應節妍湯道將軍不好武能

文能武喜兼全

月夜舟行二首

公餘集

卷八

三

萬里無雲水不波溶溶月色影婆娑扁舟一

泛蒼江內人似瓊霄玉宇過

漱澗蟾光水面浮翩翾帆影月中游夜深不

睡推窓坐為數却更又一籌

九月十七日自武陵進舟

迎舟和氣解朝涼旭日曛曉透小陽本交日十五

湖邨落濱河環草樹罽對岬比帆檣居河

多生以板逢時竹笋尋船買出水江魚入饌

香兩片紅旌數聲鼓山用白香揚帆指日達荆襄

渡荆江二首

連日扁舟路向東開帆忽見大江通煙波澹

蕩青天外雲樹參差夕照中下達漢陽支派

遠上承巫峽發源洪風微浪靜輕橈過感戴

神明切寸衷

一望天光接水光兩邊草樹辨微茫風平亦

公餘集

卷八

三

有波紋卷岬潤誰量里數長浩氣真堪吞夢

澤清流原自接瀟湘欲知何處是沙市隱

浮圖帶夕陽

寄題潛江縣之紅雨亭即書贈陳邑令

高安我朝賢宰相初宰潛江德化行鳴琴而

治無他事築室栽花有餘情桃花紅豔紛如

雨手書顏曰紅雨亭自從一見桃花後志勤

悟道迷忽醒高安本是調元器植此豈欲效

禪僧桃花發時土膏動草木欣々俱向榮更
得霏々及時雨小民便可趁春耕民之父母
實在此舍此豈徒尚政刑吾知高安亭畔坐
吾知高安亭畔行目對桃花心實在民生高
安至今已往矣空餘此亭久必傾八十年後
有賢者補壞修廢繼經營我今遠自滇南來
君在潛江道上迎袖出近日諸著作云欲要
我亦題名我非能文客我非好事人緣將高

公餘集 卷八 三

安心跡為剖明望君事、勗勉步前程

舟中默禱

向言忠信涉波濤此念人應刻々操還禱

神靈垂福祐風平浪靜送輕艘

荆州十首用東坡原韻

荆江流滾々大地一長川北上猶宜馬南來

只藉船魚鱗潛水伏雁字碧天旋棹楫紛

渡戰艘破浪堅

渚宮云渺矣沙市至今存喧鬧遊人館淒涼
野草原帆橈排兩岬波浪擊前邨衝突多崩
處官應及早論

大德浩無邊那愁水旱連全施

恩澤普豈獨稅糧捐極次分民等展加動

帝憐荆南諸赤子竟不覺荒年去歲荆州一

皇上帝特發庫帑倉糧數百萬大加賑卹仰蒙
聖上特發庫帑倉糧數百萬大加賑卹仰蒙
皇上帝特發庫帑倉糧數百萬大加賑卹仰蒙
皇上帝特發庫帑倉糧數百萬大加賑卹仰蒙

公餘集 卷八 三

登城舒遠眺早濕淨塵沙草樹連吳楚舟航

下蜀巴曉風吹白練落日燦紅霞生計窮民

少大都魚與鰕

草市登舟處帆高兩岬卑道紆盤壩緩日暮

放船遲歸路何須卜前程豈問龜漁歌頻入

耳當聽竹枝詞沙市至草市中隔
土壩須換船前進

重鎮建旌旗兵忠俊髦

天潢支派貴元帥性情豪出野相迎遠邀歡

不覺勞西風簾外起木葉盡蕭騷

勁卒分旗駐經營在昔時所須兵勇猛不貴

將安嬉點騎多良驥開弓識健兒笑他犀甲

手相逐水之涯

秋日魚龍夜無須火照犀楓林開錦繡江水

泛玻璃渡浦藏金屋登樓望玉篴劉郎浦明

念彼陳觀察西川舊識人心思追往哲陳觀察所

公餘集

卷八

三

至地方每將前人古迹為之表彰不使泯沒政不負儒巾絲亂還

宜理民刁未易馴羣方誰報最勉作廟廊珍

我到荊州日時當月小陽時九月中旬已菊

籬猶吐秀麥隴已含芒道路通秦豫煙波隔

沅湘計期離水次策馬觀

君王一到襄陽即當舍舟登陸矣

襄陽十詠

昔年獨有襄陽樂此樂而今到處同不是使

君皆道產魏之蕩

一人功

人之盡道岷山碑聞望風流不可追若假碑

能傳久遠去思德政毀何為往於大小官員

風建立去思德政碑以表在任功德相沿成

方城舊蹟未曾湮漢水長流不斷春憑險可

為長勝策懷王何以久拘秦

一出茅廬便立功廟堂未可小隆中若非雅

公餘集

卷八

三

度來三碩恐學鹿門龐德公

安危全仗出羣材日夕因何倒載回欲學高

陽圖自了早當請易鄭生來

鷹飛豈肯聽人呼空築高臺費力需此日經

過頻悵望惟嗟鷹去更臺無

解佩風流鄭客專當時艷說遇神仙誰知男

女私相授佳話徒留汗簡編

不見昭明舊日樓六朝辭藻至今留湯將小

技輕文字萬丈光芒久不休

自古監碑非美事沈碑事跡更荒唐前賢昔

聖留名遠豈藉碑銘與世長

春陵鬱鬱氣蔥蔥早日光輝已不同此去南

陽瞻廟貌冕旒猶是未央宮

舟近襄陽作

棹楫將周月秋深菊豔時川流山不動舟過

樹疑隨帆落知風息雲濃看雨垂來朝登陸

公餘集

卷八

三十四

處損別水之涸



公餘集卷九

竹軒劉東恬



十月初二日襄陽早發

扁舟泛泛蒹秋鮮月入小陽車馬造南北風

情從此異雲山意態各生妍襄陽路與南陽

接河北煙同冀北連翹首京華歸咫尺祥光

多處

紫宸天

公餘集

卷九

新野道上小寺適當官路時有老道人

住持其中洒掃布置頗覺間雅余於

癸卯冬北上偶憩見壁間絕舍人留

題將道人比之龐居士回道入云

可知道人非却愚也因步其韵題詩

一首今丙午冬北上復經其處寺內

塵土委積迴不如前道人業已物化

惟留蚩蚩一徒詢之茫無所知因而

有感

環堵自依然清佳不似前道人云化鶴童子
亦非仙几案堆塵垢窓櫺漸側偏可知天下
事興廢在人肩

疊癸卯南陽懷古韻

在昔躍龍鱗茲仍白水濱兩河初入界三楚
作比隣土是當時土人非昔日人相因千古
事往跡已陳

公餘集

卷九

二

馬羣

冀馬販成羣飛騰逐起殷隊攢軍伍合騎列
雁行分辨色看霞彩開鬃見綺文編襴長耀
日蹠躩若流雲自遠來千里求售豈一斤秋
風嘶大道一望氣氛氳

裕州東三十里地名板倒井相傳漢光

武帝曾憩息於此道渴思飲見一石
側立石下微有水痕板倒其石即涌

出甘泉遂穿為井至今尚存其事雖

未見之史策想亦當時赤符諸休徵

之一也井之上首建有光武廟廟旁

有偏院一兩克敬道人住持余於丙

午冬經過其處題此即以書贈克敬

道人

小院精廬古刹邊道人修鍊奉香煙遍栽木

樹環窓外饒有琴書置案前并養于令畱惠

公餘集

卷九

三

澤休徵當日涌淵泉古來聖帝多靈感洒掃
庭除汝勉旃

北上途中口占

舟中風阻思登陸路塵飛念水程兩月風
塵為我伴數千水陸共人行魚梁水落江沙
靜鴈字天空點畫明屈指征途過大半夢魂
倍切繞神京

渡黃河

曠曉旭日送朝晴無浪無風水面平兩岬煙
雲呈杏靄中流舟楫不停縈挽船近岸千鈞
重解纜開帆一葉輕還祝隄防資鞏固年

上慰

聖人情

過湯陰岳武穆祠敬依

御製元韵

故里巍々建有祠行人偶過敬瞻之詩詞雅

公餘集

卷九

四

致留今日祠內有武穆石刻詩詞征戰威風想昔時不

是金牌來急召何難大厦復全支出師既捷

身偏死更使英雄淚不期

入直隸磁州境作

馬蹄過豫省車迹達幽燕氣象

皇居近杜白風塵古道前磁罌無賈客蓮粉欲

售錢磁州不見產有磁器更喜臨官路潺

綠水鮮

過邯鄲呂翁祠

呂翁唐進士人說是神仙夢示盧生後祠存
溢水邊亭臺空日色草樹漫荒煙能使往來

客煩襟一條蠲

道出臨洺關龍觀察自大名遠來迎謁

賦贈

四更起坐到天明為俟良朋遠道迎剪燭眼
看長燭短凝霜身覺重裘輕三年把別匆

公餘集

卷九

五

事一旦相逢款々情此後春明時可會君留

容我趕前程

過正定隆興寺贈大光禪師

結廬何事定廬山寶刹輝煌接市闌大佛金

身多紫色老僧白髮尚朱顏心無憧擾身無

累地自喧闐意自閒暫息勞生茶一盞也同

幽僻叩禪關

明月店

玉鏡當空照流輝萬里清最關遊子意偏動
遠人情夜伴琴書息朝辭劍佩行郵亭多少
處明月舊題名

清風店

清風吹穆穆、旅店客蕭蕭、別去三年遠余於
癸卯
冬入覲後赴
滇曾經此處歸來萬里遙形神仍復爾志氣
豈容銷便借扶搖勢從茲達
九霄

公餘集

卷九

六

途次遇吳蠡濤偕其夫人雙乘同行暫
留蠡濤郵亭敘談積悵即促之速去

賦此戲贈

黔陽別後春明晤到此久、已幾年總有封
函頻慰候豈同傾蓋暫周旋忽逢兩乘相輝
彩知是雙鴛共比肩少坐促君、便去莫遲
來日畫眉天

十月十七日途中遇雪

好雪知時節霏、恰屆期是日交
大雪節雲勻塵氣
霰潤入麥苗滋唇篋尋裘換圍鑪向火宜豐
年堪預兆喜氣動

丹墀

次日又大雪

凌晨冒雪行遍地色分明倚樹飛花白臨風
舞絮輕撒鹽渾有象綴玉却無聲片、緣衣
積紛、向馬迎旋看深及尺又見遠前程目

公餘集

卷九

七

擊知非司書章慰

上情

過涿州萬國梯航橋

涿鹿橋連日道黃信哉萬國總梯航東南
朔均歸極河漢江淮是巨梁但見四時長利
沙漫云兩月不褰裳無須題柱誇才富車馬
深恩久未忘

過盧溝曉月

長虹一道架盧溝曉月朦朧照上頭曙色微
微纔可辨雞聲隱々遠相酬衣冠從此朝
雙闕車馬子焉下九州癸卯年曾經此處匆
匆歲月忽三周

十月三十日雪

往歲滇南梅似雪今朝冀北雪如梅梅花片
片隨風去雪藥霏々入地來已見土膏含潤
澤應知春麥得栽培

公餘集

卷九

八

君王正駐齋宮日

上因長至致祭南郊宿齋宮

茂對嘉祥

意澍哉

長至日

南郊陪祀

長至欣逢雪後天

園丘展禮

聖心虔玉塵隔仗寒光澈燔火升壇煖氣宣
樂奏咸韶音節雅班齊鶴鷺職官全

古稀天子猶親祀即此深知
帝力堅

十一月十四日

御門恭紀

乾清月曉度疎鐘

鳳宸臨門值仲冬事奏部臣依次序六部依

奏事

旨頒學士自從容內閣學士晚
大學士在旁承奏折本旋

公餘集

卷九

九

看瑞日縈

三殿豈有嚴寒入

九重萬里歸來瞻典禮余初自滇南來京

天顏喜接感

恩濃

壽劉松庵

銓曹共事憶從前邂逅西秦忽幾年此日京
華來供職恰逢壽域正開筵精神嶽峙還如

舊談論風飛豈遜先弟欲壽兄無別語稱觴
致祝福綿

早朝日引

見官負

欲曉蟾光印禁城趨朝仰看斗參橫

龍鑪裊裊香煙起

鳳閣瞳瞳旭日生引

見新官同凜肅帶班舊例宸分明出身履歷

公餘集

卷九

十

聽陳奏籛簡高低各異聲

登崇文安定城樓收驗工程

兩陟高樓遠檻迴蔥鬱氣佳紮崇文觀

化天心順安定攸常地德該瑞氣看從南極

下祥光擁自北辰來況當奉

勅新修後接棟連甍上選材

十二月初五日

陞殿受謝敬賦

陞殿謝

恩向例然嘉平五日集班聯鳴鞭響徹

丹墀上文馬分排鹵簿前樂奏中和音節雅

德隆位育典儀宣

上方賜出茶溫美捧飲周身似益綿

臘月十一日

養心殿行候引

見官負遇雪

公餘集

卷九

十一

瑞雪清瑩潔裏光飛來點著鷓行人盡

把衣襟拂試問何人是謝莊

臘月十七日立春

朝來玉律傳佳節雪後晴和日月光臘已立

春時令早年剛逢閏歲華長本年閏尚遲柳

葉舒新翠且喜梅花送暗香同此春風蒙

渥眷

關庭披拂勝蠻鄉

連歲俱在邊徼逢春今得
依關庭風光大勝於往

癸年

立春後三日雪

冬雪霏霏已見三文春以後澤尤章欣看五
出飛燕北那憶雙梅在詔南去歲今日在滇南出龍潭看梅
花玉積西山清且潔麪垂人海潤而甘麥苗
得此生機滿佇待花秀實含

和張十八新拜內閣學士原韻即以奉

贈

公餘集

卷九

十三

綸閣陰靜啓扉地居紫禁到人稀忽傳學

士承

新命爭羨君家煥舊暉添翰還窺池上鳳尋

芳應識省中薇由來積善多餘慶那讓韋平

擅獨徽

臘月廿八日朝班遇雪

歲事將闌候紛瑞雪飛樓臺增玉色殿角
耀珠輝辨徑尋人蹟褰裳每自揮徘徊

丹陛下素彩暎朱緋

公餘集

卷九

十三

公餘集卷十

竹軒劉秉恬著

丁未元旦早朝恭紀

乾隆丁未歲正月建寅春彪炳文明著丁未為

之象調和任養神壬寅月桃符非帖舊梅蕊喜含

新午夜鐘聲曉千門淑氣勻梯航來萬國駕

鷺集羣臣閭闔開

金殿衣冠拜

公餘集 卷十

紫宸身榮承

渥澤心感荷

皇仁福祿無疆壽綿綿祝

聖人

春初署中齋宿

午清粉壁近宮牆午清中樞署內軒名雪後陰陰入夜

涼齋宿只因嚴祀典安眠不必問封章梅花

幾點催春暖爆竹連聲引漏長持被連宵身

自適何須刺刺語相將

又疊前韻

新魄初成印畫牆階前偶步月陰涼翻書靜

坐多幽趣刻燭題詩急就章度歲匆忙人欲

倦首春時節夜猶長來朝

太廟逢蠲吉箱篋朝衣好自將

齋畢

襪被連宵宿署廬今朝歲事退私居暫將朝

公餘集 卷十

服歸箱篋便著褻裘覺散舒斗室消閒勤翰

墨明窓習靜對詩書晚來慣喜眠空榻齋與

未齋一例如

春日中書同人團拜

雪印花枝兩逞妍鳳池團拜會羣仙科名原

自分新舊班輩因而有後先一曲清歌邀落

日幾樽旨酒慶春年却誰寓直逢今夕未得

同來與綺筵

春日李杏浦招飲席間偶成二律

蘭譜交情三十載中間會少別多年今同柱
史長連袂喜擾郇厨兩接筵矍鑠精神還似
舊詼諧談論一如前休云鬚髮非當日傳派
君家本是仙

司空敞宴接諸賓巧匠調和美上脣哈什嗎
非容易致鱣鱖魚亦最稀珍同官欲篤同寅
誼卜晝何須卜夜頻客於未上燈前俱散自古流連垂

公餘集

卷十

三

訓戒偶逢讌會總宜遵

人日

今日排來日屬人立春忽已兩周旬去歲臘月十七日立春
臘前雪蕊欣霑野節後風光倍爽神勝
裡金花開不老盤中生菜味添新人宜體此
尤加勉莫任蹉跎歲月淪

曹竹虛三兄賜和人日詩有充盤七種
分餐好望眼千山判袂新之句讀之

不禁觸動離懷因疊前韻書以奉贈

冬日来京今日人相逢知已幾經旬纔聯舊
雨敷交誼忽捧來詩愴別神題寄草堂遲日
待愁看江樹對春新多情自古難分袂况復
情深早泱淪

題西直門外天仙菴之聚星堂

古寺臨衝道偏齋足憩休杯茶聊解渴暫坐
異閒遊門外憑喧鬧廬中自靜幽德星曾日

公餘集

卷十

四

聚名姓僻間留堂中有董東山表叔度諸位先生字幅對聯

春初鮑雅堂相招與蘇慎齋倉場同飲

因賦七律一首奉贈

設宴張燈畫僻東鮑公席上對蘇公叅軍儒
雅今稱俊農部精神老益雄師弟多年情款
款雅堂為蘇公前守鎮江時所拔取者主賓偶會意融融昨逢
人日今逢穀治粟得人考上功

春日同人

祈穀壇接

駕後詣雲坡胡大司寇五兄寓中早餐即席

成什

致齋祈穀先齋宿壇外鷓班候

翠華斗帳怯寒圍細火繡衣列坐藉平沙金

鐘疊聽清音度

御蓋遙瞻曲柄斜退食恰從司寇請嘉肴不

讓五侯家

公餘集

卷十

五

春日同人宴集大司農曹竹虛三兄寓

中維時竹虛

恩准歸侍太夫人將有南行之役席間觸動

離懷因賦長律一首奉贈

春王正月太平年讌集司農畫閣前即此笙

歌多樂意那知酬酢是離遙漫愁異日須分

袂且喜今朝共接有我欲祝君無別語

國恩家慶兩綿綿

元夕適值感寒偶成

元宵卧憶月燈明側聽春歸雁叫聲雁聲是日聞

人病怯寒衣挾纈花開不老火燃城笙歌隔

院音還繞爆竹臨衢響乍驚寶馬星橋今夜

永思深無寐那禁情

上元後一日

上元昨夜剛過節今日恰逢二月春本日交驚蟄二

節屈指花朝遲半月賞心燈事對佳辰西園

公餘集

卷十

六

燈火攢如舊東壁圖書煥益新近年開四庫全書館後書

尤喜朝來飄雪蕊遊車到處壓遊塵籍增多

夜坐

夜深未就榻繙書任縱橫明月已上屋星斗

落落明獨坐安靜素傲彼樂鼓笙

丙子同年團拜小集

日霽風和歲事妍春初丙子會同年誰云落

落晨星少猶是亭亭碩果堅一部笙歌兼雅

俗幾杯酒醴致纏綿多勞藉藉賢京尹遞次
經營在事前此次同人團拜諸事係白華京兆經理

春初奉

命登都城周圍巡視

翩翩裘馬遶城巡正值陽和發首春千載金
湯資鞏固九門車軌永遵循中央殿閣參天
麗四面雲山入眼真更喜環牆舒嫩柳青青
倚堞似迎人

公餘集

卷十

七

余於庚寅年由少司馬調任倉場壬辰
夏在天津催漕舟次接到
諭旨奉

使而去今於丁未春復由少司馬之倉場任
撫今追昔忽忽十餘年宛如一夢睡
醒不禁感而有作

迴思官舫泛天津

紫詔馳來到水濱從此兩川還六詔流光忽

忽十餘春

中間事故歷頻頻苦樂炎涼不一倫歸轡潞
河仍駐節邯鄲重見夢醒人

春日駐節通州適逢慎齋蘇司農壽辰

因賦長律一首奉贈

憶在西安始識荆匆匆歲月忽頻更而今得
協寅恭誼接席同深款洽情七十精神如少
壯三宵談論見公明潞河會適生申日喜對

公餘集

卷十

八

春風泛壽觥

官保大司農竹虛三兄告養南歸詩以

送之

東風吹柳舞絲絲正值同心判袂時早識北
堂增樂事那堪南浦動離思百年萱壽

天恩予上許太夫人享壽百歲入一片葵誠

聖主知上謂竹虛有良心虛此種遭逢非易事母慈更

感有

君慈

官拜司農早著聲新銜 官保倍加榮

上方出賜金貂燦邸第增輝畫錦明為子為

臣原一致即忠即孝豈殊情送君歸去春暉

永勞我心懷與日榮

題詩不足盡離情酒醴同陳肆讌橫生活由

來嫌冷淡歌鐘聽不厭鏗鉤即今北地敦交

誼遙憶南天祝壽觥紫綬金章歸故里試看

公餘集

卷十

九

夾道羨新榮

敬齋使相自甘肅來京述職奉

命詣 先相國忠勇公瑩上拜掃路過通州

感而有作

欣見翩翩策騎行為承

王命掃先瑩蓋棺論定

恩無已

構人賢業有成

忠勇公於庚寅年辭世迄今十餘年忠勇公沒時使相年尚冠十餘年來自樹立屢建

功勳蒙 侯真所謂國之賢臣家之肖子也 膏澤十分

綿相第光輝百倍到佳城昔年曾寓征南使

忠勇公出師緬甸余曾充記室 同感高深莫可名

聞李杏浦新拜總憲之 命詩以賀之

御門聽政為求賢柱下增輝喜氣宣年齒先

蒙

天語及 是日杏浦年七十幾歲 官階旋荷

聖恩遷昔為御史多風力 杏浦昔為監察御史時陳奏事件不

公餘集

卷十

十

避嫌怨 上曾嘉許

今坐都堂克仔有更祝精神長

矍鑠看君福壽日綿綿 蔣戟門少司農招飲秀窩蓬壺即席賦

贈

日霽軒窗四面開依依景物寫蓬萊水外太

液玻璃色樹接瓊霄楨幹材一主一賓云得

矣無絲無竹更幽哉尤欣活潑天機動魚躍

鳶飛入眼來

蔣戟門少司農屬題錢坤一墨筆桃花

誰將墨筆寫濃姿惹得詩人悉賦詩畫內題

七十歲翁猶喜畫坤一畫桃花時三千年樹

正舒枝助嬌不藉臘脂染銷恨端歸淡雅施

畫筆詩吟堪玩賞江雲不見動離思坤一歸老

浙西題詩諸君子如竹雲坡大司冠賜和小詩仍用原韻奉贈

正欲然燈親翰墨新詩遞到喜清華吟題乍

公餘集 卷十 十二

得同官樂聚散還如放手沙余于去冬到京

把晤明日又須赴潞畫省人文相炳耀青天

星斗看橫斜鳳毛已見生池上雲坡之令郎

書舍端在于公克起家

題汪時齋蜀行記事草

蠡爾西夷小金川罔知奉法思逞邊

王赫斯怒申天討爰俾桂公制府權自來府

中必有幕時齋汪公材克肩汪公是昔文端

子家傳辭翰有淵源小字蠅頭工而細大書

力能筆如椽近復規模兼繪事畫得生趣動

天顏然此猶是其小技大節不撓待我宣汪

公入幕桂公日桂公幾為小人寃獨能守正

不狗屈由此丹衷達於

天茲閱蜀行記事草盡係當時之至言古來

投筆從戎事戎事還須藉筆傳時齋二者悉

兼有可為文武之材全况其天良不昧處早

公餘集 卷十 十二

受知於

至尊前 春日定福莊迎

駕隨扈

躡至煙郊恭紀

治平

御道自修長曉日疎煙雜瑞光送

駕金吾同府尹迎

鑿直督與倉場向例巡幸盤山九門提督

駕直隸地方官同倉場鵝黃隊裏瞻

等官即在此處接駕雲駕柳綠枝垂拂鷺行更喜晚來霑細雨浮塵壓得不飛揚

劉青垣同年由閣學新擢少司空詩以

賀之

忽聞

寵擢少司空凡我同人感喜同鼎甲文章知

公餘集

卷十

十三

早貴青垣殿試一甲三名朝班品級看新崇非惟選匠

歸官府佇見掄材植

上官本月正值會試青垣先文定公曾任少司空奪我鳳池君莫悔冬

官本是舊家風青垣後又管理工部事務

和諸同人遊盤山韻

盤山曾遍歷此日未追陪想像高峯妙如從

峻嶺來馬過青草合風逼白雲開興發題詩

句知君坐翠苔

和遊雲罩寺韻

高峯接壁上衆壑辨西東人在青雲裏聲喧

翠谷中舉頭看日近撲面喜風雄佛寺如林

立斯為第一宮

恭迎

聖駕過順義縣偶題

順義京東邑城圍綠麥田

離宮相咫尺

公餘集

卷十

十四

御陌在當前地濶看天遠民安賴

上全

翠華經過日正賦計分捐

三家店接

駕見村中桃花開放繁盛因賦

荒村是處種桃花映日臨風拂水斜此際盛

開應有意道旁接引

紫雲車

有竹軒丁香

丁香一樹植軒前好倚檀欒遶砌妍素色月
明同雅淡弱姿風舞自踰躑巡簷似索梅花
笑俯檻疑看雪蕊蠲一種清香浮几榻鑪中
沉麝不湏然

有竹軒桃花

一樹桃花與竹隣近依君子倍精神三分紅
艷三分素濃淡相兼最可人

公餘集

卷十

十五

其二

三千年後始開花此說東方未許誇有竹軒
前初試種當年灼灼已如霞

春日舟泛通惠河

通惠源分太液流一渠清引達通州米香撲
鼻知船過水色如油藉開收柳綠花明看皎
皎天光雲影自悠悠輕舟一棹長來去不是
閒人作散遊

三月十七日大風吹散雨意默禱

何事狂風竟日狂打窗入戶更穿堂所希好
雨如期至催得農夫箇箇忙

春日自張家灣回署道旁佛寺小憩即

錄贈智方和尚

夾道青青柳色鮮新開佛刹枕河邊三間小
屋堪容膝一盞清茶緩著鞭雉堞當頭看咫
尺帆檣回首見聯翩南僧露頂詞無厭宗律

公餘集

卷十

十六

分門說派傳

寺內主持係
浙江嘉興人

姜度香司寇典試春闈闈中拜湖北巡

撫之

命爰賦長律二首奉賀即以送別

鐔院頻聞鵲噪聲新承

寵命撫襄荆總裁上應文昌重司寇崇膺節
鉞榮已喜搜羅諸士子還看惠澤遍蒼生知
君夙抱循良志此去誠能答

聖明子與度香相契最久時與之論及外省
今膺此任必有益於地方民生

余聞之深為朝廷慶得人焉歲於去

正快朝來得比鄰那知會合是離因歲於去

有真廿載交情如一日半年酬酢判三春從

來好友多愁別喜為

朝廷慶得人

四月二十四日係余之生辰也先一日

公餘集

卷十

十七

上因京師望雨麥價昂貴

命詣畿南一帶親身迎催豫省運京官麥是

日途次憶及庚子春在陝撫任內奏

報得雨深透

御製誌慰詩元韻因賦長律一首

行年五十又加三百歲長叨

聖澤覃幾載形神勞徼外今朝車馬在畿南

我

皇念切閭闔苦籲

帝憐垂霖雨甘銜

命循河籌轉運勗我綿力荷其擔

舟行遇端陽節

夏來佳節數端陽恰值輕舟逐柳行蒲綠榴

紅時入目宮衣鸞扇遠相望宛如競渡飛橈

捷似藉纏絲引纜長古鏡水心能禱雨甘霖

即日濯枝忙時正望雨本日得大雨一陣

公餘集

卷十

十六

自德州回舟至天津

德水開帆疾歸橈指直沽地寬林樹小潮漲

水痕無波面低飛燕船頭起浴鳧日來風信

順快馬走康衢

舟行近津門口占

高堤疏柳亂鳴蜩一葉輕舟自在搖人望津

門頻指點不愁前路隔迢迢

日射晴波似錦明無風無浪水痕平麥舟官

舫如魚貫佇見頻頻達

帝京

憶我來時愁滯艫何期水漲得平鋪此中自有昭然理

帝念

天心兩兩符

上於四月二十日通州籌計麥價因德州一帶水淺枯即奉到使前往查辦長水三四尺浮送糧艘商船暢行無阻兩處日期適相符合

公餘集

卷十

十九

舟次天津登陸至通州作

發軔先從陸歸來又別舟十朝臨德水一月返通州邨聚人烟密河干樹木稠太平多景象歷歷望中收

丁未仲夏過 拙修相國年伯寓中坐

談移晷凡有請問指示秩然毫無扞格之處 相國向自云兩耳重聽殊不然也因賦長律一首

家傳衣鉢繼韋平齒德官階領九卿門外絕無趨勢客閣中最好讀書聲一身堪擬靈光殿百歲長依

紫禁城疊疊清談神不倦欣知耳目倍聰明

丁未季夏蔣戟門司農邀集同人秀寫

蓬壺觀荷

平臺小集御微風樽酒相傳樂意同曲檻臨湖行處好長隄隔水望無窮香分大液千重

公餘集

卷十

二十

碧色映蓬壺萬朵紅馬得片雲頭上黑催詩

好雨潤寰中

時正望雨

夜坐

竹軒月印鏤成絲一室清光我獨私坐久夜深人意懶忽思捉筆漫題詩

昨宵得雨喜今晴已見秋禾四野盈惟望臺

灣來捷報夜馳露布慰

皇情

近日海外臺灣賊匪不靖王師正在征勦

東路廳署旁蓮池

數畝方塘滿藕花居人手植路人誇紅衣出水無窮艷碧蓋臨風作意斜時有幽香留客騎應吹清氣到官衙偶過已得芳菲妙豈必傾壺就淺沙

食蟹

左持蟹螯右持酒酒與蟹並味愈厚二者兼得非易致茲駐潞河喜俱有秋熟蟹重知肉

公餘集

卷十

三十一

肥買來且付饜人手饜人烹之我取食置諸盤中費力剖非無童僕可驅使不如自剖美在口堂前桂蓋已含香籬邊黃花初分畝良辰美景未易遇賞心樂事更難耦何幸偷閒得持螯笑對美酒浮在斗

食蝦

蝦可充食無人知舜時始獻登庖厨不及蟹行有多足水中泳游豈似魚惟見跳躍在泥

沙更誇披拂多長鬚不料忽入鮫人手鮫人手付饜人除世上食品類千百鮮味水族大半居食蟹戈甲費剖剔食魚骨多未易疏惟有珠蝦最適口以之伴飯美且腴食之還須勤所事尤戒肉食成鄙夫

咏盆中雙松

盆裏亭亭兩樹松影移窗上鬪虬龍休云咫尺無遙致恍似身遊碧玉峰

公餘集

卷十

三十二

丁未八月朔日偶題

去歲新承司馬榮去歲于八月初一日奉命今朝治粟潞河城糧行豈比銅行易滇省諸政要陸運難同水運輕滇省銅運係用人馬自也南北東西惟上使殷勤忠懇是臣情流光一載匆匆度園裡花枝桂又生

萬壽日午門齊集

往歲拜颺萬里遐今朝喜得在京華

午門瑞色融初日

雙闕祥光燦早霞

威德廣周天地外

運籌素裕

帝王家海邊醜類無知識即日殲除定不差

時大兵正討
臺灣賊匪

中秋

公餘集

卷十

二十三

帆檣擁集潞河城萬里無雲對月明
魄到秋分逾皎潔光臨水面倍澄清
笙歌一曲當階奏旨酒頻斟著盞盈
轉瞬重陽籬菊發空船南下告功成

方葆巖襟丈奉

命隨福敬齋節相督師臺灣爰賦長律二首

箕裘紹美雅推崇橐筆龍韜佐上公憶昨

西陲曾獻捷葆巖曾出師甘肅即今南徼又從戎

書生窈勿籌良策使相從容樹偉功計日

鏡歌宣露布佇看醜類一時空

王師赫濯擁帆檣從事行隨意氣揚佇見風

煙澄海島一憑戈戟埽欃槍叨陪幕府威儀

盛飛渡樓船捷伐張持贈弓刀舒壯畧勗哉

此去顯

前光余以良弓寶刀贈葆巖以壯行色

秋日舟中即事

公餘集

卷十

二十四

扁舟傍岸行日影射窗明自得吟哦趣還聽
欸乃聲秋深林減綠沙落水長清短榻船頭
坐閒觀最適情

舟中菊花

誰把籬邊菊船頭次第安能當霜氣冷豈懼

水風寒翠翦重重碧金開朶朶團挂帆經半

月花蕊未開殘

擗船

帆檣擁不開發令此頻催快放前船去緩搖
後舫來勉為從欲治豈有解絲才中道無排
阻綽乎信裕哉

過筐兒港恭紀

北運恒多淺防淺已有器如刮板之類虛盈理之
常漲漫豈無備爰設筐兒港宣洩實得利

聖祖啟鴻圖我

皇復善繼即今河之旁

公餘集

卷十

二十五

御碑日月麗舟行時往來申纜每一繫

淺夫歌

北運河殊南運河每虞中流積沙多因之各
汎設淺夫夫數還依板數每刮板一副設淺夫二十名
過淺集夫同努力二十人將一板挖露體塗
足所勿辭尤須赤身擊濁波夏日炎炎則可
矣秋冬天寒奈若何我已重裘尚凜寒何忍
視彼水中摩勞心勞力雖有分一任所為似

我苛詢識皮祕可稍蔽及以皮做袴其長自足及胸服之可以涉水
急為修製莫蹉跎此究區區小為補所希糧
艘及早過詩成不欲摘采藻付與淺夫好唱
歌

余前在西蜀曾有風土全吳越聲音雜

楚秦之句因因吏人催促索牘未得成

篇今舟中偶閱杜詩嚴公廳宴同詠

蜀道畫圖之章忽有感觸因成此什

公餘集

卷十

二十六

兩川疆域廣西蜀驛郵頻風土全吳越聲音
雜楚秦北來多峻嶺東下有長津杜句舟中
閱來余舊日神

暮秋張灣道中

漠漠郵亭古蕭蕭道里長朔風吹地白寒日
照林黃舟下愁沙淺馬來見土揚節雖冬未
屆景已異重陽

同人叙銷寒會

朔風凜冽響窗櫺人欲銷寒會不停菜味非
多精且細酒盃送暖醉還醒開筵豈獨連交
誼集坐公然聚德星宵漏初聞宜各散莫忘
聽鼓詣

彤庭

早呈封事口占

睡去匆匆夢未成披衣早起聽雞鳴雪消紫
陌寒猶甚漏盡銅壺夜欲明黃匣敬擎應奏

公餘集

卷十

二十七

事綠牌先遞待書名凡入朝奏事大臣例將姓名寫在綠頭牌交
奏事官書于一總牌內于
皇上進膳時呈覽名曰膳牌
丹陛整頓精神對
聖明

長至前四日榕圃陳學士齋中銷寒第

二集

今日銷寒會再聯食單次第約如前座中序
齒推雙李謂杏浦總憲席上延賓少一仙是

青垣少司空未到瑞雪飛英猶在地紅鑪吐燄正當
迨來朝却值虔齋日莫任清樽樂意辜

十一月十五日作

昨日纔冬至生生不已陽月明照地白風急
吹衣涼向暝宜圍火却寒在飲湯

天心還吐露福祿與時昌

冬日查倉

太倉次第似魚鱗策馬翩翩逐日巡豈不畏

公餘集

卷十

二十七

寒思暖逸只愁任廢就因循風塵隊裡觀形
勢土木工中辨舊新栽者培之傾不覆草章
斟酌奏

楓宸

偶題

歲寒三友伴迎春松竹梅迎春四種花虛室安排淨掃

塵領略此中饒樂趣却慚日日上朝人

阮吾三少司冠席上以鯊魚皮為饌用

陳學士所限刀字韻成什

水族鱉魚大似鼈其皮可用飾銀刀誰知鼎
鼎烹調後頓覺盤殮食味高已宴寒宵添煖
意況來異品伴佳醪步兵自奉寧誇富特出
珍奇款我曹

聞臺灣捷報

海外何難即蕩平吾

皇威武本仁明捷書先到

公餘集

卷十

二十九

悅心殿是日適捷報上御悅露布應過嘉義城
計期應自共看班聯增喜色早知闕越動權
臺灣馳發聲干戈一洗波濤靜祝萬斯年不用兵

潔治杯酌邀諸君子小集寓齋消寒因

賦長律八韻

隔宵檢點食單明傍午安排座次清簞掃嘉
賓容榻處門聽長者駐車聲嚴寒聊叙煖寒
會舊雨還同今雨情菜味不教過六品酒杯

約定罷初更仙家席上偕劉阮謂劉青山壽

域筵前有李彭謂李杏浦欲法者英多洛下

胡雲坡蔣霽園吳香更推華胄是桐城謂張

亭陳伯恭俱河南人交情自慳金蘭契友善寧誇爵祿榮我輩欣

逢

仁壽主勗我共勵答昇平

詠冬日鸞枝花

非杏非桃曰鸞枝春花却放未春時人工不

公餘集

卷十

三十

勝天工巧那得舒輝似鳳儀

冬日閱

御花局唐花恭賦

分明臘日凜寒天饒有名花鬥色鮮生意氣

氳深洞裡和光透露早春前初來樹下心疑

畫忽到籬邊火欲然藏用顯仁含至理此中

神妙費人詮

臘月十五日

御殿朝班恭賦

嚴臘月平分朝齊鴛鴦羣五樓迎旭日

三殿擁祥雲仗馬非吾願鳴鞭勵我勤

賜茶身挾纊拜坐禮成文立見陽和起還看

草木欣湏知今

聖主實是

古稀君

廟算從心矩

公餘集

卷十

三十一

宸衷即事殷尅期傳露布春送凱歌聞

出征
臺灣

將士來春
可以凱旋

冬日同人小集酬陳學士見贈元韻

寒宵鐘漏永佳客喜招尋饌出紅爐暖蟻浮

綠盞深燈花知夜意梅蕊見天心偶爾通情

款何湏擬竹林

連日西風急荒齋會煖爐銜杯疑挾纊得句

等懷瑜不負三冬約公然四岳俱欲尋朋友

樂端的是京都

立春

開歲支干屬戊申立春當臘日逢辛相看雲

物千般麗會見風光一派新安豫豐亨周品

類明良喜起洽君臣連朝聽漏趨

丹陛默頌南山祝

聖人

立春後一日得雪

公餘集

卷十

三十二

昨日逢春今日雪雪隨春至迓年華樓臺潤

色風光好土脈含膏歲事嘉拈筆錯疑吟柳

絮賦詩休遣妒梅花臺酋縛獻當前事雪夜

淮西莫獨誇



竹軒詩藁

有竹軒分箋
觀光集

督饗集
滇行集

序

余於癸卯冬趨京輦往返道途
間問政採風始有述職吟之刻
嗣復裒甲乙兩年作次第授梓
焉因憶向有督饗觀光滇行及
少時有竹軒倡和諸存本忽

竹軒詩稿

序

幾忘之遂檢舊篋所藏手自刪
削都為一集間一展閱而紙墨
筆痕往事歷歷如昨然撫今追
昔蓋已或十數稔或且數十稔
矣故嘗繫以詩曰因循愁此日
策勵愧當年為具道其實如此

夫豈沾々以聲偶之學猥云於
此中自詡素有一得歟爰列茲
刻於集之前凡以循其初志云

爾

乾隆丙午孟夏月竹軒劉秉恬
書於滇南官署

竹軒詩稿

序

二

有竹軒分牋目錄

詩六十三首

有竹軒即景

桂

菊

殘荷

蓼花

秋雨

有竹軒分箋

目錄

八月十二日路過花市見秋花盈筐停
車買得鷄冠紅白二種携歸因賦

買書

楓葉

秋夜

芙蓉

新月

秋山

鴈字

秋夜蟬聲

初春雨後花欄覓句

秋江罷釣圖

畫菊

夕陽秋樹

暮雨寒江

霜林落葉

有竹軒分箋

目錄

二

天半飛霞

空庭夜月

山寺晨鐘

邨舍晚煙

遠浦歸帆

觀劇

晚妝

月下聽促織

晚霞

遠浦飛雲

菊屏

九日對菊

月下對菊聯句

江上月

新秋

晚望

有竹軒分箋

目錄

三

芙蓉新放

秋江晚眺

池塘乳鴨

秋帆

隣樓吹笛

夜泊

賦得梨花帶雨開

江樓晚眺

山居

護殘花

夜坐

掃葉

殘柳

聞雁

和少農表公納姬四絕句

翦絨菊花

有竹軒分箋

目錄

四

西施

內子十九歲生辰賦贈

春初牡丹

立春

有竹軒分箋

有竹軒印景

離：野菊繞欄栽，點綴秋光次第開。掩冉林陰籠翠幙，氤氳花氣入瓊杯。綠筠籬：臨風立粉蝶雙，接翅來坐久軒窓多雅事，請看月色印平臺。

桂


有竹軒分箋

桂樹生南海，移來獨擅奇。芳菲看此日，培養憶當時。玉露凝金蕊，天香發月枝。叮嚀勤灌溉，愛護好風姿。

菊

秋花艷：暎雕欄，朝罷須從靜裏看。座上移來堪入詠，籬邊採得足供餐。幽姿不懼金風厲，翠葉還凝玉露寒。今歲未曾經，紫塞花前花後任盤桓。
每年菊花開時多扈從塞外今年未派木蘭之役

竹軒



殘荷

秋至芙蓉謝凋零碧沼中吳姬悲曉月越女
怨西風葉老猶餘綠花殘已減紅彩霞何處
去化作一林楓

蓼花

閒來無事泛輕舟紅蓼花開兩岸秋一棹斜
陽隨浪去綠叢深處繫船頭

秋雨

有竹軒分牋

二

秋來得雨更宜秋坐聽簷前響碧流四壁蟲
聲吟不住琴書相伴一燈幽

八月十二日路過花市見秋花盈筐傳

車買得雞冠紅白二種攜歸因賦

數叢秋色插盈筐一段芳菲逗晚香握手喜

看光艷注瓶欣對露灑潭如奩內胭脂

色却似簾前淺淡妝自古花名先品定何妨

品作鳳偕凰

買書

買書載得滿車回錦軸牙籤砌作堆吟到三
更人不倦懶聽寒夜漏頻催

楓葉

昨夜秋風至楓林幾樹紅只因霜信早霞散
一庭中

秋夜

香泛甕甌玉茗清一燈隱坐空庭漏殘四

有竹軒分牋

三

壁人聲寂落葉飛點曲櫺

芙蓉

颯西風至芙蓉逗晚芳珠盤凝曉露豔質

麗晴陽得氣姿全吐含羞嬌半藏娟如靜

女臨鏡始成妝

新月

碧落遙無際澄潭漾玉鈎揚暉能却暑含象
更宜秋纔挂一痕白便增萬里幽花陰旋不

見素影在墻頭

秋山

秋山浮碧落秀色自前橫
雨後容添瘦風來氣愈清
曲蘿環鳥道落葉繞人行
極目憑高望悠悠：萬里情

鴈字

一望長空迥絕埃羽書得體也
知裁飛鳴遠向青霄度圖翰遙從碧落開
若點若橫能自

有竹軒分箋

續成行成陣互相催
幾鈎草篆雲邊挂知是

秋風促鴈來

秋夜蟬聲

秋來閒聽蟋蟀鳴夜靜更殘尚費聲
明月滿林吟不住涼風振葉韻彌清
愛他好潔真能潔聽此無情也有情
枕底往回殘夢醒幾番惆悵到天明

初春雨後花欄覓句

雨餘新霽曉風寒尋向庭前次第看
掃去蒼苔痕尚濕飛米粉蝶翅纔乾
碧枝增色侵齋壁嫩蕊含珠暎畫欄
好雨知時花木喜寧愁深院落紅殘

秋江罷釣圖

問君何事泛輕舟釣罷歸來散漫遊
林木蕭蕭紅葉雨煙波渺渺白雲秋
投竿不羨沉淵鯉鼓棹還驚逐浪鷗
停泊江邊高卧後半輪

有竹軒分箋

明月照船頭

畫菊

圖成墨菊暗生光一段幽芳氣味長
得意態前隨筆點便聞天女散花香

夕陽秋樹

閃爍秋林上斜陽暎太空煙開澄晚碧
雲散布殘紅落葉驚歸雀餘暉送暮鴻
長吟康樂句此意復誰同

暮雨寒江

江天雲氣霽涼雨自滿、能佐三秋景還添
八月潮寒煙籠岸樹流水漲村橋一棹飄然
去塵氛頓覺消

霜林落葉

才于霜林下秋衫落葉侵渾如霞彩散疑是
雨聲沈月上和虛籟風來雜遠砧滿山飄碎
錦飛舞自難禁

有竹軒分箋

六

天半飛霞

秋來新霽後霞彩麗晴暉山迴餘光徹江深
倒影微凝為赤城氣補作紫煙衣極目長空
望軒、落夕霏

空庭夜月

夜闌聲寂後月色入簷楹影射紗牕白光浮
畫檻明絕無人跡至頻起鵲飛驚此際空庭
裏倚然玉宇清

山寺晨鐘

古寺青霄裏晨鐘夙夢驚韻留空谷遠音徹
衆山鳴曉閣風聲緊霜林曙色晴老僧眠不
穩起對一峯清

村舍晚煙

薄暮荒村裏寒煙鏢夕陽牕前紛漠漠林際
迴茫、啼鳥聲纔住棲鴉羽半藏釀成田舍
酒醉卧蒹花傍

有竹軒分箋

七

遠浦歸帆

一葉歸雲外孤帆挂日邊汀花紫碧水岸樹
帶晴煙浪急聲掀地桅高影薄天欲尋停泊
處遙指戍樓前

觀劇

一班新子弟扮作古時人苦樂無終日衰榮
只一身形容空想像笑語若精神道是當年
事傳來恐未真

晚妝

竹影散參差深閨麗景遲淡紅添素艷新黛
畫纖眉坐待冰輪上頻聽玉漏移妝成無意
緒閒折好花枝

月下聽促織

盈：明月夜促織旁人鳴羽藉金風健音調
玉管清沿蘿方答響拂檻漫吞聲素影浮深
院羅衣頃覺輕

有竹軒分箋

晚霞

極目長空望明霞散遠天迢：明曲渚皎：
麗晴川瑞彩籠雲鴈餘暉暎渚蓮秋風吹不
盡縹緲雜霏煙

遠浦飛雲

白雲飛遠浦搖曳入清幽斷續離秋水氤氳
罩碧流霏：分復合霽：去還浮極目煙波
裏長吟興自悠

菊屏

金菊離：翠作屏氤氳香氣繞中庭參差位
置環齋壁錯落橫陳傍曲檻風月半牕搖素
影琴書一榻伴芳馨秋花不比春花艷留得
霜枝幹獨青

九日對菊

一夜西風萬象清朝來籬菊盡舒英天台盛
遇當年事綉戶新吟此日情佳節莫交隨意

有竹軒分箋

度好懷須自把杯生只因歲：勤征遠蕭颯
如聞塞外聲

月下對菊聯句

一輪皓魄映東籬籬素影參差檻外移人立
芳叢香繞袖琴風花明寒夜露垂枝浮光霽
三秋晚籬淡質盈：九月時不寐小亭間悵
望琴風清暉冷艷兩相宜籬

江上月

渺：秋江上遙看月影生一輪光的皜萬里
色澄明上下幽而潔高低亮以清中流揚棹
去長嘯發歌聲

新秋

玉律因時變金風應候吹山清回暑早江迴
落潮遲桐葉先知信蘭叢未盡衰待將延勝
賞籬畔菊花期

晚望

有竹軒分箋

無事閒憑眺清秋日暮天牧人吹短笛釣叟
汲山泉晚樹棲歸鳥寒煙繞泊船夕陽斜照
處征鴈挂雲邊

芙蓉新放

織出天孫錦如霞挂碧叢不隨羣卉盡獨殿
百花紅艷蕊頻承露嬌姿不畏風孤芳誰可
比惟有蒹華同

秋江晚眺

晚眺秋江上漁人泛釣槎汀花眠白鷺岸樹
集昏鴉日落流餘彩潮平印暮霞縱觀無限
意興寄水之涯

池塘乳鴨

舒鳧遊曲沼弱質體初成翠羽浮波綠花毛
漾水清相依如有約結伴似同盟卵化隨鷄
育胎生各異名

秋帆

有竹軒分箋

扁舟歸遠浦泛：渺無邊帆挂侵汀樹蓬開
掠渚煙遙隨雲影度時拂雁行偏秋色江湖
滿長天與水連

鄰樓吹笛

幾聲嘹亮出高樓韻轉悠揚滿耳秋暗逐寒
砧音斷續輕飛落葉調清幽佳人繡戶驚殘
夢遊子空齋動遠愁坐久夜深涼似水一天
爽氣笛中收

夜泊

夜氣沈、泊客船江干漁火滿前川幾行啼
雁過寒渚數點明星麗晚天落木因風聲瑟
瑟蘆花帶月淨娟、來朝解纜飄然去又挂
晴帆萬里煙

賦得梨花帶雨開

素質娉婷欲媚人輕開濕蕊絕纖塵寒煙漠
漠千枝玉細雨濛、幾樹春嬌似真妃含淚

有竹軒分箋

十三

態淡如玉女洗妝新梅花謝盡梨花放應識
天工斡運神

江樓晚眺

江村日暮好登樓萬里煙霞一望收不盡波
濤長滾、無邊雲氣自悠、岸花搖落隨波
遠釣艇橫斜傍岸遊憑檻臨流無所事夕陽
影裏數沙鷗

山居

高士家居倚峻巔春風秋月幾經年飽餐香
蕨聽禽語渴飲飛泉看鶴眠隔嶺松杉聲宛
轉沿溪竹樹影便娟有時日落山光暮閒數
歸鴉古寺邊

護殘花

殘花掩映碧叢中滿院芳菲未盡空寄語東
風須愛惜輕狂莫損半梢紅

夜坐

有竹軒分箋

十三

獨坐空庭自適然一牕明月動人憐會心遠
處誰能解靜裏逍遙物外天

掃葉

簾外西風落葉聲幾回欲掃動悲情勸君莫
謂凋零早轉眼當春又發生

殘柳

秋來弱質最先凋簾外西風洗翠條莫道青
黃顏色減輕盈猶學舞纖腰

聞雁

滿天雲樹景悠悠，鳴雁高飛近畫樓。聽逐寒
砧聲斷續，閨中少婦起新愁。

和少農袁公納姬四絕句

高才卓犖少人同，政治文章事不通。近日吟
成桃葉句，珠璣盡在字行中。
風流早許世人知，花與高賢夙有期。簾內新
添和墨者，燈前正好寫烏絲。

有竹軒分箋

古

海棠初放雨中絲，花影紗牕日上遲。睡起輕
描眉黛後，柳枝一曲譜新詞。
翩：大雅耐人尋，退食從容不廢吟。夜靜更
闌聲寂，一簾明月賦蘭心。

剪絨菊花

秋光妝點綵花新，傲骨迎風若有神。碎翦輕
綃顏色好，一枝瘦影認難真。

西施

自古蛾眉勝甲兵，盟成嫡女導先聲。百年越
社仗巾幗，一笑吳宮傾國城。消夏灣前花爛
漫，姑蘓臺畔月澄明。即今茂苑荒蕪後，歌舞
長懷故主情。

內子十九歲生辰賦贈

煖爐初熱日光遲，恰值當年設悅時。草：杯
盤供笑語，勸君莫惜醉金卮。
仙葩不似等閒香，瀟灑風姿淺淡妝。十九年

有竹軒分箋

古

前明月夜嶺南梅樹始舒芳，爐煙裊：遶簾櫳。話到平生爾，我同多少相
憐相愛意，都歸半醉半醒中。
雙雀屏開兩月餘，蘭閨日：試新書。恩情種
種深如海，白首還同結髮初。

春初牡丹

花名富貴向春榮，艷蕊含香帶蒂生。醉態低
昂如對語，嬌姿摇曳若傳情。知同桃葉原無

意偏與梅花似有盟全仗人功催造化得看
爛湯綴紅英

立春

明日恰逢人今朝喜立春三冬纔易舊萬戶
喜更新旭日輝金闕條風拂玉津應看桃李
發紅紫鬪芳晨

有竹軒分箋

共

督饒集目錄

詩二十八首

日爾拉

楸坻

曉晴聞禽聲

春寒

燈花口占

楸坻見牡丹作

督饒集

目錄

西蜀督餉罷職後待罪塞外奏章仍荷
批發誌
恩

聞孟谷積米甚多近漸疏通書寄查觀
察

時辰表

夜雨

詣日爾拉諸處巡視軍儲門勞運糧民

夫疾苦成什

夜坐聽溪聲

楸坻途中口占

詣日爾拉途遇楸坻糧夫訟孟谷米斛

無準既至因親為衡量時於楸坻糧

夫內查出竊米一人量予懲責詩以

誌事

楸坻行館夜深月上半窓對而忘寐思

督饗集

目錄

二

及轉糶人之苦因賦

聞袁少宰愚谷奉使來川余以塞上給

餉不獲一晤詩以代簡

聞姜度香比部奉使來川詩以代簡

恭和

御製賜定西將軍玉鞞詩元韻

督饗集

竹軒劉秉恬著

乾隆甲午春仲余以督理征兩金川軍糶

往還日爾拉楸坻諸處時道路初闢怛然

有感受紀其事

日爾拉

蠻山向稱拉日爾名特傳此山無人越不知

幾千年為茲促浸後但浸係金集工開其巔

督饗集

只因事之急遂忘石之堅工完鳥道見山峯

插雲天西入僭拉境僭拉即小金川東即梭木邊梭木

土司山跨兩番界轉饗此稱便峯高雪片大

人從雪裏穿伐木作階梯雪後迹泯然遍山

渾似玉日出色愈蠲雪照目易眩輾轉夜無

眠攀援纔一過已覺費周旋傷哉轉糶者背

負何以前日來雪漸消輓輸差相連乘曉羣

趨事若憐人我先豈不惜筋力祇為博金錢

我來司轉輸於心倍拳、為之謀棲息量地
一再遷掘暫洩填、閼塹成水自宣庶幾免疵
厲人、得安全同此後民力於焉忘朕朕

楸坻

長日復長夜一度似經年凱歌未即奏戰陣
橫蠻天轉饒來楸坻楸坻亦極邊西接日爾
拉東與雜谷連司雜谷土名緣何闕此路轉輸咸
稱便三軍同鼓腹

督餼集

國帑省萬千關路何人始松茂使者賢近看
轉楮者絡繹紛相聯蜀民不善擔背負習自
然汗流浹衣襦勞形良可憐子來心素切力
公如力田且晚捷旗至歡聲動全川楸坻却
無楸松杉插層巔我來暫駐此望捷目亦穿
何時膚功奏歸拜
至尊前

曉晴聞禽聲

朝來屋角弄禽聲曙色曛、已向明四面嵐
光開宿障一天霽景放新晴于喁物類隨時
動活潑天機自在鳴何似九皋聞及遠音傳
碧漢使人驚

春寒

塞外寒暄別春深似暮秋谷中連夜兩白雪
滿山頭

燈花口占

督餼集

何事青燈喜結花花開霽、吉人家心田培
養由來久善必先知理未差

楸坻見牡丹作

楸坻無楸却有花山風吹動看流霞丰姿猶
是誰嫌淡香色依然未覺差只合瑤階歌繡
幃那從蠻地伴寒沙多因

聖澤周中外花亦爭開忘韃路賒

西蜀督餉罷職後待罪塞外奏章仍荷

批發誌

恩

塞外煢々待罪人封章尚許達

丹宸

皇心疊顧還如舊臣職多愆子自新萬里敷

陳真覺遠

九重批答不嫌頻捧觀

聖訓須勤勵敢負如天覆載仁

督饒集

四

間孟谷積米甚多近漸疏通書寄查觀

察

陳々積粟費經營豈為罪々未放晴若輩罔

知勤

國是吾心早欲勸君行

聞道儲精已漸通啓函差覺慰余衷此番擗

擋真堪美松茂賢勞首論功

時辰表

有物呼曰表能表造物機一日十二時呈報

差不違輪轉走方寸樞紐自相依法健行不

息製度協璇璣包含真廣大具體却甚微始

來自海外近亦徧邦畿遊子攜以隨時々近

征衣朝士攜以隨計刻入禁圍袖裏看乾坤

不啻窺日暉信哉人事巧參天亦幾希

夜雨

蠻地常看雪作花雨聲入夜雜邊笳聲々滴

督饒集

五

醒征人夢裏奴々又別家

詣日爾拉諸處巡視軍儲問勞運糧民

夫疾苦成什

往還信宿莫嫌頻目擊真情始見真大吏施

為休獨斷小人疾苦向誰陳殷勤赴事思酌

主敬翼居心貴體民行矣罪々仍榮騎高居

簡出那堪論

夜坐聽溪聲

夜闌獨坐靜無眠，滾滾溪聲繞耳邊。逝者如斯終不盡，眼前至理孰能詮。

楸坻途中口占

傍山策馬溯溪流，霧後晴光望裡收。塞外春風同一度，花妍草碧起人愁。揚鞭西指說干戈，試問將軍戰若何。暫駐穹廬連驛路，夜來佇聽捷書過。

詣日爾拉途遇楸坻糧夫訟孟谷米斛

督餉集

六

無準既至因親為衡量，時於楸坻糧夫內查出竊米一人。量子懲責詩以誌事。

楸坻糧夫夾道譁爭言，斛斗苦多加我來權量。平如水從此錙銖莫教差，人情變幻本難同。告弊誰知弊出中，懲一儆餘官有訓無偏。無倚尚虛公。

楸坻行館夜深月上半，牕對而忘寐思。

及轉精人之苦因賦

明月娟娟，暎半牕。夜闌不寐對清光，眼前疾苦頻煩計。違學昔人思故鄉。

聞袁少宰愚谷奉使來川，余以塞上給餉不獲一晤，詩以代簡。

不見山公已越年，衣冠戎馬各翩。忽聞奉節來西蜀，迴想當時意悵然。愁聽夜雨滴空階，獨向青燈寫別懷。北望平

督餉集

七

安書尺素乘風吹送到天涯，營堂白髮此同情。底事匆匆萬里行，跋涉無非勤。

國是從來忠孝本，齋名

日來想已度金牛，聞說旌旂不久留。一抹青山遮不斷，江天雲樹倍生愁。

聞姜度香比部奉使來川，詩以代簡。都門分袂記當時，古寺匆匆勸進卮。別後馳

驅無善狀媿書尺素報相知

聞君暫駐錦官城引我年來離索情多少心

懷無處訴短檠低詠到三更

青齊道上共風塵唐寅冬余曾度香夜

談心交見真回首當年成往事新情舊雨兩

傷神

髯翁亦是我儕人愚谷髯多故云憶昔同遊向問津

今日與君偕奉使浣花溪畔合生春

督饗集

恭和

御製賜定西將軍玉韉詩元韻

一羽那堪當百鈞全憑閫外主籌人金酋竄

穴休思逞玉韉彎弓定有神冒雪今勞開壁

壘凌烟重慶畫麒麟定西將軍阿公先有平

像繪遙聞

寵錫來天上感動同心勳力臣

觀光集目錄

詩二十六首

途中口占

過韓侯嶺謁廟

過固關

源沱河詠古

定州道上口占

過慈航寺弔方制府官保

觀光集

目錄

入都門作

古北口

山宿

塞行看山

即景

子於戊子年隨

駕至熱河嗣即出師滇南督運川西中間經

歷事故不勝枚舉今於己亥秋詣

行在叩覲

天顏歸程過廣仁嶺屈指計之已忽：十二

年矣撫今追昔昌勝興感因敬和

御製廣仁嶺元韻成七律一章以誌之

即景

已亥秋恭詣

行在叩覲

天顏歸程進古北口記

觀光集

目錄

恩作

見秋田茂盛可卜豐收喜而有作

柳

途中口占

見農家秋田有收作

旅宿口占

路過芹泉驛小憇村傍書室館師聞有

官至先行避去留題

已亥八月詣太原值省試作

乾隆已亥秋

皇上七十萬壽恩科也自八月朔後陰雨不

止至諸生入闈之期天忽放晴喜而

有作

次靈石縣

將抵里門作

乙亥重陽日同甄孝廉何二尹率諸子

觀光集

目錄

姪登里東

文昌閣聯句

三

觀光集

竹軒劉秉恬著

金川軍務於乾隆丙申歲告蕝余以銷算
軍糈留滯錦城己亥歲奉

命回京旋赴

山莊瞻觀

天顏途次偶有感發輒以韻語紀之

途中口占

觀光集

甘霖昨夜洗紅塵爽氣朝來最可人客裏關
情須領略一番風雨一番新

過韓侯嶺謁廟

兵家自古多名將獨有淮陰更軼羣背水出
奇收趙幟囊沙設計破齊軍欲延漢祚金湯
固不聽蒯生鼎足分廟宇魏、垂不朽嶺頭
高處護晴雲

過固關

碓關屹立接青雲兩地封疆到此分西距蒲
平風儉樸北連燕趙氣氤氳雨添山色煙中
見風雜河聲馬上聞跋涉不嫌途路遠寸心
急欲見吾

君

滹沱河詠古

漲後橫開十里平滹沱自古最聞名王郎小
捷何須道漢主鴻勳久已成四面環看雲樹

觀光集

遠中流座對岸花明扁舟一葉乘風度薄暮
陰、正定城

定州道上口占

輕陰天氣薄雲迎夾道垂楊匹馬行即次今
宵何處止清風明月定州城
雲斂新涼暑氣清微風吹似玉山行澄空月
色明千里分外光暉近

帝城

過慈航寺弔方制府宮保

慈航建寺傍河邊垂柳青；古渡前利濟從
今開壽域經綸到處普仁天野花繞砌多生
意水樹環門起晚煙精舍香嚴遺像在依然
丰采似當年

八都門作

巍々金闕耀晴空帝里風光迴不同感切

主慈何以報丹心翹企紫薇宮

觀光集

三

古北口

古北確關接

帝京

鑿興秋獨此經行枕聽潮水如雷響坐對屏
山似翠橫馬上馳驅多捷報谷中彷彿有呼
聲而今內外同歸一長築何須萬里城

山宿

夜靜喧聲寂山晴爽氣多徘徊無所事歷々

數星河

塞行看山

程途竟日在山中塞外看山迴不同一望青
蔥無盡處居然一座翠屏風

即景

青林承赤日翠葉泛金波此景真堪愛吟詩
以代歌

子於戊子年隨

觀光集

四

駕至熱河嗣即出師滇南督運川西中間經

歷事故不勝枚舉今於己亥秋詣

行在叩觀

天顏歸程過廣仁嶺屈指計之已忽々十二

年矣撫今追昔昌勝興感因敬和

御製廣仁嶺元韻成七律一章以誌之

皇仁廣被合天施嶺錫佳名協衆思向詣山

莊經此處茲來嶺畔想當時書生扈

蹕從來有儒服從戎豈謂奇
十二年成往事撫今追昔謹書之

即景

塞外初秋爽氣迎天高山碧水潭清風光隨
處堪圖畫那羨山陰道上行

己亥秋恭詣

行在叩覲

天頌歸程進古北口記

觀光集

五

恩作

朝回銜

命入關門馬上吟詩好記

恩虎帳宵嚴人盡肅

龍顏曉霽語常溫幾番艱險言難罄兩次敷

陳達

至尊弧矢從來男子事終軍有志我曾存

見秋田茂盛可卜豐收喜而有作

七月歌流火秋田萬寶成排莖新翠碧結粒
顆珠明秀色千町滿香風十里迎待看場圃
築比戶慶豐盈

柳

碧柳青、綴弱絲微風搖曳更多姿參差欲
舞輕無力懶似妝樓睡起時

途中口占

策馬垂鞭款、行西風吹送馬蹄輕每經渡

觀光集

六

口停舟濟一到郵亭擊柝迎夾道柳疎晴日
麗遠邨人飯暮煙生晚投旅館朝辭去行過

山程問水程
見農家秋田有收作

殷勤祈雨又求晴共禱秋來萬寶成今看禾
谷場圃滿欣、婦子慶豐盈

日落空山後行人歇晚程紙窻如粉白短燭

旅宿口占

日落空山後行人歇晚程紙窻如粉白短燭

引燈明夜靜無人語却喧是犬聲暫休猶未
穩忽報曉鷄鳴

路過芹泉驛小憩却傍書室館師間有
官至先行避去留題

參差繞砌滿秋英只見齋頭筆墨橫問爾先
生何處去須知我本一書生

己亥八月詣太原值省試作

輕陰細雨桂花香士子紛紛赴棘墻題句艱

觀光集

七

深難得句文機活潑迅成章日長鐘鼓傳高
閣夜靜吟哦滿號房二十年前曾處此此中
甘苦豈能忘

乾隆己亥秋

皇上七十萬壽恩科也自八月朔後陰雨不

止至諸生入闈之期天忽放晴喜而

有作

連日愁多雨今朝喜乍晴雲開山色見漲減

水流平花亂蝶來舞林喧雀有聲英才須努
力莫負此清明

次靈石縣

碧山兩面似屏風汾水西流却自東瓦屋參
差青翠裏木航上下素波中却煙連絡鄉居

近驛道紫紆

帝關通到此停驂諷往事慣聽人說遇英雄

相傳虬髯遇李衛公壹妹於此却
寺中今有塑像路傍石碣誌其處

觀光集

八

將抵里門作

金風玉露桂花天行近鄉園馬足過夜夢莫
愁途路遠到家明日月剛圓

乙亥重陽日同甄孝廉何二尹率諸子

姪登里東文昌閣聯句

登高連步會文昌甄起山童冠相隨意興颺

豈有狂風吹落帽何滋圃却因叢菊伴飛觴

雲山四面迎佳氣竹軒煙樹千家帶夕陽數

載題餽留越雋蜀起山中
 飲敘堯疆菜囊喜教兒童竹軒軍餉故云
 祖父襄文昌閣係竹軒日暮歸來聊小集軒竹
 共看明月煥星光起山

觀光集

九

滇行集目錄

詩三十首

詣滇南豫省途次口占

麗陽驛道中

明妃村詠古

江行

見楚人取水灌田竟日手足忙迫勞力甚苦乃於其時擊鼓鳴鑼唱歌藉以

滇行集

目錄

尋樂助興因而有作

江陵張丞相

喜雨

晚發澧州

武陵道中

擬消夏詩

贈福制軍

辰沅道中

命

滇行集

目錄

二

夜行

雨後

芷江阻雨

苦雨

黔陽道中

飛雲洞小憩

響琴峽

將至滇南寄舒制府時已有北上之

瓶花

喜晴

至滇南勝境

庚子八月監臨滇南鄉試至公堂翫月

口占

壬寅三月朔日詣松華壩觀元咸陽王

分水石工

滇行集

目錄

三

八月放舟昆海抵太華山麓隨登山至
寺時值桂花盛開口占
九日海山閣登高

滇行集

竹軒劉秉恬著

余以乾隆己亥小除夕履西安任閱三月而拜調撫滇南之

命長途跋涉述所經見其詞云爾

詣滇南豫省途次口占

纔別秦關歷汴京層山疊水動離情前途渺渺從何止舉步惟知順理行

滇行集

麗陽驛道中

麗陽古驛路悠悠，夾道林泉清且幽。今夕石

橋人暫住石橋地名來朝策馬到荊州

明妃村詠古

山水清佳產美人可憐當日往和親玉容一去悲花老青冢長留看草新異域豈知光彩麗漢宮全失畫圖真我來到此情難已四韻吟成也效顰杜工部有明妃村詠古之作

江行

江面平鋪似鏡明江船如駛順江行微茫岸樹天將暮最動離人無限情

見楚人取水灌田竟日手足忙迫勞力

甚苦乃於其時擊鼓鳴鑼唱歌藉以

尋樂助興因而有作

擊鼓鳴鑼復唱歌手忙足亂轉晴波世間惟有農夫苦苦裡如斯樂若何

滇行集

江陵張丞相

荆江相業至今傳當日奪情豈偶然可笑書生多物議不思國計賴臣賢

喜雨

日來天惜澤待澤正情殷忽得甘霖沛欣看氣象新涼生人意爽潤歷馬蹄塵更喜秋堪望深維造物仁

晚發澧州

今日還須趕一程
垂鞭又出澧州城
層山樹色千重翠
繞地河流一帶明
雲吐晚煙人意爽
風回殘暑馬蹄輕
不愁日落前途渺
月色溶溶更適情

武陵道中

花韻松幽水竹閒
輕舟一棹近依山
眼前已足供吟賞
况復桃源咫尺間

真行集

擬消夏詩

日來炎熱正堪嗟
誰是清涼第一家
當午敲詩能解暑
對花浥露勝烹茶
微風入室飄輕幌
明月橫窗印碧紗
於此已如登玉宇
何須更問水之涯

贈福制軍

相家公子將家才
平定兩金川之後
公以少
吉歲 恩封嘉 近自
勇男世服 同替

朝端擁節來

恩下

九重滋草木
今行六詔走風雷
當年幾駐皇華館
公曾出使 此日新都御史臺
綬帶輕裘先哲度
知君氣象早兼該

辰沅道中

垂鞭盡日在山中
變幻山容迥不同
每仰崇峰如主宰
迴看眾嶺似兒童
泉多上下皆宜

真行集

稻林密高低半是桐
問客因何來跋涉
黔滇驛路此由通

夜行

晝行炎熱夜微風
月色溶溶燈色紅
為愛清涼忘路遠
鷄聲已度漏聲中

雨後

倏忽涼風急
雨過四圍山
色碧於螺
農夫歸去天將暮
犁柄挑肩挂綠蓑

芷江阻雨

一夜滂沱漲急流芷江不敢濟輕舟郵亭兀
坐心如火不住催人問渡頭

苦雨

連日濃陰罩嶺頭滂沱之後又無休中宵輾
轉難成寐點點聲滴客愁

黔陽道中

地無三里平天亦罕逢晴石磴層層上山泉

滇行集

五

處：鳴晦明時變態風雨苦多情將比蠶叢
路尤為不易行

飛雲洞小憇

洞在黔省黃平州境內

洞口經過驛駛遄偶來小憇思飄然飛雲不
去塵心定忽聽鐘聲出梵煙

響琴峽

在黔省平越境內

山水清佳處天然奏雅音不彈流水調自有
響泉琴翠嶂雙峰秀青溪百尺深到來心跡

靜坐聽樹移陰

將至滇南寄舒制府時已有北上之

命

意氣平生最契投巴山夜雨話無休昆明池
畔欣相遇班馬期君為我留
一回相見一回歡無柰離多聚會難計日琴
尊宜盡興待看庭樹月團圓

瓶花

六

滇行集

幾枝穠艷映疎櫺無限嬌姿貯膽瓶更有惜
花人愛護任他風雨不凋零

喜晴

連宵陰雨坐愁中今日雲收淨碧空濕退征
衣人意爽馬蹄輕處御微風

至滇南勝境

六詔威名自古傳而今久已息烽煙山輝金
碧饒佳氣地種桑麻盡沃田萬里舟車來

北關千重雲樹倚南天
回思十二年前事
風景依稀似昔年

往從 經畧傳忠
勇公於役至此

庚子八月監臨滇南鄉試至公堂既月

口占

鏢闌月影雜燈光
多士林、射策忙
今夜平分秋色好看誰
折得桂枝香

壬寅三月朔日詣松華壩觀元咸陽王

分水石工

滇行集

七

輕寒輕暖暮春天
小隊循遊涉大川
兩岫農夫饒樂意
多因滄海濟桑田
看山要自最高處
觀水須從極遠源
不到松華探故事
那知遺澤利元

八月放舟昆海抵太華山麓隨登山寺

時值桂花盛開口占

旭日曛曛破曉天
輕舟穩泛淨無煙
四圍水白連山綠
風景依稀似去年

去歲八月
亦有此遊


盤旋鳥道躋山巔
殿宇清幽真是仙
更喜花開香十里
瑶林碎錦白雲邊

九日海山閣登高

登樓極目渺無窮
歷、山河一望通
尤喜重陽多勝事
菊花泛酒醉臨風

滇行集

八



〔清〕張五典撰

荷塘詩集十六卷

清乾隆刻本

荷塘詩集



荷塘服官廿餘年自晉歷楚所至有聲績及種調上元令嘗以公事見余訪以吏治之利病長淳漓民俗之得失一一瞭如指掌既而彙其生平所作詩文裒然成集凡若干卷余受而讀之而益知荷塘之為人也蓋荷塘以孝友世其家風承溫柔敦厚之旨所以陶冶其性情者既至而又轍跡徧天下所過名山大川與一時名公卿相交遊以及四方騷人墨士之所在無不折節而延訪則所以拓其聞序見激其志氣者復久且深於以發為詩歌其秀也如初日之照芙蓉其清也如秋月之映寒潭其蒼然而古也則又如長松之千尺而不可攬挈洵乎其才之高學之宏而養之裕也吾聞之也非才不可以理繁非學不可以馭才非養不可以蓄所學蓋嘗見夫古所稱循吏者矣其為人也廉而不劇嚴而不苛拊循吏民煦煦慈愛而不失之姑息而人心正風俗厚雖不言詩而詩之道存焉苟非賦才之高而又佐之以

學深之以養詎易及此故以其才與學與養而用之於詩則以詩傳以其才與學與養而用之於政則以政傳豈必屑屑焉擣章繪句與詩人爭一日之長哉方今

聖天子特重親民之官知 荷塘必以其長於詩者達於政與斯民休養而息之余承乏茲土而願 荷塘之相與有成也是為序

乾隆五十二年歲次丁未仲秋魏塘金汝珪



序

二

江寧劉文奎鐫字

序言

詩三百篇自祝釐陳式燕饗升歌國家典禮外多采行役之詞凡所歷風土山川及所見嘉卉香草時鳥候蟲心有所觸每託物以摠懷後之論詩者遂謂游非詩不雅詩非游不奇予獨於荷塘之詩謂有不盡然者荷塘家世孝友其先人七世同居荷塘在垂髫時必素承溫柔敦厚之教故其為詩也本乎天性之自然舉孝廉北上公車試令山右旋請假省世父於臺陽於古孝子忠臣遺蹟斷碣殘碑輒摩挲慷慨不能自已生平尤篤師友舊誼雖郵筒遠東而惻愴纏綿溢於豪楮惟其情深故其文明而秦中古帝王之州扶輿清淑之氣鍾焉且多古將相偉烈荷塘生其地襲其風流遺韻在關中時其氣已豪其詩已磊落而足蹟顧且徧天下詩之雅也不待遊之奇而已然然自釋褐應州屢移武鄉又改長沙之攸縣晉水之民惜其去攸江之民喜其來且以其孝友於家者為國家親民之官知荷塘不唯以詩人傳而以循吏

荷塘詩序

一

顯也而所至有政聲詩復以宦游成帙抑又奇矣夫無事而遊斯蕩子耳荷塘以猶子杭海而不驚以高才爲邑令而不懈知其至性過人得天獨厚而風土山川及嘉卉香草時鳥候蟲之觸發而爲詩者皆荷塘之寄也荷塘之詩豈獨以游而雅耶荷塘詩已有集茲索得其續稿讀之喜其詩之不效紀遊者徒侈江山之助已也於是乎書時
乾隆丁酉仲秋廿一日仁和李汪度拜手序

荷塘詩序

敘

涇水見書禹貢詩邶風大雅周禮職方氏左傳秦管之師而水經注無涇水篇然宋樂史寰宇記百泉縣涇水下水經涇水出安定涇陽縣高山注云山海經曰高山涇水出焉東流注於渭入關謂之八水彈箏峽下水經注云涇水逕都盧山山路之內常有如彈箏之聲行者聞之鼓舞而去又云絃歌之山峽口水流風吹滴崖響如彈箏之韻其他引水經言涇水者不一其詞吾越胡先生渭謂水

荷塘詩序

經本有涇水篇宋初尙存其後亡之是也涇水既著稱于經之本文其源流散見于班固漢書杜佑通典元和太平之地志至其風激水鳴和聲應節則水經注初本與淮南子皆豔稱之涇陽漢池陽縣地涇水所出水之流又東南逕其南表以崆峒之山黃帝之所遊也洩以二渠鄭國白公之所鑿也其地高其材博其水之源清而播之成聲宜乎產其地者鍾其清淑之氣富於學而工爲有韻之文矣上元令張君敝百涇陽之產也以名孝廉宰

省會劇邑卓然有循聲為政之暇鏤其所為古今體詩若干首郵示余余發而讀之述祖德紀

國恩漢韋賢班固之作也聽民隱通下情唐白居易元結之樂府古詩也駸駸乎入古作者之室矣顧余更有異者君作吏二十年由晉而楚而吳回翔且將萬里乃其行役之詩聲清而響越如坐讀者于絃歌之山不覺其眉之軒足之蹈非其清淑之氣鍾毓之厚而能然歟夫古來論文獻之盛以秦中為偉且富矣見於籍者有韻之文最早秦風

荷塘詩序

二

十篇是也金石文自岐陽石鼓四言以下碑林所勒銘詞奇奧冠于九州余獨怪常兩漢唐盛時長安京兆之士起家治大郡者多有循稱而罕有專集傳于世豈循吏文苑二者不可得兼抑儒者服官此事遂廢歟敍百仕優而於詩仍為之不已其所造寧有竟耶余故述古書之稱涇水者以道其詩之所以佳而為之敘 崑

乾隆蒼龍五集鶉首日躔陬訾之次上虞徐立綱拜撰

七世同居孝友家景陽翰墨擅騷葩掣鯨海外波瀾壯沐日峯頭咳唾華三晉清風餘愛蔭五湖新雨勸耕畝知君不少蒞于曲好慰吳儂望歲賒乾隆乙巳暢月下澣 大興朱珪

荷塘詩序

三

荷塘詩集總目

- 卷一 古近體詩七十七首 已卯至癸未
- 卷二 古近體詩六十七首 癸未至丙戌
- 卷三 古近體詩八十首 丙戌至庚寅
- 卷四 古近體詩五十八首 庚寅至甲午
- 卷五 古近體詩五十二首 甲午至丙申
- 卷六 古近體詩五十三首 丙申至丁酉
- 卷七 古近體詩五十八首 丁酉至己亥
- 卷八 古近體詩六十五首 己亥至...
- 卷九 古近體詩六十九首 己亥至...
- 卷十 古近體詩七十五首 己亥至辛丑
- 卷十一 古近體詩七十六首 壬寅至甲辰
- 卷十二 古近體詩八十一首 甲辰至乙巳
- 卷十三 古近體詩七十二首 補遺
- 卷十四 古近體詩一百二首 乙巳至丁未
- 卷十五 古近體詩六十六首 丁未至戊申
- 卷十六 古近體詩八十五首 戊申至己酉

荷塘詩目錄

荷塘詩集卷一

幽人詞為張印周先生作

幽人長獨息壁階多
鮮蝕道書一弓手披
緋艾荷為衣杞菊食
新篁酣雨放青梢輕
陰遮徧屋南北

正果寺

林陰路轉得禪扉
合十相迎見赤髭
嵐氣常朝雨過松
花滿地午風吹觀
空未省金輪法供
饌聊

荷塘詩卷一

參玉版師一片石碑
堪共語谿田老筆
具微詞馬

祿理撰碑有云人能移禮佛之心以禮其所當禮則亦善人矣

趙梅塢家藏吳徵君天章書扇索題

一卷蓮洋集千秋
鮑庾才偶書執扇
重如向叢山來談
藝每少可進身羞
自媒品流誰擬得
祇聽說

詩魁

灌樹篇

兒童學種樹澆灌
日數次燥濕須有
常水尾亦為累方
今春半時耕深種
已概鎮日晴風吹
龜坼隴



頤地村村田舍翁半腹惟糲食糲食亦何嫌所慮
行告匱婉婉養蠶婦含愁理曲植陌上榭與桑婆
娑渺生意安得萬頃陂隨處桔槔置百昌快一滋
不言忘機事

與性樸上人

天柱峨嵎取次尋歸來長倚舊雙林七斤衫濕野
雲重一局奕殘臆月沉詩瘦並無蔬筍氣色空真
見妙明心陳思衿契誰能似時向魚山領梵音

寄王斗文筦庫兼懷蘭山山長劉九暉

荷塘詩 卷一

二

轉輸看已罷西陲消得官閑歲宴時九曲冰河又
錦鯉五泉山市出塵黎森疎不解修邊幅酌時
聞倒接羅可向髯劉把樽酒春風座上共談詩

早春郊行

負手橫阡路行行縱目時礪鏡挑野齋舉錡墾山
畝力作人如此收豐歲未知城中諸士女方議辦
春嬉

行經唐貞陵

民物留思詠衣冠此寄存羣山拱松隧野溜避苔

垣問政從閒獵除官重外藩樵人口碑在賢令李
行言

送別

挽留不可住相送過城隅別淚君先落徘徊日欲
晡

送戴梅坡孝廉赴華州卽歸松江

西來看太華因之訪谷口相逢一笑間酣歌爲拊
缶偶攜獵閒原飛箭穿高柳故家五茸城得非射
鴈手急裝旋告別挽留欲繫肘蒲輪平舒道懸榻

荷塘詩 卷一

三

待已久謂席刺史紹葆三峯出雲表大河落關右輕策共
追攀天風灑杯酒練影望吳門蒼茫一引首金壺
思尊羹玉井拔雪藕

答趙梅擘

梅擘梅擘休如此要將蹤跡寄塵市自憐刻羽雜
流徵阿誰一洗箏笛耳胃脯販脂何足齒丈夫相
期在萬里息翼好作鵬南圖改鳴何必臬東徙決
雲摩漢會有緣幾見鸞鳳老荆枳七十未半非蹉
跎閉關僕亦從今始

和韓書原雪獅歌

詩老胸羅足萬象雕鏤要見吾才壯夜來玉戲戲
天公銀獐鹽虎齊奔放凌晨縛帚堆巍峩倏然即
景窮殊相黃超不及白超超手指揮彈歸意匠寫
生好手古陸子祇園甘露掃屏幃左顧右躑猛而
和丹青遊戲神閑暢古人工畫今工塑能事後先
不相讓贊詞奇偉雪堂翁并向千秋繼高唱鯁生
薄技慙雕蟲體物爭能便瀏亮烘呵凍筆聳寒肩
簷際颼颼風簌颼

荷塘詩卷一

四

宿安陽屯

烟林翳古屯歸鴉競啞啞往來幾經行熟識到老
馬孤懷莫與論濁醪自傾瀉憲紙颼微風床頭耿
殘炮僕僕少亭居歲月那堪把輾轉不成眠攬衣
促御者

七里橋

洛陽

大夏門前盤馬來寧知武庫是全才南征看取平
江漢笳鼓橋頭振旅迴

白馬寺

漢代鴻臚寺於今白馬名佛幢高綽影齋鼓遠流
聲界向中天立華緣大地生園橋觀聽處曾記禮
桓榮

香山寺

早讀香山詩便意香山蹟今來渡伊水薜蘿踏亂
石梵宮出林麓曲磴扶輕策勝額認舊名殿宇失
金碧問僧十寺基拄杖為指畫凌風到極巔山川
供搜索俯見洛與瀍分合練影白平眺及嵩高衆
峯各秀澤伏牛覆釜堆別鮮亦絡繹安得作長住

荷塘詩卷一

五

徑與塵境隔龕佛配樂天行去聲願在夙昔題壁從
結緣他日非生客

呈張礪山先生

高會香山散綺霞春鶯啼斷舊牕紗風情剩有張
司業麗日茸茸解賦花

寄家用儀兄

閉閣頽然坐思君病瘥時齋清持梵偈睡足理吟
髭三載聚還別半生兄更師遊蹤益學問苦語記
臨岐

歲暮懷人詩

憶得行厨挈玉卮洛橋為赴老人期因看酒漬留

襟袖又引情懷到履綦朔吹邊鴻正凄緊隴雲關

樹太迷離清伊一綫寒烟裏舊是龍門賞雪時何

博向在家伯父幕中

名山堂上老詩翁乘興東遊到浙東約我秦淮同

蕩槳迴帆沔漢獨乘風却將古錦囊中句為附流

雲雪裏鴻準擬春來尋禹穴鑑湖一曲繫孤篷張

周先生家藏宜和名山圖遂以名其堂約南遊徐不果先生獨往湖江漢歸著有浙裡集

荷塘詩 卷一

六

豈有田園歸去來老年家計舊書堆高情共見閒

居賦上土原非百里才屈宋芬芳初蕙芭歐虞雲

露結胚胎門前問字多佳客伏臘誰為致酒材熊

舅曉峯自未陽罷歸教授生徒書法晚年益工

魏舒恩受外家多辜負關心奈若何行笥緘滕藏

鐵硯敵貂風雪渡黃河消閒對奕燈頻剔忍凍孤

吟手自呵佳賞無能分共我屢傳書札慰蹉跎熊

舅訥

一片離情五字詩東門攜手悵臨岐依棲最久難

為別爾汝之交更有誰來照屋梁新月色從翻籬
篋舊鳥絲鈎經堂外風敲竹颯颯應知有所思趙

西園借寓古城隅短李擣劉共一區笑我無端辭

白社羈人有似憶黃墟猶聞舊業同畊硯但恐荒

庄偶負租請作聯珠成合璧大書鬱壘換屠蘇李

會劉尹瞻

問君暮景稱心無定力看為如意珠錄久已甘宵

寂寞病瘳不擬貌青臞閒來小步拖印杖醉後長

荷塘詩 卷一

七

歌缺唾壺時向高堂博歡笑兒啼手弄老萊烏族

用儀

偃師與王明府紫園

功邁築宣防占星得歲穰溝塍引伊洛磽确墾嵩

邱行野得新政于垣非小康請君作長策傳堰倣

蔡陽

紀將軍祠

東門黃屋爭傳呼西取咸陽作帝都義薄雲霄震

天地泰山一擲千金軀水犀三千圍小孤龍袍飛

躍宮亭湖感會風雲奮智勇乘時各與効撐扶明
主手持酒一孟布衣劉季是吾徒誰知得士亦相
似忠烈後先同軌模東虢康郎俎豆俱廟貌丹青
久不渝將軍心法貽千古擬得英魂招鄭巫

題畫荷

樹色遙連谷口霞柳家泉畔是吾家陂塘十里曾
移種太華峯頭玉井花

謁遊梁祠

孟子祠堂在巖巖數仞牆神功不下禹轍跡記遊

荷塘詩 卷一

八

梁啟口談仁義薰心惜惠襄臺池遺址盡城畔水
茫茫

鐵塔

孤塔城中起流雲
外過盤盤到絕頂平遠見黃河

送喬大

德淵

李六

燕

歸洛下

並轡應爲乘興遊
過存好與慰離愁論文酒酌三更雨
放眼人憑百尺樓已共劇談留匝月
不堪作別正逢秋花時遲我轅轅館
同上嵩邱最上頭

爲朱次封題尊君先生照因寄問

侍中猶野鶴相見輒傾心因以思仙客
翛然寄故岑觴飛春月夜筇曳晚楓林
尺素憑雙鯉東湖水正深

乞陸二柳畫水竹屋基圖

吾家涇水陽古原對畢郢渭川在其南
修竹千畝整振衣到崇阿遊目時引領
斷靄浮太乙殘雪明秦嶺獨於蒼茫中
愛此蕭蕭影風雨自迷離晴霽得明靚
心並綠天澗興隨碧雲永殷勤約此君
共

荷塘詩 卷一

九

我茅屋冷安能遠招尋有需長借景位
置脫常徑焉得不速肯中田兩泉眼渟
渟法復濕潭交橫瀉莎渠短約裁枯梗
本來無町畦儘與窮幽屏風前揖擘柳
波上俯藻荇請搦蕭湘管爲寫貧營境
潤筆吾已辦溪茶與山茗

陳留二首

慢說埋名吳下初虎賁相貌亦徒胥
竟逃東兗誰能識欲待髡黥續漢書
同時荀爽蔡邕愧申屠笑擲徵書膽
滿軀東郡曹

公亦健者焚山收到阮元瑜

張睢陽墓

智勇真源令江淮保障功摧鋒高矢銳饗士雀羅
空三日遲通援孤城早竭忠泉臺逢許守遺恨散
悲風

武津關

俗傳為昭關非也史記索隱注曰昭關在西江乃吳楚之境甚確伍胥聞

太子建在宋往從之建死伍胥與勝奔吳或經由耳

劍佩脫江上往來由宋中須臾不忘郢畢竟愧鄖
公樹梓怪封土飛濤怒捲風龍門休迷怨只弔霸

荷塘詩 卷一

十

吳功

宋州懷古

秋竹寒烟似古時隋隄楊柳半離披菟園白雪鄒
枚賦酒客黃墟李杜詩城寄蓉陰仙縹緲筆殘花
影夢參差憑誰喚起西陂叟玉笛滄洲坐並吹

徐州

彭門祇在呂梁西水照孤城向背迷上到黃樓一
昂首石堤爭與楚山齊

躡屐凌兢堤上行穿雲初日照霜明路迴閔子村

邊去蘆荻無花秋水清

龍翔夔躍避秦羸九鼎深藏水一泓枉用鞭笞驅

海石却來齋戒禱彭城

大蛇中斷哭山隅圖讖先開赤伏符伐荻蘄洲射

龍子寄奴家世舊粉榆

玉斗春冰碎劍鏗石函紫氣逼星光千年破家人

爭識畢竟雄鋒過項莊

舊養饑鷹計已疎白門面縛意何如茂才袁渙不

忘故肯為將軍作罵書

荷塘詩 卷一

十一

臨淮號令肅秋毫坐老徐方部曲驕誰向商州收

潰卒張旗伐鼓渡藍橋

江湖蕩漾見風神倘儻張公八尺身幕下羅才得

韓子曾經傾倒杜陵人

燕子樓中賦曉寒司勳到日已春殘算應輸與香

山老及得風前看牡丹

萬木雲龍鎖窈冥西山初斷一痕青筇枝棕履蒼

苔徑重門吾家放鶴亭

清江浦感勸八叔父

嘗官南河縣丞後歸部守銓卒公諱煖字步

玉年家子王
廷詔敬與

艱辛吾叔父未肯合時宜
拄笏原疎放防川効職
司平聞謫滿百不泣路多岐
自愛銜杯樂嘗言荷
鍾隨拂衣辭楚塞迴策去
京師真有相如渴寧
徒曼倚饑風神非實落魂
夢苦參差孤月沉漣水
殘烟散鉢池來經規畫地
先問舊題詩飲處鴉棲
壁生前宿直箕歲時楸隴
隔悠邇竹林期慟灑天
邊淚洪河注海湄

漂母祠

荷塘詩 卷二

三

嘔嘔分飲食亡楚竟何如
豈望千金報長懷一飯
初江邊子胥劍城下魯連
書氣誼歸前古幪巾並
有餘

次韻寄呈吳丈綱村

家山陽任河北觀
察南來承詩贈行

北面曾爲問字客南來偶
作致書郵繞廬喬木欣
依託閉閣郎君重款留好
月山陽攜舊侶恬風淮
上送行舟裁詩并欲通家
問爲報平安到汴州

劉伶臺

高臺俯水濱林壑自幽曠
擬覆杉皮屋杜康配東

嚮

揚州

已是秋殘細雨中還看城
郭綠雲叢揚州烟月原
如此誇到文章誤廸功

歐蘇兩文忠祠下作二首

流丹飛翠水雲間祠占邗
溝灣復灣領管漁洋遷
去後詩魂何處不平山

有憶前朝王司李王公徽
涇陽人黃山寃獄抗扶持誰同

強項來陽伯爲起關西二勁祠

荷塘詩 卷二

三

江口

夜醉揚州月曉乘瓜步潮
攬衣江口起熨眼看金
焦

潤州懷古

江北聲援未肯留幾人開
府壯軍猷和戎徒事金
繪費走敵會聞橋茗投終
引號虞傳鳳詔爭能陳
蔡割鴻溝鄂州都統移宮
去風雨鬪山哭暮秋

宋宗忠簡公祠

夬計幸維揚無勞屢上章
偏安鏡帝意恢復笑君

狂天雨爲留守地與無汴梁丹陽陳太學抗疏詆
汪黃

黃山

林際春申君直上何轟轟
蹀躞跨吳墟從橫俯北
濱談鋒解楚阨從長雪
秦辱客履躡綴珠劍室
壓飾玉想其初盛時臺館
被巖谷寧知千載後樵
牧
态躑躅滅口棘門道爲
求母望福還語後來者
弱
人工反覆

野泊

荷塘詩 卷一

十四

菱老曳殘絲荷枯偃曲蓋
秋烟和晚照弄影寒塘
外

吳江訪李丈漪亭里居因乞玉洲太史集

儒學在關中

國朝溯三李講席故依然
宗風需振起夫子自吳
江蒲輪入槐市帳懸伯
起堂經談橫渠理餘情
恣榮礪雅調諧宮徵宏
聲流大夏遺音聞正始
膏馥乞後輩題品成佳
士予也生較晚私淑原
竊比因識嵇侍中來款
高陽里門前湖水平爲
揭永明旨

謁鄭公夫子 吳公嗣富嘗視學秦中掌教嵩山

來謁省齋子步過通德門神和占道力語簡得詞
源館閣聲華舊關閩講席尊名山經世業

文治贊

虞軒

西湖

瘦筇幽屐自相隨才說濃華便不宜西子湖邊綠
分好初逢恰是淡粧時

異代詞人白與蘇風流餘子未全殊田家 汝舊志

荷塘詩 卷一

十五

從新讀題字於今半有無

看竹雲棲入翠烟重行不足豈前緣六橋遊客曾

知否徑是還他第一天

傅玉筍太史招同齊次風邵椒石兩公湖舫

小飲

招邀已屢至此日又重過
黍作同舟客誰爲斫地
歌層波環翠水遠岫出
青螺聊記追仙侶飛觴
醉大羅

答次風先生 玉筍翁座間先生問及八水近日形勢得悉言之翼日辱贈詩

四用
原韻

仙翁家天台石梁每飛渡俯看人間世風烟萬壑
聚快作瀛洲談流傳金石賦道書續秘牒藝林重
掌故偶輟谷口咩來踏江東路相逢湖海上論衡
乞談助揮塵通往復拈筆隨例疏我因方隅見記
憶少脫誤昆明飛石鯨甘泉雕玉樹讎遊罷曲江
陂陀鑿杜岡山川初無改今古亦且暮慙稱懸河
口奉補水經注

訪聖因函公

荷塘詩 卷一

六

冰凌折屐響齶齶驚起毳毼滿樹鴉閒過六橋衝
曉雪要從茶供看桃花

絕句

七十二淨室盡是安禪處除弗都不用但挈蒲團
去
九溪十八澗路入理安寺寺前多野竹壓雪枝垂
地

與雷雷峯同年遊龍井

去年寄我龍井茶手題章草絹封斜今來約我遊

龍井帽簷顛倒插梅花住向錢塘遊戲耳傾倒江
南好事家尚憶豐臺看芍藥都人爭看雕輪車

奕虛上人見我圖

現身丈六豈忘形相對無言覺有情直表自能空
曲影不煩神釋到淵明

南屏山下繫輕航每是沿鐘到上方他日相思忘
不得虎頭金粟白毫光

別陳荔汀即送遊杭州并寄恒公

君欲錢塘去分湖可並乘須過淨慈寺竟有碧雲

荷塘詩 卷一

十七

僧我愛吟詩好人因善畫稱後山真契在物外作
交朋

遊金焦作

金山委軒豁焦山外沕穆雲霧橫山襟江海浣山
足左挹還右拍夙因疑相屬徑欲叩天關謁

帝乞湯沐曉登妙高臺窈冥極紺目晚坐枯木堂
風雨披丹籙隨意自往來東西供食宿不用駕飛

鸞跨下控黃鶴

明徐武寧王墓

名將北南陽中山異姓王儒經談虎帳墓碣表宸
章逐燕甘爲誦遺雛恨自長忠魂有宗子許附萬
松岡

臨淮

殘月落長淮橋聲過客驂且擁竹爐火坐盡卮酒
甘夜來風色急層冰裂寒潭枯枝摧堤柳黃埃迷
晚嵐霜霰盛前路氣候非江南穰穰行李中凍斂
惆步擔

淝水

處分亦已定逼水看軍麾風送青岡鶴客同山墅
碁門庭集將相朝野繫安危竟有沾襟淚歌聞子
建詩

荷塘詩 卷一

六

荷塘詩集卷二

涇陽張五典敘百

抵開封與周藕香曹劍浦潘天池諸君

去日秋晴好歸途雨雪繁湖山惟浙右賓客是梁
園興盡緣孤往詩多要細論餘杭攜酒至一笑共
開樽

寄答楊子安先生見憶之作鸞潼關人時
之任華容

紆道勞相問南雲悵渺茫先期如報札遲客定聯

荷塘詩 卷一

一

床河漢驚無極筌蹄衆未忘含情不可見征鴈去

瀟湘

送高芥舟刺史之陝州積厚杭
州人

森然號武庫才能時所須十年綰墨綬一麾剖竹
符往者歲在巳河漲十丈餘勢借風雨急怒挾蛟
龍趨隄防欲一掃百萬懼爲魚衆流倒飛卷投注
見齟齬沁水沒覃懷伊洛泛東都偃師當其衝夜
半失孤郭臨邑正領簿王遵已忘軀慟哭向蒼昊
卽日發倉儲焚獨問幽僻棄孩收路隅拯救無所

遺孱黎得再蘇近時湖城縣幾革無籍徒催科傷
胥隸搜捕敢支吾自合彰憲典終是憫頑愚撫字
擇收令化理資感孚知公到郡日休養行良圖科
條必嚴明村巷無追呼漁奪失伎倆兆庶色敷腴
賦性有強悍革心自袞除陝郊太行陽山圍東北
隅磽陘俗無井穿城轉清渠秋淋塌古岸汲澗病
崎嶇决疏通鬱塞剪弗淨荒蕪一注下青雲歡呼
徧沾濡勒碑甘棠驛歲月可大書

陸二柳招同王滄見集吹臺

正月十日

荷塘詩 卷一

二

連車載酒碾春冰望裡層台取次登絲履雲飛先
直上吟肩鶴聳許相憑河淮不必吞清濟高李端
應得少陵城樹晚烟殘雪外馬腔繚亂見紅燈

白沙驛

對岸成樓雲半遮林陰燈影出人家春風料峭平
橋晚細雨濛濛到白沙

陝州謁歐陽觀察

長廊曳步勞相待短刺探懷未及通已聽嚴更催
漏箭還隨明月過花叢粗繪大布諸公子白髮蒼

顏一醉翁愛客歡傾新釀酒春風鈴閣坐燈紅

燈遮次退谷弟韻

圍紗籠葛總紛然向背陰陽體正圓金粟落盤看
點點水荷歎蓋自田田人間烟火原推避眼底蠶
蟲省撲緣明在暗中憑認取書窻一證小乘禪

夏日遊北原至寶峯寺感憶玉章上人

城居如坐甌涼意謀於野聚落碧樹叢夾道清渠
瀉側笠背斜陽披襟風灑灑行行度平岡一徑入
蘭若塔院語風鈴蒼柏噪蛭馬慨然念遠公西歸

荷塘詩 卷一

三

空蓮社不言我心雜舊與談風雅戒規清嚴中獨
許引杯罍陶龕入幻塵昏燈耿殘地惆悵過前溪
林杪月偃瓦

投茶篇

阿誰賄取宣城守阿誰賄乞謝公墅盡日用機方
罅中有類穴中關兩鼠國手不解王積薪餅餌牛
酒徵野人他日還啜安重霸蜀金三笏賺州民吾
拙原非解事客尺璧分陰足可惜徑拋木局付東
流努力朝朝自運甃

藍田宋呂正愨公里

遙將典禮考商周門聚清英第一流朋黨抽身辭
洛社君王寄問向安州挽詞坡老無從涕鄉約居
人可共由欲采寒花修薄酌繞城藍水玉山秋

藍橋

澗水隔籬如筑琴微風寒葉下秋林山禽驚起飛
何處人在藍橋月夜吟

秦嶺韓文公祠

斥佛一抗疏移官得遠遷至忠依北闕大道啟南

荷塘詩 卷一

四

天山斗千年像祠堂萬仞巔迎神擬奏曲雲騎下
翻然

商山行

太華終南複重複別支東斜第一曲右通岐雍左
鄖襄萬壑千巖總在腹亂流知飄何處花崩石多
欹古時木雲霞朝暮隨陰晴啼呼猿鳥走麋鹿漢
漠誰曾擷紫芝踏踏行歌在深谷羔鴈誰辭微聘
三池館自號逍遙六我生亦是邱壑人擬從佳處
結茅屋招朋閒過藍田關驢背天風掠巾幅

龍駒寨登舟

山借新秋染丹從亂石爭岐塗通宛鄧人語雜巴
荆為負探幽癖能輕觸險行何來鴛鴦鳥流聽起
鄉情

丹江

遠有神魚照水紅祇應燈火出疎篷朝霞影裡開
帆去夾岸秋林落晚楓

九日光化雨泊

茅篷瘦子漢江隈佳節催人首重迴果是秦雲多

荷塘詩 卷一

五

在嶺却因楚雨罷登臺顧疑獨影經秋瘦坐覺輕
寒入袖來為語西風便行客習家已置菊花杯

襄陽懷古

汴南巨鎮此巖疆根本中原計慮長笑折雙鋒分
騎步先收六郡向湖湘何來竊據謀張憲不獨偏
安負李綱漢上閒田處歸衆漫勞遮馬拜焚香

安陸古蹟二首

村名好在為人留偏是言愁輒欲愁昨上蘭臺風
色暮東門蕪盡渚宮秋

右莫愁村

誰能勾漏遠投荒吏隱人間未有方夜半丹成脫
然去已將少女嫁嚴光

右梅福宅

郎官湖

道故一盃酒碧湖身後名夜郎經此別臨賀未孤
行漢代逸人傳黃金然諾情從來多古意掩卷見
平生

臨臯亭

荷塘詩卷一

六

鶴飛客去睡昏昏便証東坡不二門誰道華嚴從
外得醉來寶相已千言

游寒谿西山

去訪松風閣來經廣宴亭古人誰復見長自記殘
銘樹老秋多響江荒日易暝扁舟歸岸北樊口一
痕青

東林寺有感坡公遺事

匡山頭白怨歸遲五老蒼顏亦片時去曳芒屨青
竹杖遠從僊耳和陶詩

秋屏閣

滕王高閣認殘銘去訪洪崖拍笑亭還為西山看
未足江烟朝霽上秋屏

樟樹鎮明王文成公書師處

使者向闔海妖氛動豫章重臣殘許達馬思大節
死孫燧黃宏邀擊中途伺懷符間道亡檄飛傳列
郡誓激引高皇籌算無遺策軍威自遠揚俯歸迎
左蠡故穴搗南昌棄皖重圍解沿湖一炬光言悲
母聽婦識合失機王露布聞京兆宸遊指建康受

荷塘詩卷一

七

俘勞法駕緩死費隄防偵卒來寧府奸徒出豹房
薰狐危近侍投鼠慎推詳妙得安餘黨終能免中
傷保身俱幹濟體道合行藏學術多私議羣愚不
自量地名依大樹人頌作甘棠

周瑜墓

行裝曾治否遺恨在巴邱舸艦餘炎息蛟龍得雨
愁為臣強敵閒託病老瞞羞誰料黃初後稱藩到
仲謀

吉水縣

曲折真成字灘洲一水明微霜江樹葉曉日越禽
聲衢市臨歛岸樓臺出古城飛雲亭畔泊掃壁自
書名

章貢臺

臺趾傳清獻言官出郡初鶴琴幾時去溪石自今
疏夜月焚香罷閒庭學道餘鬱孤同一望天末意
何如

塵外亭感懷坡公

江亭澹盡初山烟嶺外閒遊憇偶然歸路崆峒春

荷塘詩 卷二

八

已暮還從算卜問行年

天竺山

法師無常住飛錫來錢塘貽詩自樂天何年留上
方詞客尋舊物林雨感山薑山色終不改江上烟
蒼茫

會昌縣

水郭落寒月攬衣催引船灘聲石岸曲塔影曉峯
巔又路粵闖入奔流章貢連開頭作卯飲憑仗避
蠻烟

益嶺

松杉午陰合磴道入雲深拄杖鏗然落驚飛谷底
禽倚關成小憩舉首一長吟閩嶠層層出孤征歲
暮心

故城鎮

山曲澗田閒水腔幽篁高樹影層層故城烟重寒
溪晚人點橋頭記路燈

汀州贈宋慎亭太守

豐綬時攝
行巡道事

酒籌歌板記同遊踪跡三年古汴州梁苑多遺枚

荷塘詩 卷二

九

叔賦鄴江來上謝公樓故人飛華方持節賤子豐
貂總敝裘棄置升沉單話舊纏綿井轄未須投

上杭舟中

南下沿汀水飛雙激瀨聞人烟藍屋驛成角紫金
山涉利行裝薄愁疑鬢影斑前灘五百近路入鱷
溪蠻

適中驛

驛館前頭畧約橫松風謾謾亂溪聲滿天涼露啣
山月殘柝初鐘去北坪

漳州詠古四首

玉鈴領鎮向雲霄五世衣冠接上朝雅有詞章秀

臺院坐令德化被荒要天城山勅歸名第文圃人

畔自峻標惆悵元和潘庶子南台沙合問江潮

下車修禮祀端明經界條分大化成遺意推尋勞

傅監道原切要屬安卿著書應奪元亭席作賦真

高繡虎名地號南州小鄒魯多才藝苑共蜚聲

兵戈夾寨工乘險縞素臨戎敢告勞伏莽揚波依

海曲戰功死節盡人豪積薪給葬焚蕙惟血題

荷塘詩 卷二

十

書染笏袍藥弩軍聲羅總管綠江江畔古墳高

閩南男子義相憐虎尾龍鱗視漠然肯讓銅缸移

國學寧教州印奪郵船東林憂禍陳天定瑞局甘

心周仲先徵餉諸紳同楚繫明末事見郡志桃林人臥

太平年

清漳雜詩

蒼山漲海沈懷遠微瀨平舉顧野王元老存詩主

風雅難從劫後問禪房咸通中僧元慧輯古詩銘鏤版興教寺

寶坊琳剎滿城中祇說閩王王審知舊梵宮景祐銅

鐘原大歷開元石塔紀感通

芝山東麓日華南信國祠堂入翠嵐却望隔江蠻

樹影循州去路木棉庵

袍笏漸山衰草迷九侯白葉晚幽棲六舟六詠原

無補未負家師是北溪陳植陳格兄弟幼學於世父安卿

西江太史張元正可人稀傾倒南州老布衣指似玉

匙誰領得鐵關好與落嚴扉陳真晟嘗言大學誠意章乃鐵門關惟主

一二字是玉鑰匙也

經國言朝總竭忠河汾講席在江東死回同館倪

荷塘詩 卷二

十一

元璐答盡前明養士功黃道周嘗墮水中若見有人導至一殿庭匾曰倪黃

後館選名亞元璐

朱幼芝明府贈詩鈔小傳鄭荔鄉著

楮紳逞博論風流尚談詩喧議既競起準的依阿

誰鄭公起閩海晉安分宗支才名動 京國潘張

矜轂推譚藝標極界妙不失黍稷箇中原自得外

人未許知鍾噤悉元理處陶正可疑滄溟高月且

北地肆排譏瘦硬論難憑今古類如斯况復涉瞻

顧收史何差池皮裡具春秋日嘗辨滄溟大雅久

不作公道賴主持此事有千古好惡誰能私古人
恨不見武陵朱幼芝

萬安橋

烟際長橋出風潮逼尾間經行猶向若謀始定何
如積葑蘇堤小沉萊傅懋虛濟川功不細浩蕩接
坤輿

別家南坪觀察

學舉如
阜人

我行偕計吏公欲謁天官京洛期相見情深暫別
難牙盤蕉果熟磔梳蔗漿寒閣閉三山雨談詩坐

荷塘詩 卷二

十一

夜闌

三溪

前灘高入嶺雲西石峭湍飛處處迷舟子相逢聞
笑語浦城三日到三溪

建寧

吏自驂鸞去仙聞控鶴還真儒盛闕海講席偏名
山雲谷青冥外霞洲翠水間藉蘭何處薦客路指

梨關

建溪

黃田到劍浦繫舟日未酉理楫結百丈長年督水

手相戒前灘險水落逢三九客子初經行無語躊

躇久程程窮昏曉灘灘直上陡積鐵夾山岡叢篁

合幽黝到處輒流連亂石爭被肘虎豹猛蹲伏虬

龍怪吻螺高圓困廩堆尖峭劍槩藪或覆如釜甑

或仰如甕白漩渦怒噴衝凌濤橫紛糾進尺仍退

丈人力竭任負蕙石較可狎灑瀆應得搗出坎是

漁梁山樓寒貫酒未及權九曲遠望還昂首

陸亭

荷塘詩 卷二

十三

閩俗人人重本源西山遺意至今傳洪支海內知

多少祇記吳門舊義田

仙霞嶺

曉烟格磔亂鳴禽絕磴微茫繞出林緊縛芒屨爬
碧鮮回看海氣失蒼岑迎風飄葉知驅瘴問路從

人喜辨音北向青湖覓舟楫臥遊直到越江滸

江山船

短篷急櫂江山船鴉鴉軋軋青湖邊乘流順發也

膠滯十里五里相延緣來船步步作倒却斷冰亂

石衝洞漩榜人懸崖引百丈號呼聲下枯樹顛手
脚凍皴難著力曉來雪片飛漫天翻風青帘指烟
際煖寒爲出青銅錢寄語來船休促迫小時同泊
酒壚前

殷浩宅

興亡管葛舊從占雲霧談鋒自不凡誤許梁安任
關右終因韓伯泣江帆經籤事數心多解樓去儻
梯意最銜咄咄誰從暇書字千人尚是一空函

嚴陵釣臺

荷塘詩 卷一

古

先生遺蹟在千古此江濱仙息偕高隱故人辭至
尊披裘老山澤舉足動星文烟曉停橈處清風萬

壑間

六和塔

雲外如招客江迴塔影高舊逢秋霽日凭看海門
濤應有因緣在平添意興豪多情好風信鼓浪送
輕舸

與菴虛上人

又共齋厨法政香經年別緒慰相望書從閩海傳

秋暮人泛湖船到夕陽屢日淹留通往復旅程迢
通忘去聲聲匆忙談詩還憶天台老癸未冬曾陪大江
風先生過訪海雲深隔石梁

雲栖寺

夢入雲栖路如聞折竹聲重來衝曉雪端爲續前
盟幽壑山門古寒雲石澗平僧房留客坐烟穗起
茶鐺

岳鄂王墓

荷塘詩 卷一

古

宮殿臨安已劫灰巋然華表倚山隈平章媚敵貪
和議上將分軍忌背鬼東面沙塵成再拜南枝風
雨有餘哀靈魂且慰于忠肅猶見英皇返駕來

陸宣公祠

巴國遷官後離宮解厄初匡君陳奏議閉戶集方
書賈誼才休論陽城恨未舒翩然隨旅櫬魂魄到
鄉間

平望夜泊

晚風吹送吳江雪烟際漁燈半明滅引船近就枯
葦叢聲唱賣鮮艫輕振斜倚綸竿披短篔簹擊出筠

盤編細篋上鈞恰有王餘膾板督正得西施舌客
途感此悲吳人禍亂紛更紀越絕太湖魚炙計已
成酒讌招邀向窟穴七首一寸飛霜花裏甲三重
透棠鐵樵李收骨歸虎邱許越行成恨應結響爍
廊邊月似練館娃宮裏花如纈跨海畧地齊魯南
貢葛甘心臣妾列盟長黃池爭未休上相東門眼
可扶霸圖消歇經千年寒塘流水聲鳴咽一飯柀
樓支枕高夢迴逢頂聞驂屑

食河魴戲成

荷塘詩 卷一

六

水伯憐饒客河魴薦早春善烹經熟手放筋惜殊
珍未及蘆牙共聊隨諫果陳非云莫予毒殺豹爾
何人

舟過虎邱

又作匆匆去余癸未至吳門有情
知五日匆匆甚之句阿儂應笑人但

存緣分在未惜往來頻山店唐花艷歌樓子夜春
獨憐吳苑月相送向江濱

東坡書院

端明大手筆千載仰宗風法界華嚴得橫流江海

同驚新到詩老遺山病巧自文公朱子後輩沾膏馥出
羣誰是雄

延陵廟

延陵吳季子遺廟故墟邊閱博千秋學交遊一代
賢墓碑尼父撰家法仲雍傳我欲隨巫祝清樽酌
石泉

荷塘詩 卷二

七

荷塘詩集卷三

涇陽張五典敘百

正月二十二日舟次閿邸報恭讀

御製賜陝西涇陽縣貢生張璘七世同居詩望

闕叩

謝敬依

元韻紀

恩二首

荷塘詩卷三

禮樂鈞陶仰

聖人彛常敦睦化齊民愧無報

國千秋鑑祇有關情一本親蓬宇春生沾

日照

天章雲麗共星陳願持

寶訓傳家法爽世長徵

治理淳

寒微闕輔草萊人欣是時雍

堯舜民

上聖從長為善善

宗周於道本親親

九重詔下先承

寵百忍書成豈待陳慶溢田閭皆

帝德

化行海宇久風淳

清江浦待闈值張子元孝廉

意外得攜手徘徊楊柳堤連茵藉芳草消渴剖甘

梨浦暗江烟合春寒野日低扁舟同載去客路待

荷塘詩卷三

分題

雨

層雲迷泰岱飛雨過平原風掠蒲帆拆濤爭石牒

奔堤灣翳雜樹聚落出雙墩陡覺春衣薄維舟命

酒樽

張桓侯廟 涿州時
大雷雨

舊識鄰村羽葆桑炎精十世未銷亡斷橋叱咤回

戈櫓傳檄從容定益梁故印深藏涪水曲靈阡獨

近惠陵旁猶疑鐵馬隨風雨栢樹陰中紫電光

銅雀臺

建安瓦發一臺孤
鄴郡單單作帝居
皂帽有人知漢臘
不留詩卷入黃初

汲縣答杜明府其年索書因寄二柳

慣乘西抹東塗手
平放蛟螭作飛走
相逢一揖便相問
向來好事今能否
君不見相國寺中白粉墻
已蘸黃泥掃敗帚
碧紗望斷應自譏
駿駒跛足誰能守
多恐縱橫不入時
徑持此幅示陸叟

晉陽詠古四首

荷塘詩 卷三

三

天質開公子
艱難立霸功
龍蛇應返國
呂卻漫焚宮
飛騎陽樊入
羈俘駟介中
如何貪請隧
三讓拜彤弓

隔城望烽火
繫獄識高光
單使來江表
宮人侍晉陽
兒爲家國計
詞引夏商亡
一代凌烟閣
裴劉宿草荒

年號稱天福
長驅汴水消
中宮憐戰士
羣小負孤兒
耶律相依後
方隅自保時
降聞盡江廣
使相尚須遲

忠襄明蔡公來建節國步已終屯
鼓秦關震烽

烟晉水昏偏裨得南八謂應將軍悲牖失劉琨三

立祠邊路寒蕪舊墓門

和張用九先生題棺詩

鍾隨應笑偏蠅蟻
蛇化何人定蠅姑
入世因緣無聖礙
有生皓白此身軀
從知詩老王官谷
便是仙翁市上壺
還欲相要東海去
鄉珥九節問菖蒲時將赴關南

樊川

荷塘詩 卷三

四

襄陽京兆本同枝
零落開元杜牧之
應向樊川恨魚鳥
遊人爭問少陵祠

鴻門坂

舞劍鴻門坂
沛公如脫兔
絕食滎陽城
將軍駕鑿輅
幸分一杯羹
生死復誰顧
慟哉王安國
未及爲徐庶

商南題家書後

曳湖春雨夜
秦嶺曉風時
寂歷烟沙際
森沉竹樹枝
幽尋僻絕境
回望重離思
明日扁舟路
歸程隔

歲期

襄陽口號

孟襄陽後米襄陽一種高風並擅場詩思藍關衝
曉雪畫船夜月瀉江光

西塞山

桃花流水正春和楚楚青山撒眼過輸與元真真
泛宅坐收江海入漁簑

南岡

南岡何高高上有郭生墓苔蘚沒斷碑已失雙柏

荷塘詩 卷三

五

樹袴褶徑相遺早知形骸寓未愁處仲忍危詞藉
一悟可憐石頭城近逼南街路錢鳳爾何人却超
死已暮獨嘆青囊書何如爾雅注善易不言易學
人守其故

將至白水鎮遇雨

細路樟樹陰斷橋莎草外氣暝山雨來顛風助滂
沛隔岸望人烟寸步阻激瀨蹲依隻輪車斜擊碧
油蓋岐途原如此造物非狡獪霹靂一聲飛日影
曳殘靄沾衣看淋漓且喜無織盞回頭語僕夫市

樓出曉謁

黃竹嶺

山行起每遲峽嶂繞亂流石在苔露滑宿烟橫未
收松杉夾去徑蜿蜒曳翠虬棧磴半明滅蒼然雲
氣浮扶身仗輕策步步一回頭畧行跨聳壑梵刹
出林幽孤坪誰疏削草茵供小留何必培風翼始
作逍遙遊凌空去絕頂徑欲問丹邱俯看人間世
滄溟一浮漚

舊僕迎至汀州

荷塘詩 卷三

六

消息誰報汝灘船隔月來鄉程發春暮節物過恢
台遲待時經久猜疑日幾迴我生慣淹滯汀水似
紆洄

渡海

誰量擊水止三千渺渺孤槎向日邊橫軸那還知
地大占形始得見天圓澎湖島嶼蛟龍守赤墻城
郭鐵石堅奪險當年沙線尾潮頭十丈送樓船謂
靖海平
臺時也

題甘和菴都督畫二首國寶侯
官人

海魚

弭楫澎湖港龍尖入饌初識名慚博物舉網看多
魚喙出鷗鵲似鱗鮮錦翠舒眼明披畫卷爾雅詎
完書

卧牛

連天草碧流泉清山原一片秋光明短犁掛壁初
罷耕彌角擲尾自在行黃鐘滿脰牟然鳴寢訛轉
覺千舳輕泥中曳尾誰寄情南山白石徒希榮細
推物理能肖形不用幻藥分陰晴黃牛革裹無戎
兵升降閒得隨麾肱盤辟總不中犧牲爾牛便是
函關青

荷塘詩 卷三

七

次答張宏軒學博留別 伯謨 縣人

寥落東南島嶼間相逢揮塵為開顏晉安派別鄉
人忌博士官清曉夢閒長有砌花娛客醉仍將海
船載書還何時共挽莘田叟 黃翁 任 却望滄溟上鼓

山

鄒寶松太守琴鶴照 茂苑吳擘心寫伯 兄半谷老人記

向遊浙西東舉稱政簡易未及識君面望風心輒

醉近從海上來相逢見標致嘈雜謝塵緣清靜畢

公事蕭然郡齋中焚香但掃地擲拂與說禪載酒

或問字晨夕久過從處處太古意卽今証前聞符

合無小異吳生我輩客筆底遙情寄長公妙語言

掀髯爲作記自與鷗鳥狎共隣山水志展對當清

秋島烟浮空翠

登郡城樓

晴潮寒碧上城根人倚層樓看曉暎山勢東斜食
讓海土疆北闕故通番荒祠鼓角田間社聞戍旌

荷塘詩 卷三

八

竿樹外墩繞檻飛飛雙燕子新歸得路自中原

送安息香與家孟邨

花枝香屑與爲緣冰麝平分記臘前紙帳夢回寒

夜雨微薰應又破枯禪

犀壓重簾一縷餘曉窻好仿硬黃書龍涎碧海憑

採取生計留將付老漁

除夕次韻家休庵

坐覺春從海上來椒盤異域得同聞事傳聊爾鄉

中俗人在超然物外臺閱世年多疎客鬢泛槎天

與老詩才林鴉櫛馬矜高唱爛醉戎家守歲杯

赤嵌行

曉霞香靄明赤城海色一碧春波平上元節前好

風物將軍折簡招賓朋翼自振排雲倚島俯千仞

初來恍惚疑蓬瀛遠啣鷄籠指虎仔澎湖礁嶼俱

浮萍近挹鯤身對鹿耳沙線南北交纏繁勝地天

開始何日要憑良會發精靈彈碁投壺且歛手射

潮小試雕弓鳴漿船載送酒百斛倒傾玉斗飛金

觥帳前鏡歌奏朱鸞琅琅直答風濤聲習流軍士

荷塘詩 卷三

九

突出沒撇波擊浪如鯤鯨歡呼未厭日曛黑戰艘

銜尾懸紅燈爆竹晴空催雜戲轟轟啣耳驚雷霆

舍利魚龍窮變化火鬣朱鱗紛怒生主人娛客正

多情風利扁舟未可停琉璃千頃絕塵滓蕩蕩孤

月浸寒星馮夷出聽潛蛟舞扣舷擊楫凌滄溟回

頭縹緲望樓堞還見彤幘連絳旌

臺陽雜詩

經旬船起好風來有客東陽佐酒迴海上人家認

歸處綠珊瑚樹粉墻隈

四時強半著冰紗踏徧芳叢窄鳳斜最是棧林春

港路碧油傘底滿頭花

鷹爪碧蘭紅佛桑纍纍青子綴槓榔臘前苗苞迎

年菊開向春風七里香

長時蜥蜴盤窻叫首夏蜩蟬抱葉嘶風雨海潮音

徹夜標標啼徧五鳴鷄

斫取深林厚栗來修船構屋有餘材生番掃跡山

樵便蕭朗加冬充竈煤

謝鄒太守惠弓箭應元常州人

荷塘詩 卷三

十

誰言一丁字勝兩石弓弦聲霹靂馬如龍誰勞學

瞬機下倒錐末鳴鏑笑發追竊蟲使君原是射雕

手擘車悒悒氣作嘔自盤弓稍賦短歌時出刀劍

飲客酒謂我膂力可大用握卵附枝論發縱燕牛

之角朔篷斡羅材監製耗清俸天時工巧俱不違

當風引滿寒星飛投筆萬里此志耳未分書生老

布衣

褒茶

嫩綠浮春池葦筏作畦畝細莖間脆葉泥沙未能

垢雅勝僧房。蘂宜點葡萄。酒借問種者。誰恐是抱汲叟。

波羅蜜

新樹出汁。凝則實。故又名刀生果。

一花五葉後。託根到震旦。聖果原有因。慧劍故用斷。味甘無中邊。何止啖一半。我本自西來。還與登彼岸。

次答周晴嵐孝廉

謝海寧人

鷹在鞞條。鳳在笈笑。他束縛受牽。拘廣文三絕詩。書畫高士。孤懷潔。懶迂對子。能無慙。體慢方。臣自

荷塘詩 卷三

十一

是有工夫。張南周北。相鄰並。每到酣歌。互唱喁。

澎湖

三十六島。知何似。數點烟。紅數尺。磯出海來。占風

信好。俗稱籍公。為出海時。時白鳥入雲飛。重洋有白鳥似。燕而大舟行。見

之謂

澳口新晴。日未斜。拍天碧水。浸紅霞。撥船三板。乘

風軟。礁嶼東西。揀石花

蘭

建溪有幽蘭。芳花不易地。我行與花辭。向我作花

意扁舟載輕裝。黃磁尚可致。譬如君子交。相依輒心醉。樂與數晨夕。邂逅亦何易。留根事栽培。肯為中道棄。

別任七廷楫

故總戎岱宗長公子

當時大府有清名。身後全家寄故城。公子流離餘衽褐。將軍部曲異平生。計程峽口鄉關杳。卧病漳濱歲序更。期汝連鰲東海上。笑看頭角已崢嶸。

偉人學使以詩招至福州用韻却答

水驛南臺路。前年住短檣。訪君來畫閣。留客坐寒

荷塘詩 卷三

十二

宵。不謂慙期許。長煩念寂寥。歸程溯江漢。悵望越

山遙

濯足萬里流。照

為山陰周堂屋題

南北飄零已白頭。尋詩苦欲寄冥搜。廿年重趼關

山路。夢到門前萬壑流。

別十二弟敘爨

他鄉又別離。告戒已先期。能慰關心處。猶如見面時。阿兄牽世務。吾弟好天資。暇日當年少。人生正有為。

清江縣

公是公非誰短長太誠謔處太清狂二劉老去風流盡誰問臨江舊墨莊

彭蠡湖

落星灣頭天如墨礮礮光中飛霹靂湖水漩環作倒流驚風翻動蛟龍宅靖康遺事感羈懷鳳船龍舟走巾幗瑤華悲泣掩雙蟬玉面翠蛾失宛孃宮中堯舜時已遠南渡蒼黃棄宗祏終看花月去臨安誰向風烟望五國洪州建寧路間關可憐骨肉

荷塘詩 卷三

三

正分拆昨來擊汰過豐城澄潭猶記金花跡湖邊誰去撥晴沙恐有遺釵帶薜碧歌罷燈昏香篆消殘雨船篷響浙瀝

漢趙順平墓

曾向軍門偃鼓旗翻翻連弩大江涓關張同得作飛將君相從來無貶詞洛下七年誰與宴漢中期月事堪悲秘書御正深惆悵為憶當陽血戰時

望夫石 新野

別魂望斷古河邊兒女癡情太可憐夫婿封侯歸

有日功成勒石到燕然

魯山旅店遇潘天池

君從何處來肯坐共殘盃遊跡亦無定壯心猶未灰披襟宜野店繞砌步新苔不盡流連意宵分帶月迴

悼往詩 并序

余以丁亥三月三日赴閩熊孺人六月九日歿家人故匿其信戊子七月歸及里門乃始得知撫棺一慟冬十月卜葬城東含酸志之

荷塘詩 卷三

十四

不能成詩也已丑太原旅中值二周之期為虛位遙致薄酌夜夢奕奕如平生既覺淚濕枕簟旬日來無夕不夢無夢不哭感念逝者如在初歿為作小詩得三十首存十六

斷去音塵動隔年蕩遊端是悔從前死生大矣誰能主臨了輕拋百日緣

珊珊自欲去凌虛於我因依十載餘不信臨風留不住祇爭親手挽裙裾

消息無人寄與聽靈槎萬里泛滄溟東瀛縹緲仙

山近誤我尋蹤叩玉扁

依舊粧樓最上層樓頭風雨暗殘燈醉魂中夜長

顛倒錯怪連聲喚不磨

奇恨深愁觸緒生無聊昏睡帶餘醒老親慮我傷

神死哭許不時一放聲

不數尋常戒弋鳧案眉合調唱于喁記逢佐讀三

更雪特出床頭酒一壺

桂花風裏雨如塵乍覺輕寒欲中人雲錦曾將裁

半臂中秋為我賀生辰

荷塘詩 卷三

十五

畫叉琴薦頗相於瀟灑粧臺筆硯俱一幅生納猶

在壁內人背而欠伸圖

課女嘗從礦面餘繡針鈿尺曉窻虛案頭指與簪

花格月下牙床口授書

聘錢真與出金鈿未及相持一見憐擁髻凄然時

下淚不堪人事早飛烟

李安到家時
孺人先歿矣

當年最快得延明賦賞秋河點筆成

余嘗從學
未陽毋舅

悵岐塗多巧滯星橋風浪一時生

門前楊柳著春枝薄行真如白傅詩逝者有知知

鑿取商瞿憂色尚無兒

附再娶
吳氏

汝南絡秀願來歸齒遇華宗計莫違沙磧生金珠

出蚌感君舊許置青衣

李接方孕
五月矣

十載萍踪去住難就中最少是團圓而今羈旅堪

排遣且當平時小別看

夢裏逼真醒後疑來從何所去何之攬衣獨向空

階立正是參橫月落時

因緣自古比塵輕一覺匆匆俱眼明好我果能時

入夢把君徑可當長生

荷塘詩 卷三

十六

錢潤蒼同年病酒

汝霖昆
明人

戰茗彈碁事事奇醉鄉大戶更無疑浮觴正好觀

其態行藥偏逢及此時丈室青熒燈似豆疎窻蕭

瑟雨如絲可堪跌坐清無寐獨和淵明止酒詩

聞趙百川王珍愚訪邢李佩朔州官舍賦寄

二首

臺上黃金不可招征衣短後劍橫腰來從古道飛

狐口共向居延看射鵰

風流刺史得佳客為引紅粧上白樓檢點做貂金

已盡賦詩准當錦纏頭

大同懷古

勢抱重關控極邊漢家亭障舊相連中郎使節蘇
卿老太守聲施魏尚賢秋到白登山積雪春深青
塚草生烟何人識得銅牌鹿應記元封出塞年

寶宮寺木塔遼清寧二年建

金縉歲歲許修和祝髮齋僧日漸多梵覺經文貢

西夏空門土木戒常哥莊嚴畫塔依然在笑兀蒼

穹似可摩開寶會聞藏舍利宋垂拱二年作開劫寶寺塔藏佛舍利

荷塘詩 卷三

七

殘泚土竟如何

透玲碑

石長三尺餘闊如之光明可鑑傳為晉王李克用墓上物明人鑄為寶宮

寺

謂石非石玉非玉清光炯炯奪雙目豐碑華表晉

王墓龜趺螭首出山麓生前大節仗忠義報書帝

號却巴蜀錦囊三矢付奇兒功成告廟副遺屬鴈

門刺血祭先王彷彿麗牲碑柱旁何年兵燹坐零

落來爭古佛白毫光臨安縣東石一片衣錦人來

逼聳戰颯爽天生熊虎姿石頑都能識世彥誰教

伶樂歌東平送死空餘石鏡明史邪龍歸可哀曲
武擔覆土葬山精

吳牧村生日招飲聞笛次韻

三彭不用談仙術百歲終能了佛機素侶招要隨
簡至荒邊車蓋到門稀瓊筵記取冬初集玉屑疑
從座上霏為報青巾紫裘客有詩答得鶴南飛

盼家書不至

應有鄉園信秦關使未迴夢曾占玉燕月已滿珠
胎身世多遺缺年華漸逼來何當慰懷抱笑口一

荷塘詩 卷三

六

為開

夜

移案篝燈補注書風簾重押一窻虛因翻箋說流
傳誤自償平生識解疎新釀細斟桑落酒故人分
惠石花魚地爐梢柶餘殘火寒柝聲中夜欲除

家書至得子並添姪四人口占寄諸弟

西來黃耳通鄉信老蚌居然也得珠名位卑微異
時足推占災難命宮無吾門何德多男子半載添
丁五丈夫人授一經堪課業傳家書帙舊連厨

魯渭川刺史見和次韻答之

末邁封胡階下玉豐盈岸角掌中珠佳兒人事真
何預此物天生不可無我是常情憐少子君期有
論著潛夫漫愁信筆書麀錯來就陳家湯餅厨

送季佩守慶遠

荔支香裡到宜州坐嘯風清九夏秋手搦涪翁書
一紙登登疎響出南樓

荷塘詩 卷三

九

荷塘詩集卷四

涇陽張五典敘百

恒山詩

水月指戒壇嵐烟浮坐具徧地金蓮花依依共扶
住懸空寺

版屋跨溪流水磨自迴轉秋漲來無時山南築石
堰涇水

仙人在何許可望不可即行行采茯苓相見會相

荷塘詩 卷四

識望仙亭

清曉入山來支筇此延佇傍夜雨冥冥人歸把兩

炬虎風口

起龍出為雨為雨赤龍尾歸眠抱領珠爭功任社

鬼潛龍井

但來對空杯與度千百劫迴看四山中穠花復黃

葉琴棋臺

秋風響巖壑林影疎清樾時有雪毛狐庵前拜星

月得一庵

空響本無樹樵斧霜林外聞根近已斷入耳祇天
籟空響樹

安禪老衲子雪巖敞石竇木客解吟詩寒燈許來
就護門草

共說無常住飛去挾風雷移文試相問何日又飛
來飛石窟

山頭過片雲殘日翳復吐樵子暮歸來方知山下
雨夕陽嶺

欲問通元谷悵望白雲岑細路荆榛合茫然少足

音通元谷
荷塘詩 卷四
二

送友人歸鎮江

蕭疎已見鬢毛蒼騰踔猶誇筋力強遊蹟盧龍出
塞曲鄉心京口渡江航且留文字為歡飲漫整鞭
稍作急裝一笑相逢那易得形骸畧盡兩相忘

蘋果

閒趁秋芳野步遲一天涼露曉晴時短山欹岸圍
荒圃淺碧輕紅綴滿枝絕品自應風味淡新嘗覺
與性情宜年來快意無如此除却楓亭擘荔支

偶遊雙山劉生心智率族眾邀至村居

登泉高下破雲流亂嶺關頭宿雨收閒向西風驅
匹馬又從北嶽見諸劉力耕餘到三年食抄讀編
成萬卷樓淪茗客堂山翠裡鳴蟬鬪鳥滿林秋

哭業師

姓張氏諱
拱字端如

先生吾父執贍拜舛角時稍長依門下卅載長追
隨言動示矩度談笑寓箴規口授復心傳晦明風
雨期吾家百口眾何道民嫌疑處人骨肉間婆心
力護持動之以天性申之以民瘼諸伯叔兄弟折

荷塘詩 卷四
三

衷得和熙愚鷺如小子奉教免參差此德非常德

感激入心脾我為結吟社時賢共分題謂宗必大
侯建庵輩

景邕家用
儀諸君為我執斧柯名門許結禱謂為約婚熊
未陽舅氏

因我抱癢痾診視代醫治因我問行藏子平理數

推精於醫卜窺我猶恃氣養德喻木鷄窺我有隱憂鎖

眉開玉匙關情既真切時過繫人思近年博一官

再拜及臨岐送別話不成徘徊晷影移頻頻傳鯉

素什襲日翻披依然奉顏色侍立承耳提夏初忽

報書示疾撤講帷貌瘦食倍少氣衰酒相欺讀罷

意傍徨省問苦羈縻一力供奔走薄具藥餌資馬
 門高於天雲樹望迷離有懷日耿耿奮飛怨題題
 山頽將安仰哲人慟已萎諸弟道急遞數行字半
 歎腸胃欲崩裂涕淚下漣漉兀坐似癡醉夢寐還
 嗟咨生平艱遇合空老坐數奇殘膏乞後輩科第
 摘領髭雜峻峯竹七山兩孝廉家文石進士皆門下士因流當見源探本
 可借枝千古自千古浮世謝一麾獨愧負師恩圖
 報失津涯枯硯磨石墨荒庄落豆莢未及遂舊約
 安車晉水涓官舍下床榻擊鼓効舞醜惟有書紳
 語遵聞行所知矢以清白吏毋貽門墻疵但能施
 利濟猶是化雨滋但能助長養猶是春風吹愛人
 本學道敢云虛委蛇素志有未逮小補寄於斯秋
 雨正蕭瑟天末起涼颺為位向西哭遙酌致清醑
 易簣躬未預執紼禮將遺大招乏楚些精魂恍惚
 迷挽歌仿薤露執友慷慨為三年服心喪五字志
 深悲
 先生遺事有可紀者再得二首
 不作風雲月露辭后蒼原審古聲詩晚年樂善通

荷塘詩 卷四

四

懷處愛聽門人說解頤

十年家火伏丹爐月夕花朝酒一壺借把清烟消

永日解嘲屬賦淡巴菰服何節飲性嗜菸

簡查蘇海孝廉寓永安寺

甚欲相從破蕭瑟幽棲地僻少經過城頭曉日峯

千仞寺院秋陰竹一窠為問平安醉司馬已無文

字病維摩再拋藥裹齋心坐造化小兒如子何

題畫杜漁村畫障得自洋上今十年矣恒山景物備極彷彿因系以詩渾源官舍軒

意間俱見此山環青樓尤顯豁載書來遠宦把酒對名山余題聯也

荷塘詩 卷四

五

偶與恒山作主人尋芳輕屐到深春畫師似會前

因事寫意先為古黛皴

環青樓外好烟鬟吟眺從消永日閒挈取圍床分

一曲依然把酒對名山

地爐

地爐深口中曲蟠鐵為圓蓋方承盤虛空引火烘

滿室複壁重簾春晝寒斫薪續炭勞童僕薰灼手

爪幾成癩此役入夏定可免且將給汝搖白團笑

向主人回軟語也須煮茗燒飛丹

寄和外父樂壽堂舊勝詩

外家本望族世德不易紀史乘光前朝月且高鄉
里繁在嘉靖初吏治課能百獲鹿與良鄉畿輔
實繼美詔語嘉丕續循良名父子至今瞻遺坊層
霄去尺咫吾邑父子循良坊前明嘉靖間准勅同
為獲鹿令熊公坡良鄉令熊公嵩建
時馬光祿理文章歸阿士碑版照四裔凡例森然
起門庭絕干謁矜慎在譽毀林泉相過存交情正
如水為作擘窠書鸞鶴倏停峙眉壽頌南山君子
古樂只生平無愧詞傾倒亦至矣自天褒題處互

荷塘詩

卷四

六

證有同旨魏公存笏板杜侯貽書史舊物同栝椽
傳守責雲耳阿翁述祖德詩歌譜宮徵屬和難為
工風韻都未似記曾隨上塚清明逼上巳拂藪讀
蒼碑涇野千字誄獲鹿公墓表為
呂仲木先生撰

再呈二首

墨妙通神尚可臨藜堂風雨歲時深題從老友椽
為筆守到雲孫雪滿簪三語端應推善頌一斑藉
見嗣徽音信知大壽同金石清白家聲已至今
此中佳趣舊從窺別後還勞寄語知窓曉難書閒

點筆燈明坐客共圍棋向來眠食都無恙解事扶
將定是誰何日登堂重問訊開顏博得笑領讀平聲

拜焦龍公冢次韻

藏蛻蒼山頂寥天接大羅穿雲尋去徑駐馬望迴
坡已禁樵持斧寧來牧荷蓑非徒五十步鬱鬱萬
松多

疊韻東王近光學博

日霽好來過酌君金叵羅泥塗怯羸馬山縣轉平

荷塘詩

卷四

七

坡竟曳青苔屐閒歌白鷺簑儒官無吏責祈祝助
予多前二日禱
雨焦龍公

題曹容圃學使棗南書屋圖二首

三十車箱滿載書廿年移傍

紫宸居太原拜台還都日樹影娑娑識舊廬

秋庭佳果綴離離不藉青陽嫁樹詞課罷諸郎還

一笑分甘為見並推梨

烈婦行

蒼蒼青谷口泠泠青谷水細流赴清漳宛轉依山

趾山村程氏女嫁得郭氏子夫婿好遠遊母家長
相倚強徒夜瞰室女弱投繯死譚然驚鄉鄰未能
知所以藁葬入荒邱冤魂詎含視事聞須推求推
求屢移晷或曰母所逼失意困楚捶母曰嬌所誤
與之同臥起母癡癡更癡數問但唯唯聚落十數
家各安屋此此二豎何蒼黃閒道中夜徒窟穴狡
似兔奔騰速如鬼踪跡乃得之伏罪置於理止暴
愧涼德得情固勿喜庶慰泉下人隱恨釋切齒投
晉激以義斷臂引爲恥維彼皆仕族高節照青史
女也本寒微矢志顧如此

荷塘詩 卷四

八

題畫

消得衙齋盡日閒此生有分是看山一峯清峭秋
空落城角西南樹影間
雲影秋嵐一片寒林霜濃點晚楓丹怪來得邑山
深處粉本天教稱意看

石勒城

長嘯東都去揚兵易水還已撓三部力自置二劉
聞鈴語卜晴晝棘林催淚斑徒餘漬麻處風雨響

空山

寄五弟都門

時在四庫全書館

報我山城一幅箋平安鄉問夜來傳遙知旅邸多
秋思爲附征鴻向日邊簾錦欲將窮七錄鹽齏須
是過三年故人京洛誰深契共與論文入妙詮

東程生彥之

天寒正好深藏手相累抄詩似不情落筆微聞快
風雨擘箋要看雜真行狂詞綺語刪都盡氣挫心
恬調欲平負性從來恥干謁休疑無字及公卿

荷塘詩

卷四

九

雪中用羅字韻漫成二首

臣門亦如水雀凍漫張羅事少吏兼隱山深城半
坡吟肩聳鶴鸞畫意到漁簑冷淡作生活人言幽
興多
藹藹復奕奕長空誰從讀上聲羅明連殘月影寒徹
夕陽坡茶乳濃於酒裴茸亂似簑深窻相伴處燈
火覺情多

寄家文石兄香河

來書議取眷屬故未聯云然

礪陘荒城抱石盤京畿支邑近龍灣各羈微宦風

塵裡時繫離情夢想間通脫似聞長快意笑談誰
與共開顏蒸藜炊黍堪相樂休道家人戀故山

立春

三度行春漳水涓長官贏得領添髭山深昨始新
頽歷雪好冬來頗應時蒼茫原頭鳴畫鼓蕭森林
畔簇青旂勸耕自是年年事用意殷勤野老知

饋歲

未礙居官少故人部民歲久似交親類經春磨微
通擊自抒忱恂為薦春麩彙林田吾事了山原堵

荷塘詩 卷四

十

土汝家貧鐵鎔温酒聊相勞餘俸平分割半結

除日

檢點一年行過事喜看案牘有餘清吏民已自安
吾拙功用還多仗歲成野市沙灘散亭午山城松
炬照初更盡傾新釀同僚友接座歡呼擬徹明

元日

已看四十今朝是舊日頭銜領九年為驗升沉俱
倏爾何妨故我尚依然風塵僻處還差少節物閑
中得自專且合推入登要路春山正對縣門前

八日

殘雪輕冰已渙然柔風韶景共眩妍天晴元日到
人日春早去年經閏年自是煥寒依定序從知遲
速繫前緣唐花火迫殊匆促閑汲山泉養水仙

上元

團樂新月到黃昏閭巷喧闐作上元兀坐那能守
齋閣戲游聊爾命車幡伶優俗樸寧妨抽燈火年
豐倍覺繁喜見流星占露布將軍中夜破崑崙

王師討罪金川

荷塘詩 卷四

十一

示女

性愛攤書傍繡床解將落墨寫花房聰明所惜非
男子依倚相攜遠故鄉失母多年長作念感懷老
我倍難忘官貧知汝能心諒竹筍聊為遣嫁裝

寄畫與姚蓼軒表兄

秋寒風影上菰蒲暮靄沉沉淡欲無彷彿城南溪
畔路與君同向酒家墟

採芝圖詩

附李敬迪記 上黨季翁自三工
於山水偶及人物花卉以藝游天
下士大夫樂得其畫尺幅片紙必珍之甲
午季春至武鄉館於荷塘明府明府固精

六法相得甚歡也一日酒酣於素問作採
芝仙幕客謂其有似於明府李曰吾欲滿
此十二頁非為明府寫照也客引荷塘觀
之荷塘亦謂其似也從而我之客曰省三
月餘來與主人相習不覺其有合也荷塘
曰豈天馬萬族印吾師手季曰明府自有
仙風道骨非明府似仙翁仙翁似明府耳
客遂濡毫記之如有甲午四月十三日鑑
湖李人杰

金索沿成竹樹墨巾曳作雲山從來得心應手有
意無意之間

是非原來了了分別何必區區久已我能見我而
今吾欲忘吾

荷塘詩 卷四

十三

謝季翁寫余寒江釣雪照

漫天風雪到來時竹樹蕭疎石岸欹一領紅衣坐

烟艇釣師原比品官宜

曹陸前身我後身要從相外見天真對君忽擬深

相避學塑端應妙入神

覺羅喜勉齋刺史示錢稼軒先生畫寫

茶山大落墨時逼文五峯此幅獨簡遠枯淡無筆

蹤疎林俯石徑耳欲聞秋風漁舟轉山脚掃影入

空濛昔年曾許我秘訣傳南宗烟雲忽過眼感歎

意何窮

碧雲閣詩 并敘

武邑因山為城山麓為署滿城樹影參差衙
署間古幹修柯更為蕙鬱風雨之時雪月之
夕各有妙景而於夏尤宜廳事之東為浣石
軒又東除第得地兩弓葺小閣高出樹杪所
以便吟眺也茗椀香几隱囊臥簟盡在綠陰
中而環堞以外溪流迴繞隔岸山嵐遙送青
來村落寺觀弄影林罅畦蔬隴麥蔚然蒼然

荷塘詩 卷四

十三

不必紫蓋丹梯亦極縹緲之趣矣名曰碧雲

賦詩二首甲午端陽日

碧霄看已近無處着塵氛綺密連窻影鱗差合鬣

紋好風難送袂炎日豈知開卽此堪怡悅何需嶺

上雲

天疑搆雲屋誰問草堂費遂嬾長欹枕忘形偶挂

頤遠能游汗漫借比剗藩籬却被韓公詫憑依乃

自為

謝寶老秀才送榴花

蒙密枝攢翠，匊葉鮮明。花艷紫駝尼，從知多子三。
秋後卽看重臺五月時，谿石蠶沙全得養粉塋苔。
院正相宜，鐵丹應驗和仙，何分與勞人換鬢絲。

何禹門寫吳釣烟上舍餅飲照

吳生本是滑稽雄，談天之口結喉嚨。五侯腥鯖不
快意，懶隨雜賓傳碧筩。偶然皂裘一磬倒，恰得三
百錢青銅翻身高。步來酒肆泥頭擘手開黃封，人
間烟火總薰灼，徑將飲澗學長虹。丹府温暾燄騰
上，燥濕不問山鞠窮。草屨老翁方在座，寫形妙入
髮鬢。鬆指點前林，把臂去胡盧大笑聞天風。

題畫

樹影蕭疎夕照孤，野烟沙水共模糊。天機所到吾
何與，筆跡墨痕看已無。

示阿祿

汝父少而孤，遺汝亦穉。幼母亡，先汝父零丁。汝乳
臭我爲撫養之，提攜隨左右。主母我同心，謂熊人辛
勤如哺穀，稍長侍書帷。句讀聞去聲指授，惟誦口瀾。
翻文義畧窮，究作字學。我法粗能曉，結構提警解。

荷塘詩 卷四

一四

人意憐汝資，伶透我來官。遠方鞭鐙効，奔走鴈門

及涅城相從，亦已舊詩札。應抄胥圖書，屬典守不

以常。奴遇小過，必寬宥婢女，以妻汝。居然得有後

於分，則主僕於恩，則顧復邇來，頗耽酒拚命，敢多

又飲食，日以減神昏貌，消瘦單統，將斷榦堅石，幾

穿溜肉，豈糟耐久。布真爛，馱覆醫藥費，苓朮針砭

雜炷灸焦勞，攬我思厨下，竟偷扣力制，悔不早再

遲定，無救送汝至山寺，皈依持梵咒，盃酌與壺鑄

無從遇，邂逅百日以爲期。二豎去，膚腠別離，慘汝

荷塘詩 卷四

十五

情齋戒，延汝壽，詎不念岑寂，分甘寄橙棗。主人繡
佛前，逃禪方舍耐。

與錢潤蒼同年時任陽曲

山棲已懶出，離思促人來。乍見語翻少，隔年書幾

迴燈檠，結重葢。茶竈撥寒灰，坐覺今宵短。珊珊漏

箭催

與治有十七弟論文二首

標格八家原，自齊文章山。斗是昌黎要，知心法無

他異去，盡陳言妙入題。

遺山豈故作難詞甘苦經營久始知浮艷掃除風
格老乾坤清氣得來時

荷塘詩 卷四

六

中又年

本王又夫

月文玉 十金

荷塘詩集卷五

感舊詩八首

中允座師東江朱公


諱佩蓮

早歲讀公文願見恨無緣我公今已遠情至誦遺
編一詞既莫贊趨步正亦難開函每盟手翠然對
公顏善相九方術好士六一賢屢曾提玉尺高步
下木天冀野空騏驥龍門借風烟獨愜期許意迴

荷塘詩 卷五

一

首滋長嘆往歲在庚辰星輶入秦關紀行百韻詩
憑弔舊長安振筆搖太華波瀾小渭川題碑慈恩
寺還仗筆如椽慘綠參末座諸生廣宴前拂拭重
拂拭衣鉢肯相傳攜我臆前作福示公卿問春前
望侯喜後堂引彭宣羣材歸陶鑄偏得荷恩憐豈
知下水舟竟成逆風灘公豈薄荒庄自覺成石田
職司况繁繁鞅掌走朔邊難將磨鏡具一問廣澤
川昨者都諫公烈不河汾絳帳懸雲間見士龍芝玉
誇謝元鳳毛真有種鶴姿野亦仙火急傳家法鄰



架富牙籤

文學母舅訥夫熊公諱樹善

舅氏命不偶得病亦太奇偶爾一寒噫遂遭二豎
危文筆兩奇絕崎嶇刻苦為極意追冥搜不屑寄
藩籬嘗以疎曠性或蒙輕脫唯獨於文字間交推
無異詞劉蕢屢下第楊朱泣路岐家人交勸勉揮
斥碎玉卮醉來忽慷慨卷軸自翻披指說掇巍科
終如摘領髭我歸自浙水從索紀游詩重問湖山
美聚米分毫釐見說雲栖竹連天被山嶧便欲整

荷塘詩 卷五

二

囊褚獨往問水湄出門別戚里歸坐長嗟吞我為
詰其故不語頭低垂盱目執我手淚下不可揮自
言驚噩夢老屋風折榱上有垂白父下有黃口兒
我謂幻渺耳夫何至於斯詎意廢眠食神采日以
疲始而念老親強力猶支持繼呼具筆視作為太
華碑游踪記所歷文集補所遺嗚呼平生心絕筆
已在茲十年懷舊恨病榻和藥時

文學趙丈廷璧

我生硯席友半屬三黨親舅氏與襟丈契分尤最

真於舅禮數拘於丈形骸忒齒以五年長情好宿

世因我性本羅羅丈人自恂恂兩心得莫逆執跡

誰能論當代濂溪子謂周宮庶業師講席涇水濱深院千

間厦上舍差魚鱗周北道隆劉中央志曹而新劉峻共

結隣一屋東西頭二張弟與昆進餘子各一區雜

沓難具陳攝衣作都講丈人醇乎醇同輩目趙張

有似依輔輪良會不可常倏爾惜離羣或為世事

役或為饑驅奔我亦作遠遊書劍赴南閩舊業鋤

經堂掩關對松筠瘴海鴈不到消息兩難聞旅夜

荷塘詩 卷五

三

夢見之萬里合以神故侶周芝挺相遇

帝城闔舍悽述訣去傾河淚沾巾信耶其夢耶輾

轉夜連辰骨相未應死命數何太屯炙鷄和絮酒

歸來哭墓門醉中過故廬一慟感路人爾者更咄

咄小阮彭亦喪淪玉樓需賦才生前悔綴文嗣宗

已預矣仲容又相煩一家重攝取何因問高旻

選拔張先生濂

世未棄君平君平不世顧要路讓行人終身無百

步西園棲隱地繞屋扶疎樹心輕萬戶侯低頭理

章句宣和名山圖向郭南華注茶鑄藜榻外卽此
是家具往來三數子都不及世務偶借入酒壚拍
歌快一醺聽客談瀛洲徑訪天台去與盡山陰道
返懼西興渡逢迎到廣陵烟花供小住要上黃鶴
樓迴踏黃州路簑笠西塞邊前身從一悟歸囊續
舊編又得江山助撒手忽長往門人歌薤露每憶
出塵姿雪天立孤鷺於像宜白描論詩合金鑄信
哉無愧詞刊碑表其墓

甘州太守沈公元輝

荷塘詩 卷五

四

太守本姚江移家客汴上姓名關乙科帖括實清
壯幕贊鐘開府疏薦尹使相宦蹟終甘州作邑先
保障涇陽繁華地胥隸摸金壙士民啖弱肉商賈
取外藏細瑣逮皮革搜攫恣酣暢維公無所染布
衾白苧帳臨事能次斷居心惟子諒遷去亦已久
輿情長相向輜車從西來哭聲震里巷徧插雷陽
竹未遂桐鄉葬講院勝瀛洲桂林賢宰勅唐公
深鞠茂草雙扉鎖幽曠公爲重振興具禮辟宗匠兼剛年
遺規事推尋諸生收時望百里政如斯五馬績甚

訪千秋名宦祠俎豆配東嚮

學錄張公雄圖

天府羅文昌

詔旨選鴻博寰海羣彥集聯翩登臺閣沈張兩諸
生東吳與東洛踰蹤被放回品格自卓犖不彈鬱
綸袍嶢然雙白珥自戢培風翼未覺青冥廓尚書
上星辰彌山稍神夔公車終蹉跌壯志難銷鑠頭
銜領師儒

荷塘詩 卷五

五

文治光羽箭獨憐貧且老田園失負郭不必果拾
橡已是真鬻駱我時客東都幽扇屢剝啄破屋八
九椽梅老竹生籜蒸蘆當鴉鳴苦茗勝羊酪心傾
格律詩花簇錦繡錯十月氣鬱攸官觀火蒿擻金
錢出
丙帑壯麗新椽栢廟碑需偉詞名手慙力弱扶病
拈鏤管文采照巖壑初稿尚什襲玉匣藏寶鐸眼
中失斯人大雅不再作
陳留尹陳公益
汴上舊交游吳人居其五孟公豪於飲相推爲大

戶憶曾登吹臺興酣同弔古一揮十紙盡落筆快

風雨本性自坦率緩帶趨公府指畫上官前忘形

或爾汝意氣甘相吏知己吾世父決河塞楊橋叅

議多撫取為民謀休養有懷共傾吐督郵須折腰

彭澤遂解組我鼓江東榷遠迎過許墅預得陸子

書王任下榻具鷄黍城南招徐公星傳幽徑問蔣詡希宗

離情慰經年故人一歡聚顧老木黃來德敲門夜

把炬又從得新知相偕楊祀部大珠本是忘年交儘

作諧詼語往來太湖邊供給煩地主別時話纏綿

荷塘詩 卷五

六

握手情悽楚自言薄田薄又復耗雀鼠衰病日侵

尋婆娑似枯樹已賦止酒詩欲寄伯通庶我為意

傍徨去去重旋武南鴻日漸稀晨星不堪數凶問

一年具陳徐各坏土顧官比陸任寧分遠宦音書

道修阻蔣翁強健否並難問卜甦死生與契濶陳

迹一仰俯

方伯張公鎮

張公八尺軀剛腸老愈固初逢闕海間青眼肯相

顧草冠聚雲霄囊韃自搜捕刺心斃野狼翻窟縛

狡兔岡山賊作逆出沒生番路林箐千萬重官兵

迷所處吾伯巡臺陽獨力守倉庫未即搗巢穴軍

中失調度滋蔓將難圖致干中丞怒彈文飛白簡

聖明俯宥恕百日滅醜類棄瑕邀

恩遇見事有遲速應讓公獨步繫當劾奏時慷慨

為剖訴亦有孫觀察孝愉時分能與同旨趣海道

甚渺漫事機須審慮臺城環木柵版廩積無數居

守非膽怯障衛防竊據烏府獨見疑侶議作曲護

維公於吾家實無平生故此意深感激至今紫寐

荷塘詩 卷五

七

瘴風雨慘春陰失聲聞哀訃丹旌指泰岱引紼阻

奔赴宦蹟四十年閩浙及晉豫公道在人心口碑

在黎庶

王近光學博雪齋

十笏維摩便地六花蒼菊諸天瑞倪由來軒豁吏

隱之所盤旋

膝上佳兒文度堂中弟子彭宣會心應不在遠何

有異聞可傳

何禹門許畫不至代東趣之

豈是相促迫交游然諾情捫胸少邱壑吮筆愛縱橫
橫床榻屏風倚軒窗曉雪明流觀乞新樣投報景
山錯

送酒與黎城張菊墅明府並索近作

葉銜長洲人

知君亦呼渴薄釀爲平分此是西泉水新開一甕
雲名流應愛酒儒吏自多文視席曾相共真詮畧
遺聞

魏明川孝廉攜酒至邀同王近光朱遵仙縱

飲再趣李疇九同年

荷塘詩 卷五

八

白髮七十翁著屐踏秋雨草閣三日談酒人一時
聚飲不問升斗跡竟脫賓主更闌別起令不得作
常語廣文太原王晉祠誇蓮浦朱老本山陰巖壑
湖蘭渚僕言海上遊風帆鷺門鼓滿酌青田核快
擘白鹿脯再叙騎代馬戰場弔廣武大漠凌風雪
拂廬醉漣乳翁云足以豪聆之如目覩因及去年
秋蘇峪疇九家此松菊墅壁間擘窠書流覽輒奪取是
僕黃州詩聊記赤壁艤李子空惆悵何妨索再補
但能傾家釀興酣命毫楮

題文衡山書畫卷

衆妙如何是一門畫禪從得問元根卽教藝死多
能手須待烟雲化筆痕

遺跡龍騰費品評三三兩兩自縱橫雙鈞舊仿停
雲帖攜到晴牕爲眼明

逸少應知殊鐵石道元須要辨朱繇未能心計都
無語聊當紅牙下一籌

錫三至得馬太初李仁哉周學山周葵堂書

并各題余採芝圖詩寄答一首

荷塘詩 卷五

九

羣仙應俛眇拍手笑癡頑却念烟霞侶傳聲碧落
間長風吹萬里薄夢到三山仗外從瞻望蓬萊正
列班

發太原

慰藉都應是怨詞交遊心事惜臨岐術疎馭吏羞
吾拙罰止移官荷

聖慈桑下猶憐三宿後并州已及十霜期蕭蕭秋
柳斜陽道嘶向迴風馬步遲

香河別家文石

既爲人所誤誤任卽吾咎相見多慰詞對慙夙期
厚薊門秋雨夕明燈共盃酒便邀向淑陽高宴作
重九西齋頗靜便挽住兼旬久遠送致丁寧回轡
重執手兄以十年長心苦風塵走勸我及身強未
可歸田畝因憶里門別要路望躡取不謂坐疎畧
此意竟孤負途泥蹶馬蹄灘風迴鷁首雷動發蟄
伏春轉蘇花柳頽唐吾豈敢膠固亦何有振翼沙
汀鴈飛過前渡口

聞張也哲茂才刻家集

荷塘詩 卷五

十

夫子遺文在無能贊一詞通懷憶疇昔脫稿示敲
推琬琰鐫相稱銀根辨自知罕然心背誦感望不
勝思

葉湘佩同年乞鐫小印并索畫

鐵筆應教韻有餘磨礪雙玉重躊躇年來手爪生
荆棘似此雕蟲技也疎

學字無成畫亦非鈍人作事與心違猶聞黃鶴山
樵法古黛皴中篆入微

東朱笠亭進士

瑛海
盛人

憑問流傳作何年脫稿來高吟經屢變生面自新
開風歟三秋鶴雲蒸九醞醉吾詩多體慢一卷藉
刪裁

送長洲孫翼青之山左幕

於分慙推解爲君決去留窮途休泣阮善賦好依
劉岱嶽雲光霽吳門練影浮憑高豁鄉思乘便及
春遊

哭族兄用儀

吾宗士君子持行比文醇友愛偏於我鄉評慙自

荷塘詩 卷五

十一

人答書經月斷入夢近時頻哀計傳迥使情傷未
了因

與邢季佩

詩篇應滿篋不復問其餘宿昔論文友浮沉遠道
書微吟亦尚爾結習未能除商畧同閒畫離懷藉
少舒

周彙堂樞部招飲登韻

一笑憐君無風逋團樂促坐撥床書冬來羅酒天
然白今早冰鮮上市初

投轄無防閣後通酒人得酒藉澆書中厨一斛誰
能盡徑似康成赴本初

陳暎千湘管齋圖

焯烏程人

我得小印古蒼玉辨識篆文千畝竹擬向渭川移
此君環繞中田老瓦屋君以湘管名其齋當知窻
屏在寒綠南遊未及訪君家披圖烟翠搖雙目君
才亦如標格清壯遊初到長安城珠玉揮毫驚老
宿雲烟落紙動公卿手中不律剛七寸犀箸比圓
玉比潤正是階前壓雪枝金剪裁來經幾閨請君

荷塘詩 卷五

十一

便草凌雲賦期君高展青霄步來鴻時與報平安
無為思鄉作內顧昨聞秦地雨連綿戢戢冬笋應
行鞭客子回頭向西笑修篁明歲大如椽

途中寄山右諸故人

吟次長亭復短亭劉仲根司馬贈余句遊踪浪漫記曾經未
應雙屐遺衡嶽從得扁舟問洞庭舉臂已隨風浩
浩粘天忽見草青青鴈門寄語新歸鴈遲待秋光
立遠汀

寄退谷四弟漢中

世父憐晚子課書廬墓時今茲初捧檄色笑及承
慈儒秩家風在五伯父官大荔廣文江城飲興宜温經還閉
閑好為慰心期

碧水通湘漢時時望尺書羈懷念諸弟宦跡半離
居最是談經者蕭然問字餘黔南錫三攝令玉屏維三往焉
江右映輝任弋陽丞近已寄雙魚

寄八弟修以索白鶴山人畫馬

我負書畫癖隨齒日以長水程堆滿船陸行載兼
兩去年入京國倥偬束囊褚唯挈蜀山圖如借白

荷塘詩 卷五

十三

鶴侶秋陰邸舍中閉門望盟櫛宣紙三丈餘規撫
畢十日君來省問我並示迷真贗緘收蘇合丸聊
分螭螭轉徐徐語以實君笑欲脫頤念我太作勞
相勸具微詞生平無他好消閒藉紙墨感君甚慙
懇積習那拋得桁衣無常主由來七世矣通靈飛
著君祇合任包匭獨悵汗漫遊澗絕恣騰蹕雲帆
凌重洋蠟展周五嶽心艷鄂筒酒跡未及西川時
一憑此弓置身雲棧邊竹樹森陰翳澗磴互線繞
浦遠水光淹雲斷天色晶蒼茫嘉陵江杳靄巫山

峽疑有林猿嘯徑與沙鳥狎歷歷縱冥搜渺渺豁
積思從証杜老詩勝讀陸子記况復蹊徑熟做摹
易著手粉本儻別求研思須持久背臨固亦可妙
技豈按譜氣運或不減結構要默數愛我本初心
揆取恐矛盾好將附急遞爲供粲然轍老眼待昏
花諸有散兒輩約此屬應哥阿闔不許愛弟有子
名應長

九言寄問疑撫

行篋失却水墨蜀山圖閒中兀坐苦憶減歡娛幾

荷塘詩 卷五

十四

回拭紙吮筆缺粉本嗔呵收藏不力之痴奴昨來
傳札嵩陽問中弟連朝反覆尋思恐涉誣菊兒見
我不樂也揣測或是季父攜去供追摹僮子臆度
之詞那可用季也知我於此作工夫平日自甘著
色貌山水潑墨讓步無爭驅春初里門送遠
向衡霍贈行平分所有畫一厨堆床盈几披翻手
緘裹得非忙中小誤致遺珠近聞束書仗劍赴西
域崑崙黃河氣勢甲蜀都到處當知心記備方畧
卽教聚米毫釐不差殊酒泉未窺使我負渴思好

爲揮寫巨幘徑丈餘細檢舊寫跋尾認大草並寄
新詩萬里走長鬚

益陽道中卽事

溪外野人家門前畧約斜高低桐子樹歷亂水蕩
花歇馬依濃蔭鋪茵撥淺沙田翁出看客留話趣
煎茶

答宮守坡

去矜高
密人

稽首殷勤問老禪鏡磚針杵兩茫然林間宴坐徐
開眼爲指風蟬脫骨仙

荷塘詩 卷五

十五

再呈一首

時余權永州倅
坡攝行郡事

得將手板預追陪但是相逢笑口開談藝未應都
畫諾要公雄辯起風雷

送王藻洲守辰州

輕裝作郡去遠道未攜家楚徵資闕鑰辰陽富物
華舊傳誣意苴爭肯問丹砂自効姑臧守如何衆
望賒

我亦須行役乘郵朱夏時論心同驛館無物寄京
師謂令兄蘭到日能傳語嘗云勝自知樽殘相掛

別津吏候江湄

青岡

石路盡苔斑重街過斷山森沉杉樹掩散漫藕花
灣林鳥羣驚起田家半破關湖雲趁宿霧又送雨
潛潛

塘口驛書所見

飛騎洪山北中宵為虎迴橋邊脫羈勒衣上盡莓
苔行路難如此勞生得已哉整鞍仍復去急雨逐
風來

荷塘詩 卷五

六

黃陂郊外

塔影隔前溪橋邊午市齊紵羅欹幔護蔬果帶花
攜此日停驂早輕雲籠樹低迎涼得散步莎徑入
招提

過應山感懷謝登南

王錫涇陽人

病益宰官貧歸休自乞身中愁虛藥物遺恨入風
塵瘠土催科緩通途力役均停車問舊政父老話
沾巾

高陽里

壽春努力盡餘林文若空驚帝佐才誰識將軍終
跋扈拂衣徑去期陵來

宋呂文穆公墓下作

從薄新叅政無勞問姓名海容占相度神識屬書
生不取恩讐快能消水火爭楚人徒霸術夜宴絕
冠纓

望太行

太行險處嘗摧車故車柴脚勞頓餘幾度迴頭望
太行却向南雲墮渺茫中宵夢過藍車驛醒時身

荷塘詩 卷五

七

在天岳陽返步榮澤尋古渡分明認得夢中路秋
風汾水早生寒忽看征鴻出烟霧遠通紫塞極沉
湘清影蕭蕭總好住徘徊拱手揖山靈我與青山
原有故

將至望都先寄趙百川明府并柬李瑤仙

悒悒帷車坐欲枯林烟山影兩模糊微聞灑上追
風驟快比雲間化鳥鳧借我來朝生羽翼與君今
夕卜酣呼幕中短李清狂甚共作飛談慰客途

北河明楊忠愍公祠

相臣深得主披瀝自陳詞氣激難終默身危豈未
知秋葵明晚照霜柏聳前岬遺集曾吟誦丹心五
字詩

荷塘詩 卷五

六

荷塘詩集卷六

涇陽張五典敘百

先寄 都下諸親友

鷄鳴又渡蘆溝月新秋霜華去臘雪故人相見定
相笑萬里往迴電一掣生平合是喜風塵僕馬倦
煩曷休歇岳陽樓上晚山晴武陵洞口朝霞世未
撥辰砂試丹訣獨向浯溪看蘚褐湖南郡邑多清
絕營巢偏是斑鳩拙不爾官曹擁時傑勾當公事
豈才缺我當投鞭作磬折旁觀從疑舌欲結憑仗
新詩爲解嘲振袖探懷不可遏諸君平日盡知音
得之幡然費評跋此生天遣窮冥搜故將崖壑縱
超越舊攜并州快剪刀瀟湘江水得輕裂

與周學山員外

馬首逢征鴈秋來似有期登堂還拜母羅酒爲呼
兒憲月迎霜徹鄰砧共柝遲猶疑舊講院絮語罷
書時

仿五君詠

馬太史雪嶠

太初本色人醉語尤真摯文思極綿邈推敲嚴隻
字史局慎所領念此千秋事招客休沐暇盃杓無
常器

葉中書湘佩

軒特葉中翰橐筆來蘆關聲名大槐市躡步香案
班光輝生屏障尺幅蟠連山有練必先書長看襟
袖黥

周繕部學山

荷堂詩 卷六 二
水部鶴骨聳憂然振清響毛羽自整潔不屑事刻
礪詞源初傾瀉春流浩泱泱紀消得真契更著深
沉養

周樞部象九

葵堂富才藻雜說不刷梳敏捷本性靈往往逼古
初戲作大小篆鳥跡閒蟲魚聘得茂陵姬教學簪
花書

邢太守季佩

季佩負傲氣不肯受籠絡放眼藐豪贍玩弄雜嘲

謔交遊遍天下鍾情詩酒約精鐵繞指柔尋常誰
能度

送薛補園太史省侍樂陵

京華足樂事難繫望雲心半老著班袖東歸如故
林補詩襄治教載酒許追尋我向瀟湘曲情依海
上琴

讀補園太史五禽言詩感成四首寄諸妹并

長女

荷塘詩 卷六 三
姑惡姑惡姑不惡婦德薄姑雖不言意可知體貼
無能致相左生兒當娶婦所願勝於我

姑惡姑惡姑老病阿奴乳姑姊和藥乳食之甘藥
蹙眉姑與兩婦何厚薄

婆餅焦婆餅焦時婆心勞兒食莫嫌餅味苦阿婆

憐兒親著手母自為之愈不可口

婆餅焦餅味雖苦婆心如節婆憐弱媳代晚炊留

得餘力成兒衣

河南府拜先伯父觀察公祠感成五首

字措玉號鶴山
後學盛永聰填

使車迴上國紆路拜遺祠內省浮沉跡多慙冥漠
知當初攜鶴至便已束書隨未棄材中下承家繫
夙期

羣公交薦引兆文襄公劉文正公裴文達公胡恪常大中丞諱鈞移守去

東都沉璧黃河出還珠碧海隅危隄籌上策遠郡

剖新符辛巳河決楊橋檄調開封甲申奉命轉漳州宦轍經遷轉相

將共弱雛時五倫尚幼

上考開封尹清漳借一年見人借計吏攜我上郵

船以五典丙戌會試乙酉冬發自開中楓嶺浮天外燕臺就日邊東

荷塘詩 卷六 四

堂空射策已不副恩憐

治譜家傳在低徊肯漫投晉陽從乞假彭島望乘

舟引見羅臺灣道五典並蒙縣効用山西請假渡海省視戊子返權厦門繞

膝重依倚逾期更逗留蒼茫有餘恨浙水暮潮秋

伯父以壬辰七月卒於杭嘉湖道任

別後長伸誠盈箱手札存蹉跎渺成就教養負慈

恩蒲版伏轅馬衡山借樹後此邦多故舊猶是望

騰鸞

香山寺

風前舉袂拂苔斑認取題名翠壁間不問高僧真
笑客又從暮雪借看山寒禽撲漉烟林杪暗月蒙
籠水石灣東炬中宵驅馬去當年信宿得身閒

嵩縣書九叔父官齋壁間二首

二月春風雨散絲村民為說下車時長官齋宿朝
來早酌水空山拜紫芝

吏報衙叅簇僕僮無多教令示風裁吾家原有東

都守但檢從前府帖來

題王菓洲畫

荷塘詩 卷六 五

興來濡秃筆對客寫秋山雨氣層林外烟紅亂水

間故廬依少華昨夢到秦關自詡家居好憑看亦

解顏

題趙魯巷筮庫照

君家松雪畫格殊橫幅溪山高隱圖平遠一段摘

更好松徑莎坡結草廬著君絲履蕉衫客凭几搖

膝閒攤書本是疎通薄章句何妨細瑣箋蟲魚自

我見君經屢月朝朝束帶公府趨那容兀坐遂真

性香爐茗椀供清娛會稽司農舊持節謂階平先生又

一村長沙撫軍衙齋邊闌一區枳籬竹屋極瀟酒

風雨往往招文儒分題霞彩三千贖命酒瓊英十

二壺衙官屈宋令公喜最憐野逸寬于子君得從

容恣放曠睡足曉噉息未哺隨意牙籤抽線帙開

向樽前當飲儲入生知已有微契不必剪拂施吹

噓卽看幘首孽窠字司農題恒手一編四字此中神賞定何

如我有紅袖侍書寫久置家山水竹居南北奔走

十餘載好景一失嗟難募邱壑未大輪此本他時

取將對展舒要乞染翰為跋尾吳興嫡傳今不渝

荷塘詩 卷六 六

環碧螺書堂圖為蔣鄉舟明府題

舊從楊子聞渠說子安官邵陽者二年衙山擁城郭

齋高敞占孤坪幽琴一響徹巖壑君於此地開書

堂葺荔為墻竹為構官閒兀坐香篆清堆床經史

供炊酌簷際朝烟浮日華林外夕陰下雨脚客來

相對一窻深點檢篋中新著作恒州卧向環青樓

潭源予詩所謂環青樓外好烟鬢者是也混城剩有碧雲閣武鄉子以甲午夏五

成我亦生平癖山水文字因緣應許託

丙申除夕作

我生覓微祿飄忽忘年深今來攸水旁又已逼歲

陰繫纍方委積懼為尸陀林解脫與除故慰誨期

革心賜脯及漢胤開網憫楚音所以分黑白要如

杯劃簪廳事燈火紅疑逢日在參豈無椒柏酒芳

筵却緩斟僕隸皆倦立聽剖且正衿同僚亦才傑

敢付范與岑

次答陳體齋檢討二首

君問樊川子桐城張大司成情於師門深見來病初愈霽

景豁積陰近詩中道要雜述並如林忘年舊通譜

荷塘詩 卷六 七

見而且見心曾逢絮話夜許君最知音為望早促

裝風雨盍朋簪攻磋他山玉功用藥籠參行矣赴

所約知不重懽懽與叅新得義快聯別後衿肯令

浮邱伯懸待明月岑

我知戴東原震研經功已深遊覽逢古蹟每嘗題

碑陰汾上失交臂鬱鬱望鄧林與君文字契莫逆

在兩心近得手著書緘束附遠音沙中披見寶石

上磨成簪欲報青玉案託詠紫園參通懷忘因陋

出袖屬叅斟因風憑奇語六藝準喉衿議論歸雅

正佳名供仰岑用杜拾遺薦岑參狀子語

熊澧州見過寓館卽事有作

人生所見不能同對面祇應作亞孽偶然一語心
知妙相尋反覆觀其終昨來書估出絹素畧無欸
識色蒙籠脫口斷是孤雲筆君爲目張雙頰紅侵
晨攜童抱錦褚入門一笑撥書叢盟手欲開先贊
嘆丹青十幅石田翁時流評跋無當意要我題詩
取折中因說估人倍索直前言恨子太匆匆我慣
饒舌類如此從今銘箴箴誠功此冊示人勿輕易

荷塘詩 卷六

八

從古真賞難遭逢君不見僧繇絕代推高手筆端
揮洒挾雷風未經點晴作飛去聚觀誰解是真龍
又不見錢塘戴進得古法雪江紅衣著釣舸供奉
諸人多忌刻排擠合力難相容無用聞此增感喟
蘭江春綠正浮空歸途夜泊書畫舫應看新月貫
晴虹

長沙詠古

漢南惟楚大中葉霸圖新纓絕仍留宴弓亡莫擬
人潁川招伍相汨水放靈均遙覺雄風滅聽說國

步屯

交錯荆襄地蜀吳唇齒邦通懷推楚士武侯答孫權書廖立
龐統楚之良才也罕譬割湘江呂蒙進取長沙零桂關漢壽任益陽相拒魯肅曰今
日之事宜相開譬往與語乃割湘水爲界枉促韓元死誰先郝普降自
非奇計客殊量更無雙

黃旗招點寇奔竄攝軍聲燕薊心旌指湖湘土域
清水攻隨日定機算以神驚忠獻原同志衡山命
卜塋

雨

荷塘詩 卷六

九

便易湖天雨當春閒日來風披夕月吐霧引曉雲
迴曲檻歌紅藥虛庭上碧苔吏人多遂懶案牘手
親裁

復雨

今日雨又甚前階水欲平課耕應適野視歷爲占
晴寒積層圳淥飛添亂礫鳴颶凄思北地雷洒望
清明

題蔣武陵問梅照

看花記著木棉裘庾嶺南頭作勝遊明府舊任保昌移權

桃源深處去時尋前夢到羅浮

次韻答官守坡

詩思清微妙入禪箇中消息是天然坐枯未許真
成佛食蠹爭能便得仙

啞啞作語隊紛陪識解羣兒強半開爭似洪鐘雄
辭客偶然鼯息也驚雷

次韻寄答史九峯

詩筒報札認臧滕信有人間耐久朋薄宦推移憐
我遠隱流氣色賴君增已聞逸志同齊案祇剩柔

荷塘詩 卷六

十

情為買繪還問諸郎新課業誦書重約幾絲繩

錦石篇 為黃龜采
同年賦

海山使者有石癖環羅星宿三山閩玲瓏仙館雙

玉盤寒浸錦苔覆翠幕 家雪舫觀察有文石九枚
嘗見於福州官齋去夏長

沙梁冲泉廉使示所蓄黔江石多至
數十枚其北軒勝日小玲瓏山館 玉質雲章各

天成誰假磨礪絕刻削我曾借觀清肺肝惜無詞

彩麗丹雘君從何處得此石燕几安排看蠟若夏

音便好作琴薦相文雅稱支書格山川無窮儲精

英散出人間供索摸眼底爛然還舊觀品題甲乙

恐誣鑿往者風檝弭彭島雨笠烟簑窮洞壑鐵樹

蟠屈青珊瑚石華參差雪跼躄平生好奇志未饜

又尋雲母向衡霍曉暎雲海盪心胸夜月瀑簾綴

嬰珞邀君去去躡飛屨凌霄臺上坐槃礴風前揚

袂招羣真餐玉相將跨鸞鶴

再賦

錦石錦石湘江曲水波清淺蕩沙出野漁網得笑

相看還拋岸旁翳草密一片精光不礙寒明徹星

月照霜日質重性貞寧自炫璞完姿好難終失碧

荷塘詩 卷六

十一

於翠羽紅丹砂白如凝脂黑點漆華含繪藻疊綺

穀暈生烟霞散雲霽幽人荷篠曳櫻鞵采藥朝來

閒跋薨竹梢殘雨下餘滴花叢新旭蒸清苾泛槎

疑是窮河源食芋浪傳泊海澨得寶自成一闕歌

迷目同驚五色筆請從什襲慢誇張不爾出入鍵

虛室似聞靈物慣飛走巧偷豪奪亦多術

登韻答守坡

散花天女是真禪翠羽明璫白儼然碧玉風前爭

綽約裙裾拾縹說留仙

雕盤有餽酒堪陪坐客茅堂小宴開要看禮筵鐘
鼓嚮排陳羹鼎古雲雷

答延陵君

相勸惜心力試還披我詩求工寧止此寓興偶為
之背誦從兒女排編記歲時忙中多所負補綴正
無期

維三來自都勻旋歸應舉作詩送之

第五拜汝行情懷知何似此地巖歸舟流連不可
已秀削羅洋山浩瀚洞庭水經過入歌吟行笈堆

荷塘詩 卷六

十一

藤紙到家示羣季傳看色共喜壯遊益學問古賢
理如此夜坐說凱陽次第及洩溪蒼茫極遠天離
緒得母起薄宦士之常豐約寧足齒水土各相宜
堪入老親耳

王古愚別駕貽蘭雪堂文集箋釋

君家紫髯老觀察謂尊叔梅彭公贈我松雪之十札錦暉
植躐好裝潢豹囊兼投烏玉玦從乞農山大著作
口許相貽遲歲月積石山房有舊本流傳久矣多
殘缺元曾讀書守先澤謀將補注加箋說義重句

奇考訂難倉卒不敢付剞劂別來音信斷相聞遠
望空教心苑結逢君一問得所欲喜療調饑止枯
渴廢學徑至不識丁對此應合自撝舌嚮往有懷
豈朝夕好詞成癖誰攻熨袖歸當作十日思擬得
細字綴篇末蠡測管窺出所見與君互証窮毫髮
何人挑挾輕啞點玉笋瓊盃品已絕

望鸞山

灌田夏木千章清踏莎東去沿溪行橫約支撐激
湍曲晴晝噴雨飛雷霆山到僻處竹愈好蕭森直

荷塘詩 卷六

十三

上連青冥深壑綠雲厚委積啾啾風送幽禽聲流
聽不覺推欹帽懸崖糾縲垂蒼藤芒屨已輕苔斑
滑迴趾審顧無顛傾暮霞明徹鸞山頂梵鐘疏響
穿林桐脚酸徑初不敢取一鈎纖月方東升前川
有人喁望蚤流連安肯遲天明時皮陳兩族乞往定山界僮僕
慢指烟際寺攜將歸路躋峻嶒由來清景未相負
山靈應合知平生杉磴松寮解迎客勝踐何妨隔
宿盟

登韻戲王松舟

翠髮長干覆額眉青梅初當引紅絲而今行跡隔
江水遲待蝶黃苔綠時

茶甌眩轉沸松濤楷柎風爐續續燒漫指餅筵喜
歸路作勞雙耳響聊聊

胡公遜談及果園之勝聊述之

種樹無成書要在願其性大造亦因物土宜予蕃
盛風霜為歛收本柯得堅勁雨露時沾濡華實遞
涌迸君有卅畝園紆斜通村徑培之經十年雲木
森相並紅紫照阡陌青黃入節令隙地一石床坐

荷塘詩 卷六

古

臥聊適興撲棗或偷桃任人無伺偵攜筐餉親鄰
童孺皆歡敬相訪記長夏寂然門巷靜隔烟識語
聲隨繫果下乘留坐剖瓜瓢對談拾松柄苔蘚短
牆陰轆轤響寒帚指說古甃中昨來出銅鏡取將
辨篆文漫漶迄難定蓄疑直到今至竟忘攷證卽
此驗疎畧正與奔忙併何能遂幽期開圃其炊飯
公遜得詩因及先伯贈公遺事感歎之餘再
成一首
憶昔吾世父食性耽蔬果兩紀客臯蘭流連到水

蕨晚年家居時時鮮嫌味左糜黎與蘋婆說著思
頤朶君知長者意投貺稠且駁往往娛老齋几盤
看堆粲分甘徧諸孫滿量不計顆石村分竹來怡
萬川文簷際蒼雲墮練實未及待烟窻久空鎖交情
通有無細事舉堪荷君家囊頭春蕩蓋玉光差聞
是釀花成其法試應可湘岸擷芳菲秣米同春籩
不然附鄉書教兒載輕舸

宿鍾村

濕衣山雨看如絲寂歷前林欲暮時細笋迸沙侵

荷塘詩 卷六

五

古徑流泉紆石赴荒陂送迎炬火傳詞却勞頓輿
夫任步遲比日城中公事減未妨淹宿借茅茨

清陽鄉

霧雨濛濛下嶺時一川豁遠入新曦脫繯小犢浮
莎港呼食馴雞聚檣籬父老巾衫來向揖長官姓
氏問從知未容遂性專幽邃已識深山太古期

司空山

任昉述異記張岳仕南齊位至司空東昏侯時掛冠修道遂飛昇云

匹癸方辛費品評阿儂貨主豈相輕鸞縷鶴警香
初染雲履霞裾計已成月上高壇長禮斗風來遠

嶺尚開筌紺瞳下界重流眇合是遭逢美後生

連得山右諸故人書

有煩消息問如何銜尾雙魚出素波土俗初諳新
政拙人情迴戀舊遊多嬉春晉水詩成軸會獵桑
乾馬渡河輸與諸君寧不恨一絃手撫獨酣歌

夜泊

柁樓攤飯睡初醒看卸輕帆著淺汀戍角蛙聲迎
落日漁燈螢火亂繁星翻風竹籜林傳響綠蘭蓬
廬戶未扃半袒生衣曳屨履追涼高岸坐虛亭

荷塘詩 卷六

十六

泛舟送蔣七薌洲赴長沙

舟泛楓橋月上元後三夜十年無此樂今夕庶其
亞我初事北征閩嶠從策駕中路作留連三宿向
君舍伯氏相州公恪亭先生嘗守彰德先期為多醅收有洞
庭柑兼致繳山蔗中山選免頴端石和龍麝會合
諸詞客楊祀部大琛顧比部德楨徐陳州傳星陳陳留益闕韻爭雄霸詩
成共謂我恨不見小謝君時遊粵嶺遠望抱孤咋
茂林攸水邊一灣可銷夏容易待君來清話那能
罷江帆乘夜發恐遭上官罵時奉飛檄自古有行役吾

曷獨歎咤促膝半日留積思憑慰藉倘逢奇鄉書
附聲到吳下蒼髯聞如舊酣歌應無腹後面又何
時揖別立風榭

荷塘詩 卷六

十七

荷塘詩集卷七

涇陽張五典敘百

寶都雙橋詩

山鄉問耕及晴曉溪上新橋工作好筭與欲去重
徘徊來揖編襪見賀老自言先世明中葉磊柯結
構不草草浪擊沙崩無早夜虹垂星隕將欲倒聚
族而謀更十年去冬慰勞得粗了相傳題柱紀南
溟日炙雨淋牧火燎上流水淺岸差窄舊為木杓

荷塘詩 卷七

一

跡如掃收此餘材重落成鳳嶺西來通古道黃鳳
其名義取爾土訛黃封未深攻乞請特筆書邑乘
分付後來憑再造許茲繼述有加禮慙然還覺櫻
懷抱徒枉輿梁係邦政牧令應須圖計早張弛舉
墜類如斯屬望喁喁豈鮮少指屈攝官三月餘馨
鼓高懸弗親考博濟無能勳 聖功食恩何以
報梁稻幽微彰顯寄有司淳化從微徹福小易號
金龜與四明徑歸著姓揭雙表

答安化謙翁次居來書

石池徐子能章草亂剪烏金紙成之吾祖攜歸自

湘表空齋素壁蟠蛟螭廿餘年後逢君至指說親

看若手時案頭隨意翻搨本遊目信指忘撫規瞬

轉未及就隻字偏旁完好中含姿連筆貫串或三

五借點微茫補缺遺形體大小由伸縮丰神奕奕

色淋漓坐客談笑雜詠謔分酬何曾用意為雙鈎

自古有成法得毋跬步不相離休論臨摹爭能事

假面真骨知為誰我時束髮學執筆心疑作語太

神奇移晷反復乞重述畢聽栩栩飛雙眉學書擊

荷塘詩 卷七

二

劍都無就南來還尋岫嶠碑未陰雙碣左右次語

溪十丈瓊琚詞手搨盡歸書畫舫誰同論古空嗟

咨意外知君正強健猶能細字寫烏絲花箋觀縷

多話舊籟雲墨妙谷口詩贈行記取東園地使我

感歎深廻思 先季父號東園與翁善贈以沈太史

筇枝會款十房洞靜聽鐘鼓白雲匯溪口新茶好

收貯風爐活火分槍旗

送戴尉之郡因寄答諸故人乞花

憑君傳語向長沙起趁明星夜放衙書本息息疑

作草情雖艷艷未栽花良朋多負尋芳約長物難
投好事家悵悵有聞存古意風流別是吏而華

試馬黃甲洲旋至講院

平洲淺草曉烟開偶趁晴風試馬來俾肉已會開
捉搦蟻封差不失縈回獨憐尋丈鳴弓地未放騰
驥盡驥材相術九方粗得解後生還覓子阿才

芳花

湘南春蕊已闌珊一簇瓊英水際看六出著花山
雪大青絲結藥壁蛛團品應有論齊蒼葛香自能

荷塘詩 卷七

三

空謝蕙蘭嘉木同名標舊史取材蠻微樹兵欄唐書

安南都護王式至
交趾樹芳木為柵

寄興國吳信辰刺史乞松花菴詩草

西園詩叟張印周先生舊除壇為待西州吳士安從乞

一編長袖得年深漸覺字迷漫

夏聲原有解人知法部伊涼開寶詞要把遺音重

按取風前朗詠二安詩劉九曉輯二南遺音選入
者特多又嘗並揚子安先

生以二
安稱之

王蘗洲惠葛

氤氳輕瀝一池雲脫杼依然帶水紋襪襪應知無

浪觸清涼未惜與平分閒行取稱青絲履僵臥宜

和白練裙舊有蕉衫裁越海年來斑剝為香熏

菊兒

漸喜菊兒長新書解點丹嘗憐得時晚多予課程

寬背誦希歡賞設疑聊試看罷燈逢夏熱口授坐

更闌

將赴長沙黃蘊采同年附書孝樸深
陽人

家住江南瀨上村依林結屋竹為門江邊漁艇僕

荷塘詩 卷七

四

操網屋裏書聲兒課孫手札重題移日月客蹤遠

泛極湘沅傾聽歷歷心能記代覓游鱗寄故園

鐵佛寺塔 并敘

大中丞覺羅敦公記畧寺左有塔將頽謀修

之除甃得鐵柱貫其中長丈有四尺圍圍尺

有七寸約重百鈞首微銳鑄蟠螭下砥平如

截宋潭州判官李思明撰文進士董護書寺

僧曰道崧鑄工曰李昇計字七百六十餘楷

法雋妙斲鑿精良洵奇觀云學使仁和李寶

幢先生倡爲鐵柱歌羣公屬和鐫於石快讀
之用韻成此

屢遊景龍觀閒聽搨鐘聲朱墨摹數紙鬱律看遺
銘聚合古精鐵土鑄回文成知是神人力不關匠
者能湘江古岸旁浮圖出化城深沉藏一柱寶光
上青冥佛祖儼丈六白毫散晶瑩維此黃金體善
分萬億形偶然豈一指妙已現七層倘問西來意
輪相風中鈴名山卓錫杖衍法從禪僧磨擔得爲
針分明覺衆生我來莊嚴就文甓難啟局手未及

荷塘詩 卷七

五

摩挲心獨愧精誠寶幢老尊宿前生悟惺惺纓絡
施供養維摩經起七寶塔以纓絡幢供養之法號尚可憑未是立文
字偈轉華嚴經和南戒壇下願從叅大乘

倒划子

一葉倒划子行行溯江水江水新落漲灘洲各陡
起牽曳復撐撥盡力見遷徙僕隸紛促迫曉曉與
計里豈知舟人心原自急於爾岸上有草廬轉過
前山趾妻兒待鹽米望之應久矣嘯風掛短帆所
指頃刻耳我僕是其說曠然共歡喜年來思佩韋

篷牕書側理

菊兒作家書因示之

塗鴉差可辨著語未能多疑字翻書比廻看怕筆
訛余年在齟齬此况憶經過拜使須知禮團巾正
皂羅

唐東園飛瀑障

東園地僻洩江曲夾徑櫻櫚繞屋竹小樓木杪風
應開南岸山峯青簇簇夏午陰濃靜掩關啼鳥鳴
蛸聲斷續主人睡起一欠伸潑墨生紙墨花馥因

荷塘詩 卷七

六

勢徑成南岸山却向凹處若飛瀑噴珠漱玉出雙
崖雲根石隙作洞沕我如坐瓠居重城對之冷然
失炎伏自有此山知幾時忽決銀河注蒼麓翻疑
向日扶孤筇初把匡廬識而目鸞岡東下顧江清
彭蠡風帆一日足靜者長時雖懶出五老峯頭曾
借宿

燕

飛飛雙紫燕含哺往來頻雖長將翻翅心多尚畏
人安巢未驚擾率舞莫遂巡久是容相狎泥斑斕

坐茵

雞雛

雞雛一拳耳豈足備盤殮轉急訶為解羣呼縱使
奔驚人仍避跡應州似知恩執髮須聽取哇疏佐
夜樽

萍

漫笑萍無蒂輕清不著泥從來少疑滯自可任東
西風約終還展波衝枉用擠若教池沼闊斗實定
堪攜

荷塘詩 卷七

七

櫻欄

正直標孤幹能禁風雨狂當梢舒葉大板地聳身
強桐老經霜白蕉寒壓雪黃枝岐與叢鬍子者乃
青蒼

翡翠

翡翠毛衣好雕籠養畫廊色鮮文是累聲啞喙空
長聊爾供娛玩憐之未剪傷羽鳴隨本性天路縱
飛翔

鷓鴣

捕魚深水底艱險乃心輕却是緣驅策聊將當網
和積鯉經轉致一飽究難成人役都如是鷓鴣獵
犬并

示皮生策陳生兆銓

姻婭原秦晉爭鬪幾吳越訟牘卅年餘綜覈為一
決習俗盛楚南嘩然乘悍黠山民奪地利藉口護
塋穴嗟爾俱士族此禍何由結中年列青衿蕭騷
到白髮子姓紛多口慙憑復牽拽時深氣填膺勢
欲無休歇亦有問黨賢排解代剖別舌敝耳偏聾

荷塘詩 卷七

八

徒與費詞說皮氏始祖母太邱所自出世代互約
婚同村依山廬墓舊交錯田園共凹凸童叟見
晨夕僕婢通棖闌小忿忘瓜葛積惡矜媒孽存者
既久持化者應幽咽感動在天性無煩事辨詰汪
汪淚含睚諾諾心頓折讓畔古農風讓步廉士節
未肯絜短長又焉分吟啜曉人絕膠執達懷輕肯
裂况是戚里兼忍使恩義缺水木溯本源樊圃渺
瑣屑質成既相就慢云望慈月疑團各自釋快若
爐點雪日昨相度處松楸森成列綠陰雙祠宇歲

時交奠醑

答黃叅戎穆園

秉淳漳州人海澄公立齋都督長公子仲氏中書秉鈞爲

先世父門下士

雲邊楂影著清漳梅雨荷風五月涼金罍射毬馳
駿裏綺園戰茗坐松篁名家情向師門重離緒時
牽海路長麾蓋相逢娛契闊附書憑報紫微堂

湘鄉賈明府空齋

湘山自空翠湘水復空明烟林山水曲旌竿出孤
城石路穿塵市縛茅列簷楹官廨圍薜壁薜荔緣

荷塘詩 卷七

九

青青主人日焚香掃地坐深庭興來理徽絃聊作
一再行楚南諸州邑習俗可憐生訟牒如雪花几
案堆縱橫收令多雋賢察聽竭才能豈不勤剖晰
終是苦調停從問循何道竟爾息紛更退然見遜
謝笑指空齋銘燬光固璞玉衡品倍水晶還看熠
耀燭何如琉璃燈手爪絕纖埃孰與滄淨瓶山河
在大地詎愁礙雙睛願得持此義徧語僚儕聽胸
次掃宿物但存一鏡清

別趙尉文焯

白髮盈頭就一官飛揚爲有壯心存朱門擁篲迎
嘉客綠幕探籌贊大藩嘗館將戰鬥司未解馮公
農唐慧兩方伯
彈倚柱何妨惠子慮爲樽時憑畫諾多相助惆悵
塵騶駕去轅

舟人謝顏索書因記之

一幅瀏陽紙從索大草書何所聞而來使我重躊
躇往來攸水上龍公拜廟除巨壁字徑丈結構見
來初新詩在人口往往唱路隅記得賦芳花山雪
團壁蛛不待終其說引坐對傾壺問知士人子饑

荷塘詩 卷七

十

驅泛江湖舉動自免俗骨相未礙癯平日應有作
再叩祇嗟吁父書不得讀覓句抄工夫幼時學強
識唐人千篇餘拋來惟背誦儲王劉春虛得此已
足矣何有於予乎已慙不檢束敢爲論癡符不見
高常侍漁樵家孟諸勲名復誰論詩法顧何如君
家衡山下卷帙定充廬相訪擬相借訂交肯許無
明日請書前詩再成四韻

廢學推言吏事忙指端荆棘自相妨筆床聊爾隨
茶竈小技公然對大方事未愜心唯獨覺子如愛

我止深藏却思秋月扁舟夜誰爲將軍感歎長

謝顛子詩 并叙

華亭王公愚別駕詩序畧云謝顛子者白沙市之寒人也父謀嫁媳遂病顛媳潛歸母家誓志父無以奪而顛亦不知備於銅場得值日奉親口食雖有弟未責與其養也憫其情喻其父將納其妻庶可已其顛乎嗟嗟處人骨肉大非容易藹然仁心詩得不佳耶讀而和之

荷塘詩 卷七

十一

銅山官督役日計集千夫原以省勤惰藉得區賢
愚癡駿誰氏子疍羸一短軀語言苦口吃顛領苗
亂鬚問名隸舊籍按期無少踰量力慮難勝課功
衆不如負擔走風雨喘吁終慙慙告歸遲夜星蚤
來先晨烏厚犒償辛勞懷肉擎酒盃返舍遺父母
自甘飽秬稔火伴或嘲謔阿弟事獵漁得錢縱揮
霍調笑酒家胡爾命何窮薄故妻采靡蕪適纒山
上去願與相見無驀然只不省對之作軒渠背人
偷搵淚點濕布襦頑傲可化誨徑爲造其廬感

激齊下拜室家當如初

舟中題石谷子畫冊

湘烟秋霽坐推篷小兒香生古墨叢合是詩情傳
筆底從知書味滿胸中經營好在難尋跡規仿由
來未見工供佛擬藏南嶽寺氣舍花雨散天風

衡山值范邁亭話舊 元颺沙縣人

自將宦跡說滎陽謁郡初登刺史堂 先世父時回守開封
首生平一知已看君衣上淚浪浪

荷塘詩 卷七

十三

笑我平教猿鶴倚山靈

過雷家市因寄蘊采

芳洲藉草盡餘杯送我原從漢口來文字前緣同
可否料量後會久徘徊墟烟羃羃橫山脚漁火星
星點水隈便得乘流重問訊江空夜半擢舟迴

衡州雜詩

响嶼峯高上赤霄森森綠樹鬱山腰韓公好古生
何晚遺恨看碑到鄭樵
石日難憑問故居 舊傳蔡倫宅有石搗殘玉杵憶曰爲唐李懸取去

當初偶規魚網呈餘巧大節原堪竹帛書

涑陰誰並勘豐碑廟祭憑輸父老思江岸徧生諸

葛菜拾來為想雜耕時

帷幄堪教作上賓烝陽高士說強鄰東行知否從

軍去孝直端難有替人劉巴代法正為尚書令

哀箏手撫一歌新江左安危仗老臣淚濕朝衫筵

上起使君原是讀書人桓山傳為桓伊讀書處

古木清陰記數株消閒茅閣少城隅好探聳叟歌

詩意結構重尋舊畫圖

荷塘詩 卷七

三

垂老飄零杜少陵衡陽送雁意難勝北歸容易過

清渭中路迴翔慎避矰

書堂好是俯雙流初見遨頭作雅遊呂溫有題尋真觀李秀才

寬書院詩合使劉郎談氣概雋賢交識呂衡州

應用湘南一縹囊憑將筆視佐衡陽篷牕點檢羅

昭諫零落軍前急就章

宗臣趙忠定公汝愚恫欸一心丹請向蠻荒道路難魂魄

定隨湘水去暗通潮汐到臨安

飛詔猶看越嶠通麾兵梅嶺赴元戎文信公雪仇一

罵方投筆好得泉臺見魏公張鏜為忠獻公後裔

劫敗難爭一局棋江陵士馬順流時雄湘閣上飛

烟紫李忠節公市顧命會非卞望之

大郡烽烟擾赤眉老翁霜夜仰天悲張獻忠入衡州鄒承芬命

身告急廣南子孝廉統魯潛乞師哭向秦庭去拄杖聲鏗為趣

兒

湘山冰雪正崢嶸嶽頂雲開看使星落筆風生天

籟起琅琅響答合江亭朱東江師有和昌黎簡字韻詩庚辰臘月使桂林時

也作

荷塘詩 卷七

十四

鏡石相傳舊為有力者取去轉昏闇送還乃瑩然如初云

荆山多良玉元光獨可鑑愛此涪溪水長與其清

湛挈之去故處投照無一驗豈其能幻術判然分

明暗問石石不言臆度聊口占性質自耿介何以

對豪贍頽頽唐詩娥慘顏抱隱憾歸來面復光仍

看美而艷浦還孟嘗珠路存彥方劍誰抱冰雪懷

好味鹹蘆淡

為傳遜修少尹題令兄繼菴未了畫

五日一石十日水醉中一揮盡十紙書家畫師自

不知速非誇速遲非遲此幅落墨不草草流雲有
似秋陰時蕭森野岸樹林雜微茫沙路村橋欹一
片濕烟含漠漠雨脚飛注蒼巖陃沙瀾水氣接天
白失盡遙峯日之夕颺風蚤覺耳根來烘托翻教
眼界窄人琴抱慟幾經年斷素收得是遺跡意到
超然已有餘北苑脫畧破凡格

再得二絕句

遠山無樹水無波落紙雲烟也患多欲笑大癡癡
欲絕要添樵徑轉去聲青螺

荷塘詩 卷七

五

點綴微雲滓太清晉賢名理可憐生文成非藉筆
端力琴妙不關絃上聲

永州詠古

懷王遺恨負芻知但看都龍列戍旗吳望居人來
避世石簞仙客去何時文傳咒詛終相割驩結婚
姻蚤售欺三戶荒津能料得夥頤供帳漫驚疑
湘水東西界亦平尋戈翻手棄前盟焚艘計遂終
孤負犄角謀深屬老成黃蓋蔣琬
俱零陵人雲際寒星諸葛
嶺江頭飛鳥呂蒙城降旛鄰郡爭先出誰守零陵

樹漢旌

魏公晚節杜門居掃殿星文抗疏餘懷刺名賢稱
弟子楊誠齋驚心聘使問何如休論開府身經戰為
想趨庭口授書地有遺風似鄒魯濂溪喬木舊精
廬

呈宮守坡先生

先生詩品在山左論應比得館山翁先生譚統出
新義不減當時徐迪功秋宵坐容層軒下盈樽鄙
酒燒燭紅倒笈鱗差攤副本疎行淡墨蟠蛟龍刪

荷塘詩 卷七

六

存更番務愜當似笑時賢欺啞聾矮紙小錄祇隨
意評騭三唐分兩雄昌黎一通振鼓鼓少陵萬石
懸洪鐘搥擊傳聲任枹杖鏗鉤餘響隨霜風無端
起止鳴天籟謫仙負絕非人功古今巧力那可料
學子好憑游殼中憶得錢江暢斯旨禪僧謂恒上人轉
述推法宗鈍了壽門並老宿同時拜倒從折衷茲
來快得見所見頓將苑結寬心胸羅襦襟解聞薜
澤朱印重破開黃封從容問到囊中句為慙異曲
難同工謂秦無人作西笑知尊齊魯舊吳儂雲間沈沃

田叔守坡集有云 國朝詩人自漁洋為齊魯之
大宗嗣後作家比肩林立犄角墮地江左之士且
有北面而從歌者而秦晉無聞蓋
洋洋乎表東海者厥惟齊之風焉

紫亭東安

近郭清溪水遺碑記紫瀾雙橋橫岸闊一注落雲
寒野蓼花猶在林楓葉半殘烟光和夕照似得趁
憑欄

聞吳信辰刺史使 都下

隨風會唱渡江吟空盡人間去住心余以去夏北
上冬盡乃返
沙君向滄浪歌短曲一時並寄入琴音

荷塘詩 卷七

七

上都却得幾時廻南過衡陽無鴈來雲水茫茫楚
天闊爭能問信傍寒梅

孔明臺

湘西舊歸漢險僻此山阿規畫必身到煩勞膺務
多蔣侯才敢比郝普恨如何為想攜參佐高天劍
珮摩

孝子潭以宋人李
文珍得名

栩栩病眉開江魚入饌來冰堅合川澤食罷費疑
猜望眼雙懸久慈顏一笑纔為兒不備養心痛正

徘徊

菊兒乞詩為生母李三十生辰聊應之

薄宦十年隨故家閩水湄鄉園長記憶荆布共心
期憑几好開卷剔燈勤課兒他時能著論為佐酒
盈卮

荷塘詩 卷七

六

荷塘詩集卷八

涇陽張五典敘百

五椿軒 并序

官舍東偏有椿五株其三相倚而生高欲出
城蔭可十丈餘傳為數百年物二則離立差
小於前耳考東安宋縣也卽樹之由來可溯
已軒曰澹遠簷摧壁頽擬移就樹重加修葺
取供憇息徑以五椿顏之因賦長句

荷塘詩 卷八

一

祇少蒙莊為計年霜風披拂尚團烟盤根密遼疑
無底老幹清堅直到顛五樹新圖開粉本百圍遠
籟和朱絃從教靈藥栽桐柳讓我環居蔭已全

八絕句

衡嶽五峯出積雪明天表化工餘巧力因小得成
小五峯山

蒼髯何老人迴顧失烟雲磐石洞門口爪痕深幾
分九龍巖

雲影似擘絮隨風山雨來野樵青筠笠子遠林

唐帽山

山寺高幾許行行憇古松天風吹縹渺雲外一聲
鐘高山寺

蘆洪一縷水峽東曲無數輕策俯層巔汀灣豁曉
霧八十四渡山

近山一石竈仙客舊時壇誰復乞刀圭明霞正可
餐雲霞觀

呦呦兩白鹿獵客不能致使脫銅環何人識篆
字真華鹿

荷塘詩 卷八

二

六曲取園床誰與擘太華點筆坐莓苔硯屏聊可
借自然屏

張壺山中翰秋坪遠眺圖

壺公家住古雲陽十年移近平山堂江上青峯看
不足直上燕臺窮八荒秋風思歸徑歸去綠髮未
許侵微霜某水某邱重點檢烟雲供養壽而康曾
到子真舊谷口悵然懷古迴中腸錦雲染雨失經
畫斗泥石水妨耕桑白公遺意盡原委老筆典重
留鴻章至今下士收榻本尚驚行草追鍾王碑在路公

祠漢堤橫作三渠界坡陀迤連連平岡勢背慈我
面畢郢櫟陽地接涇峽長得非上下入審顧憑高
一爲分紀疆古人作畫有深意後生蠶測誰能詳
但見天色蒼蒼野茫茫雲邊練影浮寒光無數風
林脫枯葉征鴻幾點南飛翔

書上官周畫冊

人物畫手古稱難臨汀一派著意看竹莊老叟更
殊絕輕毫淺暈神獨完此冊尋蹤蟲蠹餘精氣奕
奕腴不枯隱逸麗姝各有態並將凡骨脫奚奴何
人裝點到仙鬼青紅填抹誇奇偉譬如對面肆欺
謾隔水空城衣木葦由來妙技祇尋常一憑心計
窮研桑海邊蜃氣成樓阜何論幻藥爲羝羊

雨中偶成四首

細雨無晨夜勢欲畢此月嘉樹石墻隅孤禽就疎
樾踏枝看毳毳啄苔聽啾啾奚奴漫相驚勞勞暫
穩貼憶汝初來時支撐餘鷄骨遲之豐羽毛且將
縱鷗沒倉卒得所依與彼何差別

一本木芙蓉開久色猶淺幾叢金絲菊無霜各拆

荷塘詩 卷八

三

展於時秋已深得氣初無歉大哉造化功誰云芳
事舛盡日巡階看偶然和露剪枝莖妙點綴一一
帶碧蘚烏几供膽瓶寒光愛清湛

晴時作小熱憑軒望高風野雲如橫案寸碧露孤
峯奔流烟際來遠響下前供蠕蠕見漁艇出沒蘆
荻叢此邦生事儉石耕趁餘工搜索到蝦蚌儲蓄
聊禦冬感此願暄妍好爲長葵菘

荷塘詩 卷八

四

老椿枝柯繁貯雨知幾許乍晴垂殘滴流響滿虛
廡暗蛩依床角音澁餘一縷擊柝可憐子行歌還
自語宵深山氣寒執役何勞苦丁寧到中厨夜夜
豐以醕不見重簷下泣然濕石礎

送黃蘊采歸深陽

風急看秋老夢思千里湖烟霞名嶽展雨雪故人
孺行李原依舊詩道得盡無泊船歡笑後披稿示
妻孥

鄰邑有儒吏謂江浦梁明府昌聖論文好往還憐才應過我

抵掌共開顏故友王洛陽字遺居石屋山詩

篇久零落若爲寄江關

放船

寒江清見底峽掩曲流通翠積叢生竹紅欹半樹
楓扁舟下飛瀨沙際起羣鴻多謝連宵雨居然萬
里風

兵書匣

雷電何年下取將崩崖欹樹鬱蒼蒼秋蟲蠹葉都
成篆幾片隨風墮客航

白灘舖

楚山寒更碧杉竹倚雲生隔澗聞人語衝烟覺鳥

荷塘詩 卷八

五

鴛片帆巖隙過雙埃樹陰明霽曉經迴磴前墟一

水橫

雨

冬熱釀爲雨霏霏薄暮時投簷禽影疾墮地葉聲
遲楚徼荆州僻湘源越嶺陁當須順寒序幽濕捲

涼颼

答何一齋明府 熊仁和人

君爲浯溪志逸事盡搜索自檢胸中書無用翻殘
籍斑駁別蒼巖題字舊游客豈曰堪其語漫郎一

片石孤懷嚴棄取持論薄醲澤祇愁陵谷深難假

巨靈孽曩者恭惠公 於一齋爲從兄 中州初列戟大梁古

方輿要得紀往跡分訪付門士我向洛陽陌十日

嵩少間爲著秋雨辰直上達磨亭歸問游巖宅崖

洞極宵冥篆籀重審譯其美果在腹手錄欲盈尺

到處隨例疏出袖供攜摭名山歸求點夙緣同今

昔邀許其宸樽樂與占尺冊閒夜渡香橋憑肩岸

巾幘鐘聲白鶴觀月冷江烟碧

如山叅戎舊有玉笛友人以詩易去艷其事

荷塘詩 卷八

六

爲賦一律

一曲清商奏已終苔文看裂石屏風應知明月滄
洲上曾舞潛虬翠浪中錦段遙憐美人贈梅花寧

惜好音通九疑跨到南飛鶴傾耳山頭萬籟空

與黃鷺埤同年夜話 九叙錢塘人

西湖風月夢中游坐聽君談竟在眸鄉思何堪五

年後客蹤還憶六橋頭共看桃柳明新霽更愛霜

烟入素秋約赴詩僧 謂恒公涵公 頻把袂清琴茶具一

扁舟

與遜修少尹記事

此判知難移然亦豈得已夜分對磨勘倒床還再
起風葉滿前除霜月涼如水竹陰簾影開橐橐聞
君履吾輩得無誤挑燈復凭几代為求一綫反覆
幾裂紙嗟哉冥頑人心跡竟若此展轉十日來擲
管跡生指鄰雞啼更番疎聽明寒各蠕蠕硯池邊
踟縮憐凍蟻

粲粲亭

讀書每是懷前輩來問山亭入道州文學端能存

荷塘詩 卷八

七

惻惻循良並得擅風流兩言題品傳詩史異世莊
嚴感故侯要洗宸樽致清酌春江載酒借漁舟

寇公樓

司馬無公字謫官餘畫樓人情交愛情天末望嬉
游繞檻瀟江過當簷粵嶺浮雷陽植竹地野祭自
春秋

綠天庵

醉來槃礴解袈裟筆底雲烟亂雨花四壁墨光居
士宅千年香火梵王家招魂薄薄思傾酒落響丁

丁看畫沙谷口結茅吾計早霜秋柿葉麗丹霞

夜

灘聲寒夜壯遠聽下城東漸退當聽月輕傳落葉
風分明一心在展轉十年中默數來時路渺茫烟
水空

寄絃爨十二弟

少年初作吏昭化古通途應上馬鳴閣有懷何易
于乘閒開卷帙習靜坐脚跌况是逢歌凱農民盡
賜租

荷塘詩 卷八

八

梁冲泉廉使屬賦大理石屏靈壁石筆山各

成一首

古木寒鴉影

御題得看來乙未冬日王偉人侍郎示觀 御
賜唐寅高林慈烏圖 宸翰題識

真墨桃花塢中人畫苑生而開一片雪色石誰與

寶也 染麝煤團烟樹榭杖榻翼禽羗邈造物事游戲神

完象昭回粉本皴法好不須點蒼苔

小山不五寸巒巒峯十二別鮮次低昂凹凸極位

置米顛袖中物自要見畫意思公珊瑚格對之成

常器聚石玲瓏館寶幢學士題公北軒曰小玲瓏山館難題甲乙字

尤愛硯席間浮嵐滴寒翠

陳秀才珪見訪且索近詩

羅浮江上訪君家反鎖松門耿暮霞長卷深沉袖
詩草扁舟蕩滄權蘆花何來短刺通孤館要揀寒
金就淺沙閒淡為歡元夜過滿城簫鼓自喧嘩

答劉時軒司馬

會合酒人傾碧釀來詩噴我但言茶交因如水得
真契心覺飲醇猶漫誇好是迎春逢霽雪定知繞

荷塘詩 卷八

九

屋放梅花搗樽擬就疎窻下同醉還烹粟粒芽

送余十九世本北上

祇有常談及道蘼衣邊原自繫靈珠百人亦見才
憐汝一日相推長以吾看引僕夫來舊雨要從老
馬問前途湘江碧漲春晴濶去趁長風十幅蒲

送蔣薌洲歸吳下

湘表交游場遇我獨見厚長歌歸去來小留惜春
晝鄉音聞吳舸蹶然快相餞舍館巷南北往還且
互就雨霽武陵源月明鸞山岫兩年迭主賓丙申五月

余至常德留宿三日丁酉六月 踪跡倏已舊我性
蘇州見訪於候江中夜送行

本疎謔藥言每深透臨歧意徬徨良箴復誰又

舊築藤溪上歸及藤花初老兄垂素髮格亭先生連茵

傾芳壺語次及湘南定知問狂奴為說比年來依

倚同响濡因憶大梁城秋風送歸吳吳下重會面

閩嶠赴上都繾綣留信宿徑如在吾廬君家伯仲

間見心好相於江湖通一水時時望魚書

耶君看花客泥金報遠道借問宦游人誰家子弟

好歸舟堆卷帙橐囊都如掃家塾集諸孫分甘與

荷塘詩 卷八

十

黎棗近隣二柳居陸子王任號挂冠早唱酬田園

詩相看共絕倒

與陳衡陽篤丹徒人時引疾將歸

一笑留賓解帶圍白鬢栩栩共眉飛有懷京口春
光好為說鄱湖酒力微畫閣已從投轄飲扁舟還
得借書歸主人東道情如許攜手丁寧漫拂衣

留東趙魯巷別駕

碧湘門外雨如絲風送輕黃著柳枝烟水遲君同
鼓柁展節會客正圍棋尋春名嶽成孤興麗酒江

亭約後期欲料歸來逢夜月懷人多是倚樓時

白沙洲 并敘

祁陽志畧餘姚翁大環游粵歸及此歿於水
近村有鄭海生者見而料爲士人要兄海寰
厚瘞之收其佩鑰一具蓋康熙壬申之冬也
遺孤陟山蓼埜兄弟稍長卽自操舟楫沿溯
江湖求之三十又二年乃得往返証以書笥
舊鎖而決之廬墓築祠號風泣兩人稱孝焉
余以鄭氏之義並可彰也詩附續志

荷塘詩 卷八

十一

故物悲看已在茲塵函得啟舊書帷孤兒自抱終
天恨眉鎖開來豈有時
爲種青松樹幾株刊碑惆悵姓名無孤墳江上逢
寒食三十年來飯一盂

祁陽訪何一齋官舍

示病手揮羣吏散注書心喜好朋來空疎顧我才
無補吟望知君日幾迴竹屋對移藜榻近花叢輕
拓紙憲開泛秋忽憶經年約滿酌窪樽向水隈

瀧泊墟

山近營陽窄紆盤石路遙春風動林麓暮雨矢村
橋坪勢疑經剗燈光似見招重茅殘滴斷看月起
中宵

麻灘

麻灘長里許宿雨漲春波層石誰勞徙輕帆自在
過岸花風影霽峽樹鳥聲和飛瀨延平上曾爲叩
楫歌

梁冲泉公移任廣東

舊時未識公於心覺已熟持身自壁立愛士肯推

荷塘詩 卷八

十一

轂紫陽峻標格謂朱石君先生目空少悅服稱說經屢聞
遙思久以篤大波滙洞庭高峯棘嶽麓吏民依廉
使氣暢無局促輕刑施治世訟繁耐楚俗浮議任
之衆明斷伸所獨坦然談笑中正爾風裁足連榻
心石齋招客及休沐分題坐從容令不嚴刻燭從
悟文章境妙非關遲速宿因在江海凌風合階木
雲帆極南溟蠟屐著西竺舉臂誰相隨羣情交遠
屬卑棲寒亭外榜徨瀟水曲前年向七閩里謠諧
兩鷓丙申冬移泉福州丁酉春奉命仍滌長沙奇緣或可再端著欲

從卜

哭何祁陽

善病亦已舊，訃音聞尚疑。開軒憶留客，支坐與談詩。潦倒紛多感，方書解自醫。如何揖別後，相見更

無期

活溪志幾卷，手寫已經年。搜索心殊苦，刪存力自堅。共商曾示樸，叅議竟摧絃。傳語留真本，含悽致酒綿。

王胥九瀟湘夢醒圖

荷塘詩 卷八

十三

水石生烟竹，嘯風曲屏黃。篴小樓中閒，身睡足連江。雨鼻觀殘香，一縷通。

蠟紙窗明曙色開，蘆蓬枕上夢初迴。麓山梵刹層雲外，風送鐘聲過水來。

與吳沅州信辰二首

江頭竚立看風旌，盼得樓船過洞庭。會面寒暄無幾語，倒囊詩筆及零星。爐烟冷淡殘仍續，簷雨潺湲響又停。舍館相鄰雙屐便，趣閒比夜對燈青。談深雲霧氣如虹，每以憐才見大公。事到必傳甘

苦盡人逢真契死，生同論文已共西園老。張印周先生並世猶慙華下翁。公詩並世未相見吾慙揚子安我亦有懷拋不得，題襟問字廿年中。

邢季佩鄖陽來書及燕游舊事賦此却寄

龍門水接洞庭波，駕浪難憑赤鯉過。與在登臨知不淺，容於豪翰問如何。雕輪憶共青雷子，朱文震翠

館聽殘白雪，歌倒載歸來。論畫事解醒，旅夜點酥陀。

楊璞存刺史枉駕屢過寓館。令琢寧都人舊宰涇陽

荷塘詩 卷八

十四

使君慈與舊時同，存問更番絮語中。寂寂自緣酬應拙，羅羅為許性情通。老於文學如聳叟，妙絕真行見褚公會。拂溪藤揮栗尾，良箴付我上屏風。
贈黔陽葉二楓明府

家有遺書自石林，扁舟載過五溪深。憐才合得虬

髯守。吳信翁嘗以之自謂擊節龍標馬上吟。君新詩題此五字。

古黛長和古墨香，屏風六曲好圍床。君得明人醉畫十二幅。

顛乞與分明看，為補雲烟草數行。

答張江華

爲者不相識有人傳我狂往還經數面披諦見中
賜影到濃陰息鋒依寶匣藏因君覺時議所誤得
從償

楊懿葬都尉從問何禹門消息

畫手不可遇繪水尤稱難有人脫巾躡草履砥柱
峯頭放眼看青牛老翁舊此住絳雪碧霞浴大丹
九曲氣勢極一攬胸中森森生波瀾我時飛艇過
雷首相逢共酣桑落酒烟濤偶爲談瀛洲跂望南
天引白首隨風徑去五羊城扶胥浴日登孤亭信
及吾師在海上潮汝瀕洞真移情溟漲分明與筆
力掃壁夜聞水有聲宿緣江海輕移徙似駕青螭
控赤鯉澗深曾否擷菖蒲問訊有需向千里

雙石碣 并引

劉博平太守初爲道州牧所以除積弊者甚
力州人疏條教刊諸石旣遷去胥隸病其礙
私也潛爲埋滅失碣所在廿年餘矣嗣君東
溟來攝行州事搜索而出之公廨堅壁中惜
就剝落乃鐫副碣並豎焉嗟嗟坡公麻城萬

荷塘詩 卷八

十五

松亭詩云縣令若同倉庾氏亭松應長子孫
枝有慨乎其言之余獨爲此州幸也因成一
律

清風非爲炫清時那計人知計不知原是蒼生同
赤子徑看官政似家規慮空襄水行將淺用杜預事判
並南山總莫移比例稱名準棠棣好應喬梓紀雙
碑

友人請以雙碣詩寄劉東溟却答

踪跡青山碧水潯覺於軼事耐追尋古聞真語成
詩史誰噉微名向藝林佳傳寧要千斛米前賢難
負一生心少陵同有春陵什卷軸增新只自吟

鶴

啄苔飲水自清臞擇木唯憐偃蓋株爲惜裳衣高
步蹈與投餅餌枉招呼舞姑且吝從殘客長豈相
矜向野鳧果肯雲霄相送去海山未少是元珠

鄰野

楚微語侏離讀書亦鄉音荒塹石墻外松篁望蕭
森雞聲寒日曉燈影閒夜深鄰兒勤吟誦聽之清

荷塘詩 卷八

十六

我心疾徐及抑揚似解事叅斟字句迄難辨亥豕
徑可任欲警巖洞間古調彈幽琴又喻春卉叢爰
止鳴珍禽窻前引稚子披卷坐正衿琅琅作互答
同惜分寸陰頗憶閩中賢一編垂藝林漳浦蔡氏
有正音一
書爲鄉語
土訛辨也所以變馱舌猶如置南針伊誰爲人師
遺意好追尋

示吏

社倉遺規傳紫陽其人經畫行其鄉出入不言屬
胥隸此中意旨微而彰後來侵漁自當局壯哉鼠

荷塘詩 卷八

十七

雀多耗亡里黨相推及大戶有借收令爲隄防州
邑案吏逞巧黠就裏公然持短長里豪蠹吏共利
數駟蛋狼狽相扶將一二村耆或自愛刀筆立與
生疣瘡展轉託名恣驚擾要平聲輸泉布羅酒漿逼
令私售滿慾壑豈勞破費開私囊歲久沿襲儼成
例廩虛一掃無批糠汝曹伎倆類如是卽時指屈
安可詳長官於人亦平易須知便腹貯剛腸

段得田學博招飲

東軒疎快開華筵蔬果初摘魚脫泉主人舉白酌

酒客中厨一斛藏經年性憐麩藥知豪飲要將圍
坐聽談天雄辯安所得焦遂脫帽不過逢張顛星
沙春讌無虛日招邀到處陳嘉筵瓶罍纍纍看拊
載風好岳陽歸漕船竭來山城但呼渴村釀豈解
醫僂涎壺鎗棄置誰料理清齋徑欲叅枯禪持螯
擊盃了一世些微願力非難全作此寂寂可自晒
亦云百事常隨緣休問汾并艷桑落馬漣蒲萄來
極邊十載回頭祇夢幻舊游說著心惘然今夕何
夕啟笑口燒殘絳蠟還流連醉語雜還那覺得童
僕倦立頻回旋指點前階更移席柚花香裏月清

荷塘詩 卷八

十六

妍

都麗嶺


五嶺跨百越都麗居其一綿延不可微空際高嶺
吻秦以負芻去熊楚霸氣畢謫戍分萬人防虞亦
何密桂林置大郡雉堞應可漆何不鋼連山緘隙
休容髮極北築長城燐火生白骨維南守蠻陬木
客並異物吳望有遺黎幽巖安家室雞犬野雲中
便是神仙窟

夜

湖雲江雨作春寒
密箔深堂向夜闌
火續楓毬烟散白
書攤芸葉點流丹
勞生小憩緣非偶
靜課新遺補未難
解事依依憐稚子
支鐫温酒具牙盤

荷塘詩 卷八

十九




荷塘詩集卷九

芭蕉

蕉葉舒雨中
抽節競新竹
日夕南窗間
綠客來說去
秋薄霜不落
木江頭艷芙蓉
籬下粲叢菊
望風獨離披
片片委墻曲
逢時快一展
倏將過三伏
是何見之晚
化理有剝復
何者楛與苑
誰云禍非福
尹那當妙年
顏色美如玉
徐娘既老去
饒他風調足
所以遺榮人
不必雙鬢禿
引年戒留戀
知足遠恥辱
亦有劉叅軍
報恩志自勗
未甘徑就衰氣充
無迫促難似
李百藥兒時
早驚俗才壯
無銷歇暮齒
終刮目矍鑠
據馬鞍精神
應滿腹扶衰
藉蕙苳謗言
適自速甘露
作羹湯空教
蓄大欲華皓轉
黑頭誕妄寧
用卜受命於
厚地有聞松
柏獨最好物
無情況復根
老宿

午睡

朝來睡足三竿日
湯餅平看又作魔
意倦祇緣閒



不了時深更料懶如何狃奴戲影翻空砌瓦雀攢
聲噪滿柯運巖山齋亦吾事未甘長晝爾消磨

何禹門舊為余寫種竹圖檢之不得因而有

作

物妙通靈去逐風寫真猶是記何充把鋤苔破草
堂下戴笠竹移梅雨中往日交游多佚士故人踪
跡各飛鴻何當雅集成佳興一序憑看契帖同

周晴嵐孝廉花卉長卷

近間在杭
州幕府

行篋載書並載畫山雨作霖霽日曬因之重尋種

荷塘詩

卷九

二

竹圖著意點檢得一快贈行一片故人心藏來什
襲防摧壞所喜不汙寒具油豪奪巧偷有預戒法
傳徐熙工寫生空盡膠粉沃沉瀝題句艷麗也復
佳鄉風舊分長水派朋知會合瀛海東繫我歸帆
獨早挂離筵諸客同傍徨風速多少文字債座上
白髮龍眠翁最先出語感老邁謂家
休莽君亦預知後
會難要予新詩書倒雜袖出此卷云相酬分攜猶
堪抵面話已看桃李博瓊玖誰計絲麻勝菅蒯似
聞擁篲迎高門定知連鰲引衆牯大庇既少厦千

聞來游安得士瓌怪但憑手跡作神交果然愜興
劇爬疥圖中十友自相依斷想爭能說禪界

劉時軒司馬水月秋舫圖

人生難學琴高生身騎赤鯉遊蓬瀛亦不願學鄂
國公凌烟飛閣隨羣雄獨愛香山老居士教人摹
寫為屏風集賢遺像知何似深沉院宇如南宮好
是八節灘水曲紆迴歌襪移奚童不爾百花亭子
下滿湖明月支船篷天色蔚藍野烟碧荻岸積雪
楓林紅使君快論有如此座客因之得畫理槃礴

荷塘詩

卷九

三

不要寬作程五日一石十日水却是閉門經月餘
湛然秋水點眸子更請畫到香爐峯七尺筇枝雙
展齒

梅子

傳黃梅子熟繞樹走羣兒適口思何妄攢眉笑帶
癡風枝乾可惜階木取何為滋味多如此酸甜只
自知

枇杷

枇杷尚未熟入市帶枝繁生計無餘產時鮮蚤下

園佳蔬偏掩抑老葉備盤殮楚俗終堪怪思同達者論

篋

書篋攜之久開函覺尚新資隨年欲改鈍與嬾相因最是丹鉛好都難記憶真便便虛此腹收掌負

姬人

展

一生須幾雨中歲已千山長與筇杖並輕扶石磴間句餘值梅雨花下染苔斑薄澣重塗蠟晴階午

荷塘詩 卷九

四

景開

吳將軍祠碑載名舜舉曾隸秋樞密部下討儂智高時率兵過此秋毫無犯故祀之考宋史張玉孫節而外

將軍聞誓衆伐鼓去蠻荒戰勝歸仁舖身隨狄武襄姓名遺舊史伏臘拜窮鄉附驥還湮沒因之感歎長

松花道人詩云忍死待郎三十載歸鞍馱得小妻來可以怨矣聊下轉語不必以蛇足議之也

青裙綺袂髮零秋自莫韶光似水流但得歸來不相棄憑君重作茂陵游

卽事

已是無藍本拋荒又幾時消閒偶爲爾諱拙旋藏之緘拆真偷看兒頑巧致詞雲烟愛紙尾題字甚離奇

守坡公罷郡將赴江華司馬任

檢來詩草簿書叢卸却腰章一寓公適日閉門餐傅餽長時品石袖玲瓏念念幻夢俱蕉鹿歷歷游

荷塘詩 卷九

五

蹤自雪鴻筇鼓安排諸里社歡迎慈面白鬚翁公舊有夾道嫗兒歡且說長官慈而白鬚翁之句

石煤

石煤在楚南祁陽得盛產舟楫通吳越桂薪嘆可免窮民覓此利鑿山開石眼陰洞杓且黑舉戴燈一盞赴壑既如蛇由竇復類犬鑿削而襁負長晝不數轉寒氣每中人袖手到盧扁時深忽崩塌窻穿哀扁鍵凡物屬尋常用者恣暴殄不思採取難詎關聞見鮮稱炭數米粒陋矣彼福淺拾金蠟作

炊荒哉諸貴顯

陶桓公祠

舊封羽箭薦嘗烝奕奕精靈此式憑平亂膚功合
方鎮述懷遺表說山陵婦門得顯賢明教晉代能
專檢厲稱誰賦東征偶疏畧郎君露刃氣填膺

贈吳碧川

于慙重與歎于慙應是章華舊相才長作寓公憐
絕境自因宴友築平臺欵門車轍侵晨集移席棋
枰向夜開手板匆匆束腰帶偷閒且爲幾迴來

荷塘詩 卷九

六

紀秋槎觀察漢臯秋興圖

西來秋色徧滄洲好向長天一角收約約化機看
遠意超超談客記同游翠微白帝樓頭座明月黃
泥阪下舟今古詩情原共派眼前萬里大江流

魯菴子中庸索解圖

兀坐長疑滿席塵冥搜盡處許通神其推伯始宗
天下又說東坡過古人肢體墮來容著力蹄筌離
却好存真語君一語君應笑穀自陳陳米自新

再題

深庭寂寂一方床二尺燈檠夜吐光說得還期行
亦得言忘何有象難忘謝安白馬重咨阮向秀元

風獨注莊我舊看經蓄疑義要憑對案細論量

飛鴻閣 瀏陽龜山先生遺跡

江閣何年頽浪沙登臨爲想岸烏紗鳶魚自在閒
游目撫字辛勤偶放衙遺址試尋文發出飛藪擬
構畫欄斜流傳原有南軒記不復新銘換落霞

孫隱山 相傳以孫隱君思邈得名

荷塘詩 卷九

七

湘浦結廬西崦似峩眉物歸有用方書就人爲延
春造化移幾見天仙登紫籙從來上界足曹司

謝賴旭莊貽武夷山志並茶卽送歸崇安

平生千首紀游詩雙屐還猶剩武夷卽目徑教靈
境在有懷難得曉人知湘簾雨夜閒披卷鐵版峯
秋去看棋茗戰官園新焙綠何當一權赴前期

吳秀才炳奎畫

吳生家在武夷間藍本當門九曲灣爲把禿毫和
淡墨妙傳碧水繞丹山探奇夙願憑相慰挂壁遙

神自得閒就請層林雲影外幔亭著我俯區寰

舅氏未陽公輓詞

外家衰已甚又失老成人甲午乙未間外父選
敬夢飛兩先生相繼化叔公以上壽終同族子
書有云者舊湖謝吾熊氏其哀矣感以文章契兼
之骨月親魏我晚就飲磨折久安貧宦跡存遺愛
蒼碑沫水濱

談藝輕時輩疑我狂秋河試一賦快婿得東
床教學交相益敲推務取詳生平真善下大作許
論量

荷塘詩 卷九

八

八法稱熊字中峯楷更精宗風振款苑學步徧時
英工書時推為熊字學者翁然宗之亦仿蘭亭而
家用儀戲謂學步以表字步武也

終思劍術名吳中有靈秀似舅是為甥

黃泉見愛女為說十年餘遺嫁能宜室生兒解讀
書髮妻孺人以丁亥云綴遺女方十二齡今適周
氏出余子孺人所謂沙礫生金游蹤極晉楚遠信
珠出蚌感君舊許置青衣者也

達鴻魚才短惟常俸粗分及戚間

服事老楊斌潛然為愴神前恩重平一數故主半

三秦舅氏辛未陽夢飛令安化楊子安令邵陽楊
南枝令醴陵實相先後使人楊斌誦事之

才愛明公最家藏醉墨真借觀多拜倒僉曰重其
人

與熊涓源論畫

畫格如詩格祇應清老難試從無筆處更作幾層
看沙浦風帆遠霜林夕照寒邀君秋色裏曳杖一
盤桓

陳則亭枉過寓齋

因病會吟止酒詩消閒似似一中之劇談忽得逢
佳客痛飲都忘到醉時藜榻爽移新月下水鄉涼

荷塘詩 卷九

九

入早秋期休嗟老態清臞甚意興還堪倒接巖

和人謝畫

幾時規仿到荆關隨意淋漓尺幅間落墨原知從
大處寫真偶與趁餘閒得心喻手推神解畫角描
頭坐力孱但使經營歸有用試為聚米也成山

疊韻寄答楊璞存刺史

畢竟先生趣不同居官亦祇愛山中常供茗粥時
三椀定課楞嚴日一通自以清狂方賀老人言拘
強似韓公手箋徑丈偏相及讀徹帷燈五夜風

惜奴子關雉

瘦極已無聲輕呼一轉睛睇凝應苦戀眉蹙是哀
鳴藥物盡人事摩挲傷主情誰家好兒女長命祝
來生

容有

病勢忽能減重生容有之從頭斬嗜好著意囑醫
治漸得宵眠穩差堪午坐支丁寧向火伴與報主
人知

彭生映南畫鷺鷺因示之

荷塘詩 卷九

十

離襪白鷺晚風前摩詰詩情欲借傳吹皺冷冷半
池水開殘裊裊數莖蓮寫生有訣神須到著筆無
多象自全老手定從何處看得來意態總天然

蕉溪嶺值遜修返自長沙

秋晴放溜扁舟去返櫂原為十日期翠嶺偶看紅
葉樹藍輿相遇白雲陲為憐急性無如我試數知
心更有誰不遣離居一帳望水程安穩故嫌遲

贈羅生宗彥

吾祖昆弟七父行十三人同居已七世

表閭風和淳

御製賜寒家詩表宅寧
關一家勸所希北戶洽和淳詩書為

家業久得列薦紳空疎如子者薄才亦一伸作令
楚邊邑得士文格醇暗中摸索耳家世誰與陳修
謁子執禮交以道義親父叔登賢書不仕似隱淪
其仲吾年友科名同庚辰二祖十六子高陽兼雙
荀析衣無常主一門藹如春三湘孝友家指屈當
軼倫羅氏後必大子其倡而振期以培風翼扶搖
上高旻衣鉢吾何有問字門屢臻有子十二齡誦
習性尚馴肯許共筆硯芸窻坐蓮茵

荷塘詩 卷九

十一

荆八明府道乾得請

封伯兄求為詩

年友荆龍山少孤撫於兄誨之則師道廿載名以
成

褒封沾 異數報答申私情囁囁一宿儒燦燦章

服榮側聞訟廳後長設小竹屏終日聽判事得失
退共評徑似在家塾曩時嚴課程已看成老吏奉
教猶兢兢妻孥安故園不令撓其清相依官舍間

對床當書棚吾家運使公和友感平生邀

恩及伯氏

紫詰下 彤庭 先伯魏堂公任兩浙驛道時
馳封兄伯西峯公如其官

寄題李五峯百鷺圖

右軍愛羣鷺以字換得之李子書鷺字滿百以自
隨亦云心所愛不覺成此奇我知真好事變態用
意為頗聞如椽筆酒酣墨淋漓一字徑一丈雄偉
有別姿偶或作小楷蠅頭妙毫釐界尺手自畫朱
絲與烏絲時而出荒怪時而循繩規賢者難可測
要自無所欺鷺箋欲附去為余一臨池便請仿黃
庭紙尾鷺亦宜

荷塘詩 卷九

十一

傅藹亭前輩墨竹

樵風溪堂吾屢過為看壁間竹一窠心欲乞取輒
中止主人 遜修少尹詞婉感如何自言愛竹先君子寫
神寫貌知幾多隨手散去為人得并無片紙留行
窩故居山陰巖壑裏移傍碧湘寄薜蘿藏弄鄉中
好事客歸此於我憐搜羅君家有客頗不惡能以
仁心填愛河溪堂之名原自好兼可墨君題四阿
巧窺豪奪足守護示知君意誰搗訶湖州老手世
無有書字人惜非東坡

陳芷問學博飛鴻書屋落成

龜山之閣號飛鴻六百年來舊跡空復古我還須
暇日借名君為仰宗風縱橫圖籍堆床滿豪翰寶
册列座同誰就素屏摹小景圓沙斜月雪蘆叢

芷問約酒熟招飲

怪來投轄每娛賓善釀山齋滿貯春待撥床頭雲
一甕肯教月下影三人饒涎已是經相引野菽無
妨與雜陳寥落狂名緣獵酒為歡自合及佳辰

送劉訥菴孝廉歸衡山

荷塘詩 卷九

十一

一棹溯湘流山看九面秋城依迴鴈塔家有勘書
樓小別亦岑寂重來好唱酬仙翁足相伴丈室集

諸劉 君及族士數人俱出
曠胸礪太史門下

夢疑撫九弟

隨時輒想見夢亦止如常世務殊多擾羈棲各異
方舟橋河曲水砧杵楚天霜不必寒燈雨中宵憶
對床

疊韻再題飛鴻書屋二首

草堂長是記盧鴻跡為人留豈落空還借雲烟供

枕藉却編薜荔作屏風休閒稱意無今古締構觀
圖小異同畫史有草堂圖何擬期仙屬儒者鸞歌鳳舞也
成叢

虛左相延忝上賓先看紫餅截先春元龍自有連
床客張孟原為善頌人孟杓常材從不用盤殮兼
味漫重陳落成記取高秋節日月晶明會大辰

白鶴山人蜀山圖

江烟峽影望迷離樹外朝雲暮雨祠不是蜀山真
未見鄆筒祇少挂鳴夷

荷塘詩 卷九

十四

蕭森一氣入秋期萬疊嶙峋向背奇已得岷峩落
吾手閒中徑補兩川詩

劉時軒太守索書水月秋舫詩走筆奉答即

送之任開化

書來乞詩要自寫飛人遞送抵介馬行色萬里甚
恩恩問君急此何為者卷中題字多巨手一歌深
慙類扣缶大草好之每自譏誰復千金享敝帚手
箋有語妙入神一往作事愛我真即看文字閒游
戲篇篇詩中能有人從來移甲得就乙何翅杜蘅

亂細辛生平雕飾太不足時賢佯許心多真標其
所長見所短母亦託詞出惆欸別後不易聞規箴
含情豈徒惜侶伴按部行過莊蹻路係吏惘悞必
善遇扁舟沅水水程遙游鯉幾時傳尺素

疊韻趣芷問

過盡南飛碣石鴻寒來陡覺酒杯空蕭辰多是晴
還雨良夜其如月與風霹靂釀成嫌太過遠巡說
好料應同借籌採取花枝艷但恐霜枯百草叢
不速當看倉猝寶梨花未是趁餘春流涎笑煞車

荷塘詩 卷九

十五

蓬麴抱甕催教夜換人屣曳階前疑欲倒榻懸庭
際始為陳頽然一醉成吾興似聽重來約隔辰

贈盛拾雲茂才

此生到處有心知分是前緣遇亦奇好共登臨乘
意興儘教文字作娛嬉多疎能解攻吾短善忘去聲
還憑補所遺就裏與君誰迺肯東田宿士古鬚眉
史九

邱翔雲尋梅小照

若有人兮水之涯衝寒踏雪看梅花記余曾繞西

湖問遺跡孤山處士家

竹莊老叟貌清臞自寫梅花高士圖長汀上官周自寫小照余見之黃 莘田處筇杖斜支烏帽下比君一樣白髭鬚

東周翁卜年

畫手入老景幾於能自然隨心得繁簡無事競媮

妍更却丹青助祇憑水墨傳吾將挈茶具來與試

參禪

奇熊漢符表弟

清白遺來是舊聲祇餘京兆慕阡名故交多識稀

荷塘詩 卷九

六

中散大事誰憐石曼卿妻甚羈縲長似結蕭然宦

橐一為傾梨花寒食青郊路攜手他年上冢行

贈段繡男學博永雋常寧人

良時仕宦豈忘情冰署從兼吏隱名偉甚衣冠一

尊宿肩隨弟四先生同時任廣文者四人專經共守家風

舊絕技端難世眼明最服古心吳大尹世賢真識賞西

江文格似南城

東黎選拔文瀾

柴門落葉正紛紛寂寞郊居黎子雲屐笠待隨風

兩去閒階一為破苔紋

贈李雲嶠

自稱曰短李江右一畸人舊作諸侯客奇探寂寞

濱禹碑從做古湘水借垂綸五嶽入雙屐可逢張

白藜

孟公謂幼鴻招客至嶮韻關新詩得共千鍾飲聊為

十日期綺裘憑記取木榻好懸之雪上留鴻爪由

來性不羈

疊東坡新釀桂酒韻招幼鴻

荷塘詩 卷九

七

酒船知幾倍於盆席幕平教借大渾從古醉鄉多

壯語就中好會是窪樽酣歌擬其三冬暖酬答誰

拘一飯恩却笑縣官清儉甚茅柴賒得自前郵備義詩縣官清且儉又曰前村酒可賒

正間乞寫飛鴻書屋圖系以長句

石墻環水竹編門紆迴莎徑花樹繁榕橋過盡茅

堂出會到臺陽鴻指園泉使蔣公允焘領郡時題額也老守載書

連巨舶高秋借寓從披緋茂苑吳生我輩客對棠

雌黃同討論餘事丹青偶印景琴鶴便與寫清影

予有題鄒寶松太守琴鶴照詩別來懷人憶舊游遠望側身天水

永書屋之名適然合前事未覺是幻境欄杆曲裏

一簾櫳插架牙籤幾平聲萬通風前碧玉千篔簹露

下金井雙梧桐主人布置脫常徑不許畫手能為

工點筆聊復記所見踪跡湘東如海東昨者吾詩

固云爾締構觀圖小異同

得陳暎于廣文書

好我遙傳千里思並將蹤跡報心知坡公無簡私

方叔溫造稱才藉退之舊為王惺園少宰客己亥主浙試被落薦之楊澄齋

荷塘詩 卷九

十八

觀察觀中游鯉湘川來不意深杯燕邸記臨岐何時竟

遂西湖約便到高齋看綠猗余有題賦于湘管齋圖詩

陳圭至

遠來約無負竟亦不嫌遲籌畫為長住安排閱幾

時窻燈動風箔山月到霜籬先作通宵語杯殘坐

更移

有客寓比隣謫仙之裔人謂雲明當為折簡見自

許相親浪跡攜山屐行舟艤水濱聞名最傾倒留

待已經旬

懷朱鎮城司馬

滿船書畫海東歸聞說蒼浪兩鬢絲詩格篆文知

共老楚江闕嶠費相思良朋容易團會遠宦分

明匠匪羈何事郎君也留滯丁酉己亥亦秀幾才均未歸里應舉

回惆悵桂花時

小集陳幼鴻倡為詩走筆答之

至友都容折簡呼來隨新旭到寒晡先看洛下書

生詠鴻病鼻痔代寫西園雅集圖真契難逢經倒皮高

談未已再傾壺補成一序題章草蠶紙平鋪點鼠

荷塘詩 卷九

九

鬚

因陳蘭莊寄答余存吾檢討

數篇為讀古文詞會向城南過問之童子磨門客

來左主人上冢夜歸遲披帷袁粲終當見並世真

長亦竟知憑仗一言諧定約春風座上好談詩

荷塘詩集卷十

涇陽張五典敘百

送李雲嶠

風袂翩翩首重迴山船欸乃一聲開雲披夢澤閒
垂釣雙鯉靈文好寄來

十五弟聚輝至

別來身八尺樓指十年餘此表寧虛有所憐輕廢
書郎思釋之主意薄少游車開卷乘閒暇人誰議

荷塘詩 卷十

術疎

疊韻送守坡公歸高密

隨風歸去麓臺東喬木鄉鄰舊鄭公雲壑筇枝尋
窈窕石林山徑闢玲瓏有懷空喻膠投漆取別真
成燕送鴻向後發言誰見賞罷談拚作囁嚅翁

曉過陶庄

一林霜葉響蕭蕭霞影輕紅散碧霄破廟牆邊供
老樹急灘石上架鼓橋人烟僻地風長樸山澤豐
年土盡饒戶有書聲村巷靜負喧童叟看消搖

竹穎卷

疑剪雲柄一角來禪扇扣自綠陰開野烟輕散初
晴日山屐斜穿小徑苔生傍清湖隨處是名專淨
域有因哉道人笑指東軒下遊土春宵動法雷
答宜興儲上舍祝會

古文無識者鐵筆準心為卿法盡成法字奇如骨
奇名家推海內士氣本天資杜撰能宜眾孤行好
自持

周芝挺進士寄試帖并近作數種

荷塘詩 卷十

雪天鴻影遠江邊拾得緘膝擘綵履老手從翻新
曲令座師已值舊同年惟園少宰若書閉戶三千
牘補水沿村二頃田率領兒孫酌春酒弟昆班袖
兩福襪

贈李生觀泰

書閣長存七字中淳熙題自紫陽翁涇陽志載子
朱子題李氏
遺經問詩知君幾葉之雲耳插架牙籤有萬通
閉門攻誦有餘師前路還應過者知要步康莊日
千里先憑老馬辨多岐

吳劍仙畫品卓崇仁人

雪紙古香書一通著者畫苑延陵翁四六駢儷說
六法精理秘訣相始終新裁獨出誰與偶廿四詩
品唐司空筆墨自然具士氣丹青俗豈江南工吾
聞學書不就劍可擊學畫難成塑為功人也劍仙
兼畫史其品品之足上中

寄涇陽葛巽軒大尹晨餘杭人

遊戲人間葛稚川見身為令事仍仙攜將靈藥千
金種精於醫散作名花百里妍鄭白渠流通故道瀛

荷塘詩 卷十

三

洲士子出新編疏谷口渠與瀛洲講院長官重比霜空月茅

屋間談積火邊邑宰路公振飛冬夜徒步巡城至北門僻巷聞婦女聲出自顏垣一

日門外好月明一曰好北路官人翌日訪知為線氏母女語也

次朱子李氏遺經閣韻二首

生兒肯任作常兒瀟灑書帷永晝垂清課使知寒

士苦勞勞負笈遠尋師

屢世傳來數椽屋聚書費盡一生心子多各授專

經得欲笑裝分陸賈金

寄東安賈五明府構洛川人

紅梅樹大有僵枝手剪摧枯向綠幄加以滋培乘
暇日果然璀璨及花時今冬雪少應何似遠望情
牽為問之琴譜翻來添幾調輕郵並寄故人知

問津寺

雪溪一曲在山門竹樹森疎夾石垣課誦禪僧勤
稽首趺坐佛祖寂無言阿誰了了通名理况我昏
昏具鈍根薄暮層臺從倚望歸鴉幾點識前邨

贈劉上舍成佑

劉氏學生好兄弟同游京雒一歸來深憐丙舍違

荷塘詩 卷十

四

三載舊種青松有萬栽鼓柅閒從武陵口問詩遠

過太湖山隈憑將絮語知心事每羨乘風老萬回

與十九弟重絲論畫

為數吾鄉賞鑑家平陽老守眼無花琅函高似臣

輝閣題字一般如畫沙劉刺史儀恕琅函閣任運使璣臣輝閣並多收藏劉

氏鑑別尤審二公皆工書多有手跋在也

諸劉都有父風存三人詞垣好弟昆舟夜連床江

上雨清臞燈下對琴樽平陽五子三與館選風雨聯床圖西谷鄴侯兩太史

寫自京口

詔許將軍解甲迴年高白盡舊于懸間中斗覺身

強健匹馬山南射虎來胡大都督宏茂有射虎圖

一枝渴筆草齋翁皴法粗疎遠勢工省識歸舟天

際下樹根人立向長風梁時元號草齋長于山水載邑志外家有秋江曉望

橫幅蓋其晚年得意之筆也

壺山聲價重揚州尺幅千金不易求薛碣鴻文白

渠記二王書格舊雙鈞張中翰恂嘗寓維揚畫重一時人稱壺山而不名白

渠記出其手筆碑在吾東關路公祠側

藉甚涇陽李念慈才名早歲動京師人留谷日

荷塘詩 卷十

五

山房集畫入漁洋五字詩王文簡題肥瞻進士畫有云君家涇水陽終南

在當面紫閣與皇陵宛向圖中見

筆致劉郎本性真溪山雖淺淨無塵十年壁面藍

田叔從不空庭問主人趙氏有藍瑛山水幀子劉同巷源獨往觀之日以為

常

過眼江干雪霽圖長嗟好景失難摹並教移得名

山去短棹寒溪影太孤印周先生得有丞墨蹟於管西維氏為有力者奪去

屢形嘆息身後聞所藏宣和名山圖亦易主矣壁間山陰雪棹小幅張孝廉郊舊為臨寫者也

模糊愛仿米家山瘞筆題銘鬢已班淡赭輕青還

惜墨曉村張孝廉天德別號小景水雲間

長夏風窻四面開仿山亭子碧林隈常丈維祺別號仿山主人

石床曬晾閒箱篋招客嘗茶看畫來

儲松巖為家君寫毫蓋圖賦謝

至友相關及吾老詩人善頌託丹青能將愛日知

私悃故為含毫祝大齡論合珍藏重錦帙報之蘇

酒一銀瓶宜春帖子書新就好得齊張上彩屏

得宋賓門同門書兼聞衣菴夫子消息本敬相潭

荷塘詩 卷十

六

前聞上考注陽城鑒朗遙憐晉水清自顧孤鴻離

舊隊有煩雙鯉寄深情文高鄉國傳凡例誼重交

游出悃誠汶口歸裝獨料理似君不負是門生

和淳書舍詩 并序

御製賜寒家詩有曰表宅寧關一家勸所希比戶

洽和淳先世父敬取二字懸榜書屋所以體

聖訓而申教於子弟也二十年來羣季肄習其中

怡怡無閒言已亥冬十九弟名佩至瀏陽宮

舍住七旬餘無日不念及諸兄弟將西歸因

書一律

友恭堂先會祖贈
公名之也右讀書堂義取和淳本

賜章暫別已看深作念羈懷又送遠還鄉盥梳清

曉衣同桁風雨中宵被共牀華萼一編期早輯好

惡來鴈倚沉湘

戲贈周卜年

八十三翁夜會客茗戰三更再移席客不勝飲強

辭歸送之苔院曳雙屐立談大笑忽絕倒扶起白

袍染寒碧凌晨問訊窺紙窻脫袍就勢作松石

荷塘詩 卷十

七

訓楊雲亭山長送別因簡余存吾劉書臺雲

房三翰林

握手江干作小留郵籤催去五溪舟即時雲散麓

山曲經月榻懸劉水頭春初訂主
清劉講院我輩交情曷新

舊人生良會費圖謀談詩且宿城南約並借迴聲

到二劉

橋洲

千頭一掬取療貧此外蕭然老病身夫主休言空

宦橐兒曹定與卜芳鄰誤師蜀相栽桑意誰比荆

州問絹人最憫豪華諸貴介滿篋金盡負霜薪

明龍陽縣尉青公墓諱文勝蜀人明洪武中
邑通賦巨萬公為請闕

請幣疏凡三上自經登聞鼓下得命使按
實蜀免僕人以尸還葬於此邑志存疏稿
僅五十
一字耳

積逋無算通流亡大吏沉吟怯上章一命拚將生

萬戶瓦棺合得葬桐鄉心憐遺疏零星在手撫殘

碑野水傍懸鼓登聞嘉肺石却懸尸諫悟高皇

善卷祠

憂絕在山上有虞高隱祠名原比巢許賢豈過臯

荷塘詩 卷十

八

夔攝展登無暇停橈望及之青青蘿薜影朝日動

風枝

朗江雜詩

三間巷口水亭高競渡年年集萬艘日暮招魂過

狂渚竹枝幽怨衍離騷

縞素深憐大義聞項羽試義帝武陵人稿
素而哭高祖聞而義之郡人竟

似漢三軍羽亡誰作吞聲哭料有生平一鄭君

毳幕韋韞天四垂雪山臺圯失殘基何人高築青

陵館合是騷壇為賞詩

老矜矍鑠病摧鋒穿石炎荒有舊蹤身後平蠻歸
謁者陽山偏遣祀梁松

流水桃花失故溪鹿山休更覓丹梯分明妙境輕
拋棄漁獵人原自取迷

望闕凄然繫遠思東楹題字一行垂丹砂何有居
人井平仲泉甘無盡時

辰州詠古

高辛有弱息存信嫁繁瓠兒女六人偶滋生三載
踰計時都已渺徵史漫言無未著岐周號將軍早

荷塘詩 卷十

九

姓吳

田強守故印臣莽豈人雄十子羣會長三城一水
東於心知漢臘入島似家風料得尋常字無奇止

識忠

藉甚宜城馬最良推白眉渡瀘幾比績落鳳乃同
悲會領安長綬獠亭仆大旗東征不可制馬良諫先注不

納 孝直繫人思

廣殿沉香飾好容龍角冠溪州歸化速后土誓詞
殫器使資文武李宏舉劉勅方隅得又安家承新息法

銅柱亦難刊

熙寧章子厚夜築受降城經畧才堪用蠻夷患以
平奇功必已出陰忌乃心生富峽先招納張翹議

獨行

陽明講學地並祀薛文清良使真鹽鐵鴻儒薄利

御史薛瑄監鹽探礦奏免沅陵諸縣楚金到處
名興學王守仁謫龍塲過辰留月餘與士夫講良
知嘗曰為利為名澄杖藜投遠驛持斧到荒城小
獨雖分利心則一也

酉藏書盡微言與後生

張恩髯示項元汴畫竹

荷塘詩 卷十

十

畫家畫竹舊稱難尤難一石一枝單天籟閣中數
點墨此君孤立風影寒我有橫卷為傳神手蹟遺

自湘道人趙備紫密如入篔簹谷又疑千畝清渭濱

隨手縱橫自娟好用筆正不爭多少無由再質竹

坵翁髯聽吾言看絕倒

沅州詠古

上皇西內閉力士徙巫州一面辭誰許盈眶淚自
收生平合顯戮竄逐中陰謀薺菜蠻溪畔微吟寄

旅愁

樓址問芙蓉江行雨氣濃詩傳唐尉謫地隔楚山
重將母終遺恨還鄉竟遘兇零陵子柳子文采並
留蹤

王達得國士立下澈州蠻族託靈蒲後金藏古洞
問危言攝驕倭僭號削茅菅銅鼓輸誠獻黔中制
節頒

會聞彭士愬遁入獎州山攻以楚人炬降隨溪洞
蠻移封便地好歌凱大兵還恭順科徭免王言感
衆頑見銅柱記

荷塘詩 卷十

十一

碧血養江神宸濠禍守臣失機偏觸忌授命自成
仁骨化香流遠阡空酌競陳魯公仙去後無字寄
家人

東林滿太僕作令著風規稅闕摧驕氣秦人繫去
思園扉龜鶴兆謹論啟正時書室蓮花院鹽齏舊
在斯

示安奴

百丈徐行春晝妍風濤畢竟為心牽孺人日課郎
君讀去就書聲認畫船

謝湯玉枚贈筆

昔我游錢唐筆工訪幾徧一叟得程洛居鄰智果
院疑是奕之裔程奕宋人所製頗稱善千管耗年深苦
覓難中選君家茗書間柔柔生青荷食葉壓耳羊

毛潔如霜霞偶然戲剪梳縛以湖絲線嵌束最堅
牢溪邊芟竹箭大者供擘策細以備黠竄各為分
一床暴富覺豪擅勢挾風雨快眼看蛟螭纏比君
毛遂才處囊穎自見昨來汪少尹龍尾貽歛視數
升磨隴廉縱橫誰辭勸毫秃宜粗皴取掃鷺溪絹
或與滌清泚金乳畫杭扇

荷塘詩 卷十

十一

書吳信翁集句瀟湘八景詩冊

都邑隨處分八景紛紛描畫題新詩一日見為繁
珠璧虔州圖上說解頤豈知小米與宋廸瀟湘通
真親見之若使僂耳北歸過湘表不信坡老詩仍
儼侗為松花莽主性好古高臺走訪江之汨嘉祐
故蹟摧風雨銘換孤鶩同星移巖壑光景都無恙
登臨神與古人期眼前常語不當意好句還摘古
人詞猶如雅集限用柏梁體已往諸客吟魂俱攝

道人各五言七言遞相次我爲把筆錄寫入烏絲
舊穀春來出新米臭腐著手翻神奇格律冊首務
盡態懶祭不假書鱗差鄉衍所談相如賦言雖千
萬源無岐笑謝韓杜誰假借明月自滿千家墀

景星禪院小集因呈傳上人

老僧如病鶴迎客步蹒跚
懶捉飛談塵從教別室
餐奕棋隨手著畫壁稱心看暢盡
酣呼興心知戒律寬

海嶽石爲熊希園郡丞賦

荷塘詩 卷十

三

一石皴瘦形玲瓏漁父拾自江灘東手攜武昌城
邊過市衆圍看環堵同有客趨步獨逼視肅然揖
拜羣笑吐牽挽簑衣指黃鶴山前去覓大王公蓬心
馬借錢竟買斷竹扉閉秋風淨洗泥斑別層鮮芳
茵薦藉呼奚童四鐫兩字辨海岳分明題識從顛
翁此物舊供書畫舫何年深墮蛟龍宮邂逅得來
緣分好摩挲栩栩生眉叢與劇便約背寫照猶如
掌中互証中須臾几上三峯出向夜貫月看長虹
酒酣大草記時日合併歸客藏箱籠畫取挂壁石

取玩到處位置護綺藻石耶畫耶欲分一巧偷強
奪難爲功但借禿毫筆摹之也能工圖成研硃更
搨字墨光浮黛篆文紅

瀛洲送別圖

明姜立綱爲李西涯作并有詩

成化編脩李賓之人以公輔矜相推經綸密勿應
須子原送行期早還形墀卒隨闈奴執政柄劉謝
隱恨非我儀供客紙墨易魚菜此官豈有利而爲
元老許國心委曲一時善類蒙扶持王孫當歸不
歸去湘江草綠啼子規中書伴食日復日門前嘲

荷塘詩 卷十

丙

謔知其誰忽憶空同下獄時對山救我詞甚危修
謁肯爲良友惜先生來是何風吹坦然獨弔張常
侍太邱道廣招羣疑上有三老下三討還問弟子
何如師

吳信翁將之荊州以移家見屬用韻送行卽

寬其意

徑去休迴顧圖書寄敝齋披緇消永晝曝曬散空
堦鼓枻聞成詠登樓好放懷合歡霜橘熟八口會
無乖

題畫與菊兒

畫理原能解終於六法疎閒從叅篆籀笑比注蟲
魚香几芸窻曉風簾竹屋虛憑看靜心眼共我舊
鈔書

贈吳上舍遜伯

落筆近天然君其以畫傳郊扉掩閒日古法仿終
年曠遠倪高士清蒼沈石田覺誰真識賞留空
待詩篇

與葉二楓

荷塘詩 卷十

五

解組囊如洗淹留爲夙逋齋錢來父老飛彈止
與二楓罷官後尚有中傷者石瘦江灘出天寒歲序徂春帆歸
夢穩夜雨到南湖

熊四表弟海觀至

如何倚門母遠道任孤征歲晚雪霜重家貧離別
輕襟期見蕭散談吐喜聰明手澤存行笥攜看共
短檠

讀外大父遺稿感賦

熊公諱法祖字少華後學盛永璵填

開卷喜還悲阿翁之所遺就中能省記從小許翻

披評跋有諸老鉛黃更幾時古香流紫几似倚舊
書帷

感憶傅二遜修

失友亦多矣念君長慨然夢驚魂易去恨結誅難
傳野水漂谿屋寒花繞墓田婦門畧遣問生事逼
殘年

飲張悅亭同年官舍

招客獨遺我徑爲乘興來公然據高座無數倒深
盃月入虛簷樹風飄小檻梅重呼添樺燭嘶騎漫

荷塘詩 卷十

六

相催

偶爲夏山驟雨圖系以絕句

山游曾到玉屏西貌出灰堆望轉迷畫格不勞君
過疑行書或似米顛題

得九弟臯蘭書

樹覆苔垣水滿渠五泉山下客移居攜兒團坐秋
窻雨梨棗堆盤課夜書

送鳳翔杜通守使昆明

泰南昌人

秦關循吏推君最楚水征帆爲我留引坐月移青

蘇榻對談茗盡白裘
職賢勞從古有奔走
迨邇束裝齋葛裘菊酒
天風五華頂應誇奇
絕是茲游

送杜其年徙思南舊令 福清

呼嚨瘦貌髮飄蕭作
語糶糊齒半凋遂客
何期逢杜位夜郎更
遠過龍標懸崖錦樹
秋霜染籠水蠻烟午
霽銷行李堆船餘亂
帙南臺隔歲發江橋

羅遠人嶽麓紅樹圖存理臨 桂人

浙瀝秋聲大壑聞閒
將輕屐踏層雲偶逢
仙老談終日謂山長江西 熊浣青太史 皴法都成猶篆文

荷塘詩 卷十 七

輸爾烟霞點筆收林
臯亦自愛清幽載書
憶借僧房讀千樹烏
裊谷口秋

寧鄉訪陳壽田官舍不值

湘表交游多樂事吾
曹契分在清歡水軒
度曲華筵敞庚子夏五潭州與龔七華 陸馬二在田連日酬飲 夜雪論文繡幕寒
秋槎觀察幕府在紀 久欲招尋通笑語徑呼稚幼具
盤餐棹迴幽興須終
愜閣外梅花約共看

觀友人海船圖

曾放鸞門畫鷁舟
颺風吹泊大琉球
迴帆臺陽及

晴曉赤勒城北登高樓
下俯重洋一清鏡數點
黑子疑浮漚須臾潮擁
入沙線巨舶銜尾停渡
頭紅佛桑花照蓼岸綠
珊瑚樹開沙洲憑欄兩
眼眩不定髣髴蜃市沿
之罟絕境一失過十稔
汗漫無能續舊游脉脉
遙情誰覺得烟濤許我
從追求居然萬里在尺
咫屏山勢隘元丹邱要
乞仙翁置竹葉翻身跳
上乘飛流平旦戲隨白
鷗鳥閒夜釣垂明月鈞

孫雪居臨趙仲穆圖米氏淮山一品石

荷塘詩 卷十 六

生平愛石每畫石見此
訝然疑假託竟體玲瓏
極幻巧世間安得神工
鑿細字分明認題識漢
陽述古非創作舊物流
傳寶晉齋雅也手撫恣
槃礴淡墨鈎取如篆文
屏絕青綠謝丹雘縮本
收來止尺許凸凹無數
藏邱壑遊戲原自歸經
營規仿何曾受拘縛霉
黧塵污繪欲裂就裏精
光猶炳若研山圖已隨
飛烟空教好事惜零落
誰與護持獨好在縱有
六丁不敢攫借臨五日
當可就攜之鍵戶雄湘
閣舉頭衝嶽豁晴雲七
十二峯森岸嶸

桃花源圖二首 王蓬心爲常德何曲誠太守寫

漁郎擢返太元天絕境祇平聲憑郡守傳爭料會心

千里在春山山外盡春烟商邱宋氏藏趙伯駒畫桃源圖作一漁人捨舟

入河口餘則烟雲縹緲耳

當代詞人朱幼芝欸門好爲索題詩老來籀篆尤

清古穀穀平看棗木碑

荷塘詩 卷十

十九

荷塘詩集卷十一

涇陽張五典敘百

武陵訪朱幼芝里居二首

好客只如舊所憐迎送難病須空禮數留與小盤

桓逸句吟莘老謂黃莘田清茶淪建安猶疑琴閣上霽

雪坐憑欄乙酉臘月候官縣齋

海天牽別思近况喜從聞曲就飲三爵兒扶書八

分圃移源口樹簷宿鹿山雲江路熟來往停橈必

荷塘詩 卷十一

問君

青耶山伏波祠三十二韻

繪像滿南宮從遺雙鑠翁英聲留漢代私祭動蠻

中入望層臺迥穿雲曲磴通後生鄉孔邇下拜感

何窮器大成時晚炎興佐運鴻餘分占蜀隴長轂

聽靈籟客識真王度名高跨海功南將平嶺嶠北

早定羌戎肯許金城隈端令越律巧借籌山聚米

莫宇柱標銅白首仍慷慨朱方正蘊隆漳江懸滾

滾石窟鑿控控力疾堅持久連呼困仰攻中郎傳

紫詔謁者授彤弓，裴革言猶在。登壇志未終，臨鄉張寇餒。晚縣邁妖烽，猝遇施迎擊。犀黎失怨恫，甲兵聊小試。却攘已膚公，橫笛村巫奏。芳椒販估同，諸峰堆眼底。飛鳥拂林叢，位置雕床峻。鬚眉爽氣充，由來天下士。卓絕萬夫雄，問里恂恂善。邊疆耿耿忠，齊詩嗤末學。錢鹵苦羣蒙，女若昭陽化。兒羞畫虎工，犀珠舒貝錦。霧濛斷芎藭，心故知朱勃。神教歎呂种，避新甘晦跡。謫隗灰初，衷勲業歸前輩。遭逢幸薄躬，猿馴咍垓熟。鯨息島烟空，序順多韶。

荷塘詩 卷二

二

景裝輕稱短篷道，遙自欷憤吟嘯五溪風。

點蒼石筆山歌 并叙

筆山長二寸六分，高寸四分，巖壑無數為裴。

筠岡上舍物席間示客，熊勵亭郡丞浸以酒。

其凹處愈皎澈，居然深谷冰雪愛不釋手，輒許贈余奪之不得，隨以端硯為貺，欲令相易。

勵亭袖藏不復肯出，聊爾走筆。

溪州司馬有石癖，午橋居士心如石。談笑平移小，山去主人慷慨譁。羣客窺我眼，饒加四筵分與老。

坑蕉葉白試墨，便彷彿研山記。留待寫圖重刻畫，岡聯嶺複坡陀平。古苔斑駁蘚花碧，晴旭照徹烟霧空。洞壑陰森殘雪積，嵩華真形大段具。蓬萊左股何時拆，欲比百丈磨崖字。細楷縮歸方寸册，海嶽雲峯高突兀。勵亭有此石，余詩所謂一石皺瘦形玲瓏者也。卽此足教爭氣魄，郡齋鬚几嵌螺鈿。位置左右合雙璧，停杯却問傷廉不。十千價鄙珊瑚格，橫襟日坐當玉山。何者仇池矜護惜。

寄題華州王志活園居四首

荷塘詩 卷二

三

好鳥出春谷，啼上門前柳。不用費提攜，雙柑酒一斗。聞鶯館

月下送酒客，酒渴起殘夜。扳取如船藕，心飛上太華。醉月池

三折松下徑，百本籬邊菊。次第和陶詩，同吟有同叔。謂峭石

長卷讀屢過，青熒燈焰小。折竹茅簷外，鳴雞霜樹杪。映雪廳

彭園陟岵圖

時迎養至長沙

飛雲平遠目迴首戀高堂胡不安環堵人生志四方
方行依杲之幕分占伯符庄謂王業並借輕輿去
花間酒一觴

蘇橋卜築圖王蓬心爲紀秋槎觀察寫

昔我游宋州遠郭問西陂初到似屢經熟習諸老
詩紀侯仕漢上鄉園繫夢思編禮遙領地規以營
茅茨 國恩崇其官任重難顧私乞得朝川筆欲
疑空爾爲君子秉素心出處理莫移翛然無所與
澄淡是夙期舊登伯牙臺新看北海碑孤筇兩輕
屐僚吏未遣知偶許雲霞侶屬和白雪辭更請本
經術猷爲副良時懸車待成功引去未云遲卷帙
挿連屋花藥栽滿籬門徑通略約楊柳鬱參差某
邱與某水弋釣恣娛嬉九十九淀間安車施巾帷
頭銜奉朝請歲時賀玉墀當如魚麥堂

御題墨淋漓

龍津橋成 并引

沅州城南跨江爲木橋路通黔滇燬久矣余
修之視舊製有加高三丈長五十餘丈濶四

荷塘詩 卷上

四

丈覆以瓦屋置守橋者兩戶云
穩放舫船撥畫橈荆揚天永水程遙回頭記取分
明數三楚西南第一橋

六朝松歌

麓山盤磴穿杉楓層層竹木圍花宮白鶴泉邊老
松樹中天拖尾垂蒼龍鬣髯森張勢掀舞鱗甲攢
簇文玲瓏珠顆粲粲抱晴旭濤音颯颯含江風老
僧拄杖爲指畫古時雙幹離兩弓元冬驚颺遂雪
霰盪摩角鬪爭長雄顛仆流響徹幽壑崢嶸獨立
排高空我聞莊嚴有二寺游屐歷數唐人踪虛殿
巋然並可料劫塵變幻誰能窮試看櫺龕積苔蘚
佛身蝸涎蛛網封僧乎有心復舊觀檀越奔赴湘
西東此松曾見全盛日會教重占金碧叢飛凡作
碑招北海橫根巨石供磨礪

白鶴泉

碧湘門外白沙水負擔入城婁人子汲江往往亂
僞真土俗狡獪祇如此流泉接竹曲通厨盞飯淘
沙充一盂欲語僧難日往遺多防不置南山符

荷塘詩 卷上

五

賈爾肯同年撫琴照

先生日學道靜寄在檄絃石塢秋溪外蒲團古木
邊墮巢供煮茗淺漲足通船許我閒相就無言坐
嗒然

送袁松臯同年秩滿入覲移任蘄水二首

純德太和人

政書三考調 楓宸在楚聲歌似在秦初治米脂繼任祁陽

京洛故人須土物浯溪搦本墨光新

江上離觴醉碧筒便看帆影入遙空鉅公謂姚雪門廉使

荷塘詩 卷十一

六

不假臨岐贈信及傳家扇底風

贈李丹山鳳別號問學人涇縣諸生

李生問學人書體沂魚鳥紙墨易消失寄心鐵筆

矯行篋何所有碑礪玉瑪瑙組系各殊狀羊馬龜

螭麈座客談笑間作篆本腹葉短長極參差結構

無纖巧往昔遊上都雙石分禪老介庵上人用久剗欲

盡漫漶仍藏寶譬諸鴻踏沙風掠餘半爪試教重

剔搜補綴得完好妙絕覆碁手陋彼志里表嶽麓

伯禹碑嶧山東土棗相約向峒巉齋糧事幽討璽

楮覓千枚松烟經萬擣引路逐馴猿崢嶸出林杪

次韻為王志滌題寒林圖

少華山根蓮勺邊知君長憶故鄉天試呼畫手憑

為爾坐覺清風便灑然極目遙情終未畢遠心隨

地盡成偏借來雲壑寒朱夏午失齋牕一枕眠

答羅浣雲尚崎寧都人令新化

君文逼三魏檢束覺余疎步履來何數挑燈夜欲

除月枝禽拍拍風隔竹舒舒未盡幽談興鈔應付

小笥

荷塘詩 卷十一

七

懷人詩十二首

周晴嵐孝廉澗海寧人別於臺灣嗣入都將訪余太原聞解組遂南歸

屢游杭州幕府輒辭去湖表多浙中士夫數問無面識者

行笈藏君海上詩和將畫卷贈臨岐人傳被酒游

燕市興阻看碑向晉祠三徑荒蕪疎作計十離觸

忤嬾通辭老來蹤跡誰從識肯受山靈一字移

陳映千司訓焯烏程人近寄湘管聯吟第三刻至

水村次第寫新圖題句料量定滿厨之子後來矜

格調奇蹤笑欲散江湖綠坡寂歷重茅屋盡日酣

呼數酒徒為奇相思分法供梅花菴主墨模糊

吳信辰太守

鎮狄道人自沅州罷歸云將服每作遠遊計逆回蘇冊三

為寇間率鄉勇守埤者兼旬

遺得瀟湘集句詩流傳唱徧郢中兒論年亦合還

初服仗義猶聞挈大旗婚嫁即今應畢事刀圭何

日竟忘饑果教揮扇能飛渡問舊先從楚水湄

羅中峯太守

宏漳公安人臨安為婦翁總戎吳公萬年舊領鎮地

鄉賢文格近熊劉篋底深藏肯漫投見說名卿真

識賞謂王蘭圃學使已教多士為傳流春郊雨過蠻天外

荷塘詩 卷十一

八

閒戍耕連汧海頭遺蹟廣平憑作傳韜鈴一本類

川侯

黃蘊采同年

孝樸深陽人

不見生平黃叔度湖波千里接湘沅曉來思為傳

魚素瀨上人原住水村壘果浸茶冰碗淨寒花浥

露膽瓶繁臨臆試檢題襟句把誦依然作款言

宮守坡郡丞

去矜高密人

歸休更號信天翁瘦骨高撐鶴故同老去息心誰

角逐病餘顧影自疑氈青衫色褪嗟無副白雪吟

孤聽未終昨到江頭相送處記扶殘醉上烏篷

曠叟太史

本衡山人時游山左

麓山山月向人圓移坐叢蕉峭石邊奇字問來能

定字癯仙識得亦頑仙臘殘遠棹三江雪嶽頂憑

看九點烟試數古來誰比並青原講學湛甘泉

荆健行郡丞

道乾臨晉人由善化遷寧夏舍弟疑撫容舉蘭為附書

每過飼鶴調琴地

別開飼鶴調琴地自有光風響月天吾友彭雲軒司馬題聯也

挽坐層軒笑口開香篆燈花通絮語藕絲荀脯脩

螺盃打水待酌三渠水停楫留題八景臺記取五

荷塘詩 卷十一

九

泉山下路寓園蓬戶一敲推

家衡玉監司

鈞西鄉人任貴東去夏母恭人歿

古州江路下巫州卧病黔南又過秋柴瘠好教調

藥餌慈靈應早望松楸千重雲疊裏斜棧一綫烟

寒沔漢流羈宦星沙驚暮節東芻若為致歸舟

葉湘佩郡丞

蘭榆林人於余為同庚同年友由中書山佐安慶近聞攝

寧國郡事

從君燕邸醉樂礪濃點粗皴尺幅間此日携來北

樓上對看何似敬亭山研材品略鸚之眼墨笏囊

裁豹子斑試數流年各著草端為老友寄江關

羅遠人布衣 存理臨桂人
工畫并篆刻

畫師不必苦耽吟自有詩人一片心
篔簹漁舟殘雪岸
屐筇山徑晚楓林
禿毫點拂天機到古法
徵搜士氣深最憶僧寮移棐几
晴攤印譜酒同斟

廣麓上人 庚子春見於長
沙旋歸江寧

破門大草挂東壁對客臨摹呵硯冰
乍見征鴻起湘浦
便携拄杖過鍾陵
別來藏弄一叅偈
昨夜郡齋重剔燈
裝潢會須憑好手
故人已贈鶴紋綾

荷塘詩 卷十一 十

書蓬心太守雜蒔畫卷

閒憑松石見風標
象外還成立
雪蕉題識離奇私
印疊許誰補字上生綃

太原舊譜朝川人自號漁洋別有因
蓬心嘗任宜昌郡漁洋丞
便得相從問詩格可堪容冶說風神
木天禁語右丞詩典重深
謂詩須於新城派做工夫故及之

過蔡布衣興組

江寺松陰雪擁門
曉煙如織凍雲屯
乾皴樹石霜
縑滑破硯烘呵蔡墨村

太白扶醉圖

誰起謫仙之酒樓
壁間合寫舊風流
高將軍並憑
驅使供奉班中作
戲游勝侶金龜為
留珮殘春紫綺尚披
裘畫師妙解如一作通
吾意不與丹元問所
收

送楊璞存歸寧都

茶州刺史壽而康
松徑林田都未荒
大男持家諸季讀
殘書收取舊懷麓
夜來看月醉楠瘦
招人五老夢中影
金精一十二峯春
繞屋花穠村巷靜

荷塘詩 卷十一 十一

安南國使阮瑄見余詩冊於管領平樂郡司

馬朱節軒處輒乞之司馬靳弗予可稱得

體因簡二首

聚書萬卷自披吟
漫體流傳也賞音
好為收藏歸篋行
詩名無意播雞林

琴囊剪取舊弓衣
沙噴蛟龍萬里飛
文教於今

漸屬國外交臣自慎幾微

漢雙魚洗歌 并叙

友人陳珠泉得舊銅雙魚洗於潭州携以示

余因考虞荔鼎錄章武三年作鼎與魯王文
曰富貴昌宜侯王非洗也珠泉稱近時張文
魚金石契錄政和初饒州得雙魚洗一銘六
字與魯王鼎合謂當年鑄鼎既著斯銘凡他
器物亦悉以銘之審定為蜀漢物非道文魚
好古不妄乞作歌適家竹泉至笑曰又賦黃
州赤壁矣時乾隆癸卯仲春六日也

蜀吳約界湘西東金石舊物遺舊封未水雙碣相
臣蹟制器歷劫沙塵中滄江月夜吐光怪望氣恍

荷塘詩 卷十一

十一

惚汾陰同老漁泗沒直到底手觸鏗然疑拂鐘撒
波擎出比槃大周遭色雜青綠紅何者雲雷莽綠
繞目不丁識看成蟲就裏凸文愛雙鯉貯酒瓦盆
便承並充陳髯買魚隨致得虞氏殘書藏厥胸誇
張巧餌假賤直古錄試余志幾通為寫篆楷十二
字孳掌示中撫掌哄是耶非耶閱魏晉三分感歎
爭蛟龍長沙零桂互得失韓元郝普更平始終鼓
鐔鐸甌弩戈戟一般漂散菰蘆叢至竟畏趙渡士
載不獨飛艤搖阿蒙魯藩賢何如北地珊瑚寶玦

知誰逢禁庭分賜昭傳守率族齋醴殊匆匆栝櫟
白屋存雲耳那堪玉几金牀空好憑年號粵稽漢
章武休論柏梁臺上拆取承露之赤銅

與王秋丞孝廉士華華州人

少壯結吟伴青門舊酒鱸比來成邂逅各已染髭
鬚分自膠投漆啗空米擲珠玉堂說嚴麗似許入
懸壺精合

王蓬心同年瀟湘詩畫冊

江上屢登八景臺心摹清景嗟吾才零陵老守醉

荷塘詩 卷十一

十一

濡筆趁意揮寫頃時畢字有畫法詩無藁四座動
色舌俱橋傳看爭是誇風神要知大樸乃真巧又
一村中杉竹青會稽行草留深庭梁階平可農舊書八景詩惜
無仙耶宋復古重補畫圖張素屏邇來上公繼高
唱謂制府長白舒尚書宣紙收藏徑三丈諸客展對縮好手
解衣潑墨任豪放便合就此作粉本山勢雲光拓
更遠安排強韻和歌詞共倚沉酣舞偃蹇

送紀秋槎觀察歸文安

卜築蘇橋計已成版輿歸路看花行斜陽渡口學

春柳連夕樽前坐月明漢水遙迎湘水入初衣便
著彩衣輕懸知迴首關懷處江上平添又一城觀

別漢陽郡詩江花江鳥總
關情欲去還登江上城

分韵難邀客為文藉示兒風床朝沐後雨坐夜燈

時識解看新長提攜不暫離答君聊破戒平日愛

吾詩

招陳仰山張竹泉

寓舍紆三徑惟應二仲來新茶收白甄宿雨過黃

荷塘詩 卷十一

十四

梅把臂閒期到論文短帙開無嫌屐齒滑手為掃

莓苔

仰山竹泉偕李蓮渠至李作別赴益陽

未是不速客三人過所望急裝看小異孤棹趁斜

陽禮數無迎送情懷欲淡忘經翻老桑苧細與辨

旗槍

沅州過張悅亭同年學齋孫金堅司訓攜酒

至

再至便成客高齋步履來寒宵談可徹明日權須

迴雨洗姬娟竹烟籠的礫梅西鄰清嘯侶為挈隔
年辭

留別李五仕義二首慶陽人任
涼傘巡檢

谷口前頭有敝廬山通北地路緣渠作堤捍水知

吾計一遣家書一寓書余於芷江築石堤八十餘
丈實與謀始許尉善照助

成之許為歙縣
人引疾歸矣

老尉旌陽之後裔拂衣雲海寄孤棲向禽爾我前

期在一笑終携過碧溪

道士彭紀銘贈自省墨竹

荷塘詩 卷十一

十五

巫州釋子多寫竹宗風自有梅花衲遺墨搜來祇

屨鼎還如官本矜摹搦三年歸櫂理江頭黃冠走

送青莎洲風袖獵獵古香透霜縑徐展清且脩指

說伏梁置已久未許豪奪防巧偷君抱高節負元

賞為致數莖烟雨秋感之一揖增惆悵故園三徑

儘幽曠借看却是向人家步履獨咏碧湘上便有

心知寂寞間何如渭北掩柴關書翻種樹泉疏脉

靜侶深林日往還

黔陽留別姚慎亭明府文起臨
諸人

龍標山下宿夜夜讀書聲君自層軒上彈琴坐月
明從知傳洛學好為接諸生遙領慚吾舊芳洲繞
向城余以干寅秋兼辭此邑誌
載龍洲為人交之祥云

次答勿芝二首

期君以頤養後會未應難瘦鶴孤松倚雌魄止水
桓棲遲從地異界澗亦心安芝术種春雨分畦傍
藥欄

綿綿思遠道消息可相聞誰得鷓鴣比今無出處
分荆門天幕樹秦嶺水穿雲好奇新詩卷編排付

荷塘詩 卷十一

十六

長君亦坵
明經

別家潔亭參軍玉輝粵
東人

通譜亦世俗與君交見心詠諧輕勢分遂密戢規
箴家望羅浮近耕歸谷口深燕臺期會合相約乙
巳訪余

日酌酒和秋吟

王千波贈畫冊

好詩因好畫堆篋復堆床借看憑消遣分貽出所
望云云春水綠鬱鬱楚山蒼心要識歸舸晴虹貫
月光

別陳珠泉

江上住閒客惟君朝暮來文談長水訣心識季方
才旅雁依沙軟凝雲逐凍開留連還挹袂津鼓漫
相催

李東川樹穀
陳仰山
玉垣林醇叔崑瓊
家竹

泉範
雪樵
季廉五明府送別次韻作答

游楚同看作楚材衝寒惜我權舟迴誰言後會渾
無準試數初交詎有媒蹤跡五君新入詠招携八
景舊登臺東風煙草秦關綠湘雁成行歲歲來

荷塘詩 卷十一

七

歲除攜菊男過嶽麓暮入行舟成詩六首

籃輿扶上碧峰巔手酌松陰白鶴泉望斷飛雲無
倚著持齋除日禮金仙

年來我亦判潭州精鐵經文定可銜祇平
聲是隴西

存永慕隔江塔影樹梢頭鐵佛寺塔鐵柱鑿梵偈
宋潭州判官李思明贊

所生冥福也

認得飛鴻閣裏人紺瞳老衲覺情親倍憐犀角重
摩頂讀編藏書語味醇閣在瀏陽智長老來自石
霜寺與子相識無菊男曰
犀角華簪老眼及見

學橋名自擅分書老傍碑亭作寄居江西熊浣青太史舊主講

席報書有云大禹碑前喜得奇跡三日布瓊真有願好憑榻本看

蟲魚余於方丈為諸道人作字菊男防嶺看碑促之至再乃返智長老以舊藏禪帖與之

講舍鱗差萬瓦開層階高接道鄉臺後生領取清

脩意風雨鴻臚種竹來羅徽五山長手移大竹數十竿

透迤江郭淡烟橫燈影檣竿數點明第一水程隨

歷日來朝便合載書聲

君山

洞庭春漲到來遲步屐寒汀路半欹涌髻芙蓉側

荷塘詩 卷十一

六

青碧懸壺宮觀鬱參差僧寮撥火供清茗雲壑披

榛讀斷碑免誚愛山心未至凌濤並擬跨桃枝

朗吟亭

來和咸池舊樂聲翛然劍佩御風輕道人何不空

文字半是航吟半紀行

岳州李硯翁太守招同孫司馬王別駕鍾

且孫尹之岸小集

使君清嘯倚層樓笑起湖風駐客舟八日未堪輕

作別郡僚好是舊同遊吹簫從覺陪安道壁間讀楊居士

年丈詩於硯泥飲仍傳向子由硯翁有弟為去望

洞庭春月滿權歌紫綺正披裘涇陽副尹

寄孫僕亭臨湘

歸心不可繫曉霽片帆輕裴隱宅邊路魚梁山外

城携筇經歲約懸榻故人情北海昨招客人日集李岳州

齊郡深談酒共傾

漢陽送王秋丞公車即寄蘭圃比部

黃鵠磯頭日日風遲君祇見過湘鴻伯牙臺畔偶

曳屐意外携手穿林叢幾番疑鼓喬口世燕郊官

荷塘詩 卷十一

九

柳連渚宮村量分明宿約在茶淪鳳髓殮調羹從

知後期固有以聯床湖尾聽雨篷昆明使節迴萬

里迎鑿駕舸馳江東謂我片帆溯沔漢湮波尺

咫無由逢却憶驛館霜月夜擘柑傾倒玻璃鍾庚子

人生會合關定數骨肉都與交朋通但使金石存

肝肺憑教萍葉飄客蹤入洛且致相思字高文舊

枉酬詩筒蘭圃自漢以氣勢熊劉追賈董格法宏

正祛天崇披讀已抵論當面爾我見地渾相同近

臣歸立塙均上肩隨搖佩趨銅龍書劍傲裝問邸
舍明年秋色滿河潼

贈洪午唐太守

襄陽雪髯守者舊便同看畫帳微風入繩床亂帙
攤接談移晷影隨意具春盤主客都忘却行舟繫
碧灘

黃穆園總戎以詩招赴南陽依韻奉答

通門復僚友略分並忘形湘雁穿雲去春鶯側耳
聽日邊承 紫詔閣上綴金鈴爲迂西歸客聯床

荷塘詩 卷十一

二十

掃射廳

家松園郡守蕉叢聚石小照

如此鬚眉充浩氣偏看蕭散作微吟閒憑白石蒼
苔趣偶息乘風破浪心縱目杜陵存舊詠傳家趙
帆抱清琴三山郡舍相携處記得紅蕉雪徑深
慶伯秀才姪偕菊男往隆中次前韵

白水原通漢水潯琅琅梁父一龍吟古賢已舉英
雄事汝輩惟叅淡泊心拜向碧階應拂草步循素
壁倘聞琴暮歸徧誦碑問字識解憑將看淺深

華州郭汾陽祠

廿四中書書上考大唐爵級爲元功家翁指與癡
聾訣信及臣心帝者風

牙帳春溫鎮節雄誰憑故壘變霜風棘門灞上軍
兒戲從古恩威一令公

宋寇忠愍祠十六韻

萊公多舊蹟故里有專祠客歷蠻邦路心存異代
悲樓居營道郭井飲期江湄拜勅衫憑借留題闕
繫思竹枯生淚雨栢古飽榮滋未經調鼎鼎先不

荷塘詩 卷十一

三

擾符移雷陽差更遠鎮撫譯相詒會食勞鬢拂探
囊枉劔隨大事推能斷平刑論獨持去殘依策畫
建祠動京師澶淵應特筆鎮鎗具深辭子孟疎於
學乖厓副所期辯爭知秉直進取戒懷欺誰襲雷
鳴息羣吟魏野詩天書原不信母教永無遺酌取
西溪水尋看御篆碑

荷塘詩集卷十二

涇陽張五典伎百

寄葛巽軒同年晨餘杭人宰涇陽薦牧乾州引疾遽歸

共說使君去令人意快然郵亭謀截鐙谿谷避齋

錢遠夢黃山月遲歸楚水船通門舊弟子弟姪輩出門下

抱樸誦清篇

熊斗垣表弟竹趣圖未陽舅氏季子

清涼軒外大父名之地外竹干竿籜解晴風夏午寒記得

荷塘詩 卷十二

兒時逐諸舅試書新粉隔晨看

髯舅書名世所知老來湘管尚臨池春宵有夢隨

雷雨化作當階碧玉枝

過周芝挺村居魚繩卷先至小酌余去高陵

返同宿

麥熟粟留鳴村煙豁曉晴就談前約在列座小軒

清誰復知賓主無勞事送迎路廻重對酒下澤一

車輕

小集同王稻香山長陳敬齋丁西林兩學博

作

槐花幾樹黃院落雨餘涼清箬沿階坐甘瓜浸水
管言從見心性癖各主文章閒暇即相覓櫻糝塵

尾長

李乞詩并叙

李傻以乞自名絕不道其里居年齒止涇陽

城東一小巷歲久矣老愈健不鞵履行冰雪

中人以是異之一貴官邀與談荅曰肯福人

便為福何有休咎居然有道之言也為作詩

荷塘詩 卷十二

儵然瓢笠一身隨行乞閒懷無愧詞履跡何從認

東郭中書應好見希夷字關名姓都能識坐滿脚

趺定不欹歸客計程餘萬里入菴初看鬢垂絲

咸陽訪吳子昇村居

終南滿戶牖渭上古村墟日夕有來客主人方讀

書林風宜步驟露氣濕衣裾謀就燈前飲溪頭問

老漁

懷仙吟十二首

何漣漪廣文

浩涇陽人遊先伯父河
南郡幕在徽縣學卒

學博本清才派沿梁水部豐頤腹便便孤調高刻

羽短視進耄年溫經却烟炬擁被坐中宵琅琅聲

出戶東都盛賓從招邀入幕府名飲真溫克拈合

必酌古無言對楸枰勝負無鉏鋤獨於文字間攻

辯嚴繩矩闌干藉苜齋荒蕪松筠野飛雪隴頭吟

落花山香舞課士逢儒吏摸索題諧語秋水正連

滴老眼沉瀼貯廣文與段秋水孝廉齊名邑宰桂

公輒辨得書紙尾曰亦何段段澄澈耶大有秋

周藕香布衣長逢會稽人喜填詞工篆

荷塘詩 卷十二

三

家傳櫟園書心慕羨門訣十日九持齋為人正癡

絕詞比宋元人平分古風月每說夢丹篆聚石事

振擊要續閩小記游屐携甌越艾綠桃皮紅一一

供劖刷玉箸突雙垂無以醒睡兀得非變姓名寄

身市門卒瑤草春雨中芊綿通禹穴

李文巒監司燕洛陽人為先伯父門下

洛下多交游李子一年少捷敏果軼倫名高東翅

鶴出作神明宰却寇倚清嘯草寇王倫作逆時作

樓址認白雪三生疑重到彩雲影易滅曇花光乍

照真情向師門夙心繫舊好負君齊晉間十書癩

一報北印駐客驂絮酒痛獨弔魂兮早歸來青螺

乘飛越便入白馬寺文辭讀千秋依象教

沈立人大尹齊義烏程人與余同游周砥

在壽張為逆寇王倫輩所

東陽本文弱大節能不缺歲久見遺孤映曉淚向

凸梁苑讌游同燕臺風雨別百感乍櫻心述舊終

指髮好士周廉使真契磁石鐵生平一知已琴絃

兩斷絕作更山左右公臂起鼠窟罵賊君爪握察

荷塘詩 卷十二

四

姦吾政拙余令武鄉失察驛宿稽損還憶汴水上

層樓坐秋月醉題五丈壁魏我藉扶挈砥齋公坐

起雜喧譁唱酬歌數闕追陪攬羽衣欲擬三山闕

陸二柳刺史王在長洲人初任豫藩

詩派范石湖畫格周東村二柳歸去來三徑松菊

存長貧率性分骨癯情味敦故交脫推解隨手散

朝昏齋聯摘清語前賢為贈言小心事友生年齒

非所論憐才到阿蒙擊節賦高軒別來索新詩急

遞畢郢原水竹屋基圖諾宿一燈磐客來自吳下

問舊聲為不怪底斷消息名香待返魂或逢扶搖
子林間共化猿二柳齋聯事到可傳皆是癖人非
有品不能貧摘明人劉簡齋句也
嘗於廣坐問余曰足下七字詩如汴上懷古朱履
三千魏公子金脾十二岳將軍吳門卽事雨簷震
澤分魚火檀板楓橋上酒船者幾許陳荔汀遠日
紋百黃岡夜泊月色榜歌來赤壁江聲皮角滿黃
州正亦
可誦

家休莽主簿裕曠桐城人別於臺陽
時逾七旬矣歸里旋卒

東溟泛槎翁乘興為求詩別時覺魂銷後會未可
期掀髯殊慷慨代馬須終騎難老泉涓涓長生蘋
絲絲收拾入奚囊龍眠歸山茨我為壯斯語搥鼓

荷塘詩 卷十二 五

手一麾歲暮岡山寇抗捕稽誅夷犇刀隨戎幕借
箸隨成奇陸賈裝乍卸向平志猶虧倏教乘白雲
何處駕青螭每憶澄臺上揚秋欹接羅翎眉指蓬
壺凌風欲去時休翁嘗登澄臺望澎湖島曰
此可借作我之蓬萊方壺也

胡勉亭通守建偉粵之三水人
任澎湖秋滿歸老

絕島立講院山長卽別駕風雨阻歸船託宿天所
借翩翩領生徒一揖相邀迓壯螭牆幾重麻沙書
連架寒井新甃石小圃宜習射宴酣一倚醉留題
高燃樺余詩所謂何止經師惟北
海應從天下說中庸者也和叶白雪吟袖

藏失炎夏海山成連心禮樂文翁化桐鄉鶴表隔
潮陽龍騎下誰起安定祠好搆凌雲榭

任岱宗都督河寧夏人領
鎮漳州卒

將軍起參伍頭額一坡虎畢生尚潔操時平掩其
武塞雪射曉光壯歲笑雙瞽於時未立子醫藥忌
寒苦舌舐刮金篦期門得舊侶感之畫遺像伏臘
為設盞老病日侵尋凌晨必劍舞馬卒偶扶驂噴
呵待捶楚藐孤用治命部曲却購補真少十金產
歸櫬倒箱筥精靈騎箕尾鐵馬隨風雨恍惚雲霄

荷塘詩 卷十二 六

城夜月見旌羽

余臨午刺史丙歷城人令鳳臺
遷寶川假歸旋逝

余仲號玉人髭髯致尤美中年嬾覓句談藝通源
委洋洋海岱風獨稱秋谷子細楷烏絲闌刪取具
微旨太行琴一操昆明路萬里梅萼春自流香岩
石何綺余贈行得香岩品綺石梅萼兩春流之
句臨午曰此生恐無此福竟成識與誰
語堪斷腸飛景真彈指竟留王屋側會應食山髓

魏明川廣文倫武鄉人任猗氏學引年歸
居石城若卒子大成奇墓誌

三

魏生傳遠信開緘得墓表五經明川翁南亭失一

老三年碧雲閣余所建也一來坐木杪得及簿領間策

騎雲外堡石盤雲漠濛清漳冰縈繚憑欄向夕曛

圍爐抒幽抱盃浮襄陵酒梓荆安邑棗危坐垂雪

髯目瞬閃益瞭迄予賦歸去病榻聞拊擣吏才實

太疎故人何懊惱生平手著書易簣促焚藁石經

指搨本兒曹足搜討從知草堂人遺詩殊草草神

仙有名心所見亦何小魏野詩有名開富貴無事小神仙

楊子安五丈鸞潼關人歷宰華容長沙邵陽罷歸居華陰卒

荷塘詩 卷十二 七

醴泉亦有源琪華亦有蒂楊氏潼水閣灑落遺清

製子安承祖風深律老入細衡湘供屢游雲漢託

真昇詩有邈雲四刻蹤跡互出處麟羽輕迢遞最後相逢

地固作千秋計東溪竹樹幽小園春雪霽客狂踈

載酒兒慧解著單二南有遺音別須發凡例丙申春初

余赴湘表新道訪村居語大約重刻二南遺音約証掌中中妙應合鑿枘

吁嗟平生心渺茫無來繼昨逢岫嶮翁職太史敏本於子安

有為隕銅狄涕語罷重歎息三至不旬歲試與論

風雅闕西表世系

大恒師

元日試筆處主客湖上寺端有渡橋人一笑尋蹤

至丙戌元辰諸別出見我圖余為書二絕句師答

斷岸殘雪拂短簪揖別魂黯然極難忘此意詩好

客屢來詩好何妨客屢過香樹先生贈句也道廣亦妙義我多方外

交夙緣在文字兜率誰從問瑩面猶省記

斗垣示及婦翁楊迂谷畫册感憶舊事因書

其後

荷塘詩 卷十二 八

八

才人之詩自工絕詩出詩人覺全別畫出畫師妙

入古士人作畫初無訣昔逢書佑在燕都一幅生

縮展欲裂題字依稀辨富春酬直立捐雙玉瑛禪

寮走示秋影翁子安一號秋影居士茶甌烹取前輝雪行篋

徐出青藤筆細梅零落綠筠折評跋便約互相易

雲鶴各踪事未決翁癖吟詩不作畫破戒忽然試

切鐵江山平遠入煙雨誰見樓閣架瀛碣踈林黃

葉並無多棘針花鳥意何屑陽關草藁好收藏升

叔心通象外說

以事至三原晤晁惠齋劉通城樊太湖訪樊

馬平王紅蘭不值感憶李仁茂武上林家

于野憮然有作

經行甚匆促問舊一心存滿郭清渠轉新篁比屋

繁情原豁傾蓋語半付應門嬾賞梨花酒難招故

侶魂

贈劉映青 世煜三原人

青老談藝如說禪要憑半偈了真詮青老作字如

屈鐵半截唐碑與留訣 王蓬心稱君藏有釋大別雅集右軍書是初搨本

荷塘詩 卷十二

九

來十稔顏愈好為人夷白絕煩惱解組歸休守菊

籬點綴羅生書帶草門前載酒許相過醉帖不換

山陰鷺好教詞客看仔細曉曉空自招攜訶午夢

江天一葉舟欠伸忽辭黃鶴樓姬人解事慰岑寂

臨風楚舞彈箜篌

王稻香饋菓

筠籠練幕開破曉小奚來李奈香含飽園林雨過

纔初嘗失宿渴頻拂遠飛埃還向壁間掛遲君同

舉盃

過邢庚階

西東無十里遠郭數相尋築稱來禽館風高頂墨

林狂從嘲獵酒性故薄蕪音談客今誰是還同証

此心

周芝挺學山枉駕見過

西齋久無客塵榻亂攤書聯騎勞存問呼童事拂

除石斑幽蘚厚檻碧嫩篔簹舒坐覺清言愜前林月

上初

紀犬

荷塘詩 卷十二

十

朱生有犬如奚奴讀書獨夜依座隅咩隨隴畔不

須呼生天深林閉孤曠摸金茂視疾雷將犬啣破

巾走市上汗雨蒼黃作往返悲號僵仆咽殘喘翻

身畫地類蟲象人從收骨向空山迴頭不見繫重

鑲依稀聲落暮雲間

仇寶父畫葛洪移家圖

稚川不拜將軍命遠為丹砂乞一令攜家中路望

羅浮竟許鄧嶽相遮留龍鍾密竹擁山翠璇房瑤

宮七十二規畫隨處稱夙心經笥藥爐得位置兒

郎蒸藜婦炊黍供給攤書卷隱語抱樸已成內外
篇坐來白日空中舉敝屣妻孥定阿誰拔宅夜半
非所期但依此畫卜小築雲溪穿樹峯當楮

問魚繩巷病

幕府秋清月滿扉步簷陡被薄寒欺蒲車歸趁風
晴日絮語歡逢客到時箱笥圖書驅蠹散軒窻簾
箔護香垂相邀已諾東村老謂芝携手閒來就菊
籬

寄荅盛茂才承聰

荷塘詩 卷十二

十一

興來吳會作東遊迴戀烟霞名振小舟蔬豆味長
齋八節真行法妙帖雙釣生兒何止如王濟有室
會因慕阮脩來書云所贈別後研田豐可料合江
亭畔起書樓妾為立子矣

寄絳州王二刺史

瀟湘雲樹影層層潑墨憑收入素繪葉洲灑掃碑

亭看碧落篆文哭過李陽冰

鶴唳琴聲郡閣閒清秋按部最舒顏湖園借取聯

床地戀

闕人歸自玉關

謂蘭

西安值王秋丞卽別

前年同客古潭州說著青門惜舊遊正好留看曲
江雨祇憑坐憶洞庭秋飛矜霜隼誰能繼腹痛河
魚合有瘳為覓荅煩仔細故多形似試清眸春
就醫華州或以華參充人
獲因君見售服之無驗

贈渭南尹王錦莊同年杏舒合

廿載各一令御屏輪勒名從知推治錦莊舊

行不主建麾旌樹擁原豐疊舟沿蔡渡橫口碑聞

客路官與渭長清

荷塘詩 卷十二

十一

荅寶雞鄧簣山明府卽懷李十一學博

官馬陳倉驛每教馱借書林田看已稔瓶酒賴無
虛雨霽嵐浮郭秋妍樹絢除消閒有吟伴細律定
何如

平訥齋大尹招飲却荅卽別

年來徒倚舊書叢門外高車轍屢通義故相逢情
較厚縣齋不至事非公訥齋為先伯分巡寧紹時
所薦每以余踪跡太疎為
言坐憐靜院閒調鶴目極長天去逐鴻秋色滿籬
偏止酒請看行笈有山蕘余腹疾

送黃勗亭通守之治峪卽別

好留騎從石橋邊谷口秋光一倍妍紅樹叢中盤
曲磴白雲影外壘飛泉偶憑寺壁題開句已剖山
農舊訟田無計追陪雙蠟屐來朝征路著吟鞭

治有弟送至高陵却別

平生自分舟車慣病起長征繫汝心縱使相偕經
累日要知無計免分襟路遙爭得飛雙鳥身健端
能戲五禽調膳好憑諸季在望雲終戀故山岑

謁呂文簡公祠因示菊男

荷塘詩 卷十二

七

前明多鴻儒涇野醇乎醇行在內外篇程朱上為
隣朋中自彪外立言掃譴諄詎以科名重道足冠
朝紳友人憐稚子明珠掌上珍課讀熟一經償之
襲衣新規其假利誘義方無富貧從來有覲覲事
集心匪真休論統綺章難教安結鶉氣華本腹筒
繪布可彰身

交口

大川合涇渭東下注黃河傍岸田宜黍懸崖樹當
戰朝烟迷極浦宿雨漲層波好向金堤畔乘秋漲

月過

西溪

溪水及秋清潏潏落澗聲密浮芳藻滿寒漲小橋
平夙病憐消渴途塵歎縛纓開田如買得連圃灌
黃精

青柯坪

高高五千仞石罅得孤敞料應分戒初巨靈偶覆
掌

登潼關城樓

荷塘詩 卷十二

十四

潼津已屢渡寄眺偶登城塞古河流曲秋高嶽色
清林泉供小憇書劍託長征倚檻沉吟處涼颺暮
角聲

裴晉公故里

相臣風貌動羣夷淮蔡勳高有舊碑却為後賢添
話柄園林鐘鼓最宜詩

羊舌祠

三室攘羊人以遺羊舌子受而埋諸野日久骨不
毀按事逢都吏咨嗟直其理叔姬為此謀智能徹

終始晉國交醜正潛身作遠徙宛轉卒見容準道
未枉已扶泥揚洪波詎礙心如水賢達故多防鯨
鱣制蠖蟻

趙曲昭藻洲刺史

別來重隔歲音信未教稀把袂今乘便關情舊入
微河東官酒厚湘表旅鴻飛正好班荆語前林已
夕霏

臨汾道中逢李果泉同年即送之粵西

徧數當時侶惟君去晉遲秋隨鴻雁遠人到桂林

荷塘詩 卷三

十五

宜契濶疑經夢留連惜屆岐衡湘絕勝處憑認手

題詩

過介休汪守愚邀至縣齋

村帘搖影客酖顏碧柳橋頭去復還鞭轡攔迴見
劉顥行藏羞說向綿山席移棗閣疎櫺敞步過花
籬別院閒情分故深千尺水相思通夢渡江關

東安夢守
愚有詩

守愚出丈紙索書走筆荅之

我書意造初無法况對方家著筆難巨壁何堪副

昂首醉眸已自怯迴看雲邊征雁成行出樹杪棲
鴉數點寒別去老懷長見憶閒中展取當言歡

九日固關前山偕菊男登高

便因飛鞚上嵯峨令節堪憑客路過北向羣山拱
恒嶽西流衆水赴黃河霏霏烟幕踈林淺粲粲霜
明細菊多瀲灩天風柔落酒教兒拍手和酣歌

微水鎮書興善寺壁

興善前朝寺秋溪漲仆碑樹空蟲半蠹沙軟岸全
歎諸佛消金氣殘僧苗雪髭無勞問檀越村社石

荷塘詩 卷十二

十六

纍纍

文安訪紀秋槎觀察里居

來問畿南寶樹軒軒中一勝

御書存

康熙八年 賜徐州蕭縣知縣紀遜宜

身閒從識家居好道

在能令學者尊風木心情有餘恨彭聃秘奧足微
言請君早揭名旰表會看鳴騶到里門

答瑛夢禪

遂嬾亦何易入門時共推籃輿佐病足雪色上吟
髭積日勞尋問深談慰別離藝多能近道舊許託

心知

會稽舊尹李香枏索畫因系以詩孝洋臨川人

雲霞滿巖壑來路甚分明要我摹清景知君憶舊情柯亭遺跡古蘭渚暮春晴緣在追尋得樵風引

擢行

與瑛夢禪話舊二首

代北之官薄俶裝柴車書束各盈箱已丑秋夢禪攝豐鎮余權

應州同層林風影原平路秋果離離飽露香

烏目山人畫格殊曾邀題字印連珠清冷心眼都

荷塘詩

卷十一

七

如水笑却吳裝十萬圖余藏石谷畫冊夢禪為審定同時有以十萬圖相贈者夢禪一覽輒歸之共畫十巨幅作萬壑萬柳之類蓋借聲名耳

傅氏兒并叙

杞縣傅氏生兒數月患痘氣絕淺瘞而甦過

者聞啼發覆抱適他邑傅氏微覺之踪跡迄

不可得僧曉悟曰歲在辰離歲在辰合踰紀

果如所占見左足故有誌驗之甚確老孝廉

念祖之獨子也同馬編修雪嶠紀其事

妙相曇花現寶粧掌中珠願有還時隱憂可為東

門解遺體初經校尉知共訝名香聞聚窟未勞法水灑楊枝父書好藉聰明讀紫痣人傳是異姿

志別詩存二十四首

王大司馬惺園

京華踪跡屢分題此會尤憐對宇棲夜夜酒闌相

揖送門前霜月石橋西

董少彖辛蔗林

賜第覃覃耀彩翬禁城魚鑰隔重扉許邀世舊窺

東閣長是金蓮照夜歸

荷塘詩

卷十二

六

梁少司空冲泉

垂雲精舍石玲瓏眉宇高寒一病翁為說使迴容

啟事秋風汾水少哀鴻祀汾陰歸石閭山右恩

恤賑

朱閣學石君

驪唱都亭倒玉壺為于教譜入吳歛公贈行詩有云知君不少

為于曲好慰吳儂望歲除我公畢竟心知我晉府當初一試竿

王庶子露仲

直道生平無愧辭意存矜慎是真知將軍忠孝餘

文采時刪定總戎任公舉遺集任筆還兼沈約詩

祝編脩芷塘

綿延岡勢似蛇蟠附芝銘詞掩淚看君示及毋夫人盤蛇港墓誌因爲余致致王夢樓太憐我新阡千字誄寓書守乞書先君同樹肝表

江左爲書丹

羅檢討九峯

行檐年來有藥爐竹林人病酒盈厨族姪汝堂隨余就醫於君

經旬坐向春風裏任是寒蟲蝨也蘇

吳編脩漪園孝廉春岩兄弟

荷塘詩 卷十三 五

桐花遺集染香芸着意徵搜註疏分姜被三年惟

大布望廬風雨夜深聞

黃中翰調叔

藏身人海幾經時積日相求一見之門第君家雙

棨戟成名還下舊書帷

孟給事蘭洲

風雨槐花樹樹黃輶車萬里指蠻荒談及典試滇南時事

憐供給勞繁費水陸巫州十驛長

曹比部容圃

棗南書屋寫新圖授簡題詩當左符頌禱於時善

張孟王辰太原余爲書二絕句而今好唱鳳將雛

祖比部舫齋

殘雪寒光曉扣門心存細律與深論逢君扶病骨

茶去廻首空銷別後魂

家比部穆菴

次公原自醒而狂故故嘲詼一哄堂草法舊來宗

長史與人尺牘盡收藏

家農部筠圃

荷塘詩 卷十三 二

綵弧遙映海天霞時甫舉子湯餅筵長笑語譁噴面已

看逢臘雪斜街便好買唐花

瑛筆公夢禪

數椽矮屋一園蔬此景端應靜者居最是尚書清

節後諸孫繪布誦詩書

潞安太守李仙望

錦製詩囊一小奚難爲心血覓刀圭天公位置誰

能料上黨人參五葉齊

宜昌太守家鳳颺

去去葵陵極楚天歐公到處有遺篇新詩仍衍西

江派舊領郡吉安便附東吳萬里船

李郡丞德符

短李精神貯滿腹秋來消瘦鬢如霜中年已是傷

哀樂又苦西風斷雁行令弟安仁尹新發

李明府香楠明經友栗叔姪

臨川三李三為令夏縣安鄉會稽科名五十年大志

休哀伏波老僑才早覺仲容賢

李鼎三楊南枝兩明府

荷塘詩 卷十二 三

析桂炊珠逼歲關故人旅食寄長安隴頭宿麥迎

三白昨得鄉書互借看

薛八副尹介廷

長公風雅領吾鄉每到聯吟必擅場補闕太史贈余詩有吾鄉

風雅要君肩之寄語挂帆浮碧海消閒鼓柁向滄

浪

王上舍志沂蘭圃先生長子

玉關不用寄征衣卜既分明說早歸知子已穿西

望眼黃河天際白雲飛

崑山布衣徐子墳

徐髯豪舉正無倫頰上添毫妙入神都人為椒山公塑像君剪


之鬚施欲笑祇園供鬪草海南飛騎送臨春

攸縣布衣胡滄門


江月晴虹向夜分君見示江天書畫舫圖高吟應得隔船聞

春來遲汝金陵岸目送歸帆入楚雲

荷塘詩 卷十二 三



荷塘詩集卷十三 補錄



聞雁和韓夢符作

春向秦關盡尙聞歸雁聲過時方北去

征梁稻亦常有往來何太輕騎人應笑汝寂坐掩

柴荆

吳門

夢裏江南已十年無邊風物是吳天雨篔簹震澤分

荷塘詩 卷十三

漁火檀版楓橋上酒船到處林亭秋意薄誰家窗

牖晚粧妍客踪五日匆匆甚聊說初來爲結緣

鄧尉山看梅

近訪孤山處士家水邊籬落數枝花峭帆閒傍銅

坑去香海沉沉縱泛槎

不向吳天負此行寒花娛客滿林亭回頭還與山

靈約遲我楊梅問洞庭

宿盤豆閩鄉朱明府家 遣使餉魚酒并寄

詩刻

細柳條穿魚眼紅殷勤爲謝主人翁燈前一笑讀
新詠當得衙齋樽酒同

漢陽卽事

陸賈祠前日半斜道人留客坐評花汲來沔口滄

浪水爲試坡山風髓茶

黃州夜泊

烟波亭下曉乘舟盡日西風落木秋月色榜歌來

赤壁江聲戍角滿黃州客逢良夜忘岑寂座對明

燈自勸酬魚美笋香堪放筯佳蔬還擬問元修

荷塘詩 卷十三

徐孺子墓

清風尙凜然坏土故城邊東漢無朋黨南州有道

阡蕪江流皓月樟樹老蒼烟陳醑徘徊處生芻憶

昔年

發永定阻雨菩提庵

冬盡蠻鄉雨朝寒驛路風湍飛箭灘下嶺急武溪

東雪椀浸茶白竹爐煨芋紅禪僧留小住喜得慰

飄蓬

郭東表招至石馬觀新戰船

君才作舟楫楊模園得同心韜畧論兵事承
平絕海禳消閑招侶伴載酒快登臨餘興沿秋月
風前橫笛音

建溪

黃田到劍浦繫舟日未西理楫結百丈長年督水
手相戒前灘險水落逢三九客子初經行無語躊
躇久程程窮昏曉灘灘直上陟積鐵夾山岡叢箐
合幽窈到處輒流連亂石爭被肘虎豹猛蹲伏虬
龍怪蚴蟉高圓困廩堆尖峭劍製鼓或覆如釜甌

荷塘詩 卷十三

三

或仰如甕日漩渦怒噴衝凌濤橫紛紛乍前仍却
退人力竭任負贛石較可狎巫峽應得偶出坎是
漁梁山樓寒貫酒未及權九曲遠望還昂首

邯鄲道中

盧生本無夢過客莫相疑野店殘陽外黃梁半熟
時

安陸舟中

乘興作孤征風光趁客情江烟空曉月堤柳喜新
晴天遠荆山過春深漢水平短帆隨意泊爲問竟

陵城

謝龔自耘都督送海魚越酒宣通州人

折蒲亂藻竟何如萬頃凌波小試初燒燭射來鱗
自好加鹽腊就味偏餘寒潮牡蠣牆根上蠶雨枕
椰樹影疎却憶江南逢日至堆盤櫻筍饌鱗魚
唾壺缺盡醉匏樽兀兀終朝岸角巾每恕粗狂容
作我又教傾瀉爲分春酒泉路遠長呼渴公瑾情
深正飲醇便藉馬軍邀後會水嬉一跨七鯤身

答王珍愚孝廉

荷塘詩 卷十三

四

計吏君偕兩度微官我覓三年奔電遺風駑馬稀
膏棘軸方穿
海國終蜚大鳥竹竿莫笑鮎魚老宿還留好語須
知熟熟生疎

漳水夜漲

奔雷急雨北原北霽景夕陽山外山夜半濤聲來
枕上樓前月影動溪灣炎天乍得幽寒意心事茫
然倚眺間欲挽長河作飛卷徧教霑灑到荆菅

示周松

京口人後頗負
心人之難知也

汝身頽而長汝貌非不颯精神貯滿腹意氣尤蹶
張曷不取富貴託身騶虞行汝固自有說卿員寧
阜方朱門多豪華幸舍盡修廊珠履玳瑁簪賓客
坐連床鳴鐘列鼎食陵肉澆酒漿出入盛傳呼夾
轂効趨踰騎從如雲錦駿裏千金裝卽看擁蓋卒
頗亦得揚揚所入將有合漠然與相忘燕雀赴炎
熱鶯鳩搶榆枋流波漂斷梗故林寄孤芳於我久
依倚始終無他腸似聞憐穎士或疑戒鄭莊驛館
空山裏瘦馬病乘黃飼秣無早夜川原期騰驤興

荷塘詩集卷十三

五

到吟短詩有作成一囊偶從簿書暇出袖屬斟量
才豈類廝養心能薄倚墻我拙羈小邑秋砧過三
霜舊人舍之去前後若相望挽留旣忍置消息復
渺茫幸賴有此耳使人意差強獨念分甘意佐饗
每得嘗官貧乃如此未用自慨慷有慚孤負汝徒
爾形昂藏邇來較筋力感嘆桑榆光無計破岑寂
便可遊醉鄉不見老鮮卑飲食都如常

與黃櫟田司馬

鶴齡南
康人

我本倔強客從君久服膺道深懷淡泊壁立影峻

嗜性分羞因熱辛勤當刻冰長官能曲諒不礙作
尊丞

次韻答李敬迪

欲問此翁何矍鑠胸中自有衛生經術深釋衲三
尸絕甘立淮南五味亭投老蒼髯益轉黑向人白
眼也能青借籌屈作平原客一笑山城正戴星
過晉陽巷舊寓感懷李西京刺史卽寄楊子

安華州

大字猶在榜瀟灑載書亭淪茗必相飲當歌時共

荷塘詩集卷十三

六

聽依栖已陳跡惆悵是重經待訪楊雲宅西溪叩
竹扁

將之永州

未信吾才別駕宜祇應山水是前期雲開衡嶽花
扶屐苔拂浯溪手搗碑幽興已輕川路遠層波待
蹴畫船移天邊閒看翻風鳥投向長林欲借枝

別八弟修以

迎我洛陽城送我鳴臯野中間留月餘別淚盈汝
把人生骨肉親睽離晷一晤會合忘意外臨歧恨

世務汝生質地厚季父疑汝癡束髮教句讀命我
爲之師稍稍知學問我多事遠遊應坐我誤汝詩
筆力尙柔茲來古陸渾地近緱氏山喬公偃師泉如孝廉
舊通門情均伯仲間敬以傳我語有作屬鍼砭彼
族佳子弟強半依壇坵此邑官政簡無需汝叅議
澄心閉東齋努力專所事微秩莫急就弟應補吏官西曹
責非所諳功名何足道書味有餘甘我去涉瀟湘
寄書難時達離緒撥千重持此當三喝

桂

荷塘詩 卷十三

七

芳香難自秘老桂作春華深碧留霜葉新黃和露
芽曉風湘箔卷夜月畫欄斜何處閒桃李浮榮可
漫誇

蘭

盆蘭秋更碧葉底一莖藏物豈少爲貴品原孤未
妨霽新風定影曉徹露凝光不用重簾護流香滿
曲廊

次答楊梧岡徐漸溪兩學博卽別

論文吾豈敢况是少閒期偶得相投處同爲許可

詞老漁操網定飛將出兵奇此意雖能識徘徊著
手時

會合亦相忘臨歧惜景光霜煙橫水白橘柚綴籬
黃停楫憑移晷當筵怯舉觴何時文酒會重與對
胡床

東安與幕中諸客

路繞清溪江幾灣孤城簇簇擁青山看秋深入松
篁裏得邑新逢水石間賓客由來矜作達丹鉛好
與共消閒阿誰不解航幽寂欲笑參軍語帶蠻

荷塘詩 卷十三

八

檢得張印周先生手蹟慨然有作

書學繹堂叟以生尤見新裝池今再整賞識舊無
真幽隱多能事沉埋復幾人炎南殘稟盡於明經張維爲
同詩筆正如神

楓毬

老向枝頭不礙乾篝爐夜火辟輕寒佛林寶秤金
丸落海國雕盤荔子丹香豈流脂原自好色如墜
葉到秋殘旅生還欲尋馘菌栩栩眉飛盡日歡

山行

斑斕叢樹帶霜筠點綴山家不似貧數登寒隄籬
影下晚風吹動碧粼粼

千條短瀑決澗田落澗穿林赴大川磴路紆盤通
谷口迴聽飛響出高煙

雪

霏微小雨成輕霰煙江暝色冬之半薄颺浙歷掠
疎篷淡月朦朧下曲岸炎方昨宵尙作熱礮礮遠
嶺曳飛電瀟湘浮碧衝嶽青誰知天公妙回幹泊
向懸崖弭短椽林鳥撲漉共灘鴈舟子怯寒自偶

荷塘詩

卷十三

九

語好尋絮被重遮幔他時會獵出柔乾層冰踏裂
裘茸亂空際驚虬驕驟裏風裏鳴鴟大羽箭久是
幃車忘鬱悒無端髀肉生嗟歎朝來吟望坐船頭
沙水搖風清練練

愚溪

溪神可無憾名以寓公成一壑專荒微千秋得此
聲人從看沕穆自不礙澄清能識如愚旨蒙莊別
有情

得邢禹坪書知季佩入蜀却寄

聞向蜀中去舊游征馬嫻襟懷原浩蕩詩句肯清
屏遙夜虛姜被何時入散關江梅寒有信應已念
家山

檳榔

何止宜人瘴癘鄉借爲冰檠戰膏梁胸中魄磊銷
孤悶味外酸鹹別衆香似乞丹砂向勾漏笑將紺
唾比昭陽藥籠果盒都隨分拈取憑君自在嘗
將赴永明

荷塘詩

卷十三

十

浦頭春霽挂帆行水出清溪徹底清久將官序方
潘岳借把詩篇號永明粵嶺北來梅尙早營陽西
上石叢生看山有分吾能信又說嵐光滿一城

陳彬娥畫桃花 并序

陳氏彬娥父爲老畫師家元和僑居長沙與
某刺史善一日過之几上見花卉畫冊瀟酒
有致問知女郎能爾爲也求爲副室歡甚不
踰年而歿家人以彬娥歸於陳時謂且更適
也具禮而聘者數至其門迺矢志守節以丹
青助父爲生計今二十有六年矣人與畫庶

並傳乎

軟風流水澹春陰窈窕桃花開滿林祇許崔郎識
人而柴門重掩碧溪深

盈盈作態自橫陳帶露還如淚眼顰宮樹細腰春
色好啼痕休認息夫人

沙水輕搖短竹籬飛殘紅雨斷腸時無言寫得飄
零恨手剪生綃畫折枝

浯溪

鐘聲山寺曉天寒霽雨春衣落點殘烟靄竹藤分

荷塘詩 卷十三

十一

蘼徑風輕鷗鷺聚沙灘憑教急漿催人去且上層
臺盡意看畫稿涪翁先覺得石叢蒼翠插檣竿

茅箭灘守風

前灘難似去凌虛淄淄春流落漲初試傾瓦甌餘
鄒酒偶引綸竿上竹魚雨氣寒濃重結帶幔鉤高
起好看書風檣曰口香山老合是輸人意泊如

周秀才听送花

舊來花事說攸水送向潭州銜尾舟長物應知非
我有曉人幸免致書求山城寂寂春將暮瘴霧沉

沉雨未收僻遠誰能更搜索虛堂清供喜相投

答梁冲泉廉使留別之作

樓船搗鼓欲移舸雙鯉迢遙託素波果是閒忙負
詩少本來容接用情多炷書已笑班門斧鄉林相國及山
舟太史世頁句難酬鄂客歌擬把雲箋張巨壁如
陪丈室雨曼陀

菊影

淡墨其誰染寫為高士真舉杯明月下未止是三
人

荷塘詩 卷十三

十二

寄家文石兄香河

薊門揖別已三年祇記音書一再傳遠道攜家同
此累微才課最讓人賢螺盃酒闌爐夜斗室湘
蘭過雨天稚子温經還弄筆故應相對各欣然
劉時軒招集禪寓有懷冲泉廉使

去臘燈前醉和詩朝來爭料使君知卽看置酒要
陶令每是逢人說項斯霽日寒消埋徑雪梅花添
著近簷枝閒談振觸離情起欲覓游鱗問海湄

晤吳二澄剛

嗔我疎音問見君相愛心飾詞非所慣病嬾與時
深泚水靈巖下桃川粵嶺陰長談慰澗別客舍雨
涔涔

蛙

木蠹翩然變化奇金星粉暈有妍姿偶憐花艷墻
頭過閒趁泥香馬步隨於貌若驚原作戲憑他論
骨總成癡心空物我蒙莊達栩栩逍遙寄夢思

硯

蒼色一片石有如精鐵寒姿貞介不易用久角微

荷塘詩

卷十三

十三

園滌每臨清泚研寧黠薄丹萬言經日試泉湧未

會難

瀟水

雲際水飛疊石下奔騰注坡似駿馬電掣星馳浩
莫遮要看盤旋向大野謝沐劍嶺接壁山俯窺桐
口極藤社中間磴陘亘百里東流瞥昔快一瀉石
闌草堰排龍鱗貯雨擁雪橫腰身蜿蜒萬丈驚趨
走霑灑陸地憑屈伸今年春澍已霽沛熟梅細雨
仍經旬陂塘瀦澗溝塍溢凝碧積絲無崖垠稻秧

插齊人袖手不搬桔棹踏水輪準備划船作競渡
伐鼓揚旗賽水神

犀牛洞

靈物何時見洞口但烟霧致雨舊有聞居人奉香
炷去夏偶驕陽咒之適枉步所以狗與情幻妄已
早悟笑此龐然者形影修自顧一飲必濁水潔白
非所務獨有花文角堪作却暑具蜥蜴之不如老
漁當可捕

李衛公祠

荷塘詩

卷十三

十四

嶺南巡管舊司徒一片唐碑石路隅九十連城下
江漢生平雄略本孫吳省方德教宣天子冠古功
名屬丈夫風角鳥占傳說舊爭投孟玖走村巫

放船

行舟湘口上薄暮礙灘石放溜湘口下悠悠隨遙
夕煙和山氣青水共月色白羅幔啟蓬牕藤枕敲
筠席有憶澎島外橫洋萬斛舶波平星斗近風靜
霧靄擘夜航向臨安角吹傳水驛櫂歌太湖中夷
猶似泛宅谷口既輟耕戲游作遠適何不盡東南

乃此耽幽僻地雖稱清絕帆轉九面窄會須乘飛
車不爾控雲翮到處續宿緣心語非生客卧聞潮
鷄鳴旭景出林隙

木簿

深壑伐竹樹結簿從適遠連絡浮水際入望似長
阪山隣合泰得蓄謀異一展土瘠家苦貧生計共
龜勉行行擊破鼓齊力作運轉草屋縛管刷風雨
供息偃越鄉售不易彌年或無返大賈薄酬直抑
令損又損故爲區美惡苛覈事擇選聲價寧有定

荷塘詩

卷十三

五

品騰視深淺物理有如斯踰蹬夫豈鮮耐心好相
俟沽之休嗟晚

侯潔軒刺史華下遊春圖

雲漢南宮人

城頭千仞玉芙蓉官閣浮嵐滴翠濃坐覺郊原春
浩蕩行留車蓋看從容路迴花塢侵芳草橋跨煙
溪偃老松合著新圖替潘閩風髯駐馬對三峯

古木椿

瀏水清無底綠萍合水面遠渚落漲餘木椿尺寸
見極目看點點碧海浮元燕長風卷層波出沒中

流半昔聞伐雲壑樹之衛郊甸堅質如鐵石百劫
埋不爛入地知何極撼動舉無患作事在古人精
實足制難應噉鹵莽者憤爲搏沙散居民習於泗
潛伏費拽鑽譬似截老蛟剛能取一段細文黝而
光微香通鼻觀相材得所用裁成青玉案

西瓜

大編襄陽來載有襄陽瓜估客高價直一朝倍長
沙楚人食之甘斗萍漫矜夸飽啖秋陰寒不惜冰
齒牙五月涇渭間嘗新自農家土脉受來厚色正
如黃花快果比衰梨鬆脆實有加此時欲除蔓亂
堆飽豚豕從來珍赭石丹未研三巴地不產良璧
砭硃抵瓊華

荷塘詩

卷十三

六

藕

誰拔如船藕太華三峯巔冰桃同一薦瑤池登華
筵清絕瀟湘曲沼汜多白蓮取時及花下碧露朝
晴天兩端分老嫩修潔難棄捐生熟俱宜人藥籠
留節圓舊說司馬塘平波葉田田靈根應手斷寸
絲無糾纏水南有佳李並歸永陽偏誰能爲口腹

食物窮芳鮮

贈張六明府能祐

任伋賢豪

謂燕村通守

說子賢交情金石共西川自然

玉樹臨風皎何者蓮花似貌妍成誦文書纔過目

憑人揖讓祇隨肩晉陽冠蓋相逢地我亦當時最

少年

得守坡司馬書約於長沙取別馳聲奉答

歸計料應熟萊州定秀州

家高密倚居嘉興

禪看中興頌

題到岳陽樓嶺澗丹楓老天長白雁秋菊留一

荷塘詩 卷十三

七

半滿酌待行舟

疊韻訓陳芷問

嘹唳連聲響朔鴻呼羣點點入霜空為看聯絡客

禽影有似交游君子風意密不關比舍近談深難

得兩心同誰傳招隱淮南賦一曲山幽桂樹叢

問答都來忘主賓誰論下里和陽春琴書偶亦乘

清興著作專應屬散人析理超超歸有著立言憂

憂去其陳從君起悟知多少宛轉關生在浹辰

四疊前韻簡芷問

指爪痕如雪裏鴻得從居士更談空海熬拚作三

年釣天籟量非萬竅風妙絕機鋒經好對那煩步

驟定相同華箋看取詩屏就六曲圍床錦繡叢

要憑文醜樂嘉賓試手新成麴米春載向溪山最

佳處呼同伋與不羈人平教量受千鍾得詎比鎔

容五合陳乘興往來都已慣不須卜筮卽良辰

盛拾雲詩不落筆疊韻挑之

難成縱目送歸鴻對景躊躇一紙空但使神來乘

手筆定知草就愈頭風大松數武才誰比十載三

荷塘詩 卷十三

六

都事許同解識忘言真得意請看栩栩起眉叢

文人十二有龍賓惜墨如愁漏洩春萬里培風方

展翼一鳴跨海自驚人卮言每下通於上粟米雖

新出木陳匣劍深藏胡弗試夜間寶氣上星辰

示菊男

大字縮令小小字拓令大游於八法中神於八法

外正筆先正心欹斜休無賴結構必緊嚴風韻自

映帶仔細盡萬紙快比風雨會未敢望鍾王詎失

為米蔡

答傅二遜修

閒中覓課笑吾癡觸事須看與性宜餘墨情之成
小畫明燈就得改新詩秋豐水曲山隅徧冬暖霜
風霽景隨助理有君惟畫諾年來况復罷彈棋

送張儀南郡丞之任江華

此行斑舞一軒渠得自

彤輝拜

命餘注考上官憐悃幅賁錢故老助舟車

大中丞又川李

公疏稱為人質賁君
去瀏陽致缺資斧年來奔走勞

荷塘詩 卷十三

九

王事宦入溪山似里居暖谷消閒容借住三冬陳

篋課兒書

荷塘詩集卷十四

涇陽張五典敘百

董子祠

言入廣川路來尋董相祠望門先下馬陳酌試披
帷學究天人得書難弟子知公孫心見嫉應早辨
醇疵

麻姑城

漢武東封日麻姑並設壇如逢青鳥使定授紫金

荷塘詩 卷十四

一

丹瀛海飛塵絕砂珠擲米難學仙今有自笑指酒
帘看

東方朔祠

高唐

東方有諫術自是漢賢良學本三冬足身聞八尺
強奇言爭附著雜事半尋常慨慕閔人代遺祠近
故鄉

鄒縣謁孟廟

喬木參天椽桷新當階展拜肅心神三遷教自承
賢母百里居還近聖人道覺齊梁休雜霸術驅楊

墨要歸醇七編舊誦遺書徧氣象巖巖望倍真

清江浦過李梧陽寓齋瑞岡武進人

家藏書萬卷到處必相隨腹笥故無底門人多取

資隱囊供倚座如意藉支頤訪舊清淮曲從新欲

問奇

漳南春色好高館共論文山茗雨前試益蘭風裏

聞游蹤分嶺路離思屬江雲笑拭黃塵面乘閒且

對君

勝下橋

荷塘詩 卷十四 二

低頭向少年一笑受其侮豈有無雙士而令與噲

伍

感淮南王事

謁帝稱呼不自知劉郎枉託是洪支但將術法參

黃白門下何勞聘九師

家雞牢犬也昇仙昂首雲天得衆憐只道靈丹能

換骨如何聲息尚依然

玉鈎斜

美人爲黃土魂猶戀故處桃李艷春風嫣然似解

語

三賢祠

歐蘇高座前漁洋好侍立當階有來客再拜一長

揖

鐵簫歌爲如皋林李作

荷人手捻有孔鐵廿四橋邊吹夜月爲問得來何

處所阿誰指授調孤絕自稱少時愛音律豪竹哀

絲意不屑仙真縹緲彈雲璈響入層霄劇清微彩

霞搖影鳳凰飛萬仞秦臺高嶽嶸劉郎幻妙度新

荷塘詩 卷十四 三

曲宮嬪讀賦紛成列扁舟載酒泛黃州幽壑潛蛟

條出沒望古脉脉自感通心神追慕豈有詠游踪

偶爾到漁陽繞塞冰河沙岸裂老翁拾簫鬻村市

傾囊相易一言決試之不須蠟貫底澄濁短長適

中節行笥藏弄隨書劍興至臨風奏一闕九龍山

人王孟端竹石妙用墨汁潑簫聲旅夜隔牆聞酬

以簫材叩鄰闔此夕歡逢既邂逅投報未知消底

物挹袂便與登朱樓銀盤魚美金樽凸

瓜洲送家文石之任連平

吾兄曠達人亦惜他鄉別情分兼友生老懷多苑

結歷官當北燕遠道涉南粵盤山舊迎 鑾淑陽

近依 闕攜家潞河船迴首薊邱月况復陟前岡

江亭兩分轍岸樹連枝柯旅雁成行列矢心畏簡

書無為重妻切計程度庾嶺應及中和節眠食準

風土裘葛視寒熱吾家老刺史遷轉領鹽鐵先伯

初任此州到日九連深遺事問吏卒花穠官舍靜俗淳

省識決兒書課早夜手筆試一掣乘間入羅浮璇

房叩棖闌倘逢古仙真好乞養生訣引年挂冠服

荷塘詩 卷十四 四

潯陽舵輕振尋我自白下燈明酒樽凸未嫌心境

雜丹方定可說欸欸謀歸田帶笑示佩玦

虎邱值呂蘭浦卽別公滋新安人 舊令介休

花市茶亭取次行春風握手認分明已聞彭澤歸

陶令偶到名山遇向平曲磴苔深雙屐軟前溪柳

暗一舟橫挽留無計空延竚雲水山來是性情

題蔣薌舟藤谿小築圖二首

步屣藤溪上東風繫纜初正逢春雨霽便造故人

居石徑千尋木香芸數架書十年重會而抵掌笑

軒渠 憶作瀟湘別魚書已屢傳容顏駐何藥意興倍當

年畫卷開巾襲風爐起茗烟從今來往熟門柳野

橋邊

胡鑿泉太守索題琴鶴松菊小照

畫手龍眠李伯時收將遺事筆多姿高齋清况三

衢老令節芳醪五柳詩公麟為趙景仁寫琴鶴圖 又寫東籬采菊圖東坡並

有自昔似聞矜格調而今好得共襟期丹青若許

參吾意補桂堂前綠滿墀蘇州郡署雙桂相傳為 前明况公手植左一株

無存歷諸太守旋種旋僵

荷塘詩 卷十四 五

鑿泉補得客以名其堂

虎山橋 為有看花興衝寒一擢來推篷風雪裏半樹剩殘

梅

師子林 為地祇尋丈巖壑曲無數雲林老畫師餘事兼工

塑

贈林鐵簫 貌似枯槎鬢點霜青衫襟袖太郎當獨操裂石穿

雲技肯踏織歌艷舞塲筆札風神出羲獻吟篇體
格有齊梁與君便好叅名理繞指尋看百鍊鋼

二月二十五日爲先君忌辰攜菊男至靈巖

寺禮佛因成一律

手寫經旛對法流夢中先兆見來不故知兜率爲

歸處却倚靈巖是舊游先君以壬辰南游住吳門者兩閱月滿目雲

飛失鄉路幾時鶴語到城樓名香除日湘西寺還

憶寒江曉泊舟癸卯歲除借菊男過嶽麓爲先君禮佛有詩紀之

沈雲椒少司馬示蘭韻齋詩集並索拙刻賦

荷塘詩 卷十四

六

荅一首

笠亭徧數浙西詩朱進士瑛妙語東陽畧遣知此日頓

教躡量滿向來原是豹斑窺垂紳清曉雲均上落

木高秋野望時臺閣山林歸一手對慙伎倆故誇

癡

過程望川刺史時三子同案入學

是誰游宦地昨夜盡書聲見比河東薛家原洛下

程鼎爨分位置花木亂縱橫得畫因招客深心許

細評

將之松江

秋風昨夜到來初料理扁舟恣所如顧我季鷹堪

絕倒宦游還說爲鱸魚

金山縣

縣城臨大海官舍寄洙涇眼界嗟寒窘心期入渺

冥蓬萊欣有託前令杜文輝嘗任蓬萊彭島舊曾經便約攜

琴去魚龍近許聽

過葛翹圃明府承恩寺寓見紅梅數盆是新

覓得者因調之

荷塘詩 卷十四

七

暮隨風雪渡江來向曉禪居霽色開忘却鈴轅趨

謁府先從花市走尋梅奚奴指點移歸權幕客招

呼對酒盃共訝稚川何伎倆丹砂手擲又成堆

呈袁丈簡齋二首

瘧爲君子病驅遣得新方自誦驚人句誰勞解藥

囊江城朝雨過山墅午風涼閒坐乘佳興兒書課

幾章

秋初還作熱應緩上籃輿嬰鑠雖忘倦迫陪且暫

疎蟬聲落高樹荷蓋偃清渠準擬通談笑親來問

起居

次韻答簡齋二首

山前別業半依城，路僻林深鳥不驚。
欹枕窻間聞澗落，杖藜脚底看雲生。
楊因好客終朝設，身自辭官卅載輕。
數與接談多近道，寸莛也許發鐘聲。
當初叶卜此移家，陌上圖書載幾車。
作傳自緣彭澤柳，謀生人識故侯瓜。
招尋憐得心相印，篇什看來眼欲華。
經月匆匆疎問訊，紛然案牘正如麻。

和簡齋示子之作

荷塘詩 卷十四

八

真有讀書種，還吟賁子詩。
老翁心望切，初學路防岐。
蜜取千花得，鍼憑一杵為。
聰明早成就，應好慰期頤。

疊韻酬簡齋

寓公老傍石頭城，早有文章海內驚。
白髮千莖如雪淨，洪談四座尚風生。
暄妍檻外花光麗，陰翳簷端竹影輕。
一語堪憑為頌禱，鬧亭世世讀書聲。
論交原是舊通家，門外來停問字車。
欲把藏書倒篋皮，有煩留客具茶瓜。
勞生難說心無雜，廢學空

嗟鬢已華終擬相從聞道要因依
笑得比蓬麻

三疊韻答簡齋

笑我匆匆唱渭城，斷無奇語使人驚。
安排畧可追強韻，獎借頻勞向後生。
碧水潭空秋影淨，元蟬蛻解晚風輕。
眼前指點秦名理，領取瀉山椿喝聲。
叉手詩傳大作家，追踪誰敢駕飛車。
神仙自擲成丹米，兒女空雕乞巧瓜。
偏以年高交李泌，何堪才冗對張華。
朝來沽酒思相覓，雨脚森森又似麻。

東張雪鴻乞畫

荷塘詩 卷十四

九

君別秋槎有幾秋，文安紀觀察為君舊交南來送我跨行騶。
丁寧閒步一作烏衣巷，問訊今時顧虎頭。
密識深沉航白酒，中年雅淡志丹邱。
故應出手詩清絕，格極無聲足卧游。

盧抱經學士示贈公白雲詩集禽言十二有

關風教讀而倍和之

提葫蘆前村有酒行，可沽客飲莫嫌酒味薄。
本鄉秫地多瘠枯

提葫蘆誰饁田間婦與姑力作午暫歇樹陰醜酒

坐酣呼

葉貴了葉貴了蠶生滿箔蠶飢可奈何典却釵環供蠶食米價平來贖應得

葉貴了蠶未老絲客攜貴來遠道支取客貲指新絲斤兩那能計多少

麥飯熟開甌香滿屋山家不解炊梁肉夏餐麥飯冬豆粥

麥飯熟麥飯熟來捧滿掬阿儂生長魚稻鄉食麥仍然不果腹

荷塘詩 卷十四

十

不如歸去故國田園料如故如故自可樂即不如故亦關數人生須求歸宿處

不如歸去半生奔波在岐路故鄉迴首復添愁知交老盡歸何處

泥滑滑倒御人車脫轄行行苦泥深深處未到脚速拔

泥滑滑三馬注坡一馬瞎瞎馬倍凌競兩馬回顧作悲鳴相憐意殊厚同槽亦已久

姑惡姑惡生性阿姑尚儉約富室女兒新嫁來鹽

米丁寧防鼠雀

姑惡姑惡姑不惡姑憐新婦好織作婦得姑憐勿嬌慵長似新來姑自樂

布穀布穀作聲不佳苦催促老農歲歲聽已熟秧針雨前策黃犢

布穀布穀百穀種成厚積蓄半以自食半公租長官爭忍施鞭扑

得過且過夜餐已罷便酣卧計較身事及未來多應展轉無一可

荷塘詩 卷十四

十一

得過且過貪不知足計終左惟有力學人此心戒顏情難說得過且過

脫却破袴新袴著來寒可禦重翻破袴仔細看山妻補綴亦已屢

脫却破袴寒溪水漲撩衣渡瘧病既全除任從冷媛都無怖

春去也今春已去有來者東風自年年花前引杯

春去也春去不可留青鬢忽忽換白頭光陰迅似

箭課兒早夜加書籌

蠶絲一百箔堂屋看磊落纜絲已有期兒食蠶蛹
應大噓

蠶絲一百箔蠶婦辛勞瘦如削鬻市完官租囑咐
良人莫奕博

拆鳥窠兒曬雪晴真一快養羞憐汝苦無多休教
拋撒遺織芥

拆鳥窠兒曬連朝風雨大不趁新晴將何待戶牖
好綢繆仍避太歲之所在

荷塘詩 卷十四

三

四疊韻訓簡齋

年來領簿在嚴城每顧塵蹤暗自驚琴上徽絃都
未具指端荆棘欲叢生窺公自是憐才甚於我翻
疑許可輕小力時教走風雨又聽剝啄扣門聲
詩筆兼長是大家莖林看作指南車好餘風味如
餐蔗清徹冰心勝鎮瓜杜老自言交有道李生豈
信吏而華平時學問原疎畧縷析工夫愧績麻

五疊韻呈簡齋

少年曾到秣陵城去後逢人問自驚異地都知有

中隱爲儒可不謁先生游踪萬里衰仍健筆力千

鈞重亦輕好是宿心酬已得山林杳冥識琴聲

郎君玉立可承家好讀藏書三十車畫竹胸存千

畝竹得瓜手種滿畦瓜分陰寸晷心應惜大布粗

繪氣自華學道無成還笑我空投名刺逐紛麻

六疊韻呈簡齋

夜來風雨過江城鵲噪晴簷曉夢驚得作清談就
詩老未將習氣脫書生游廊曲逐花欄轉卧閣低
垂葦箔輕童子亦知深愛客淪茶聽取汲泉聲

荷塘詩 卷十四

三

過隨園

朝暉山郭有千家望見門閭駐小車奇問子雲忘
載酒吟聯摩詰記鋤瓜池荷翻露猶擎葢籬菊迎
霜欲作華聞說高齋逢客去每招隣叟話桑麻
游跡隨園年例在先於重五後中秋從知殘暑無
他詣得就清談爲久留花影離離圍座席松聲謾
謾滿山樓攜筇相送斜陽外長嘯迴聽出嶺頭

訓毛侯園學博

詩是君家事相逢出手難吟癡餘副墨點筆爲研

丹門巷秋溪繞松篁晚吹寒間中得乘興就語坐
更闌

送召佩弟旋里二首

榻對南齋夜夜向鄉心陡覺起秋風重來不作經
年約準備椒盤共阿戎
到日冬初同樹汗城東祭掃曉霜天槃匱未致南
中物教戒仍然秉昔年

寄芸萬荃三姪

高秋曙色向窻開乾鵲簷前噪幾迴正倚畫欄凝

荷塘詩 卷十四

十四

目望適傳試帖過江來文宗容易堅清操華選如
何副茂才門戶好留期汝輩藏家賸有舊書堆

過袁香亭太守寓園

秣陵卜築意何如地接隨園尺咫餘宦跡生平原
潤別老年兄弟肯離居乞諧病假身將隱疑受仙
方鬢未疎不比彭城松竹裏卯君方憶對床初

喜鄒敦實過訪卽送歸清泉

錫名

江頭來繫孝廉船名利驚看起躍然好得杯盤留
一醉從前硯席共三年士流誰識鄉前輩牧豎平

侵有道阡君高祖諱統魯前明乙科嘗乞師廣南
驅逐流寇事載郡志近有某解元者祖
一土豪占其地構訟經年攜手臨風增感喟魚
余爲致書李開軒明府禁之

書丞水幾時傳

寄問羅徽五鴻臚陳體齋余存吾兩太史楊

雲亭大尹段繡男張悅亭陳芷閻三學博

余衛生選拔盛拾雲陳蘭莊兩茂才傅豫

峯布衣感憶朱勿芝司馬一首

海內多朋好寧惟楚有材羈縻經歲久次第託交
來遠道江漫渺高天鴈往迴應傳爲朱季會葬鹿

荷塘詩 卷十四

十五

山隈

次韻荅香亭

畫格分明仿六如吮毫對客笑談餘應辭海國風
濤路來就江干水竹居觸熱經時愁襪見心好
是諒龔疎拍歌燕市同酣酒未是尋常識面初

三疊韻荅香亭

歸去來兮意灑如圖書重理蠹殘餘絕無寶玉看
垂橐豈有龜著解卜居路過橫溪橋宛轉煙開古
巷樹森疎看君才力猶強健誰許徜徉竟遂初

送江寧吳明府移任高郵

君才武庫自多儲用急新看奉急符官路孟城原
置驛人家邵埭總瀕湖長風騏驎駸駸去舊日鷄
登兩兩俱揮手離亭還顧我幾迴臨發又踟躕
客言隱仙菴有桂二株特古約中秋日同往

先戲東菴主

佛廬老桂種何年好是看花月正圓滿院流香本
無隱兩枝得氣便稱仙漁洋詩兩枝
仙桂氣凌雲誰因露泣爭
高嶺自任風飄入遠天篩辣似聞新釀酒社中陶

荷塘詩 卷十四 六

令合偏憐

龍潭驛

把炬栖霞上筍輿江鄉蹊路半沮洳港煙林雨開
初日水驛山郵集此墟偶共養廝圖憇息久從奔
走送居諸白雲影外華陽洞定有高一作
崎人覓道

書

舟過金山下

身到金焦擬借居留題記取廿年餘官程登眺都
無暇游跡消搖不似初雨足平添秋漲濶天長寒

浸曉星疎坐輪老衲山牕下清夢迴時聽粥魚

東袁簡翁

出游有例自年年盼過中秋好相入聲延里巷聚觀
喧婦孺屐箠指說走神仙丹楓鍾阜金庭外畫舫
秦淮石岸邊且約從容爲後會朝來素榻已張絃

四疊韻問香亭病

名場去就各羈如進退偏看綽有餘敢向良時說
高卧且據真性賦閒居泔泔已料頭風愈碌碌終
慙脚踏疎滿院木犀香欲散籬花又是得霜初

荷塘詩 卷十四 七

贈內

茂陵人在廣陵居渡口迎來爲侍書泥拔金釵充
聘直能教我勝馬相如

綺窻攤髻對秋燈吳語嬌癡問小磨專夜已聞親
許予君家家世本延陵

寄崇明山長吳士仁中翰教杭州人
舊任大同

塞鴻雪際兩分飛尺素難通風便稀近況從人聞
歷歷離懷垂老覺依依穩乘湖舫凌滄海共識經
師出紫薇可憶高秋文字飲雲中官閣坐晴暉

和簡齋先生重赴泮宮詩三首

早歲曾經到石渠為嫌腰重却金魚如何拾芥看

青紫偏憶襦衣著體初

青青衫色淨無華妙相猶如淡竹花

吾鄉韓公言嘗言襦衣

雅製如淡竹作花也一自中年遂初服可還披曳卧煙霞

卷帙增新紀歲時偶談甲子棚雙眉近賢應比黃

崑圃重賦瓊林與宴詩

北平黃公叔琳有重宴鹿鳴瓊林諸詩

玉界尺 并引

隨園故物也為偷兒攫去展轉從陶生渙悅

荷塘詩 卷十四 六

覓售其黨欲藉為傾軋生父子計生覺之徑

攜以還園主且賦小詩僕多生之敏幸尺之

得所歸而有愧於心因為走筆

分明失却睡時珠難說翻飛羽化孟坡老仇池纔

尺寸思公筆格本珊瑚無能止暴慚涼德還為移

山笑大愚希代寶歸從閒道有心人許是吾徒

重陽送盆菊與袁春圃方伯枉詩言謝依韻

奉荅

粲粲黃花作色鮮輕霜染出似相憐移從深谷重

巖畔為致修廊曲檻前蜀港潮通秋漲水鍾山雲

豁曉晴天魏公此日乘吟興高節分明著暮年

送吳豐山之巢縣

鎮嘉興人以卓異任辰州郡丞罷職奉教巢湖書院

去傍巢湖主講堂田園迴首惜全荒舊來泛宅三

湘遠夢裏還鄉一水長注考上官空薦剡有生孤

癖著 入文章贈行特得新詩帙長物堆書正滿床

豐山將行語次及芷江舊事且命子秦階從

學於僕賦荅之

巫州承乏似前因舊令端為十驛貧負債負憐從繁

荷塘詩 卷十四 五

費得循良聽到去思真天涯浪跡如漂梗眼底佳

兒足荷薪留住三冬安所補幕中盡是讀書人

與霖仙郡丞夜話即送之潤州

自將恬退養天和對景無端感喟多急來求子應

非偶老不如人可柰何揚州醉倒金盤露白下聽

殘玉樹歌輸與故交綠底事秋江星月涉長波

龍江關造浮橋因東蕭鍊師

石頭城畔作重游七里全空舊日洲淘浪沙頽江

口近望洋客待野航浮霜天龍見思鄗水鐵索鯨

聯仿惠州自晒濟川無遠畧一橋還就衙人謀

送盧抱經學士歸杭州

聲華八采冠詞臣講席名山道脉真晉楚之從吾

通見學士嘗督學 杉杉識是舊門人

幾見甄陶有棄材公超市在大江隈心憐溷跡風

塵客也許乘閒問字來

新來偷禮繫烏羊竹筒勿勿薄具粧稱意向平婚

嫁了便攜快婿上歸航時與孫郎同行

夕陽霜樹鬱離亭迴首遙峯入紫青桃李春風重

荷塘詩 卷十四 三

有約擬將侍座聽談經

雪中過隨園

野梅開徧小橋頭杉竹凌寒碧更幽卧掩雙扉逢

洛令興闌一權笑王猷得從問字分形似不用翻

書費校讎便擬遲留到深夜願憑暝坐復迴眸

退谷弟至旋歸

盼汝南來怯汝來燈前促坐一樽開對牀且叟談

天口經歲長登避債臺我輩謀生疎作計壯心依

舊幸無摧卸裝便整歸裝發絕似伴狂老萬回

蕪湖晤家仲模兄丙午三月

廿載離情夢想間遠來一握暫開顏雨前恰到仙

芝若檻外平臨赤鑄山慣向風塵隨燕雀枉稱詞

賦動江關對床且作通宵話往日升沉付等閒

聞趙彭篋鄉舉故人梅埤文學次子

鋤經堂裏客遺得手抄書伯氏恩斯極孤兒學有

餘期為天下士早上計偕車

壽考勤稽古諸儒集石渠

荷塘詩 卷十四 三

荷塘詩集卷十五

涇陽張五典敘百

鄒若泉處士爲治有弟寫真老僕婦見之謂
是余三十時小照因書左方

子弟肖父兄在貌尤在神肥瘦容有別黔皙非所
論季也相豐下降生以庚辰齒長二十六提抱夜
連晨不知歲在苒突而著冠巾同桁拽我衣比肩
齊我身從學攜書束上黨漳水濱官齋多閒暇課

荷塘詩 卷十五

讀日數巡文筆粲如花誇張示衆賓紈袴絕習氣
性格本來馴遇事能警敏歷試藉艱辛客秋逢大
比西笑故向秦失解重涉遠江左省慈親來及奉
版輿卮酒佐兼珍便和獻壽詞篋填迭奏頻何期
厨下姬公然解說新諷誦不去口愛才決必伸恐
其近於諛遣令勿復陳賞詩家有例亦合圖麒麟
還憶蘇玉局自題舊寫真弟對老兄語超妙識軼
倫我乏駐顏藥得此覺長春三毫添頰上或仍俟
畫人

送楊雨梧太守之武昌

防河經歲矢冰競去擁雙旌意興增治譜家傳少

司馬君曾大父以齋先生才名早竝大中丞令季雨松撫軍從知循

績加三楚熟領互談入上乘迴望揚州舊煙月高

樓黃鶴到時登君嘗辛甘泉

送竹軒家五弟之任袁州

武陵握別五年餘行篋多藏寄到書已向袁江馳

鯉素何期鍾阜問官居西東宦轍原無定兄弟關

情只似初隣郡分符有弱季時十三弟聯應同閩

荷塘詩 卷十五

海老相於竹軒先公觀察並先伯觀察舊領福漳兩郡

送酒與楊處士羲山培卽問疾

竹石枒槎天籟閣真行歷落擬山園屢煩投我歸

藏弄暇想從君事討論陰翳松筠紆蘚徑凍僵烏

雀閉蓬門暖寒并取醫消渴清耐平分若下罇

送袁春圃方伯還嘉興

維公戀 關心解組終葵向示疾卧石城含情理

歸榜通籍卅載餘注考每上上峻標蘊冲襟身榮

占心相珥毫列清班稜稜著風望還轉領外臺歷

歷治有狀王事勞馳驅南閩北亭障中間任江左
復陟叶謠唱既獲龍節乘還看隼旗颺引咎甘贈
蹀旁觀代惆悵鴟鵂息六月艤艦歌疊浪驥足嗟
暫羈烏私痛難償平生存永慕會不逮祿養花甲
亦已周先靈仍總帳五夜魂夢驚雙眼淚波漲寓
居久鬱鬱隱憂積悵悵若不及斯時何待營禮葬
大事應須畢餘俸猶可仗綠岸指梅里駕湖權容
漾湖灘趁樵風會稽山幽曠負土頰麻衣拜跪扶
竹杖有弟同苦由二子助七鬯獬虎鐫青珉松楸

荷塘詩 卷十五

三

園碧嶂名阡揭新表守戶授豐餉宣力矢悃誠邗
隆敢高尚趨朝偶稽延還鄉非閒放報國故有
日齒暮而才壯行矣莫躊躇

仁君山藪量

與蔡呂橋進士夜話

曾源成
都人

人生性所航初不論閒忙結習既難除同好况相
將昨者送使節李雲巖制君
移任四川渡江已夕陽驛館逢
邵子江浦邵無
恙明府新詩互評量喔喔雞三唱劇談樂
未央盥漱揖道左省却倒衣裳今來與蜀客邂逅

冠蓋場衆中覺小異語妙喜清狂招邀過縣齋爐
熱沉水香手揮散羣胥便請探奚囊刻燭歌復就
明州派自強字法欲逼古家風漢議郎徐問來何
自游梁到武昌借籌中丞幕畢秋帆
撫軍贊畫紫薇堂
陳望之扁舟東乘興煙花看維揚蠟展躡金焦引
領試望鄉大篇和坡公十言灑洋洋期約赴地主
寒香話對床時王夢樓太
守歸自漢陽黔西老開府賓從皆賢
良舊會領記室從軍雪山旁重聞入劔關取別一
舉觴胡不徑借去男兒志四方僕也混風塵結交

荷塘詩 卷十五

四

多老蒼留之數晨夕當爲傾皮筐太守桑梓情宋
龍
伯溪郡癖亦主詞章僚吏抱經術寶愛勝琳琅此事
近稀有碌碌競趨蹌有嗤鼻脛短憑教文談長折
簡向江浦促令好做裝合並秦淮曲霜月泛輕航

寄邵大無恙

餉我以越州經歲之名酒饋我以稽山鬪土之冬
筍一力負擔攜詩筒小印緘滕劇嚴緊屬我雌黃
心事真紙尾丁寧休示人燒笥温酒叅詩語便與
粘壁紗籠塵客來指點共流觀氣含冰雪有波瀾

譬猶置身山陰道巖壑雲霞令人應接難汝南才
子家岷峨謂蔡萬里橋邊放畫舸目空江左少推
服獨稱今世有東坡未免溢美難作準擬以竹垞
庶幾允期君文讌石頭城當筵擊鉢賭警敏還憑
清貺充飲儲蜀蠶巢菜知何如我雖止酒藏酒富
坐看一斗一石同澆腹中書

贈成嘯厓

多君貴公子風味一書生欄檻霜筠密軒窻蠟紙
明三巡持酒誠五字屹詩城近衍竹枝曲深憐又

荷塘詩 卷十五

五

手成

紅蘭行 并敘

石城女子陳淑蘭適鄧生宗洛生詩才不及
婦遠甚而伉儷之情固篤也室有蘭春作花
色紅唱和紀異且徵詩成帙生夜出失足墮
水死淑蘭遂投繯家人救而甦者至再曰吾
過矣爲夫立嗣卜葬詒侍婢扇戶殉焉袁存
齋太史爲之傳僕因成詩

不分世間閒草木於人多事管興衰蘭兮蘭兮本

素質春艷忽爭桃杏姿料峭寒風送飛雨飄零疑
秦山香舞水雲瀾渺天黃昏泉路一條獨識取願
諧同穴夫有子貞到妾心理不死應化雪色荷駢
花或作青柯樹連理

暮過隨園值主人宴蔡呂橋進士座客爲周

玉屏明經方甫驂上舍陶怡雲王西林兩

茂才卽席成詩

縣官情性儉欸客無佳設喜聞老寓公文讌在山
岳珍錯備水陸涎垂思一啜公事乍了却鞭馬踏

荷塘詩 卷十五

六

殘雪覓路向黃昏竹籬穿曲折樓影望突兀燈火
漏墻缺笑語落高颺聲音辨幾徹從下作遙呼酒
巡爲暫輟執手駭相問不速來何決踪跡出處分
真契磁石鐵舊好並新知臭味奚差別結交年忘
贊因言心見茂強韻各能赴雅謔自有節憑仗主
詩盟妙得通禪悅還叩青城人鄉味試評說釀何
似耶筒鱗可類丙穴前宵杞菊厨原不嫌薄劣後
會邀諸君稍稍加豐潔杯槃已狼藉酣歌趁耳熱
欲喚羌笛至月中吹數闋

明日蔡呂橋進士和詩至依前韻答之即送

游越

世俗諸禮數豈為我輩設却教塵壘中蹤跡置張
呂滋味多苦辣攢眉已屢啜孤懷向誰論清冷抱
冰雪歷久氣欲挫砥悍志不折落落嗟寡合曉曉
防易缺飽看翻覆手失望始終徹學以名場廢耕
從谷口輟交游徧海內何曾一見決千金倘輕諾
六州枉聚鐵著眼務分明未是強區別試玉須火
足視月覺星蔑吾子負豐才矯矯尚風節所惜邊

荷塘詩 卷十五

七

方士難獲衆心悅真賞非假借敢咨逢人說挽留
作小住遠送尋禹穴到處有逢迎儘問受薄劣去
矣縱嬉遊勗哉完皓潔信得本性堅肯倚炙手熱
披肝為知音臨風驪唱闕

贈歌者江華周館

一曲清歌舊浣紗燈前玉面看無瑕不須自怯風
流墜預向安陵說落華
纖手勞將玉瓊擎緩歌便作繞梁聲翩翩小史如
初日醉煞江東老步兵

送王石長郡丞之任太湖

賜第潭潭集福堂二十四福堂為文莊公奉御書處別來樓指十

三霜喜君伯仲聯鷓序跋我雲霄看鴈行洞壑好

歸新領管家園近載舊縹緗石公山畔春相問千

頃煙波一小航

送胡鹿門秀才還汝陽殿襄座師衣庵侍御長子

風雪歲云暮如何送子歸倚閭凝一作望眼除夕

拜慈幃雖有山川阻幾曾魚雁稀遺書讀能徧應

可答春暉

荷塘詩 卷十五

八

陪宋龍谿太守行春奉簡一首

浣花溪畔看遨頭萬里橋東自放舟有脚陽春今

宋璟作亭佳麗古昇州佳麗亭為宋知建康軍馬亮所建青旂色

煥晨光徹畫鼓聲喧雨點稠不把雙鳧嫌脛短如

龍五馬許同游

題蔡呂橋江樓喚鶴圖二首

黃鶴樓前月滿墀登登函道屐聲遲上頭也為題

崔顥長嘯臨風不咏詩

乘輿沿江作戲游客蹤萬里自倉州故應重見橫

飛鶴翅掠黃泥坂下舟

宋曹武惠王祠

從古難逢節制師濟陽異代尙專祠載書蜀道迴
軍日示疾江干誓將辭共說名門出賢后還推內
舉有佳兒廟廷典禮終炎世簫鼓村翁走歲時

明倪文正祠

南都王氣未全銷裴几留題酌酒瓠龍躍鼎湖歸
遠馭鳴啼燕市徹殘宵高明欄檻衣雲閣咫尺園
陵白下橋合著石齋陪座右倪黃署榜照丹青

荷塘詩 卷十五

九

喜鎮雄牧家弟濟菴至

免恨江流不向西白香山得行簡書有詩云欲寄
兩行迎汝淚長江不肯向西流
書來旋看手同攜放舟安穩經巫峽奉使迢遙自

碧鷄族譜有稽通蜀雍人生留跡似鴻泥聯床聽

微瀟湘雨舊送行旌過五溪癸卯夏濟菴自
衡陽右遷首寧

送蔡子嘉刺史還滁州

與君互問名見面心亦見所惜分疆域差喜通郵
傳汾晉舊知好爲說瓌穎見皖上髯司馬葉湘佩
同年
推許到聽斷又誰識至處繞指鋼百鍊相顏何軒

特精心細一線伉直吾性格泥古信書卷指畫上

官前屈撓終不變疾惡太嚴切豪強任矜炫事過

輒相忘消釋如露電針砭出苦口反覆由深脊生

平廣交游惻款允獨擅歲初風峭寒凍雨逐輕霰

僕御戒行李艤舟在遙岸挽留計莫遂良箴乞手

繕擘箋雜行草燈地重呵硯諦視作何語默寫霍

光傳再拜藏什襲明珠詎投暗從今定服磨庶藉

逃斥譴滁陽山水佳春晴好遊醮到日自閒暇吏

民化行徧十咏和希真三隱訪逸彥懷人覺情多

荷塘詩 卷十五

十

引領極芳甸急遞一宿程未勞空作念符溪注大

江鯉素或乘便

送陳岸亭同年還歙縣

無能留爲十日飲且得拚作三日談扁舟振舵桃

葉渡去意莫遮興倍酣翠袖雲鬟凭畫欄清眸電

閃頻廻看因緣笑比桑下宿歸程遙指浮邱壇生

平學道知有得箕踞抵掌豁胸臆此中壘礙本來

空被誚流連非所恤若教長官輟飛檄底用匆匆

接朝浙相從妙證雪山禪廓然竹枝擊瓦礫羣峯

雲海出復沒結想青鞵縛布襪何當拔脚離風塵
讀書分占蒼巖窟

同宋龍溪太守陪長白書制府游棲霞卽送

入 覲

白下山繞郭一壑蔚深秀寺從蕭齊創跡本僧紹

舊 翠華巡南邦眷言登臨又制節向 闕廷

顧問待陳奏齋宿起中宵遠來戴辰宿路隅駐騎

從守合同盟激頂禮蓮花龕心祝

聖人壽步趨過 行宮儼若雲日就濟勝藉筍輿

荷塘詩

卷一五

二

流覽周巖岫置身在圖畫天工妙結構山閣紫峯

隈斑斕鮮舒繡楓相樹排空想及秋陰厚雲片蒼

色石巖疊堆衆皴除却灑密雪無計直罅漏小憩

試茶亭野樵供薪標望裏般若臺松響雜梵呪深

池半畝餘區區青琅玕老衲爲指說湧出非奔湊

神祇知 駕臨移潭到靈鷲湛應世道昌占叶年

穀茂似聞功德水能滿無底竇乞請補山志掩古

用信後卽此堪入告筆錄貯懷袖斷麓夕陽明下

見雙隻塚

曉過丹徒不及訪王夢樓侍讀用韻奉柬

京口江山第一奇風流占斷有茅茨右軍瀟灑今

猶昔摩詰清敦畫入詩載酒已虛聯騎約與簡齊

不披雲仍結廿年思歸程沿月來通款檀版銀燈

出雪兒

惠山泉

除却康王谷應推第一泉江湖幾時退山體未風

堅擬得銷三伏來從借數椽竹爐閒淪茗支坐試

參禪

荷塘詩

卷一五

三

晤胡鑒泉太守

關情連札託輕郵詣謝還勞爲我謀料得孫陽憐

坂驥難逢管輅卜隣牛上元舊有盜捕之迄無驗據黃堂推分

存高義絳帳垂風感昔遊尊叔衣巷座師評作榜花期許

厚爾時原說富春秋

同金方雪觀察胡鑒泉太守汪研荊司馬游

鄧尉二首

吳門此行好結伴愜山心春雨逢初霽梅花正滿

林輕輿扶磴曲柔櫓入源深拂蘚題名處遊踪後

可尋

薄暮尋歸路炬分漁火來林梢星的礫湖尾水瀾
洄指點移煙艇清狂對酒杯應知同有夢還繞白
雲隈

方雪觀察與律林上人京師有舊因以奉贈
拔脚沙塵瀕洞間肯隨車馬老丹顏前身定是梅
花衲挂杖來尋鄧尉山存有鄉音通姓氏料應詩
界脫清孱大儒原自通禪理方外猶堪作往還

簡鎮江汪稼門太守

荷塘詩 卷十五

三

晉陽宦跡判升沉羞說南亭舊所臨余與公先
後令武鄉
更爲生敢強項惟公憐我似同心春風几案披新
帙霽色軒窗俯遠林形分俱忘情分好桃花潭水
比原深

王夢樓侍讀席上三首

風懷開暢老詩人曲律重翻寄興新六扇屏山諸
婉嬾南徐勝事紀來真
舞衫都著水沉薰眸子秋波鬢綠雲玉面不曾施
粉墨孰爲蒼鵠孰參軍

歌喉宛轉趁箎簧空盡油腔舊教坊笑比熙寧張
子野初從京口見兜娘

王懋園方伯挽詞三首

茂才登漢選循績播江郊謙抑宜高位貧窮坐廣
交損財周戚里禮士及衡茅末吏原疎放偏叨雅
量包

官舍因名邸中山盃玟靈瓊樓千尺迥玉座一燈

青元日躬修謁歸期指有憑維神契明哲抗手入

雲扃公以戊申元旦祀徐武寧王扶
凡有保身明哲不如歸之語

荷塘詩 卷十五

四

憂思公私集形神日就厄沉吟移卧榻加減誤醫
方有子皆初齠無家在故鄉祖筵隨簿鹵直欲達
餘杭

答胡雙湖太守索拙刻卽送歸廬江

蘇州太守最能詩到老通懷於我私好手深沉多
忍俊粗才疎放慣誇癡難期入選藏吟篋聊可消
閒佐酒卮小几篷窻憑檢點歸帆春霽向黃陂

贈墨禪上人

心跡共雲水歸來亦有期江搖一峯影松偃六朝

枝古紙多藏帖晴軒自檢詩裹茶間就語碧澗汲
軍持

得家衡玉觀察信同仲模兌感而有作

西笑頻年望好音爭知消息似而今移家金筑貧
多累羈旅青門病又深子弟難空執袴習交游徒
繫別離心蕭蕭風雨聯床夜便擬相攜夢裏尋
和成嘯崖明經夢游清涼之作卽送北上

江郭重岡三伏天篋簷出火妨宵眠露坐朦朧欲
達曙清風兩腋生冷然笑覺胡床高步步鵬鵬騰

荷塘詩 卷十五

五

駕千峯巔偶值迴颺一吹轉仍來白下古城邊梅
梁樟柱失遺趾落星覆舟存故壘橋欹朱雀塌烏
蠻閣燼昇元灰結綺九曲滄波湮廣池長干煙戶
剩名里苔斑薜蘿雨花臺漱石穿林功德水還看
金碧煥初陽旂影幢竿選佛場杉磴松關路紆折
分明寺額認清涼雜蔣修篁開古木蜜脾連綴環
僧房幽龕燈盞吐青猷鼻觀依稀聞妙香鐘魚絕
響無人跡山犬隔籬吠游客栩栩蓬蓬一欠伸幾
曾叩齒咽靈液自昔六街踏軟紅而今一室生虛

白道遙旣識向無何襪襪應喧觸炎赫君方盛年
宮才藻性情未合耽枯槁便請春明與計借囊書
再就長安道玉堂秘署地深嚴拾級從容陟蓬島
仙境人間非渺茫好憑冰雪在襟抱

永慶禪院看牡丹因簡朝宗上人

路近山橋駐小車尋春步入老僧家疑逢方丈曼
陀雨開徧階墀富貴花午景亭亭添色麗晚風嬾
嬾轉枝斜手抄種樹書盈篋借讀頻勞爲點茶
是夕大風雨再柬朝公

荷塘詩 卷十五

六

看花好得及春晴歸路山雲縷縷生瓶浸折枝香
襲幕簷垂飛雨夜間聲已空色相知無礙幾費澆
培合有情擬把牛酥煎落蕊禪寮還許就茶鐺

瞻園雜詠 在前明徐武寧故邸西偏

青石一井欄淳熙數行字想當卜築前緬汲不時
至 普生泉

游魚千萬頭春沼通湖水幾片落花至唼嚼方未
已 蒲藻池

北眺石城巔南對甌塔影獨立突離塵羣情已引

領最高亭

蒼苔徑三折采椽屋兩架佳客如可留便與同銷

夏竹深處

迎餌無陽鱗臨流祇直鉤機心消已盡寂坐偶披

表釣艇

的懸射者中宴衍有真樂阿誰挾彈丸露行逐黃

雀射麝

寒梅應著花侵曉問消息半臂誰送來雪中認履

跡梅踪

荷塘詩 卷十五

七

三山天外影高擁一樓青日夕橫琴坐心情入渺

真蓬萊佳處

靈谷寺柬祇上人

參天松栢翠模糊薜暈苔斑石路紆樂歲叢林餘

盞飯老僧風調好吟鬚當階振履輕流世所稱

也接筧通泉自入厨脚力故強還愛惜聊從煙際

指浮圖

四月八日棲霞訪墨上人

偶因佛日到香林丈室留談愜道心大草數行懷

素帖孤風一操顏師琴簷端翠積藤蘿古樹杪雲

歸洞壑陰遠送橋南勞策杖沿溪路指白門深

和金香林郡丞論奕二首

閒情聊可寄楸枰水閣簾櫳夏簟清一訣得來惟

自守憑他賭郡取宣城

已拋戲局向江濱舊譜都難記憶真負性未甘降

國手心機自分不如人

輞水問津圖爲王千波中翰作

詩讀輞川集心愛淪漣水別業果堪營聞閒好料

荷塘詩 卷十五

六

家住華山畿藍田通路穿林曲澗流屢作褰衣

渡

欵湖華子岡遺蹟都如故鹿苑寺中來前身當一

悟

二十八硯歌贈衛叟振鐘

曉夢列侯族姓石紆青拖紫爭迎揖身材長短肩

參差骨格清寒面古色奚童走報衛處士到門一

擔羈文綺琉璃之匣雜旃檀便與安排支裴几何

年泊向端谿隈上下中岩選研材潤狹方圓隨意
取寸圭尺璧堆琪現攜歸手撫小磨礪各就本質
無雷同一時藝士文人俱咋舌直疑二十八宿羅
胸中窺我生平抱硯癖舊蓄青花蕉葉白斗墨狂
飲縱揮灑或恐磨久穿罅隙欲以貽贈還囁嚅飽
聞介性絕苞苴眼青深感如鸚鵡不貪爲寶非齟
齬却憶鳴橈下澗水宦橐蕭然少行李明山石器
歷輕舟著意收藏今尙爾丹砂爲質翠爲章呼兒
檢點出巾箱對榻風軒笑相看懸扉坐覺搖精光

荷塘詩

卷十五

十九

惟叟心力聚於硯銘從四角周中央好趁晝長無
雜事古文爲我說凡將

聞雜

六月一日作

啼曉從無爽催人似有心閒來沾宿醉且住睡鄉
深

寄巨禪師

焦山僧巨超翛然鷗鷺姿午日一識面料知胸有
詩適遇畫鷁來阿殿擁旌麾攢眉事迎送陽烏墮
嶺陞吾友王禹卿生平無譽詞達人誦好句鳥可

復伊誰廣陵鹽估之繁費防毫釐淮南諸梵刹滅
却香燈資少年主方丈頗聞力支持山蓄量歲入
完租始及私齋衆日再食諷經无慮飢出家作家
計辛勤甘若飴向夜就佛火儒書每攤披本性航
苦吟點窳墨淋漓建業餘六寺鷺田由羣緇藉口
度荒歉稽實恣妄爲近者寶華衲爭訟奪川坻雖
則激勢豪畢竟乖清規安得公數人散布江之湄
叢林歸領管道在隨所施多引方外交唱酬風雨
期佳處憑參禪體格儘離奇寄聲枯木堂酷愛瘞

荷塘詩

卷十五

二十

鶴碑重看心不厭扁舟待秋颺

高旻寺與如鑒上人

茱萸灣畔繫輕航
莎岸筠坡步曉涼
沿路誰傳靈運屐
嘗茶邀至贊公房
清池荇藻知魚樂
滿架圖書染

御香名帖雙鈎平付與永和蠶紙笑深藏

過羅兩峯香葉草堂

言訪羅舍宅閒看碧樹秋
苔濃如渲染石瘦未雕
搜經籍先傳秘詩篇老輩
投閒門斜照外歌吹滿

揚州

比日孔雩谷招同趙綠萍焦懷谷家雪鴻寓

館小集 七月三日作

交道看閒冷清歡在唱酬連朝逢細雨爽氣入新
秋斐几尊羹古茅齋竹石幽吾曹如放鶴飲啄且
羣游

江行

驟雨顛風解放晴驚濤已共午潮平布帆上溯垂
楊旂一路蟬聲到石城

荷塘詩 卷十五

三

答袁丈簡齋

老翁觸事輒關心情爲通家子弟深已向文壇容
北面還從宦海置南針西門調性長存佩千里娛
人故理琴醫到疎狂真藥石不徒澡雪守良箴

荷塘詩集卷十六

涇陽張五典敘百

戊申九月初四日紀

恩

勅旨遙宣議罰輕感深唯有淚縱橫

君仁敢道臣能直心白端因跡並清經爨琴材仍
斧斲踏枝鶴夢尙絃聲由來愚竊關真性擬徹初
終對

荷塘詩 卷十六

一

聖明

次韻葆亭觀察九日偕幕僚登明遠樓作

武昌叅佐會南樓節帥來尋居上頭欲問深宵同
坐月何如清晝好看秋佳辰自合成高詠閒興人
傳慣雅游碧港鳩茲層榭敞公餘攜客對江鷗

烏江廟

拔山真有力識字詎無文炬散阿房賄鋒爭赤幟
軍江郊空壁壘渡口自風雲來往魂應在長借舊
鄭君

隨園雅集圖爲袁簡齋題

太原公子王晉卿金粟道人顧仲瑛水石蕭森在
戶牖賓朋招攜來俊英都向蘭亭借粉本要將蹤
跡傳丹青六朝人士聚建業展裙游燕當承平儒
雅風流競作達華館幽墅羅重城屢更滄桑歷浩
劫一一故趾埋荒荆小倉山麓歸然在天其有意
貽先生遂初賦就抽身早魚袋何似芑鞋輕登高
長簫振林樾煙霞搖影飛泉清全家移住真得計
墨瀟漲池書滿棚素侶過尋少虛日口無臧否惟

荷塘詩

卷十六

二

談經賞秋偶與坐蒼蘚忘年忘分兼忘形即今少

者已白髮謂慶公似村老者僊去升青冥謂沈歸愚宗伯

蔣心餘雪泥飛鴻印指爪石壁舊題留姓名却怪

著作存大手詩筆百帙編排成卷長不自置一字

問誰主此壇坫盟還請興來補爲序鼠鬚蠶紙參

真行脫出風塵致瀟灑聚蚊金谷空雷鳴

苔彭皆山程菽園龍雨樵孟明圃沈閩山

肯將芥蒂著胷中得喪年來亦已空龜卜屈平寧

汜水雞棲伯厚故如風堪憑歧路分從北忽有松

枝轉向東多謝知交相慰問聯翩書疏託江鴻

次韻荅趙芸菘山長二首

官序應相吏心嫌亦自貽浪傳狂以醉原苦俗難
醫游屐貪乘暇磨門阻問奇神交煩慰藉一倍觸
離思

憐才具眼望爲賦短歌行白雪諧商徵青雲附姓
名蘭陵春酒熟京口野航輕載贄欣相見吾生及
老成

附原作二首

趙翼

荷塘詩

卷十六

三

枉顧偏相左瑤編荷見貽官爲強項令詩比

折肱醫聲氣三生癖江山六代奇何當遠來

謁各慰十年思

義門猶百忍仕路只孤行自是能持法非關

好立名賜環 恩命重脫屣宦情輕好望登

臺閣丰稜已夙成

家莖亭兄示十七帖並書譜臨本

阿兄官中書行楷兼顏柳京邸舊過從指授亦已

久別來通尺牘作草祇信手反覆看愈好藏弄防

織垢姑蔑泊秋浦歷守衛州池州歲時紀先後省問古藉

圻鈴閣坐風牖丙午夏燕湖權署嫩篁檻三折新荷池半

畝政簡事筆硯朱碧交雜揉欸欸說進境晉賢每

尙友就中逸少蹟初揚無擊培臨摹過中年得力

覺獨厚大令且餓隸顛素直穀穀吾聞大草法籀

篆憑叅取惟期神理足難執形似剖意態視點拂

變化歸轉紐雲烟曳縹緲蛟螭迅飛走針懸礎屹

立竹瘠籐枯朽泉注或山安壁月復珠斗譜著孫

胃曹心解乃脫口評跋太清樓精能誰比偶此册

荷塘詩 卷十六 四

窺秘奧允矣有所有工夫驗淺深示以繭生拇學

書迄無成慙欲弔剡藪若識罰奚辭數依金谷酒

疊韻寄荅李嗇生學博二首

東道曾爲主官貧缺餉貽詩文商細律藥石抵良

醫屋小香經久園荒樹頗奇過尋有舊迹風雨至

今思

猶記邀錢起謂漑亭進士衝泥屐笠行分籌同賭量聯

句遞書名塞雁連飛遠江帆翦渡輕閒官堪就我

後會詎難成

咏古

鄭人於子產終始異其詞美惡豈溢分誰殺誰嗣

之相業烈如火深衷在救時倘無風雷厲空費雨

露滋事不迨觀成愚氓焉及知宣聖子以惠原心

復奚疑

阮籍負雋才偶被太尉知委折應徵辟親故多費

詞孤行遭窮途一涕洟深悲臧否口不出青白眼

何爲志氣實宏放好爵焉可縻官廚有良醞欣然

終就之

荷塘詩 卷十六 五

雨花臺

梁武致高僧散花滿山曲尺咫故臺城可教天雨

粟

騰脂井

三閣空聞名一井尙存舊從古界興亾圍城類如

甃

報恩寺

來登長干塔望見金川門歎息恩無極當年愛長

孫

三疊韻苔寄生二首

側身從北望珍重美人貽創合難忘痛狂來自解
醫搏風鵬息憩上坂馬權奇獎借都非分輕郵感
遠思

苔書靦縷盡燈暗雜真行仕路新顛趾詞場舊噉
名嘯歌緣性近去就總身輕獨愧煙波叟浮家計
未成

與葛翹圃明府出郭過茶亭庵越夕又至同宿

荷塘詩 卷十六

六

溪月林風一片秋禪扉啟處徑通幽山僧笑客連
朝至樺燭同君作夜遊支几談深頻啜茗隔簾寒
重好披裘却思午日京江路暮趁晴霞共放舟

同宋南園葛翹圃兩明府泛舟往返龍潭樓

霞

來往同乘一葉舟居然結伴作閒游坐依清簟如
鐺脚酒買荒墟出杖頭孤塢東西沾日照亂山向
背擘雲稠郵程若使無迎送平負江郊百里秋

喜陳岸亭同年至

春初官路指容城別酒秦淮夜其傾尺牘頻傳勞
遠憶軒車枉過見交情發輕颺鼠千鈞弩息比鯤
鵬六月程怛惻一心誰得似祁山人誦伐蛟行季
祁門有蛟患君奉檄赴
勘作為長歌紀其事

贈浦柳愚卽詠賦話新刻並送歸嘉善

屢移講席近南溟未礙洪鐘叩寸莛弟子都成名
進士先生但作老明經學深東白書中義機息分
湖水上亭千載賦才歸品隲足教俛首舊精靈
四疊韻苔家芝峯索書

荷塘詩 卷十六

七

索書亦已屢笑向大方貽偶爾臨初揭猶如得上
醫煙雲姿縹緲松檜本離奇觸目師資在終年枉
締思

徧數晉唐蹟書家每抗行古賢多積學藝苑乏虛
名自覺風塵誤真拋歲月輕寸長何處覓所事舉
無成

五疊韻苔毛俟園學博過訪偶話二首

獨解攻吾短高情過餽貽銚寒膏得淬癢汗玉爲
醫東野堪稱鷺南村共賞奇罷談仍挽坐倚几正

尋思

世路有夷險坦懷非意行顧瞻惟首尾刻覈豈功名
名雨久蛛絲密風高燕翅輕願憑叅物理羅織與
生成

書家雪鴻舊畫

橫幅無題識認成黃大癡素交慨相贈陳望川絹
刺史

新稍滋疑草齋張東壁臥游心自怡祇愛溪山好

安問作者誰暇日雪髯來諦視欲裂之坐定語其

故一笑幾脫頤昔在歷下亭正值 東巡時

荷塘詩 卷十六 八

詔旨戒糜費 行殿但茅茨臣民潔除掃塗墍抒

悃私檢點及屏障義取無聲詩少年試六法丹青

吮筆爲水石成十日內愧迄今茲髯以畫得名工

夫無曠期邇來脫常徑屢變亦屢奇譬若涓涓流

積久陂渺瀾又比濯濯柳年深形支離初學務嚴

緊尺寸守槩規技老乃放膽絕不計妍媸天機與

士氣腕底每交馳容易得流傳暗中有護持我懼

富春江巖壑看幽姿疊泉響潺湲平岡勢透迤緄

黃離老綠煙林鬱參差重到知何日對此寄遠思

一作 靜思

張松泉明府來自都門卽返阜陽任贈別丹

徒人文
貞公裔

京邸沙堤有舊痕人看風度識文孫年深奏績原

臣分屏上書名是 主恩爭說錦機需熟手已聞

竹馬出遙村幽亭靈柳閒吟眺好寄新篇向白門

寄荅王西莊光祿

流傳詩筆果清敦並記 明廷策萬言櫻蔗久容

擎 紫禁松筠肯遣鎖柴門田間賽社長隨俗江

荷塘詩 卷十六 九

上迎

鑿屢拜恩春雪橫塘迴夜權賸存細律待深論

六疊韻荅成嘯厓選拔二首

多情及吾季謂召佩 綺紵屢投貽已信交如石寧聞

過忌醫摩挲分鼎贖整妮貯書奇倒皮應無吝憑

教寄靜思

論年忝兄事相值每隨行同有清狂興粗分吏隱

名江蓬擊雨重山屐踏花輕來往經時久題襟集

欲成

秣陵鎮

佳麗亭類畢六朝近郊地氣未應消緄黃翠綠沿
村樹露白葭青過市橋天闕秋空明返照秦淮夕
漲暗通潮依稀韋杜城南路棖觸鄉心萬里遙

寶華山寺

蘚磴紆迴十里遙寺門幽敞俯江皋范金法殿前
朝施 賜紫名僧遺院高靜對

御題參佛偈清聞山溜和松濤戒公池水秋光裏
欲洗塵心首自搔

荷塘詩 卷十六

十

書驛舍壁

風來欲二更著樹作秋聲村落沉沉靜星河閃閃
明敝裘原有綻駟馬且頻驚未了當官事郵亭把
炬行

送葉星槎別駕歸杭州即北上

壯年宣力大江濱六度躬逢
玉輦巡唯諾應聲羞和衆升沉信命肯尤人攜家
上塚西湖上跋馬瞻雲 北闕春中路流連重握
手白門來及柳條新

過簡齋翁不值看芙蓉返

原藉看花問主人應門一笑解留賓不言柳栗出
山市爲指芙蓉開水濱霽景徐烘增豔麗清霜濃
染倍丰神扁舟忽憶湘江岸影俯滄波帶白蘋

吳烈婦詩 並敘

桐城吳生某娶於程甫一載病歿氏絕粒殉
之

龍眠山樹經霜枯月明中夜聞啼鳥翼折靈棲影
太孤啼聲乍歇烏僵死高枝血染痕模糊

荷塘詩 卷十六

十一

人指舊巢有遺粟七日不曾一飯啄烏也自甘作
枵腹嗚呼拮据事養羞本爲雌雄共食宿

蜀魄含悽爲杜鵑海波精衛銜木填一靈詎作風
中煙當知和鳴在樹杪韓憑夫婦長聯翩

胡貞女詩 並敘

孝感胡氏女字蕭生貧貧夙孝女歸蕭誓志
焉

妾本未嫁身甘稱未亾人於禮似過中血性存至
真婿也扶父柩雪霜越通津哀毀殞逆旅魂魄猶

酸辛訃聞髮奔喪立孤告宗親系衍安定族風高
漢江濱譬如仗節士何必是縉紳有名之末造一
一出成均吾鄉姚四姑實家西樹村姚為同里守
張氏聘妻
貞今垂白所重初約婚巾幗知尙義堪徵風化淳
致語翰軒使採及楚與秦

七疊韻寄荅王夢樓侍讀二首

次第存書札匆忙失報貽心勞貪徇祿親老學知
醫調膳三牲備興歌十政奇相期爲稽古吟望每
長思

荷塘詩卷十六

三

春曉欵柴荆停舟卜夜行金函真梵諦玉糝好羹
名量滿憑臆去身羈羨鳥輕離情何可道節物已
西成

八疊韻誦家雪鴻抄續集二首

筆墨適相累譏談差免貽所耽從僻性似病得中
醫禪座聞香妙兵家出計奇會心難上手終是乏
才思

何以酬高雅當爲載酒行卽今徵古法因簡得狂
名霜樹流丹遠風蘋捲綠輕秦淮共秋泛隨意擢

歌成

蔡小癡歸自嘉禾

一枝鐵筆今王冕五嶽游蹤古尙平絕藝由來自
珍重雅人到處有逢迎秋清葛井丹沙出潮縮鴛
湖碧浪輕欲怪歸遲負初終屢經剝啄向柴荆

寄蘇虛谷學博乞墨竹巨幅

東坡竹本湖州派筆勢長挾風雨快興來槩礪解
青衫霜縑尙覺十丈隘昨者一冊遠相貽苔蒼石
瘦墨淋漓分明細寫煙月性題侵畫位數行詩我

荷塘詩卷十六

三

原卜築涓川曲好對寒雲千畝綠無端拋却走江
干借向人家看不足簿書堆裏寄幽懷雜蒔瑣碎
羅前階未得此君相伴住一色雪壁圍空齋

九疊韻荅王千波峭石寄近作二首

二王有詩筆虛已遠相貽孤竹原存馬桓侯肯笑
醫體能規雅正說自薄新奇看進竿頭步憑抒別
後思

喚醒聯床夢乘秋一送行楊椿藏饋果章頓讓題
名清課朝昏密恬懷得失輕望中華萼集連帙又

垂成

贈泰興莫柄南明府

吏治由來仗文術宰官身是舊經師精堅持論思
防忌惴惴存心怯入時柴鎮長雷中古蹟孤山聳
立大江湄一琴清獻鄉前輩彷彿遺音尙可追

十疊韻東邵無恙

邵時銜恤
傲居石城

君詩有成法老輩爲雷胎家集有懋樓薑
畦兩先生遺藁脉絡規

泉眼方書本世醫花團貪鬪艷獺祭苦搜奇格調

難憑問時賢負雋思

荷塘詩 卷十六

古

縣齋鄰寓舍尺咫易經行同訓應憐情交情豈利

名解紛慙計拙脫累望身輕終擬邀仙令謂葛翹
圃明府

金丹伏火成

次韻答周玉犀副車見贈之作

蠹編空讀十年書養氣功疎一陋儒信指爭知棋

易負獨行偏訝路何紆溪山緣分依然在文字交

游可與娛暇擬問君名父子尊君中翰公令
弟選拔之桐園林

萬籟聽笙竽

送紀小癡明府之官粵西曾藻文
安人

買醉蘇橋別歲陰數行書札竟浮沉輕輿問舊來

鍾阜遠宦攜家向桂林經地灘波千里潤宜人雪

片一冬深旌麾指處南交定時孫補山制府奉
命討罪安南勾

漏丹沙正可尋

菊兒至自都門

潞水征帆掛曉霏恬風送與雁南飛官齋娛我仍

陳篋昨者迎寒尙寄衣交舊有書情分好公卿愛

士古來稀明年京洛遙期汝此意榮於得第歸

送周芝挺之任大通

荷塘詩 卷十六

五

河西支邑米川城花柳春深照眼明自昔人煙雜

羌俗卽今撫字藉書生羶空饌入源羊美寒早裘

裁野馬輕借讀惟愁負瓶酒縹緗細細載碾沙行

寄文石兄連平

各將薄宦恃爲家老去離居感歲華海曲程途迷

雁影嶺南信息望梅花抱孫期月啼堪試愛子三

餘課好加誰道朱明通一綫茅君洞古鎖煙霞相傳

羅浮朱明洞有地
穴與句曲相通

東霖仙郡丞卽送入 觀

爲語生平醉司馬酒船且繫大江隈計程欲赴三
千里逐日難消一百杯料理病身需仔細依棲京
邸莫遲徊洞庭春色濃如許拜 闕歸來及早梅

王石長司馬招飲賦謝

尙書退直讌寒宵子弟通家每見招唱和吾曾參
末座眷構君尙在垂髫歡場星散空多感豪氣年
深總未消繡幕銀燈拚一醉老狂幸得附同僚

梅隅庵孝廉見訪

非公不一至乘輿爲談詩難得清狂客恰逢休沐

荷塘詩 卷十六

十六

期盆花烘暖日砌葉捲輕颺往復無常語掀盃欲
脫頤

次韻荅邵無恙二首

霜濃風峭歲將除清曉乘閒問客居陡訝應門童
五尺爲言病榻檢方書

詩壇未是解量才名集丹鉛共幾回時方與君讀
國初諸老詩

近識梅家新格調隅庵久不作詩
比來爲余破戒圍爐吟賞待君

來

邵無恙見示近詩並有所謝却荅

凄清客况逼殘年存問稀疎意缺然交好記從謀
面後囊空原自罷官前萬箋素几堆吟稿一縷斜
陽起爨煙何計送君歸權去樵風穩泛剡溪船

蔡子嘉刺史取別未晤而去聊寄之

君來五日金陵城諸公置酒爭相迎便便腰腹談
天口酣燕掀颺無晦明偷閒更番問邵子謂無寓
恙

舍清冷如潑水燈焰青熒坐夜深僕馬凍僵語不
止交情冷暖自古昔平時青眼也能白似此意氣
所見稀肯將歸計爲擘畫規及契結在文字就我

荷塘詩 卷十六

十七

合謀一廻嚮謝客睡鄉入黑甜祇坐應門不解事
輕帆曉掛溯江流幾度返顧心悠悠須知彼此非
熱客滿天風雪莫夷猶

次韻和袁簡齋元日詩

除却屠蘇不占先此翁事事若飛仙攜琴石室觀
滄海曳杖平山躡紫煙歲前有海州
廣陵之游未信刀圭能

益壽肯憑算卜問流年春晴徙倚蓬門外笑指東

風又放顛

過簡齋疊韻再荅一首

詩壇酒社許張先元日新篇玉局仙攬轡縈廻通
野約穿林蒼茫入寒煙過尋自昔多乘暇酬唱從
頭再紀年老至仍慙心境雜簿書叢裏寄華顛

疊韻荅簡齋

任是閒忙肯負詩篇終甘苦幾人知過從得與去聲
高談座評跋會無溢分辭杼密亂絲齊入扣戰酣
寸鐵不須持非公容易逢真契憑几頻看點領時

寄王景福文學宜興

三年卷畫溪邊路負手時時作野步春來鄉思亂

荷塘詩 卷十六

太

無端回首長天渭北樹故人得邑山水隈贊幕邀
君萬里來廳事訟稀稱臥理賓客聊供談笑耳似
聞釜餽已生魚爭不彈缺歌無車夜夢家園書滿
屋繩床趺坐課兒讀尺素報我决歸計遮留半道
舟應繫秦淮十日飲江樓出水芹芽正新脆
書鍾山書院花木記後因懷盧抱經山長
通經箋疏到蟲魚黎棗多傳善本書成市分明隨
所在擔囊雜憶當初煩公會下留賓榻許我長
停問字車草木森然皆可敬聽前綠滿肯教除

邀董觀橋太史袁香亭太守葉星槎別駕邵

無恙明府梅隅庵孝廉小集

春初公事少暮雨小軒清客至無車蓋談深見性
情爐煙浮碧淺燈蕊落紅輕薄釀難成醉藏來欲
盡傾

題家雪舫觀察公慎獨遺照

憶昔三山官閣中几杖晨夕陪我公修髯颯颯目
炯炯年已周甲顏如童有時小步窺牕櫺焚香寂
坐當書檠看心分明一止水衾影無慙塵慮空甘

荷塘詩 卷十六

尤

焦十丈花正紅滿園積雪日曛曛歲月飄忽天南
北清宵魂夢猶相通袁江千里來春鴻寄以畫像
隨詩筒竹軒令我感歎不能已南坪遺集光熊熊
善談名理無理障於宋真有程朱風龍泉秘藏星
屢終寶氣直千牛斗宮邇來始得脫石匣好印萬
本傳江東去秋松園監司以公詩集舊為有司搜
繳磨勒奉檄並無違礙應聽流傳命子
壽承詣康茂園方吁嗟前賢道力充脉脉方寸盈
伯得請攜歸如臯若冲故多治績在閩粵丹誠久已契 宸衷

過王夢樓侍讀二首

又設蓴絲筍脯筵，稊楚楚出嬋娟色，空空色參
能了應笑枯禪，未是禪。

貝葉書宜對美人，憑看妙悟破微塵，置樽特為陶
元亮蓮社分明有後身。

常州過李梧陽太史村居

為失荀文若，謂公長孫青翰茂才驅車問朗陵，達觀無罣礙
遺蹟祇緘藤風嘯，虛憇竹春融古硯冰真看多道
氣離恨豁填膺。

枉寄憑何客，浮沉已可知，便看成麗句，并與寫烏

荷塘詩 卷十六

三

絲袁浦挑燈夜，閩山鬪茗時神明只如舊，底用嘆
年衰

訪趙耘松觀察里居知去維揚矣

過尋又相左，會面定何期人在梅花閣，門臨洗硯
池蓬牕翻大集，斐几對深卮一片空明裏，林巒夕
照時

惠山寺

攜將陽羨茗來就，惠山泉老衲歡迎客前遊，話隔
年鳴風松謾濯露，竹娟娟肝肺如冰玉清光自

炯然

長洲晤葛翹圃明府

大江南北片帆風，翹圃舊宰六合來往長教笑語同，宦跡
遷移看乍遠，離懷爾我悵何窮，新齋下榻宜聽雨
小飲呼兒為擷菘，此景依然如曩昔相逢忘却是

吳中

與吳江龍雨樵震澤孟明圃兩明府比日相

借別於虎邱

知我乘春吳會來，連檣便過太湖隈笑談抵掌無

荷塘詩 卷十六

三

晨夜書札經年數，往迴蕭寺煙深敲竹合山塘，晚
霽亂花開沈醺，為怕銷魂別滿引燈前，漱澗杯

送會生林相歸南昌

實符郡丞之孫實符嘗
察為理出之蒙，任上元右遷蘇州丞恩

廉吏誰言不可為，子孫清白好留貽范喬撫硯長
含淚王顓藏書已散，賞江上名花存舊植海邊，苦
霧記初披交情三世難，揮手絮語聊憑酒一卮

晤朱明府

震因寄懷尊公次封太守，濬靈州人嘗守

嘉定

尊君卓卓鄉前輩識而夷門別晉陽篇什薛岑官
况味唐人薛能岑參
俱爲嘉州刺史屐筇泉石老徜徉來看黃海
閒乘興迴憶鴛湖便越裝雲白山青春萬里離心
根觸十年長

書近稟後二首

慣作微吟是性真也知無補損精神五年光景詩
三卷官囊江南未覺貧

無多才調可憐生知分羞言萬戶輕却費天公成
就力不教官職折詩名

荷塘詩 卷十六

戲東隨園翁 并引

翁畫夢老衲來約二月二十二日赴會諾而

去一羽士進揖曰約既定不可爽也覺則徧

告家人且笑曰至期當撒手長往耳諸知交

聞者先後詣問良然二十三日平明余遣飛

騎省之還報無恙因寄二絕句并邀觀橋隅

庵嘯崖紆亭香亭同作

夢中二客原知路數過花朝七日來爭說前言戲
之耳天留清淺看蓬萊

蓬萊清淺果何時狡獪神仙亦戲詞徐市多應向
西笑拍天波浪阻歸期

雨中邵無恙至得葛二翹圃來書

三泖湖邊放櫂迴便看屐齒破蒼苔果然舊雨關
心切到得荒齋笑口開蹤跡萍蓬誰自主癡頑魚
鳥也應哈素交移住胥江上中路逢君寄問來

答錢漑亭廣文

異人手著異書成江左相逢爲眼明官秩高閒秦
博士文章偉麗漢西京同僚故是關緣分結契還

荷塘詩 卷十六

因取性情走入風塵空失學除壇尚許共詩盟

和漑亭病目

雜說分明盡刷梳心依盲史作相於近著春秋
三傳釋疑瞳

矚何取真如電罅隙能通自照書古鏡懸崖經蘇

蝕輕雲蔽月待風除垂青終是憐交舊老阮雖狂

肯棄予

示菊男二首

文章曹植富波瀾湖海韓蘇得大觀納盡涓流千
萬派泥沙不滓練光寒



ZW 21101000823363

格調休言減性靈好添花草準葩經大家自剖藩
籬出比似真仙解鍊形

第五

男考校字

荷塘詩 卷十六

香